


wĩn nìvìní
tirlɛ



toussian du sud: wĩn nìvìní tirlɛ New Testament

wĩn nìvùnì tirlɛ
toussian du sud: wĩn nìvùnì tirlɛ New Testament
Nouveau Testament en toussian

copyright © 2013 Wycliffe Bible Translators, Inc.

Language: Toussian, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022
aaf2875e-90b5-5c14-b910-61579d3da2c7

Contents

Matye	1
Markı	47
Likiyi	75
Nsyõ	124
Tyipínì	160
Wrome tãn	210
Korẽnti tãn	231
Korẽnti tãn	252
Kalati tãn	264
Yefesu tãn	272
Filipi	279
Kolosu	284
1 Tesaloniki tãn	289
2 Tesaloniki tãn	293
1 Timote	296
2 Timote	302
Titi	306
Filemo	309
Nsyaku	310
1 Nsyõ	316
2 Nsyõ	321
3 Nsyõ	322

Matye-á nìvìnì tir nê wârki Yesu tyí sòkò

Yesu Krista duku wìl-nsahle

¹ Yesu Krista sùtó nàhkì yó ye lésò Davidile, Davidi sùtó nàhkì yó me Abrahmune. Yesu Krista mèn nàh tãn nónó-á ku sòkò, pé yni we yò: ² Abrahmì mènne, Yisakì sú ye. Yisakile, Nsyakòbì sú ye. Nsyakòbule, Nsyuda sú ye, òmò nê-á n òdìnpì sòkò yóle.* ³ Nsyudale, Peresì ànê Nsera sú ye, té Tamar me pé yúne. Peresile, Yesronì sú ye. Yesronune, Wramì sú ye. ⁴ Wramune, Yaminadabì sú ye. Yaminadabule, Nasò sú ye. Nasòne, Salma sú ye. ⁵ Salmale, Bowasì sú ye, té Bowasì yú me Wrahbule. Bowasile, Wobedì sú ye, té Wobedì yú me Wrutile. Wobedule, Nsyese sú ye. ⁶ Nsyesele, yòtè dí Davidi sú ye. Yòtè dí Davidile, Salomo sú ye, té Salomo yúne, Yuri lékókè kyì ye lésò. ⁷ Salomole, Wroboyam sú ye. Wroboyamne, Abya sú ye. Abyale, Asaftì sú ye. ⁸ Asaftile, Nsyosafatì sú ye. Nsyosafatule, Nsyoram sú ye. Nsyoramne, Wosyasì sú ye. ⁹ Wosyasile, Yotam sú ye. Yotamne, Asyasì sú ye. Asyasile, Yesekyasì sú ye. ¹⁰ Yesekyasile, Manasì sú ye. Manasile, Amo sú ye. Amole, Nsyosyasì sú ye. ¹¹ Nsyosyasile, Yekonya sú ye, òmò nê-á n òdìnpì sòkò yóle. Té légbí ye sò pé me Yisrayel no kyí mò à pé tè sòkò Babilòni yamana sòkò.† ¹² Képah nàh, Salatyeli dubi, òmò nê-á Yekonya píðine. Salatyelile, Nsorobabelì sú ye. ¹³ Nsorobabelile, Abiyudì sú ye. Abiyudile, Yelyakimi sú ye. Yelyakimine, Asorì sú ye. ¹⁴ Asorile, Sadòkì sú ye. Sadòkile, Asyimi sú ye. Asyimine, Yeliyudì sú ye. ¹⁵ Yeliyudile, Yeleyasar sú ye. Yeleyasarle, Matã sú ye. Matãne, Nsyakòbì sú ye. ¹⁶ Nsyakòbule, Nsyosefu sú ye, nê-á Mari pèle. Mari mèn ye sò dubi Yesule, nê-á pé n ye Kristale, Liyel ney yáhntòkòkòle.

¹⁷ Kòkò kòkò nónó pól-á we sòkò, sè we yò: A tókò Abrahmì gbì tyí, pópó à pò syì Davidi gbì tyí, kòkò kòkòkò gbònyáh ye we sòkò. A tókò Davidi gbì tyí, à pò syì Yisrayel no tẽnsòkòkò tyí Babilòni yamana sòkò, kòkò kòkòkò gbònyáh ye tã we sòkò. Té à tã tókò Yisrayel no tẽnsòkòkò tyí Babilòni yamana sòkò à pò syì Krista gbì tyí, kòkò kòkòkò gbònyáh ye we sòkò.

Yesu Krista dubi dùkùle

¹⁸ Yesu Krista dubi dùkù we yò: N yú Mari sò me gbínòle Nsyosefu tyí. Nte pèkì nàh sò we yah pé wró, té kè pò we Mari me kùrkìle Liyel Mirki gbò yò. ¹⁹ Té n pe Nsyosefule, négbí ye sò òne. A nàh sò me ké tyí ne pé Mari yìn yìkì névye yí yah. Képah ye à kè yah tókò ne, páh kù à yahle sètìn sò sòkò. ²⁰ Wáh me képah sòkò, Té ògbè Liyel yínyò tònpi yó pò wil n yah dékì sòkò, té yo n tyí ne: «Davidi píðì Nsyosefu, káh tíkì pì á kyì Mari fúnòle. A nàh we di, Liyel Mirki gbò yò ye à tókò kùrkì mènne. ²¹ A kù píðì dubi nê-á kù n no pwah n mò n pi pé tyípèl sòkò. Képah ye, á kù n yìn sah Yesule.»‡ ²² Té ògbè Liyel-á lésò n tẽntò syínyo-ò kò à tyi nónó yo sah, sépi wil yìn ye tyi nópi pól kò sè pì. A lésò ne nkè: ²³ «Yah, dí pí-ńkè sè kù kùrkì tókò. A kù òdìnpì yó dubi, té n yìn kù sah Yemanuwelile, nê kór-á: Liyel me ápile.»§ ²⁴ Nsyosefu-á pò dò yuku, Té ògbè Liyel yínyò tònpi-á tyi nónó yo n tyí, à sè pì. A n

* **1:2** 1.2 - Nsyakòbì òdìnpì ye Yisrayel no yìkìni gbòninó súbile. Yah n te Yenesì 46.8-21. † **1:11** 1.11 - Yah n te 2 Yòtãm 24.12-16. ‡ **1:21** 1.21 - Wáh noh pàh ne Yesu-á, ké kór ye pwáhnmo-òle. § **1:23** 1.23 - Yah n te Yesayi 7.14.

kyi Mari fur. ²⁵ Nte pèkì nàh we yah pé wró, fóó Mari syi pò pídí mè dubi, té Nsyosefu me ò yīn sah Yesule.

2

Nwǒ kèpye sòkò tyi pnèpu kyínyahnòle Yesu tyí

¹ Yesu dubi Betlemu kwil sòkò, Nsyude sétáh yǒ, gbí nê-á lésǒ yǒtǒrí me yǒtǐ dí Yerodú gbò. Yesu-á dubi sǐ, nǔwǒ kèpye sòkò tyi pnèpu me wil gbǐngbokelɛ, à pò Yerusalemu kwil sòkò, ² té me píkinyahno pi ne nkǐ: «Nsyifunò yǒtǐ dí nê-á dubi, à me nýāh sòkò? Api me gbǐngbokelɛ té ò nǔwǒ kèpil we kè wil. Képah ye á ne á pò gbílkínó sah ò yǒ.» ³ Yǒtǐ dí Yerodú-á képah tǐ noh sǐ, kè ò fòkò fǐkú ànê Yerusalemu tǎn pólle. ⁴ Kǎh pi sǐ, à me sárká syínwilkipu yǒtǎm ànê Liyel tyi kǒnsàhnó kwópú pól ye tuke, té pè piki yah ne nkǐ, nýāh sòkò se Liyel ney yáhtókòno yīne à pò dubi ní? ⁵ Pè me yo ò tyí ne: «Betlemu sòkò ye, Nsyude sétáh yǒ. Á nàh we di, Liyel lésǒ ò tǐntǒ syínyo-ò kǒ à kè wǎrkú sah ne nkǐ: ⁶ «Áwò Betlemu kwil nê-á Nsyude sétáh yǒ, á nàh me fǒròò Nsyude sétáh yǒ kwlo òngbno sòkò dé. Yah, névye yah tǐ-ò yó kú pò n dubi n pi á sòkò, nê-á kú nímò no Yisrayel tǐnó ple n pi.»*

⁷ Képah tǐne, Yerodú me nǔwǒ kèpye sòkò tyi pnèpu wǒbú ye à pò pè piki yah pí, gbí nê tótó-á pè we nǔwǒ kèpil mènɛ. ⁸ Képah nàh, à pè tekú mò Betlemu sòkò, té yo pé tyí ne, pǎh kú kyi, pè píkinyahno pi palle piri mè tyí sòkò, pǎh kú à we, pè pò kè yo pé tyí, péwò tó kǒ pé kyi gbílkínó sah ò yǒ. ⁹ Yǒtǐ dí Yerodú-á welò nópi yo tɛ pé tyí, pè me wǐkú tǐ. Pǎh wǐkú tǐ, nǔwǒ kèpil nê-á sǒ pè we té me gbǐngbokelɛ, pè tǒ kè we pé yah tǐnne kè n yuku péle, pópó à kyi yīn piri mé-nsah yǒtah sírr sòkò. ¹⁰ Nǔwǒ kèpil mè tǒnwɛnòle, kè pé ní kah vi. ¹¹ Pè me de gbò, té piri we ànê ò yú Marile. Képah tǐne, pè pé gbètukunò di piri mè yah à gbílkínó sah ò yǒ, té pé vyó yey yú mò à sán, ànê wòkò yǒ yǒ kwáh pǎn pènèkú yó, ànê làsèkwél pǎn pènèkú yó wilki sé sòkò, à pèpòri pi piri tyí. ¹² Képah nàh, Liyel gbáhdýāh yó di pé tyí dékí sòkò ne, pè káh pé syi yuku Yerodú tǐnne. Kǎh pi sǐ, pè me wǐkú káhkí yó tǐ, à pé syi sòkò pé kwil sòkò.

Nsyosefu ànê ò no tónsòkònole Yesyipti yamana sòkò

¹³ Nǔwǒ kèpye sòkò tyi pnèpu-á pé syi sòkò, Tǐ òngbɛ Liyel yīnyǒ tǒnpi yó me wil Nsyosefu yah dékí sòkò, té yo ò tyí ne: «Yǒtǐ dí Yerodú kú piri mè soh n kǒ n pi núkúnúkú ò ko n mò n yīnne. Képah ye, yuku piri mè tǐ ànê ò yúne, ò to n sòkò péle Yesyipti yamana sòkò, ò kyi n tǐ nénpó, pópó kú pò n no ní yónmòno tyí á tyí.» ¹⁴ Képah tǐne, Nsyosefu me yuku kéne lékǎhne, à piri ànê ò yú tǐ pè sòkò Yesyipti yamana sòkò. ¹⁵ Pè kyi tǐ nénpó, pópó Yerodú syi pò ku. Kǎh pi sǐ, Tǐ òngbɛ Liyel-á lésǒ ò tǐntǒ syínyo-ò kǒ à nê yo sah ne: «Mé ní Pídí ye yal Yesyipti yamana sòkò.»† kè kú wil.

Betlemu wǐnpi yrǒ kònmònole

¹⁶ Yerodú-á pò pí ne nǔwǒ kèpye sòkò tyi pnèpu-á pé vi tǐ, ò fòkò kah vyāh. Té wǎh lésǒ nǔwǒ kèpil mè wil gbí we noh sòkò tɛ nǔwǒ kèpye sòkò tyi pnèpu tyí sǐ, à núkú ne pè kyi Betlemu kwil ànê ké gbòplo kwlo wǐnpi pól ko mò, nóno-á pè nàh kah ye nínó nínóle. ¹⁷ Képah sòkò, Liyel tǐntǒ syínyo-ò Nsyeremi-á lésǒ nê yo sah, kè wil. Á lésǒ ne nkǐ:

¹⁸ «Yīnpǒ yó me n dòkò Wrama kwil sòkò,

* 2:6 2.6 - Yah n tɛ Mise 5.1. † 2:15 2.15 - Yah n tɛ Wose 11.1.

nê-á pò gbónó ànê yãm yãm tyi kàhnpínóle.
Arasyılı ye n gbo ò wěnpì yĩnne.
Pè ye yah kwlo, képah ye à náh me fàlnó tyí.»‡

Nsyosefu ànê ò no kyíntě́nóle Nasaretı kwil

¹⁹ Yerodı kúntenó náh, Tě ñgbě Liyel yĩnyò tònpi yó wil Nsyosefu yah dékí soko Yesyipti yamana, ²⁰ té yo ò tyí ne: «Nónó-á sò n yah n kò piri mè kònmò-rísahle, pè ku te. Képah ye, yuku piri ànê ò yú tě n soko Yisrayel sétáh yò.» ²¹ Képah soko, Nsyosefu me yuku piri ànê ò yú tě pè soko Yisrayel sétáh yò. ²² Té wáh pò noh ne Arsyılawusi-á tókò Nsyude mara yòtòríle ò sú Yerodı swò, tiki à tě kyínóle nénpó. Nte Tě ñgbě me yo mò ò tyí dékí soko. Képah soko, à me soko Kalile mara soko,§ ²³ à kyı tě ké kwil yó soko, nê-á pè n ye Nasaretıle. Tě ñgbě Liyel-á lésò ò těntò syínyopu kò pè tir nê yo sah, képah wil yĩn ye tir mè kò kè pi. Pè lésò ne ñkě: «À kı n ye Nasaretı neyne.»

3

Wèlnwìlkı-ò Nsyò me Liyel weyne n yo

¹ Légbıne, Wèlnwìlkı-ò Nsyò pò Nsyude mara gběnnı soko, à pò tyah Liyel weyne n yo. ² A sò me yo tũ ne: «Yé yé tyípèl pínó yal mò. Yé náh we di, Liyel tòrí me yĩni tě te.» ³ Liyel těntò syínyo-ò Yesayi-á lésò nê yo sah ne ñkě: «Ñnı yó yĩnpò me n doko gběnnı soko ne ñkě: «Yé Tě ñgbě wěkì tó sah. Yé ò sókó-ńtàn pi tómtóm.» Nsyò yĩnpò tyí ye lésò à n yo. ⁴ Yàhmíkı yè fwòmòni ye sò Nsyò wil, té à me ò syı tě sèl kòle. Sègblo ànê syıri ye sò ò yòkele. ⁵ Képah tēne, Yerusalemı kwil tãn, ànê Nsyude mara pól névye, ànê Nsyurdě yo gběnyah pól névye sò me n wil n pò ò tyí. ⁶ Pè sò me pé tyípèl pínóle n yo n pò no pól yı yah, té Nsyò me péle n wel n wilki Nsyurdě yo soko. ⁷ Képah soko, Nsyò-á kè we Farisi wěkì kópú ànê Sadusi wěkì kópú nahnáh me n pò n pò à kò à péle n wel n wilki sě, à me yo pé tyí ne, wáhnmiró dükù nópi! Nê se kwò péle ne páh kı fě to pwah Liyel fòkòvyàhnı yah, nê-á n pi ni? ⁸ Pè tyípeplòle n pi, nónó-á n wěkı n pi ne páh pé tyípèl pínó yal mò. ⁹ Té pè káh we ne páh kı n sò pé fòkòni soko ne Abrahamı-á pé súle, képah-á kı yĩne dé. Páh kéle n yo pé tyí, dyèh nónó-á yò, Liyel-á kı fě sè vi mò pi Abrahamı pyele. ¹⁰ Té man ńtē-á me yáhnshntenole sésàn fě yĩnne sé sémın soko. Séswò nê-á n syı-ńkěne pye pèplòle, káh kı ko min dah mò nyàh soko.

¹¹ Péwò tě wò-á péle n wel n wilki ni soko, nê-á kı kè wěkı ne páh pé tyípèl pínó yal mò. Nte névi nê-á kı n pò n pi péwò náhle, tě wò tēnwenò-á kal péwò tyíle. Páh fórwò kah ò lékyèh ńtē dénóle. Tě wò-á kı pò pè wel wilki Liyel Mirki ànê nyàh soko.*
¹² Ñ sèmuco fwo fwo kwàh-á me ò gbò. Wáh kı ò táh tó sah, kı ò sèmuco fwo, té kı ké pórı kwel mò dükúrí soko. Nte sé yésyı wòle, wáh kı sépi suke ní-ńkě nyàh soko.

Yesu wèlnwìlkınóle ni soko

¹³ Képah tēne, Yesu wil Kalile mara soko à pò Nsyò tyí Nsyurdě yóngbalı soko, ne pé pò à kò à pé wel wilki ni soko. ¹⁴ Nte Nsyò me yahle té ne, péwò-á yĩne pé pò ò mò kò à pé wel wilki ni soko, té ò mò pyè pò péwò tyí ni? ¹⁵ Nte Yesu me yo ò tyí ne: «Ye kè pi sě àtre. Á náh we di, ké yah ye Liyel-á nê yah kò, ápi kè pi.» Wáh képah yo sě, Nsyò me fě syi. ¹⁶ Yesu wèlnwìlkıntenò ñsò, à wil ni soko. Nénpó swò yĩnyò yıkı mò,

‡ 2:18 2.18 - Yah n te Nsyeremi 31.15. § 2:22 2.22 - Nsyude mara ànê Kalile mara sò me Yisrayel sétáh yò.

* 3:11 3.11 - Yah n te Tyípını 2.1-13.

té à me Liyel Mirki we kè me n tiki n pi kèpíkípíkí tyí kòle, à pò tē n yō. ¹⁷ Képah soko, yínpō yó núkú n wil yínyō ne nkē: «Nmo nìdè Pídí ye yò. Nmo ye ní nìvìni yòle.»

4

Sétàn yòtē-á Yesu tō mō yah òkù nêne

¹ Képah nâh, Liyel Mirki Yesu tē yuku gbēnni soko ne sétàn yòtē à we tō mō yah nēnpó. ² Wâh sèpìn tikinini ànê lékâhlónó tikinini pi yōke yó-nkēne, kweki à tē. ³ Képah soko, sétàn yòtē nê-á tōnmò-òle, nmo me no de Yesule té yo n tyí ne, nmo-à ki nê Liyel Pídíne, à yo dyêh nòpi tyí sè vi mō pi yòkelé. ⁴ Yesu me yo n tyí ne: «Kè me wárkínsàhnóle Liyel wey sébéy soko ne nkē: <Yòke ó nâh n pu névile dé. Nte welo nónó-á n wil Liyel vyâh, sépi ye pyē n pu névile.>»* ⁵ Képah nâh, sétàn yòtē yuku òne Yerusalemi kwil, à kyi à sah Liyel ní-risah gbô yòtah† ⁶ té me yo n tyí ne, nmo-à ki nê Liyel Pídíne, à yoko n tiki sétâh. A kó we ni, kâh me wárkínsàhnóle Liyel wey sébéy soko ne nkē, nmo yinne, Liyel-á ki n yínyō tònpi kō sè ki à swah syi sé gbân soko, n gbâhki kō kè nâh n mī n pi dáhkì tyí.‡ ⁷ Képah soko, Yesu me yo n tyí ne: «Kè me wárkínsàhnó tōle ne: <Kâh á Tē ñgbē Liyelle n mō n yah.>»§ ⁸ Képah nâh, sétàn yòtē tō soko òne yòli kèyy yó yō, à kyi kèkōyó tōrí pólle à wēki ànê ké tahrile, ⁹ té yo n tyí ne, wâh ki n gbètukunò di péwō yah à pé gbilki, páh ki sé pólle à kō. ¹⁰ Képah tēne, Yesu yo n tyí ne: «Yal ní tnô, sétàn yòtē! Kè me wárkínsàhnóle Liyel wey sébéy soko ne: <Á Tē ñgbē Liyelle n gbilki, n té ne n sah nmo ó tyí yō.>»* ¹¹ Képah soko, sétàn yòtē me yal n tnô. Yínyō tònpi me pò n tnô, à pò n yah n dah n mō n tyí soko.

Yesu tō tyàhnóle Kalile mara soko

¹² Pè lésò Wèlnwìkì-ò Nsyō dah mō wòkònpèkè soko.† Yesu-á kè noh gbí nêne, à n syi soko Kalile mara soko. ¹³ Té à nâh tē Nasareti kwil soko. A sò me kyi tē Kalile yó-ñgbē gbòpò kwil yó soko pè n ye Kapernayumine, Nsabalō yìkì ànê Nefutali yìkì névye sétâh yō. ¹⁴ Kè ye pi sē, nê-á ki Liyel tēntò syinyo-ò Yesayi tir yónsàhnó mè kō kè ki wil. A lésò ne nkē: ¹⁵ «Nsabalō yìkì ànê Nefutali yìkì névye nónó-á me wēkì gbòpò nê-á soko yó-ñgbē tnô, ànê pé nónó-á me Nsyurdē yónkahnune, à tahlì pé Kalile mara tãn tyí nónó-á pé tókù nâh pi Nsyifunole, ¹⁶ pépi nónó-á sò me fēntú soko, pè kyòò ñgbē yó we. Pépi nónó-á sò me fēntú soko kù tíkile pé soko, kyòò yó me we pé tyí.»‡

¹⁷ Té à tōko gbí nê-á sò Yesu me Kapernayumi soko, à tyah Liyel weyne n yo, me yo tū ne: «Yé yé tyípèl pínó yal mō. Yé nâh we di, Liyel tōrí me yini tē te.»

Yesu tō sâhpú négbrole

¹⁸ Yesu sò me n kò Kalile yó-ñgbē gbòpò soko, té díbi népì ními we. Simo nê-á pè yin dyi à kō Pyerile, nmo ye sò ànê n gbēndí Andrele. Pè sò me yēnkyo tē tē mnole n min yo soko. Yēnkyo tēpú ye sò péle. ¹⁹ Yesu me yo pé tyí ne: «Yé ní sò tē. Mé ki yé pi névye tēnpopule Liyel tyí.» ²⁰ Nēnpó swò, pè núkú pé yēnkyo tē tē mno sah té n sò tē. ²¹ Wâh tō yuku yahle kwéy, à díbi népì ními yísyó we. Nsyaki ànê Nsyō ye

* **4:4** 4.4 - Yah n te Tōnyono 8.3. † **4:5** 4.5 - Liyel ní-risah gbô yòtah nê tyí-á n yo ásò soko yò, ké kolo kah métérnó gbâmne. ‡ **4:6** 4.6 - Yah n te Gbálnó 91.11-12. § **4:7** 4.7 - Yah n te Tōnyono 6.16. * **4:10** 4.10 - Yah n te Tōnyono 6.13. † **4:12** 4.12 - Yah n te Matye 14.1-12; Marki 6.17-18; Likyi 9.7-9. ‡ **4:16** 4.16 Yah n te Yesayi 8.23 - 9.1

sò, pépi nónó-á Nsebede dínpīle. Pè sò me ànê pé sú Nsebedele krótókè sòkò, me pé yěnkɔ tẽ tẽ mnɔle n t̄õ n sah. Yesu me pé ye yah. ²² Nénpó swò, pé núkú yal krótókè ànê pé sú tn̄ò, té n sò tẽ.

Yesu névyé kwónó ànê yámpú dénmonɔle

²³ Yesu sò me Kalile mara pólle n kò n k̄õ, me nòle n kwò Nsyifunò Liyel ní-ńt̄àn v̄i sòkò, me Nìv̄in̄i tirl̄e n yo Liyel t̄õrí tyí yõ, té me yámpú pól ànê néfukuló pólle n de n m̄ò. ²⁴ Kǎh p̄i s̄ẽ, Yesu ȳin wil Siri yamana pól sòkò. No me tyah n pò n pò yámpú pólle n tyí, nónó-á sò me kwónó sòkò yam ànê yèvyāhr̄i duke duke pól sòkò, ànê sét̄àn-á sò me nónó sòkò, ànê ndyìk̄in̄p̄ib̄ule, ànê wil kúnó névyele, Yesu pé pól de m̄ò. ²⁵ Képah t̄ẽne, tówù ñgb̄ẽ Yesu sò tẽ. Pé tókù sò wil Kalile mara sòkò, tókù wil Dekapoli mara sòkò, tókù wil Yerusalem̄i kwil, tókù wil Nsyude mara sòkò, tókù me wil Nsyurd̄ẽ yónkahn̄ne.

5

Yesu-á kwónó nónó p̄i yõli yõ.

¹ Yesu-á tówù we s̄ẽ, à d̄òkò yuku yõli yõ. Wǎh k̄õ tẽ, n t̄ò sǎhp̄ú me nò de n tn̄ò. ² Képah sòkò, à me tyah péle n kwò ne ñk̄ẽ:

Névyé nónó-á me n̄oli sòkò

³ «Nónó-á p̄i ne Liyel yét̄ô-á me pé tẽ, pépi tyí n̄ò. Pè k̄i Liyel t̄õrí n̄oli yõ n pi. ⁴ Nónó-á me gb̄n̄i sòkò, pépi tyí n̄ò. Liyel k̄i pé yéfī kele n pi. ⁵ Gbl̄õy t̄ik̄in̄m̄on̄o-á me nónó sòkò, pépi tyí n̄ò. Sétáh k̄i pò n p̄i n pi pépi tyíle.* ⁶ Gb̄i w̄èk̄i kóló dékè-á me nónó sòkò, á k̄i ne kwèk̄i ànê ník̄i s̄õ tẽ péle, pépi tyí n̄ò. Pǎh n̄ene n yah n k̄õ, pé k̄i kè we n dal n m̄ò n pi. ⁷ Nónó-á névyé yām̄ne n yah, pépi tyí n̄ò. Liyel k̄i pé t̄o yām̄ yah n pi. ⁸ Nónó n̄n̄o-á me yályál Liyel yah, pépi tyí n̄ò. Pè k̄i Liyel we n pi ȳine. ⁹ Nónó gb̄ò yõ-á yèvin̄i n we, pépi tyí n̄ò. Pè k̄i n ye n pi Liyel w̄en̄p̄ile. ¹⁰ Nónó-á me f̄óhn̄óle n we pé négl̄ó p̄ínó ȳinne Liyel yah, pépi tyí n̄ò. Pè k̄i Liyel t̄õrí n̄oli yõ n pi. ¹¹ Névyé-à yéle n gbyò gb̄í n̄ene, té yéle n f̄õh, té yé tyíle n yo n kò à m̄in̄i duke duke pólle n sah yé yõ ñm̄ò ȳinne, yépi tyí n̄ò. ¹² S̄ẽ ye lésõ pé f̄õh Liyel t̄ent̄ò syínyopule nónó-á yé dyàh tẽ pò sòkò. Yé k̄i ké yõre ñgb̄ẽ we n pi ȳinyõ sòkò. Képah ye, yé ne n me n̄iv̄in̄i ñgb̄ẽ sòkò yèsyìk̄i t̄ẽne.

Yesu-á kwónó n̄ene n t̄ò sǎhp̄ú k̄õ pne ànê kyòò tyí yõ

¹³ Yépi ye n n̄ò kèk̄oȳóle, s̄õ-á pne p̄anne n n̄ò. Nte pne d̄end̄en-à wal ké sòkò, s̄õ me kè k̄i t̄õ f̄ẽ p̄i d̄end̄en? Kè náh t̄õ f̄ẽ tir yó pek̄i n pi, à wil m̄ilk̄in̄ó tyí sòkò kégb̄ó, té névyé k̄i n kò n sòkò ké yõ. ¹⁴ Yépi ye kèk̄oȳó kyòòle. Kwil n̄e-à me m̄ónóle yõli yõ, kè náh f̄ẽ n w̄õb̄i n pi d̄ò. ¹⁵ Pè náh f̄òtn̄òle n soh té dúle n kw̄inki n m̄ò ké yah. Pè kè sah f̄òtn̄ò sahki sòkò, kè k̄õ kè n p̄i kyòòle wòkò sòkò névyé pól tyí. ¹⁶ S̄ẽ ye yé ȳine yè p̄i kyòòle névyé tyí, pé k̄õ pé yé tyípépl̄o p̄ínó we, pé mó yé Súle n gb̄ilki, n̄e-á me ȳinyõ sòkò.

Yesu-á kwónó n̄ene n t̄ò sǎhp̄ú k̄õ tyi k̄õnsàhn̄ó tyí yõ

¹⁷ Yé káh we ne ñm̄ò-á pò tyi k̄õnsàhn̄ó duku kò-nsah, képah náh p̄i Liyel t̄ent̄ò syínyopu-á kwónó nónó k̄õ, sépi duku kò-nsah dé. Mé náh pò sé duku kò-nsah, n̄te mé pò sé tyi p̄indaln̄m̄ò-nsah. ¹⁸ Kègb̄i yõ mé kéle n yo yé tyí, ȳinyõ ànê sétáh t̄ẽ-à

* 5:5 5.5 - Yah n t̄e Gbálnó 37.11.

fyò me, kwâh tyĩ yó, képah náh pi kwáhyĩrí yó ntě náh n wilki n pi tyi kònsàhnó sòkò, fókò kɪ pɔ syi ké sòkò tyi pól píneno tyí. ¹⁹ Képah ye, névi nê-à n sàh-ńkēne tyi kònsàhnó sòkò tir kyĩrí fyé yò, té no téló to yò yɪkɪ mɔ sěntě pínó sòkò, tẽ kɪ fóroo kal Liyel tǒrí noli yópú pólle. Nte névi nê wɔ-à n sah sé sòkò tyíyónó yò, té séle nole n kwɔ, tẽ wɔ kɪ yín-ńsah ñgbě we Liyel tǒrí noli yó-ńsah sòkò. ²⁰ Mé kéle n yo yé tyí, yáh kɪ pí-ńkēne gbɪ wěkì kópúle Liyel yah à kal Liyel tyi kònsàhnó kwópú ànê Farisi wěkì kópúle, yé náh Liyel tǒrí noli yò n pi.

Yesu-á kwónó nēne ñ tò sáhpú kō fòkòvyàhni tyí yō

²¹ Yé kè noh sòkò ne káh yo á náh tǎn tyí ne, ney káh nékókè mɔ. Névi nê-à nékókè mɔ, tẽ-á yĩne tükènoóle. ²² Nte nímɔ wɔ kéle n yo yé tyí ne, névi nê-à ñ fòkò vyàh ñ ní-òle, tẽ-á yĩne tükènoóle. Nê-à ñ ní-ò ye Nėwôle, tẽ-á yĩne tükènoóle tukey tükèpu tĩnkĩ tyí. Té nê-à à ye Vínpule, tẽ wɔ-á yĩne dáhnmonole ní-ńkē nyàhnpèkè sòkò. ²³ Wáh pɔ á yĩ n kō kō kwáhle Liyel kō-ńsah, té á dyo to kō nénpó sòkò ne wáh pi de á ní-ò yó tyí, ²⁴ á yĩ n kō kō kwáh sah nénpó, ñ té n kyɪ á wró tō n sah á ní-ò mène, ñ té n pyé n pɔ kéle Liyel kō. ²⁵ Tir yó kénkō-à me yé wró ànê ñnĩ yóle, té à kyɪ ñ ye tukey tükè-ò tyí, gbah n tẽ ké yah wah yé yínintě-ńkē sòkò nénpó. Képah-à pí-ńkēne, à kɪ kyɪ ále tukey tükè-ò tyí ne à ké yah wah, tukey tükè-ò mē kɪ kyɪ ále srásyíbí kō, té pépi kɪ mó ñ dah mɔ wòkònpèkè sòkò. ²⁶ Kègbɪ yò mé kéle n yo á tyí, á náh n wil n pi nénpó, né á náh kōli mē pól dyah te pnépné.

Yesu-á kwónó nēne ñ tò sáhpú kō fòfikì tyí yō

²⁷ Yé kè noh sòkò ne káh me yónóle ne: «Káh fòfikìle n pi.»† ²⁸ Nte nímɔ kéle n yo yé tyí ne, névi nê-à sê yó yah, té yí wil ñ tyí, tẽ-á fòfikì pi te ñne ñ nɪ sòkò. ²⁹ Á gbòyò sò yí-à kɪ nê ñ dah n mɔ n pi tyípèkè pínó sòkò, kè gbahlɪ n wilki n milki ále fíí. Á tékínóle á wil gběnsê fí núkú sòkò, képah kɪ fónfó kal á wil pól mínndahnmono yò ní-ńkē nyàhnpèkè sòkò. ³⁰ Á gbòyò sò gbò-à kɪ nê ñ dah n mɔ n pi tyípèkè pínó sòkò, kè kām n milki ále fíí. Á tékínóle á wil gběnsê fí núkú sòkò, képah kɪ fónfó kal á wil pól kyíndeno yò ní-ńkē nyàhnpèkè sòkò.

Yesu-á kwónó nēne ñ tò sáhpú kō fúr yíkinó tyí yō

³¹ Kè me yónó tɔle ne, névi nê-à ñ kyile n fin n mɔ, tẽ-á yĩne à ñ finnmɔno tǎrfyò sébéy pi à kō.‡ ³² Nte nímɔ tẽ wɔ kéle n yo yé tyí ne, névi nê-à ñ kyɪ fin mɔ né fòfikì tẽ tyí yò náh, tẽ-á me ñne n mɔ fòfikì pínó wěkì yò. Névi nê tɔ-à mó sê finnmɔno tɔkò, fòfikì-á tẽ n pi.

Yesu-á kwónó nēne ñ tò sáhpú kō gblǒy wónó tyí yō

³³ Yé kè noh sòkò tɔle ne káh yo á náh tǎn tyí ne: «Káh ále n wo mìnì tyi sòkò. Wáh á wo tir nê sòkò Tě ñgbě yah, á yĩne ñ kè pi.» ³⁴ Nte nímɔ tẽ wɔ kéle n yo yé tyí ne, yé káh yéle n wo pólle. Yé káh yéle n wo yínyòle. Liyel tǒrí kō ye kéle, képah ye yé káh yéle n wo kéle. ³⁵ Yé káh yéle n wo sétáhle. Liyel gbyèh súnasàh-ńsah kō ye kéle, képah ye yé káh yéle n wo kéle. Yé káh yéle n wo Yerusalemne. Yòtẽ ñgbě Liyel kwil ye kéle, képah ye yé káh yéle n wo kéle. ³⁶ Káh ále n wo á yòle. Á náh fě á yòyén pó núkú ntě fyé piki, képah náh pi à kè silki n pi, képah ye káh ále n wo kéle. ³⁷ Káh àwele, yo ne àwe-á. Káh ǒòle, yo ne ǒò-á. Té wáh nê yo dohnɪ sépi yò, pèkè pí-ò tò vyàh ye.

† 5:27 5.27 - Yah n te Yálnó 20.14; Tǒnyono 5.18. ‡ 5:31 5.31 - Yah n te Tǒnyono 24.1.

Yesu-á kwónó nêne ò tò sáhpú kǒ pèkè dyáhnó tyí yǒ

³⁸ Yé kè noh sɔkɔ ne kǎh me yónóle ne: «Wáh yí sɔ, á yí kɪ sɔ. Wáh yín dal, á yín kɪ dal.»³⁹ Nte nímɔ kéle n yo yé tyí ne, névi-à tyítúkù pɪ yé tyí, yé káh ne yáh ké wóle n de. Té névi-à á gbòyò sò létáh mɪ, ké ní-ò tɔ vi n mɔ à kǒ. ⁴⁰ Névi-à me ké tyí ne pé ò ye tukey tükèpu tyí á fwòmònpír syi yinne, á fwòmò-̀ngbè tɔle tǔ kǒ. ⁴¹ Névi-à ò kyí mɔ ne á kiló núkú kɔ péle, kilónó nínó kɔ tǔne. ⁴² Névi nê-à ni á tyí, yí tǔ kǒ. Nê-à ne pé dekɪ syi á tyí, káh n yahle.

Yesu-á kwónó nêne ò tò sáhpú kǒ à yuku sépébi tyí-á yíne kè nɔ pé tyí sǒ

⁴³ Yé kè noh sɔkɔ ne kǎh me yónóle ne, á ní-ò tyí-á yíne kè nɔ á tyí,* á mó á sépe dyɔle n yɔ. ⁴⁴ Nte nímɔ kéle n yo yé tyí ne, yé ye yé sépébi tyí nɔ yé tyí, yé mó Liyelle n ni yé fóhpú tyí. ⁴⁵ Yáh képahle n pɪ, yé Sú Liyel nê-á yínyò sɔkɔ, yé me kéle n wǔkɪ ne òmɔ wǔnpì-á yéle. Nímɔ ye n se ò gbíne népèl ànê népéplɔ tyí, té púnne n pɪ n mɔ néglɔ ànê nétúkúnì tyí. ⁴⁶ Té yépi tyí-á nɔ nónó tyí, pépi ó tyí-à nɔ yé tyí, yóre nê me yé kɪ n we n pɪ képah sɔkɔ Liyel tyí? Móri syípú nǔtɔ náh me sǔntǔne n pɪ di? ⁴⁷ Yáh n wɔkɪ n mɔ yé nɔ ó tyí, gbǔndùnì tir nê me képahle? Liyel wǔkì kó-̀nkǔpú nǔtɔ náh me sǔntǔne n pɪ di? ⁴⁸ Yépi tǔ wɔle, yé tyípéplɔ ó kókóle n pɪ, sǒ-á yé Sú tyípéplɔ ó kókóle n pɪ, òmɔ nê-á me yínyò sɔkɔ.

6

Yesu-á kwónó nêne ò tò sáhpú kǒ yí n kǒ dùkù tyí yǒ

¹ Yé yé gblòyne n tǔ gbɪ wǔkì kólóle yínyáhkì sɔkɔ dé. Yáh képahle n pɪ, yé náh ké yóre we n pɪ Sú Liyel tyí, òmɔ nê-á yínyò. ² Képah ye, wáh kwáhle n yí yám neyne n kǒ, káh ké kwníne n kǒ sǒ-á névye túkù n ne n pɪ kéle Liyel ní-̀ntàn vì sɔkɔ ànê wǎl yey sɔkɔ, névye kǒ pǔ péle n gbilki. Kègbɪ yǒ mé kéle n yo yé tyí, pé ye ké yóre we tɔ. ³ Nte áwɔ-à kwáhle n yí yám neyne n kǒ, káh n ye ònì yó nǔtɔ pí ké sɔkɔ. ⁴ Képah sɔkɔ, yínkǔnɔ nê-á á pɪ, kè kɪ tǔ sètìn sò sɔkɔ. Té Sú Liyel nê-á sètìn sò tyile n pne, òmɔ kɪ ò dyah ké yórele.

Yesu-á kwónó nêne ò tò sáhpú kǒ Liyel ni dùkù tyí yǒ

⁵ Yáh Liyelle n ni, yé káh névye túkùle n yah n pɪ. Liyel ní-̀ntàn vì ànê wǔtlo yey sɔkɔ yúkúnýinntǔnó tyí ye nɔ pépi tyí pàh Liyelle n ni. Pé gblòy wǔkɪ yín ye pé n ne n pɪ képahle. Kègbɪ yǒ mé kéle n yo yé tyí, pé ye ké yóre we tɔ. ⁶ Nte áwɔ-à me ké tyí ne á Liyel ni, wáh pɪ ò de á wòkò sɔkɔ, ò té á yah vike, ò té á Sú Liyelle n ni. Té Sú Liyel nê-á sètìn sò tyile n pne, òmɔ kɪ ò dyah ké yórele. ⁷ Yáh nírile n pɪ, yé káh tyile n tǔ n yo tyé-̀nkǔne Liyel pí-̀nkǔpú tyí kǔle. Pépi tǔ sǔnɔ sɔkɔ, tyi tǔnyonɔ kwléyy níri ye Liyel n tǔ. ⁸ Nte yí nónó yétò-á me yépi tǔ, yé Sú Liyel sè pí tɔ sé ní-̀nkǔ gbí nǔtɔ ò tyí. Képah ye, yé káh Liyel pí-̀nkǔpúle n yah n pɪ.

⁹ Yáh yíne ye Liyelle n ni dùkù nêne, kè we yò:

Ápɪ Sú Liyel nê-á yínyò,
á yín ne n gbilki.

¹⁰ Á yòtǔrí wǔkɪ.

Wáh me nê tyí,

képah ne n pɪ sétáh yǒ, sǒ-á kéle yínyò.

¹¹ Á kwey gbíyìkì yòkele á kǒ.

§ 5:38 5.38 - Yah n tɔ Yálnó 21.22-25. * 5:43 5.43 - Yah n tɔ Levitiki 19.18.

12 Àpi-á pɪ de áwɔ tyí tyi nónó sɔkɔ, sè yõ n mɔ á kõ, sõ-á ápi tɔ yõ mɔ névye kõ, nónó-á pɪ de á tyí.

13 Káh n ye à sétãñ yõtẽ tõnmɔnɔle n fẽ n syi.

Nte á pwah n mɔ ñ gbõ, ñmɔ nê tyí-á pèkè pínó sõ n wil.

[Yõtõrí, ànê tẽnwenɔ, ànê gbílkinóle, áwɔ tyí ye gbímegbí. Amiina!]

14 Névyè nónó-á n pɪ n de yé tyí, yâh n yõ n mɔ péle n kõ, yé Sú Liyel nê-á yînyõ, à kɪ n yõ n mɔ yé tɔle n kõ. 15 Nte yépi-à névyè tyípèlle n yõ n mɔ péle n kõ-ńkẽne, yé Sú Liyel nâh yépi tɔ tyí yõ n mɔ yé kõ n pi.

Yesu-á kwónó nêne ñ tò sáhpú kõ níkì tẽ dùkù tyí yõ

16 Yâh níkì tẽ, yé káh yé yey kwɔ n sah névyè túkù tyí kõle. Pépi ńkẽne pé yey yõre n sah ne névyè pĩ ne páh me níkì tẽ. Kègbi yõ mé kéle n yo yé tyí, pè ye ké yõre we te. 17 Nte áwɔ-à níkì tẽ, á yah wu, té káh á yõ pɪ n sah yákára, 18 névyè kõ pè pĩ ne wáh me níkì tẽ. Té á Sú Liyel nê-á sètĩn sò tyile n pne, ñmɔ kɪ ñ dyah ké yõrele.

Yesu-á kwónó nêne ñ tò sáhpú kõ tahrɪ koh n sah dùkù tyí yõ yînyõ

19 Yé káh tahrɪle n yah n koh n sah kèkõyó mè sɔkɔ, kèpah nê sɔkɔ-á sóhrí ànê syímí kɪ fẽ séle n yõ, kèpah nâh pɪ yípú kɪ fẽ kye de vì sɔkɔ kɪ sè yĩ tɔkɔ. 20 Nte yé tahrɪle n yah n koh n sah yînyõ, kèpah nê sɔkɔ-á sóhrí ànê syímí nâh me sé yõ yõ tẽne, yípú tɔ nâh me kɪ fẽ kye de vì sɔkɔ, kèpah nâh pɪ kɪ yĩbe yĩ. 21 A nâh we di, á tahrɪ-à me nýãh, á sõnɔ tɔ kɪ me nénpó.

22 Wil kyòole, yí ye. Á yí-à me vyele, á wil pól kɪ me kyòò sɔkɔ. 23 Nte á yí-à ykɪ, á wil pól kɪ me fěntũ sɔkɔ. Kyòò nê-á á sɔkɔ, káh kɪ me fěntũne, á me yí fěntũ pbey sɔkɔ dé. 24 Névi yó nte nâh fẽ tò kwɔ n pɪ n pi yõtãñ népĩ ními tyí. A kɪ núkú dyɔle n yo, té kɪ nɔ ñ ní-òle. Kèpah nâh pɪ, à kɪ núkúle n tĩki, té kɪ ñ ní-ò we mɔ. Sẽ ó ye, yé nâh fẽ tò kwɔ n pɪ n pi Liyel ànê pó tyí.

25 Kèpah ye ní kõ mé kéle n yo yé tyí ne, yé káh yé fɔkɔle n sò yáh ne we n yõ [té we n wɔ] n pi sõ, té kɪ me min sɔkɔ, ànê yáh ne yé wil flo we n mɔ n pi sõ. Névi min tyí nâh tah kal yòkele di? Wil tɔ tyí nâh tah kal flole di? 26 Yé yah kèpyele yînyõ sɔkɔ kè; sè nâh sèmukɔle n duku, sè nâh sèmukɔle n tɔkɔ; sè nâh se mó tã sèmukɔle n koh n sah díké sɔkɔ; té yé Sú Liyel séle n pu. Nte yépi nâh fónfó kal kèpye yõ nâhnâh di? 27 Yépi sɔkɔ nê tẽ kɪ fẽ kwéy nte fyé dohnɪ ñ gblõy min yõ, ñ fókósõnɔ gbõ yõ? 28 Nte kwâh nê fɔkɔ sõnɔ me yé tyí yé mɔ mɔ flo tyí sɔkɔ wé? Yé yah filkì fi pɪ dùkùle swèy sɔkɔ kè: Sè nâh tòle n pɪ, sè nâh se mó tã flole n tĩ. 29 Nte mé kéle n yo yé tyí ne, yõtẽ dí Salomo tàh fyé yah yõ, à nâh flo we mɔ yah nónó-á ple nɔ filfi nópi sɔkɔ yó nte. 30 Liyel yõ sènyí-ńkèpú nópi. Filkì nê-á swâh sɔkɔ kweyne, té kɪ pɔ n suke n pi ńsõne, Liyel-á kèpah fi pɪ palle sè à, yépi wɔ se pyè à kɪ ye kóhnmɔnɔle kal pléntnɔɔ? 31 Yé káh yé fɔkɔle n sò yè pɔ ne n yo ne, kwâh nê se yé kɪ we yõ nɪ? Kwâh nê se yé kɪ we wɔ nɪ? Kwâh nê se yé kɪ we mɔ yé wil sɔkɔ nɪ? 32 Yé nâh we di, Liyel pí-ńkèpú ye ńkẽne ne n yah n kõ sépi pólle tyétyéní kẽne. Nte yé Sú nê-á yînyõ, à pĩ ne yí nópi pól yétô-á me yé tẽ dò. 33 Yé Liyel tõrí ñgbò yah n kõ, ànê wáh me nê tyí. Kèpah sɔkɔ, à kɪ yí téló tɔ pól dohnɪ yé kõ. 34 Yé káh yé fɔkɔle n sò ńsô tyí sɔkɔ. Yé ńsô tyi sah ńsô yah. Swõ swõ pól ànê sé yótyí ye.

7

Yesu-á kwónó nêne ò tò sáhpú kǒ ne pè káh no télólè n tuke

¹ Yé káh nolè n tuke. Képah sòkò, Liyel náh yé tǒ tuke n pi. ² Yé náh we di, yáh no télólè n tuke sǒ, sǐ ye Liyel kǐ n tuke n pi yé tolè. Yáh no téló tyíle n sáh dú nêne, yé tǒ tyí kǐ n sáh n pi kéne dú óle. ³ Á pi sǒ té òndan we á yúnpi yí sòkò, té dàhnpele áwò yí sòkò, á náh me képah wò pí? ⁴ Á kǐ pi sǒ, té kǐ yo á yúnpi tyí ne, à ye á òndan wilki à kǒ ò yí sòkò, té dàhnpele mó tǒ me áwò yí sòkò? ⁵ Fòkòpìl névi. Á yí sòkò dàhnpele ògbò wilki. Képah-à pi, á kǐ fě n yah palle kǐ á yúnpi yí sòkò òndan wilki.

⁶ Yí nónó-á me Liyel tyí yǒ, yé káh séle névyele n kǒ nónó-á me pǎhlo tyí kǒle, pè kǒ pè káh n pò pé yey vi yé tyí kápékèyò. Yé káh mó tǒ yí kètárnole névyele n kò nónó-á me slo tyí kǒle, pè kǒ pè káh n pò n suki n sòkò sé yǒ.

Yesu-á kwónó nêne ò tò sáhpú kǒ ne pè ne n ni Liyel tyí

⁷ Yé ne n ni, yé kǐ n we n syi. Yé ne n yah n kǒ, yé kǐ n we. Yé wùkahle n mi, kè kǐ n yiki n mǒ yéle n kǒ. ⁸ Yé náh we di, nê-à ni Liyel tyí, tǐ n we n syi. Nê-à yah kǒ, tǐ n we. Nê-à wùkah mi, kè n yiki n mǒ tǐ kǒ. ⁹ Nê tǐ me yépi sòkò, ò pídí-à búrn ni ò tyí à kǐ dáhkìle à kǒ? ¹⁰ Képah náh pi, wáh yěnkò ni ò tyí, à kǐ wahyne à kǒ? ¹¹ Yépi nónó-á népèlle, yé yé wěnpì kǒnó yah we yípeplòle. Tòtò náh me ké sòkò, yé Sú Liyel nê-á me yínyò sòkò, òmǒ kǐ yíle sé nípu kǒ nónó-á ple kal yépi tyíle dò.

¹² Yáh me ké tyí ne no tyi nónó pólle n pi yé tyí, yépi tǒ sěnkòle n pi pé tyí. Sǐ ye tyi kǒnsàhnó ànê Liyel tǐntǒ syínyopu sébéynó yo kéle.

Yesu-á kwónó nêne ò tò sáhpú kǒ dé-ńsah wǒkè ànê dé-ńsah fíi tyí yǒ

¹³ Yé ne n de dé-ńsah fíile. Yé náh we di, wěkì nê-á n yuku tyí yíkínó tǐ-ńsah, ké kóló me fáhfháh, ké dé-ńsah me wòò. Képah sòkò dépú me dò. ¹⁴ Nte wěkì nê-á n yuku tyé-ńkě min tǐ-ńsah, ké kóló me táhnóle, ké dé-ńsah me fíi. Ké wéndepu náh me fwóò.

Yesu-á kwónó nêne ò tò sáhpú kǒ Liyel yín yǒ mìnnyobe tyí yǒ

¹⁵ Yé yé gblǒyne n kyomǐ Liyel yín yǒ mìnnyobele. Páh n pi yé tyí, pè pé gblǒy pi mámm kápéyèni tyí kǒle, té ké kègbǐ tǐ yǒ sòkò, pè me pékénóle gběnpǎhlo sǒ. ¹⁶ Yé kǐ pè pí n pi pé tyípínó sòkò. Yèresé náh fě n we n gbe kahri sòkò. Sěnsóké pye tǒ náh mó fě n we n gbe gbíyěkì sòkò. ¹⁷ Sésán pèplo pól n syi pye pèplòle. Té séswóntùkù wò mó n syi pye túkúnìne. ¹⁸ Séswò pèpey náh fě n syi pye túkúnìne. Séswóntùkù tǒ náh mó fě n syi pye pèplòle. ¹⁹ Séswò nê-à n syí-ńkěne pye pèplòle, kè n kǎm ò min n dah n mǒ nyáh sòkò. ²⁰ Sǐ ó ye yé kǐ n pí n pi Liyel yín yǒ mìnnyobele pé tyípínó sòkò.

Yesu-á kwónó nêne ò tò sáhpú kǒ tir yónó ànê ké pínó tyí yǒ

²¹ Kè náh pi ne nónó pól-á òmǒle n ye Tě ògbě, Tě NGBÈNE pé pól sǒ kǐ Liyel tǒrǐ nǒli yǒ n pi dé. N Sú Liyel nê-á me yínyò, òmǒ-á me nê tyí, képah pípu ó ye kǐ yǒ ké nǒlile. ²² Liyel tukey tuke sǒle, névye nahnáh kǐ n yo n pi ní tyí ne, Tě ògbě, Tě ògbě, òmǒ yín yǒ kó lésò pé n syi n yo Liyel tǐntǒnène ni? Òmǒ yín yǒ kó lésò pè n ne n yíni n wilki sétǎnne névye sòkò ni? Òmǒ yín yǒ kó lésò pè n ne n pi gbìlnó nahnáhle ni? ²³ Nte mé kǐ yo pé tyí ne, mé náh péle n pne pólle. Pè gbe mǒ òne, Liyel tyi kǒnsàhnó dèl pípu nópi.

Yesu-á kwónó nêne ò tò sáhpú kǒ vì duke nínó mónó tyí yǒ

²⁴ Képah ye, névi nê-á ní welo nópi noh, té me sé tyiyónóle n pi, tẽ me á ki ne lékám névi yó sɔ̃, nê-á ñ wòkò mɔ légbí yõ. ²⁵ Pũ me pɔ pi, yrey yuku à kwɔki kyi syi kéne wòkò tyí, pũnyáhkí tɔ me kɔ kyi mi ké sɔkɔ, ñte káh sɔ̃ sɔ̃ légbí yõ sɛ̃, képah ye kè náh syiki. ²⁶ Nte névi nê-á ní welo nópi noh té à náh me sé tyiyónóle n pi, tẽ me á ki ne lékám kɛ névi yó sɔ̃, nê-á ñ wòkò mɔ sëmnyáhrí yõ. ²⁷ Pũ me pɔ pi, yrey yuku à kwɔki kyi syi kéne wòkò tyí, pũnyáhkí tɔ me kɔ kyi mi ké sɔkɔ, kè me syiki à piriki kwe pnépné.

²⁸ Képah sɔkɔ, Yesu-á kwónó nópi kɔ te gbí nêne, tówú gbàn du ñ névye kwónó dùkùle. ²⁹ Yé náh we di, ñ névye kwónó dùkù náh sɔ̃ me Liyel tyi kònsàhnó kwópú tyí kòle dé, kè sɔ̃ me yòtõrí kwónóle képah ye.

8

Tótẽ dí yó dénmonole

¹ Yesu-á wil yõli yõ à tiki pɔ gbí nêne, tówú ñgbẽ ñ sò tẽ. ² Tótẽ yó me no de à gbètukunɔ di ñ yah sɔkɔ, té yo ñ tyí ne, pé Tẽ ñgbẽ, wáh me ké tyí wáh ki fẽ pé de mɔ pé kɔ pé pi yáyal Liyel yah. ³ Wáh yo sɛ̃, Yesu me ñ gbò no à tũ ñ tyí, té yo ñ tyí ne: «Mé me ké tyí, á ki de.» Nénpó swɔ, dí dú nyân núkú tye. ⁴ Képah sɔkɔ, Yesu me yo ñ tyí ne: «Káh yĩ mè yáh ney tyí dé. Té kyi á gblõyne sárká syínwĩkĩ-ò wẽki. Moyisi-á sɔ̃ sárká nê tyí yo sah tótã dénmonɔ tyí sɔkɔ, kyi képah wilki, nê-á ki kéle pé wẽki ne wáh de.»

Wrome sràsyíbi yòtẽ dí yó tònpi dénmonole

⁵ Té Yesu-á pɔ de Kapernayumi sɔkɔ gbí nêne, Wrome sràsyíbi yòtẽ dí yó pɔ ñ tñò té à ni ⁶ ne, pé yòtẽ, pé tònpi dí-á me sɛnóle gbò sɔkɔ wil kúnó nyânne ñ sɔkɔ. Wáh me n kwɔ képékèyô. ⁷ Képah sɔkɔ, Yesu me yo ñ tyí ne páh ki ñ sò tẽ kyi à de mɔ. ⁸ Nte kéne dí me yo Yesu tyí ne, pé yòtẽ, péwɔ-á fórcɔ kah ñ dénóle pé gbò sɔkɔ. Nkɛ à wey núkú ó yo, té pé tònpi-á ki de. ⁹ A kó we ni, yòtã-á me péwɔ tyí, té péwɔ tɔ mó me sràsyíbi yísyó yòtẽne. Páh yo nê tyí ne, à sɔkɔ! Tẽ n sɔkɔ. Páh yo nê tyí ne, à pɔ! Tẽ n pɔ. Páh yo pé yõ tyí ne, à tir mè pi! Á kè pi. ¹⁰ Képah sɔkɔ, Yesu-á kéne welo noh sɛ̃, sè ñ gbàn kah du. A me yo ñ sò tẽpú tyí ne: «Kègbi yõ mé kéle n yo yé tyí, mé náh Liyel yõ sɛnó ñgbẽ mè dùkù névi we yah Yisrayel no ñtẽ fyé sɔkɔ. ¹¹ Té mé kéle n yo yé tyí ne, névye náhnáh-á ki wil ywõ ywõ pólle, ki pɔ yòke yõ wẽ tyí Abrahamne, ànê Yisakile, ànê Nsyakobile Liyel tórí tyah sɔkɔ. ¹² Nte Yisrayel no nónó-á sɔ̃ yĩne dénóle Liyel tórí tyah sɔkɔ, pépi ki wũ kégbó fɛntũ sɔkɔ, nyáh sɔkɔ-á gbni ànê yni táhnó ki me.» ¹³ Képah tẽne, Yesu ñ syi yo sràsyíbi yòtẽ dí mè tyí ne: «Á syi ne n yuku á finne. Wáh sɛ̃ ñmɔ yõ sɛ̃, wáh nê yah kɔ, kè ki pi á tyí.» Nénpó swɔ, ñ tònpi dí núkú de.

Yámpú náhnáh dénmonole

¹⁴ Képah náh, Yesu kyi Pyeri gbò, té kyi Pyeri dénsé we sɛnóle wílvvãhnène. ¹⁵ Yesu me tũ pi gbò tyí, wílvvãhnè núkú à fin mɔ. Képah tẽne, pi me yuku tyah n yah n dah n mɔ Yesu tyí sɔkɔ.

¹⁶ Gbíyí-á de, no pɔ névye náhnáhle Yesu tyí sétã-á sɔ̃ me dénóle nónó sɔkɔ. A me ñ vyáh weyne sétã nópi yĩni wilki pé sɔkɔ, té yámpú téló pól de mɔ. ¹⁷ A képah

pi Liyel tẽntò syinyo-ò Yesayi tir yónsàhnó mè kǒ kè wil. A lésò ne ñkě: «À ye á yèvyãhrino pól tǎko to á yǒ, té á yamno pól tyε.»

Nónó-á sò me ké tyí ne pé Yesu sò tẽ

¹⁸ Yesu-á tówû ñgbě we pè po à mo gbĩ sě, à ne pé tò sáhpú àwo pé yuku yó-ñgbě kahnne. ¹⁹ Képah soko, Liyel tyi kònsàhnó kwó-ò yó no de ñ tnô té yo ñ tyí ne, kwó-ò dí, páh ki ñ sò tẽ n ko n kǒ ñne ñ yúkú-ńtân pól soko. ²⁰ Wãh yo sě, Yesu me yo ñ tyí ne: «Gběnpáhló tyí pĩ me. Kèpye tyí syè me. Nte Névi Pídí tẽ tyí, wénsēnmì-ńsah ítẽ náh me.» ²¹ Képah tẽne, ñ tò sáhpú soko yó tǒ à syah ne, kwó-ò dí, à ye páh po pé sú lékó ñgbò yĩ te. ²² Yesu me yo ñ tyí ne: «Ñmo sò tẽ, ñ té n ye nékyĩ kǒ pé pé lékyĩle n yĩ.»

Yesu yáhpékè yó yĩn mo yó-ñgbě soko

²³ Képah soko, Yesu de krótókè soko ànê ñ tò sáhpúle pè soko. ²⁴ Dǒ yáhpékè yó núkú kǒ yó-ñgbě yǒ soko, fók krótókè yǒ n tyah yínóle ni soko. Nte Yesu wo sò me n do. ²⁵ Képah soko, ñ tò sáhpú no de ñ tnô me kyi ñne n yilki n mo ne ñkě, Tẽ ñgbě, à pé pwah mo oo! Yó-á me n tyah pé yónóle dé! ²⁶ Yesu me yo pé tyí ne: «Kwâh nê pi té tíkí yé tẽ? Liyel yǒ sěnyĩ-ńkěpú nópi.» Képah tẽne, à yuku à díri kǒ yáhkí ànê ni yǒ, tyah núkú pi súmm. ²⁷ Képah tẽne, kè kah pi gběndùnne pé tyí. Pè me tyah yo tũ wě tyí ne, nédúkú nê se dí mène té yáhkí ànê yo to n sah ñ tyí yǒ ni?

Díbí népĩ nímí dénmɔnɔle sétàn-á sò me nónó soko

²⁸ Képah soko, Yesu-á kyi yĩni tẽ yó-ñgbě kahnne Kadarı tãn sétáh yǒ gbí nêne, díbí népĩ nímí me wil léyâl wró soko à po à yohni sétanne pé soko. Pé pékénkàhnó tẽ tyí, ney náh sò me fě n soko nénpo wěkile. ²⁹ Páh po à yohni, pè tyah n de n syi ne, Liyel Pídí, kwâh nê se à n yah n kǒ pé tyí ni? A se po ásô pépi fǒh yinne ké gbí nó-ńkě soko ni? ³⁰ Té kè sò po yĩne sel kwĩnki yísyó me n yah n yǒ n kǒ fíi kwéy péle. ³¹ Sétàn nópi me Yesu ni ne, wãh ki sé yĩni wilki díbí nópi soko, à ye sé kǒ sé kyi n de sel nópi soko. ³² Yesu me ne, sè ne n yuku. Sè núkú wil díbí nópi soko à kyi de sel nópi soko. Sel nópi pól núkú wil yǒl yǒtah, à to tiki tükütükü à kyi de yo soko à ku. ³³ Képah tẽne, sel nópi fěpu me to de kwil soko, à kyi tyi nópi pól yãh no tyí, à tahlı tir nê-á pi díbí népĩ nímí nópi tyí sétàn-á sò nónó soko. ³⁴ Képah soko, kwil tãn pól wil kyi Yesu yohni. Páh fyò à we, pè à ni ne à yal pépi sétáh yǒ.

9

Sèkùkù dí yó dénmɔnɔle

¹ Képah soko, Yesu de krótókè soko à ñ syi yó-ñgbě kah à soko ñ kwil soko.* ² Nósyó me sèkùkù dí yó twah sě sě kwâh yó yǒ à po ñ tyí. Wãh kè we pè sě ñ yǒ sě, à yo sèkùkù dí mè tyí ne: «Káh n ye á yáh-ńsah tyε í pídí. A tyípèl pínó ye yǒ mo ñ kǒ.» ³ Képah tẽne, Liyel tyi kònsàhnó kwópú yísyó tyah n sǒ ne, dí mè-á me n yo n de Liyel tyí dé. ⁴ Nte Yesu-á pé sǒno pĩ sě, à yo pé tyí ne: «Kwâh nê pi té sǒno tükúnne yé soko sě? ⁵ Mâh yo sèkùkù dí mè tyí ne: «A tyípèl ye yǒ mo.» Képah náh pi, mâh yo ñ tyí ne: «Yuku ne n ko.» Dlo me nê tẽ yónó soko kal? ⁶ Nte mé ki tir yó pi yé kǒ yé ki pi ne, tẽnweno-á me Névi Pídí tyí sétáh yǒ ki fě tyípèl yǒ mo.» Té ñ syi yo sèkùkù

* 9:1 9.1 - Yesu kwil nê tyí-á n yo ásô soko yò, Kapernayumi ye.

mè tyí ne: «Yuku, á sě sě kwâh tɔkɔ n̄ ne n yuku á gbô.» ⁷ Dí me yuku à sɔkɔ n̄ gbô. ⁸ Tówû-á képah tē we sě, tíkí pè tē. Pè tyah Liyel yinne n gbilki wăh sɔnp̄ile tēnwɛnɔ mè òkùlè névye kɔ̄.

Yesu Matye ye pi n̄ tò sáh-òlè

⁹ Yesu-á yal nénpó té n sɔkɔ, à dí yó we à me kɔ̄ tē mórile n syi mórí syí-ńsah sɔkɔ, pè n ye Matyele. Yesu me yo n̄ tyí ne: «N̄ sò tē.» A me yuku n̄ sò tē. ¹⁰ Képah náh, Yesu-á sò me yòke yónó sɔkɔ Matye gbô, mórí syípú náhnáh ànê Liyel wěkì kó-ńkēpú tɔ pɔ n yò ònne wě tyí ànê n̄ tò sáhpúle. ¹¹ Farisi wěkì kópú-á képah we sě, pè yo Yesu tò sáhpú tyí ne, kwâh nê se pi té pé kwó-ò dí n yò mórí syípú ànê Liyel wěkì kó-ńkēpúle wě tyí n̄? ¹² Nte Yesu-á pé wey noh, à yo pé tyí ne: «Névye nónó-á me lènɔle, sènp̄i yétò se me pé tyí? Yámpú tyí náh n̄ yétòle di? ¹³ Liyel-á nê yo ne ńkē: «Yáh wě yámne n yah, képah tyí nɔ ńmɔ tyí kal yáh sárká nêne n suke ńne n kɔ̄.» Yé kyɪ yé fɔkɔnɪ mɔ yah képah tyí sɔkɔ, yé ké kór p̄i. Yé náh we di, névye nónó-á me n sò ne négló-á péle Liyel yah, mé náh pɔ pépi yé-ńsah dé. Nte nónó-á p̄i ne tyíp̄el pípú-á péle, pépi yé-ńsah ye mé pɔ.»

Niv̄n̄i tir náh me núkúle Nsyifunɔ tyídile

¹⁴ Képah sɔkɔ, Wèlnwilk̄i-ò Nsyɔ̄ tò sáhpú nɔ de Yesu tn̄o té à syah ne, kè se pi sò té pépi ànê Farisi wěkì kópú níkile n tē té òmɔ tò sáhpú náh me níkile n tē n̄? ¹⁵ Yesu me yo pé tyí ne: «Páh nónó ye fúr yòke yò yinne, pépi se kɪ fě pé yey kwɔ sah p̄e me gb̄ine pé nyó? Nte sèp̄in̄ yisyó me n pi, p̄e mè kɪ pɔ n tē n wilki n pi pé nyó. Légb̄ine, pè kɪ níkile n tē.

¹⁶ Nn̄i yó ńtē náh yīne à fwòsān kām à fwòdyàh min. Yé náh we di, fwòsān mè kɪ fwòdyàh mè yori tɔ, wăh ó kɔ̄ kè kɪ t̄ɔ mɔ ké tónó yò. ¹⁷ Dìv̄e sán tɔ náh yīne mónóle pley d̄i sɔkɔ. Wáh képah pi, òv̄e mè-à fū, kè kɪ pley nópi sɔkɪ, òv̄e kɪ kw̄e, pley tɔ tyí kɪ yikɪ. Nte kàh òv̄e sánne, pley snó sɔkɔ ye kè n mɔ. Képah sɔkɔ, kèyàh ńtē náh n yikɪ.»

Pi yó dénmɔnɔ ànê sènp̄ir yó lékó yilk̄inmɔnɔle

¹⁸ Yesu-á me kéne welɔle n yo pé tyí gb̄i nêne, Nsyifunɔ yòtē dí yó nɔ de n̄ tn̄o, té gbètukunɔ di n̄ yah, té yo n̄ tyí ne pé písê-á yah kw̄lɔ núkúnúkú sě yò. Nte à pɔ kyɪ n̄ gb̄ò sah n̄ yò, wăh kɪ min we. ¹⁹ Képah sɔkɔ, Yesu ànê n̄ tò sáhpú me yuku dí sò tē.

²⁰ Té kè pɔ yīne sê yó sò me náhle n yo tyé-ńkēne ye gb̄oninó. Pi mè me nɔ de Yesule n̄ náh t̄inne, à pɔ tū n̄ fwòmɔnɪ vyāh tyí. ²¹ Yé náh we di, à sò me n sò n̄ fɔkɔ sɔkɔ ne páh kɪ tē we tū n̄ fwòmɔnɪ ńtē ó tyí, páh kɪ de. ²² Yesu-á n̄ yah vi té à we, à yo n̄ tyí ne: «Káh n ye á yáh-ńsah tȳe, ń písê. Á Liyel yò s̄nó ye n̄ de mɔ.» Nénpó swɔ, pi núkú de.

²³ Té Yesu-á pɔ yīni tē Nsyifunɔ yòtē dí gbô, à yikɔ f̄íbípú we té tówû we pè me n pi wr̄wr̄. Képah sɔkɔ, à me yo pé tyí ne: ²⁴ «Yé wil ásô. Pípír náh ku, òy† sɔkɔ ye ònne.» Nte pè sò me kóle Yesule n ko. ²⁵ Páh tówû wilki mɔ te kégbó sɔkɔ, Yesu me de yuku wòkò sɔkɔ, té pípír gb̄ò sɔkɔ tē, pípír yuku. ²⁶ Yí mè pínó tyí tyah n yāh kéne mara yw̄ yw̄ pól sɔkɔ.

Yítubi nép̄i ními yisyó yí yilk̄inmɔnɔle

† 9:24 9.24 - òy nê tyí-á Yesu n yo ásô yò, òy gb̄oy náh sò dé. Pípír sò ku kègb̄i yò. Nte Yesu-á sò p̄i ne páh kɪ fě n̄ lékó yilki mɔ sě, képah ye à ne òy sɔkɔ-á ònne.

²⁷ Yesu-á yal nénpó à n sòkò gbí nêne, yítūbi népî ní mí yuku ò sò tē té me yo tū léyy ne, Davidi Pídí, à pé yām yah. ²⁸ Yesu-á pò yīni tē gbô sòkò, yítūbi nópi me no de ò tñô. A me pè piki yah ne, pè se sē ké yō ne péwò-á kí fē pé yí yíkí mò ní? Pè me ne, àwe-á, Tē ñgbē. ²⁹ Képah sòkò, Yesu tū pé yí tyí té ne: «Yáh sē ñmò yō sō, té nê yah kō ní tyí, Liyel kè pì yé tyí sē.» ³⁰ Képah tēne, pé yí yíkí mò. Yesu me pè gbah sni ne, pè pé gblōy tē, pè káh n ye ney pī ké sòkò dé! ³¹ Nte pé wílnteno ñsō, pè kyí tyah Yesu yíngbúle n yo n kō kéne mara pól sòkò.

Dí yó dénmòwòle nê vyāh-á sò me gbínóle

³² No nópi-á wíl n sòkò gbí nêne, nósyò pò dí yóle Yesu tyí, nê-á sétò yó me ò sòkò à kō à pì kèdòkùle. ³³ Yesu-á núkú sétò mè yīni wilki dí mè sòkò, dí tyah n wekí. Kè pì gbēndùnne tówú pól tyí, pè me yo tū ne ñkē, pépi náh ñsòntē dukù we yah Yisrayel sòkò pólle. ³⁴ Nte Farisi wēkì kópú wò sò me yo tū ne, sétàn yòtē gbò yō-á à n yīni sétanne.

Tówú yām me Yesu tē

³⁵ Yesu lésò me kwólò-ñgbò ànê kwólópì pólle n kò n kō, me nole n kwò Liyel ní-ítàn vù sòkò, me Nìvìnì tìrle n yo Liyel tǒrí tyí yō, té me yámpú pól ànê néfukulò pólle n de n mò. ³⁶ Yesu-á tówú nóno we kwólónò sòkò, té pé yáh-ñsah me tye á kí ne yípêy sō fē-ò kéne sé tyí, pé yām à tē. ³⁷ Képah sòkò, à yo ò tò sáhpú tyí ne: «Sè mukò tokò tokò tē me dò, té ké tǒnpìbùle kwéy. ³⁸ Káh pì sē, Tē ñgbē Liyel nê-á sè mukò nétēne, yé à ní à tǒnpìbù tēkí n mò sè mukò tokò yīnne.»

10

Yesu tēntò névye népî gbōnimìne

¹ Sò yóle, Yesu ò tò sáhpú népî gbōnimí ye pò, té tēnwenòle pè kō ne pè sétanne n yīni, pè mó yámpú pólle n de mò, ànê néfukulò pólle. ² Kéne népî gbōnimí nópi ye à pì ò tēntò névyele. Pé yni we yò: Kè tyah Simo tyí, nê-á pè yīn dyí à kō Pyerile, ànê ò gbēndí Andrele, à tahlí Nsyakí ànê ò gbēndí Nsyò tyí, pépi nóno-á Nsebede dínpìle, ³ à tahlí Filipi ànê Bartelemi tyí. Toma sò me pé sòkò ànê Matyele, nê-á sò mórí syí-òle, à tahlí Alfe pídí Nsyakí tyí ànê Tadile, ⁴ ànê Simole, nê-á sò sú fò vyāh syípú sòkò yóle, à tahlí Nsyudasí Yisikariyotí tyí nê-á pò pì pè kō pè Yesu tē.

Yesu tēntò névye népî gbōnimí tékínmòwòle Nìvìnì tir yó-ñsah

⁵ Népî gbōnimí nópi ye Yesu tō té kè gbah yo pé tyí ne: «Yé káh kyí névye ònne nóno náh pì Nsyifunòle, ànê yé káh de Samari tǎn kwíl yó ñtē sòkò. ⁶ Yé ne n yuku Yisrayel no wò ònne, pépi nóno-á me képyénì mǒnpunò tyí kòle. ⁷ Yáh kí n yuku wēkì yō, yé ne n yo n yuku ne, Liyel tǒrí-á me yīni tē te. ⁸ Yé yámpúle n de n mò. Yé lékyìle n yilki n mò. Yé tótāmne n de n mò pé dú ñyàn sòkò, yé mó sétanne n yīni n wilki névye sòkò. Yáh we syi ònòle sō, yé tò ne n kō ònòle sē.

⁹ Yé káh pò tokò dah mò yé yō. ¹⁰ Yé káh pley, ànê fwòmòlo ní-òno, ànê lékyèh, ànê léplò tokò kóló yīnne. Yé náh we di, tǒnpì yīne ò tò pínó yòke yónòle.*

¹¹ Yáh kyí de kwíl-ñgbē képah náh pì kwílpir nê sòkò, yé négbí yah kō yé twah tē tyí. Yé mó tē tē tyí, fòó kè pò no yé yálnó tyí kéne kwíl sòkò. ¹² Té yáh kyí n de kéte nê sòkò, yé yo pé tyí ne yèvinì ne me pé yō. ¹³ Kéne kéte tǎn-à fē syi yé twah pé tyí,

* **10:10** 10.10 - Yah n te 1 Korēnti tǎn 9.14 ; 1 Timote 5.18.

yèvɔnɔ mè kɪ mɛ pé yõ. Nte pàh yahle, yèvɔnɔ mè kɪ ké syɪ pɪ yé tyíle. ¹⁴ Yâh de gbô nê sɔkɔ képah nâh pɪ kwil nê sɔkɔ, té pè yahle ne yé kâh twah pé tyí, té yahle yé wey nóhnóle, yâh n yal, yé yé gbyêh nèngbõ kwer n kwe nénpó. ¹⁵ Kègbɪ yõ mé kéle n yo yé tyí, Liyel tukey tuke sòle, Sodɔmɪ kwil ànê Gbomɔrɪ kwil fòhnó n̄tē nâh n peke n nɔ n pi kéné kwil tyíle.»

Yèvyâhrɪ nê-á kɪ n pɔ n pi

¹⁶ «Yé yah, yé mɛ á kɪ ne képyénì s̄ó n̄mɔ n tɛkɪ n mɔ gbɛnpâhlo nuyó. Yé ne mɛ lékâm névyele áswõ pléy tyí kòle, yé fɔkɔ mó ne mɛ pépér t̄tí s̄ó. ¹⁷ Yé yé gblóyne n kyɔmɪ névyele dé. Pè kɪ yéle n tē n tuke n pɔ tukey tükè-ntân sɔkɔ, té kɪ yéle n ko yèfòhle Liyel ní-ntân v̄i sɔkɔ. ¹⁸ Pè kɪ yéle n tē n kyɪ n pɔ kwiltâm yòtâm ànê yòtâm tyí n̄mɔ ȳinne. Képah sɔkɔ, yé kɪ n̄mɔ tyíle n we n yo pé tyí, à tahlɪ névyé tyí nóno nâh pɪ Nsyifunɔle. ¹⁹ Nte pàh yé tē n yuku tükè-nsah, yé kâh ye yé yâh-nsah tye yâh ne n yo n wil n pi s̄ó, ànê yâh ne nê yo n pi. Yâh ne nê yo n pi, ké s̄onɔ kɪ de yé sɔkɔ nénpó swɔ. ²⁰ Yé nâh we di, yé yah ȳi wɛlo nâh yé kɪ n wɛkɪ dé, Sú Liyel Mirki ye kɪ tē yé yahle yé kɪ n wɛkɪ. ²¹ Névyé kɪ pè k̄o pè kɪ pé ȳunpyéle n tē n ko n mɔ. Súbí tɔ kɪ s̄ɛntēne n pɪ pé w̄ɛnp̄i tyí. W̄ɛnp̄i tɔ kɪ pé dúbípú tyí yahle, té kɪ pè k̄o pè kɪ péle n ko n mɔ. ²² Névyé pól kɪ yé we mɔ n̄mɔ ȳinne. Nte nê-á n̄ tah sah à pɔ nɔ ké tyénó tyí, tē kɪ pwáhn̄m̄onɔ we. ²³ Pàh yéle n fòh kwil yó sɔkɔ, yé sɔkɔ kèyâh sɔkɔ. Kègbɪ yõ mé kéle n yo yé tyí, n̄mɔ nê-á Névi Pídine, yé nâh t̄on̄i Yisrayel kwlo pól kɔ n k̄o n tɛ n pi té mé kɪ pɔ.

²⁴ Tir sâh-ò nâh n kal n pne n̄ kwó-òle. T̄on̄pɪ tɔ nâh n kal n pne n̄ yòtēne. ²⁵ Tir sâh-ò-à pɪ n̄ kwó-ò tyí kòle, kè kɪ ȳine. T̄on̄pɪ tɔ-à pɪ n̄ yòtē tyí kòle, kè kɪ ȳine. Névyé-á fyò mɛ kéte tē dí n̄tēne n gbyɔ Belsebulile, (nê kór-á sètân yòtēne), n̄ kéte t̄an wɔ se pyè pè kɪ ye gbyònpèkenɔle? ²⁶ Kâh pɪ s̄é, yé kâh névyé yah t̄ikile n pɪ. Yé nâh we di, tyíp̄il yó n̄tē nâh n wũ n pi w̄ilk̄in̄m̄o-n̄k̄ēne. S̄ɛ̄n̄ s̄ó tir yó n̄tē nâh n wũ n pi p̄í-n̄k̄ēne. ²⁷ Mâh tyi nóno n̄ yo yé tyí f̄ɛnt̄ũ sɔkɔ, yé séle n yo n wilki n mɔ tyah kyòo yah. Tyi nóno-á n plɔ n yo yé tyí yé ník̄iló yey, yé sé kwn̄ine n k̄o gb̄ɛnt̄in̄ yõ. ²⁸ Yé kâh névyé yah t̄ikile n pɪ, nóno-á névyele n ko mɔ n pne, té pè nâh f̄ɛ n̄ min ko mɔ n pi. Nte Liyel nê-á kɪ f̄ɛ névi wil gb̄ɛnsê ànê n̄ min tɔ min dah mɔ ní-n̄k̄ē nyâhn̄pèkè sɔkɔ, yé n̄mɔ wɔ t̄ikile ne n pɪ. ²⁹ Nt̄ɛnp̄inó n̄inó n yâm póp̄ik̄í pó núkú óle. Nte sé sɔkɔ yó n̄tē nâh n syk̄i sètâh, né yé Sú Liyel nâh ké w̄èk̄i k̄o. ³⁰ Nte yépi tē wɔle, yé yòyén n̄tē pól dan mɛ p̄ínóle Liyel tyí. ³¹ Kâh pɪ s̄é, yé kâh t̄ikile n pɪ, yépi tyí nâh tah kal n̄t̄ɛnp̄i kw̄ink̄i tyíle di?

³² Névi nê-á kè yo dal mɔ névyé ȳi yah ne pâh mɛ n̄mɔ tyí yõ, n̄mɔ tɔ kɪ kè yo dal mɔ n̄ Sú ȳi yah nê-á mɛ ȳinyõ, ne tē-á mɛ n̄mɔ tyí yõ. ³³ Nte nê-à yahle névyé ȳi yah ne pé nâh mɛ n̄mɔ tyí yõ, n̄mɔ tɔ kɪ yahle n̄ Sú ȳi yah nê-á mɛ ȳinyõ, ne tē nâh mɛ n̄mɔ tyí yõ.»

Yesu tyí-á gbékínó nê dahbɪ kèkōyó

³⁴ «Yé kâh we ne yèvɔnɔ-á mé pɔ mó-nsah sètâh yõ dé. Yèvɔnɔ nâh mé pɔ mó-nsah sètâh yõ, gbékínó wɔ ye pyè. ³⁵ Mé pɔ dí ànê n̄ sú wró gbékí-nsah; s̄ɛnp̄ir ànê n̄ yũ wró gbékí-nsah; sê ànê n̄ pɛ yũ wró gbékí-nsah. ³⁶ Névi gbô t̄an ye kɪ pɪ n̄ s̄épéb̄ile.

A á gblóy dyɔ ȳi tyi we ye, té Yesu s̄ó tē

³⁷ Névi nê sú, képah náh pi ñ yú tyí-à no ñ tyí à kal nímo, tẽ náh yĩne à ne n me nímo tyí yõ. Névi nê pídí, képah náh pi ñ písê tyí-à no ñ tyí à kal nímo, tẽ náh yĩne à ne n me nímo tyí yõ. ³⁸ Névi nê-à ñ syi syi dahnu twah ní sò tẽ-ńkẽne, tẽ náh yĩne à ne n me nímo tyí yõ. ³⁹ Névi nê-á ne páh pé minne n koh n sah, tẽ ki tekı tyé-ńkẽ min soko. Té nê-á tekı ñ min soko nímo yĩnne, tẽ wo ki tyé-ńkẽ min we.»

Yõre nê-á n we Liyel nípú tǔnsàhtẽno soko

⁴⁰ «Névi nê-à yé tẽ ple, nímo ye tẽ tẽ ple. Nê to-à nímo tẽ ple, Sú Liyel nê-á tekı mo ñne, ñmo ye tẽ tẽ ple. ⁴¹ Névi nê-à Liyel tẽntò syinyo-ò tẽ ple ñ pínó yĩnne Liyel tẽntò syinyo-òle, Liyel tẽntò syinyo-ò dyah dyah kwáh kénkõ ye ki dyah tẽne. Névi nê to-à négbí tẽ ple ñ pínó yĩnne négbíle, négbí dyah dyah kwáh kénkõ ye ki dyah tẽne. ⁴² Kègbı yõ mé kéle n yo yé tyí ne, névi nê-à nívíno ńgbíyĩne nímo tò sáhpú soko yó ñtẽ fyé kõ à wo ñ pínó yĩnne nímo tò sáh-òle, tẽ náh n tekı n pi ké lédyáhnı soko pólle.»

11

¹ Képah soko, Yesu-á tyi kwáh sah ñ tò sáhpú népı gbõnimı kõ te gbı nêne, à yal nénpó à yuku gbòplo kwlo soko, à kyı kwónóle n pi té Nivini tirlé n yo.

Wèlnwìkì-ò Nsyõ-á píkinyahno nê pi Yesu Krista tyí soko

² Wèlnwìkì-ò Nsyõ sò me wòkònpèkè soko té Krista tyípínó tyí yónó noh. A me ñ tò sáhpú yısyó tò pé kyı à piki yah ne, ³ ñmo se Liyel ney yáhtòkonole nê-á ki sò n po n pi, tı pé se yĩne pé ñnĩne n syıki ni? ⁴ Yesu me yo pé tyí ne: «Tyi nóno-á yé n nohni té séle n yah yò, yé kyı sè yáh Nsyõ tyí ne, ⁵ yítubi yí-á me n yıki n mo, sèkukubi me n ko tómtóm, tótám me n de n mo, níkitubi me n nohni, lékyı me n yilki n mo, ànê Nivini tir me n yo n kò yám tán tyí. ⁶ Nte nímo tyí-à ki névi nê kõ à ní yõ sèno yáhle-ńkẽne, tẽ wo tyí no.»

⁷ Nsyõ tò sáhpú-á pé syi soko te gbı nêne, Yesu tyah Nsyõ tyıle n yáh tówú tyí ne ńkẽ: «Kwáh nê me yé kyı yah gbènnı soko? Fılki yó se yáhkı me n fi n kò? ⁸ Nte kwáh nê me yé kyı yah wé? Dí yó se nê-á me fwòtáhnı mo? Té nóno-á mó tò fwòtáhnıne n mo, pépi me yótám fné soko dò. ⁹ Nte kwáh nê me yé kyı yah wé? Liyel tẽntò syinyo-ò yó se? Mé kéle n yo yé tyí ne sè-á. Té ñmo ñtẽ-á kal Liyel tẽntò syinyo-òle. ¹⁰ Yé náh we di, Nsyõ tyí ye wárkínsàhnóle Liyel wey sébéy soko ne Liyel-á ne: «Yah, nímo Liyel ki ñ tẽntò névi tekı mo á yahle, à ki po á wèkì tó sah.»* ¹¹ Kègbı yõ mé kéle n yo yé tyí ne, sè foko táh pi yó ñtẽ náh me nê-á kal Wèlnwìkì-ò Nsyõne. Nte nê-á tyıı kal Liyel tórí nolı yópú soko, ñmo ñtẽ kal ñne. ¹² Té à toko Wèlnwìkì-ò Nsyõ gbı tyí, pópó à po syi núkúnúkú tyí, Liyel tórí nolı me n we n yõ táhnsàhnó ó soko. Táhnsàhpı ye n we kéle. ¹³ Liyel tẽntò syinyopı pól ànê Moyisi tyi kònsàhnó sò me Liyel tórí tyıle n yo, pópó à po syi Nsyõ gbı tyí. ¹⁴ Yáh ki fè n sè n pi ké yõ, Nsyõ ye Yeli mène, nê pónó tyí-á sò yónsàhnóle.† ¹⁵ Nê-à ki me kè noh, tẽ kè tẽ yin.

¹⁶ Mé ki kwey gbı névyé toko sáh nêne wé? Pé me á ki ne wènpı sò kò tẽ tówú tükè-ntàn soko, té me n yo n mo pé no tyí ne, ¹⁷ pépi-á yıki fıbi pé tyí, té pé náh yi. Pé tó kú yıkı gbı mo, pé náh se tó gbo. ¹⁸ Sè ye kwey gbı névyé to me n pi. Yé náh we di, Nsyõ-á lésó po, à náh me yòke yèsyıkıle n yõ, à náh me ñvène n wo. Képah tẽne, pé ne sétó-á me ñ soko. ¹⁹ Nte Névi Pídı wo-á po, ñmo n yõ palle té n wo palle.

* 11:10 11.10 - Yah n te Malaki 3.1. † 11:14 11.14 - Yah n te Malaki 3.23.

Pè me tō ne, pè yah yèwònpɪ ànê sètě-á ñne, mórí syípú ànê tyípèl pípú kódí-á ñne. Nte Liyel lékám-á n tɔkɔ à tyi nónónɛ n pi, sé pal n pne sé tō n sah n pi dükù sɔkɔ.

Yesu kàhnwɛkɪnɔlɛ Kalile mara kwlo yísyó yō

²⁰ Képah náh, Yesu-á sò ñ gbìlnó kan pi kwlo nónó sɔkɔ, à tyah n kah n wɛkɪ sé névye yō, páh sɔnpíle yahle pé tyípèl pínó yálnmɔnɔlɛ. A ne: ²¹ «Pèkè me yé yō, Korasini tãn. Pèkè me yé yō, Betisayida tãn. Ngbõ gbìl tyi nónó-á pi yé ònnɛ, sɛnkno-à sò me pi Tiri ànê Sidō tãn ònnɛ, pè náhki me yèkwɔrɪ flɔ mɔ, té náhki me pé piki syíle à pé tyípèl pínó yal mɔ di mónóle. ²² Képah ye mé kéle n yo yé tyí, Liyel tukey tuke sòle, Tiri ànê Sidō tãn † fóhnó nítě náh n peke n nɔ n pi yépi tyíle. ²³ Té yépi-á dò Kapernayumi tãn, yé se me n sò ne yáh ki dɔkɔ mɔ yínyō? Pólle, yé ki tiki mɔ yuku fókókwíl nyàh tě-nsah. Yé yah, gbìl nónó-á pi yé ònnɛ, sɛnkno-à sò me pi Sodòmɪ tãn tyí, Sodòmɪ kwil náhki me sě kwey mɛ sɔkɔ. ²⁴ Képah ye mé kéle n yo yé tyí, Liyel tukey tuke sòle, Sodòmɪ kwil tãn fóhnó nítě náh n peke n nɔ n pi yépi tyíle.

Wékínóle Sú Liyel tyí

²⁵ Légbíne, Yesu ne nkě: «Bõ, áwɔ nê-á yínyō ànê sétáh nétěne, mé n wɛkɪ á tyí wáh sɔnpíle tyi nópi wòbɪ yí pípú ànê lékám névye yah, té séle névye wɔ wɛkɪ nónó-á me wɛnpì sō. ²⁶ Bõ, kè ye áwɔ dyɔ á kè pi sě.» ²⁷ Yesu tō ne: «Ní Sú ye tyi pólle ní gbõ dahbɪ. Nmɔ nê-á Pídíne, ñnì yó nítě náh ñne n pne né Sú ó náh. Nnì yó nítě tɔ náh mó Súle n pne né Pídí ó náh, à tahlɪ Pídí-à me ké tyí ne pé ñne nê wɛkɪ.

Yesu-á yèvinɪ nêne névyele n kō

²⁸ Yépi nónó pól-á me kwílnó sɔkɔ tókópèlle yé yō, yé pɔ ñmɔ tyí, mé ki yé kō yé ki n mɪ. ²⁹ Népir névi ànê gblɔy tíkínmɔ-ò ye ñmɔle. Képah ye, máh yéle n mɔ tō nê sɔkɔ, yé kè fě syi yé mó pi ní tō sáhpúle. Képah sɔkɔ, yé ki n wɛ n mɪ. ³⁰ Yé yah, ñmɔ tō náh tah, ní tókóbí me fáhah fáhah.»

12

Yesu-á nê yo mɪ mɪ yòh tyí sɔkɔ

¹ Légbí mɛ ó sɔkɔ, mɪ mɪ yòh sò yóle Yesu ànê ñ tō sáhpú sò me n kah sèmuco swěy yísyó sɔkɔ. Té kwɛkɪ sò me ñ tō sáhpú tě. Káh pi sě, pè mɪ de sèmuco ywõ kòlɪntahnɔ sɔkɔ. ² Farisi wɛkɪ kópú-á képah wɛ sě, pè me yo Yesu tyí ne, tir nê pínó wɛkɪ náh me kónóle mɪ mɪ yòh sòle, à ne n yah ñ tō sáhpú kéle n pi lé. ³ Nte Yesu me yo pé tyí ne: «Kwɛkɪ-á lésō yòtě dí Davidi ànê ñ náh névye tě, wáh nê pi, yé náh kè kar yah di? ⁴ Búrn nónó-á lésō me sàhnóle Liyel tyí yō Liyel wòkò sɔkɔ, à náh lésō de ké sɔkɔ à sè tɔkɔ tah ànê ñ náh névyele di? Té à wil sárká syínwìlkìpu tyí sɔkɔ, ney náh lésō yíne sé táhnóle.* ⁵ Yé se ki ne yé náh kè kar yah tɔle ne, sárká syínwìlkìpu-á nkěne mɪ mɪ yòh dèlle n pi Liyel ní-nsah gbô sɔkɔ mɪ mɪ yòh sònóle, té lékàh náh me pé tyí?† ⁶ Nte mé kéle n yo yé tyí, névi me ásô nê-á kal Liyel ní-nsah gbôle. ⁷ Liyel kè yo ne nkě: «Sárká súkénkõnɔ náh mé n yah n kō dé, wě yãm yáhnó ye mé n yah n kō.» Yáh sò me képah kórle n pne, yé náh náhki lékàhle lékàh kě névye kō n pi. ⁸ Yé náh wɛ di, Névi Pídí ye mɪ mɪ yòh yòtěne dò.»

† 11:22 11.22 - Tiri ànê Sidō tãn-á sò pi Nsyifunɔ náh péle sě, Nsyifunɔ sò me péle n mɔ n kō tyípèl kàhnpiɔpule. Yah n te Yesayi 23. * 12:4 12.4 - Yah n te 1 Samuyelɪ 21. † 12:5 12.5 - Yah n te Yáhnó 28.9-10.

⁹ Yesu-á yal nénpó, à soko pé Liyel ní-ńsah wòkò yó soko. ¹⁰ Gbònkù dí yó sò me nénpó. Té pè sò me ké tyí ne pé lékàh we Yesu kò. Kàh pi sě, pè Yesu piki yah ne nkě, yónwó dénmòno wěkì se me kónóle mi mi yòh sòle ni? ¹¹ Nte à me yo pé tyí ne: «Yé soko yó tyí kérépó núkú ó-à me, té à soko de pwàhsùkù yó soko mi mi yòh sòle, tẹ se ki ye n kyínwìlkinóle lésòle? ¹² Nte névi nàh fónfó kal nàhnàh kérépó yò di? Kàh pi sě, pèpòri pínó wěkì me kónóle mi mi yòh sòle.» ¹³ Képah tẹne, té yo gbònkù dí mè tyí ne: «Á gbò tǒ.» A me kè tǒ, kè núkú pi vile ké ní-ò mè sǒ. ¹⁴ Nte Farisi wěkì kópú-á fyò wil Liyel ní-ńsah wòkò soko, pè kyi wě we à vī-ńsah yah Yesu we n ko n mo yīnne.

Liyel-á nê yah wilki ne à pé tǒle n pi

¹⁵ Yesu-á pò pī ne Farisi wěkì kópú-á me pé kònmò-ńsahle n yah n kò, à yal nénpó. Névyé nàhnàh me n sò tẹ. A me pé soko yámpú pól de mo, ¹⁶ té pè gbah sni ne pé káh pé tyí yāh ney tyí. ¹⁷ Yesu-á kérépah pi, Liyel-á lésò nê yo sah n tẹntò syínyo-ò Yesayi tyí, kè wil. A lésò ne nkě:

¹⁸ «Máh nê yah wilki ne à ní tǒle n pi, à we yò. N nìdè ney ye ñne. Nmo ye ní nìvìni yǒle.

Mé ki ní Mirki tiki mo n yǒ,

à kò à ki gbì wěkì tyí yo yìkìni pól névyé tyí.

¹⁹ A nàh yékàb pi n pi neyne, à nàh n gbo n mo n tū n pi, ney nàh n yīnpǒ noh n pi tówù tükè-ntàn soko.

²⁰ Fìlkì nê-á me kwónmòntěnóle, à nàh ké téy kwò n pi.

Fòtnò nê-á me n tyah nínóle, à nàh ké téy ni n mo n pi.

Sě ye à ki n pi, pópó ki pò no gbí nê-á gbì wěkì ki yah syi.

²¹ Té yìkìni pól névyé gbò sàhnó ki me ñmo yǒ.»‡

Yesu tẹ we sétàn yǒtẹ tyí

²² Képah nàh, nósýó dí yó tẹ pò Yesu tyí. Sétò sò me n soko à kò à pi yítù ànè kèdòkìle. Yesu me à de mo, à kò tẹ we n weki, té fě n yah. ²³ Képah tẹne, kè pi gbèndùnìne tówù pól tyí, pè me tyah n yo wě tyí ne: «Té Davidi Pídí nàh yò lé?»

²⁴ Nte Farisi wěkì kópú-á kérépah tẹ noh sě, pè ne sétàn yǒtẹ Belsebuli ó gbò yò-á à n yīni sétànne. ²⁵ Té Yesu-á pé fòkò sòno we sě, à yo pé tyí ne: «Yǒtǒrí nê tẹ névyé-à fyò yuku wěne n fwo, kéne yǒtǒrí ki yiki. Kwil nê névyé-à yuku wěne n fwo, kè nàh n wū n pi. Sě ó ye, kéte nê névyé-à yuku wěne n fwo, ké to nàh n wū n pi. ²⁶ Té sétàn yǒtẹ-à tyah n nole n yīni, n gblǒy nàh à n fwo di? N yǒtǒrí se ki wū? ²⁷ Té nímò-à me sétànne n yīni Belsebuli gbò yò yé yo à; yépi tìnkì névyé wò-á dò, nê gbò yò me pépi n yīni séle wé? Pépi ntẹ ye ki lékàhle yé kò. ²⁸ Liyel Mirki gbò yò-à mé n yīni séle, kérépah n wěki ne nkě, Liyel tǒrí-á yīni tẹ yé tyí. ²⁹ Tàhkì-á me díš nê soko, nê ki fě n púkúbí-ńkě soko, ki de n wòkò soko ki n gbàn yí kwel? Máhah wàh ki à pukubi té ki pyè de n wòkò yí kwel. ³⁰ Névi nê-à mó-ńkène nímòle, tẹ me nne n fwo. Névi nê nàh me nne n yohni n mo tükènmòno soko, tẹ me kárkínóle n pi.

³¹ Képah ye, mé kéle n yo yé tyí ne: «Névyé tyípèl pól ànè pé Liyel gbyòno pól ki fě yǒ mo pé kò. Nte Liyel Mirki gbyòno tẹ wò nàh n yǒ mo n pi pé tyí pólle. ³² Névi nê-à

‡ 12:21 12.18-21 - Yah n te Yesayi 42.1-4. § 12:29 12.29 - Dí nê tyí-á yo ásò soko yò, sétàn yǒtẹ ye pé n ye.

yo de Névi Pídí tyí, kè kɪ fě yõ mɔ tẽ kõ. Nte névi nê-à yo de Liyel Mirki tẽ wɔ tyí, kè náh yõ mɔ tẽ kõ n pi kweyne, kè náh yõ mɔ tẽ kõ n pi nísò tɔle.»

³³ Yé yah, séswô n pne ké pye òkò sòkò. Yâh ne séswô nê-á me ple, yé ne ké pye tɔ-á me ple. Yâh ne séswô nê náh me ple, yé ne ké pye tɔ-á me kètúkùyô. ³⁴ Wáhnmiró nópi, tyípéplɔ se kɪ fě n wil yé vyëy sòkò té yé nno mó tõ me yúkúnóle pèkèle? Névi nɪ-á me yúkúnóle tyi nónónɛ, sépi ye n wil tẽ vyâh sòkò dò. ³⁵ Népépëy tyípéplɔ n wil n nɪ sòkò. Nétúkù tyítúkùnì tɔ mó n wil n nɪ sòkò. ³⁶ Nte mé kéle n yo yé tyí, yah kě welo nónó pól-á névyɛ n wɛkɪ, sé ywõ kɪ piki n yah n pi pé tyí Liyel tukey tuke sòle. ³⁷ Tukey kɪ tuke á yõ à yĩne á vyâh weyne kɪ gbɪle n kõ, kèpah náh pɪ kɪ lékàhle n kõ.

Névyɛ me kéle n yah n kõ Yesu tyí ne à gbɪl yó pɪ, nê-á n wěkɪ ne wăh n wil Liyel tyí

³⁸ Kèpah sòkò, Liyel tyi kònsàhnó kwópú ànê Farisi wěkì kópú yísyó me Yesu syah ne, pé kwó-ò dí, páh me ké tyí ne à gbɪl yó pɪ pé yah, nê-á n wěkɪ ne wăh n wil Liyel tyí. ³⁹ A me yo pé tyí ne: «Kwey gbɪ névyɛ náh ple. Pè náh me tẽ Liyel ó tyí yõ. Pè me ké tyí ne mé gbɪl yó pɪ pé yah. Nte kèyâh nítè náh pɪ pè wěkɪ n pi, à wil Liyel tẽntò syínyo-ò Nsyonasɪ tyí sòkò. ⁴⁰ Yé yah, sã-á lésò Nsyonasɪ sèpìn tònì pɪ yěnkô-ngbèkì yó fòkò sòkò,* sě ye Névi Pídí tɔ kɪ sèpìn tònì pɪ sétâh sôwâh. ⁴¹ Nsyonasɪ-á lésò Liyel tẽntò yo Ninivi kwil tãn tyí, pè fě syi pé tyípèl pínó yal mɔ. Nte ney me ásò nê-á kal Nsyonasɪle. Kâh pɪ sě, Liyel tukey tuke sòle, Ninivi kwil tãn kɪ yuku kwey gbɪ névyɛ yõ, kɪ lékàhle pè kõ. ⁴² Pi nê-á lésò yõtène Saba sétâh yõ, à lésò wil fíí sétâh yĩn tyí, à pɔ yõtè dí Salomo lékâm welo noh.† Nte ney me ásò, nê-á kal Salomole. Kâh pɪ sě, Liyel tukey tuke sòle, kéné pi kɪ yuku kwey gbɪ névyɛ yõ, kɪ lékàhle pè kõ.

Sétò syínpondenɔle névi sòkò

⁴³ Sétò-à wil névi sòkò, à n kyɪ gbènnɪ kɔ n kõ, n mî-nisah yah n kõ. Nte wâh wé-ńkène, ⁴⁴ à n yo n gblóy tyí ne, páh sò wil nyâh sòkò, páh kɪ pé syi yuku nénpó. Wâh n syi, té kyɪ n tẽ-nisah dyâh we ké kókóle yàlntònsàhnóle, ⁴⁵ à n kyɪ sé no sétânnó kwárnino syah, nónó-á peke kal ñmòle. Sé tóò n kyɪ n de n tẽ tẽ sòkò. Kâh pɪ sě, tẽ mè òkò ké syi n peke n kal n gben tène. Sě ye kwey gbɪ núpèl tɔ tyí kɪ n pi n pi.

Nónó me Yesu yú ànê n yúnpyéle?

⁴⁶ Yesu-á me kèpah yónó sòkò tówú tyí, n yú ànê n yúnpyé pɔ yĩn kégbó té me ké tyí ne pé yo mɔ n tyí. ⁴⁷ Nnì me yo n tyí ne à noh yò, n yú ànê n yúnpyé-á me yíntènóle kégbó. Pâh me ké tyí ne pé yo mɔ n tyí. ⁴⁸ Yesu me yo tẽ tyí ne: «Nê me ñmò nòle, ànê nónó me n yúnpyéle?» ⁴⁹ Té n gbò nɔ mɔ n tò sáhpú tyí té ne ńkè: «Ñmò nò ànê n yúnpyé we yò. ⁵⁰ Yé yah, ñmò Sú nê-á yĩnyõ, wâh me nê tyí, névi nê-à kèpahle n pi, tẽ wɔ ye ñmò yúnpile, kèpah náh pɪ n nòle.»

13

Sèmirkì nê-á yâh sèmuco mîr-ò tyí yõ

¹ Lésò mè óle, Yesu wil gbô sòkò à kyɪ kõ tẽ yó-ngbè gbòpɔ. ² Tówú ngbè yó me pɔ à mɔ gbɪ. Pé tnónkàhnó tẽ tyí, à de kõ tẽ krótókè yó sòkò. Tówú pól sò me yíntènóle yóngbalɪ sòkò. ³ A sò me tyi náhnâhle n yâh pé tyí sèmîrn sòkò, me n yo pé tyí ne: «Sò yóle, dí yó lésò kyɪ sèmuco mîr-ńsah n swâh sòkò. ⁴ Wâh me mîrnó sòkò, yísyó syíkɪlɪ wěgbalɪ sòkò, kèpye me pɔ sépi yo. ⁵ Yísyó me syíkɪlɪ yen kwéy tẽ-nisah légbí yõ. Té kâh pɪ yen gbɪ náh sò me nénpó sě, sè núkú fi súú. ⁶ Té sè náh tẽ we yâhnì

* 12:40 12.40 - Yah n te Nsyonasɪ 1.17. † 12:42 12.42 - Yah n te 1 Yõtâm 10.1-13.

gbɩ mɔ. Kãh pi sɛ, gbĩ-á pɔ vyãh sè tɛ, sè kɔkɔ. ⁷ Yĩsyó me syikɩ de pãn nɩyó, pãn me yuku fyãh sé yó. ⁸ Nte yĩsyó me syikɩ sétáh pèpɛy sɔkɔ à pɔ ywɔ pi. Túkù pyenɔ lèkwɛkwɛ pi, túkù tikitɔnítɔnɩ pi, túkù yõgbãmbã pi. ⁹ Nê-à kɩ me kè noh, tɛ kè tɛ yĩn.»

Tir nê yĩn me Yesu n yãh névyɛ tyí sèmìrn sɔkɔ?

¹⁰ Képah sɔkɔ, ò tò sãhpú me nɔ de ò tnô té à piki yah ne, kwãh nê se pi té à n yãh no nópi tyí sèmìrn sɔkɔ nɩ? ¹¹ A me yo pé tyí ne: «Liyel tɔrí tyi nónó-á sò me wɔ̀bìnsàhnóle, sé pnèno ye yépi kɔ. Nte kè náh pépi wɔ kɔ. ¹² Névi nê tyí kwãh-á me, dòhnìno kɩ n pi òmɔ tyí yó yróyró. Té névi nê tyí kwãh náh me, kwéy nê ntɛ-á me ò tyí, kè kɩ tɛ syi ò tyí. ¹³ No nópi me n yah, té pè náh me kwãh yóle n we, képah n wɛkɩ ne pè náh me ké tyí yahle n we. Pè me pé níne n kwɔ, té pè náh me kwãh yóle n nohnɩ, képah n wɛkɩ ne pè náh me ké tyí yahle n we. Képah ye ní kɔ mé n yãh pé tyí sèmìrn sɔkɔ. ¹⁴ Liyel tɛntò syínyo-ò Yesayi-á lésò nê yo sah, képah ye n nɔ péle yò. A lésò ne nkɛ:

«Yé kɩ yé níne n kwɔ n nohnɩ, té yé náh ké tyí yah we n pi.

Yé kɩ n yah, té yé náh kwãh yó we n pi, képah n wɛkɩ ne yé náh me ké tyí yahle n

¹⁵ Nikisekókó névyɛ ye no nópile.

Pè me pé ní tah tũ,

té pé yí vike sah

ne sè káh kwãh yó ntɛ we,

pé ní káh tir yó ntɛ noh

pé kɔ pé káh fɛ ké tyí yah we,

pé mó vi mɔ Liyel wɛkɩ yó

ní kɔ mé pè we n de n mɔ.»

¹⁶ Welɔ nópi yóntenɔ náh, Yesu tɔ yo pé tyí ne: «Nte yépi tɛ wɔ tyí nɔ, yé yí me n yah, yé ní me n nohnɩ. ¹⁷ Kégbɩ yó mé kéle n yo yé tyí, yáh tyi nónó we, Liyel tɛntò syínyopu ànê névyɛ nónó-á néglóle Liyel yah, pé náhnáh sò me ké tyí ne pé sè we, té pè náh sè we. Yáh tyi nónó noh, pè sò me ké tyí ne pé sé tɔ noh, té pè náh sè we noh.»

Sèmìrkɩ kórle, nê-á yãh sèmukɔ mîr-ò tyí yó

¹⁸ «Sèmukɔ mîr-ò sèmìrkɩ yó-á nêne, yé yé ní sah kè noh: ¹⁹ Névyɛ nónó-à Liyel tɔrí tyí yónó noh té pè náh ké dùkù pĩ, sétãn yòtɛ n pɔ wey mɛ wilki pé fɔkɔnɩ sɔkɔ. Pè me wɛgbalɩ tyí kòle nýãh sɔkɔ-á sèmukɔ syikɩ. ²⁰ Túkù me légbí yó tyí kòle, nýãh sɔkɔ-á sèmukɔ mir mɔ. Pépi-à wey mɛ noh, nénpó swɔ pè kè fɛ n syi nìvìnì sɔkɔ.

²¹ Té pè náh n ye kè yãhnìne n mɔ pé sɔkɔ. Pè kè fɛ n syi nénpó swɔ ó sɔkɔ. Té yèvyãhrɩ, képah náh pi fóhnó-à núkú pè yini tɛ kéne wey yinne, pè pé náh vi kè kɔ súú. ²² Túkù me pãn tɛ-nsah tyí kòle, pãh wey mɛ noh, kèkòyó tyi fɔkɔ sɔnɔ ànê tahrɩ dékè n pɔ ké yah kɔ, kè náh n tɛ n we tirlɛ n pekɩ pé tyí. ²³ Túkù wɔ mó me sétáh pèpɛy tyí kòle, pépi-à wey mɛ noh, pè ké dùkù pĩ, yóre n we ké tyí sèmukɔ tyí kòle, nónó-á pyenɔ lèkwɛkwɛ pi, ànê nónó-á tikitɔnítɔnɩ pi, ànê nónó-á yõgbãmbã pi.»

Sèmìrkɩ nê-á yãh filkɩ tyí yó

²⁴ Yesu tɔ sèmìrkɩ yó yãh pé tyí ne nkɛ: «Yé yah, Liyel tɔrí-á kɩ fɛ tɔkɔ sãh sèmìrkɩ nêne, kè we yò: Dí yó lésò sèmukɔ duku pèpɛy mir mɔ ò swãh sɔkɔ. ²⁵ Té névyɛ-á pɔ dɔ gbí nêne, ò sépe kyɩ filpyé mir dah mɔ kɔ ké sɔkɔ nê-á me ké kètòle, té ò náh vi sɔkɔ. ²⁶ Kãh pɔ kyãh té n dubi gbí nêne, filkɩ tɔ ké yó wilki mɔ kwèy. ²⁷ Sètɛ dí

tònpɔbɪ-á kè kyomɪ wɛ sɛ, pè mɛ kyɪ kè yo pé yòtɛ dí tyí nɛ ríkɛ, pé yòtɛ, sèmuko duku pèpɛy-á se sò à mir mɔ n swāh sɔkɔ; té kè se pɪ sɔ té filkɪ tɔ pɔ n wɛ ké sɔkɔ nɪ? ²⁸ A mɛ yo pé tyí nɛ, sépɛ yó tò vyāh-á kɛpahɛ. Pè mɛ nɛ, à se mɛ ké tyí nɛ pé kyɪ sè viki nɪ? ²⁹ A mɛ nɛ ɔɔ-á. Nkɛ pàh kɪ nɛ páh séɛ n viki, sèmuko tɔ-á kɪ syah n kwɔ n mɔ n viki séɛ. ³⁰ Pè yɛ sé yò sè nɛ n kyāh wɛ tyí kè syi pɔ n nɔ sèmuko tɔkɔ gbí tyí. Té sèmuko tɔkɔ gbí-à kɪ pɔ nɔ, páh kɪ yo sèmuko tókópú tyí nɛ pé filkɪ n̄gbò kɔ, pè mó sè pukubi pɔ pɔɛ pè kyɪ n suke. Té sèmuko wɔɛ, pè kɛpah tɔkɔ n mɔ pé dúkúrí sɔkɔ.»

Sèmìrn nónó-á yāh mútárdì pi ànê kókónó tyí yō

³¹ Yesu tɔ sèmirkɪ yó yāh pé tyí nɛ: «Yé yah, Liyel tɔrí-á kɪ fɛ tɔkɔ sāh sèmirkɪ n̄nɛ, kè wɛ yò: Dí yó lésò mútárdì pi tɔkɔ duku mɔ n swāh sɔkɔ. ³² Kɛpah yilo kal yípyé pólɛ. Té kàh fi, kè n pɪ gbɔ kal sèmuko duke pólɛ. Kè n pɪ séswò sɔ, kɛpye n pɔ syè pɪ ké yìngbàn tyí.»

³³ Kɛpah nāh Yesu tɔ sèmirkɪ yó yāh pé tyí nɛ: «Yé yah, Liyel tɔrí-á kɪ fɛ tɔkɔ sāh sèmirkɪ n̄nɛ, kè wɛ yò: Sè yó lésò kókónó tɔkɔ mɔ tɔkɔ yí tɔnó mífáhkɪ sɔkɔ, ké pól kɔ kè dɔkɔ.»

Yesu sèmìrn yáhnó yōɛ

³⁴ Yesu sò mɛ tyi nópi pólɛ n yāh tówú tyí sèmìrn ó sɔkɔ. A nāh sò mɛ tir yó n̄tɛnɛ n yo pé tyí né sèmìrn sɔkɔ nāh. ³⁵ A kɛpah pɪ Liyel tɛntò syinyo-ò tir yónsāhnó kɔ kè wil. A lésò nɛ ríkɛ: «Mé kɪ tyilɛ n yo sèmìrn sɔkɔ. Tyi nónó-á sò mɛ wɔ̀bìnsāhnóɛ kèkòyó mɔ gbí dùkùɛ, mé kɪ névyɛ níkí yɪkɪ séɛ.»*

Sèmìrkɪ kórɛ, nê-á yāh filkɪ tyí yō

³⁶ Kɛpah tɛnɛ, Yesu yal tówú tnô à sɔkɔ gbô. N tò sáhpú mɛ nɔ de n̄ tnô té yo n̄ tyí nɛ, swāh sɔkɔ filkɪ sèmirkɪ nê-á sò à yāh, à ké yò yo pé syah. ³⁷ A mɛ yo pé tyí nɛ: «Sèmuko duku pèpɛy m̄rnmɔ-òɛ, Névi Pídí ye. ³⁸ Swāhɛ, kèkòyó ye. Sèmuko duku pèpɛyɛ, Liyel yòtɔrí sɔkɔ wɛnpɪ ye. Fílkɪɛ, sétàn yòtɛ nāh névyɛ ye. ³⁹ Sépɛ nê-á mir dah mɔ filpyéɛ, sétàn yòtɛ ye. Sèmuko tókónóɛ, kèkòyó tyénó ye. Sèmuko tókópúɛ, ȳinyò tònɔpɪ ye. ⁴⁰ Sɔ-á pɛ filkɪ viki n suke nyāh sɔkɔ, sɛnkɔ ye kɪ n pɪ n pi kèkòyó tyénó tɔ sɔkɔ. ⁴¹ Névyɛ nónó pól-á névyɛ yòɛ n yɪkɪ n mɔ pèkè pínó sɔkɔ, ànê nónó pól-á tyítúkúnì pípúɛ, Névi Pídí kɪ n̄ ȳinyò tònɔpɪ tɛkɪ n mɔ n pi, pè kɪ pɔ pè wilkɪ n̄ tɔrí tyah sɔkɔ. ⁴² Té kɪ pè min dah mɔ s̄nki nyāh sɔkɔ, n̄yāh sɔkɔ-á gbñí ànê ynì táhnó kɪ mɛ. ⁴³ Ntɛ névyɛ nónó-á mɛ néglólɛ Liyel yah, pépi wɔ kɪ n tɛ pé Sú Liyel tɔrí sɔkɔ, gbñí tyí kòɛ. Nê-à kɪ mɛ kè noh, tɛ kè tɛ ȳn.»

Sèmìrn nónó-á yāh tahrɪ wɔ̀bìnsāhnó ànê pérlì tyí yō

⁴⁴ Kɛpah nāh, Yesu tɔ yo pé tyí nɛ: «Yé yah, Liyel tɔrí-á kɪ fɛ tɔkɔ sāh sèmirkɪ n̄nɛ, kè wɛ yò: Dí yó lésò kyɪ wil mɔ tahrɪ wɔ̀bìnsāhnó yó yò swāh yó sɔkɔ, té kè tɔkɔ tɔ wɔ̀bɪ. Ké wénó n̄v̄n̄n̄ tɛ tyí, à sɔkɔ à kyɪ n̄ gbàn ȳi pól yām à pɔ swāh mè dwe.

⁴⁵ Yé yah, Liyel tɔrí-á kɪ tɔ fɛ tɔkɔ sāh sèmirkɪ n̄nɛ, kè wɛ yò: Gbò yí-ò yó lésò mɛ, nê-á ȳi kètárnó yísyóɛ n yah n kɔ, pè n ye pérl̄nóɛ. ⁴⁶ Wāh pɔ ké dénkókò yó wɛ, à kyɪ n̄ gbàn ȳi pól yām à pɔ kè dwe.»

Sèmìrkɪ nê-á yāh yɛnkɔ tɛ tɛ mɔ tyí yō

* 13:35 13.35 - Yah n tɛ Gbálnó 78.2.

⁴⁷ «Yé yah, Liyel tǒrí-á kɪ fě tokɔ sãh sèmĩrkĩ nêne, kè we yò: Nósyó lésõ yěnkɔ tẽ tẽ mɔ min dah mɔ yɔ sɔkɔ, à yěnkɔ duke pól tẽ. ⁴⁸ Kãh yuku, pè kè yɔri wilki pɔ kènkwãh yõ, té kõ tẽ à yěnkɔ gblɔ wah mɔ dú sɔkɔ, té sé téló milki. ⁴⁹ Sě ye kɪ n pɪ n pi kèkõyó tyénó tɔ sɔkɔ. Yinyõ tǒnpɪbɪ kɪ pɔ nètúkúni wah wilki néglɔ sɔkɔ, ⁵⁰ kɪ kyɪ pè min dah mɔ sɪnki nyãh sɔkɔ, nyãh sɔkɔ-á gbni ànê yni táhnó kɪ me.»

Kwónó kedyâh ànê kwónó késãnnɛ

⁵¹ Képah náh Yesu tǒ yo ñ tò sãhpú tyí ne: «Yé se tyi nópi pól noh wah?» Pè me ne àwe-á.

⁵² Képah sɔkɔ, à me yo pé tyí ne: «Liyel tyi kònsàhnó kwópú nónó-á sò kwónó we sɔkɔ Liyel tyi kònsàhnó tyí yõ ñgbòle, té tǒ pɔ kwónó we Liyel tǒrí tyí yõ núkúnúkú, té névyele n kwɔ séle, pépi me kéte tẽ yó sǒ, nê-á yídi sò me ñ tyí ñ dúkúrí sɔkɔ, té à tǒ pɔ snó we dohnɪ sé yõ, té me séle névyele n kǒ.»

Nasareti tãh yahle sěńóle Yesu yõ

⁵³ Té Yesu-á sèmĩrn nópi yãh te pé tyí gbĩ nêne, à yal nénpó ⁵⁴ té sɔkɔ ñ kwil sɔkɔ. Wãh kyɪ nénpó, à kyɪ kwónóle n pɪ pé Liyel ní-nsah wòkò sɔkɔ, fók no pól gbãh du ñ tyíle. Pè sò me yo tũ ne, à se we nyãh lékám ànê tẽnwenɔ mène, à fě gbĩl nópile n pɪ ni? ⁵⁵ Nmɔ kó sésár sé-ò pídiɛ ni? N yú yin kó Marile, té ñ gběndípi me Nsyaki, ànê Nsyosefu, ànê Simo, ànê Nsyudele ni? ⁵⁶ Té ñ dósýó pól kó me pépile ásô yò ni? Nte nyãh tẽ ó se ñmɔ we lékám ànê tẽnwenɔ mène ni? ⁵⁷ Képah sǒnɔ sò me pé yõ yɪkɪ pè kǒ pè tẽ sě kwɔ Yesu yõ. Képah sɔkɔ, Yesu me yo pé tyí ne: «Liyel těntò syinyo-ò kwil ànê ñ kéte sɔkɔ ó ye pè náh ñne n mɔ n kǒ Liyel těntò syinyo-òle.» ⁵⁸ Pãh yahle sěńóle Yesu yõ sě, à náh mó gbĩlnó náhnáh pɪ nénpó.

14

Wèlnwĩkĩ-ò Nsyõ kúnóle

¹ Légbíne, Kalile mara yòtẽ dí Yerɔdɪ Yesu tyí yónó noh, ² té yo ñ tǒnpɪbɪ tyí ne, Wèlnwĩkĩ-ò Nsyõ-á yò tótó. N lékó-á yilki mɔ. Képah-á tẽnwenɔle ñ tyí à fě gbĩlnóle n pɪ. ³⁻⁴ Yé náh we di, ñgbòle, Yerɔdɪ lésõ ñ gběndí Filipi kyɪ Yerɔdyadɪ tẽ syi. Nsyõ me kè yo ñ tyí ne, ké yah náh à à tokɔ. Pi mè yinne, Yerɔdɪ me pè kǒ pè Nsyõ tẽ à kárn mɔ ñ tyí, té à dah mɔ sah wòkònpèkè sɔkɔ. ⁵ A lésõ me ké tyí ne pé Nsyõ ko mɔ. Nte tówû-á lésõ me Nsyõne n mɔ n kǒ Liyel těntò syinyo-òle sě, pépi yah tíkí me à tẽ.

⁶ Nte Yerɔdɪ dúbínó yòh vɪnpɔnɔ syáh syah sǒle, Yerɔdyadɪ písé yõ yi néyénó yah sɔkɔ. Kè me nɔ Yerɔdɪ tyí, ⁷ fók à ñ vyãhle à kǒ, té ñ wo ñ tyí ne wãh kɪ sǒ kwáhdúkú nê yah kǒ pé tyí, páh kɪ kéle à kǒ. ⁸ Képah sɔkɔ, pípir yú me à kurki mɔ à kǒ à yo Yerɔdɪ tyí ne, à Wèlnwĩkĩ-ò Nsyõ yǒle pé kǒ ásô dú pyahrɔ yó sɔkɔ. ⁹ Képah tẽne, kè yòtẽ dí yah kwɔ. Nte ñ wónó mè yinne ñ néyénó yí yah, à ne pè pɔ kéle à kǒ. ¹⁰ Té pè kǒ pè kyɪ Wèlnwĩkĩ-ò Nsyõ yõ kãm wòkònpèkè sɔkɔ. ¹¹ Pãh kè kãm, pè kè dah mɔ dú pyahrɔ yó sɔkɔ à pɔ pípir kǒ, à me kè syi kyɪ ñ yú kǒ. ¹² Nsyõ tò sãhpú me pɔ ñ lékó tokɔ kyɪ yí, té kyɪ ké yah yo Yesu syah.

Népi kèyõ nínó kyegbãm (5 000) kénkǒ púnóle Yesu tyí

¹³ Yesu-á yí mè noh sě, à de krótókè yó sɔkɔ ànê ñ tò sãhpúle pè yal nénpó, à yuku gběnnɪ tyah yó sɔkɔ à kyɪ tẽ pé yahle. Tówû-á pé sókónó tyí noh nyãh sɔkɔ, pè wil

kwlo kwlo soko à pé nyáh sô gbáhkì yô. ¹⁴ Yesu-á wil krótókè soko té tówû ñgbě we sě, pé yãm à tẽ. A me pé yámpú de mɔ.

¹⁵ Nví-á pɔ nɔ, ñ tò sáhpú nɔ de ñ tnô té yo ñ tyí ne, gběnni tyah soko-á péle yò. Té lékâh-á me n tyah mónóle, à kó tówûle n fin n mɔ pé kyɪ yô yô yîle n yah n dwe kwlo soko ni? ¹⁶ Yesu me yo pé tyí ne, yô náh me ké tyí pé soko. Pépi yôke yah pé gblöy pé kô pé yô. ¹⁷ Képah soko, pé me yo ñ tyí ne, búrn pló kwló ànê yěnkɔ pló nínó ó-á me pépi tyí ásô dò. ¹⁸ Yesu me yo pé tyí ne, pé sè tɔkɔ n pɔ pé kô ásô. ¹⁹ Té me tówû kô pé kô tẽ filkì yô, té búrn pló kwló ànê yěnkɔ pló nínó nópi tɔkɔ, té ñ yah yô yínyô à wɛkɪ Liyel tyí, té sè kwɔkɪ mɔ ñ tò sáhpú kô pé syi tówû kô. ²⁰ Pé pól me yô tã, té pé me pé yónkwlonɔ téló tuke mɔ vyó gbõninó yíine. ²¹ Té nónó-á sò yô yôke mène, pé sò me díbí népî kèyô nínó kyegbãm (5 000) kénkõle syó ànê wěnpî vyãh kěne.

Yesu kónóle Kalile yó-ñgbě yô

²² Képah náh, Yesu núkú ñ tò sáhpú gbah tẽ ne pé de krótókè soko, pé mɔ pé yahle yó-ñgbě kahnne, péwɔ mó tówû fin mɔ. ²³ Wãh pé fin mɔ te, à dɔkɔ yuku yõli yô à kyɪ tẽ ñ tyíle à Liyelle n ni. Lékhâh mɔ pɔ à we ñ gblöy nénpó. ²⁴ Té légbíne, krótókè sò me gbe mɔ te yo vyãhle náhnáh. Té yáhkí sò me péle n yohni. Kãh pi sě, ni sò me krótókèle n kah n fwo. ²⁵ Tyah dal gbíne, Yesu tyah n kɔ n yuku pé tnô yo yô. ²⁶ Pãh à we à n kɔ n pi yo yô sě, pé sãm yɔkɔ. Pé tyah n yo ne lékó mirkí yó-á. Té tyah n de n syi tiki tẽ tyí. ²⁷ Nte nénpó swɔ, Yesu me yo mɔ pé tyí ne, pé pé ni syãh. Péwɔ-á, pé káh tiki pi. ²⁸ Képah soko, Pyeri me yo ñ tyí ne, Tẽ ñgbě, ñmɔ-à kɪ nê nítyíno, à péwɔ kô pé wil kɔ pɔ ñ tnô yo yô. ²⁹ Yesu me yo ñ tyí: «Pɔ!» Pyeri me wil krótókè soko à tyah n kɔ n yuku Yesu tnô yo yô. ³⁰ Nte wãh pɔ kè kyomɪ we ne yáhkí-á me n kah n pi, tiki à tẽ. Képah soko, à tyah n tiki n de ni soko té de syi ne, Tẽ ñgbě, à pé pwah mɔ oo! ³¹ Nénpó swɔ Yesu núkú ñ gbò nɔ à à tẽ té yo ñ tyí ne, à náh sě péwɔ yô fwóo ló. Sô se pi té à n sò tòtò ni? ³² Té pé me de krótókè soko, yáhkí núkú yin. ³³ Nónó-á sò me krótókè mè soko, pé gbètukunɔ di Yesu yah té yo ñ tyí ne, kègbi yô, ñmɔ-á Liyel Píðine.

Yámpú dénmɔnɔle Yenesareti sétáh yô

³⁴ Yesupi-á yó-ñgbě kah te, pé de Yenesareti sétáh yô. ³⁵ Nénpó tãn me à yah pĩ, té núkú ñ pónó yo soh mɔ nénpó ñin tãn pól tyí. Pé me pɔ pé yámpú pólle ñ tyí. ³⁶ Té ñne n ni ne, à ye pé kô pé tũ ñ fwòmɔni vyãh ntẽ ó tyí. Té nónó pól-á fyò tũ ké tyí, pé de.

15

Tyi nónó-á kɪ fě névi silki Liyel yah

¹ Képah soko, Farisi wěkì kópú ànê Liyel tyi kònsàhnó kwópú wil Yerusalemɪ kwil soko à pɔ Yesu tnô, té à syah ne níké, ² sô se pi té ñ tò sáhpú náh me n kɔ lékóló wãldĩ yô ni? A ne n yah pé yãrle n yô, té pé náh se mó tã pé gbãn wu à yíne pé wãldĩle lé. ³ A me yo pé tyí ne: «Té yépi wɔ-á dò, sô pi té yé wãldĩ yinne, yé náh me n kɔ Liyel tyi kònsàhnó wãl yô? ⁴ Yé yah, Liyel kè yo ne níké: <Yòyenne n sah á sú ànê á yú yô.>* Té tã kè yo ne níké: <Névi nê-à wèntúkù wɛkɪ ñ sú tyí, képah náh pi ñ yú tyí, tẽ yíne kònmɔnɔle.>† ⁵ Nte yépi wɔ n mó ne, névi nê-à yo ñ sú képah náh pi ñ yú tyí

* 15:4 15.4 - Yah n te Yálnó 20.12. † 15:4 15.4 - Yah n te Yálnó 21.17.

ne, kwâh nê-á sò me pé tyí n̄ yohn̄ n̄ mo mo t̄ñe, páh képahle Liyel k̄o te, ⁶ n̄ dúbí-ò mè yòhn̄n̄m̄ō k̄ōl̄i n̄áh t̄o me n̄ yò. Kàh p̄i s̄ẽ à, Liyel tyi k̄ònsàhn̄ó n̄áh yé ȳk̄i yé wàld̄i ȳinne di? ⁷ Vyáhsesyíri névyé nópi, Liyel-á lésò Yesayi k̄o à nê yo sah, képah ye yépi n̄ p̄i yò. A lésò ne ník̄ẽ:

⁸ «No nópile, vyãh ó soko ye pè n̄ gbilki n̄m̄ole.

Nte pé nno me fíí n̄ne.

⁹ Pãh kwónóle n̄ p̄i tyi nóno yò,

névyé yah yíí tyi k̄ònsàhn̄ó ye séle.

Képah ye, gbilkinó nê-á pè n̄ gbilki n̄ p̄o n̄ne pè yo,

nònó ye kéle.»‡

¹⁰ Képah soko, Yesu tówû mè ye tuke té yo pé tyí ne: «Yé yé ní kwò n̄ noh palle, ye welo nópi syíkí-ńsah p̄i. ¹¹ Yí nóno-á n̄ de névi vyãh soko, sépi n̄áh n̄ silki n̄ne Liyel yah dé. Welo nóno-á n̄ wil n̄ vyãh soko, sépi ye n̄ silki n̄ne.» ¹² Képah t̄ñe, n̄ tò sáhpú me n̄o de n̄ tn̄o té yo n̄ tyí ne, à kó p̄i ne n̄ welo nóno-á sò sé yey mo Farisi w̄k̄i kópú òñne, sãh pè kah yo ni? ¹³ A me yo pé tyí ne: «Yèh nóno pól t̄ẽ-á fyò me, té ní Sú nê-á ȳinyò n̄mo sónó n̄áh séle, sè k̄i viki to. ¹⁴ Yé ye pé yò. Yítũbi ye péle, nóno-á me pé no yítũbi yahle n̄ t̄ẽ. Té yítũ-à mó t̄o n̄ ní-ò yítũ yah t̄ẽ, pé ními k̄i syik̄i de pwãh yó soko.» ¹⁵ Képah soko, Pyeri me yo n̄ tyí ne, wãh sò ne pé pé ní kwò welo nóno noh palle, à sé kór yo pé syah. ¹⁶ A me pè syah ne: «Lékám k̄ẽ névyé se yépi tole? ¹⁷ Yé n̄áh p̄i ne yí nóno pól-á n̄ de vyãh soko, sãh ník̄ẽne n̄ syò kèkùrk̄i soko, n̄ té n̄ pyè n̄ p̄o n̄ wilki n̄ kwe kèdúkúdahki soko di? ¹⁸ Nte welo nóno-á n̄ wil vyãh soko, sé sò n̄ wil sòno soko. Sépi ye n̄ silki névile Liyel yah. ¹⁹ Névi lékám soko ye sòno tókúni n̄ wil, ànê nékókè mónóle, ànê fòfik̄i pínóle, ànê pròprò pínóle, ànê yĩbele, ànê mìnì yónóle, ànê gbyole. ²⁰ Kéne tyi wo ye n̄ silki névile Liyel yah. Nte névi-à n̄ gbãn wú-ník̄ẽne à ȳine wàld̄i-á kè yo s̄õ té yòke yò, képah n̄áh n̄ silki t̄ñe.»

Sê yó písê dénm̄ōle nê n̄áh p̄i Nsyifule

²¹ Képah n̄áh, Yesu yal nénpó té soko Tiri ànê Sidò sétáh yò. ²² Té pi yó sò me nénpó nê-á Kanah neyne. Nmo me p̄o Yesule yúkey té me n̄ de n̄ syi, me yo tũ n̄ tyí ne pé T̄ẽ ñgb̄ẽ, n̄mo nê-á Davidi Píd̄ine, à pé yãm yah. Nk̄ẽ sétò yó-á me pé písê soko me n̄ne n̄ kwlo kèpékèyò. ²³ Nte Yesu n̄áh dahbi wilki n̄ tyí. N̄ tò sáhpú me n̄o de n̄ne té kè yah k̄o n̄ tyí ne, à pi mè k̄o à n̄ syi pé n̄áh, à káh pé sò t̄ẽ ne n̄ de n̄ syi n̄ yuku s̄ẽ. ²⁴ Yesu me ne, Liyel-á pé tek̄i mo Yisrayel no ó ȳinne, pépi nóno-á me képyèni mónpuno s̄õ. ²⁵ Nte pi me n̄o p̄o n̄ gbètukuno di n̄ yah, té yo n̄ tyí ne pé T̄ẽ ñgb̄ẽ, à pé yohn̄ n̄ mo. ²⁶ Yesu me à syah ne, ké yah n̄áh pè w̄np̄i yòke toko n̄ mo p̄ãhnp̄ye k̄o. ²⁷ Pi me yo n̄ tyí ne, gb̄i-á à yo pé yòt̄ẽ. Nte p̄ãhnp̄ye wo-á n̄ yò sé nátãm ȳẽnm̄irn̄ yónkwenole. ²⁸ Képah soko, Yesu me yo n̄ tyí ne: «Pi, á s̄ẽ yíí n̄mo yò dé. Wáh nê yah k̄o, Liyel k̄i kè p̄i á tyí.» Légb̄i mè ó soko, pi písê nukú de.

Yámpú náhnáh dénm̄ōle

²⁹ Képah n̄áh, Yesu yal nénpó à yuku Kalile yó-ñgb̄ẽ gbòp̄o. Té dok̄o yuku yòli yò à kyi k̄o t̄ẽ. ³⁰ Képah t̄ñe, nékwínk̄i pé yámpú t̄ẽ p̄o n̄ tyí à p̄o pè sah n̄ yah soko. Tókú sò me gbáhk̄i nukú névyele, tókú me yítũbile, tókú me nédónene, tókú me kèdyòni, à tahl̄i yámpú tókú tyí. Té Yesu me pè de mo. ³¹ Kè p̄i gb̄ẽndùn̄ine tówû

‡ 15:9 15.9 - Yah n̄ te Yesayi 29.13.

tyí, pãh kedyòni we pè me fẽ n weki, nédónè dónóno me tye, gbáhkì nùkú névye me fẽ n ko tómtóm, té yítubi me fẽ n yah. Képah tẽne, pè gbílkinó sah Yisrayel Liyel yõ.

Yesu tõ tówû ngbẽ pu

³² Yesu n tõ sáhpú ye, té yo pé tyí ne, tówû mè yãm-á me péwo tẽ. Pé sèpìn tõni-á péwo náh soko kweyne yò, té yõ yõ kwâh náh se pé tyí. Pé náh me ké tyí ne pé pè fin n mo pè soko kwekile. Pé tókù-á kɪ kyɪ n syah n tẽ n kwlo wẽkì yah. ³³ Képah tẽne, n tõ sáhpú à syah ne, pé se kɪ we nyãh yõkele gbenni mè soko, kɪ fẽ tówû mè dukù kõ pè kɪ yõ tõ ni? ³⁴ Yesu me pé piki yah ne, búrn pló sõ se me pé tyí ni? Pè me ne kwárnino-á, à tahlɪ yẽnképì yísyó tyí. ³⁵ Képah soko, à tówû kõ pè kõ tẽ sétáh. ³⁶ Té búrn pló kwárnino ànê yẽnkyo nópi toko, té weki Liyel tyí, té sè kwoki à n tõ sáhpú kõ pè syi tówû kõ. ³⁷ Pé pól me yõ tõ, té pè me pé yónkwlonɔ tuke mo toko yí kwárninɔle. ³⁸ Té nónó-á sò yõ yõke mène, pè sò me díbí népì kèyõ nínóle (4 000), syó ànê wẽnpì vyãh kẽne. ³⁹ Képah náh, Yesu tówû fin mo pè soko, té me de krótókè soko à soko Makadã sétáh yõ.

16

Névye me kéle n yah n kõ Yesu tyí ne à gbíl yó pi, nê-á n wẽki ne wãh n wil Liyel tyí

¹ Farisi wẽkì kópú yísyó ànê Sadusi wẽkì kópú yísyó no de Yesu tnô ne pé à mo yah. Té à syah ne à gbíl yó pi pé yah, nê-á n wẽki ne wãh n wil Liyel tyí. ² Képah soko, Yesu me yo pé tyí ne: «Gbíyí de gbíne, yinyõ-à me gbõlì, yè n ne tyah yah-á kɪ yɪkɪ mo. ³ Té séngbõle, yinyõ-à me fɪnmò, yè n ne kweyne tyah yah náh n yɪkɪ n mo n pi. Yé me fẽ tyah dukù wole n pne, té tyi nónó wɔ-á me n pi kwey gbì soko, sãh me tyi nónóne n wẽki, yé tẽ sépi wɔ dukù pĩ kwlo kè? ⁴ Kwey gbì névye náh ple. Pè náh me tẽ Liyel ó tyí yõ. Pè me ké tyí ne mé gbíl yó pi pé yah. Nte kèyãh nítẽ náh pi pè wẽki n pi, à wil Liyel tẽntò syinyo-ò Nsyonasɪ tyí soko.» Képah yóntenɔ náh, à pè sah nénpó té soko.

⁵ Képah náh, Yesu ànê n tõ sáhpú-á n soko yónkahnune, n tõ sáhpú dyo sò fwo búrn tókónsokonɔle. ⁶ Yesu me yo pé tyí ne: «Yé kyòmínó pi. Yé yé gblõyne n tẽ Farisi wẽkì kópú ànê Sadusi wẽkì kópú kókónóle.» ⁷ Képah soko, n tõ sáhpú tyah n sò ne pépi-á pɔ búrn kẽne, képah-á à kõ à n yo sã yò. ⁸ Nte Yesu me pé sònɔ pĩ té yo pé tyí ne: «Liyel yõ sɛnyí-ńkèpú nópi. Sõ pi té yé n sò sã ne, yé náh pɔ búrnne képah-á? ⁹ Yé náh tõni me sé dukù pĩ sã ni? Yé dyo náh me n kwne tɔle máh búrn pló kwlóle díbí népì kèyõ nínó kyegbã (5 000) pu, ànê yáh yónkwlonɔ téló tuke mo vyó yí dan nêne di? ¹⁰ A tahlɪ máh búrn pló kwárninɔle díbí népì kèyõ nínó (4 000) pu, té yáh yónkwlonɔ téló tuke mo toko yí dan nêne, yé dyo náh me n kwne kéle di? ¹¹ Té sõ pi té yé náh tẽ we pĩ ne búrn tyí náh mé n yo yé tyí, máh sò n yo yé tyí ne: «Yé yé gblõyne n tẽ Farisi wẽkì kópú ànê Sadusi wẽkì kópú kókónóle?» ¹² Képah soko, pè pyè pĩ ne mífãhkì soko mo mo kókónó tyí náh sò Yesu n yo pé tyí ne pé pé gblõyne n tẽ kéle. Nte Farisi wẽkì kópú ànê Sadusi wẽkì kópú-á kwónó nêne n kõ, képah tyí-á sò à n yo pé tyí ne pé pé gblõyne n tẽ kéle.

Pyeri-á nê yo Yesu tyí soko

¹³ Yesu-á kyɪ yini tẽ Filipi-Sesari gbɛnyah tinnɛ, à n tõ sáhpú piki yah ne: «Névye tẽ tyí nê me nímole, nímɔ nê-á Névi Pídine?» ¹⁴ Pè me ne, tókù-á ne Wèlnwìlkì-ò Nsyõ-á nne. Tókù ne Liyel tẽntò syinyo-ò Yeli-á nne. Tókù mó ne Liyel tẽntò syinyo-ò

Nsyeremi-á, képah náh pi Liyel tẽntò syinyo-ò yó-á ònɛ. ¹⁵ Képah sɔkɔ, à tɔ nɛ: «Nte yépi-á dò, yépi tẽ tyí nê me òmɔle?» ¹⁶ Simo Pyerɛ me yo ò tyí nɛ: «Áwɔ ye Liyel ney yáhtɔkɔnɔle. Liyel nê-á min nétɛne, òmɔ Pídí ye ále.» ¹⁷ Képah sɔkɔ, Yesu yo ò tyí nɛ: «Áwɔ tyí nɔ, Nsyonasɔ pídí Simo. Á náh we di, névi náh wɛkɔ ále tyi nópɛle dé, ò Sú Liyel nê-á me yinyò sɔkɔ, òmɔ ye wɛkɔ ále séle. ¹⁸ Nte òmɔ kɔ yo á tyí nɛ: «Pyerɛ ye ále, (nê kór-á légbíle). Té kéne légbí yò sɔkɔ ye mé kɔ ò yò sɛpú tɛnkɔ sah. Té kú tãhkɔ òntɛ fyé náh tẽ we tir yó pi n pi pé sɔkɔ. ¹⁹ Mé kɔ Liyel tɔrí tyah yah gbɛnɔ kénikópɛle ò kɔ. Wãh tir nê yahle sétáh mè yò sɔkɔ, Liyel nê-á yinyò sɔkɔ, ò tɔ kɔ sah ké yò sɔkɔ. Té wãh nê wɛkɔ kɔ sétáh mè yò sɔkɔ, Liyel nê-á yinyò sɔkɔ, ò tɔ kɔ sah ké yò sɔkɔ.» Mé kɔ áwɔ kɔ á kɔ fɛ Liyel tɔrí nɔlɔ yónó wɛkɔle ò kɔ. Wãh tir nê yahle sétáh mè yò sɔkɔ, Liyel nê-á yinyò sɔkɔ, ò tɔ kɔ sah ké yò sɔkɔ. Té wãh nê wɛkɔ kɔ sétáh mè yò sɔkɔ, Liyel nê-á yinyò sɔkɔ, ò tɔ kɔ sah ké yò sɔkɔ.» ²⁰ Képah náh, Yesu ò tò sãhpú gbah sni nɛ, pé káh kè yãh névi syah nɛ péwɔ-á Liyel ney yáhtɔkɔnɔle dé.

Yesu me ò kúnó ànê ò lékó yilkinmɔnɔ tyíle ò yo

²¹ Á tɔkɔ légbí tyí, Yesu tyah ké yahle ò yo ò tò sãhpú tyí nɛ, páh yĩne pé yuku Yerusalemɔ kwil sɔkɔ. Yèwãhni, ànê sárká syinwilkɔpu yòtã, ànê Liyel tyi kònsãhnó kwópú-á kɔ yèvyãhrɔ náhnáh sah ò pi péwɔ yò. Pãh kɔ pé kɔ mɔ, té ké sèpɛn tɔ-ò sòle, pé lékó-á kɔ yilki mɔ. ²² Képah tɛne, Pyerɛ me à ye kɛkɔ té tyah ò wɛkɔ ò yò nɛ ònkɛ, pólle pé Tɛ òngbɛ, képah náh à yini ò tẽ ò pi. Liyel-á kɔ ò tũ ò mɔ ò yò. ²³ Nte Yesu me ò yah vi té yo ò tyí nɛ: «Tò ò yah sétãh yòtɛ mè. Òmɔ fɛkɔ-ònsah ye á ò yah ò kɔ. Yah, á sònɔ náh me núkúle Liyel tyíle. Á sònɔ me núkúle névi tyíle.»

Yesu sò tẽ òkùle

²⁴ Képah náh, Yesu yo ò tò sãhpú tyí nɛ: «Névi nê-à me ké tyí nɛ pé òmɔ sò tẽ, tẽ yĩne à ò gblɔy tyi we ò ye, à mó ò syɔ syɔ dahni twah òmɔ sò tẽ. ²⁵ Névi nê-à nɛ páh ò to ò pwah kú yah, tẽ náh tyé-ònkɛ min we ò pi. Té nê-á tɛkɔ ò min sɔkɔ òmɔ yĩnne, tẽ wɔ kɔ tyé-ònkɛ min we. ²⁶ Névi-à nɛ kèkòyó yí pól we ò pi, té nɛ ò tɛkɔ ò pi ò min sɔkɔ, yò se me ké tyí? Képah náh pi, kwãh se kɔ fɛ we névi tyí à kɔ tɔkɔ kɔ, ò min sòne? ²⁷ Yé yah, Névi Pídí kɔ ò syɔ ò pɔ ò pi ànê ò yinyò tònpiɔle ò Sú Liyel tɔríle ò sɔkɔ. Á kɔ pɔ nénúkú núkú pól dyah à yĩne pé tyípinɛ. ²⁸ Kègbɔ yò mé kéle ò yo yé tyí, névyɛ nónó-á ásò, pé túkú náh tɔnɔ me ò ku ò pi, té kɔ Névi Pídí we à kɔ me ò pi ò yòtɔrí sɔkɔ.»

17

Yesu òkù vɛnmɔnɔle

¹ Sèpɛn kénúkò sòkòntɛnɔ náh, Yesu me Pyerɛ, ànê Nsyakɔ, ànê Nsyakɔ gbɛndí Nsyò tẽ pé yuku yòlɔ kèyy yó yò, à kyɔ tẽ pé tyíle. ² Dò, Yesu òkù vi mɔ pé yí yah. Ò yèpɔ tyah ò tẽ gbɔ sò, té ò flo me piki prèyy. ³ Moyisi ànê Yeli núkú wil mɔ pé yah, té me ò yãh ànê Yesule. ⁴ Képah sɔkɔ, Pyerɛ me yo Yesu tyí nɛ, Tɛ òngbɛ, pé pól tɛnó-á me ple ásò dé! Wãh kɔ me ké tyí, páh kɔ yèpyɛnɔ tɔnó pi: Núkú-á kɔ pi òmɔ tyíle, núkú kɔ pi Moyisi tyíle, núkú mó pi Yeli tyíle. ⁵ Wãh me képah yónó sɔkɔ, ònyírki yó núkú wil òvyòò à fob mɔ pé yò. Té yínpò yó me wil ònyírki mè sɔkɔ nɛ: «Nê-á yò, òmɔ òndè Pídí ye. Òmɔ ye ò ònvìnɔ yòle. Yé nɛ ò nohnɔ ò tyí.» ⁶ Yesu tò sãhpú nòpi-á képah tẽ noh ònyãh sɔkɔ, pé syikɔlɔ pé yah di sétáh tiki tẽ tyí. ⁷ Képah sɔkɔ, Yesu me ò de pé

tnô à tũ pé tyí, té yo pé tyí ne: «Yé yuku, yé káh n ye tíkí yé tẽ.» ⁸ Páh pé yey yõ, pè Yesu ó we ñ gblõy nùkúnine. ⁹ Páh pé syi yõlile n tiki, Yesu me pè sni ne: «Yáh nê we, yé káh kè yãh ney tyí, fók kè syi n pò n no Névi Pídí lékó yilkinmõno tyí.»

¹⁰ Képah soko, ñ tò sáhpú me à piki yah ne, ñte sõ se pi té Liyel tyi kònsàhnó kwópú wò ne ñkẽ Yeli ñgbò-á yĩne à pò Liyel ney yáhntokõno yah ni? ¹¹ A me yo pé tyí ne: «Gbɪ ye Yeli ye yĩne à pò tyi pól tã sah. ¹² Nte mé kéle n yo yé tyí, Yeli pò te té pè náh à yah pĩ. Pè pé dya pi ñ soko. Sẽ ye Névi Pídí to kɪ fõhnó we n pi pé gbõ.» ¹³ Képah soko, ñ tò sáhpú nùkú pĩ ne Welnwilkĩ-ò Nsyõ-á à n ye.

Ndyikɪnpi yó dénmõno

¹⁴ Yesu ànê ñ tò sáhpú nópi-á pò yĩni tẽ tówú soko gbí nêne, dí yó no de Yesule à gbètukunõ di ñ yah, té yo ñ tyí ne, ¹⁵ pé Tẽ ñgbẽ, à pé pídí yãm yah. Ndyikɪnpi-á ñne, wãh me n kwlo kégbule. Kèyãhle à n syiki n de nyãh soko, képah náh pi ni soko. ¹⁶ Páh pò ñne ñ tò sáhpú tyí, té pè náh tẽ we à de mɔ. ¹⁷ Képah tẽne, Yesu wɛkɪ pé yõ ne: «Népèl yísyóle n yah dé, Liyel yõ sã-ńkẽpú nópi. Mé kɪ tẽ yéle, pópó kɪ pò syi gbí nê tẽ tyí? Mé kɪ yé sómnóle n pi, pópó kɪ pò syi gbí nê tẽ tyí? Yé pò ñne ní kã ásõ.» ¹⁸ Páh pò ñne, Yesu dírí kõ sétõ yõ nê-á mɔ ñ soko ñdyikɪnne, à me wil dípir soko. Nénpó swɔ, dípir nùkú de. ¹⁹ Képah tẽne, Yesu tò sáhpú no de Yesu tnô pé yahle té à piki yah ne, sõ se pi té pépi wò sò tẽ sétõ mè yĩni wilki kwlo dípir mè soko ni? ²⁰ A me yo pé tyí ne: «Yé Liyel yõ sãno yilo kah mɔ képah ye. Kègbɪ yõ mé kéle n yo yé tyí, yé Liyel yõ sãno-à me no mútárdi pi* fyéle, yé nãhkɪ fẽ yo yõlɪ mè tyí ne kè yal ásõ kè kyɪ n tẽ yãhãh, té kè nãhkɪ mó tã kè pi. Yé náh nãhkɪ tir yó ñtẽ pi n kwlo n pi dò. [²¹ Ñte sétõ mè dùkùle, né nírí pínó ànê níkĩ tẽno ó soko náh, à náh fẽ n yĩni.]»

Yesu me ñ kúnó ànê ñ lékó yilkinmõno tyíle n tã n yo

²² Sõ yóle, Yesu ànê ñ tò sáhpú sò me tükènmõnole Kalile mara soko. A me yo pé tyí ne: «Pè kɪ Névi Pídí tẽ dahbɪ névye gbõ, ²³ pè kɪ à ko mɔ. Nte ké sèpìn tã-ò sòle, ñ lékó kɪ yilki mɔ.» Welɔ nópi nóhnó ñ tò sáhpú yah kwɔ kègbule.

Yesu ànê Pyeri mórí mónóle Liyel ní-ńsah gbô

²⁴ Yesupi-á kyɪ yĩni tẽ Kapernayumi kwil soko, Liyel ní-ńsah gbô mórí syípú no de Pyerile té à piki yah ne, pé kwó-ò dí kó me Liyel ní-ńsah gbô móríle n mɔ ni? ²⁵ A me ne àwe-á, wãh me kéle n mɔ kè. Pyeri-á kyɪ yĩni tẽ gbô, Yesu ñgbò à piki yah ne: «Simo-Pyeri, áwɔ sõno tẽ nêne à yuku mórí mónó tyí soko? Káh me móríle nê-á kɪ kèkõyó yõtãmne n kã, kwil wẽnpɪ se kɪ n mɔ kéle, tĩ, népân se?» ²⁶ Pyeri me ne népân-á. Yesu me ne: «Káh pi sã, kwil wẽnpɪ wò vyãh náh mó me ké mónó soko kè. ²⁷ Ñte mé náh me ké tyí ne no nópi kéle ne n sã kétúkuyô. Képah ye, kyɪ dlóy mɔ Kalile yó-ñgbẽ soko, yẽnkô nê-á kɪ pò tẽ gbenne, ñ vyãh yikɪ n mɔ n yah, á kɪ pò we ké soko. Kè wilki n kyɪ mórí mɔ pé tyí, ñmɔ ànê áwɔ tyíle.»

18

Névi nê-á kɪ pi né-ñgbẽne kal Liyel tãrí noli yónó soko

¹ Légbĩne, Yesu tò sáhpú no de ñne, té à piki yah ne, nê se né-ñgbẽne kal Liyel tãrí noli yónó soko ni? ² Képah tẽne, Yesu me wẽnpir tyí yó ye pò sah pé niyó, té yo pé tyí ne: ³ «Kègbɪ yõ mé kéle n yo yé tyí, né yé náh yé nno vi mɔ à pi wẽnpɪ tyí kòle, yé

* 17:20 17.20 - Mútárdi pi yilo kal yípyé pólle. Yah n te Matye 13.31b-32a.

náh Liyel tǒrí nǒli yǒ n pi. ⁴ Névi nê-à kɪ ò gblǒy tiki mǒ pu tyíĩ wěnpir mè sǒ, tǔ wo ye kɪ pu né-̀ngbēne kal Liyel tǒrí nǒli yónó sǒkǒ. ⁵ Névi nê-à wěnpir mè kénkǒ tǔnó ple nǒmǒ yinne, nǒmǒ ye tǔ tǔ ple.»

Gbáhdýâh gbáhdinsàhnóle

⁶ «Ñte wěnpì* nónó-á sē nǒmǒ yǒ yò, névi nê-à pé sǒkǒ yó yǒ yɪkɪ mǒ tyípékè pínó sǒkǒ, pàh yínónan ògběkì yó toh tǔ yègbɪ té à tu dah mǒ pne yo tǔ tǔ-̀nsah sǒkǒ kè kǒ kè à yǒ, képah kɪ fónfó kal tǔne. ⁷ Pèkè me kèkǒyó névyè yǒ névyè yǒ yíkínmǒnǒ yinne tyípékè pínó sǒkǒ. Névyè yǒ tǔ wo náh fē n ye yíkínóle ó, òte névi nê gbǒ yǒ sēnkǒ-à we, pèkè kɪ tǔ nǒ. ⁸ Á gbǒ, képah náh pu á gbáhkì-à kɪ nê n dah n mǒ ále tyípékè sǒkǒ, kè kǎm milki fíí ále. Wâh tekɪ á gbǒ, képah náh pu á gbáhkì sǒkǒ té tyé-̀nkē min we, képah kɪ fónfó kal ále á mínndahnmǒnǒ yǒ ní-̀nkē nyàhnpèkè sǒkǒ gbàn nínì ànê gbyêh nínine á tyí. ⁹ Á yí-à kɪ nê n dah n mǒ ále tyípékè sǒkǒ, kè gbahlɪ n wilki n milki fíí ále. Wâh tekɪ á yí sǒkǒ té tyé-̀nkē min we, képah kɪ fónfó kal ále á mínndahnmǒnǒ yǒ ní-̀nkē nyàhnpèkè sǒkǒ yí nínóle á tyí.»

Képo mónpuno wéntǔnǒle

¹⁰ «Yé yé gblǒy tǔ wěnpì† nǒpi sǒkǒ yó yílónóle. Ngbǒ yinyǒ tǒnɪɪ nónó-á n yah pé yǒ, pé me gbímeǒbí n Sù Liyel yah sǒkǒ yinyǒ dé. [¹¹ Yé náh we di, névyè nónó-á me mónpuno, pépi pwah n mǒ yin ye Névi Pídí pu.]

¹² Yépi tǔ tyí à; sǒ kénkǒ-á képyénì lèkwě-à me dí yó tyí à me n fē yǒli yǒ, té núkú mǒ pu sé sǒkǒ, à náh tikiyéh pǒ gbām pǒ kwǎryâh nǒpi téló sah n pi nénpǒ, té kyɪ mónpuno mè yah n kǒ n pi di? ¹³ Té gbɪ yǒ mé kéle n yo yé tyí, wâh à we tǔ, ò nɪ n vɪ òmǒle à kal tikiyéh pǒ gbām pǒ kwǎryâh nǒpi télóle, nónó náh mǒ pu. ¹⁴ Sē ye yé Sù Liyel nê-á me yinyǒ, ò tǒ náh me ké tyí ne wěnpì nǒpi sǒkǒ yó n̄tē mǒ n pu.»

Tyípékè pí-ò tǔ n pu dùkùle gbɪ wěkì yǒ

¹⁵ Yesu tǒ ne: «Á yúnpi yó-à tyípékè pu [á tyí], kyɪ n wil ò tyí, ò ò yah yo yé nímí wró ó sǒkǒ. Wâh sah á tyí yǒ, yé yúnpi kɪ yuku yahle. ¹⁶ Wâh yahle, kyɪ nénúkú képah náh pu nímí yah n dohnɪ á gblǒy yǒ n̄tǒ, yé kyɪ ké yah wah. Sē ye Liyel wey yo kéle ne, ké yah-á yīne kè wah tàrfyò népì nímí, képah náh pu tǒmí yí yah. ¹⁷ Té wâh yahle sàhnóle pépi tǒ tyí yǒ, kyɪ ké yah yo nǒmǒ yǒ sǔpú tǔnkì tyí. Wâh se tǒ yahle sàhnóle pépi tǒ tyí yǒ, òne ne n mǒ n kǒ Liyel wěkì kó-̀nkēpú sǒkǒ, képah náh pu móri syípú sǒkǒ.

¹⁸ Kègbɪ yǒ mé kéle n yo yé tyí, yâh tir nê yahle sétáh mè yǒ sǒkǒ, Liyel nê-á yinyǒ sǒkǒ, ò tǒ kɪ sah ké yǒ sǒkǒ. Té yâh nê wěkì kǒ sétáh mè yǒ sǒkǒ, Liyel nê-á yinyǒ sǒkǒ, ò tǒ kɪ sah ké yǒ sǒkǒ.

¹⁹ Mé kéle n yo yé tyí tǒle, yé sǒkǒ népì nímí tǔ-à fyò pé yégbékè pu núkúle sétáh mè yǒ, té kwáhdúkú nê ni n Sù Liyel tyí, à kɪ kéle pé kǒ. ²⁰ Yé náh we di, népì nímí képah náh pu tǒmí-à wē tuke mǒ nýâh sǒkǒ nǒmǒ yin yǒ, mè n ne me pé nyó.»

Névyè-á yīne pé ne n yǒ n mǒ wēne n kǒ dùkù nēne

²¹ Képah sǒkǒ, Pyeri me nǒ de Yesu tǒnó té yo ò tyí ne, pé Tǔ ògbē, pé yúnpi yó-à n pu n de pé tyí, gbáhyí sǒ se pé yīne pé yǒ mǒ à kǒ nɪ? Fóó gbáhyí kwárnino se nɪ?

* **18:6** 18.6 - Wěnpì nónó tyí-á n yo ásô sǒkǒ yò, kè kɪ fē pu Yesu yǒ sǔpú ye pé n ye. † **18:10** 18.10 - Yah n te Matye 18.6 yah yónó sǒkǒ.

²² Yesu me yo n tyí ne: «Ōõ, mé náh n yo n pi á tyí ne gbáhyí kwárnino-á dé, nte fóó gbáhyí kwárnino sàh-ntännó tikitóní pò gbām ye.

²³ Yé yah, Liyel tōrí-á kɪ fě tɔkɔ sãh sēmirkì nêne, kè we yò: Yòtē dí yó lésō me ké tyí ne pé pé pò tyí yah wah ànê pé tōnpɪbɪle. ²⁴ Pãh tyah pò yáhnóle, pè n tōnpɪ yó tē pò n tyí, n kōlɪ ngbē-á sò me nê yō, fóó talã‡ pò pló kèyō kwlólɛ (10 000). ²⁵ Té kwãh náh sò me dí mè tyí ké dyah dyah tēne. Kãh pɪ sē, yòtē dí ne, pè à tē yãm, ànê n kyɪle, ànê n wēnpɪle, à tahlɪ n gbãh yɪ pól tyí, pè kōlɪ mè dyah. ²⁶ Képah tēne, tōnpɪ mè me n gbètukunɔ di té n yah kwĩnki sétáh yòtē dí yah, té yo n tyí ne, à n gblɔy ye à mó pé syɪkɪ n yah kwéy, páh kɪ pò ké pól dyah n tyí. ²⁷ Wãh képah yo sē, n yãm yòtē dí kah tē. A me à fin mɔ té kōlɪ mè yō mɔ à kō. ²⁸ Kéne dí-á fyò wil, à n ní-ò tōnpɪ yó yohnɪ ñmɔ kōlɪ kwéy-á sò me nê yō deniyeŒ pò pló lèkwěle. A me à fyãh tē n yègbɪ tyí à ñne n fɪ kɪrr, té à syah ne nkē, pé kōlɪ nê-á me n yō, à pé dyah kéle. ²⁹ N ní-ò mè me n gbètukunɔ di n yah té yo n tyí ne, à n gblɔy ye à mó pé syɪkɪ n yah kwéy, páh kɪ pò kè dyah n tyí. ³⁰ Nte à yahle, té se tō à tē kyɪ dah mɔ wòkònpèkè sɔkɔ, fóó kɪ pò nò gbí nê-á à kɪ kōlɪ mè dyah. ³¹ Pé no tōnpɪbɪ-á képah tē we sē, kè pé yah kwɔ kègbɪle. Pè me kyɪ sé pól yo pé yòtē dí syah. ³² Képah sɔkɔ, yòtē dí me pè kō pè à ye pò, té yo n tyí ne: <Tōnpɪ népo. Wáh lésō ní ni, képah ye mé á kōlɪ yō mɔ n kō. ³³ Nte áwɔ tɔ náh sò yĩne n á ní-ò yãm yah, ñmɔ-á á yãm yah sɔ di?> ³⁴ Té fòkònyãhni kèpèkè tē tyí, yòtē dí à dahɪ wòkònpèkè névyè fòhpúpèl gbò, fóó kɪ syɪ pò nò gbí nê-á à kɪ yòtē dí pò pólle à dyah. ³⁵ Sē ye ní Sú Liyel kɪ n pɪ n pi yé tɔle, yãh n yõnmɔ-ńkēne wēne n kō yé nno pólle.»

19

Yesu-á kwónó nê kō fúr yíkínó tyí yō

¹ Yesu-á tye n weyne gbí nêne, à yal Kalile mara sɔkɔ à yuku Nsyude mara tyah yó sɔkɔ, nê-á me Nsyurdē yónkahnɪne. ² Tówú ngbē yó me n sò tē yuku, té à me pé yámpú de mɔ nénpó. ³ Képah sɔkɔ, Farisi wěkì kópú yísyó nɔ de n tnô ne pé à mɔ yah, té à piki yah ne, ké wěkì se me dí tyí à kɪ n kyɪ fin mɔ, kãh sɔ me tyídúkú nê yō nɪ? ⁴ Yesu me yo pé tyí ne: «Yé náh kè kar yah Liyel wey sébéy sɔkɔ ne, kèkōyó mɔ gbíne, Kèkōyó mó-ò-á pè mɔ dí ànê sèle di? ⁵ Wãh ne, képah-á dí-á kɪ yal n sú ànê n yú tnô, té kɪ kwɔ mɔ n kyɪle, pé ními kɪ pɪ wil gběnsé núkúle. ⁶ Kãh pɪ sē, ními náh tō péle dé, núkú-á péle. Liyel-á nónó kwɔ mɔ, ney káh pè gbekɪ.» ⁷ Képah tēne, Farisi wěkì kópú à syah ne, nte sɔ se pɪ té Moyisi kè kō sah ne, névi nê-à n kyɪle n fin mɔ, tē n fin mɔ mɔ tãrfyò sébéy pɪ à kō à mó pyè à fin mɔ nɪ?*

⁸ A me yo pé tyí ne: «Yépi nòhni-ńkē yĩn ye Moyisi kō à képah wěkɪle yé kō kè. Nkē sē náh se lésō kéle ké tyàh-ńsah sɔkɔ té. ⁹ Té ñmɔ kéle n yo yé tyí ne, névi nê-à n kyɪ fin mɔ né fòfíkì tē tyí yō náh, té sékáhkì tɔkɔ, fòfíkì-á tē n pɪ.»

¹⁰ Képah sɔkɔ, Yesu tò sãhpú yo n tyí ne, dí yĩn-ńsah-à mó me pò sah képah yō à yuku n kyɪ tyí ñinne, sê tókó-ńkē-á fónfó dò. ¹¹ Yesu me yo pé tyí ne: «Wey nê-á mé kɪ n yo n pi yé tyí yò, no pól náh fě ké syíkì-ńsah we n pi. Nte Liyel-á ké fēnpɪno lékámne nónó kō, pépi wɔ kɪ fě ké syíkì-ńsah we. ¹² Yé náh we di, tyi yísyó me nónó-á díbí kō pè náh syólɛ n tɔkɔ: Túkù me pé dúbí-ńsah dúkù sɔkɔ, pè náh me díbí sɔkɔ.

‡ 18:24 18.24 - Légbíne, talã pò pò núkú kɪ sò fě nò nénúkù ye gbõnkwló tò pínó danne. § 18:28 18.28 - Légbíne, deniye pò pò núkú kɪ sò fě nò nénúkù gbìyìkì núkú tò pínó danne. * 19:7 19.7 - Yah n te Tõnyonɔ 24.1.

Túkù me névye ye mɪ péle pè kɔ̃ pè náh me díbí sɔkɔ. Túkù mó sètókókì yahle Liyel yòtòrí yah yúkúnó yĩnne. Nê-à kɪ fě wey mè syíkí-ńsah we n pi, tẽ kɪ ké syíkí-ńsah we.»

Yesu sām mónóle wěnpì sɔkɔ

¹³ Képah tẽne, névye pɔ wěnpì yrɔ̃le Yesu tyí ne à n gbǎn sah pé yɔ̃ à Liyel ni pé tyí. Nte n tò sáhpú me tyah díríle n kɔ̃ pé yɔ̃. ¹⁴ Képah sɔkɔ, Yesu me yo pé tyí ne: «Yé ye wěnpì kɔ̃ pè ne n pɔ n pɔ ńmɔ tyí. Yé káh pé yahle n kɔ̃. Yé náh we di, névye nónó dukú-á me wěnpì nópi tyí kɔ̃le, pè kɪ Liyel tɔ́rí nɔlɪ yɔ̃ n pi.» ¹⁵ Képah tẽne, wǎh n gbǎn sah te pé yɔ̃, à yal nénpó.

Tahrɪ tyí yónóle

¹⁶ Képah tẽne, kètěnpìkì yó nɔ de Yesule té à piki yah ne, kwó-ò dí, tir nê sé pé yĩne pé pi tyípépěyne pé mó tyé-ńkě min we ni? ¹⁷ Yesu me yo n tyí ne: «Sɔ̃ pi té á ńne n piki n yah pèpɛy tyí yɔ̃? Pèpɛy núkú ó me. Wáh kɪ me ké tyí ne á min we, Liyel tyi kònsàhnó wǎlle n kɔ.» ¹⁸ A me ne Liyel tyi kònsàhnó nónó tǎn se ni? Yesu me yo n tyí ne: «Káh nékókè mɔ, káh fòfíkì pi, káh yĩbe yĩ, káh mìnì sah ney yɔ̃. ¹⁹ Yòyenne n sah á sú ànê á yú yɔ̃. Ye á ní-ò tyí nɔ á tyí á gblɔy tyí kɔ̃le.» ²⁰ Képah tẽne, kéne kètěnpìkì me yo n tyí ne, páh me sépi tẽ pólle n pi dɔ, kèyǎh se tɔ̃ me wũ pé tyí pi pi tẽne ni? ²¹ Yesu me yo n tyí ne: «Wáh kɪ me ké tyí ne á tyi pól tũ, gbǎn yĩ nónó-á me á tyí, kyɪ sè yǎm n té sé pó dibi yǎm tǎn kɔ̃. Képah sɔkɔ, á kɪ tahrɪ we Liyel fɔ̃ sɔkɔ. Képah-à pi, n pɔ ńmɔ sò tẽ.» ²² Wǎh képah tẽ noh sě, à sɔkɔ yahle yíkínsàhnóle. Kwáh nétě nǵbě ye sò ńne képah ye.

²³ Képah sɔkɔ, Yesu me yo n tò sáhpú tyí ne: «Kègbɪ yɔ̃ mé kéle n yo yé tyí, tǎh Liyel tɔ́rí nɔlɪ wényònɔle, kè kɪ tah dé. ²⁴ Mé kéle n tɔ̃ n yo yé tyí, yǎhmíkì dénwìlnóle sèndi pwǎh sɔkɔ, képah ńtẽ kɪ dɔdɔ kal tǎh Liyel tɔ́rí nɔlɪ wényònɔle.» ²⁵ Yesu tò sáhpú-á képah noh sě, pé gbǎn kah du. Pè me ne, nte nê wɔ se kɪ mó fě pwah ni? ²⁶ Yesu me yɔ̃ pè yah, té yo pé tyí ne: «Névye tẽ wɔle, pè náh fě kè pi n pi. Nte Liyel kɪ fě tyi pól pi.»

²⁷ Képah sɔkɔ, Pyerɪ me yo n tyí ne, à yah, pépi-á pé tyi pól sah té ńmɔ sò tẽ. Pépi tyí se kɪ n pi n pi sɔ̃ ni? ²⁸ A me yo pé tyí ne: «Kègbɪ yɔ̃ mé kéle n yo yé tyí, Névi Pídí-à pɔ kɔ̃ tẽ n tɔ́rí kɔ̃ yɔ̃ kèkòyó késán sɔkɔ gbí nêne, yépi nónó-á ńmɔ sò tẽ, yé tɔ kɪ kɔ̃ tẽ tɔ́rí klɔ̃ gbòninó yɔ̃ kɪ Yisrayel no yìkìninó gbòninó yah tẽ n pi. ²⁹ Nmɔ yĩn yɔ̃, névi nê tẽ-à fyò me yal n gbô sɔkɔ ò, n yúnpyé tnô ò, n dósýó tnô ò, n sú tnô ò, n yú tnô ò, n wěnpì tnô ò, n swěy tnô ò, tẽ kɪ sěnknono lèkwě we, té kɪ se tɔ̃ tyé-ńkě min we. ³⁰ Nte négbro náhnáh kɪ n pi n pi nétélóle, té nétélóle náhnáh kɪ n pi n pi négbrole.»

20

Sèmìrkì nê-á yǎh sètě yó ànê n tǔnpìbɪ sar dukú tyí yɔ̃

¹ «Yé yah, Liyel tɔ́rí-á kɪ fě tɔkɔ sǎh sèmìrkì nêne, kè we yò: Sètě dí yó lésò wil séngbɔ̃ púpúle ne pé tǔnpìbɪ yah n tɔkɔ n tekɪ mɔ pé yèresě swǎh sɔkɔ. ² Wǎh nónó we, à yo sah núkú yɔ̃ péle ne, nénúkú gbìyìkì núkú tò pínó sǎrle, deniye* pó pó núkú-á. Képah sɔkɔ, té pè tekɪ mɔ n swǎh sɔkɔ. ³ Pɔ̃y tɔ̃ gbíne, à tɔ̃ wil té kyɪ nósýó we

* **20:2** 12.5 - Légbíne sò, wǎh gbìyìkì núkú tò pi névi tyí, deniye pó pó núkú ye tẽ n sar ále.

těńóle tówû tükè-ńsah soko tǝ kěne pé tyí. ⁴ A me yo pé tyí ne, pépi to soko péwo swāh soko, páh kɪ pé sar ké yah yǝ. ⁵ Pè me soko. Gbī-á me yǝtah sírr soko, à tǝ wil à sěntě pɪ. Gbèkām gbī-á nɔ, à tǝ wil à képah núkú ó pɪ. ⁶ Nvǐ lésyile, à tǝ wil té kyɪ nósýó we ńtǝ kéne tówû tükè-ńsah soko. A me pé piki yah ne, sǝ se pɪ té péle ásǝ gbǝyǝkǝle tótó tǝ pí-ńkěne nɪ? ⁷ Pè me yo n tyí ne, ney náh pé toko képah-á. A me ne pépi to soko péwo swāh soko. ⁸ Tǝ-á tiki ńvǐne, sětě dí yo n pó yah wàh-ò dí tyí ne, à tǝnpɪbɪ nǝpɪ ye n pɔ pé dyah pé póle. Nkě nónó-á kyɪ swāh soko nétélǝle, à kè tyah pépi tyí à pɔ n dal n mɔ négbro tyí. ⁹ Nónó-á tǝlǝle, páh pɔ, à pé kǝ deniye pǝ pǝ núkú núkúle. ¹⁰ Kǎh syɪ négbro tyí, pépi tǝ sǝ me n sǝ ne wǎn-á kɪ we pépi tyí yǝ. Nte deniye pǝ pǝ núkú núkú ye pépi to we. ¹¹ Pǎh pǝ nǝpɪle n syɪ gbǐ nêne, pé tyah sětě dí sěyòkǝle n yo ¹² ne ńkě, nónó-á à toko pɔ tǝlǝle, lérɪ núkú ó soko-á pé we pɪ tǝle. Nte kè se pɪ sǝ té à pɔ péle n sar núkúle pépile, pépi nónó-á kwlónó fě syɪ à tǝ pɪ kwlo gbǝyǝkǝle tótó gbǐ syǝkǝ yah soko nɪ? ¹³ Sětě dí me yo pé soko yó tyí ne: «N kódí, mé náh syɪkɪ á yǝ soko dé. Nmɔ ànê áwɔ náh sǝ wekɪ sah núkú yǝ ne, á gbǝyǝkǝ núkú tǝ pínó sǎr-á kɪ pɪ deniye pǝ pǝ núkúle di? ¹⁴ Ne n yuku á póle. Mé kɪ nétéy mè kǝ dan núkúle áwɔle ń dyo ó. ¹⁵ Ké wěkǝ náh me ńmɔ tyí, kɪ fě ń dyo dyo tyɪ pɪ ń póle di? Tǝ, ń nɪ nónó se n yo ále?» ¹⁶ Képah yáhntɛnɔ náh, Yesu tǝ yo pé tyí ne: «Sě ó ye, nétélǝ kɪ pɪ négbrole, té négbro kɪ pɪ nétélǝle.»

Yesu me n kúnó ànê n lékó yǝlkinmɔnɔ tyíle n yo ke tǝ-òle

¹⁷ Yesupi-á n soko Yerusalemɪ kwil, páh me wěkǝ yǝ soko, à n tǝ sǎhpú ye pé yahle, té yo pé tyí ne: ¹⁸ «Á we wěkǝ yǝ à n dokɔ n yuku Yerusalemɪ soko yǝ. Névi Pídǐ kɪ tǝ n dahbɪ n pi sárká syǐnwǝlkipu yǝtǎm ànê Liyel tyɪ kǝnsǎhnó kwópú gbǝ nénpǝ. Pè kɪ kè yah toko ne wǎh yǐne kǝnmɔnɔle, ¹⁹ té kɪ à dahbɪ névye gbǝ nónó náh pɪ Nsyifunɔle, pé kɪ kǝle à ko, té kɪ à ko yěfǝhle, té kɪ à syɪ dahɪ yǝ. Nte ké sèpǐn tǝ-ò sǝle, n lékó kɪ yilki mɔ.»

Nsyaki ànê Nsyǝ yǝ-á nê yah kǝ Yesu tyí

²⁰ Képah soko, Nsebede kyɪ me n dínpǐ tǝ nɔ de Yesule, té kɔ kwǐnki n yah ne pé yáhnkǝnɔ yó pɪ n tyí. ²¹ Yesu me à piki yah ne, à se me kwáh nê tyí nɪ? Pi me yo n tyí ne, pé dínpǐ nónó-á yǝ, à n vyǎhle péwo kǝ ne wàh pɔ dokɔ n yǝtǝrí yǝ, pé soko núkú kǝ tǝ n gbǝyǝ sǝle, ní-ò mó kǝ tǝ n gběyǐnè sǝle. ²² Yesu me yo n tyí ne: «Npǐ-ńkě soko ye yé n ni kéle. Máh kɪ n de n pi yěvyǎhrɪ nê soko, yé to se kɪ fě de ké soko?» Pè me à syah ne páh kɪ fě de ké soko. ²³ Yesu me yo pé tyí ne: «Máh kɪ n de n pi yěvyǎhrɪ nê soko, yé to kɪ de képah wɔ soko ó, nte ń gbǝyǝ sǝ ànê ń gběyǐnè sǝ tǝnó tǝ wɔle, ńmɔ tyí náh képah wěkǝ kǝnóle. N Sú Liyel-á kè yah sah nónó yǐnne, pépi ye à kɪ kǝ kéle.» ²⁴ Yesu tǝ sǎhpú népǐ gbǎm nǝpɪ tǝlǝ-á képah noh sě, pé foko vyǎh nímí nǝpɪle. ²⁵ Képah soko, Yesu me pé pól ye yah té yo pé tyí ne: «Tir nê-á me n pɪ kwlo kwlo soko, yé kè pǐ ó. Yǝtǎm náh ńkěne pé kwlo névyele ne n fne, té né-ńgbnɔ to n mó ne n fyǎh pé yǝ pé tǝnwɛnɔ yǐnne di? ²⁶ Nte kè náh yǐne kè ne n pɪ sě yépi wrǝ. Gběntěnáhle, yépi soko nê-à me ké tyí ne pé yǐn-ńsah ńgbě we, tǝ yǐne à pɪ tǝnpɪle tǝlǝ tyí. ²⁷ Té nê-à me ké tyí ne pé pɪ yah névile yé soko, tǝ yǐne à pɪ yé yǝle. ²⁸ Sě ó ye, Névi Pídǐ náh pɔ ne névye tǝle n pɪ péwo tyí dé. Nmɔ ye pɔ tǝ pɪ yǐnne névye tyí, té kɪ n min kǝ névye náhnáh yǝ dwe yǐnne.»

Nsyeriko kwil yǝtǝbɪ népǐ nímí yǝ yǝlkinmɔnɔle

²⁹ Yesu ànê n tò sáhpú-á n wil Nsyeriko kwil soko gbí nêne, tówû ñgbě yó me n sò tẽ. ³⁰ Té yítùbi nêpî ními yísyó sò me tẽnóle wěgbali soko. Páh noh ne Yesu-á pò n soko, pè tyah n yo n mo yínpò ñgběne ne, pé Tě ñgbě, ñmo nê-á Davidi Pídíne, ñkě à pé yãm yah. ³¹ Képah tẽne, tówû díri kò pé yò ne pè pé vyěy vike. Nte pè tó wãn mo pé yónmòno yò ne ñkě, pé Tě ñgbě, ñmo nê-á Davidi Pídíne, ñkě à pé yãm yah. ³² Yesu me yín té pè ye yah, té yo pé tyí ne: «Kwâh nê me yé me ké tyí ne mé pi yé tyí?» ³³ Pè me yo n tyí ne, pé Tě ñgbě, à pé yí yiki mo. ³⁴ Képah tẽne, pé yãm Yesu tẽ. A me tũ pé yí tyí. Nénpó swò, pé yí núkú yiki mo. Pè me n sò tẽ.

21

Yesu dénóle Yerusalemi kwil soko

¹ Yesu ànê n tò sáhpú sò me fíi kwéy Yerusalemi kwille. Pè sò me yúkey Betifasyi kwille, képah nê-á me Wólívyê yèh yòli yò. Képah soko, à me n tò sáhpú nêpî ními tó ² ne ñkě: «Kwil nê-á yé yah fínne yò, yé kyí ké soko. Yé ki núkú ñkwěndyíyũkì yó we tóhnmònsàhnóle ñkwěndyípíkì yóle n tnô. Yé à de, yè pò séle ní kò. ³ Nê-à ki ne pé yo, yè yo tẽ tyí ne, sé yétò-á me Tě ñgbě tyí. Képah soko, tẽ ki ye yé kò yé ki soko séle nénpó swò.» ⁴ Yesu képah yo sě, Liyel tẽntò syínyo-ò wey yónsàhnó mè wil yínne. Liyel tẽntò syínyo-ò lésò ne ñkě: ⁵ «Yé yo Yerusalemi* kwil tãn tyí ne, pè yah, pé yòtẽ-á me n pi pé fínne. Gblóy tíkínmòno-á me n soko. Wáh me dókónkòntẽnóle ñkwěndyíkì yò, nê-á ñkwěndyípíkìle.»† ⁶ Képah soko, Yesu tò sáhpú me kyí tyi nópi pi n yóré yò. ⁷ Pè ñkwěndyíyũkì ànê ñkwěndyípíkì mè tẽ pò, té pé flo mo sé yò Yesu kò à dokò kò tẽ. ⁸ Nékwínkí sò me pé flole n mo n yuku wěkì yò, tókù mó me pēmìle n kwòki n mo n yuku. ⁹ Tówû nê-á sò me mo n yah fínne pè n yuku, ànê nónó-á sò me n sò tẽ, pé pól sò me yo tũ yínpò ñgběne ne: «Gbílkinó ne n sah Davidi Pídí yò. Névi nê-á n pi Tě ñgbě yín yò, Liyel sãm mo n soko. Gbílkinó ne n sah Liyel yò, ñmo nê-á me yínyò.» ¹⁰ Yesu-á pò n de Yerusalemi kwil soko, nénpó tãn pól yuku kwille n yike wùù. Pè sò me piki yah tũ ne, nê se dí mène ni? ¹¹ Tówû me yo pé tyí ne, Liyel tẽntò syínyo-ò Yesu-á, nê-á n wil Nasaretì kwil soko, Kalile sétáh yò.

Gbòyibi yínwìlkinóle Liyel ní-nsah gbò soko

¹² Yesu-á de Liyel ní-nsah gbò soko, à yiyãm yàmpu ànê yídwénè dwépu pól yíni wilki ké soko. A pò sàhntùpu tàbálnó tu wilki mo, ànê kèpíkípi kíno yàmpu klòle. ¹³ Té yo pé tyí ne: «Kè me wárkínsàhnóle Liyel wey sébéy soko ne: «N gbò ki n ye níri pí-nsah gbòle.»‡ Nte yépi kè tòko pi yípu wòbìntě-ñsahle kè?»§ ¹⁴ Képah náh, yítùbi ànê gbáhkì núkú névyè me no de Yesule Liyel ní-nsah gbò soko. A me pè de mo. ¹⁵ Sárká syínwìlkìpu yòtãm ànê Liyel tyi kònsàhnó kwópú-á gbìl nópi pínó we sě, té wěnpì tó me gbo mo tũ ne ñkě, gbílkinó ne n sah Davidi Pídí yò, pé fòko vyáh. ¹⁶ Képah tẽne, pè me yo Yesu tyí ne, wěnpì nópi-á me nêne n yo, à kó me kéle n nohni ni? A me yo pé tyí ne: «Àwe mé me kéle n nohni. Té wey nê-á wárkínsàhnóle Liyel wey sébéy soko ne: «Á kè pi á gbilki gbilki welo n nohni wěnpì ànê wěnpì yrò vyěy soko.»* Yé se ki ne yé náh kè kar yah? ¹⁷ Képah yónteno náh, à yal pé tnò, té wil kwil soko à kyí sò Betani kwil soko.

* **21:5** 21.5 - Yerusalemi yín yó ye sò Siyòne. † **21:5** 21.5 - Yah n te Nsakarì 9.9. ‡ **21:13** 21.13 - Yah n te Yesayi 56.7. § **21:13** 21.13 - Yah n te Nsyeremi 7.11. * **21:16** 21.16 - Yah n te Gbálnó 8.3.

Yesu vyāh yénmɔnɔle sɛnsóké séswô yô

¹⁸ Dīndal séngbǒle, Yesu-á n syi n pi Yerusalemi kwil sɔkɔ, kwɛki à tɛ. ¹⁹ Wǎh sɛnsóké séswô yó we yúkey wɛkìle, à me nɔ de ké tnô. Nte à nǎh kwǎh yó we ké sɔkɔ. Kè sǒ me murɔ ó kókóle. Kǎh pi sɛ, à me yo ké tyí ne, tǔó-á sɛ yò, képah tɛ nǎh tǔ n syi n yah n pi pólle. Nénpó swɔ, séswô mè núkú kɔkɔ. ²⁰ N tǔ sǎhpú-á képah we sɛ, pé gbǎn du. Pè me Yesu piki yah ne níkɛ, kè se pi sǔ té sɛnsóké mè núkú kɔkɔ nénpó swɔ ni? ²¹ A me yo pé tyí ne: «Kègbi yô mé kéle n yo yé tyí, Liyel yô sɛnó-à me yé sɔkɔ, té yé nǎh me n sǔ tǔtò, máh nê pi sɛnsóké séswô mè sɔkɔ, yé to ki fɛ sɛnkǔ pi. Té kè nǎh n yīn n pi képah ó tyí dé, yé ki tǔ fɛ yo yǔli mè tyí ne, kè yuku n yal áso kè kyi n syiki n de pne yo sɔkɔ, té kè ki mó tǔ pi. ²² Liyel yô sɛnó-à me yé sɔkɔ, té yé kwáhdúkú nê yah kǔ Liyel tyí níri sɔkɔ, yé ki kè we.

Pè me Yesule n piki n yah n tɛnwɛnɔ wìl-nsah tyíle

²³ Yesu kyi Liyel ní-nsah gbô sɔkɔ. Wǎh me névyele n kwɔ gbí nêne, sárká syínwìlkìpu yòtǎm ànê kwil yèwǎhni nɔ de n tnô té à syah ne, nê gbô yô se à n pi tyi nópìle, ànê nê se kǔ nne kéné tɛnwɛnɔle ni? ²⁴ A me yo pé tyí ne, péwɔ to-á ki pè piki yah tir núkú ó kókóle. Pǎh ki ké yah yo pé syah, pé to-á ki mó yo pè syah nê gbô yô-á pé n pi tyi nópìle. ²⁵ Pépi tɛ tyí à; nê se tǔ Nsyǔne à pɔ wèlnwìlkìnóle n pi ni? Liyel se, tǔ névyé se ni?» Képah sɔkɔ, pè tyah n yo wɛ tyí ne, pǎh ki ne Liyel-á tǔ nne, wǎh ki pé syah ne, té kwǎh nê se pi té pé nǎh sɛ n yô ni? ²⁶ Nte pǎh ki se mó tǔ ne névyé-á tǔ nne, tówú tíkí-á me pé tɛ pé pól-á sǔnpíle me Nsyǔne n tokɔ n pi Liyel tɛntò syínyo-òle. ²⁷ Kǎh pi sɛ, pè Yesu syah ne pé nǎh pǐ. N to mó yo pé tyí ne, pé to nǎh kè yo pè syah n pi, nê gbô yô-á pé n pi tyi nópìle.

Sèmìrkì nê-á yǎh dínpi nípì ními yísyó tyí yô

²⁸ Képah sɔkɔ, Yesu tǔ yo pé tyí ne: «Mé ki sèmìrkì yó yǎh yé tyí, yé mó yé sǔno yo ní tyí ké tyí sɔkɔ. Dínpi nípì ními lésó me dí yó tyí. A me nɔ de gben tɛne, té yo n tyí ne, pé pídí, níkɛ à kyi tǔ pi pé tyí yèresɛ swǎh sɔkɔ kweyne. ²⁹ A me n sù syah ne kyi dékè nǎh me pé tɛ. Té dó kwéy, à kè we ké yah nǎh. A me yuku sɔkɔ swǎh sɔkɔ. ³⁰ Sù mè me tǔ nɔ de n pídí ní-òle, à wey núkú mè ó yo n to tyí. Nmɔ me yo n tyí ne, pǎh ki kyi, pé bǔ. Té à nǎh pɔ kyi. ³¹ Népì ními nópì sɔkɔ, nê tɛ pé sù nìvìni pi?» Sárká syínwìlkìpu yòtǎm ànê kwil yèwǎhni nópì me ne gben tɛ-á. Képah sɔkɔ, Yesu me yo pé tyí ne: «Kègbi yô mé kéle n yo yé tyí, móri syípú ànê syó fòfínpi ki yé dyàh tɛ Liyel tǔri nɔli yô. ³² Yé nǎh we di, Nsyǔ pɔ yé tyí à pɔ gbì wɛkìle yé wɛki, té yé nǎh sɛ n yô. Nte móri syípú ànê syó fòfínpi wɔ pyɛ sɛ n yô. Yé mó tǔ kè we yíne, té képah fyé yô, yé nǎh yé nno vi mɔ à sɛ n yô.»

Sèmìrkì nê-á yǎh yèresɛ swǎh tǔpú nípèl tyí yô

³³ Yesu tǔ yo pé tyí ne: «Yé yé ní sah noh ní tyí sèmìrkì yóle nítò yò: Sètɛ dí yó lésó yèresɛ swǎh kǔ, té kɛki mɔ kè kore vi, té swɔ yó tǔ tédáhkì yô ké sɔkɔ, à pi yèresɛ pye yíkí-nsahle. Té ké syíkípú dókóntɛ-nsah mɔ kèyy ké sɔkɔ. Képah nǎh, à yèresɛ swǎh tǔpú yísyó tokɔ pɔ sah ké yô, píndibino yô, té sɔkɔ kóló sɔkɔ. ³⁴ Sé pye gbe gbí-á pɔ n nɔ, sètɛ dí n tǔnpìbi tǔ yèresɛ swǎh tǔpú nópì tyí ne, pè pé we we tɛne pè kǔ pè pɔ pé kǔ. ³⁵ Nte yèresɛ swǎh tǔpú nópì yuku pè tɛ, té núkú ko képékèyô, té kèyǎh ko mɔ, té kèyǎh minki ko dyèhle. ³⁶ Sètɛ dí tǔ n tǔnpìbi yísyó tekì mɔ, nónó-á dò kal gbɔ tǎne. Pè tǔ pépi to pi sɛntɛ óle. ³⁷ Kǎh pi sɛ, à tǔ n pídí tǔ pé tyí tɛyne, té me

n sō ne, pãh kɪ ñmɔ wɔ yah sen ku. ³⁸ Nte yèresɛ swãh tǒpú nǒpi-á fyò ñ pídí we, pè núkú yo wě tyí ne, ñ gběyō-á yò. Pè pɔ pé à ko mɔ, gběki mó pi pépi tyíle. ³⁹ Képah tɛne, pè núkú à fyãh tɛ, té à wilki mɔ swãh kahnɛ, té à ko mɔ. ⁴⁰ Yé toko ne n yah kè; sètɛ dí-à pɔ pɔ, sǒ me à kɪ pi péle?» ⁴¹ Pè me ne, wãh kɪ kéné népèl ko mɔ pélpèl, té kɪ yèresɛ swãh tǒpú yísyó toko pɔ sah ñ swãh mè yō, píndibino yō. Pépi wɔ-á kɪ ñ we we tɛne ñne n kǒ ké gbí soko. ⁴² Képah soko, Yesu me yo pé tyí ne: «Yé se kɪ ne yé náh wey mè kar yah pólle, nê-á yo Liyel wey sébéy soko ne ñké: <Wòkò mǒpú-á dáhkì nê yahle, képah yétò pɔ kal.

Tɛ ñgbě tò vyãh ye képahle.

Gbëndùnì tir ye kéle ápi yah soko yò dé!»†

⁴³ Képah yóntenɔ náh, Yesu tò yo pé tyí ne: «Mé kéle n yo yé tyí tɔle ne, Liyel tǒrí soko tɛnó kɪ syi yépi Nsyifunɔ tyí kɪ yǐkì yó névyé kǒ, nónó-á kɪ tyípéplɔle n pi ké soko Liyel-á me nónó tyí. [⁴⁴ Wòkò mǒpú-á dáhkì nê yahle, névi nê-à wil syiki képah yō, tɛ kɪ kwɔki. Té kàh se mó tǒ syiki nê yō, kè kɪ tɛ pyãhrɪ.] » ⁴⁵ Sárká syínwìlkɪpu yòtã ànê Farisi wěkì kǒpú-á fyò sèmìrn nǒpi noh, pè pǐ ne pépi yō-á Yesu mɪ séle. ⁴⁶ Képah tɛne, pè sò me ké tyí ne pé à tɛ, té tówú tíkì pè tɛ. Tówú sò me Yesule n toko n pi Liyel tɛntò syinyo-òle képah ye.

22

Sèmìrkì nê-á yãh fúr yōke yónó tyí yō

¹ Yesu tò tyah sèmìrkì yóle n yãh pé tyí ne: ² «Liyel tǒrí-á kɪ fɛ toko sãh sèmìrkì nêne, kè we yò: Yòtɛ dí yó lésò ñ pídí fúr fèn pi. ³ Té me ñ tǒnpɪbɪ wilki tò ne, pè kyɪ néyénó ye n pɔ fúr yōke yó-ńsah. Nte néyénó nǒpi náh sò me ké tyí ne pé pɔ. ⁴ Képah tɛne, à tò tǒnpɪbɪ yísyó wilki tò pé tyí ne, pín-á pi tɛ. Páh nyéhpyénì ànê yípêy ko te nɪrɪ-á me nónó soko. Tyi pól-á pi tɛ, pè pɔ fúr soko. ⁵ Nte néyénó nǒpi náh kè mɔ kǒ pólle. Nyɔ-à yuku à n soko ñ swãh, nyɔ-à yuku à n soko ñ gbò yí-ńsah. ⁶ Pé túkù me yuku mɪ yòtɛ dí tǒnpɪbɪ soko, à pè fòh pélpèl, té pè ko mɔ. ⁷ Képah soko, yòtɛ dí foko kah vyãh. A me ñ sràsýíbì tekɪ mɔ pè kyɪ kéné ékókè mǒpú ko mɔ, té pé kwil suke. ⁸ Képah náh, té yo ñ tǒnpɪbɪ tyí ne, fúr yōke-á pi tɛ. Nte néyénó nǒpi náh sò yĩne yōke mè yónóle. ⁹ Nké pè kyɪ wětlo yey soko, pãh kɪ fyò névyé nónó we, pè pé pól ye n pɔ fúr yōke yó-ńsah. ¹⁰ Tǒnpɪbɪ nǒpi me soko wãl yey soko. Pãh kyɪ té névyé nónó we, nétúkúnì toko dohnɪ népéplɔ yō, pè pé pól ye pɔ tuke mɔ, fóó fúr pí-ńsah wòkò pól yuku yōke yópúle. ¹¹ Yòtɛ dí-á de yuku yáh-ńsah pé tyí, à kyɪ dí yó we pé soko nê náh sò me fúr flo mɔ. ¹² A me yo kéné dí tyí ne, pé kódí, ñmɔ se de sǒ ásò soko fúr flo kéne ñ wil soko nɪ? Nte yó-ńsah náh we dí tyí. ¹³ Képah soko, yòtɛ dí yo tǒnpɪbɪ tyí ne pè ñ gbyêh ànê ñ gbãh pukubi, pè mó à min mɔ kégbó fɛntú soko, nyãh soko-á gbñì ànê yní táhnó kɪ me. ¹⁴ Yé náh we di, névyé náhnáh me yénóle. Nte nónó-á yah wilki pé soko, pè náh me fwóo.»

Pó mórí mónóle Wrome kwiltãh yòtɛ ñgbě Sesar tyí

¹⁵ Képah soko, Farisi wěkì kǒpú kyɪ wě we à yo sah núkú yō, sǒ-á pè kɪ pi té kɪ Yesu we n tɛ n pi ñ vyãh wey soko. ¹⁶ Té me pé tò sãhpú yísyó ànê yòtɛ dí Yerɔdɪ náh névyé túkù wilki tò Yesu tyí ne pè kyɪ yo ñ tyí ne, pé kwó-ò dí, páh pǐ ne gbɪ yó-ò-á ñne,

† 21:42 21.42 - Yah n te Gbálnó 118.22-23; Tyípínì 4.11.

ànê wăh Liyel wěkìle névyele n kwɔ gbɪ wěkì yō. A nâh névye yah tíkile n pɪ. A nâh névyele n wah. ¹⁷ Nte à ò sônɔ yo pé syah. Nkě ké wěkì se me kǒnóle ne pé mórìle n mɔ Wrome kwiltâm yòtē ñgbě Sesar tyí, tî ké wěkì nâh me kǒnóle? ¹⁸ Nte Yesu-á pé fɔkɔ sônɔ túkúnì pĩ sě, à me yo pé tyí ne, fòkòpìl ànê vyáhseŷírí névye nópi, sǒ se pɪ té pè pé pílkinťě-ńsahle n yah n kǒ nɪ? ¹⁹ Pè pɔ mórì mɔ mɔ pó pó núkúle pé yah ătre. Pè me pɔ ké núkúle à kǒ. ²⁰ Yesu me pè piki yah ne, nê yah mírki ànê ò yĩn se wárkínmɔnɔle ké yō yò nɪ? ²¹ Pè me yo ò tyí ne, Sesar tyí-á. Képah sɔkɔ, Yesu me yo pé tyí ne, pè Sesar tyíle Sesarle n kǒ, pè mó Liyel tyíle Liyelle n kǒ. ²² Păh képah tē noh sě, pé gbăn du. Pè me yal ò tnô à sɔkɔ.

Lékyî yilkínmɔnɔ tyí yónóle

²³ Lésô mē óle, Sadusi wěkì kópú nónó-á nkěne ne n yo ne lékyî yilkínmɔnɔ nâh me, pé tókù nɔ de Yesu tnô té à piki yah ne, ²⁴ kwó-ò dí, Moyisi-á kè yo ò tyi kǒnsàhnó sɔkɔ ne, dí nê-à ku pi kěne ò tyí, ò gběndí-á yĩne à ò kyɪ pékúsè mē tɔkɔ, à pi dubi à kǒ, nê-á kɪ pɔ n pɪ n pi ò nénkyí dí lékókè nâhne.* ²⁵ Nte sú núkú dínpì népî kwárnimi yísyó-á lésô me pépi wró sɔkɔ. Gben tē me pɔ sê tɔkɔ, té pɔ ku pi wé-ńkěne té ò kyɪ sah ò sǒ syɪ kǒ. ²⁶ Nte ñmɔ tɔ tyí tǒ pɔ pɪ sě, tǒ-ò tɔ tyí pɔ pɪ képah núkú óle, fóó à pɔ syɪ kwární-ò tyí. ²⁷ Pépi pól tyí nâh, pi mē tɔ-á pɔ ku. ²⁸ Nte pi mē-á de yah pé pól tyí sě à, lékyî yilki n mɔ sǒle, à se kɪ n pɪ n pi pé népî kwárnimi nópi sɔkɔ nê tē tyíle nɪ? ²⁹ Képah sɔkɔ, Yesu yo pé tyí ne: «Liyel wey sébéy pĩ-ńkě ànê Liyel tēnweno pĩ-ńkě ye mɔ sah yéle pílkinó sɔkɔ. ³⁰ Yé yah, lékyî-à pɔ yilki mɔ, pédéké nâh kɪ n me n pi, sétókókì tɔ nâh kɪ n me n pi. Nte névye kɪ me yĩnyô tǒnpɪbɪ tyí kǒle yĩnyô. ³¹ Té à yuku lékyî yilkínmɔnɔ wɔ tyí sɔkɔ, Liyel-á nê yo yé tyí, yé nâh kè kar yah di? A lésô ne: ³² «Nmɔ ye Abrahamɪ Liyelle, ànê Yisakɪ Liyelle, ànê Nsyakɔbɪ Liyelle.»† Liyelle, lékyî Liyel nâh ñne dò, vye Liyel ye. Képah n wěkɪ ne á nâh tăn Abrahamɪpi lékyî-á yilki mɔ.» ³³ Képah tēne, tówû nê-á sǒ me ò weyne n nohnɪ, pé gbăn du ò névye kwɔ dukù tyíle.

Liyel tir kǒnsàhnó nê tyí-á tah kal

³⁴ Farisi wěkì kópú-á noh ne Yesu-á weyne Sadusi wěkì kópú tē, pè wē ye tuke mɔ. ³⁵ Té pé Liyel tyi kǒnsàhnó pĩpú sɔkɔ yó me píkinyahno yó pɪ Yesu tyí ò pilki n tē yĩnne ne, ³⁶ kwó-ò dí, Liyel tir kǒnsàhnó nê tē tyí se tah kal sé télóle nɪ? ³⁷ Yesu me yo ò tyí ne: «Á Tē ñgbě Liyel tyí yĩne kɪ nɔ á tyí á nɪ pólle, ànê á min pólle, ànê á sônɔ pólle.»‡ ³⁸ Képah ye tir kǒnsàhnó gbenne, ànê nê tyí-á tah kal. ³⁹ Ké ní-ò nê-á tǒ me ké tyí kǒle, képah ye yò ne: «Ye á ní-ò tyí nɔ á tyí á gblǒy tyí kǒle.»§ ⁴⁰ Moyisi tyi kǒnsàhnó ànê Liyel tēntǒ syínyopu sébéynó sɔkɔ tyi pól me tyi kǒnsàhnónɔ nínó nópi sɔkɔ.»

Krista ye Davidi Tē ñgběne té tǒ pɪ ò Pídĩne

⁴¹ Farisi wěkì kópú-á sǒ me tükènmɔnɔle, Yesu me píkinyahno yó pɪ pé tyí ne: ⁴² «Yépi tē sônɔ nēne Krista tyí sɔkɔ, nê-á Liyel ney yáhntɔkɔnɔle? Nê pídĩ me ñne?» Pè me yo ò tyí ne, Davidi Pídĩ-á. ⁴³ Képah sɔkɔ, à me yo pé tyí ne: «Nte kwâh nê pɪ té Liyel Mirki-á Davidi yah tē, Davidi me Krista ye Tē ñgběne? Yé nâh we di, à lésô ne nkě,

* **22:24** 22.24 - Nsyifuno tyí sǒ, pékúsè yĩne à de ò pe tyí névi yó tyí. Yah n te Tǒnyonɔ 25.5-6; Yenesɪ 38; Wruti 1-4. † **22:32** 22.32 - Yah n te Yálnó 3.6. ‡ **22:37** 22.37 - Yah n te Tǒnyonɔ 6.5. § **22:39** 22.39 - Yah n te Levitiki 19.18.

44 nê-á péwɔ TÈ NGBÈNE
TÈ ñgbê Liyel-á kè yo ñ tyí ne ñkê,
à pɔ n kɔ̃ n tẽ pé gbòyò sòle,
fóó kè pɔ nɔ gbí nê-á
pé kɪ ñ sèpébi pɪ ñ gbáhkì súnsàh-ñsahle.*

45 Nte Davidi-á Krista ye TÈ NGBÈNE à kɪ tɔ̃ pɪ sɔ̃ té kɪ pɔ n pɪ ñ Pídíne?» 46 Yesu-á sépi yo, tyíyóné náh tɔ̃ fẽ we pé sɔkɔ yó ñtẽ tyí. Té à tɔkɔ lésò tyí, ññi yó ñtẽ náh tɔ̃ ñ nɪ syáh à piki yah yah tir yó ñtẽne.

23

Yesu-á nê yo à yuku Liyel tyi kònsàhnó kwópú ànê Farisi wèkì kópú tyí ònnè

1 Yesu yo ñ tò sáhpú ànê tówú tyí ne: 2 «Liyel tyi kònsàhnó kwópú ànê Farisi wèkì kópú ye n kwɔ névyele Moyisi tyi kònsàhnóle. 3 Yé ne n nohnɪ pé tyí, yè mó ne n kɔ pé yóré yò. Nte páh kwónó nónóne n pɪ, pè náh me n kɔ sé wàl yò. Képah ye, yé káh pé pɪ dùkù tẽ wɔle n yah n pɪ. 4 Páh ñkêne névyele n kwɔ tyi nónóne, sè me á kɪ ne tókópèl sɔ̃ pè pukubi pè twah mɔ, té pè náh n fẽ n syi n so n mɔ pé tyí kèngbɔ núkú fyéle. 5 Pè pé gblòyne n wèkɪ pé tyípinì pól sɔkɔ. Képah ye, kyésúpì nónó-á Liyel weyne sé sɔkɔ yèwetyèh yey toh n mɔ mɔ tẽne, képah náh pɪ gbàn tyí toh n mɔ mɔ tẽne, pépi pé tyínɔ pɪ gblò gblò, ñ té pé flo vyèy dro pɪ flèyflèy. 6 Tè-ñtàn gbroy tyí nɔ pé tyí yéno yó-ñtàn sɔkɔ ànê Liyel ní-ñtàn vì sɔkɔ. 7 Pè n ne n me ké tyí ne, névyé ne n tɔ n sah n wèkɪ n pɔ pé tyí tówú tükè-ñtàn sɔkɔ, pè mó péle n ye Kwópúle. 8 Nte yépi tyí kwó-ò núkú ó ye me, té yé téló pólle núkú ye. Képah ye, yépi tẽ wɔ káh ne pè yéle n ye Kwópúle. 9 Sú núkú ó ye me yé tyí, nê-á me yínyò. Képah ye, yé káh ññi yó ñtẽne n ye Súle sétáh mè yò sɔkɔ ñ Liyel wèkì kóló yinne. 10 Yah tẽ-ò núkú ó ye me yé tyí. Krista ye, nê-á Liyel ney yáhntokɔnɔle. Képah ye, yé káh ne pè yéle n ye Yah tẽpúle. 11 Yín-ñsah ñgbê-á me névi nê tyí yé sɔkɔ, tẽ wɔ yĩne à pɪ yé tɔnpɪle. 12 Névi nê-à ñ gblòy dɔkɔ sah, tẽ kɪ tiki mɔ. Té nê-à ñ gblòy tiki mɔ, tẽ kɪ dɔkɔ mɔ.

13 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè Liyel tɔrì nɔlɪ yónó yah kò névyé tyí. Yé náh me ké tyí ne yé ké nɔlɪ yò, té nónó-à se mó tɔ̃ ne pé ké nɔlɪ yò, yè pé yah kò. [14 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè pékúsyɔle n vi n tẽ pé gbàn yĩle n syi pé tyí, ñ té nírilé n pɪ yòèkìle ne névyé pé we. Káh pɪ sè, yé tukey kɪ n pɪ n pi képékèyò kal no téló tyíle.] 15 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènnínì wékípú ye yéle. Yè yrey ànê sétáh yò pól kɔ n kò nénúkù fyé yáhnkɔnɔ sɔkɔ Nsyifunɔ wèkì tẽ yinne. Té nê-à se we fẽ syi, yè n tɔ̃ ñmɔ pɪ à kò à n yĩne dénóle ní-ñkê nyàhnpèkè sɔkɔ à kal yépile ke nínó. 16 Pèkè me yé yò, yépi nónó-á yah tẽpú yítùbile. Yè n ne n yo ne ñkê, névi-à n wo Liyel ní-ñsah wòkò kètárle, képah náh n mɔ n kò n pi. Té nê-à n wo Liyel ní-ñsah wòkò kètár sɔkɔ sáñne, képah-á kɪ mɔ kò. 17 Lékám kè névyé, yítùbi nópi, sán wɔ se fónfó Liyel ní-ñsah wòkò kètár yò sɔkɔ, képah nê gbò yò-á sán n mɔ n kò Liyel tyí yò? 18 Yè n ne n yo tɔle ne ñkê, névi-à n wo sárká súkénkò-ñsahle, képah náh n mɔ n kò n pi. Té nê-à n wo sárká kwáhle, nê-á me sárká súkénkò-ñsah yò sɔkɔ, képah-á kɪ mɔ kò. 19 Yítùbi nópi, sárká wilki wilki kwáh wɔ se fónfó sárká súkénkò-ñsah yò, képah nê gbò yò-á sárká n mɔ n kò Liyel tyí yò? 20 Névi nê-à fyò n wo sárká súkénkò-ñsahle,

* 22:44 22.44 - Yah n te Gbálnó 110.1.

tě ye ñ wo te ké yõ sárká yî tole. ²¹ Névi nê-à fyò n wo Liyel ní-ńsah wòkò kètǎrle, tě ye ñ wo te Liyel tole, ñmò nê-á me ké sòkò. ²² Névi nê-à fyò n wo yînyõle, tě ye ñ wo te Liyel tǎrí kǒ tole ànê ké yõ kǒntě-òle. ²³ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yě nànyaye ànê pěnfenè pól gbām-òńóle Liyelle n kǒ. Nte gbı wěkì kóló, ànê névye yām yáhnó, ànê tyi pínóle sé wǎl yõ, sépi nónó tyí-á tah kal Liyel tyi kǒnsàhnó sòkò, yè n pyě sépi wò yahle; sépi nónó-á yé yĩne yè ne n pi gbònwòkò kěne, à tahlı yáh me nónóne n pi. ²⁴ Névye yah tǎpú yítübi nópi. Yáh nēne n pi yò, kè me á kı ne yé wò wò ni sǒ yé n syi à sèswõle n wilki ké sòkò, té pyě yǎhmínì wòle n wò n mò n yo sǒ. ²⁵ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yě wóhló ànê yěyóvyo náhló wu n tǒ n sah, té sé sòkò táhló n ne me yúkúnóle yé yĩbe yĩle ànê yĩ nónó dékè kèpèkè-á me yé sòkò. ²⁶ Farisi wěkì kópú yítübi nópi. Yé vyó sòkò táhló ñgbò tǒ n sah. Képah sòkò, sé náhló to kı pi yályál. ²⁷ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yé me á kı ne léyál píkínsàhnó sǒ. Sé kégbó n ne n me palle, té sé sòkò táhló n ne n me lékyî kègbèl ó ànê yípyáhnì duke duke pólle. ²⁸ Sě ye yépi tole. Kégbó sòkò, yè n pi n tě néglóle, té yé fòkò táhló mó tǒ me yúkúnóle fòkòpıl tyi ànê tyítúkúnìne. ²⁹ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yě Liyel tǎntǒ syínyopu léyálle n tǒ n sah n mò. Névye nónó-á pi sòkò néglóle Liyel yah, yě pépi tyínóle n koh n mò yípeplòle, ³⁰ ñ té ne n yo ne, yé to-à sǒ me yé súbí me gbíne, yé náh náhkı n so n mò n pi pé tyí Liyel tǎntǒ syínyopu kònmòno sòkò. ³¹ Nte yah, yé me kéle n wěkı yé gblöy ne, Liyel tǎntǒ syínyopu kònmòpu pye-á yéle. ³² Óǒ, yé súbí-á nê tyah mò sah, yé gbah n tě kè syi kè. ³³ Vyehe nópi, wáhnmíró yísyóle n yah dé. Yé n to n pwah sǒ ní-ńkě nyàhnpèkè yah sòkò? ³⁴ Képah ye, ñmò kı Liyel tǎntǒ syínyopu, ànê yĩ pípú, ànê kwópú kègblo tekı mò yé kǒ. Nte yé kı pé túkù ko mò, té kı túkù syi dahlo yõ, té kı túkù ko yèfòhle yé Liyel ní-ńtǎn vı sòkò, té kı kǒ pé náh péle n yĩni n kǒ kwlo kwlo sòkò. ³⁵ Képah sòkò ye lékàh kǎpú pól kònmòno plo kı we syıki yé yõ, pépi nónó-á ko mò à toko Abeli kònmòno tyí, ñmò nê-á négbíle Liyel yah, pópó à po syı Barakı pídı Nsakari tyí tyí, nê-á yé ko mò sárká súkénkǒ-ńsah ànê Liyel ní-ńsah wòkò kètǎr wró. ³⁶ Kègbı yõ mé kéle n yo yé tyí, nékókè mónó nópi pól plo kı n syıki n pi kwey gbı névye yõ.»

Yesu yah kwónóle Yerusalemı tyí sòkò

³⁷ Yesu tǒ yo ne ńkě: «Yerusalemı tǎn, Yerusalemı tǎn, yépi nónó-á Liyel tǎntǒ syínyopule n ko n mò, té Liyel-á nónó tekı mò yé kǒ, yé pépile n minki n ko dyèhle, gbáhyí sǒ pól me mé kè yah kǒ ne, mé yé tuke n mò sǒ-á sǐn n tuke n mò ñ pyele ñ kām sǒ sòkò, té yé náh fě syi? ³⁸ Kǎh pi sě, Liyel kı ñ náh vi yé kwil kǒ pnépné, kè kǒ kè kı pi kéntíkínìne. ³⁹ Té mé kéle n yo yé tyí, yé náh tǒ ñmò we n yah n pi, fóó kı po no gbı nê-á yé kı n yo ne ńkě, névi nê-á n pi Tě ñgbě yĩn yõ, Liyel sām mò ñ sòkò.»

24

Yesu me Liyel ní-ńsah gbô sónó ànê kèkôyó tyénó tyíle n yo n sah

¹ Yesu-á wil Liyel ní-ńsah gbô sòkò té n sòkò gbı nēne, ñ tǒ sǎhpú me no de ñ tnô à Liyel ní-ńsah gbô mò dukùle n sǒ ñ tyí. ² Nte à me pé syah ne, kǎh pé n yah yò kè;

kègbɪ yõ páh kéle n yo pé tyí, ké pól-á kɪ pɔ sɔ. Dáhkì núkú yó ntě náh tǔ n wũ n pi ké ní-ò yõ.

³ Wǎh kyɪ kǔ tǔ gbí nêne Wólívyê yèh yõlɪ yõ, ò tò sǎhpú me nɔ de òne pé yahle, té à piki yah ne, à yo pé syah, gbí nê se képah kɪ n pɪ n pi nɪ? Tir nê pínó se kɪ ò syínpono ànê kèkõyó tyénó wèkɪ n pi nɪ?

⁴⁻⁵ A me yo pé tyí ne: «Yé yah, névyé náhnáh kɪ pɔ òmɔ yín tɔkɔ n pi pé yah yíine, té kɪ ne pépi-á òmɔle, nê-á Liyel ney yáhtɔkɔnɔle. Pè kɪ névyé náhnáh mɔ n pi pílkínó sɔkɔ. Nte yépi tǔ wɔ yé gblǒyne n kyomɪ, ney káh n fě yé pilki. ⁶ Yé kɪ mál pínó tyí yónó noh n pi, ànê mál tyí dírí wónsàhnóle. Nte yé káh n ye tíkí yé tǔ. Kè yíne kè pɪ sǔ. Nte képah náh tǔnì n pɪ n pi kèkõyó tyénóle. ⁷ Yé náh we di, kwil yó kɪ pɔ yuku kwil yóle n fwo, tǔrí yó kɪ pɔ yuku tǔrí yóle n fwo. Té kwekɪ ànê sétáh syahri kɪ n we n pi tǎntǎn náhnáh sɔkɔ. ⁸ Nte sépi pól kɪ me á kɪ ne kúrkǐ tǔ gbí yónó sǔ tyàhnó sǔ.

⁹ Pè kɪ yéle n tǔ pè kǔ pè kɪ n fõh, té kɪ yéle n ko mɔ. Kèkõyó névyé pól kɪ yé we mɔ òmɔ yíinne. ¹⁰ Képah tǔ sɔkɔ, névyé náhnáh kɪ Liyel wèkɪ fin mɔ. Pè kɪ n wil wě náh, té kɪ wě dyɔle n yo. ¹¹ Té Liyel yín yõ m̀nyobe kɪ wil mɔ pí, kɪ névyé náhnáh mɔ pílkínó sɔkɔ. ¹² Pèkè pínó kɪ yah syi, fók tyínpono náh tǔ n we n pi fwók névyé náhnáh sɔkɔ. ¹³ Nte nê-à ò tah sah à pɔ nɔ ké tyénó tyí, tǔ kɪ pwáhnmono we. ¹⁴ Képah sɔkɔ, Nìv̀nì tir kɪ yo Liyel tǔrí tyí yõ kèkõyó pól sɔkɔ, névyé pól kǔ pè kɪ noh. Képah náh, kèkõyó kɪ pyě tyé.»

Yèvyǎhri nê-á kɪ pɔ n we n pi kèkõyó

¹⁵ Képah sɔkɔ, Yesu tǔ ne: «Liyel tǔntò syínyo-ò Danyel-á lésò yíkínó pɪ pɪ kwáh képèkè nê tyí yo sah,* yé kɪ kè we n pi Liyel ní-ńsah gbô tyah kètǎr sɔkɔ.» — Nónó-à kɪ wey m̀ene n kar, pè gbah n tǔ ké òkù pǐ. — ¹⁶ Yesu tǔ yõ sɔkɔ ò weyne ne níkè: «Yáh képah we gbí nêne, nónó-à kɪ me Nsyude mara sɔkɔ, pè to sɔkɔ ymɔ yõ. ¹⁷ Névi nê-à kɪ me gběntín yõ, tǔ káh ne páh n tiki pé vyóle n tɔkɔ pé wòkò sɔkɔ. ¹⁸ Nê-à kɪ se mó me ò swǎh sɔkɔ, tǔ káh ne páh péle n syɪ n yuku pé fwòmò-ńgbě tókó-ńsah. ¹⁹ Kéne sèp̀in-à pɔ syó nóno we kúrn nátanne, ànê nóno-à me yókɪ syóle, kè kɪ pɪ yèwǎhtáhpole pé tyí. ²⁰ Képah ye, yé yíne yè Liyelle n ni ne tóló m̀e káh n pɪ vɪrɪ gbíne, képah náh pɪ mɪ mɪ yòh sǔle. ²¹ Kè kɪ pɪ yèvyǎhri ńgběne, nê kénkǔ náh we yah kèkõyó mómónì à pɔ syɪ kwey tyí, ànê nê kénkǔ náh tǔ n we n yah n pi pólle. ²² Liyel-à náhkɪ sǔ wílkínó pí-ńkène kéne sèp̀in sɔkɔ, ònì yó ntě yõ náh náhkɪ pɔ n wil n pi ké sɔkɔ. Nte wǎh nóno yah wilki pɪ ò tyíle, pépi yíinne, à wílkínó pɪ sé sɔkɔ. ²³ Névi nê-à yé syah ne, Liyel ney yáhtɔkɔnɔ-á me ásò, képah náh pɪ wǎh me yáhàh, yé káh sǔ tǔ yõ. ²⁴ Yé yah, m̀nyobe kɪ pɔ wil mɔ pí. Pé tókù kɪ ne Liyel ney yáhtɔkɔnɔnɔ-á pépile, tókù kɪ mó ne Liyel tǔntò syínyopu-á pépile. Pè kɪ gbìlgbìl tyi ńgbnole n pɪ, fók kɪ n yah n kǔ Liyel névyé yáhnwílkínó ntě to yõ yíkí-ńsahle káh sǔ fě n pɪ n pi. ²⁵ Tyi nópi ye mé kwǎh tǔ yo sah yé tyí yò.

²⁶ Képah sɔkɔ, névi nê-à yé syah ne Névi Pídí-á me gběnnɪ sɔkɔ, yé káh ne yáh ò nyáhle n sǔ. Nê-à se ne wǎh me wòb̀intǔnóle, yé káh sǔ tǔ yõ. ²⁷ Sǔ-á pǔ n yíkiri yǎl yé n we, à tɔkɔ gb̀ingboke tyí, fók n kyɪ n dal n mɔ gb̀inyiki tyí, sǔ ye Névi Pídí syínpono to kɪ n we n pi. ²⁸ Kwáhkókè se kɪ fě wòb̀i òkyònkýònì yah?»

Névi Pídí pónóle

* 24:15 24.15 Yah n te Danyel 9.27 ; 11.31 ; 12.11.

29 «Kéne sèpìn nópi yèvyährı-à fyò sòkò n te òsò, gbí kɪ pɪ syì, òwò nàh tɔ n piki n pi, òwò kèpye kɪ wil yínyò kɪ kwɛ, té yínyò yíyìn pól kɪ yike. 30 Légbíne, Névi Pídí syínpono kwní kɪ yò mɔ yínyò. Képah tɛne, sétáh yò yìkìni pól névyɛ kɪ n gbo kɪ yãm yãm tyile n pɪ. Té pè kɪ Névi Pídí wɛ à kɪ mɛ n pi nýirn sòkò, tãhkì ó ò tɔ̀ ànê tɔ̀ríle. 31 Kèpò ògbɛ̀ yó kɪ fíbɪ, té à kɪ ò yínyò tònpiɪ tɛkɪ mɔ ywò ywò pól sòkò, à tokò kèkòyó yah mɛ tyí, à kyɪ sah ké yah mɛ tyí. Pè kɪ kyɪ névyɛ tuke mɔ, Liyel-á nónó yah wilki.

32 Yé yah sènsóké kèdúkù-á nêne ále n wɛkɪ. Yáh fyò ké yìngbàn wɛ sè n gboke n wil à mìnòle n pɪ gbí nêne, yè n pɪ nɛ ki de gbí-á mɛ yúkey. 33 Sɛ̀ ó ye, yépi tɔ̀-à pópó kéne tyi wɛ sè tyah n pɪ gbí nêne, yé pɪ nɛ Névi Pídí syínpono-á mɛ yúkey. Wáh kɪ pɔ̀ sɛ̀ yò sɛ̀ yò. 34 Kègbɪ yò mé kéle n yo yé tyí, kwɛy gbí névyɛ pól nàh n ku n te n pi, té kéne tyi nópi kɪ mɛ n pi. 35 Yínyò ànê sétáh kɪ pɔ̀ tyɛ, òte òmɔ wɛlɔ̀ tɛ̀ wɔ̀ nàh n tyɛ n yah n pi pólle.

36 Nte ké lésò ànê ké gbí tɛ̀ wɛle, ònî yó òtɛ̀ nàh sèpile n pne. Yínyò tònpiɪ nàh séle n pne, Liyel Pídí tɔ̀ nàh séle n pne. Nnî yó òtɛ̀ nàh séle n pne à wil Sú Liyel tyí sòkò. Òmɔ ó ye n pne séle. 37 Nê-á pɪ sòkò Nowe gbí sòkò, sɛ̀nkò ye kɪ n pɪ n pi Névi Pídí syínpono sòkò. 38 Yé nàh wɛ di, gbí nê-á lésò púnphàhkì nàh tɔ̀nì mɛ pɪ à nine kèkòyó pól yò, névyɛ lésò mɛ n yò, té mɛ n wɔ̀, té mɛ syóle n tokò, képah nàh pɪ mɛ pé pyele pɛbule n kò, pópó à pɔ̀ syɪ Nowe de sò tyí krótò-ògbɛ̀ sòkò. 39 Pè nàh sò mɛ n sò tir yó òtɛ̀ tyí sòkò, fòó à pɔ̀ nɔ̀ púnphàhkì pɪ sò tyí, ni kò kè pɔ̀ pé pól yò. Sɛ̀nkò ye kɪ n pɪ n pi Névi Pídí syínpono sòkò. 40 Dìbí nɛ̀pɪ̀ ními kɪ mɛ swáh sòkò, núkú kɪ tɛ̀ sòkò, té ò ní-ò kɪ wù. 41 Syó nɛ̀pɪ̀ ními kɪ mɛ nanne n nɔ̀, núkú kɪ tɛ̀ sòkò, té ò ní-ò kɪ wù. 42 Yé Tɛ̀ ògbɛ̀-á ò syɪ n pɔ̀ n pi sò nêne, yé nàh mɛ kè pɪ. Képah ye, yé káh yé dyo mɔ n fwò n tɛ̀. 43 Yépi òtɛ̀ pɪ nɛ, gbòntɛ̀ dí-à mɛ pɪ gbí nê-á yɛ̀nwó kɪ n pɔ̀ n pi lékàhne, à kɪ yah sò, à nàh ye à kò à wɛ kwò n de n pi ò gbô sòkò. 44 Képah ye, yépi tɔ̀ nɛ mɛ yé vi sah. Ngbò yé nàh mɛ gbí nê tyíle n sò, légbí ye Névi Pídí kɪ ò syɪ n pɔ̀ n pi dé.»

Tònpi-á yíne à nɛ mɛ sò

45 «Tònpi négbí ànê lékám névi nê mɛ yòtɛ̀ dí kɪ tokò sah ò tònpiɪ tɛ̀lò yò, à kò à kɪ yòkele péle n kò ké gbí pèpɛy sòkò, té kɪ sòkò kólò sòkò? 46 Yòtɛ̀ dí-à ò syɪ pɔ̀ à wɛ à mɛ kéne tòle n pɪ ké yah yò, tònpi mɛ tyí nɔ̀. 47 Kègbɪ yò mé kéle n yo yé tyí, yòtɛ̀ dí kɪ à pɪ ò gbàn yí pól kyòmì-òle. 48 Nte kàh pɪ tònpi tókule, té à tyah n sò nɛ pé yòtɛ̀ dí-á mɛ mo ò syínpo-nsah, 49 té tyah pé no tònpiɪ tɛ̀lòle n ko, té n yò té n wɔ̀ sètɛ̀nì pípule wɛ tyí, 50 ò yòtɛ̀ dí kɪ ò syɪ pɔ̀ ò yò dɔ̀kò sò yóle, ànê wò yó sòkò, à nàh mɛ nê tyíle n sò. 51 A kɪ tònpi mɛ yini, té kɪ à tɛkɪ mɔ yínvínpiɪ mé-nsah sòkò, nýàh sòkò-á gbni ànê yni táhnó kɪ mɛ.»

25

Sèmirkì nê-á yáh syónpì nɛ̀pɪ̀ gbām tyí yò

1 Yesu tɔ̀ yo ò tò sáhpú tyí nɛ: «Névi Pídí syɪ n pɔ̀ gbíne, Liyel tɔ̀rí kɪ fɛ̀ tokò sáh syónpì nɛ̀pɪ̀ gbām yísyó sèmirkìle, nónó-á pé fòtnòno tokò sòkò pɛ yòhnì-nsah. 2 Syónpì nópi sòkò, nɛ̀pɪ̀ kwâl sò mɛ lékám kèpúle, té kwóló mó mɛ lékám pule. 3 Nónó-á lékám kèpúle, pépi-á sò pé fòtnòno tokò n sòkò, pé nàh nuri wàn tokò. 4 Nte lékám pule

nópi wɔ mó pé fòtnònó tɔkɔ, té nuri mo sɔkɔ sonó sɔkɔ. ⁵ Pe-á mo pó-ńsah, dɔy mi pé sɔkɔ, pé dɔ sɔkɔ. ⁶ Lénɪ wérrɪe, yǐnpɔ̄ yó n dɔkɔ ne ńkě, pe-á oo, pé wil à yohnɪ. ⁷ Képah tǝne, syónpǐ nópi pól dɔ yuku, té yah dah mo pé fòtnònó tyí sɔkɔ. ⁸ Nónó-á lékám képúle, pépi me lékámputu nópi syah ne, pé yǐ pé kɔ nuriɪe, ńkě pé fòtnònó-á me tǝ syi n ni pé tyí. ⁹ Pé me yo pé tyí ne, sè náh fǝ n yǐne n pi pépi tyínɔle té pé tɔ n yǐ n kɔ n pi. Nkě pé kyɪ n yah dwe yǎmpu tyí pé mo pé tyínɔ sɔkɔ. ¹⁰ Pǎh sɔkɔ yáhndwe-ńsah, pe pɔ de. Syónpǐ nónó-á sò me pé vi sah, pépi me de ñne fúr yòke yó-ńsah wòkò sɔkɔ, té pé me wùkah vike. ¹¹ Syónpǐ nópi tǝlɔ-á pópó pé syi pɔ, pé pɔ wùkahle n mi té me yo mo tǔ ne ńkě, pé yòtǝ, pé yòtǝ, à yɪkɪ mo pé kɔ. ¹² Nte à me yo pé tyí ne, kègbɪ yò páh kéle n yo pé tyí, pé náh péle n pne. ¹³ Képah ye, yépi káh yé dɔ mo n fwo n tǝ dé. Yé náh se yó lésò ànê ké gbíne n pne té.»

Sèmìrkì nê-á yǎh tònpiɪ népǐ tǝmí yísyó tyí yò

¹⁴ «Liyel tǝrí-á me sèmìrkì nê kètòle, kè we yò: Dí yó lésò n sɔkɔ kóló sɔkɔ, té ñ tònpiɪ ye pɔ ñ tahrɪe pé kɔ sah, ¹⁵ à yǐne pé nénúkù núkú pól-á fǝ nê pi n pi. A talá* pó pló kwlóle ñnì kɔ, té nínóle ñnì kɔ, té me núkúle ñnì kɔ. Képah náh, té sɔkɔ ñ kóló sɔkɔ. ¹⁶ Nê-á we talǎ pó pló kwlóle, ñmo núkú kyɪ ñ gbò vi ñ tyíle à kwló yísyó we dohnɪ sé yò. ¹⁷ Sǝ-ó ye nê-á we talǎ pó pló nínóle, ñ tɔ me nínó we dohnɪ sé yò. ¹⁸ Nte nê-á we talǎ pó pó núkúle, ñmo me sɔkɔ kyɪ swɔ tǔ à ñ yòtǝ dí pó wòbɪ. ¹⁹ Ké di-á mo náhnáh, pé yòtǝ dí ñ syi pɔ. Wǎh pɔ, à pé ye ne pé pɔ pé tahrɪ tyí dükù yo pé noh. ²⁰ Képah tǝne, nê-á sò we talǎ pó pló kwlóle, ñmo me ñ tyí tɔkɔ nɔ de ñ yòtǝ díne té kwló yísyó tóle à wǝkɪ, té yo ñ tyí ne, pé yòtǝ, talǎ pó pló kwló-á sò à pé kɔ sah, ñte à yah, páh kwló yísyó we dohnɪ sé yò ñ tyí. ²¹ N yòtǝ dí me yo ñ tyí ne, kǎh ple, tònpi pèpey ànê négbí-á ñne. Wǎh fyò pi négbíle tir tyí sɔkɔ, páh kɪ tyí-ñgbnɔ dahbɪ ñ gbò. A pɔ pé nìvìnine n pi wǝ tyí. / N yòtǝ dí me yo ñ tyí ne, kǎh ple, tònpi pèpey-á ñne nê-á tyile n pi sé wǎl yò. Wǎh fyò tir tyí pi ké wǝkɪ yò, páh kɪ tyí-ñgbnɔ dahbɪ ñ gbò. A pɔ pé nìvìnine n pi wǝ tyí. ²² Nê-á sò we talǎ pó pló nínóle, ñmo tɔ me ñ tyí tɔkɔ nɔ de ñ yòtǝ díne té yo ñ tyí ne, pé yòtǝ, talǎ pó pló nínó-á sò à pé kɔ sah, ñte à yah, páh nínó yísyó we dohnɪ sé yò ñ tyí. ²³ N yòtǝ dí me yo ñ tyí ne, kǎh ple, tònpi pèpey ànê négbí-á ñne. Wǎh fyò pi négbíle tir tyí sɔkɔ, páh kɪ tyí-ñgbnɔ dahbɪ ñ gbò. A pɔ pé nìvìnine n pi wǝ tyí. ²⁴ Képah náh, nê-á sò we talǎ pó pó núkúle, ñmo-á nɔ de, à ñ yòtǝ dí syah ne ńkě, pé yòtǝ, páh pǐ ne ńkě ñ tò-á tah. A náh sèmuko nê duku mo, ǎ kè tɔkɔ. A náh nê mir mo, ǎ kè kɔ. ²⁵ Képah-á tíkí pé tǝ, pé me kyɪ ñ pó wòbɪ sétáh sɔkɔ. Kǎh yò, à tɔkɔ ñ pólɪ. ²⁶ N yòtǝ dí me yo ñ tyí ne, tònpi nétúkù, gbǎndal névi-á ñne. Wǎh sò pǐ ne ńkě, pé náh sèmuko nê duku mo, pé kè tɔkɔ, pé náh nê mir mo, pé kè kɔ. ²⁷ Kǎh pi sǝ, wǎh náhkɪ mó sò me kyɪ pé pó dah mo sah pó sáh-ńsah wòkò sɔkɔ kè. Páh pé syi pɔ sǝ yò, páh náhkɪ mó sè we wilki dòhnìnóle sé yò kè. ²⁸ Nkě pé ñ tyí mè tǝ syi ñ tyí, pé kéle talǎ pó pló gbǎm nétǝ kɔ. ²⁹ Pé kó we ni, névi nê tyí kwáh-á me, dòhnìnó-á kɪ n pi ñmo tyí yò yròyrò. Té névi nê tyí kwáh náh me, kwéy nê ńtǝ-á me ñ tyí, kǎh kɪ tǝ syi ñ tyí. ³⁰ Yòre ké tònpi mè tǝ wòle, ńkě pé à wilki mo kégbó fǝntǔ sɔkɔ, ńyǎh sɔkɔ-á gbni ànê yni táhnó kɪ me.»

Tukey nê-á kɪ n pi n pi Névi Pídí syínponɔ sɔkɔ

* 25:15 25.15 - Yah n te Matye 18.24 yah yónó sɔkɔ.

³¹ «Névi Pídí-à n syi pɔ n tɔ́rí sɔkɔ ànê yínyõ tɔ̀npɔ̀bɪ pólle gbí nêne, à kɪ kɔ̃ tẽ n tɔ́rí kɔ̃ yõ. ³² Kwlo kwlo pól névye kɪ pɔ tuke mɔ n yah sɔkɔ. Tẽ à kɪ névye wah wilki wẽ sɔkɔ, sɔ́-á yípénfẽ n wah n wilki képyénì ànê perle wẽ sɔkɔ. ³³ A kɪ négló sah n gbòyò sòle, té kɪ nêpêl sah n gběyìnè sòle. ³⁴ Képah sɔkɔ, nónó-à kɪ me n gbòyò sòle, à kɪ yo pé tyí ne: «N Sú Liyel-á sãm mɔ yépi nónó sɔkɔ, té tɔ́rí nê yah sah yé kɔ̃ kèkõyó mɔ gbí dukùle, yé pɔ ké nɔ̀lɪle n yõ. ³⁵ Yé nãh we di, kwekɪ-á sò n tẽ, yé yòkele n kɔ̃ mé yõ. Níkì-à sò n tẽ, yé nine n kɔ̃ mé wɔ. Máh sò me nêpòle, yé n kɔ̃ mé twah yé tyí. ³⁶ Máh sò me flo kẽne, yé flole n kɔ̃ mé mɔ. Máh sò me n yo, yé yah dah mɔ n tyí sɔkɔ. Máh sò me wòkònpèkè sɔkɔ, yé pɔ yah n tyí.» ³⁷ Képah sɔkɔ, négló nòpi kɪ à piki yah ne, Tẽ ñgbě, gbí nê se pé we ñne kwekɪ sɔkɔ, té à kɔ̃ à yõ nɪ? Anê gbí nê se pé we ñne níkì sɔkɔ, té à kɔ̃ à wɔ nɪ? ³⁸ Gbí nê se pé we ñne nêpòle, té à kɔ̃ à twah pé tyí nɪ? Anê gbí nê se pé we ñne flo kẽne, té flole à kɔ̃ à mɔ nɪ? ³⁹ Gbí nê se pé we ñne à me n yo, képah nãh pɪ à me wòkònpèkè sɔkɔ, té pɔ yah n tyí nɪ? ⁴⁰ Képah sɔkɔ, yòtẽ dí kɪ yo pé tyí ne: «Kègbɪ yõ mé kéle n yo yé tyí, n yúnpyé nónó-á yò kè, yãh ñkẽne sɛ̀nknòle n pɪ pé sɔkɔ tyítyí nónó fyé tyí, ñmɔ tyí ye ñkẽne yè n ne n pɪ séle.» ⁴¹ Képah nãh, nónó-à kɪ me n gběyìnè sòle à kɪ yo pépi tyí ne: «Yé to n tnô, yépi nónó tyí-á yɪkɪ. Yé ne n yuku ní-ńkẽ nyàhnpèkè sɔkɔ, képah nê-á me mónsàhnòle sétàn ànê sé yòtẽ yinne. ⁴² Yé nãh we di, kwekɪ-á sò n tẽ, yé nãh n kɔ̃ mé yõ. Níkì-á sò n tẽ, yé nãh n kɔ̃ mé wɔ. ⁴³ Mé sò me nêpòle, té yé nãh fẽ syi n kɔ̃ mé twah yé tyí. Mé sò me flo kẽne, té yé nãh flole n kɔ̃ mé mɔ. Mé sò me n yo, té me wòkònpèkè sɔkɔ, té yé nãh pɔ yah n tyí.» ⁴⁴ Pépi to kɪ à piki yah ne, Tẽ ñgbě, gbí nê se pé we ñne kwekɪ sɔkɔ, képah nãh pɪ níkì sɔkɔ, képah nãh pɪ nêpòle, képah nãh pɪ flo kẽne, képah nãh pɪ me n yo, képah nãh pɪ me wòkònpèkè sɔkɔ, té pé nãh à yohnɪ mɔ nɪ? ⁴⁵ Képah sɔkɔ, à kɪ yo pé tyí ne: «Kègbɪ yõ mé kéle n yo yé tyí, n yúnpyé nónó-á yò kè, yãh ñkẽne n yahle sɛ̀nknò pínòle pé sɔkɔ tyítyí nónó fyé tyí, ñmɔ tyí ye ñkẽne yè n yahle pínòle séle.» ⁴⁶ Tyé-ńkẽ yèvyãhrɪ sɔkɔ ye nètúkúni nòpi kɪ kyɪ n de n pi, té négló nòpi wɔ kɪ kyɪ tyé-ńkẽ min we.

26

Pè me Yesu tẽ-ńsahle n yah n kɔ̃ lékámkãm sɔkɔ

¹ Yesu-á tyi nòpi pól yah yo te gbí nêne, à yo n tò sãhpú tyí ne: ² «Yé pɪ ne ñkẽ sèpìn níni-á wũ, té Pakɪ syáh kɪ syah. Névi Pídí kɪ tẽ pè kɔ̃ pè kɪ à syi dahnɪ yõ.» ³ Légbíne, sárká syínwìlkìpu yòtãm ànê kwil yèwàhni wẽ tuke mɔ sárká syínwìlkìpu yòtẽ ñgbě tinnè, nê-á pè n ye Kayifile. ⁴ Té yo sah núkú yõ ne pé ye Yesu tẽ lékámkãm sɔkɔ, pé mó à ko mɔ. ⁵ Pè sò me yo tũ wẽ tyí tole ne, tir mè nãh yĩne kè pɪ syáh syáhnó sèpìn sɔkɔ dé. Páh kɪ képah pɪ, névye-á kɪ tyah fẽkɪ.

Sê yó pèpɔ̀rɪ pɪ Yesu tyí

⁶ Sò yóle, Yesu lésò me tótẽ dí Simo gbô, Betani kwil sɔkɔ. ⁷ Wãh me yòke yónó sɔkɔ gbí nêne, sê yó me nɔ de n tnô nɪrɪ so pèpɔy yóle n tyí làsèkwèl dénkókòle ké sɔkɔ. Képah tẽne, té làsèkwèl mè mɔ Yesu yõ yõ. ⁸ Yesu tò sãhpú-á képah tẽ we sɛ, pé foko vyãh. Pè ne kwãh nê se pɪ té à làsèkwèl mè yɪkɪ sɛ yò nɪ? ⁹ Kãh nãhkɪ sò fẽ yãm dántãhle, à ké pò dibi yãm tãn kɔ̃. ¹⁰ Yesu-á képah we sɛ, à me yo pé tyí ne: «Sò pɪ té yé pi mè yahle n vyãh sɛ? Tyípépɔy ye à pɪ ñmɔ tyí. ¹¹ Yé yah, yãm tãn kɪ me yé

wró soko gbímegbí. Nte ímọ wọ náh kí me n pi yé wró soko gbímegbí. ¹² Nê-á pi mè pì yò, ímọ lékó yí sò yín ye à pì sah kéle. ¹³ Kègbì yò mé kéle n yo yé tyí, kèkòyó pól soko, Nìvìnì tir mè-à n yo fí nê soko, pi mè tyípíkì mè tọ kí yo, névye dyọ kǒ kè kí n kwne ò tyíle.»

Nsyudasí me ké tyí ne pé Yesule ò tǎpú wǎkí

¹⁴ Yesu tò sáhpú nǎpí gbǒnimí soko, nê-á pè n ye Nsyudasí Yisikariyotile, òmọ me kyí wil sárká syínwìkìpu yòtām tyí, ¹⁵ té pè syah ne, pè se kí pé kǒ kwáh nêne pé mó kè pì pè kǒ pè Yesu we tǎ nì? Pè me pọ plọ yǒgbāmne à kǒ. ¹⁶ A tọkọ légbí tyí, à tyah n yah n kǒ wáh ne pì sǒ té pè Yesu we n tǎ n pi.

Pakí syáh yǒke pínóle

¹⁷ Kókónó kǎn búrn syáh tyah sǒle, Yesu tò sáhpú pọ à piki yah ne, nýāh soko se à me ké tyí ne pé kyí Pakí syáh yǒke pì ò tyí nì? ¹⁸ A me yo pé tyí ne: «Yé kyí n yo yǎhnkò tyí kwil soko ne, kwó-ò dí-á yo ne níkǎ pé gbí-á me se n te, níkǎ òmọ tǐn-á péwọ ànê pé tò sáhpú kí pọ n yò n pi Pakí syáh yǒkele.» ¹⁹ Wáh kè yo sǒ ò tò sáhpú tyí, pè me soko ò yóré yò, à kyí yǒke mè pì.

²⁰ Lékâh-á pọ mọ, òmọ ànê ò tò sáhpú nǎpí gbǒnimí me kǒ tǎ yǒke sò. ²¹ Té pǎh me yónó soko, à yo pé tyí ne: «Kègbì yò mé kéle n yo yé tyí, yé soko yó kí pì pè kǒ pè kí n tǎ n pi.» ²² Ò tò sáhpú-á képah noh, pé yey kwọ kègbìle. Képah tǎne, nê mè nê mè, tǎ à piki n yah ne, Tǎ òngbǎ, péwọ se à n ye nì? ²³ A me yo pé tyí ne: «Nê-á me n di òmọle dú nukú soko yò, tǎ wọ ye kí pì pè kǒ pè kí n tǎ n pi. ²⁴ Névi Pídí kí n ku n pi à yíne kǎh wǎrkí sah Liyel wey sébéy soko sǒ ò tyí soko. Nte névi nê-á kí pì pè kǒ pè kí à tǎ n pi, pèkè kí pì tǎ tyíle. Tǎ-à sò me dúbí-níkǎne, képah náhkí fónfón òne.» ²⁵ Nsyudasí nê-á sò me ké tyí ne pé pì pè kǒ pè à tǎ, ò tọ me à syah ne, kwó-ò dí, péwọ se à n ye nì? A me yo ò tyí ne: «Áwọ ye yo kéle.»

²⁶ Té pǎh me yónó soko, Yesu búrn tọkọ té wékí Liyel tyí, té kè kwọkí à ò tò sáhpúle n kǒ, té yo pé tyí ne: «Yé syi n tah kéle. Nyo, òmọ wil ye.» ²⁷ Képah náh, à tǒ wóh tọkọ òvǎne ké soko té wékí Liyel tyí, té kéle pè kǒ té yo pé tyí ne: «Yé pólle, yé kè wọ. ²⁸ Yé náh we di, nyo, òmọ tǒ ye, nê-á kí névye yégbékè kwọ mọ ànê Liyelle. Kè kí n kwé n pi nékwínkí yínne, kí pé tyípél yò mọ. ²⁹ Mé kéle n yo yé tyí, à tọkọ nukúnúkú tyí, mé náh tǒ òvǎ wọ n yah n pi, pópó kí pọ nọ sò nê-á mé kí tǒ òvǎ sǎn yó wọ yéle ní Sú Liyel tǒrí soko.»

³⁰ Képah náh, pè syáh yì gbì, té wil à n yuku Wólívyé yèh yǒlì yò.

Yesu ne Pyerí-á kí ò vyāh kǒlì ne pé náh pé pǐ

³¹ Képah soko, Yesu yo ò tò sáhpú tyí ne: «Kwey lékâh mè nítǎ óle, òmọ tyí kí yé pól kǒ yé kí yal mọ ní sò tǎnóle. Yé náh we di, kè me wǎrkínsàhnóle Liyel wey sébéy soko ne: «Mé kí yípénfǎ ko mọ, té képyénì tǔ pól kí karkí.»* ³² Yesu tǒ ne: «Nte ní lékó yílkinmòntenó náh, mé kí mọ yé yahle Kalile mara soko.» ³³ Képah tǎne, Pyerí me yo ò tyí ne, no téló pól-à kí sǒ yal mọ ò sò tǎnóle, péwọ tǎ wọ náh n yal n mọ n pi pólle. ³⁴ Yesu me yo ò tyí ne: «Kègbì yò mé kéle n yo á tyí, kwey lékâh mè nítǎ soko, sénpe-à kí pópó n gbo, á kí me á vyāh kǒlì te ke tǒnó ne á náh òmọ pǐ.» ³⁵ Pyerí me yo ò tyí ne, kǎh kí sǒ nọ pé kúnó tyí òne wǎ tyí, pé náh pé vyāh kǒlì yah n pi pólle ne pé náh à pǐ. Yesu tò sáhpú téló tọ me képah ó yo.

* 26:31 26.31 - Yah n te Nsakari 13.7.

Yesu Liyel nínóle Ketisemanı soko

³⁶ Képah soko, Yesu ànê n tò sáhpú kyí yīni tē fí yó soko, pè n ye Ketisemanıne. A me yo n tò sáhpú tyí ne, pè kō tē ásô pé kyí Liyel ni n pò yàhàh. ³⁷ Wǎh n soko, à Pyeri ànê Nsebede dínpi népi ními tē soko. Yèkworí ànê tíkí kèpékè sò me tyah n mī n soko. ³⁸ Kǎh pī sē, à me yo pé tyí ne: «Yèkworí me ní soko, me n pī ní ko ko tēne. Yé tē ásô, yépi tō káh yé dyo mō n fwo n tē, sǒ-á nímō náh me ní dyo mō fwo tē.» ³⁹ Té me yuku yahle kwéy à kyí kō kwīnki n yah di sétáh, à Liyelle n ni ne nkē: «Nímō Sú, káh kī fē n pī n pi, yèvyāhrí mè gbè mō nímōle. Nte mé náh ne á kè pī nímō-á me ké tyí sǒ dé, kè pī áwō-á me ké tyí sǒ.» ⁴⁰ Wǎh n syi pō n tò sáhpú népi tǒmí nópi tnô, à pō pè we pè me n dō. A me yo Pyeri tyí ne: «Yé kègbí yō, yé náh tē we lérí núkú nítē fyé pī yáhnó soko nímōle kè? ⁴¹ Yé káh yé dyo mō n fwo n tē. Yé níríle n pī yé káh n pō tǒnmōno fē n syi. Tyípéplō sǒno n ne n me névi soko, té sé tēnwēnpūno tǎhkí náh n we n soko.» ⁴² Wǎh képah yo, à tǒ gbè mō péle ke ní-òle à kyí Liyelle n ni ne nkē: «Nímō Sú, ní yō-à kī fē n wil n pi nkēne yèvyāhrí mè soko, áwō-á me nê tyí, képah pī.» ⁴³ Wǎh tǒ n syi pō, à pō pè we pè tǒ me n dō. Doy sǒ me tē we pé tyí. ⁴⁴ A tǒ yal pé tnô à gbè mō kyí Liyel ni ke tǒ-òle gbroy tǎn tyí kǒle. ⁴⁵ Képah náh, à n syi pō pé tnô, té yo pé tyí ne: «Yé me doy soko sē me yéle n mī kè? Névi Pídí tē n dahbí gbí we no tyípél pípú gbò yò. ⁴⁶ Yé yuku à soko. Névi nê-á kī ní dahbí n pi pé gbò, à we n de yò.»

Yesu tēnóle

⁴⁷ Yesu me képah yónó soko, té Nsyudasí nê-á n tò sáhpú népi gbōnimí soko yóle, nímō yīn nékwīnki yísyó yah pè pō de kèkīrn ànê nsnine pé tyí. Sárká syínwīlkīpu yǒtām ànê kwil yèwàhní ye sǒ teki mō péle. ⁴⁸ Té Nsyudasí nê-á sǒ n dahbí n pi Yesule pé gbò, à sǒ me pī dùkú yóle pè wēki sah. A ne páh kī weki névi nê tyí té à pōri tē, nímō-á. Nkē pè à tē. ⁴⁹ Té núkú nō de Yesule té ne, kwó-ò dí, páh n weki n tyí! Té à pōri tē. ⁵⁰ Yesu me yo n tyí ne: «Ní kódí, wáh pō nê pí-nsah, kè pī.» Képah soko, no nópi núkú nō de Yesule à à tē. ⁵¹ Képah tēne, nónó-á sǒ me Yesule, pé soko yó núkú n kèkírki yōri de à sárká syínwīlkīpu yǒtē ngebē tǒnpi níki kō kām. ⁵² Nte Yesu me yo n tyí ne: «Á kèkírki dyí ké gbô soko. Yah, nónó pól-á mǎlle n pī kèkīrnne, kèkīrn ye kī ko mō péle. ⁵³ Á náh pī ne nímō-á kī sǒ fē yo mō ní Sú tyí, à kī yīnyō tǒnpi kèyō náhnáh teki mō ní kō nénpó swō, sè kī pō ní yohni mō di? ⁵⁴ Nte káh pī sē, Liyel wey sébéy soko tyi wárkínsàhnó kī wil dùkú nēne? Kè mó tǒ me kè yo sah ne sē-á kè yīne kè pī.» ⁵⁵ Képah náh, té yo nékwīnki nópi tyí ne: «Yé pō nímō tē-nsah kèkīrn ànê nsnine yé tyí, á kī ne kèlékē névi sǒ nne. Nte swō swō pólle, mé sǒ nkēne ne n me kǒntēnóle Liyel ní-nsah gbô soko n kwónóle n pī, té yé náh ní tē. ⁵⁶ Nte Liyel tēntò syínyopu tyi wárkínsàhnó wil yīn ye tyi nópi pól kō sè pī.» Wǎh képah yo, n tò sáhpú pól to karkí té à sah.

Yesu tēnkyinóle Nsyifunó tukey tükèpu tǐnkí tyí

⁵⁷ Nónó-á tē Yesule, pè yuku nne sárká syínwīlkīpu yǒtē ngebē Kayifí tǐnne, nýāh soko-á Liyel tyi kǒnsàhnó kwópú ànê yèwàhní sǒ me wē tuke mō. ⁵⁸ Pyeri sǒ me Yesu sǒ tē n kō fíí nne, pópó à kyí yīni tē sárká syínwīlkīpu yǒtē ngebē gbô tyí. Té de yuku à kyí kō tē tǒnpi tnô, té n yah yī mè-á kī pō n syi n pi dùkú nēne. ⁵⁹ Sárká syínwīlkīpu yǒtām ànê pé no tukey tükèpu tǐnkí pól sǒ me n yah n kō ne, tǎrfyónó yísyó we, nónó-á kī mìní we n yo n sah Yesu yō, pé mó à we n ko n mō. ⁶⁰ Tǎrfyó

m̀inyobe náhnáh s̀énsõ pɔ m̀inì yo sah ò yõ, òte pè náh tir yó we wáh yĩne à ko mo nê yĩnne. Ké tyé-ńsah s̀okɔ, díbí ǹépì ní mí wil yĩn ⁶¹ té ne ńkě, dí mè-á yo ne páh kɪ fẽ Liyel ní-ńsah wòkò kètár sɔ té kɪ kè t̃õ m̀o s̀èp̃in t̃õnì wró. ⁶² Képah s̀okɔ, sárká syínwìlkìpu yòt̃ẽ ògbẽ yuku yĩn té yo Yesu tyí ne, no nópi-á tyi nónonè n yo ò tyí s̀okɔ, tyíyóné kó me òm̀o tyí s̀épi tyí s̀okɔ nì? ⁶³ Nte Yesu náh dahbi wilki. Képah t̃ẽne, sárká syínwìlkìpu yòt̃ẽ ògbẽ me yo ò tyí ne, min nèt̃ẽ Liyel yĩn yõ, à yo pé syah òm̀o-à kɪ nê Liyel ney yáhntòkònlè, nê-á ò Pídĩne. ⁶⁴ Yesu me yo ò tyí ne: «Áwɔ ye yo kéle. Té mé kéle n yo yé tyí, à t̀okò núkúnúkú tyí, yé kɪ Névi Pídí we k̃ònt̃ẽnólè tyi pól tyí t̃ẽnwɛ-ò Liyel gbòyò s̀òlè. Yé kɪ à we t̀olè à kɪ me n pi ńyĩrn s̀okɔ.» ⁶⁵ Képah t̃ẽne, sárká syínwìlkìpu yòt̃ẽ ògbẽ ò gbl̃oy flo yɔrɪ t̀okɪ té ne, wáh yo de Liyel tyí. Tàrfyò nê t̃ẽ se t̃õ pé kɪ n yah n k̃õ nì? Pè kó ò Liyel tyí yóndenɔ noh nì? ⁶⁶ Pépi se me n s̃õ s̃õ nì? Pè me yo ò tyí ne, wáh yĩne k̀onm̀onlè. ⁶⁷ Képah t̃ẽne, té tyah n s̃in n m̀o ò yah s̀okɔ, té ònne n sykɪ gbònkukele, té t̀úkù mó me ò létáhlólè n k̃òlì ⁶⁸ té me n yo ò tyí ne, òm̀o-à kɪ nê Liyel ney yáhntòkònlè, à s̃áh p̃i yo pé syah nê-á n ko ònne.

Pyerì-á ò vyãh k̃òlì s̃õ ne pé náh Yesu p̃i

⁶⁹ Pyerì s̃õ me k̃ònt̃ẽnólè gbô táh. Tònrɪ pi yó me nɔ de ò t̃nô té yo ò tyí ne, òm̀o t̀o-á s̃õ me Yesule, nê-á Kalile neyne. ⁷⁰ Nte à me kè k̃òlì no pól yí yah ne, pé náh me ò wey mè tyí yah we yò dé. ⁷¹ Képah náh, Pyerì s̀okɔ gbô yah t̃inne. Tònrɪ pi yó-á t̃õ à we, nóno-á s̃õ me ǹénpó, à yo pé tyí ne, dí mè t̀o-á s̃õ me Yesule, nê-á Nasaretɪ neyne. ⁷² Pyerì t̃õ kè k̃òlì à ò wo ne, pé náh dí m̀ène n pne dé. ⁷³ D̃õ kwéy, nóno-á s̃õ me ǹénpó pépi nɔ de Pyerìlè té yo ò tyí ne, kègbɪ yõ, no nópi s̀okɔ yó-á ò t̀olè. N wey d̀úkù-á me kéle n w̃ekɪ dò. ⁷⁴ Képah s̀okɔ Pyerì tyah ò gbl̃oyne n wo pélpèl ne, pé náh dí mè p̃i. Ǹénpó swɔ s̀enpe yó núkú gbo. ⁷⁵ Légbĩne, Pyerì dyɔ to k̃õ Yesu wey m̀ène, wáh s̃õ nê yo ne ńkě: «S̀enpe-à kɪ pópó n gbo, á kɪ me á vyãh k̃òlì t̃e k̃e t̃õnò ne á náh òm̀o p̃i.» Képah s̀okɔ, Pyerì wil kégbó à kyɪ kah gbo.

27

Yesu t̃ẽnyukunlè Pilati t̃inne

¹ Séngb̃õ púpúle, sárká syínwìlkìpu yòt̃ãm pól ànê kwil yèwàhnì pól yo sah núkú yõ ne Yesu-á yĩne à ko m̀o. ² Té me à t̃ẽ pukubi, té kyɪ ònne kwilt̃ãm yòt̃ẽ Pilati gbò dahbi.

Nsyudasɪ kúnólè

³ Képah s̀okɔ, Nsyudasɪ nê-á s̃õ pɪ pè k̃õ pè Yesu we t̃ẽ, wáh pɔ ò k̀onm̀onɔ tyí we kè yí t̃ẽ, kè à kah fyãh. A me pó pló yògbãm nópi t̀okɔ kyɪ ne pé sárká syínwìlkìpu yòt̃ãm ànê kwil yèwàhnì k̃õ. ⁴ Té yo pé tyí ne, páh tyípékè pɪ lékàh k̃ẽ névi mónólè k̃ù s̀okɔ. Nte pè me à syah ne, pépi tir nê se me képah s̀okɔ nì? Képah-á me òm̀olè n yah kè. ⁵ Képah s̀okɔ, Nsyudasɪ pó mè milki Liyel ní-ńsah wòkò kètár s̀okɔ, té wil s̀okɔ à kyɪ ò gbl̃oy gbel. ⁶ Sárká syínwìlkìpu yòt̃ãm me pó mè t̀okɔ té ne ńkě, kè náh yĩne dáhnm̀onlè Liyel ní-ńsah gbô pó s̀okɔ. Névi t̃ó-á kɪ n kwe n pi ké tyí s̀okɔ. ⁷ Képah t̃ẽne, pè yo sah núkú yõ, té pó m̀ène pní mó-ò dí yó swãh dwe à pɪ ǹépan lékyî yí-ńsahlè. ⁸ Képah ye, f̃óó à pɔ syɪ kwey mè tyí, swãh mè me n ye t̃ó swãhlè. ⁹ Képah s̀okɔ, Liyel t̃ẽnt̃ò syinyo-ò Nsyeremi-á lésõ nê yo sah, kè wil. A lésõ ne ńkě:

«Pè ye pò pló yõgbãm tokò, Yisrayel no-á ne dan nê-á yĩne kǎnóle n̄ tyí sòkò. ¹⁰ Té kyí séle pní mó-ò dí swāh dwe, à yĩne Tě ñgbě Liyel-á kè yo sǎ ní tyí.»*

Pilati me Yesule n piki n yah

¹¹ Pǎh Yesu tẽ kyí kwiltām yõtẽ dí Pilati tyí, à me Yesu piki yah ne ñmò se Nsyifunò yõtẽne díne ni? Yesu me yo n̄ tyí ne: «Áwò ye yo kéle.» ¹² Nte sárká syínwilkĩpu yõtām ànê kwil yèwàhn̄ sò me tyile n̄ yo n̄ sah n̄ yõ. Nte à náh dahbı wilki pé tyí sépi tyí sòkò. ¹³ Képah sòkò, Pilati me yo n̄ tyí ne, pǎh tyi nóno pólle n̄ yo n̄ sah n̄ yõ, à kó me séle n̄ nohn̄ ni? ¹⁴ Nte Yesu náh dahbı wilki n̄ tyí pólle. Kǎh pı sě, kè n̄ gbǎn kah du.

Pilati Yesu kònmòno wěkì kǎ

¹⁵ Yimeyí Pakı syáh sòkò, kwiltām yõtẽ ñkěne wòkònpèkè sòkò nénúkù yó fin n̄ mò, tówù-à nê yah wilki. ¹⁶ Té légbíne dí yó sò me wòkònpèkè sòkò, nê yĩnpèkè-á wil yĩ náhna. N̄ yĩn ye sò Barabasıle. ¹⁷ Képah tẽne, tówù nê-á sò me tükènmònole, kwiltām yõtẽ dí Pilati me pépi piki yah ne, pè se me ké tyí ne pé nê fin mò pè kǎ ni? Barabası se, tĩ Yesu nê-á pè n̄ ye Liyel ney yáhntòkònole, ñmò se? ¹⁸ Yé náh we di, Pilati sò pĩ ne Yesu yĩngbí wĩlnó-á n̄ yò péle pè kǎ pè à dahbı péwò gbò sòkò. ¹⁹ Té wǎh me tẽnóle tukey tükè-nsah sòkò, n̄ kyí tẽntò mò n̄ tyí ne, lékàh kě dí mè tyí dlénpèl-á pé kwlo kwey lékàhne. A káh n̄ vyǎh dahbı n̄ tyí sòkò dé. ²⁰ Nte sárká syínwilkĩpu yõtām ànê kwil yèwàhn̄ me tówù kurki mò ne, pè yo Pilati tyí à Barabası fin mò, à mó Yesu ko mò. ²¹ Kwiltām yõtẽ dí Pilati me tǎ pè piki yah ne, pè se me ké tyí ne pé nê tẽ fin mò pè kǎ népĩ ními nópi sòkò ni? Pè me ne Barabası-á. ²² Pilati me ne, ñte Yesu nê-á pè n̄ ye Liyel ney yáhntòkònole, pé se kı pı sǎ ñmòle ni? Pé pól me ne wǎh yĩne à syı dahni yõ. ²³ A me pè piki yah ne, ñte tyítúkù nê ó se à pı ni? Nte pè tǎ kah yo mò wòhòh ne, wǎh yĩne à syı dahni yõ. ²⁴ Pilati-á pò kè pĩ ne pé náh me fě tir yóle n̄ pekı ké sòkò, té névyè-á mó tǎ me n̄ tyah tyah fěkínóle, à ni tokò à n̄ gbǎn wu tówù yĩ yah té ne, péwò vyǎh náh me dí mè kònmòno tyí sòkò. Kǎh pé tyí kè. ²⁵ No pól me ne, n̄ kònmòno plò pı pépi ànê pé wěnpĩ tyile wé! ²⁶ Képah sòkò, Pilati me Barabası fin mò pè kǎ. Té sràsyíbı kǎ pè Yesu ko yèfòhle, té n̄ gbàh de mò pè kǎ ne pè à syı dahni yõ.

Sràsyíbı-á kóle Yesu ko dùkù nêne

²⁷ Képah tẽne, kwiltām yõtẽ dí Pilati sràsyíbı me Yesu tẽ de tǎrí gbò sòkò, té pé no sràsyíbı pól ye pò à mò gbı. ²⁸ Pè me n̄ flo de n̄ wil sòkò, té fwòmònsǎh ñgbě yó mò à kǎ. ²⁹ Té pǎn yòkǎ pı dyı à kǎ tǎrí yókúrí swò, té lépéy yóle à kǎ à tẽ yĩn n̄ gbòyò sòkò. Té gbètukunò di n̄ yah sòkò à kóle ñne n̄ ko me yo tũ ne, Nsyifunò yõtẽ dí, páh n̄ wekı n̄ tyí. ³⁰ Té n̄ s̄n n̄ mò n̄ yõ, té lépéy mè syı à ñne n̄ mikı n̄ yõ sòkò. ³¹ Pǎh kóle à ko te, pè fwòmò-ñgbě mè de n̄ tyí té n̄ flo tǎ mò à kǎ, té à tẽ n̄ yuku syı-ńsah dahni yõ.

Yesu syínóle dahni yõ

³² Pǎh kyı n̄ wil kwil sòkò, pè Sireni kwil dí yó yohnı pè n̄ ye Simole. Sràsyíbı me ñmò kyı mò à kǎ à Yesu syı syı dahni twah. ³³ Pǎh kyı yĩni tẽ tyah yó sòkò, pè n̄ ye Kòkòtale, nê kór-á Yògbèkè tyahle, ³⁴ pè wil yónó kèkò kwáh yó fěkı mò ñivě sòkò Yesu kǎ ne à wò. Wǎh kè wò yah, à kè yahle. ³⁵ Képah náh, pè à syı dahni yõ. Pǎh à

* 27:10 27.9 Yah n̄ te Nsakarı 11.12-13 ànê Nsyeremi 18.2-3 ; 19.1-2 ; 32.6-15.

syi te, pè òndan mo à n flo dibi pé wě wró. ³⁶ Té me kǒ tē nénpó à òne n syiki ne ney káh pǒ à pwah mo. ³⁷ Yǒ nê yǒ-á pè syi òne, pè sǒ me kè wārki syi sah n yǒtah soko ne nkě: «Yesu ye yǒ, nê-á Nsyifunǒ yǒtēne.» ³⁸ Kèlékě pípú nǐpí nímí yísyó to sǒ me syínóle dahlo yǒ n tnô. Núkú sǒ me n gbǒyǒ sǒle, ní-ò me n gběyǐnè sǒle. ³⁹ Wěkǒbi nónó-à kǒ pǒ n soko, pè pé ywǒle n mo n té òne n gbyo ⁴⁰ ne nkě, òmo nê-á sǒ ne páh ki Liyel ní-ńsah wǒkò kètǎr so, té ki fě kè tǒ mo sèpǐn tǒnì wró, nkě Liyel Pídí-à ki nê òne, à n gblǒy pwah mo. A tiki n to dahni yǒ kè. ⁴¹ Sě ye, sárká syínwǐlkǐpu yǒtām ànê Moyisi tyi kǒnsàhnó kwópú, ànê kwil yèwàhnì to sǒ me kóle òne n ko me yo tǔ ne, ⁴² wǎh túkú pwah mo, té ki tē n gblǒy wǒ pwah mo kwlo ni? Yisrayel yǒtē tē-à ki nê òne, à tiki n to dahni yǒ núkúnúku, pé mó sē n yǒ kè. ⁴³ A kó n sǒno sah Liyel yǒ, té kè yo ńtēne ne n Pídí-á péle ni? N tyí-à ki me nǒ Liyel tyí, à à pwah mo núkúnúku wé. ⁴⁴ Kèlékě pípú nónó to-á sǒ syínóle n tnô, pépi to sǒ me òne n gbyo sǐntē óle.

Yesu kúnóle

⁴⁵ Gbǐ-á me yǒtah sírr soko, fěntǔ mo kèkǒyǒ pól soko, pópó à pǒ nǒ lérínó tǒnó tyí. ⁴⁶ Lérínó tǒnó nǒpi-á soko, Yesu kah yo yǐnpǒ ògbēne ne: «Yeli, Yeli, lama sabakitani?» Nê kór-á: Nmo Liyel, nmo Liyel, kwáh nê pi té á ní fin mo? ⁴⁷ Nónó-á sǒ me nénpó, pé túkú-á n yónmǒno mè noh, pè ne nkě, wǎh me Yelile n ye n yah oo! ⁴⁸ Nénpó swǒ, pé soko yó to kyi sǐnsúkúrí toko fǒ yǒyǒkè ni soko, à dyi mo gbey yó vyǎh tyí, té kè nǒ n tyí ne à wǒ. ⁴⁹ Pé tǐlǒ mó me yo tǔ ne nkě, pé ye yǐn sǒ, Yeli mó pǒ à pwah mo pé yah ǎtre. ⁵⁰ Nte Yesu me tǒ kah de syi té yah kwlo. ⁵¹ Képah tēne, fwo nê-á dyínmǒnkàhsàhnóle Liyel ní-ńsah wǒkò kètǎr soko, kè to tǒlǒ nínó à toko ké yǒtah tyí, à kyi dal mo ké sètǎhkì sǒ tyí. Té sètáh me syah, légbýǒ gboke, ⁵² léyǎl yiki mo, Liyel yǒ sǐpú nónó-á sǒ ku soko te, pé náhnáh lékyí me yilki mo. ⁵³ Képah náh, té me wil léyǎl soko Yesu lékó yǐlkinmǒnteno náh, té de Yerusalemi kwil soko Liyel-á képah nê yah toko. Névyé náhnáh yí tē pé yǒ. ⁵⁴ Sràsyíbí yǒtē dí ànê nónó to-á sǒ me Yesule n syiki òne, pépi-á sètáh syahri mè we à tahlí tyi nónó to-á pi, tiki pè kah tē. Pè me ne nkě: «Kègbi yǒ, dí mènne, Liyel Pídí ye sǒ òne.» ⁵⁵ Té syó náhnáh to sǒ me yǐn tē fí té me n yah. Kalile duku soko ye kéne syó Yesu sǒ tē, à n yah n dah n mo n tyí soko. ⁵⁶ Makadala kwil Mari sǒ me pé soko, à tahlí Nsyaki ànê Nsyosefu yú Mari tyí, ànê Nsebede dǐnpì yǐne.

Yesu lékó yínóle

⁵⁷ Nví-á pǒ nǒ, tǎh dí yó pǒ de, nê-á sǒ n wil Arimatí kwil soko. Kéne dí yǐn ye Nsyosefule. Yesu tǒ sǎh-ò ye sǒ n tole. ⁵⁸ Nmo me kyi wil Pilati tyí, à Yesu lékó ni n tyí. A me ne pè òne à kǒ. ⁵⁹ Páh ké wěkǐle à kǒ, à me n lékó toko té à plo fwo gbró snóle. ⁶⁰ Nsyosefu-á sǒ pè kǒ pè diki sǎn nê tǔ sah n yǐngbǐ tyíle tekí soko, à kyi à dah mo képah soko. Képah soko, té dáh-ògbǐ yó pil pǒ ké yah vike té soko. ⁶¹ Té légbǐne, Makadala kwil Mari ànê n ní-ò Mari sǒ me kǒntēnóle nénpó soko diki yah yèsreyne.

⁶² Té kéne yǒh sǒnó ye nkěne pè péle n vi n sah pé mi mi yǒh sǒ yǐnne. Ké dǐndalle, sárká syínwǐlkǐpu yǒtām ànê Farisi wěkì kópú me wě sǒ tē kyi wil Pilati tyí, ⁶³ té yo n tyí ne, pé yǒtē, pé dyo-á to kǒ ne, kéne névyé pílkí-ò-á lésǒ me kè yo sah n kú-ńkě soko ne, páh pǒ ku, ké sèpǐn tǒ-ò sǒle, pé lékó-á ki yilki mo. ⁶⁴ Képah yǐnne, nkě à sràsyíbí kǒ pè diki syiki pǒ nǒ sèpǐn tǒnì tyí. Képah-à pí-ńkēne, n tǒ sǎhpú-á ki n syah n pǒ n lékóle n yǐ n wilki, té ki névyé syah ne n lékó-á yilki mo. Képah tē-á ki

tõ névyé pilki kal gben tẽne. ⁶⁵ Pilati me yo pé tyí ne, tyah syíkípú-á yò. Nkě pè kyí diki mène n syíkí pãh me ké tyí sɔ̃. ⁶⁶ Pè me sɔkɔ à kyí diki yah dáhkì mè pɔkɔ mɔ, té tyah syíkípú kɔ̃ pè kéle n syíkí.

28

Yesu lékó yílkinmɔnɔle

¹ Mɪ mɪ yòh-á sɔkɔ, dimansyi sɔ̃ séngbɔ̃ púsóle, Makadala kwil Mari ànê n ní-ò Mari kyí diki yò. ² Nénpó swɔ, sétáh syahrɪ ñgbě pɪ. Tě ñgbě Liyel yínyò tònpi yó me tiki pɔ dáh-ñgbě mè pil to diki yah, té kɔ̃ tẽ ké yò. ³ A sɔ̃ me n kɔ̃ kyòò pũ sɔ̃ yíkiri, té n flo me pikínóle préyy. ⁴ Tíkí ànê wílsyahrɪ tẽ tyí, tyah syíkípú markí. ⁵ Képah sɔkɔ, yínyò tònpi me yo syó tyí ne: «Yé káh tíkí pɪ. Mé pĩ ne Yesu-á yé n yah n kɔ̃, pãh nê syí dahni yò. ⁶ A náh me ásô, ñ lékó yilki mɔ à yĩne wãh lésò kè yo sah sɔ̃. Yé pɔ n yah n snékínmɔ-ńsahle, ⁷ yè mó n kyí kè yo súú n tò sáhpú tyí ne, ñ lékó-á yilki mɔ. Té wãh mɔ pé yahle Kalile mara sɔkɔ. Pãh kɪ kyí à we nénpó. Nê-á sɔ̃ me ní tyí yo yo tẽne yé tyí, képah ye yò.» ⁸ Pè me yal súú nénpó sɔkɔ, tíkíle pé sɔkɔ nìvìnì ñgbě tɔle fěkínmɔnɔle ké sɔkɔ, à n to n yuku yĩ mè yáh-ńsah Yesu tò sáhpú tyí. ⁹ Nénpó swɔ, Yesu núkú pè yohni té ne: «Mé n wekɪ yé tyí.» Syó nópi me nɔ de ñne, té n gbyêh tẽ à gbílkinó sah ñ yò. ¹⁰ Képah sɔkɔ, Yesu me yo pé tyí ne: «Yé káh tíkíle n pɪ. Yé kyí n yo ní yúnpyé tyí ne, pè yuku Kalile mara sɔkɔ. Nénpó sɔkɔ ye pè kɪ we ńne.»

Tyah syíkípú tyípínine

¹¹ Syó nópi-á me wěkì yò gbí nêne, tyi nóno pól-á pɪ, sràsyíbí nóno-á sɔ̃ n syíkí diki mène, pé túkú pɔ kwil sɔkɔ, à pɔ sè yo sárká syínwilkípu yòtãm syah. ¹² Képah sɔkɔ, sárká syínwilkípu yòtãm nópi ànê kwil yèwàhnì wě tuke mɔ à yo sah núkú yò, té pò-ñgbě yóle sràsyíbí kɔ̃, ¹³ té pè syah ne pãh kɪ pɪ pè yo ne, ñ tò sáhpú-á pɔ ñ lékó yĩ wilki lékãhne té pé sah dɔy sɔkɔ. ¹⁴ Kwiltãm yòtẽ dí-à kɪ sɔ̃ kè noh, pépi-á kɪ kè niri pè kɔ̃ pè náh yótír we n pi ké sɔkɔ pólle. ¹⁵ Tyah syíkípú mó pó mè syi té kè pɪ pé yóré yò. Képah tẽne, yĩ mè tɔ̃ mɔ Nsyifunɔ niyó, fóó à pɔ syí kwey mè tyí.

Yesu wénóle ñ tò sáhpú tyí ñ lékó yílkinmɔntenɔ náh

¹⁶ Yesu tò sáhpú népĩ gbõnúkú me sɔkɔ Kalile mara yòli yò, wãh lésò nyãh tyí yo sah pé tyí. ¹⁷ Pãh kyí à we, pè à gbilki, nte pé túkú sɔ̃ me tòtòle n pɪ ñ tyí sɔkɔ. ¹⁸ Yesu me nɔ de pé tnô té yo pé tyí ne: «Yòtõrí pól ye ńmɔ gbò dahbɪ yínyò ànê sétáh yò sɔkɔ. ¹⁹ Yé kyí kwlo kwlo pól névyé pɪ ńmɔ tò sáhpúle, yè mó pè wel n wilki ni sɔkɔ Sú Liyel, ànê Pídí, ànê Liyel Mirki yĩn yò. ²⁰ Máh tyi nóno kɔ̃ sah yé kɔ̃, yè mó pè kwo séle pè kɔ̃ pè séle n pɪ. Té ńmɔ kɪ me yéle sòmésó, fóó kɪ kyí syí kèkõyó tyénó tyí.»

Marki-á nìvìnì tir nê wârki Yesu tyí sòkò

N yúpyé, yépi nónó-á sébě mènè n kar,

«Nê me Yesule?» Píkinyahno yó ye, no pól yĩne pè pé gblǒy piki yah kéle. Wâh sǒ me Yesu pĩ di mónóle, képah nâh pi, á nâh n tyí noh yah pólle: No pól ki fě gbah tē à pĩ palle.- Sébě nê-á á tē yĩn á gbò, képah ki píkinyahno mē yah yo n syah, ki Yesu dukùle n wēki. Dí yó ye wârki kéle di mónóle. Kéne dí yĩn ye sǒ Markule. Kè Yesu min pi dukù tyíle n yo, ànê n tyípínìne, ànê n welole. Sépi n tyah n tyípínì tyí, à po n n kúnó ànê ní yúkúnó tyí. Képah n wēki ne, Yesu-á po Liyel tǒríle, té wâh fě syi n gblǒy tíkínmòno yǒ, névyè pwáhnmo yĩnne.

Kéne séběne, Bibili tyah yó ye nê-á Liyel wey sébě ngeběne. Képah fí yó ye.

Yé ki fě kyi welo yísyó we, sé pínó ki me tah. Té pókónmòno me dukù-à me, ké tyàh-nsah, kè ále n wēki ne, wâh ki fě wey mē yah yónó we sébě mē tyé-nsah sòkò.

Nte, wâh tē yĩn nê kar kwlo, á ki yah te sébě tyé-nsah sòkò. Ké kèpìkì wey wârki dukù tò me nénpó, ànê ké wĩn weyne.

Yé pól pĩ ne nkě, nê-á tükù n ye «Lékám Pèpeyne», tükù òne n ye «Liyel Mírkíle». Té, Liyel wey vinnmòno sòkò, yĩn núkú ó ye ki fě yah tokò képah yĩnne. Nte, áyáh «Liyel Mírkí» yah tokò, kè nâh pi ne, képah sǒ á tokò kúmm yǒ dé! Á me ké tyí ne, yépi tǒ lékámne á kǒ ké tyí yǒ. Ké ye dukù yó lékám se me yé tyí, yé ki fě á kǒ?

Á wil yĩn mē tyí sòkò, wâh tir yó we sébě mē sòkò, té ké yo dukù nâh ple wĩn wey sòkò áwo yah, gbah n tē kè yo á syah.

Liyel pèpòri pi á tyí ké kárnó sòkò.

Wèlnwìlkì-ò Nsyǒ wey yónsàhnóle

¹ Liyel pi Yesu *Krista nìvìnì wey sán tyàh-nsah ye yò. ² Sǒ-á kéle wárkínsàhnóle *Liyel tēntò syíno-ò *Yesayi sébě sòkò ne:

«Yah, òmo Liyel ki ní tēntò névi tekì mò á yahle, à ki po á wēkì tǒ sah á tyí.»

³ Nnì yó yĩnpǒ ye n dokò gběnni sòkò ne nkě:

«Yé Tē-ngebě wēkì tǒ sah, yé kè pi tómm!»*

⁴ Káh wârki sah sǒ, sē ye *Wèlnwìlkì-ò Nsyǒ po wil mò gběnni sòkò. Á tyah n yo n kǒ névyè tyí ne, pè pé nno vi mò, pè mó *wèlnwìlkínó we. Képah sòkò, Liyel-á ki pé tyípèl yǒ mò pè kǒ.

⁵ Képah tēne, Yude kwlo névyè pól, ànê tǒ Yerusalemi névyè pól sǒ me n po n po n tyí, n po pé tyípèl yo névyè pól yí yah, té á pè wel n wilki Yurdě yo sòkò. ⁶ Té, Nsyǒ sǒ me yáhmìkì yè fwòmòno mò, té n syĩ tē sèl kǒle. N yǒkele sǒ sègblo ànê syĩri ye. ⁷ Á sǒ me n yo tówù tyí: «Névi nê-á ki n po n pi òmo nâh, òmo ye gblò kal òmole. Nmo tē nâh yĩne mé kǒ yĩn, n gbáhkì lékyèh sro de. ⁸ Nmo ye yéle n wel n wilki ni sòkò, nte òmo ki po yé wel n wilki n pi *Liyel Mírkí sòkò.»

Yesu wèlnwìlkínó ànê n tǒnmònole

⁹ Légbìne, Yesu wil Nasareti kwil, Kalile sétáh yǒ, à po Nsyǒ kǒ à à *wel wilki Yurdě yo sòkò. ¹⁰ Té, wâh n wil ni sòkò gbí nēne, à yĩnyǒ we kè n yki n mò, té *Liyel Mírkí

* 1:3 1.3 - Yah n te Yesayi 40.3 sòkò.

tiki n̄ yõ, dàhyòkèpil s̄õ. ¹¹ Légbíne, yínpõ yó n wil Liyel soko ne íkê: «Áwõ ye n̄mo n̄dè Pi n̄kúnine. Á tyí n̄o yíí n̄ tyí kègbile.»

¹² Ké nénpó swõ, Liyel Mirkí à tẽ yuku gběnni soko. ¹³ A sèp̄in̄ tíkíniní pi nénpó soko. Té *sétàn̄ yòt̄ẽ p̄õ n̄ne n t̄õ n m̄õ. A s̄õ me gběnk̄yõ nyó soko, té *yínyõ t̄ěntõbe me n̄ t̄ě-n̄sahle n yah.

Yesu yěnk̄yõ t̄ěp̄ú n̄ép̄i n̄yêh ye

¹⁴ Képah náh, pè p̄õ *Wèlnwĩlk̄i-ò Nsyõ dah m̄õ wòk̄õnpèkè soko.† N déntenõ náh wòk̄õnpèkè, Yesu yuku Kalile soko, à kyí tyah n̄v̄in̄ w̄ey s̄ánn̄e n yo n k̄õ, nê-á wil Liyel tyí. ¹⁵ A ne: «Gbí nê tyí-á s̄õ yo sah, kè me de te. *Liyel t̄õrí me ȳini t̄ẽ te. Yé yé n̄n̄õ vi m̄õ, yé mó s̄ẽ n̄v̄in̄ w̄ey s̄án yõ!»

¹⁶ Wáh s̄õ me n k̄õ Kalile yó-n̄gb̄ẽ gbòp̄õ gbí n̄ne, à yěnk̄yõ t̄ěp̄ú n̄ép̄i ními w̄e, Simo, ànê n̄ gb̄endí Andrele. Pè s̄õ me yěnk̄yõ t̄ẽ t̄ẽ mn̄õle n min yěnk̄yõle n t̄ẽ yo soko. ¹⁷ A yo pé tyí ne: «Yé p̄õ n̄m̄õ náh. Mé ki yé pi név̄ye t̄ěp̄úle Liyel tyí.» ¹⁸ Nénpó swõ, pè n̄kú pé yěnk̄yõ t̄ẽ t̄ẽ mn̄õ sah, té n̄ s̄õ t̄ẽ. ¹⁹ Wáh t̄õ k̄õ yuku yahle kwéy, à kyí Sebede w̄ěnp̄i w̄e, Nsyakí ànê Nsyõne. Pè s̄õ me pé krótókè soko, me yěnk̄yõ t̄ẽ t̄ẽ mn̄õle n t̄õ n sah. ²⁰ Ké nénpó swõ, à pépi t̄õ ye yah. Pè n̄kú yal pé sú ànê n̄ t̄õnp̄ib̄i t̄n̄õ krótókè soko, té n̄ s̄õ t̄ẽ.

Yesu t̄ěnw̄en̄õle sétàn̄ yõ

²¹ Képah náh, wáh nónó ye, à yuku péle Kapernayim kwil soko. *M̄i m̄i yòh sóle, à kyí de *Liyel ní-nsah wòk̄õ, à tyah név̄yele n kwõ. ²² Nónó-á s̄õ me n̄ w̄eyne n nohn̄i, pé gb̄an̄ du n̄ név̄ye kwónó òk̄ùle. Tir yó náh, kè náh s̄õ me n̄kúle ànê *Liyel n̄gbò w̄k̄i kwóp̄ú tyíle. N̄m̄õ kwõ òk̄ù s̄õ me yòt̄õrí kwónóle, képah ye.

²³ Ké légbíne, kè p̄õ ȳine, dí yó s̄õ me Liyel ní-nsah wòk̄õ, *sétõle n̄ soko. A me yuku gbo m̄õ ne, ²⁴ kwáh nê se à n yah n k̄õ pépi tyí ni, Nasareti Yesu? A se p̄õ pépi yíkí-nsah ni? Páh p̄i ne, pi k̄ẽ-á n̄ne, n̄m̄õ nê-á wil Liyel tyí. ²⁵ Képah t̄ěne, Yesu díri k̄õ sétõ mè yõ, té yo n̄ tyí: «Á vyāh vike, n̄ té n wil dí mè soko!» ²⁶ Képah soko, sétõ dí mè yike kègbile, té de syi náhnáh, té wil n̄ soko. ²⁷ Képah név̄ye gb̄an̄ du. Pè tyah w̄ěne n piki n yah ne, kwáh nê se s̄ẽ ni? Kwónó k̄és̄án̄ yóle à n pi yòt̄õrí soko. A f̄ẽ n w̄ek̄i sétàn̄ t̄õ yõ, té sè n sah n̄ tyí yõ. ²⁸ Kéne ní yõ, Yesu ȳin̄ gb̄ilk̄ínó t̄õ m̄õ Kalile kwlo pól soko.

Yesu yámp̄ú náhnáh de m̄õ

²⁹ Páh yal *Liyel ní-nsah wòk̄õ, pè n̄kú yõ soko de Simo ànê Andrepi gbô. Nsyakí ànê Nsyõ t̄õ s̄õ me péle. ³⁰ Té Simo déysê s̄õ me s̄en̄õle w̄ilvyāhn̄ine. Nénpó swõ, pè me kè yo Yesu syah. ³¹ Wáh kè noh s̄ẽ, à n̄õ de pi mè t̄n̄õ, té n̄ gb̄õ t̄ẽ à yilki sah. N̄ w̄ilvyāhn̄i n̄kú tȳe, à me yuku tyah p̄inn̄e n pi pé tyí.

³² Gb̄íyí-á de, név̄ye pé yámp̄ún̄õ pól twah p̄õ Yesu tyí, ànê *sétàn̄-á me dén̄õle nónó soko. ³³ Kwil név̄ye pól p̄õ tuke m̄õ kéne gbô yah soko. ³⁴ A me yámp̄ú duke duke náhnáh de m̄õ, té sétàn̄ náhnáh ȳini wilki, s̄áh me de nónó soko. Sè s̄õ n̄ne n p̄ne, ne òk̄ù nê-á n̄ne. Képah ye, à yahle ne, sè káh ne n w̄ek̄i.

Yesu Kalile kwlo pól k̄õ k̄õ

† 1:14 1.14 - Képah yah ki n yo n pi Marki 6.17 ànê 18 soko.

³⁵ Séngbɔ́ púsó, tyah syĩ syĩ sɔkɔ, Yesu yuku wil wòkò. A yuku gběnni sɔkɔ, à kyɪ tyah Liyelle n ni. ³⁶ Képah sɔkɔ, Simopi yuku tyah ònne n yah n kɔ̃. ³⁷ Páh kyɪ à wɛ, pè à syah nɛ, névye pól-á me ònne n yah n kɔ̃. ³⁸ A me yo pé tyí: «Á ye yuku gbòplo kwlo sɔkɔ. Mé yĩne mé nìvìnì wey sán yo nénpó tɔ sɔkɔ. N pónó yò ye képahle.» ³⁹ Képah sɔkɔ, à kyɪ Kalile tãntãn pól sɔkɔ, me Liyel weyne n yo n kɔ̃ pé *Liyel ní-ńtãn vî sɔkɔ, té me *sétãnne n yĩni n wilki névye sɔkɔ.

Yesu tótě yó de mo

⁴⁰ Só yóle, *tótě yó no de Yesu tnô, à gbètukunɔ di ò yah, té à ni nɛ, wáh me ké tyí, wáh kɪ fě pé de mo. ⁴¹ Wáh yo sě, ò yãm Yesu tẽ. A me ò gbò tɔ ò yò, à tũ ò tyí, té nɛ: «Mé me ké tyí, á kɪ de!» ⁴² Nénpó swɔ, *dú núkú à fin mo, à me de. ⁴³ Képah sɔkɔ, Yesu núkú à tekɪ mo, té kè gbah yo ò tyí nɛ, ⁴⁴ à noh yò, à káh kè yáh nɛ tyí dé! A kyɪ ò gblöyne *sárká wĩkĩpu yòtẽ wěkɪ. Nkě, *Moyisi-á sò *sárká nê tyí yo, tótãm dénmɔnɔ tyí sɔkɔ, à mó képah wilki, nê-á kɪ no pól wěkɪ n pi nɛ, wáh de. ⁴⁵ Nte, dí-á yal ò tnô, tir nê-á pi ò tyí, à kyɪ tyah kéle n yáh n kɔ̃ no pól tyí. Káh pi sě, Yesu náh tɔ sò fě ò gblöy wěkɪ n pi kwil yó ńtẽ sɔkɔ. A sò me gbe mo tẽ kwlole, kégbó sɔkɔ, té névye n wil tãntãn pól sɔkɔ, à n pɔ n pɔ ò tyí.

2

Yesu sèkùkù dí yó de mo

¹ Sèpĩn yísyó sókóntenɔ náh, Yesu ò syɪ pɔ Kapernayim sɔkɔ. Névyé-á kè noh nɛ, wáh me gbò, ² tówù yó tuke pɔ tyah fyáh. Tě-nsah ńtẽ náh sò me kélé yah tɔ sɔkɔ. Képah sɔkɔ, à tyah ò weyne péle n kwɔ.

³ Légbíne, nósýó pɔ ò tyí sèkùkù yóle. Népi ònyêh sò me à twah. ⁴ Té névye tnónkahnó tẽ tyí, pè náh sò fě nɔ n de n pi ò tnô. Pè dɔkɔ gběntũn yò, kye ò mé-nsah tírrle, té sèkùkù mè tiki mo kéne pwáhle ò sě sě kwáh yò ò yah sɔkɔ. ⁵ Wáh kè wɛ, pè sě ò yò sě, à yo sèkùkù mè tyí nɛ: «N pídí, á tyípèl ye yò mo ò kɔ̃.»

⁶ Képah tẽne, *Liyel ògbò wěkɪ kwópú nónó-á sò me tẽnóle nénpó sɔkɔ, pè tyah n sò nɛ, ⁷ sò se pi, té dí mè n wɛkɪ sě nɪ? Liyel yĩn-á à n ykɪ. Ké névi se me kɪ fě tyípèl yò mo névi kɔ̃, né Liyel náh nɪ? ⁸ Képah sɔkɔ, wáh núkú pé fɔkɔ sònɔ wɛ sě, à yo pé tyí nɛ: «Sò pi, té yé fɔkɔ sònɔle sě? ⁹ Nê tẽ dòdò kal, à yo sèkùkù mè tyí nɛ, ò tyípèl-á yò mo à kɔ̃, képah náh pi, à yuku, ò sě sě kwáh tɔkɔ nɛ n kɔ? ¹⁰ Nte, yé pĩ nɛ, tẽnwenɔ-á me *Névi Pi tyí, kɪ fě tyípèl yò mo névye kɔ̃, té à sah sétáh yò.» ¹¹ Képah ye, à yo sèkùkù mè tyí: «Mé kéle n yo á tyí, yuku, á sě sě kwáh tɔkɔ, ò nɛ n yuku á gbò.»

¹² Nénpó swɔ, dí núkú yuku ò sě sě kwáh tɔkɔ sɔkɔ no pól yí yah. Kè pé pól gbàn du. Pè tyah Liyel yĩnne n gbilki, té me n yo nɛ, pé náh sěnkò wɛ yah.

Yesu Levi ye

¹³ Képah náh, Yesu tɔ ò syɪ yuku Kalile yó-ògbě gbòpɔ. Tówù pól sò me n pɔ n pɔ ò tyí, à péle n kwɔ. ¹⁴ Wáh pɔ n sɔkɔ, à Alfe pídí Levi wɛ tẽnóle mórí syí-nsah wòkò. A me yo ò tyí nɛ, à yuku pé sò tẽ. Levi mó yuku ò sò tẽ.

¹⁵ Páh kyɪ tyah yòkele n yò Levi tĩnne gbí nêne, mórí syípú, ànê Liyel wěkɪ kó-ńkěpú náhnáh sò me n yò ònne, ànê ò *tò sáhpule. Kéne névye dùkú náhnáh ye sò me ò sò tẽ, képah ye. ¹⁶ Képah sɔkɔ, *Liyel ògbò wěkɪ kwópú nónó-á sò *Farisiyẽnɔle, pépi-á

à we à me n yõ ànê kéne névye dùkùle, pè yo n tò sáhpú tyí ne, kù se pi, té à n yõ mórí syípú, ànê Liyel wěkì kó-nkěpúle fí núkú nì? ¹⁷ Yesu-á kéne wey noh sě, à yo pé tyí: «Névye nónó-á me lènole, sènpì yétô se me pé tyí? Yámpú tyí náh sènpì yétôle di? Névye nónó-á n sô ne, névye tír tír-á péle, mé náh pò pépi ye yinne. Nte, nónó-á pĩ ne, tyípèl pí-pú-á péle, pépi yé-nsah ye mé pò.»

Yesu-á nê yo níkì těno tyí soko

¹⁸ Só yóle, *Wèlnwìkì-ò Nsyõ tò sáhpú ànê *Farisiyěno sò me níkì tě. Névye me kyí Yesu piki yah ne, kù se pi, té Nsyõ tò sáhpú ànê Farisiyěno tò sáhpú me níkì tě, té ñmò *tò sáhpú náh me sěntěne n pi nì? ¹⁹ Wáh képah noh sě, à yo pé tyí: «Yépi tě sòno soko, fúr pí-ò-á nónó ye, pè se kì fě fúr yòke yahle, té kì fúr pí-ò sah pé niyó? Pè tě-à fyò me pé niyó, pé náh fě yòke yahle n pi. ²⁰ Nte, gbí me n pi, pè kì pò pè mè wilki pé niyó. Ké lésòle, pè kì pyě níkì tě.

²¹ Névi yó nítě náh fě fwo sán tóko, à kì fwo dyàh min n pi. Wáh képah pi, fwo sán kì fwo dyàh kù-nsah téy yorì yikì nítò, ké pwàh kì gbè mò. ²² Anê tō, névi náh fě ñivě sán mò n pi pley di soko. Ñivě sán-à fū, kè kì pley nópi sekì. Ñivě kì kwe, pley tò kì yikì. Képah ye, ñivě sán ye yĩne mónóle pley snó soko.»*

Yesu-á nê yo mi mi yòh tyí soko

²³ *Mì mi yòh só yóle, Yesu ànê n *tò sáhpú sò me n kò n kah sèmuko swěy yísyó soko. Képah soko, n tò sáhpú tyah sèmuko ywòle n kòli n yuku wěkì yah. ²⁴ *Farisiyěno-á képah we sě, pè tyah Yesule n piki n yah ne, à yah, kù se pi, té tir nê náh yĩne pínóle mi mi yòh sóle, n tò sáhpú kéle n pi nì? ²⁵ A me yo pé tyí: «Kwèkì-á lésò *Davidi ànê n náh névye kah tě só nêne, té yòke wé-nsah náh me pé tyí, pàh nê pi, yé náh kè kar yah di? ²⁶ A náh sò de Liyel wòkò soko di? Búrn nónó-á sò sàhnóle Liyel tyí yõ, à náh sè tóko tah, té n náhtàn tó kò pè tah di? Ké légbíne, Abyatar ye sò *sárká wìlkìpu yòtě ñgběne. Té névi yó nítě náh sò yĩne búrn nópi táhnóle, né sárká wìlkìpu yòtām náh.»† ²⁷ Képah náh, Yesu tō yo pé tyí: «Mì mi yòh ye sah névi yinne, nte névi náh mò mi mi yòh yinne. ²⁸ Képah ye, *Névi Pi pi mi mi yòh nítě yòtěne.»

3

Yesu dí yó de mò mi mi yòh sóle

¹ Képah náh, Yesu n syi de *Liyel ní-nsah wòkò yó soko. Ké nénpó soko, dí yó sò me gbòle kúnóle. ² *Farisiyěno mó tyah Yesule n yah, wàh kì ntyíno à de mò n pi *mì mi yòh sóle, pè mó lékàh we à kò. ³ Képah soko, Yesu me yo gbònkù dí mè tyí ne, à yuku n pò yĩn névye niyó. ⁴ Té no piki yah: «Tir nê wěkì me kónóle mi mi yòh sóle: Pèpòri se yĩne pínóle, tĩ pèkè se? A névi wilki kù soko, tĩ à tě ko mò?» Nte, pè náh tir yó yo. ⁵ Képah soko, wáh pè yah yah yésyěhle fòkònyàhnì soko, n yah kwò pé kùkùtáhkì tě tyí. A me yo dí mè tyí: «Á gbò tō!» A me n gbò tō, kè núkú pi ké vile. ⁶ Farisiyěno-á képah we sě, pè yuku wil kéne Liyel ní-nsah wòkò soko, à núkú kyí wě tuke mò ànê yòtě dí *Yeròdi náh névyele Yesu tyí soko, pàh kì pi sò, té à we n ko n mò n pi.

Tówù ñgbě yó pò Yesu tyí

* 2:22 2.22 - Pè sò ni ànê wò wò yile n mò pilki soko ñgbòle. † 2:26 2.26 - Yah n te 1 Samuwel 21.2-7 soko.

⁷ Képah nâh, Yesu ànê n *tò sâhpú yuku Kalile yó-ngbê gbòpò, té tówû n̄gbê yó sò me n̄ sò tē. Pé túkù n wil Kalile, túkù mó n wil Yude, ⁸ ànê Yerusalemi. Túkù n wil Yidume, túkù n wil Yurdē yónkahnine. Túkù mó n wil Tiri ànê Sidō gbòplo kwlo sòkò. Kéne tówû n̄gbê ye kyi wil n̄ tyí. Pè sò n̄ tyípinó noh, képah yin ye. ⁹ Kăh pi sē, Yesu yo n̄ tò sâhpú tyí ne, pé krótókè yó tō sah pé kō, tówû káh pò pé fyāh. ¹⁰ Wāh sò me névye náhnáhle n de n mɔ, yámpú pól sò me n to n tuke n̄ yō ne, pé we tū n̄ tyí. ¹¹ Té *sétàn-á sò me nónó sòkò, pāh à we, pé pé gbètukunole n di n pò n̄ yah, té n yo n̄ tyí dénsyinò sòkò ne, Liyel pi-á n̄ne. ¹² Képah sòkò, à díri kō pé yō, té ne, pé káh pé dùkùle n yo.

Yesu népî gbõnimí yah wilki pi n̄ tò sâhpúle

¹³ Sò yóle, Yesu dɔkò yōli yó yō, té wāh sò me nónó tyí, à pé ye. Pè pò n̄ tyí. ¹⁴ Sē ye sò, à yah wilki kène népî gbõnimíne, à pi n̄ tònpiɔle. Ne, pé ne n me pé tnô, pé ne n we n tō pé wey pèpey yo n kō yinne. ¹⁵ Té tēnwenole pé kō nê-á kɪ fē *sétàn yīni n wilki n pi. ¹⁶ Népî gbõnimí n̄opi yīni we yò: Simole, Yesu n̄mɔ yin sah Pyerile. ¹⁷ Nsyaki ànê n̄ gbēndí Nsyōne, pépile, Sebede wēnpī ye sò. A pépi yin sah Gbanersyesile, ké yō ye «nónó-á gbēséntáhkì sō». ¹⁸ Andre tɔ sò me, ànê Filipe, ànê Bartelemi, ànê Matye, ànê Toma, ànê Nsyaki, nê-á Alfe pídine. A tahlɪ Tade, ànê Simole, nê-á sò n̄ sú fō yō yōpu sòkò yóle, ¹⁹ ànê tō Yisikaryoti Yudasile, nê-á pò vi Yesu nâh.

Yesu gbôtān pò ne, pāh n̄ne n tē n sòkò

²⁰ Képah nâh, Yesu de gbô. Tówû tō tuke n̄ yō. Wró n̄tē nâh sò me n̄mɔ ànê n̄ *tò sâhpú tyí yōke yō yō tēne. ²¹ N gbôtān-á képah noh sē, pé yuku wēkì tē ne, pāh kɪ kyi à tē, té n yo wē tyí ne, n̄ lékām-á fēkɪ, wāh kah mɔ.

Yesu n̄ tyí kàhnó yáhnkōpu yahle n yo

²² Légbine, *Liyel n̄gbò wēkì kwópú nónó-á wil Yerusalemi sòkò, pépi ne n̄kē, *sétàn yòtē Belsebul-á me Yesu sòkò. N̄mɔ tãhkì-á à kō, à tē we *sétanne n yīni n wilki névye sòkò. ²³ Képah tēne, à pé ye, té tyah n wēkɪ pé tyí sēmīrn sòkò: «Sò me sétàn yòtē kɪ fē n̄ gblōy yīni wilki névi sòkò? ²⁴ Yòtōrí núkú névye-à tyah wēne n fwo, kéne yòtōrí nâh n mo n pi. ²⁵ Kéte nê névye-à tyah wēne n fwo, kéne kéte tɔ nâh n mo n pi. ²⁶ Sēntē ó ye, sétàn yòtē-à yuku, à n̄ tãhkì tɔkɪ, à tyah wēne n fwo, n̄ yòtōrí kɪ ykɪ, kè nâh n mo n pi. ²⁷ Névi yó n̄tē nâh fē de n pi kètēnpe tãhkì wòkò, kɪ n̄ gbān yī tɔkò, né à nâh à tē pukubi. Wāh à tē pukubi te gbí nēne, à kɪ pyē n̄ wòkò yī kwel. ²⁸ Mé kéle n yo yé tyí kēgbɪ yō: Névye-á tyípél nónó pólle n pi, ànê Liyel gbyónó pólle, sè kɪ fē yō mɔ pé kō. ²⁹ Nte, névi nê-à *Liyel Mírki gbyò, kè nâh n yō n mo n pi n̄ tyí pólle. A kɪ wū ké sòkò.» ³⁰ A képah yo sē pé tyí, pāh sōnpi yo ne, sétō-á me n̄ sòkò.

Nónó me Yesu pi n̄ yú ànê n̄ yúpyéle

³¹ Képah nâh, Yesu-á sò me n̄yāh, n̄ yúpyé ànê n̄ yú pò yīni tē kéne gbô yah, té ne tekɪ mɔ à kyi à ye. ³² Tówû sò me kō tē Yesu mɔ gbí, té pé yo n̄ tyí ne, à noh yò, n̄ yú, ànê n̄ yúpyé-á me kégbó. Pāh me ké tyí ne, pé à we. ³³ A me yo pé tyí: «Nê me n̄mɔ yúne, ànê nónó me n̄ yúpyéle?» ³⁴ Képah nâh, névye nónó-á sò me tē à mɔ gbí, à yō pé yah kore vi, té yo: «Yé yah, n̄mɔ yú, ànê n̄ yúpyé me ásô. ³⁵ Névi nê-á Liyel n̄vile n pi, n̄mɔ ye n̄mɔ yúpi, ànê n̄ yúne.»

4

Sèmukɔ mir-ò sèmìrkìlɛ

¹ Só yóɛ, Yesu tɔ me tyah névyeɛ n kwɔ Kalile yó-̀ngbɛ̀ gbòpɔ sɔkɔ. Tówù ògbɛ̀ yó pɔ à mɔ gbĩ. Pè tnónkàhnó tɛ tyí, à de kɔ̀ tɛ krótókè yó sɔkɔ. Krótókè mè sò me yo sɔkɔ, té tówù pól me tɛ̀nóɛ yóngbalɔ. ² A sò me péle n kwɔ tyi náhnáhlɛ sèmìrn sɔkɔ, me n yo pé tyí ò kwónó sɔkɔ ne: ³ «Yé noh! Só yóɛ, dí yó sò kyɪ ò swãh, sèmukɔ mir-̀nsah. ⁴ Wãh me mírnó sɔkɔ, yísyó syɪkɪlɪ wɛ̀gbalɔ sɔkɔ, kèpye pɔ sè yo. ⁵ Yísyó me syɪkɪlɪ yen kwéy tɛ̀-̀nsah légbí yò, té fi súú. Yen gbɪ náh sò me nénpó, kèpah ye. ⁶ Gbĩ-á pɔ vyãh sè tɛ̀, sè kɔkɔ. Yãhnì gbɪ náh sò me sé tyí, kèpah ye. ⁷ Yísyó me kyɪ syɪkɪlɪ pãn nɪyó. Pãn nópi me yuku fyãh sé yò, sè náh tɛ̀ we pye pɪ. ⁸ Nte, yísyó kyɪ syɪkɪlɪ sétáh pèpey sɔkɔ. Sépi me fi, à kyãh palle. Túkù pyenɔ yògbãm pɪ, túkù tikitóní pɪ, sé túkù mó lèkwɛ̀ pɪ.» ⁹ Kèpah náh, à tɔ yo pé tyí: «Níkí-á kɪ me nê tyí noh noh tɛ̀ne, tɛ̀ ò níkí sah noh.»

Yesu sèmìrn yáhnó yòɛ

¹⁰ Yesu-á yal tówù tnò gbĩ nêne, nónó-á níkɛ̀ne ne me òne, pépi ànê ò *tò sáhpú nêpí gbõnimí me òne n piki n yah sèmìrkì mè yòɛ. ¹¹ A mó yo pé tyí: «*Liyel tɔrí tyi nónó-á wòbìnóɛ, sé pnènó ye yépi tɛ̀ wɔ kɔ̀, nte kégbó névye tyí, tyi pól n yo sèmìrn ó sɔkɔ.

¹² Kèpah sɔkɔ, pè kɪ n yah díkídíkí, té pè náh kwãh yó we n pi.

Pè kɪ n nohni, té pè náh tir yó pĩ n pi.

Né kèpah náh pɪ, pè náhkɪ pé pɪ òkù vi mɔ, à pé gblòyne Liyel kɔ̀, té náhkɪ pé tyípèl yõnmɔnɔ we.»*

Yesu sèmukɔ mir-ò sèmìrkì yò yo

¹³ Yesu tɔ yò sɔkɔ yo pé tyí: «Yé náh sèmìrkì mè yò pĩ di? Nte, yé kɪ sèmìrn téló yò pĩ sɔ? ¹⁴ Sèmukɔ mir-òɛ, Liyel wey ye à n mir. ¹⁵ Té névye túkù me, á kɪ ne wɛ̀gbalɔ sɔ, wey-á mir mɔ nýãh sɔkɔ: Pépi-à wey mè noh, nénpó swɔ, *sétàn yòtɛ̀ n pɔ wey mè wilki pé fɔkɔ. ¹⁶ Túkù tɔ me légbí tɛ̀-̀nsah sɔ. Pàh wey mè noh, pè kè fɛ̀ n syi nìvìnìne. ¹⁷ Té pè náh n ye wey mè yãhnìne n mɔ pé sɔkɔ. Nénpó swɔ névye ye péle. Kèpah ye, kwónó-à pè yini tɛ̀, kèpah náh pɪ, névi-à pè fòh Liyel wey yinne, pè pé náh vi súú Liyel wey kɔ̀. ¹⁸ Túkù mó tɔ me, á kɪ ne pãn tɛ̀-̀nsah sɔ. Pàh wey mè noh, ¹⁹ kèkòyó tyi fɔkɔ sònɔ, ànê tahrɪ ànê tyi náhnáh dékè n de pé sɔkɔ. Sépi n pɔ wey mè fyãh, kè náh n tɛ̀ n we pyeɛ n pɪ. ²⁰ Névye túkù mó me, á kɪ ne sétáh pèpey sɔ: Pépi-à wey mè noh, pè kè fɛ̀ n syi, ò té pye pɪ. Túkù pyenɔ yògbãm pɪ, túkù tikitóní pɪ, túkù n mó lèkwɛ̀ pɪ.»

Fòtnò ànê sãh sãh dú sèmìrkìlɛ

²¹ Kèpah náh, à tɔ yo pé tyí: «Névi se kɪ fɛ̀ fòtnò soh, té kɪ dú kwĩnki mɔ ké yah, kèpah náh pɪ, kɪ kè dah mɔ sɛ̀ sɛ̀ kwãh sètãhkì sò? A náh kè òkɔ n mɔ n pi ké sãh-̀nsah di? ²² Tir yó òtɛ̀ náh me wòbìnóɛ, nê náh n wilki n mɔ n pi kégbó. Sètìn sò tir yó òtɛ̀ náh n wũ n pi wɛ̀kí-̀nkɛ̀ne. ²³ Níkí-à me nê tyí noh noh tɛ̀ne, tɛ̀ ò níkí sah noh!»

²⁴ Té tɔ ò syɪ yo pé tyí: «Yáh tyi nónóne n nohni, yé séle n kyomɪ palle. Yáh no téló tyíɛ n sãh dú nêne, Liyel kɪ yépi tɔ tyí sãh n pi kéne dú núkúɛ, té òhnìnó òtɛ̀ kɪ we yépi tyí yò. ²⁵ Kwãh-á me névi nê tyí, òhnìnó kɪ pɪ ò tyí yò òtɔ. Té, névi nê tyí kwãh náh me, kwéy nê-á me tɛ̀ tyí, kèpah tɔ kɪ tɛ̀ syi ò tyí.»

* 4:12 4.12 - Yah n te Yesayi 6.9 ànê 10 sɔkɔ.

Sèmìrkì nê-á yāh sèmuƙo fínó tyí yō

²⁶ Képah náh, à tō yo pé tyí: «Yé yah, kwāh nê-á *Liyel tǒrí kètòle: Kè me, á kɪ ne dí yó sǒ nê-á sèmuƙo mir ñ swāh sɔko. ²⁷ A me n do ò, à me n yah ò, lékâh ànê ké gbìntǒ, sèmuƙo n ne me fi, n ne n kyāh, à náh ké dùkùle n pne. ²⁸ Sétáh ye sèmuƙo mè kō kè fi ké gblǒy. Sè kètuke wil à pɔ dubi pɪ ywǒle, à yí pɪ. ²⁹ Sǎh fyò ko te, sèmuƙo tɔko gbí-á nɔ, à yěnkwěkì tɔko kyɪ tyah séle n kō.»

Mútárdì pi sèmìrkìle

³⁰ A tō yo pé tyí: «Á kɪ fě kwāh nê tɔko kɪ *Liyel tǒrí dùkù wěkɪ? Képah náh pɪ, sèmìrkì nê me mé kɪ yāh kɪ yīne kéle?»

³¹ Kè me, á kɪ ne mútárdì pi sǒ tyí. Kè yilo kal sèmuƙo duke pólle. ³² Té, pàh kè duku, kè n yuku n pɔ n pɪ yòhkì ñgběne n kal sèmuƙo duke pólle swāh sɔko. Nte, yǐngbǎn gbekɪ dò, kèpye kɪ fě pɔ syè pɪ ké sɔko.»

³³ Sě ye Yesu n kwɔ névyele sèmìrkì mè duke náhnáh sɔko. A sǒ me séle n yāh n yīne sé nòhnìpu pĩ pĩ tēne. ³⁴ A náh sǒ n yāh pé tyí sèmìrn mí-ńkēne. Té, pàh me pé yahle, ñmɔ ànê ñ *tǒ sǎhpúle, ǎ sé pól yah yo n dal n mɔ pé tyí.

Yesu yáhpékè yó yīn mɔ yó-ñgbě sɔko

³⁵ Ké lésǒ nívine, Yesu yo ñ *tǒ sǎhpú tyí ne, pè ye, pé yuku yó-ñgbě kahnune. ³⁶ Képah sɔko, pè me yal tówù tnô. Wǎh sǒ me krótókè nê, ñ tǒ sǎhpú sɔko ñne képah sɔko. Té krótónénó yísyó tɔ sǒ me ñne. ³⁷ Dǒ, yáhpékè yó kō, à nine n tɔko n mɔ krótókè sɔko pópó, kè pɔ n tyah yúkúnóle nine. ³⁸ Té légbine, Yesu sǒ me sě tē n do krótókè sɔko náh tīne, té me ñ yǒ sah yǒsah yǒ. Képah sɔko, ñ tǒ sǎhpú kyɪ à yilki mɔ, té yo ñ tyí ne, kwó-ò dí, yó-á n tyah pé yónóle, kè kó me tirlé ñmɔ tyí nɪ? ³⁹ Wǎh do yuku, à dírí kō yáhkí yǒ, té yo yo tyí: «Yīn! Tě syísyí!» Yáhkí núkú yīn, tyah pɪ súmm. ⁴⁰ A me yo pé tyí: «Kú pɪ, té tíkí yé tē sě? Yé náh tǒnì sě ní yǒ di?» ⁴¹ Képah tēne, tíkí me pè kah tē. Pè tyah wēne n piki n yah ne, ne dùkù nê se dí mēne, té yáhkí ànê yo tɔ n sah ñ tyí yǒ nɪ?

5

Yesu sétàn yīni wilki dí yó sɔko

¹ Képah náh, pè kyɪ yīni tē Kalile yó-ñgbě kahnune, Yerasa tǎn sétáh yǒ. ² Yesu-á fyò n tiki krótókè sɔko, nénpó swɔ, dí yó wil léyâl wró, à pɔ à yohnɪ. *Sétǒ sǒ me kéne dí sɔko. ³ A sǒ me tēnóle léyâl wró. Névi náh sǒ fě à pukubi n sah n pi kéy fyéle pólle. ⁴ Kèyahle, pè ńkēne kárn mɔ ñ gbyêh tyí, ñ té kěló mɔ ñ gbǎn tyí, té à kárn kwɔkɪ, ñ té kěló kǒlɪ. Kǎh pɪ sě, ké tǎhkì náh sǒ me ñnì yó nítě sɔko, kɪ fě à tē sah. ⁵ Ké lékâh, ké gbìntǒ, à sǒ ńkēne n ne n kɔ n kō léyâl wró ànê ymɔ sɔko, n ne n de n syi, ñ gblǒyne n pɪ n yo n kō dyêhle.

⁶ Té, wǎh Yesu we fíí sɔko, à to pɔ gbètukunɔ di ñ yah. ⁷ Té de syi yǐnpǒ ñgběne ne, Yesu, pé yòtah Liyel pi, kwāh nê se à n yah n kō pé tyí nɪ? Páh ñne n ni Liyel yīn yǒ, à káh pé fōh. ⁸ Yesu sǒ me n yo sétǒ mè tyí ne, à wil dí mè sɔko, képah ye. ⁹ Té me à piki yah ne, ñ yīn se sǒ? A me ne, pé yīn-á Měfwóbé Kwīnkile. Páh me dò, képah-á. ¹⁰ Té me à gbah ni ne, à káh pé yīni wilki kwil mè sɔko.

¹¹ Ké nénpó sɔkɔ, sel kwĩnki yísyó sò me n yah n yõ n kã yõli yõ. ¹² Sétàn nópi Yesu ni ne, páh kɪ wil dí mè sɔkɔ, à ye pé kã, pé de sel nópi sɔkɔ. ¹³ A me ké wěkile sè kã. Légbíne, sè me wil dí mè sɔkɔ, té kyɪ de sel nópi sɔkɔ. Sel kwĩnki ye sò séle, sè kɪ fě nɔ sel kèyõ kénkõle, té me téyõ. Sè núkú to tiki tükütükù, à kyɪ de yó-̀ngbě sɔkɔ, kè kã kè sè yõ.

¹⁴ Kãh pi sě, sel nópi fěpu to sɔkɔ kwil nɪyó, ànê gbno sɔkɔ, à kyɪ ké òkù yo kã no tyí. Képah tēne, névyé pɔ ké nénpó, à pɔ ké òkù yah, sã-á kè pi. ¹⁵ Pè kyɪ Yesu tnò, té kyɪ dí mè we, nê-á sò sétàn kwĩnkile déntēnóle ò sɔkɔ. A sò me flo mɔ kã tē, té me tírr névyé tyí kòle. Kãh pi sě, tíkí pè tē. ¹⁶ Tir nê-á pi sétàn nédéné sɔkɔ ànê sel tyí, sé wépu tyah séle n yãh pé tyí. ¹⁷ Képah sɔkɔ, kwil tãh tyah Yesule n ni ne, à yal pé kwil sɔkɔ.

¹⁸ Kãh pi sě, Yesu-á n òkò krótókè sɔkɔ gbí nēne, sétàn-á wil dí nê sɔkɔ, à tyah òne n ni ne, à ye pé kã pé ò sò tē. ¹⁹ Nte, à náh ké wěkile à kã, té me yo ò tyí: «Á syi n kyɪ gbò! Tē-̀ngbē-á ò ògbèkì sɔkɔ pèpɔri ògbē nê pi á tyí, ò kyɪ ké yah yo pé tyí!» ²⁰ Dí mó ntyínò ò syi kyɪ kéle n yo n kã Kwlogbãh kwil sétáh yõ, tir nê-á Yesu pi ò tyí. Nónó pól-á kéle n nohni ò tyí, pé gbàn du.

Yayirusi písê yílkínmɔnɔ, ànê pi nê-á tũ Yesu fwòmɔn tyí

²¹ Képah sɔkɔ, Yesu-á yĩni tē yó-̀ngbē kahnune krótókè sɔkɔ, à sò me yóngbalì sɔkɔ, té tówú ògbē yó pɔ à mɔ gbí. ²² Légbíne, *Liyel ní-̀nsah wòkò yòtē yó yĩni tē nénpó, nê yĩn-á Yayirusile. Wãh Yesu we, à gbètukunɔ di ò yah, ²³ té à gbah ni ne, pé písê lépír-á me n tyah kúnóle. Páh òne n ni, à pɔ kyɪ ò gbàn sah ò yõ. Képah-à pi, wãh kɪ de, té kɪ min we. ²⁴ Képah sɔkɔ, Yesu me yuku òne. Té tówú ògbē sò me ò sò tē, me à fyãh sah ywõ ywõ pólle.

²⁵ Nénpó sɔkɔ, sê yó sò me náhle n yo tyé-̀nkēne ye gbõninó. ²⁶ A sò kah kwlo kègbile ò gblóy mónó sɔkɔ sènpibi náhnáh tyí. N gbàn yí pól sò tyé, té kè náh kwãh wilki ò yah sɔkɔ. Kè pyé me gbe óle n gbe mɔ. ²⁷ Pi mè-á Yesu tyí noh nýãh sɔkɔ, à de tówú nɪyó ò náh tĩne, à kyɪ tũ ò fwòmɔn tyí. ²⁸ A sò me n sò ò fòkò sɔkɔ ne, páh náhki we tũ ò fwòmɔn ó tyí, pé nýân-á náhki tyé. ²⁹ Wãh mó núkú tũ ò fwòmɔn tyí, nénpó swɔ, ò náh yónó tyé. A kè kyomɪ we ò wil sɔkɔ ne, páh de. ³⁰ Nénpó swɔ, Yesu pĩ ne, tãhkì yó-á wil pé sɔkɔ. A me ò yah vi tówú nɪyó, té piki yah ne, nê se tũ pé fwòmɔn tyí ni? ³¹ N *tõ sáhpu me yo ò tyí ne, à kó me n yah tówú à mɔ gbí, me à fyãh sah ywõ ywõ pólle, té à tã me n piki n yah ne, nê se tũ pé tyí ni? ³² Nte, Yesu me vi ò gbòplo névyé yah. A sò me ké tyí ne, pé ké pí-ò we. ³³ Képah tēne, pi mè wil n syah tíkí tyí. Nmɔ sò pĩ tir nê-á pi ò sɔkɔ. A yuku kyɪ gbètukunɔ di Yesu yah, té ké gbɪ yo dal mɔ à syah. ³⁴ A mó yo pi mè tyí: «N písê, nímɔ yõ sēnó ye ò de mɔ. Ne n yuku yèvinɪ sɔkɔ, á nýân tyé.»

³⁵ Wãh me képah yónó sɔkɔ sě, tēntò yó wil Liyel ní-̀nsah wòkò yòtē dí gbò, me pɔ n yo kéne dí tyí ne, ò písê-á ku. Nkē, yõ se tã me ké tyí, à tã kwó-ò díne n kwlo ni? ³⁶ Té Yesu náh ò níkí sah képah tē noh pé tyí, té me yo Yayirusi tyí: «Káh tíkí pi, sě ó sě ní yõ!» ³⁷ Képah tēne, páh n sɔkɔ, à náh fě syi ne ò sò tē, à wil Pyeri ànê Nsyaki ànê ò gbēndí Nsyó tyí sɔkɔ. ³⁸ Pãh kyɪ de Liyel ní-̀nsah wòkò yòtē dí gbò, Yesu kyɪ névyé we, pé me n gbo n mir n kã, me n de n syi. ³⁹ A me de wòkò, té yo pé tyí: «Kũ pi, té yé n gbo n mir n kã sě? Piri náh ku. Dónó ó ye à n ò.» ⁴⁰ Névyé-á képah noh, pè tyah kòle òne n ko. Képah sɔkɔ, à pé pól wilki wòkò sɔkɔ. Té piri sú, ànê ò yú, ànê

̀n tò sáhpú népî tǔmí ó de ñne piri mé-ńsah wòkò. ⁴¹ A me piri gbò tē, té yo ñ tyí pé kwil wey sòko: «Talita kumi!», nê-á pè n ye: «Pípír, mé kéle n yo á tyí, yuku!» ⁴² Ké nénpó swò, piri yuku tyah n kò. Kǎh pı sě, kè névye pól gbàn kah du. Légbíne, ñ ye gbõninó ye sò. ⁴³ Té Yesu me ké gbah yo pé tyí ne, pé káh ye névye pĩ ké sòko, nkě, pè mó yòkele à kò à yõ.

6

Nasareti kwil névye náh sě Yesu yõ

¹ Yesu-á yal ké nénpó, à kyı ànê ñ *tò sáhpúle, wǎh sò kyǎh kwil nê sòko. ² *Mı mı yòh só-á nò, à kyı de *Liyel ní-ńsah wòkò, à tyah névyele n kwò. Nónó-á sò me n nohnı ñ tyí, pé náhnáh gbàn du. Pè tyah n yo wě tyí ne, nıyǎh se à we kéle, nê se à kò kéne lékám ànê tǔnwenole, à fě gbıl mè dùkùle n pı nı? ³ Nkě, ñmò kó sésân sé-ò mène, Mari píđine nı? N yúpyé kó Nsyakı, ànê Yose, ànê Yude, ànê Simole nı? Nmo dósyó kó pé pól wró sòko ásò nı? Képah sòno ye pè kò, pè náh sě ñ yõ. ⁴ Képah sòko, à me yo pé tyí: «*Liyel tǔntò syınyo-ò me gbılkinóle névye pól tyí, à wil ñ súfó, ànê ñ no, ànê ñ kététn tyí sòko. Pépi ye ñne n yilo.» ⁵ Képah ye Yesu kò, à náh fě gbıl yó ntě pı pé tyí, né yámpú yısyó ó yõ náh. A ñ gbò sah pé yõ pè kò pè de. ⁶ Té, ñ kwil névye-á yahle sǔnóle ñ yõ sě, kè ñ gbàn du.

Yesu ñ tò sáhpú népî gbõnimí tō

Képah náh, à yuku gbòplo kwlo sòko, à kyı névyele n kwò n kò. ⁷ Képah sòko, à ñ *tò sáhpú népî gbõnimí ye, té tyah péle n tō nímí nímíne. Té tǔnwenole pè kò *sétàn yõ. ⁸ Té me kè gbah yo pé tyí ne, pǎh n sòko pé kóló sòko, pé káh kwáh yó ntě tòko, à wil pé kò kò lépló tyí sòko. Pè káh yòke tòko, pé káh pilki tòko, pé káh pò tòko dah mò pé yõ. ⁹ Pè lékyèh wò dyı, té pè káh fwòmòlòno nínó nínó mò. ¹⁰ Té tō yo pé tyí: «Yǎh kyı kwil yó sòko, té twah nê tyí, yé tē nénpó, kè pò nò yé yálnó tyí. ¹¹ Kwil nê névye-à kyı yahle ne, yé káh twah pé tyí, té yahle yé wey nóhnóle, yǎh n wil kéne kwil sòko, yé yé gbyèh nǔngbõ kwer n kwe nénpó. Képah kı pı gbáhdıyǎh dınsǎhnóle pé tyí.» ¹² Képah sòko, ñ tò sáhpú me sòko, à kyı tyah n yo n kò no tyí ne, pè pé nno vi mò. ¹³ Pè sò me sétàn náhnáhle n yĩni n wilki névye sòko, té me yámpú náhnáhle n de n mò, pǎh nıri tuke te tē tyí.

Wèlnwılki-ò Nsyõ ku dùkùle

¹⁴ Légbíne, yòtē dí *Yeròdi sò me Yesu tyípínóle n nohnı, tir yó náh, ñ yĩn sò me n gbılki ywõ ywõ pól sòko. Túkù ne nkě, *Wèlnwılki-ò Nsyõ-á ñne, wǎh ñ syı wil lékyı wró, à pò. Képah-á à kò, à tē we gbılínóle n pı. ¹⁵ Té, túkù mó ne, *Yeli-á. Túkù tō ne, *Liyel tǔntò syınyo-ò yó-á, ñgbò Liyel tǔntò syınyo-ò sò. ¹⁶ Yeròdi-á sépi pól yónó noh sě, à ne, Nsyõ-á, pǎh sò pè kò pè ñ yõ kám, té wǎh ñ syı yuku gbáh!

¹⁷ Kègbı yõ, Yeròdi sò pè kò ne, pè Nsyõ tē pukubi dah mò wòkònpèkè sòko. Yerodyadi yĩn ye à kò, à képah pı. Yeròdi sò pi mè tòko kyle. Té ñ gbëndí Filipe kyı ye lésò ñne. ¹⁸ Nte, Nsyõ ye sò ké gbıle n yo Yeròdi tyí ne, à náh yĩne à ñ gbëndí kyı tòko. ¹⁹ Kǎh pı sě, Yerodyadi sò me Nsyõ dyòle n yo, me ñ kònmò-ńsahle n yah n kò. Nte, à náh me ké syõ-ńsah we. ²⁰ Yeròdi sò me Nsyõ yòle n syıki, képah ye. A sò me ñ tíkile n pı. A pĩ ne, wǎh me tírr pi kéne Liyel yah. Wǎh sò ñ welole n nohnı, kè ñ fòkò fěki. Té, ñ welo tyí sò kah nò ñ tyí.

²¹ Képah soko, Yerodyadi po syõ-nsah yó we, Yerodi dúbínó yòh v̄inpono syáh syah sóle. A sò ò t̄õrí soko né-ngbno ye, ànê ò méfwóbé yõtãmne, à tahlí Kalile yõtãm pól tyí, té yõke ògbẽ pi pé tyí. ²² Képah soko, Yerodyadi písê de kyí yõ yi pé mé-nsah wòkò. Kãh pi sã, ò tyí no Yerodi ànê ò náh névyé tyí. A me yo pípír tyí ne, wàh kɪ me kwáhdúkú nê tyí, à kè yo, páh kɪ kéle à kō. ²³ Té ò wo ò tyí ne, wàh kɪ kwáhdúkú nê tyí yo, páh kɪ kéle à kō, kàh kɪ sō pi pé yõtõrí tónine. ²⁴ Wãh yo sã, pípír me wil kyí ò yú piki yah ne, pé se ȳne pé kwáh nê tyí yo ni? N yú mó núkú à syah ne, à kyí yo ò tyí ne, à Wèlnwìlkì-ò Nsyõ yõle pé kō.

²⁵ Képah tẽne, pípír núkú ò syi súú, à po yo yõtẽ dí tyí ne, à po pé kō Wèlnwìlkì-ò Nsyõ yõle yẽvíkì soko núkúnúkú yò. ²⁶ Wãh yo sã, kè pi yèkworile yõtẽ dí Yerodi tyí kègbile. Té, à náh sò me ké tyí ne, pé pé vyãh vi pé wónó yinne pé náh névyé yí yah. ²⁷ Nénpó swò, yõtẽ dí núkú ò tyah syíkípú soko ne yó tekɪ mɔ ne, à kyí Nsyõ yõ kãm po. Kéne dí mó kyí Nsyõ yõ kãm wòkònpèkè soko, ²⁸ té po kéle pípír kō yẽvíkì soko. A mó kyí kéle ò yú kō. ²⁹ Nsyõ *tò sãhpú-á képah noh sã, pé po ò lékó tɔkò, à kyí yí léyẽkì soko.

Yesu népî kèyõ nínó kyegbãm kō yõkele

³⁰ Képah náh, Yesu t̄õnpɪbɪ pé syi po ò tnô, à po pé tyípínì ànê pé névyé kwò dukù pól yo à wèkɪ. ³¹ Té légbine, pópú ànê sókópú sò me dò. Yõke yõ yõ wró n̄tẽ náh sò me Yesu ànê ò *tò sãhpú tyí. Kãh pi sã, à yo pé tyí ne: «Yé po, á yuku gbòpòle, yé kyí mi yah kwéy.» ³² Pè me de pé yahle krótókè yó soko, à gbè mɔ névyéle. ³³ Té névyé náhnáh-á pé we sókó-nsah, pé n gbè n mɔ sã, pé me p̄, f̄ nê-á pé n yuku. Pè núkú wil ywõ ywõ pól soko tólóle gbáhkì yõ, à Yesupi dyàh tẽ kyí de nénpó. ³⁴ Yesu-á wil krótókè soko, té tówù ògbẽ mè we sã, pé yãm à tẽ. Tir yó náh, pé sò me, á kɪ ne yípẽ sõ, f̄-ò k̄ne sé tyí. Képah soko, à tyah péle ò kwò tyi náhnáhle.

³⁵ Nví-á po no, ò tò sãhpú no de ò tnô, té yo ò tyí ne, nví-á syi po no, té tyah mè-á gbènmonole. ³⁶ Wãh náh ké wèkile névyé kō, pé kyí yõke yah dwe gbòplo gbno ànê kwlo soko. ³⁷ A me yo pé tyí ne, pépi yõkele pé kō, pé yõ. Pè me à piki yah ne, à se ne, pépi yõke dwe pé kō pó pló lègbãmne ni? ³⁸ A me pé piki yah ne, búrn pló sõ se me pé tyí ni? Nkẽ, pé kyí yah te. Pãh kyí piki yah, pé po yo ò tyí ne, búrn pló kwló-á me pé tyí, ànê yẽnkɔ pló nínóle. ³⁹ Képah tẽne, Yesu ne, pé névyé pól kō pé kō tẽ t̄in t̄inne filkì yõ. ⁴⁰ Névyé mó kō tẽ t̄in t̄inne, lèkwèkwe ànê tíkiníní pó gbãm gbãmne. ⁴¹ Pãh kō tẽ te, Yesu búrn pló kwló ànê yẽnkɔ pló nínó n̄opi tɔkò, à ò yah yõ ȳnyõ, té wèkɪ Liyel tyí, té búrn kwòkɪ pé kō ne, pé dibi névyé kō. Té yẽnkɔ n̄opi tɔ dibi névyé pól kō. ⁴² Képah tẽne, pé pól yõ t̄õ, ⁴³ té pé t̄õ pé búrn ànê yẽnkɔ yónkwlonò téló tuke mɔ gbétóló yí gbõninóle. ⁴⁴ Té nónó-á sò yõke mè yõ, pé sò me díbí népî kèyõ nínó kyegbãmne.

Yesu kò yó-ògbẽ yõ

⁴⁵ Nénpó swò, Yesu ò *tò sãhpú kyí mɔ, pé de krótókè soko ne, pé yuku pé yahle yó-ògbẽ kahnine, Besayida kwil soko. Péwò mó tówù fin mɔ. ⁴⁶ Wãh pé fin mɔ te, à yuku yõh yó yõ, à kyí Liyelle n ni. ⁴⁷ Lékãh-á mɔ, krótókè sò me yo niyó, té òmò ó me kènkwãh yõ. ⁴⁸ Dõ, à ò tò sãhpú we, yãhkì me péle n yohni, pé me n kwlo krótókè vyónmònto-nsah. Tyah dal gbine, à tyah n kò n yuku pé tírrle yo yõtãh, à n yuku pé kál-nsah. ⁴⁹ Pãh à we, à n kò sã yo yõtãh, pé we ne, lékó mírkí yó-á, té tyah n de n syi. ⁵⁰ Pé pól-á à we sã, pé sãm yòkò. Nte, nénpó swò, à yo mɔ pé tyí ne: «Yé yé ni syãh,

ńmɔ ye. Yé káh tíkí pɪ.» ⁵¹ Té de krótókè sɔkɔ pé tnô, yáhkí mó yĩn. Kè pɪ gbě̀ndù̀nìne náhnáh pé tyí. ⁵² Wáh búrn pɪ dò gbíl nê sɔkɔ, pé náh sò ké òkù pĩ, képah ye. Pé lékám sò kah tekí ké pínóle.

Yesu yámpú dénmɔnɔle Yenesareti sétáh yô

⁵³ Páh yó-ńgbě kah, pé yĩni tẽ Yenesareti sétáh yô, té pé krótókè yĩn mɔ yɔ vyáh tyí. ⁵⁴ Páh fyò n tiki krótókè sɔkɔ, névye núkú Yesu yah pĩ. ⁵⁵ Páh noh ne, wáh me ńyáh sɔkɔ, pé n tyah pé yámpúle n twah pé sě sě yĩ sɔkɔ ywõ ywõ pólle, ne n pɔ n pɔ ñ tyí. ⁵⁶ Yesu-à de ńyáh òkù nê sɔkɔ, kwil ńgbnɔ ànê kwilpyé ànê gbɔ, névye pé yámpúnɔle n twah n pɔ ñ tyí pé tówú tükè-ńtã sɔkɔ. Pé n pɔ n tyah ñne n fal ne, à ye pé kô, pé we tũ ñ fwòmɔn vyáh ó tyí. Nónó pól-à fyò we tũ ñ fwòmɔn vyáh tyí, pé n mó n de.

7

Farisiyě̀nɔ ńgbò wàl kólóle

¹ Sò yóle, *Farisiyě̀nɔ ànê *Liyel ńgbò wě̀kì kwópú tükù wil Yerusalem, à tuke mɔ pɔ Yesu tnô. ² Pé pɔ kè kyɔmɪ we ne, ñ *tò sáhpú tükù-á me n yô gbě̀nsille. Pé náh me pé gbã̀ne n kãm n wu pé ńgbòtã tyí kóle. ³ Té, Farisiyě̀nɔ ànê *Nsyifunɔ téló pól sò ńgbòtã wě̀kì mè sàhnóle n kɔ. Pé náh sò yòkele n yô, né pé náh pé gbã̀n kãm wu palle. ⁴ Páh wil pɔ yòh sɔkɔ, pé náh yòkele n yô pé kãm̀nwèl-ńkẽne. Pé sò pé ńgbòtã pɪ òkù n náhnáh yísyó tɔ tẽ yĩ kègbule, sò-á wóhɔ, ànê pńí, ànê kėsên [ànê sě sě yínó] wúnó òkù pèpeyne. ⁵ Képah ye, Farisiyě̀nɔ ànê Liyel ńgbò wě̀kì kwópú me Yesu piki yah ne, kú se pɪ, té ñ tò sáhpú náh me ńgbòtã tyi sàhnóle n pɪ, té n yô pé gbã̀n kãm̀nwu-ńkẽne nɪ? ⁶ Képah sɔkɔ, à me yo pé tyí: «Gbɪ lésò me *Yesayi tyí, wáh Liyel wey nê yo yépi vyěy nini wékípú tyí sɔkɔ. Sě ye sò à wãrkɪ sah kéle:

«Kéne névyele, pé ńne n gbilki vyáh ó sɔkɔ, té pé nɪ me fíí ńne.

⁷ Nírí nê-á pé n ne n pɪ ńmɔ tyí, nònó ye kéle.

Tir yó náh, kwónó nê-á pé n ne n kô, névye sàhnó ye kéle, ńmɔ tyí náh.»*

⁸ Yesu tã yô sɔkɔ yo pé tyí: «Yépi Liyel tyi kònsàhnóle n milki, ñ té névye tyí sàhnóle n pɪ. ⁹ Yě n gbah n tẽ Liyel tyi kònsàhnó yahle, ñ té yé ńgbò wàlle n kɔ! ¹⁰ Sò-á sò *Moyisi yo ne, névi-á yĩne à ñ sú ànê ñ yũne n gbilki. Képah náh pɪ, névi nê-à ñ sú ànê ñ yú yilɔ, tẽ-á yĩne kònmɔnɔle. ¹¹ Nte, yépi névyele n kwɔ ne, névi-à yo ñ sú tyí, képah náh pɪ, ñ yú tyí ne, páh sò ne, pé kwáh nêne à kô, páh kéle Liyel kô te. ¹² Yě ké gbɪ syi tẽ kô ne, à náh tã yĩne à tir yó pɪ ñ sú tyí, képah náh pɪ ñ yú tyí. ¹³ Kéne pɪ òkù sɔkɔ ye, yě Liyel wey pɪ nònó tirlé yé ńgbò wàl kwónó sɔkɔ. Anê yě n tã sěnkɔ náhnáhle n pɪ.»

Tyi nónó-á névile n silki Liyel yah

¹⁴ Képah náh, Yesu ñ syi tówú ye tuke, té yo pé tyí: «Yé pólle, yé noh ń tyí, yé mó pĩ ne, ¹⁵ kwáh yó ńtẽ náh n wil kègbó, à n de névi sɔkɔ, té kɪ fě tẽ silki. Té, tyi nónó-á n wil névi sɔkɔ, sépi-á n silki ñne. [¹⁶ Níkí-à me nê tyí noh noh tẽne, tẽ ñ níkí sah noh!]]»

* 7:7 7.6 ànê 7 - Yah n te Yesayi 29.13 sɔkɔ.

17 Yesu-á yal tówû tnô, té kyí de gbô gbí nêne, n *tò sáhpú òne n piki n yah sèmìrkì mè yòle. 18 A me pè syah ne, lékám kě névyé se pépi tóle ni? Pè kó pĩ ne, névi-á kwâh nêne n dah n mo n vyâh, képah náh fě tě silki n pi ni? 19 Kè náh n de n ni soko. Kâh nkêne n de n kèkùrkì soko, à kô à n kyí n wilki n kwe, wâh de filkì. Kéne wey soko ye à yo pé tyí ne, yòkeno pól-á kú fě yò. 20 Té tó yo pé tyí: «Tyí nónó-á n wil névi foko, sépi ye òne n silki Liyel yah. 21 Foko sônó túkúni nónó-á n wil névi soko, sépi ye à kô, à ò minne n pi fòfíkì soko, ànê yĩbe, ànê kònmono, 22 ànê syó yò yíkinó, ànê yí yúkú-nkê soko, ànê népékè, ànê yívi, ànê sen kú-nkê soko, ànê dyó yónó, ànê névyé yin yíkinó, ànê gblöy gbílkinó, ànê tó lékám kě soko. 23 Kéne tyítúkúni pól n wil névi soko, à òne n silki Liyel yah.»

Yesu sétó yĩni wilki népô sê yó písê soko

24 Képah náh, Yesu yal nénpó, à yuku Tiri sétáh yò. A kyí wõbì twah gbô yó soko. A náh sò me ké tyí ne, ne pĩ ne, páh me nénpó. Té, à náh tě we wõbì. 25 Nénpó swò, pi yó sò me, *sétóle n písê soko. Wâh Yesu tyí noh sě, à nukú po gbètukunò di n yah. 26 Pi mène, *Nsyifu ne náh sò òne. A sò dubi Siri sétáh yò, Fenisi soko. Wâh po, à sò me Yesule n ni ne, à sétó yĩni wilki pé písê soko. 27 Képah tēne, Yesu me yo n tyí ne, à ye wēnpì ògbò kō, pé yò tō. Wēnpì yòke náh yĩne kè tókò mo pāhnpye kō. 28 Pi mè mó yo n tyí ne, gbí-á, pé Tě-ògbě. Nte, wēnpì-á yòkele n yò, yēnmîr nónó-à n sykli sétáh, pāhnpye kó nkêne sépile n tó n yò ni? 29 Képah soko, à yo pi mè tyí: «Á wey mè yinne, á syi n to n yuku. Sétó ye wil á písê soko.» 30 Kâh pi sě, à me n syi to yuku gbô, à kyí n písê we sēnóle sě sě kwâh yò. Sétó sò wil te n soko.

Yesu níkitû màhmàhkì wékí-ò yó de mo

31 Képah náh, Yesu yal Tiri sétáh yò, à kyí soko Sidò kwille, té pyě Kwlogbām kwil sétáh kah, à yuku Kalile yo òne. 32 Nósýó me níkitû yó tě po n tyí, màhmàhkì wékí-òle, té me à ni ne, à n gbò sah n yò. 33 Képah soko, à dí mè tě wil, à gbe mo tówûle, à kyí n kèngblo dah mo dí ní soko, té sìn mo, à tuke n nénpórí tyí. 34 Té n yah yò yinyò, à mi dokò, té yo dí tyí pé kwil wey soko: «Efata», nê-á pè n ye: «Yiki n mo.» 35 Nénpó swò, dí ní yiki mo, n nénpórí de mo, à tyah n weki tírr. 36 Té, Yesu me pé sni ne, pé kâh kéle n yo n kô névyé tyí. Té, wâh péle n sni sò, pé pyě wânne n mo ké yónkòno yò. 37 Pé gbàn kàhdunò tě tyí, pé tyah n yo wě tyí ne, gbí yò, n tyípinó pól-á me kah ple! Wâh níkitûbi nîne n yiki, té kedyòni nénpóríle n de n mo.

8

Yesu népî kèyò nínó kō yòkele

1 Kéne sèpìn soko, tówû ògbě yó tó sò me tükènmònòle Yesu tnô. Té yò yò kwâh náh sò me pé tyí sě, à n *tò sáhpú ye, té me yo pé tyí ne, 2 tówû mè yām-á me pé tě. Pé sèpìn tōni-á ànê péwòle yò, té yò yò kwâh náh me pé tyí. 3 Páh kú pè fin mo, pé soko kwekile, páh kú kah kwlo wěkì yah. Pé tókù-á n wil fíí soko. 4 Képah tě soko, n tò sáhpú yo n tyí ne, pé se kú fě we nyâh yòkele gbènni mè soko, kú pè kō, pé kú yò tó ni? 5 Á me pè piki yah ne, búrn pló sò se me pé tyí ni? Pè me ne, kwárnínó-á. 6 Képah soko, à tówû kō pé kō tě sétáh, té búrn pló kwárnino nópi tókò, à weyne Liyel kō, té sè kwòkú n tò sáhpú kō ne, pé syi dibi névyé kō. Pé mó sè syi dibi pé kō. 7 Yēnkýòpì yísyó tó sò me pé tyí. A weki Liyel tyí sé tyí yò, té ne, pé sé tó tókò dibi pé kō. 8 Képah tēne, pé pól yò tō, té n tò sáhpú yónkwlonò téló tuke mo tókò yí kwárnino. 9 Té nónó-á

sò me nénpó, pè nɔ nɛpî kèyõ nínó kénkõlɛ. Képah náh, à pè fin mɔ, ¹⁰ té mó núkú de krótókè sɔkɔ ànê n tò sáhpúle, à yuku Dalmanuta kwil sétáh yõ.

Farisiyẽno gbíl yah kɔ Yesu tyí

¹¹ Képah tẽ sɔkɔ, *Farisiyẽno pɔ tyah yékâble n pɪ Yesule, té n sòle n mɔ n yah nɛ, à gbíl yó pɪ pé yah, nê-á kè wɛkɪ n pi nɛ, wáh n wil Liyel tyí. ¹² Képah sɔkɔ, Yesu mɪ dɔkɔ náhnáh, té yo pé tyí: «Kú pɪ, té kwey gbí névyɛ gbílne n yah n kɔ? Kègbɪ yõ, mé kéle n yo yé tyí, gbíl yó nítẽ náh pè wɛkɪ n pi!» ¹³ Té yal pé tnô, à de krótókè, à yuku yó-ngbɛ kahnɛ.

Yesu tò sáhpú lékám tékínóle

¹⁴ Légbíne, Yesu *tò sáhpú sò pé dyɔ fwo yõke tókónóle. Búrn pɔ núkú ó sò me pé tyí krótókè sɔkɔ. ¹⁵ Képah sɔkɔ, Yesu me kè gbah yo pé tyí: «Yé yé gblɔyne n kyɔmɪ *Farisiyẽno ànê *Yerɔdi búrn dɔkɔ dɔkɔ kwâhle.» ¹⁶ Wáh yo sɛ, n tò sáhpú yékâb mɔ nɛ, búrn kɛ yĩn-á à kɔ, à képah yo. ¹⁷ Wáh pè kyɔmɪ wɛ, à pè piki yah nɛ, kú se pɪ, té pè yékâble n pɪ búrn kɛ yinne nɪ? Pè kó tɔ̀nì me ké tyí yah wɛ sɛ nɪ? Pè kó kè pĩ nɪ? Pé lékám se me víkɛntũnɔle nɪ? ¹⁸ Yí-á me pé tyí, pè kó me n yah nɪ? Ní me pé tyí, pè kó me n nohnɪ nɪ? Pé dyɔ kó me n kwɛnɛ nɪ? ¹⁹ Páh lésõ búrn pló kwlɔ kwɔkɪ dibi nɛpî kèyõ nínó kyɛgbãm kɔ, gbétóló yí sɔ se pè kwel yónkwɔnɔle nɪ? Pè me nɛ, gbõninó-á. ²⁰ A tɔ̀ pè piki yah nɛ, té páh lésõ búrn pló kwárninɔ kwɔkɪ dibi nɛpî kèyõ nínó kɔ, tɔkɔ yí sɔ se pè kwel yónkwɔnɔle nɪ? Pè me nɛ, kwárninɔ-á. ²¹ Képah sɔkɔ, à yo pé tyí nɛ, té, pè náh tɔ̀nì me ké tyí yah wɛ sɛ nɪ?

Yesu yítú yó yí yíkɪ mɔ Besayida kwil sɔkɔ

²² Yesu ànê n *tò sáhpú-á kyɪ yĩni tẽ Besayida kwil, nósýó pɔ yítú yóle n tyí, té à ni nɛ, à tũ n tyí. ²³ Yesu me yítú mè gbò sɔkɔ tẽ, à wil nne kwil gbòpɔ, té sɪn mɔ n yí sɔkɔ, té n gbàn sah n yõ, té à piki yah nɛ, à se me n yah nɪ? ²⁴ Yítú dí n yah yõ, té nɛ, páh me névyɛle n yah yirkòò, sésân sɔ. Té, páh me n kɔ. ²⁵ Yesu tɔ̀ n syɪ n gbàn sah dí yí yah. Káh pɪ sɛ, à fɛ n yah pnɛpɛ, à dɛ. A yíyìn pólle n wah n pnɛ wɛ sɔkɔ. ²⁶ Képah sɔkɔ, Yesu yo dí mè tyí nɛ, à sɔkɔ n gbò, té à káh syõ kwil sɔkɔ.

Pyɛrɪ kè yo nɛ, Yesu-á Liyel nɛ tékínmɔnɔle

²⁷ Képah náh, Yesu ànê n *tò sáhpú yuku Filipe Sesarɪ gbòplo kwlo tĩnɛ. Páh me wɛkɪ yõ gbí nɛnɛ, à pè piki yah: «Névyɛ tẽ tyí, nímɔle, nê me?» ²⁸ N tò sáhpú nɛ, tókú-á nɛ, *Wɛlnwɪlkɪ-ò Nsyõ-á nne. Tókú mó nɛ, *Yeli-á. Tókú tɔ̀ nɛ, *Liyel tɛntò syínyo-ò yó-á nne. ²⁹ A me tɔ̀ pè piki yah: «Té yépi tẽ tyí, nímɔle, nê me?» Képah tɛnɛ, Pyɛrɪ yo n tyí nɛ: «*Krista ye ále, Liyel-á nɛ, páh kɪ nê tekɪ mɔ.» ³⁰ Képah sɔkɔ, Yesu pè sni nɛ, pè káh kè yo nɛ syah.

Yesu n kúnó ànê n yúkúnó tyí yo

³¹ Képah sɔkɔ, Yesu tyah n *tò sáhpúle n kwɔ nɛ, *Névi Pi-á yĩne à de yèvyãhrɪ sɔkɔ náhnáh. Yèwàhnì, ànê *sárká wɪlkɪpu yòtãm nɛgbɔ, ànê *Liyel nɛgbò wɛkɪ kwópú-á kɪ à yahle, té kɪ à ko n mɔ n pi. Té, sèpɪn tɔ̀-ò sóle, wáh kɪ yuku. ³² Wáh kéne wey yo dal mɔ pè syah sɛ, Pyɛrɪ me à ye kɛkɪ, à kyɪ tyah lékàhle nne n kɔ. ³³ Képah sɔkɔ, Yesu n yah vi n tò sáhpú yah, té lékàhle Pyɛrɪ kɔ, té yo n tyí: «To n tnô, *sétàn yòtɛ! A fɔkɔ sɔnɔ náh me núkúle Liyel tyíle. Névyɛ tyí kɔ ye áwɔ n sɔ.»

Yesu sò tẽ dùkùle

³⁴ Képah náh, à me tówû ye pɔ ànê n *tò sáhpúle, té yo pé tyí: «Névi nê-á me ké tyí ne, pé nímɔ sò tẽ, tẽ n gblɔy dyóyí tyi ye, à mó n *dahni twah, à mó nímɔ sò tẽ.* ³⁵ Sě ó ye: Névi nê-á ne, páh pé minne n pwah n mɔ, à kɪ tekɪ ké sɔkɔ. Té névi nê-á tekɪ n min sɔkɔ nímɔ ànê nìvìnì wey sán yinne, nímɔ min kɪ pwah. ³⁶ Kè kɪ tir nê pekɪ névi tyí, wàh kèkòyó yí pól we, té kɪ n tekɪ n pi tyé-ńkẽ min sɔkɔ? ³⁷ Kwâh nê tẽ me névi kɪ fẽ kɔ, kɪ n min dwe syi sah? ³⁸ Kwey gbí névyele, Liyel dèl ànê tyípèl pípú ye péle. Nte, névi nê-á sen ku nímɔ tyí, ànê n wey tyí yónóle pépi wró, *Névi Pi to kɪ sen ku tẽ yah, wàh só nêne pɔ n sú gblò sɔkɔ, ànê *yínyò tẽntòbele.»

9

¹ Té tɔ n syi yo pé tyí: «Mé kéle n yo n dal n mɔ yé tyí kègbɪ yò: Yépi nónó-á ásò, yé tókù náh n ku n pi, té kɪ *Liyel tɔrí we yíne, póntenole. Kè kɪ n pi tẽnweno ngebne.»

Yesu vinnmɔɔ dukùle

² Sèpìn kénúkò-ò sókóntenɔ náh, Yesu me Pyeri ànê Nsyaki ànê Nsyò tẽ, à yuku péle yòli ngebé yó yò. Pépi ó ye sò pé yahle nénpó sɔkɔ. Té, n dukù me vi mɔ pé yah sɔkɔ. ³ N flo piki, à n tẽ pépér. Ké névi náh me kèkòyó kɪ fẽ kwâh yó ntẽ piki n pi sèntẽne. ⁴ Képah sɔkɔ, *Yeli ànê *Moyisi wil pé yah, me n yâh ànê Yesule. ⁵ Képah tẽne, Pyeri me yo Yesu tyí ne, kwó-ò dí, kâh yíne pé tẽ ásò. Páh kɪ yèpyeno tónó pi ásò, nukúle nímɔ tyíle, nukúle Moyisi tyíle, nukú mó pi Yeli tyíle. ⁶ Pyeri náh sò pĩ, wâh nê yo n pi, képah ye. Tíkí sò nímɔ ànê n kópú népĩ ní mí kah tẽ. ⁷ Pâh me képah sɔkɔ, nýírki yó pɔ fob mɔ pé yò. Kéne nýírki sɔkɔ, yínpɔ yó n wil pè n nohnɪ ne: «Nímɔ nê-á yò, nímɔ nìdè Pídí ye nne. Yé ne n nohnɪ n tyí!» ⁸ Kéne ní yò, *tò sáhpú-á yah kɔ pé gbòplo sɔkɔ, pè náh tɔ névi we. Yesu nukúni ó sò wũ ànê péle.

⁹ Pâh me yòlule n tiki gbí nêne, Yesu pè sni ne, pâh tir nê we, pè káh kè yâh névyé syah, kè pɔ nɔ *Névi Pi yúkúnwìlnó tyí lékyî wró. ¹⁰ Pè me snínó mè tẽ yín, té mó tɔ me wẽne n piki n yah ne, kú se à n ye lékyî wró yúkúnwìlnóle nɪ?

¹¹ Képah tẽne, pè tyah nne n piki n yah ne, kú se pi, té *Liyel ngebò wèkì kwópú ne, Yeli ngebò-á yíne à pɔ? ¹² A yo pé tyí: «Yeli ngebò ye yíne à pɔ tyí pól tɔ sah. Nte, kú pi kè wárki sah *Liyel wey sébèno sɔkɔ ne, Névi Pi-á kɪ yèvyâhrɪ pi náhnáh, té pè kɪ nne n yilo nɪ? ¹³ Nte, mé kéle n yo n dal n mɔ yé tyí ne, Yeli-á pɔ te. Té, névyé-á à pi pé dyɔ dyɔ tẽne. Sě ye sò kéle wárkínsàhnóle Liyel wey sébèno sɔkɔ n tyí yò.»

Yesu sétò yini wilki wẽnpir yó sɔkɔ

¹⁴ Képah sɔkɔ, pâh yini tẽ *tò sáhpú téló tnô, pè tówû ngebé yó we, pè me pè kore vi, té *Liyel ngebò wèkì kwópú me yékâble n pi tò sáhpú nópìle. ¹⁵ Névyé-á nukú Yesu we gbí nêne, kè pi pé tyí gbèndùnne. Pè to kyɪ wɛkɪ n tyí. ¹⁶ Yesu me n tò sáhpú piki yah ne, kwâh nê yékâb se pè n pi péle nɪ? ¹⁷ Nte, dí yó sò me tówû sɔkɔ, nímɔ yo n tyí ne, kwó-ò dí, páh pɔ pé pídíne n tyí. *Sétò yó-á me n sɔkɔ, me à pi kèdòkìle. ¹⁸ Kè nne n kwel n min n kɔ tãntã pól sɔkɔ sétáh. Gbèfòkòpíkìni n ne n wil n vyâh, té à n yínile n tah, ànê n wil n kɔkɔ. Képah-á, pé pɔ nne n tò sáhpú tyí ne, pè sétò mè yini wilki n sɔkɔ, té pè náh tẽ we. ¹⁹ Képah tẽne, Yesu me yo pé tyí ne, Liyel yò sè-ńkẽ névyé, pé se kɪ tẽ péle pópó, kɪ pɔ syi gbí nê tyí nɪ? Pé se kɪ pè so sah, kɪ pɔ syi gbí nê tyí nɪ? Nkẽ, pè pɔ nne pé kɔ. ²⁰ Pè mó pɔ nne à kɔ. Sétò-á fyò Yesu we, à

* 8:34 8.34 - Dahni twáhnó n wèkì ne, á á vi sah á min kɔ kɔ tẽne Yesu tyí kòle.

piri yike kègbule, à syki sétáh, à n pil n kō gbèfòkòpíkinìne n vyāh. ²¹ Képah soko, Yesu me piri sú piki yah ne, gbí ne se kè tyah n tyí ni? A me yo n tyí ne, n wēnpir gbí dùkù-á. ²² Kèyahle, sétō-á nkēne à tōko n min n dah n mo nyah, képah náh pi, ni soko, n kò-nsahle n yah n kō. Nte, wáh ki fē n tē n pi, à pé yām yah, à mó pé yohni mo. ²³ Képah soko, à me yo dí mè tyí: «Máh ki fē n tē n pi wò...! Tyi pól ki fē pi Liyel yō sē-ò tyí.» ²⁴ Nénpó swo, piri sú gbo mo ne: «Mé sē ké yō, té kè me tah n tyí. N yohni mo ké soko.» ²⁵ Képah soko, Yesu-á névye we, pé n to n tuke pé yō sē, à díri kō *sétō mè yō, té yo n tyí ne, nmo nê-á névile n pi kèdòkì ànê níkitùne, à wil piri mè soko! Té à káh tō de yah n soko! ²⁶ Wáh yo sē, sétō me gbo mo, té piri yike kègbule, té mó wil n soko. Piri núkú pi tē kúnó sō, fókó névye náhnáh n yo ne, wáh ku. ²⁷ Nte, Yesu me à tē n gbò tyí, à yilki sah. Piri yuku yin.

²⁸ Yesu-á de wòkò gbí nēne, nmo ànê n tò sáhpú ye sò wū pé yahle, té pé me à piki yah ne, kú se pi, té pépi náh tē we sétō mè yini wilki piri soko ni? ²⁹ A me yo pé tyí: «Níri ó soko ye kéne sétàn dùkù ki fē yini.»

Yesu tō n kúnó ànê n yúkúnó tyí yo

³⁰ Páh yal nénpó, pé me Kalile kwolole n kah, té Yesu náh sò me ké tyí ne, pé pé mé-nsah pi. ³¹ Tir yó náh, à sò me n *tò sáhpúle n kwō, té me n yo pé tyí: «*Névi Pi ki n dahbi n pi névye gbò. Pé ki à ko mo, té sèpìn tō-ò sóle, à ki yuku.» ³² Nte, n tò sáhpú náh sò me wey mè tyí yah we, té tíki sò me pé tē n pikinyahnole.

Nê tē kal?

³³ Képah náh, pé yini tē Kapernayim kwil soko. Páh me wòkò soko gbí nēne, Yesu n *tò sáhpú piki yah ne tir nê yékâb se sò pé n pi wèkì yah ni? ³⁴ Nte, pé náh tir we yo. Tir yó náh, pé sò me yékâble n pi wèkì yah ne, pé pi pépi wró nê tē-á kal. ³⁵ Képah soko, Yesu kō tē, té n tò sáhpú népi gbōnimí ye, té yo pé tyí: «Nê-à me ké tyí ne, pé pi yah yétēne, nmo yīne à pi pé no náhtūne, à mó pi tōnpule pé tyí.» ³⁶ Képah tēne, à wēnpir yó tē pō pé niyó. Té à tē kōhli n ni yō, té yo n tò sáhpú tyí: ³⁷ «Névi nê-à wēnpir mè kénkō tēnó plé nmo yin yō, nmo ye tē tē plé. Névi nê to-à nmo tēnó plé, nmo ó náh tē tē plé: Nte nê-á teki mo nmo, nmo ye à tē plé.»

Á sépe náh nēne, á pèpey ne ye nne

³⁸ Képah soko, Nsyō me yo Yesu tyí ne, pé kwó-ò dí, pépi-á dí yó we, à me *sétānne n yini n wilki n yin yō. Té, à náh sò me pépile. Képah-á pé kō, pé ne pé à yini mo ké pínóle. ³⁹ Yesu me yo pé tyí: «Yé káh à yini mo. Névi náh fē gbil pi n pi nmo yin yō, té ki tō nmo yinne n yiki nénpó swo. ⁴⁰ Tir yó náh, á sépe náh nēne, á pèpey ne ye nne. ⁴¹ Kègbi yō, mé kéle n yo yé tyí: Yáh pi *Krista tyile, névi nê-à ni nígbiyīne yé kō yé wō képah yinne, ké pèpōri ki dyah óle à dyah.

Tyi nónó-á yo gblōy tēnó tyí soko

⁴² Wēnpì nónó-á sē nmo yō, névi nê-à pé soko ne yó yō yiki dah mo tyípél soko, kè ki sò fónfó pé dáh-ngbē toh tē yègbi soko, pé kyi min dah mo yónti ngbē soko. ⁴³ Á gbò-à n dah n mo ále tyípékè soko, kè kām n milki, n té n kyi n de gbò núkúle tyé-ńkē min soko. Képah ki fónfó kal á gbàn níni kyíndenole ní-ńkē nyàhnpèkè soko. [⁴⁴ Nénpó soko, kèfyō nónó-á wille n yō, sè náh n ku, ànê ké nyàhnpèkè náh n ni.] ⁴⁵ Á gbáhkì-à n dah n mo ále tyípékè soko, kè kām n milki, n té n kyi n de gbáhkì núkúle tyé-ńkē min soko. Képah ki fónfó kal á gbyèh níni mínndahnmonole nyàhnpèkè soko. [⁴⁶ Nénpó

sokɔ, kɛfyɔ́ nónó-á wille n yɔ́, sè náh n ku, ànê ké nyàhnpèkè náh n ni.] ⁴⁷ Á yí-à n dah n mɔ́ ále tyípékè sokɔ, kè wilki n milki, ò té n kyɪ n de yí núkúle *Liyel yòtòrí sokɔ. Képah kɪ fónfó kal á mínndahnmonɔ́ yò yí nínóle nyàhnpèkè sokɔ. ⁴⁸ Nénpó sokɔ, kɛfyɔ́ nónó-á wille n yɔ́, sè náh n ku, ànê ké nyàhnpèkè náh n ni.

⁴⁹ Képah ye, no pól kɪ tɔ́ sah nyàhle, sɔ́-á pne n pɪ kéle. ⁵⁰ Pnɛnɛ, kwáh pèpɛy ye kéle. Té ké syínsyí-à wil ké sokɔ, sɔ́ me yé kɪ tɔ́ fɛ́ pɪ kéle, té kè kɪ tɔ́ nɔ́? Yé pne mɔ́ yé gblɔ́y sokɔ, yé tɛ́ wɛ́ tyí yèvinɪ sokɔ.»

10

Yesu-á kwónó nê kɔ́ fúr yíkínó tyí sokɔ

¹ Yesu-á yal nénpó, à kyɪ Yude sétáh yɔ́, té yuku Yurdě yónkahnɛ. Képah sokɔ, tówú ngbɛ́ yó tɔ́ tuke mɔ́ ò tnô. A me tyah péle n kwɔ́ ngbò tyí kɔ́le. ² Képah tɛ́nɛ, *Farisiyɛ́nɔ́ yísyó nɔ́ de ò tnô nɛ, pé kyɪ ò sò mɔ́ yah. Té ònɛ n piki n yah nɛ, ké wɛ́kɪ se me dí tyí kɪ ò kyɪ fin mɔ́ nɪ? ³ A me yo pé tyí nɛ, tir nê se sò *Moyisi yo sah pé tyí nɪ? ⁴ Pè me nɛ níkɛ́, Moyisi-á ké wɛ́kɪ kɔ́ nɛ, wáh á kyɪle n fin mɔ́, á ò fínmmɔ́nɔ́ táfyó sɛ́bɛ́ pɪ à kɔ́. A mó à fin mɔ́. ⁵ Képah tɛ́ sokɔ, Yesu yo pé tyí: «Yépi kùkùtáhkɪ yín ye, Moyisi me ké wɛ́kɪle yé kɔ́ sɛ́. ⁶ Ntɛ, kèkòyó mɔ́ gbíne, dí ànê sê ye Liyel mɔ́. ⁷ Képah ye, dí kɪ ò sú ànê ò yú sah, té kɪ kyɪ yégbékè kwɔ́ mɔ́ ànê ò kyɪle, ⁸ té pé ními kɪ pɪ núkúle. Képah sokɔ, pè náh tɔ́ n pɪ n pi nímine, pè kɪ pɪ núkúle. ⁹ Káh pɪ sɛ́, Liyel-á nê kwɔ́ mɔ́, névi káh kè gbekɪ.»

¹⁰ Páh de wòkò, ò *tò sáhpú tɔ́ à piki yah wey mɛ́ yòle. ¹¹ A me yo pé tyí: «Dí-à ò kyɪ fin mɔ́, té tɔ́ sê yó tɔ́kɔ, à tyípékè pɪ ò kyɪ gben tɛ́ tyí fòfíkɪ sokɔ. ¹² Sɛ́ ó ye tɔ́, sê-à ò pɛ yahle, té kyɪ de dí yó tyí, à tyípékè pɪ fòfíkɪ sokɔ ò pɛ gben tɛ́ tyí.»

Yesu sām mɔ́ wɛ́npì sokɔ

¹³ Képah tɛ́nɛ, névyɛ pɔ́ wɛ́npìle Yesu tyí nɛ, à ò gbàn sah pé yɔ́. Té ò *tò sáhpú me tyah díri le n kɔ́ pé yɔ́. ¹⁴ Wáh képah we sɛ́, à yo ò tò sáhpú tyí fòkònyàhnì sokɔ nɛ: «Yé ye wɛ́npì kɔ́, pè nɛ n pɔ́ n pɔ́ nímɔ́ tyí. Yé káh pé yahle n kɔ́. Nónó dùkù-á me kéne wɛ́npì sɔ́, *Liyel yòtòríle pépi tyí ye. ¹⁵ Mé kéle n yo yé tyí kègbɪ yò: Névi nê-à *Liyel tórí fɛ́ syi níkɛ́ne wɛ́npir sɔ́, à náh kè we n de n pi pólle.» ¹⁶ Képah sokɔ, à wɛ́npì tɛ́, té ò gbàn sah pé yɔ́, à sām mɔ́ pé sokɔ.

Tàhdí yó pɔ́ Yesu tyí

¹⁷ Képah náh, Yesu-á n yuku wɛ́kɪ yah, dí yó to pɔ́ gbètukunɔ́ di ò yah, té à piki yah nɛ, kwó-ò pèpɛy, pé se kɪ pɪ sɔ́, té kɪ tyé-níkɛ́ mín we nɪ? ¹⁸ Yesu me yo ò tyí: «Sɔ́ me, té á ní ye pèpɛyne? Nɛ pèpɛy yó ní tɛ́ náh me. Liyel ó ye pèpɛyne. ¹⁹ Á Liyel tyi kònsàhnó pɪ kè, nê-á n yo nɛ, káh nékókè mɔ́, káh fòfíkɪ pɪ, káh yíbe yí, káh mìnì sah á ní-ò yɔ́, káh nɛ n syɪkɪ nɛ yɔ́, á sú ànê á yúne n tɛ́ ple.»* ²⁰ Wáh yo sɛ́, dí me à syah nɛ, kwó-ò dí, páh me sépinó pólle n pɪ pé wɛ́npir gbí dùkúle. ²¹ Képah sokɔ, Yesu me à yah tyínɔ́nɔ́ sokɔ, té yo ò tyí nɛ, tyínúkú-á yah kwɔ́ ò tyí: A kyɪ ò gbàn yí pól yām, à mó sé pó dibi yāmtām kɔ́. Képah sokɔ, wáh kɪ yínyò tahrɪ we, à mó pɔ́ pé sò tɛ́. ²² Té, dí mɛ́-á képah noh sɛ́, ò yah ykɪ. A sokɔ yèkwɔ́rɪ sokɔ. Tahrɪ ngbɛ́ sò me ò tyí, képah ye.

²³ Káh pɪ sɛ́, Yesu ò gbòplo yah kore vi, té yo ò *tò sáhpú tyí: «Tahbɪ dénóle *Liyel tórí sokɔ, kè me tah dé!» ²⁴ Kéne wey ò tò sáhpú gbàn du kègbɪle. Ntɛ, Yesu tɔ́ ò

* **10:19** 10.19 - Yah n tɛ́ Ekisode 20.12-16 sokɔ.

syi yo pé tyí: «Ní wěnpì, Liyel tǒrí sòkò déno mé tah náhnáh. ²⁵ Yàhmíkì dénwìlnóle sèndi pwàh sòkò, képah kɪ fàhfàh kal, tàh dénole Liyel tǒrí sòkò.» ²⁶ Képah tē sòkò, pé gbǎn kah du. Pè wěne n piki n yah pé tyí tyíle ne, nte, nê wò se kɪ mó pwah nɪ? ²⁷ Yesu me pé yah, té yo pé tyí: «Névi tē tyí, kè náh fē n pɪ n pi, té Liyel wò tyí, kè kɪ fē pɪ. Nmò tē we tyi pól tyí.»

²⁸ Képah sòkò, Pyeri yo n tyí ne, nte, pépi-á tyi pól sah nmo sò tē yinne. ²⁹ Yesu me ne: «Kègbɪ yō, mé kéle n yo n dal mɔ yé tyí ne, névi nê-à fē syi, n kéte, ànê n yúpyé, ànê n yú, ànê n sú, ànê n wěnpì, ànê n swěy sah nmo yinne, ànê nìvìnì wey sán yinne, ³⁰ tē kɪ sēknɔnɔ lèkwěkwe we kèkòyó mè sòkò. A kɪ kètlo, ànê yúpyé, ànê yúbí, ànê wěnpì, ànê swěy we. A kɪ fóhnó tɔ we, té kɪ tyé-ńkē min we ńsò kèkòyó sán sòkò. ³¹ Nónó-á me núkúnúkú ne gbrole, pé náhnáh kɪ pɔ n pɪ n pi ne télóle. Té nónó-á me núkúnúkú ne télóle, pé náhnáh kɪ pɔ n pɪ n pi ne gbrole.»

Yesu tō n kúnó ànê n yúkúnó tyí yo ke tō-òle

³² Yesu ànê n *tò sáhpú sò me wěkì tē n dɔkɔ n yuku Yerusalemɪ sòkò. A sò me n kɔ n tò sáhpú yahle. Légbíne, pé fòkɔ me fēkìnóle. Té nónó tɔ-á me n sò tē, tiki sò me pé tē. Képah sòkò, à n tò sáhpú nɛpì gbǒnimí ye kēkɪ pé yahle, à kyɪ tir nê-á kɪ à yini n tē n pi, ké yah yo pé syah. ³³ A ne: «Yé yah, á we dɔkɔ n yuku Yerusalemɪ sòkò yò. *Névi Pi kɪ dahbɪ *sárká wìlkɪpu yòtām nǵbnɔ, ànê *Liyel nǵbò wěkì kwópú gbò. Pè kɪ à mɔ kũ kō, té kɪ à dahbɪ Liyel yō sē-ńkēpú gbò. ³⁴ Pépi kɪ kóle nne n kɔ, té kɪ n sɪn n mɔ n yō. Pè kɪ à ko yéfòhle, té kɪ à ko mɔ. Té, ké sèpìn tō-ò sóle, à kɪ yuku.»

Nsyakɪ ànê Nsyō-á nê ni

³⁵ Nsyakɪ ànê Nsyōne, Sebede wěnpìle, pé nɔ de Yesu tnô, té yo n tyí ne, kwó-ò dí, tir nê-á pé pɔ ní-ńsah n tyí, páh me ké tyí ne, à kè pɪ pé tyí. ³⁶ A me pé piki yah ne, tir nê se pé ne, pé pɪ pé tyí nɪ? ³⁷ Pè mó yo n tyí ne, wàh kyɪ yini tē n yòtǒrí tyah sòkò, à ye pépi sòkò ne núkú tē n gbòyò sò, ní-ò mó tē n gběyìnè sò. ³⁸ Képah sòkò, à yo pé tyí: «Kwàh nê-á yé n ni, yé náh kè pì. Yé se kɪ fē wò n wò wò wòh sòkò, kɪ de wil yèvyàhrɪ sòkò ní tyí kòle?» ³⁹ Pè me à syah ne, páh kɪ tē we. A me yo pé tyí: «Gbɪ ye, yé kɪ n wò n pi n wò wò wòh tē wò sòkò, té kɪ n de n wil n pi yèvyàhrɪ sòkò ní tyí kòle. ⁴⁰ Nte, névi nê-á n tē n pi n gbòyò ànê n gběyìnè sò, képah náh n wil n pi nmo tyí. Kéne tē-ntàn kɪ pɔ névyé kō n pi, Liyel-á sè tō sah nónó yinne.»

⁴¹ *Tò sáhpú nɛpì gbām téló-á képah noh sē, pé fòkɔ vyàh Nsyakɪ ànê Nsyōne. ⁴² Képah sòkò, Yesu me pé pól ye, té yo pé tyí: «Yé pì ne, sétáh mè yō kwlo yòtām-á pé kwil tǎnne n tē n sah pé dyo dyo tēne, té kwil né-nǵbnɔ n mó pé tǎhkìle n sah névyé yō. ⁴³ Nte, yépi tyí náh n pɪ n pi sē. Gbēntē náhle, yépi sòkò nê-à me ké tyí ne, pé pɪ yòtēne, tē n gblǔy pɪ yé tǔnpule. ⁴⁴ Té, yépi sòkò nê-à me kɪ tyí ne, pé yòtǒrí yah n kō, tē n gblǔy pɪ yé pól yòle. ⁴⁵ Tir yó náh, *Névi Pi náh pɔ ne, névyé tǔle n pɪ péwɔ tyí. Nmò ye pɔ tò pɪ yinne névyé tyí, té kɪ n min kō névyé náhnáh yō dwe yinne.»

Yesu yítú dí Bartime yí yikɪ mɔ

⁴⁶ Képah náh, pé yini tē Yeriko kwil. Yesu, ànê n *tò sáhpú, ànê tówú nǵbē-á n wil kwil sòkò gbí nēne, yítú dí yó sò me tēnole wēgbalɪ sòkò, me n ni n syi. Time pídí ye sò nne, pé n ye Bartimele. ⁴⁷ Wǎh noh ne, Nasareti Yesu-á n sòkò, à tyah n de n syi ne, Yesu, *Davidi pídí, à pé yām yah. ⁴⁸ Képah sòkò, náhnáh sò me n vyàhle n tū. Nte, à tō n kah n de n syi ne, Davidi pídí, à pé yām yah. ⁴⁹ Képah tēne, Yesu yin, té ne, pé

à ye yah. Pè με γίτῦ δί ye yah, té yo ò tyí ne, à ò nu vi, à mó yuku, wăh με òne n ye. ⁵⁰ Dí-á képah tē noh, à ò fwòmò-̀ngbē milki, té yoko syiki ò gbyēh yō, à yuku Yesule n yīki. ⁵¹ Yesu με à piki yah: «Kū με á ne, mé pi á tyí?» Yítῦ δί με yo ò tyí ne, kwó-ò dí, à kè pi, pé tō ne n yah. ⁵² A με yo ò tyí: «Ne n yuku, òmò yō sēnó ye ò de mō.» Nénpó swò, ò yí yiki mō, à με Yesu sō tē.

11

Yesu de òkùle Yerusalemi

¹ Păh de n te Yerusalemne, pé sō me yúkey Betefase ànê Betani kwille, Wólívyé sésân yōli tnô. Képah soko, Yesu ò *tò sáhpú soko népí ními wilki tō, ² té me yo pé tyí ne, pé kyi kwil nê-á pé yahle. Păh ki kyi yīni tē nēnpó, păh ki òkwēndyípiri yó we tóhnmònsàhnóle, névi nâh òoko yah nê yō. Pé à de po. ³ Té, névi-à ki pé piki yah ne, sō se, té pé òne n de ni, pé yo ò tyí ne, ò yétô-á me Tē-̀ngbē dí tyí. Té wăh ki ò syi à teki mō nukúnúkú ásô. ⁴ Képah soko, pé mó soko, à kyi òkwēndyípiri mē we tóhnmònsàhnóle kégbó, gbô yó yah, wēkì gbòpo. Pé me à de. ⁵ Nónó-á sō me nēnpó, pé tókù pé piki yah ne, kú se pi, té pé òkwēndyípiri mēne n de ni? ⁶ Képah soko, Yesu-á sō pé tō sō, pé képah yo no tyí. No ye pé kō, pé à de soko. ⁷ Pé me po òkwēndyípiri mēne Yesu tyí. Té pé flo mō ò yō, Yesu kō à òoko. ⁸ Névyé nâhnâh mó pé flo mō wēkì yō. Tókù mó fòkòni kōli kyēh soko, à n mō n yuku wēkì yō soko. ⁹ Păh n yuku, nónó-á sō me n ko Yesu yahle, ànê nónó-á me ò sō tē, pé sō me n gbo n mō, me yo tū ne: «Wosanna, Tē-̀ngbē Liyel yīn pi gblò! Nê-á n pi ò yīn yō, Liyel sām mō ò soko! ¹⁰ A sútó *Davidi tōrí nê-á n pi, Liyel sām mō ké soko! Wosanna, Liyel yīn pi gblò yīnyō soko.» ¹¹ Yesu-á de Yerusalemi soko sē, à kyi de *Liyel wòkò ògbē kéntáhkì soko. A kè yah kore vi, té ò syi wil. Képah nâh, tyah-á po n piri, à soko ànê ò tò sáhpú népí gbōnimíne Betani kwil soko.

Yesu léplo ye mō sènsóké yó yō

¹² Ké dendalle, păh n wil Betani soko gbí nēne, kweki Yesu tē. ¹³ Képah soko, à me sènsóké yó we fíi mule gbòp ké tyí. A me no de yah, pye-à ki n we n pi ké tyí. Nte, wăh yīni tē ké tnô, à kyi kè we mırı óle. Ké pye pi gbí nâh sō no, képah ye. ¹⁴ Képah tēne, Yesu yo sènsóké mē tyí ne, ne nâh tō ké pye yō n yah n pi pólle. Nte, ò *tò sáhpú mó kè noh.

Yesule Liyel wòkò ògbē kéntáhkì soko

¹⁵ Képah nâh, pé yīni tē Yerusalemi. Yesu me de *Liyel wòkò ògbē kéntáhkì soko, à tyah yī yāmpu ànê dwépúle n yīni n wilki. Té pó tūpu tàbálnó tu wilki mō, ànê *sárká kèpye yāmpu klóle. ¹⁶ Té, à nâh fē syi vyó nétē yó ntē kō, à de kah Liyel wòkò ògbē kéntáhkì soko. ¹⁷ Té tyah péle n kwò, me n yo pé tyí: «Kè nâh me wárkínsàhnóle ne, <òmò Liyel wòkò ki n ye kèkōyó kwlo kwlo pól névyé níri pí-̀nsahle> di? Té, yépi me po kè pi névyé yō vīnsyíkupu tē-̀nsahle.»* ¹⁸ Képah tēne, *sárká wìlkipu yòtām ògbno ànê *Liyel ògbò wēkì kwópú-á kè noh sē, pé tyah Yesu kònmò-̀nsahle n yah n kō. Té, ò tíkì sō me pé tē, tir yó nâh, ò kwónó tyí sō me no tówú tyí. ¹⁹ Képah soko, gbíyí-á de, Yesu ànê ò *tò sáhpú wil kwil soko.

Sènsóké séswô kókónóle

* **11:17** 11.17 - Yah n te Yesayi 56.7 soko.

²⁰ Ké dendal séngbòle, pàh pɔ n sɔkɔ, pè sènsóké mè we kókónóle, à pɔ syi ké yàhnì tyí. ²¹ Pyeri dyó-á to kò kéle, à yo Yesu tyí ne, kwó-ò dí, wàh sò léplo ye mɔ sènsóké nê yò, à yah, ké pól-á kòkò. ²² Képah sɔkɔ, Yesu yo pé tyí ne: «Yé sɛ Liyel yò. ²³ Kègbu yò, mé kéle n yo yé tyí: Névi kɪ fɛ yo yòli ñgbɛ mè tyí ne, kè yuku yal ásò, kè kyɪ n syɪkɪ n de pne yo sɔkɔ. Tɛ-à me n sò ñkɛne tɔtò n nɪ sɔkɔ, té me sɛ yɪ́ ké yò ne, pàh nêne n yo, kàh kɪ pɪ, kè kɪ mó ntyínɔ pɪ sɛ n tyí. ²⁴ Képah ye, mé kéle n yo yé tyí: Yáh kwáhdúkú nêne n yah n kɔ́ Liyel tyí níri sɔkɔ, yé sɛ ké yò ne, yáh ké we te. Kè kɪ ntyínɔ yé kɔ́. ²⁵ Anê tɔ, wàh yuku yɪn n tyah níri pínóle, té á ní-ò-à me pɪ de á tyí, kè yò mɔ à kɔ́. Képah-à pɪ, yé sú Liyel nê-á yínyò, à kɪ yépi tɔ tyípèl yò mɔ yé kɔ́. [²⁶ Nte, yépi-à névyé tyípèlle n yò n mɔ péle n kɔ́ ñkɛne, yé sú Liyel nàh yépi tɔ tyí yò n mɔ yé kɔ́ n pi.]»

Nê wɛ̀kìle Yesu kɔ́, à tyi nópìle n pɪ

²⁷ Yesu ànê n *tò sáhpú-á pé syi kyɪ Yerusalemɪ sɔkɔ, wàh me n kɔ́ *Liyel wòkò ñgbɛ kéntáhkì sɔkɔ gbí nêne, *sárká wìlkɪpu yòtám ñgbnɔ, ànê *Liyel ñgbò wɛ̀kì kwópú, ànê yèwàhnì pɔ n tyí. ²⁸ Té me à piki yah ne, nê yɪn yò se à n pɪ tyi nópìle nɪ? Nê se à kɔ́ ké wɛ̀kìle nɪ? ²⁹ A me yo pé tyí: «Mé kɪ tir núkú óle yé piki yah. Yáh kɪ ké yah yo n tyí, nê yɪn yò-á mé n pɪ tyi nópìle, mé kɪ kè yo yé syah. ³⁰ Yépi tɛ tyí, nê tekɪ mɔ Nsyɔ́ne, à pɔ névyele n *wel n wilki? Liyel se, tɪ́ névyé se? Yé yo n syah.» ³¹ Képah sɔkɔ, pè tyah n yo wɛ̀ tyí ne, pàh kɪ ne, Liyel-á tekɪ mɔ ñne, wàh kɪ ne, té kù se pɪ, té pé nàh sɛ n yò nɪ? ³² Pé nàh se mó tɔ́ fɛ n yo n pi ne, névyé-á tɔ́ ñne... Pè sò me tówù tìkìle n pɪ, képah ye. No pól sò me n sò ne, Nsyɔ́ne, *Liyel tɛntò syínyo-ò kègbu-á sò ñne. ³³ Képah sɔkɔ, pè Yesu syah ne, pé nàh pɪ́. N tɔ́ mó yo pé tyí ne, nê yɪn yò-á pé tyi nópìle n pɪ, péwɔ tɔ́ nàh mó kè yo pè syah n pi.

12

Dìvɛ́ sésân swàh tɔ́pú nɛ̀pèl sɛ̀mìrkìle

¹ Képah nàh, Yesu tyah n yàh pé tyí sɛ̀mìrn sɔkɔ ne ñkɛ́: «Dí yó ye lésò òvɛ́ sésân sò, té kɛ̀kɪ mɔ kè kore vi. Té kyɪ tédáhkì yó yò swɔ́ yó tũ, òvɛ́ sésân pye yíki-ńsahle. Té me duke syíkípú tɛ̀-ńsah mɔ. Képah nàh, à swàh tɔ́pú tɔkɔ, à pɔ swàh mè dahbɪ pé gbò, té pyè sɔkɔ kóló. ² Sé pye gbe gbí-á pɔ nɔ, à n tònpi yó tekɪ mɔ òvɛ́ sésân swàh tɔ́pú nɔ́pi tyí ne, pè pé tyí òvɛ́ sésân pyele à kɔ́, à pɔ pé kɔ́. ³ Képah tɛ̀ne, òvɛ́ sésân swàh tɔ́pú nɔ́pi tɛ̀ntò dí tɛ̀ ko, té à fin mɔ, à sɔkɔ n gbò kókóle. ⁴ Swàh nétɛ́ tɔ́ tònpi yó tɔ́. Pé tɔ́ kyɪ ñmɔ tɔ́ ko, té à mɪkɪ n yò sɔkɔ, té ñne n gbyɔ́. ⁵ Swàh nétɛ́ tɔ́ n syi ñnì yó tekɪ mɔ n tɔ́. Nmɔle, pè ñmɔ ko mɔ, té sɛ̀nkɔ́ pɪ pé nàhnàh tyí: Pè pé tókù ko, té pé tókù ko mɔ. ⁶ Ne núkú nê-á sò wũ sètɛ́ dí tnô, ñmɔle, n nìdè Pídí ye. A ñmɔ tekɪ mɔ pé tyí tɛ̀yne, té me n sò ne, pàh kɪ pé pi wɔ́ yah sen ku. ⁷ Nte, swàh tɔ́pú nɔ́pi-á à we, pè tyah n yo wɛ̀ tyí ne, pè yah, n gbɛ̀yòpi-á n pi yò. Pè pɔ, pé à ko mɔ. Gbɛ̀kɪ mó pɪ pépi tyíle. ⁸ Té dí pídí tɛ̀ ko mɔ, té à tɔkɔ kyɪ milki òvɛ́ sésân swàh kahnne.»

⁹ Képah sɔkɔ, Yesu pè piki yah: «Sò me òvɛ́ sésân swàh nétɛ́ kɪ pɔ n pɪ n pi? A nàh pɔ òvɛ́ sésân swàh tɔ́pú nɔ́pi pól ko mɔ, té kè dahbɪ n pi nɔ́syó gbò dí? ¹⁰ Yé nàh kè kar yah *Liyel wey sɛ̀bɛ́ sɔkɔ di? Kè me wá̀rkínsàhnóle ne:

«Wòkò mópú-á dáhkì nê yahle,
képah pɔ pɪ dáhgbíle, wòkò dáhgbenne.

¹¹ Képah n wil Tɛ̀-ñgbɛ́ tyí.

Té ápi tyí, gbëndùni tir ye kéle!»*¹²

¹² Képah sɔkɔ, *Nsyifunɔ yõtām tyah Yesu tẽ-ńsahle n yah n kɔ. Tir yó náh, pè sò pĩ ne, pépi yõ-á à mɪ sèmĩrkĩ mènɛ. Té, tówú tíkí sò me pè tẽ. Pè me ye n yõ, té sɔkɔ.

Wromenɔ yõtẽ ñgbẽ mórí tyíle

¹³ Képah náh, pè *Farisiyẽnɔ ànê *Yerɔdi náh névye túkù wilki tekɪ mɔ Yesu tyí ne, pè kyɪ à mɔ yah píkinyahnɔ sɔkɔ. ¹⁴ Pè pɔ yo n tyí ne, pé kwó-ò dí, páh pĩ ne, gbɪ ó kókó-á ñmɔ n ne n yo. A náh tíkíle n pɪ névi yah. A náh névile n wah névi sɔkɔ. Wáh gbɪle névyele n kwɔ Liyel wěkì yõ. Képah-á pé kɔ, pé ne, pé à piki yah: Kè se yĩne pé móríle *Wromenɔ yõtẽ ñgbẽne n kɔ, tĩ kè náh yĩne? Pé se séle n mɔ, tĩ pé káh sè mɔ? ¹⁵ Nte, Yesu sò pĩ ne, nê-á pè n sò, képah náh pè n yo. Káh pɪ sě, à yo pé tyí ne, sò se pɪ, té pè péle n mɔ n yah nɪ? Pè pɔ pó mè núkúle, pé yah. ¹⁶ Pè me pó núkúle à kɔ. A me pè piki yah ne, nê yah se, ànê ñ yĩnne wárkínmɔnɔle ké yõ nɪ? Pè à syah ne, Wromenɔ yõtẽ ñgbẽ-á. ¹⁷ Képah tẽne, à yo pé tyí ne, pè Wromenɔ yõtẽ ñgbẽne n kɔ ñ tyíle, pè mó Liyelle n kɔ ñ tyíle. Képah sɔkɔ, pé gbã du ñ wey mè dukúle.

Sadusẽnɔ Yesu piki yah lékyî yúkúnwìlnó tyí yõ

¹⁸ Sadusẽnɔle, nósýó ye nónó-á ne, lékyî náh n yuku n wil n pi. Pé túkù pɔ Yesu tnô, té à piki yah ne ríkẽ, ¹⁹ kwó-ò dí, *Moyisi-á Liyel tir kònsàhnó mè wárkɪ sah pé kɔ ne, dí nê tyí gbëndí-à me, té tẽ ku, té ñ kyɪ sah pi kěne, ñ gbëndí mè-á yĩne à pékúsê mè tokɔ. A wěnpĩ dubi à kɔ, nónó-á kɪ pɔ n pɪ n pi ñ nénkyídí náhne.† ²⁰ Té, dínpĩ yísýó-á sò me népĩ kwárnimi pé yú tyí. Nénkyí tẽ-á sê tokɔ, té ku, té ñ kyɪ sah pi kěne. ²¹ N sò syɪ me pékúsê mè tokɔ. N tɔ pɔ ku, té à sah pi kěne. Tõ-ò tɔ tyí pɔ pɪ sě. ²² Sěntě ó-á pɪ pé no téló pól tyí. Té népĩ kwárnimi nópi pól-á ku pi kěne. Pé kúntenɔ náh, pi mè tɔ pɔ ku. ²³ Káh pɪ sě, lékyî yúkúnwìl sóle, pàh yuku, pi mè se kɪ pɪ nê tyíle nɪ? Tir yó náh, pé népĩ kwárnimi pól-á à pĩ sèle.

²⁴ Képah sɔkɔ, Yesu yo pé tyí: «Liyel wey pĩ-ńkẽ, ànê Liyel tẽnwenɔ pĩ-ńkẽ yĩn náh yéle pílkinó sɔkɔ di? ²⁵ Lékyî yúkúnwìl sóle, sê tókókì náh me, pe dékè náh me. Névye kɪ me, á kɪ ne *yĩnyõ tẽntõbe sò pal tẽ-ńsah. ²⁶ A yuku lékyî yúkúnwìlnó tyí sɔkɔ: Yé náh kè kar yah Moyisi sébẽ sɔkɔ, fĩ nê-á dukuni tyíle n yo, nê-á sò nyàh lépõle ké sɔkɔ di? Kè me wárkínsàhnóle nénpó ne, Liyel-á yo Moyisi tyí: «Ñmɔ ye Abrahamɪ Liyelle, ànê Yisakɪ Liyelle, ànê Yakɔbɪ Liyelle.»‡ ²⁷ Vye Liyel ye ñne, lékyî Liyel náh. Sě ye yéle kàhnpilkintěnóle yò.»§

Liyel tyi kònsàhnó sɔkɔ nê-á gblò kal

²⁸ Képah sɔkɔ, *Liyel ñgbò wěkì kwó-ò dí yó kéné yékâb noh. A kè we, Yesu tẽ we kè yo ple Sadusẽ nópi tyí. A me no de ñ tnô, té à piki yah ne, Liyel tir kònsàhnó nê tẽ se kal sé pólle nɪ? ²⁹ A me yo ñ tyí: «Liyel tir kònsàhnó nê-á kal sé pólle, képah we yò: «Á níkí kwɔ, Yisrayel: Ápi Tẽ-ñgbẽ Liyelle, ñmɔ núkúni ó ye Tẽ-ñgbẽ Liyelle. ³⁰ N tyí yĩne kè nɔ á tyí á nɪ pólle, ànê á min pólle, ànê á fɔkɔ sɔnɔ pólle, ànê á tãhkì pólle.»* ³¹ Ké ní-ò we yò: «Á ní-ò tyí yĩne kè nɔ á tyí á gblõy tyí kõle.»† Liyel tir kònsàhnó yó

* **12:11** 12.10 ànê 11 - Yah n te Yìgbìnì 118.22 ànê 23 sɔkɔ. † **12:19** 12.19 - Yah n te Deteronɔmɪ 25.5-10 sɔkɔ.

‡ **12:26** 12.26 - Yah n te Yekisodi 3.6 sɔkɔ. § **12:27** 12.27 - Nónó-á ku sɔkɔ di mónóle, káh yo ne, Liyel-á pɪ pépi Liyelle, képah n wěkì ne, pàh me min sɔkɔ. Tir yó náh, Liyelle, kyí Liyel náh ñne. * **12:30** 12.29 ànê 30 - Yah n te Deteronɔmɪ 6.4 ànê 5 sɔkɔ. † **12:31** 12.31 - Yah n te Levitiki 19.18 sɔkɔ.

ńtē náh tǒ kal sépi nínóle.» ³² Wǎh yo sě, Liyel ñgbò wěkì kwó-ò dí me yo ñ tyí ne, kǎh ple, pé kwó-ò dí! Tyi nónó-á à yo, gbi-á séle. Tě-ñgběne, ñmò nukúni ó-á Liyelle. Liyel yó náh tǒ me ñmò tyí náh. ³³ Nmò tyí-á yīne kè nò á tyí á ni pólle, á fòkò sòno pólle, á tǎhkì pólle. Anê á ní-ò tyí mó nò á tyí á gblǒy tyí kǒle. Képah-á kɪ ple kal á yípě ko suke Liyel kǒ *sárkále, ànê sárká duke téló pólle. ³⁴ Képah sòkò, Yesu kè we ne, ñ lékám-á nò, à ké yah we tǒ sah yo. A yo ñ tyí ne, à náh me fíí *Liyel tǒríle. Képah náh, névi náh tǒ fě syi à piki yah tir yóle.

Liyel ne tékínmòno n pi Davidi náh nene òkù nēne?

³⁵ Yesu sò me névyele n kwò *Liyel wòkò ñgbě kéntáhkì sòkò, té me n yo ne, sǒ se pi, té *Liyel ñgbò wěkì kwópú n ne n yo ne, *Kristale, nê-á Liyel ne, páh kɪ tekɪ mɔ, ñmò-á kɪ pi *Davidi náh nene ni? ³⁶ Tir yó náh, Davidi ńtē sǒ kè yo *Liyel Mírki gbò yó ne,

Tě-ñgbě Liyel-á kè yo péwò Tě-ñgbě tyí ne:

«Kǒ tē ñmò gbòyò sòle,

mé kɪ á sépébi pi

á gbáhsúkíle.»‡

³⁷ Davidi ńtē-à ñne n ye ñ Tě-ñgběne, kè kɪ pi sǒ, té à kɪ pò n pi Davidi náh nene? Légbíne, tówú ñgbě sǒ me wey mēne n nohnɪ Yesu tyí ñìvìni sòkò.

Yesu ne, pé pé gblǒyne n kyomɪ Liyel ñgbò wěkì kwópúle

³⁸ Wǎh me névyé kwónó sòkò gbí nēne, à yo pé tyí: «Yé yé gblǒyne n kyomɪ *Liyel ñgbò wěkì kwópúle. Fwòmòno ñgbno mónkònkòno tyí nò pé tyí. Pé n ne me ké tyí ne, névyé ne n tǒ n sah n wekɪ pé tyí tówú tükè-ntàn sòkò. ³⁹ Pě tē-ntàn ñgbnole n yah n kǒ *Liyel ní-ntàn vè sòkò, ñ té né-ñgbno tē-ntanne n yah n kǒ yòke ñgbno yó-ntàn sòkò. ⁴⁰ Nte ne n syɪkɪ pékúsyò yó, pé gbàn yíle n syi yínvì sòkò. Nte níríle n pi yòšékìle ne, névyé pé we. Sě ye pé tukey kɪ tuke kápékè yó.»

Pékúsê yām ne yó ñìvì pólé Liyel kǒ

⁴¹ Légbíne, Yesu sǒ me kǒntēnóle Liyel wòkò yah, pò dáhnmo-ńsah kwáh gbòpò, té névyé pò dáhnmo òkùle n yah. Tahbi náhnáh sǒ me pò náhnáhle n dah n mɔ n pò. ⁴² Dǒ, pékúsê yām ne yó pò, pò pló nínó dah mɔ. Sè sǒ me nukú nukúno nínó óle. ⁴³ Képah sòkò, Yesu ñ *tǒ sáhpú ye, té yo pé tyí: «Kègbi yó, mé kéle n yo yé tyi, pékúsê yām ne mē-á pò nê dah mɔ kwáh sòkò, kè kal névyé pól tyíle. ⁴⁴ Tir yó náh, no pól pò yó dòhnòno ye, pé dah mɔ. Nte, ñmò ànê ñ yām tóle, ñ sahki pól ye à dah mɔ, wǎh ne pò nê tɔ yó n pi.»

13

Yesu Liyel wòkò ñgbě sónó tyí yo sah

¹ Yesu-á n wil *Liyel wòkò ñgbě kéntáhkì sòkò gbí nēne, ñ *tǒ sáhpú sòkò ne yó me à syah ne, kwó-ò dí, à vè ñgbno nópi mɔ òkù tēne n yah, dyèh pèplòle dé! ² Yesu me yo ñ tyí: «Á vè ñgbno nópi mónó we kè! Sé pól kɪ pò sekɪ. Dáhkì nukú ńtē náh n wū n pi ké ní-ò yó.»

³ Képah náh, Yesu kyɪ kǒ tē Wólívyê sésân yǒli yó, Liyel wòkò ñgbě yèsreyne. Wǎh me nénpò, Pyeri, ànê Nsyahki, ànê Nsyó, ànê Andrepi pò pé yahle, té à piki yah ne,

‡ 12:36 12.36 - Yah n te Yìgbìni 110.1 sòkò.

4 gbí nê se tyi nópi pól kɪ n pɪ n pi nɪ? Nkě, à yo pé syah. Tyi nóno se kɪ sé pɪ gbíne pé wěkɪ nɪ?

Yèvyāhri tyah gbíne

5 Képah sɔkɔ, Yesu tyah n yo pé tyí: «Yé yé gblɔyne n kyɔmɪ, nɛ káh yé pilki. 6 Névyé náhnáh kɪ pɔ nɪmɔ yɪn tɔkɔ n pi, té kɪ nɛ, pépi-á *Kristalɛ. Pè kɪ névyé náhnáh pilki. 7 Yáh mál tyíle n nohnɪ gbí nêne, yé gbòplo ànê fíí sɔkɔ, yé káh ye tíkí yé tẽ. Sépi ye yíne sè pɪ. Nte, képah náh tɔ̀nì kèkòyó tyénóle. 8 Kwil yó kɪ yuku kwil yóle n fwo, yòtẽ yó kɪ yuku yòtẽ yóle n fwo. Té, sétáh syahri kɪ mɛ n pɪ tyahnó tókù sɔkɔ, ànê kwekɪle. Kè kɪ mɛ, á kɪ nɛ sê kúrki tẽ gbí yónó sɔ. 9 Képah ye, yépi tẽ wɔle, yé yé gblɔyne n kyɔmɪ. Tir yó náh, névyé kɪ yéle n tẽ n kyɪ n pɔ tukey tükè-ntàn sɔkɔ. Pè kɪ yéle n ko *Liyel ní-ntàn vɪ sɔkɔ, té kɪ yéle n tẽ n kyɪ n pɔ yòtām ànê yòtām ñgbnɔ tyí nɪmɔ yɪnne nɛ, yé pɪ nɪmɔ tārɔyónóle pé yah sɔkɔ. 10 Té sépi-à pópó nɛ n pɪ, nìvìnì wey sán ñgbò yíne ké nɛ mɛ yo kɔ kèkòyó kwlo kwlo pól névyé tyí. 11 Nte, pàh yé tẽ n yuku pé gbò dáhbí-nsah, yé káh tɔ̀nì yé fɔkɔle n sɔ, yáh nɛ tyi nóno yo n pi. Tyi nóno-à de yé fɔkɔ légbíne, yé kɪ sépi yo. Tir yó náh, tyi nóno-á yé kɪ n yo n pi, sè náh n wil n pi yépi tyí, sè n wil *Liyel Mírki tyí. 12 Névyé kɪ pé yúpyé gbàhle n de n mɔ nɛ, pé pé ko mɔ, súbí tɔ kɪ n pɪ sɛntɛne pé wěnpì tyí. Wěnpì tɔ kɪ pé dúbípúle n fwo, kɪ péle n dah n mɔ kũ sɔkɔ, pé ku ku tɛne. 13 Névyé pól kɪ yé wɛ mɔ nɪmɔ yɪnne. Nte, névi nê-à ñ tah sah, à pɔ nɔ kɪ tye gbí tyí, tẽ kɪ pwáhnmonɔ wɛ.»

Yèvyāhri ñgbɛne

14 Képah sɔkɔ, Yesu tɔ yɔ sɔkɔ ñ wɛyne - nte, wey mè kàrpɔ yíne pé ké dükù pì. A nɛ: «Yé kɪ yíkinó pí-ò kèpèkè wɛ fí yó, à náh sò yíne ténóle nýāh sɔkɔ. Légbíne, nóno-à mɛ Yude, pé yíne pé to de ymɔ sɔkɔ. 15 Névi nê-à mɛ gbɛntɪn yò, tẽ-à tiki, à káh nɛ, páh n de kwàhle n tɔkɔ pé wòkò. 16 Nê-à se mɛ swāh sɔkɔ, à káh nɛ, páh pé syɪ n yuku fwòmò-ñgbɛ tókò-nsah pé finne. 17 Té kéne sèpìn kɪ pɪ tyípekèle syó kúrn nétàn, ànê yòkɪ nétàn tyí. 18 Képah ye, yé Liyelle n ni, kè káh pɪ kɪ sɔkɔ. 19 Tir yó náh, kéne sèpìn kɪ pɪ yèvyāhri ñgbɛne, nê kénkɔ náh wɛ yah, Liyel-á kèkòyó mɔ sɔ, à pɔ syɪ núkúnúkú tyí. Anê sɛnkɔ náh tɔ wɛ n yah n pi. 20 Nte, Liyel nte-à mɛ ké yáhntɔkò-ńkɛne nɛ, páh kɪ wìlkinó pɪ kéne sèpìn sɔkɔ, ñnì yó nte min náh náh n wil n pi ké sɔkɔ. Nte, wāh nóno yah tɔkɔ pɪ ñ tyíle, pépi yɪn ye à wìlkinó pɪ kéne sèpìn sɔkɔ. 21 Képah ye, névi-à yo yé tyí nɛ, yé yah, *Krista-á mɛ ásò, képah náh pɪ, wāh mɛ wró mè, yé káh sɛ tẽ yò. 22 Tir yó náh, mìnnyobe tókù kɪ n wil n pi, té kɪ nɛ, pépi-á Kristalɛ. Tókù kɪ mó tɔ wil nɛ, pépi-á *Liyel tɛntò syínyopule. Pè kɪ gbìl duke dukele n pɪ, kɪ n yah n kɔ Liyel névyé yáhntɔkɔnɔ nte pílkí-nsahle, pàh náh fɛ n tẽ n pi. 23 Képah ye, yépi tẽ wɔle, yé yé gblɔyne n kyɔmɪ. Mé ye sé pól kwāh yo sah yé tyí.

Névi Pi pónóle

24 Kéne sèpìn sɔkɔ, yèvyāhri mè sókóntɛnɔ náh, gbí kɪ pɪ fɛntũne, nówɔ náh tɔ n piki n pi, 25 nówɔ képye kɪ wil yínyò kɪ syɪkɪlɪ, yínyò tǎhkìnó kɪ yike. 26 Ké légbíne, yé kɪ *Névi Pi wɛ, à kɪ n pi nýirn wró ñ tǎhkì ñgbɛ ànê ñ gblo sɔkɔ. 27 A kɪ *yínyò tɛntòbe tɛkɪ mɔ kèkòyó yey yey pól sɔkɔ, pé kɪ ñ névyé yáhntɔkɔnɔ tuke mɔ, à tɔkɔ yò mè tyí, á pɔ syɪ yò mè tyí.

Kwónó nê-á kɔ sènsóké tyí yò

²⁸ Yé kè pĩ kwónó nê-á sènsóké n kō: Ni-à me n kō ké yǐngbàn sòkò, kě mɪ pɪ, yé n pĩ nɛ, ki de gbí-á nò. ²⁹ Sɛnkō-ó ye: Yáh tyi nópi wɛ, sè n pɪ, yé pĩ nɛ, *Névi Pi pónó-á de tɛ, wǎh mɛ yúkey. ³⁰ Kègbɪ yǒ, mé kéle n yo yé tyí, kwɛy gbí névye pól náh n ku n tɛ n pi, né tyi nópi pól náh pɪ. ³¹ Yinyǒ ànê sétáh kɪ pɔ sòkò, nte nímɔ wɛlɔ náh n sòkò n pi póllɛ.

Liyel ó ye kèkǒyó tyɛ sóle n pne

³² Té ké lésòlɛ ànê ké gbíne, n̄n̄i yó ntɛ náh kè pĩ: *Yinyǒ tɛntòbe náh kè pĩ, Liyel Pi ntɛ tɔ náh kè pĩ. Sú núkúni ó ye kè pĩ. ³³ Yé yé gblǒyne n kyomɪ, yé mó nɛ n yah. Tir yó náh, yé náh ké pɔ gbí pĩ. ³⁴ Kè mɛ, á kɪ nɛ dí yó sǒ n sòkò kóló, té n fók dahbɪ n tɛntòbe gbò. A pé pól nɛ núkú núkú wɛkɪ pé tǎnne, té yo gbô syíkí-ò tyí nɛ, à káh nɛ n dɔ, à nɛ n yah. ³⁵ Képah ye pɪ yépi tɔ nɛ n yah, tir yó náh, yé náh gbóntɛ pɔ sǒ pĩ: Kè kɪ pɪ n̄v̄ine nɪ? Kè kɪ pɪ lénule nɪ? Kè kɪ pɪ sn̄i gbo gbíne nɪ? Kè kɪ pɪ séngbòle nɪ? ³⁶ Wǎh n pi, à káh pɔ yé wɛ tɛ dɔy sòkò. ³⁷ Nte, nê-á mé n yo yé tyí, mé kéle n yo no pól tyí: Yé nɛ mɛ n yah.»

14

Nsyifunɔ yòtām mɛ Yesu kònmɔ-ńsahle n yah n kō

¹ *Pakɪ syáh-á n tyah yínintɛnɔlɛ, ké téy sò wũ sèp̄in nín̄i, té Pakɪ ànê sɛ-ńkɛ búrn syáh kɪ n syah n pi. Légbíne, *sárká wǐlkɪpu yòtām n̄gbnɔ ànê *Liyel n̄gbò wɛkɪ kwópú sò mɛ Yesu tɛ-ńsahle n yah n kō yínv̄i sòkò, n kònmɔ mɔ tɛne. ² Pè sò mɛ n yo wɛ tyí nɛ, pé náh fɛ tir mè pɪ n pi syáh syáhnó sèp̄in sòkò, kǎh kɪ fɛ kwil névye fòkòvyǎhni yilki mɔ kègbɪlɛ.

Sê yó pɔ làsèkwɛl mɔ Yesu yó

³ Ké lésòlɛ, Yesu sò mɛ Betani kwil sòkò, *tótɛ dí Simo gbô sòkò. Wǎh sò mɛ yónó sòkò gbí n̄ne, sê yó de yuku pé tn̄ɔ nɪrɪ so pèpɛy yóle, làsèkwɛl dan tahle ké yíine. A ké yah yɪkɪ mɔ, té ké kwɛ mɔ Yesu yó. ⁴ Nónó-á sò mɛ n̄npó, kè náh sò nɔ túkú tyí. Pè yuku n yo wɛ tyí nɛ, kú se pɪ, té à làsèkwɛl mè yɪkɪ sɛ nɪ? ⁵ Kǎh kɪ sò fɛ yām, kɪ kah pó pló kyɛtóni yó, té kɪ séle yāmtām kō. Té mɛ pé fòkò vyǎh pi m̄ne kègbɪlɛ. ⁶ Nte, Yesu mɛ yo pé tyí: «Yé ye n̄ yó! Kú pɪ, té yé n̄ yahle n vyǎh? Tyi pèpɛy ye à pɪ nímɔ tyí sɛ yò. ⁷ Nte, yāmtām kɪ mɛ ànê yéle s̄omesó. Yé kɪ fɛ pèpɔrɪlɛ n pɪ pé tyí, káh nɔ yé tyí gbí n̄ne. Nte, nímɔ tɛ wɔ náh n mɛ n pi yéle s̄omesó. ⁸ Pi mè pɪ pɪ tɛ ye à pɪ. A kwǎh tɛ làsèkwɛl mɔ nímɔ wil yó. A kè t̄ɔ sah tɛ diki sòkò dáhn̄mɔ yinne. ⁹ Mé kɪ kè yo yé syah kègbɪ yó nɛ, kèkǒyó pól sòkò, n̄v̄in̄i wɛy sán-à n yo n̄yǎh, pi mè-á n̄e pɪ, képah tɔ kɪ n yo. No dɔy kɪ n kwne n̄ tyíle.»

Yudasi v̄inóle Yesu náh

¹⁰ Yudasi Yisikaryotile, Yesu *tò sáhpú n̄ép̄i gbõnimí sòkò yó ye sò n̄ne. Nmɔ sòkò à kyɪ yo *sárká wǐlkɪpu yòtām n̄gbnɔ tyí nɛ, páh kɪ fɛ Yesu dahbɪ pé gbò. ¹¹ Kǎh pɪ sɛ, n̄ wɛy mè nóhnó kah nɔ pé tyí. Pè mɛ yo sah núkú yó nɛ, páh kɪ pó dan yóle à kō. Képah sòkò, Yudasi-á pɪ sǒ, té à dahbɪ n pi pé gbò, à tyah képah sókó-ńsahle n yah n kō.

Yesu pè kō pè Pakɪ yòke pɪ

¹² Sɛ-ńkɛ búrn syáh tyah sóle, Yesu *tò sáhpú à piki yah nɛ, n̄yǎh sòkò se à mɛ ké tyí nɛ, pé kyɪ *Pakɪ yòke pɪ n̄ tyí nɪ? *Nsyifunɔ n̄kɛne Pakɪ képyɛnne n ko lésòlɛ,

képah ye. ¹³ Képah soko, à n tò sáhpú népî ní mí wilki tǒ, té yo pé tyí ne, pè kyí kwil soko. Páh kɪ de n te, páh kɪ dí yó yohni, à kɪ me ni pín twah. Pè n sǒ tǔ. ¹⁴ Wáh kɪ kyí de gbô nê, pè yo kéné gbô nétǔ tyí ne, kwó-ò dí-á ne, wòkò nê soko se pé kɪ pɔ n yǒ n pi Paki yǒkele ànê pé tò sáhpúle ni? ¹⁵ Wáh kɪ pè wǎkɪ yínyǒ wòkò soko táh ñgbě yóle. Yíyìn pól-á kɪ me tǔnsàhnóle ké soko. Ké nénpó soko-á pè kɪ Paki yǒke pɪ pé tyí. ¹⁶ Wáh yo sǔ, n tò sáhpú kyí kwil soko, té pè nítyíno kyí tyi pól we, wáh sǒ kè yo sǒ pé tyí. Pè me Paki yǒke pɪ nénpó soko.

¹⁷ Képah soko, ní-á pɔ nɔ, à pɔ de ànê n tò sáhpú népî gbõnimíne. ¹⁸ Páh sǒ me yónó soko gbí nêne, à yo pé tyí ne, kègbɪ yǒ, pépi soko ne yó-á kɪ pɔ n vi n pi péwo náh, nê-á me n yǒ péle fí núkú. ¹⁹ N tò sáhpú-á képah noh, pé yah kwɔ kègbɪle. Pè tyah ñne n piki yah núkú núkúle. Nyɔ n ne, péwo se ni, nyɔ n ne, péwo se ni? ²⁰ A yo pé tyí: «Yépi népî gbõnimí soko, nê-á me n di nímo le tǔngbil núkú soko, tǔ wo ye. ²¹ Kègbɪ yǒ, *Névi Pi kɪ n ku n pi, sǔ-á sǒ *Liyel wey sébǔnó kè yo sah n tyí soko. Nte, tyípékè ñgbě ye kéle n gbàh dénmo-ò tyí! N dúbì-ńkǔ ye náhkɪ fǒnfǒ n dúbínó yǒ.»

Yesu yǒke téyne

²² Képah soko, yǒke yǒ gbíne, à búrn tǔkɔ, té wǎkɪ Liyel tyí, té kɪ kwɔkɪ dibi pè kǒ, té yo pé tyí: «Yé syi kéle, nímo wil ye.» ²³ Képah náh, à me ðivǔ wo wo kwáh tǔkɔ ðivǔne ké soko, té weyne Liyel kǒ, té kéle n *tò sáhpú kǒ pé pól wo ké soko, ²⁴ té yo pé tyí: «Képahle, nímo tǒ ye, nê-á kɪ nénye yégbékè kwɔ mo ànê Liyelle. Kè kɪ kwe tówú yinne. ²⁵ Mé kéle n yo yé tyí kègbɪ yǒ: Mé náh tǒ ðivǔ wo n yah n pi. Máh pópó ðivǔne n wo tǒ nǔ, ðivǔ sǎn yó ye *Liyel yǒtǔrí tyah soko.»

Yesu ne, Pyeri-á kɪ n vyǎh kǒli pé tyí soko

²⁶ Képah náh, pè Liyel gbílkínó yì gbɪ. Páh gbɪ te, pè yuku Wólívyé sésán yǒli yǒ. ²⁷ Páh kyí nénpó, à yo pé tyí: «Yé pól kɪ nímo yahle n pi. Sǔ-á *Liyel wey sébǔnó kè yo sah ne, yípénfǔ-á kɪ ko mo, té yípǔy pól-á kɪ to karkɪ gbòplǔle.»* ²⁸ Képah náh, à tǒ yǒ soko yo pé tyí: «Máh pɔ yuku ní kúntenɔ náh gbí nêne, mé kɪ kyí yéle n syikɪ Kalile soko.» ²⁹ Képah tǔne, Pyeri me yo n tyí ne, téló pól-á kɪ sǒ à yahle, péwo tǔ wo náh à yahle n pi. ³⁰ Nte, Yesu me yo n tyí ne, páh kéle n yo n tyí kègbɪ yǒ, kwey lékǎh mè soko, sénpe-à kɪ pópó n gbo ke nínó, wáh kɪ me n vyǎh kǒli te ke tǔnó ne, pé náh péwo pǐ. ³¹ Nte, Pyeri tǒ kè tǒ yo yǐ n tyí ne, kǔ fyé-à sǒ, páh kɪ ku ñne. Pé náh n yo n yah n pi pólle ne, pé náh ñne n pne. Pé no téló pól tɔ yo sǔ.

Yesu níri pínóle Yesemani soko

³² Képah náh, pè soko tyah yó, nyǎh-á pè n ye Yesemanine. Páh yini tǔ nénpó soko, à yo n *tò sáhpú tyí ne, pè tǔ ásǒ, pé mó kyí Liyel ni pɔ. ³³ Wáh n soko, à Pyeri ànê Nsyakɪ, ànê Nsyǒ tǔ soko. Té légbíne, n fǔkɔ sǒ me fǔkɪ, té tǔkɪ me à kah tǔ. ³⁴ Képah soko, à yo pé tyí: «Yèkwɔrɪ me ní soko, kè sǒ ríne n ko. Yépi tǔ ásǒ, té yé káh ne n do!» ³⁵ Té yuku yah tǔnne kwéy, à kyí gbètukunɔ di, té yo Liyel tyí ne, káh kɪ fǔ pɪ n pi, à pé wilki kwlónó mè soko. ³⁶ A tǒ yo pé kwil wey soko: «Aba, bǔ, tyi pól me áwo gbǒ. Nmo wilki yèvyǎhrɪ mè soko. Nte, nê-á me ké soko, nímo dyɔ yǐ tǔ káh pɪ, té áwo tyí mó pɪ.»

³⁷ Wáh níri pɪ te, à n syɪ pɔ tò sáhpú népî tǔmí nópi tnô, à pɔ pè we pè me n do. A yo Simo Pyeri tyí: «Á me n do kè? Á náh tǔ we yah kwéy kè no lér núkú rǔtǔne kè.

* 14:27 14.27 - Yah n te Sakari 13.7 soko.

38 Yé gbah tẽ yé ne n yah, yé mó Liyelle n ni, yé káh pɔ *sétò tǒnmɔnɔ fě syi. Fòko sǒnɔ pèpɛy me névi sɔkɔ, té ké pínó tǎhkì náh me ò sɔkɔ.»

39 Wǎh yo te pé tyí sě, à yal pé tnô, té tǒ kyɪ níri pɪ gben tẽ tyí kǒle. 40 Képah náh, à ò syi pɔ ò tǒ sǎhpú tnô òtǒ. A pɔ pè we, dɔy me tẽ we pé tyí. Yo yo tir náh tǒ we pé tyí. 41 Wǎh tǒ kyɪ pɔ ke tǒ-òle, à yo pé tyí: «Yé me sě tẽ yéle n mɪ kè? Kè tyè! Ké gbí nɔ. Núkúnúkú, *Névi Pi kɪ dahbɪ nɛpɛl gbò. 42 Yé yuku á sɔkɔ! Yé yah, névi nê-á òmɔle n dahbɪ pé gbò, tẽ pɔ te.»

Yesu tǎnóle

43 Wǎh me képah yónó sɔkɔ sě, à náh tǒnì yo te, té Yudasi, nê-á ò *tǒ sǎhpú nɛpɪ gbõnimí sɔkɔ yóle, òmɔ yɪn méfwóbé nékwínkí yísyó yah, à pɔ kèkírɪn ànê léplóle pé gbàn. *Sáráká wɪlkɪpu yǒtǎm ògbnɔ ànê *Liyel ògbò wěkì kwópú ànê yèwǎhnì ye sò tekɪ mɔ péle. 44 Té nê-á sò Yesu dahbɪ n pi pé gbò, à sò me pɪ òkù yóle pé wěkɪ sah. A ne, páh kɪ pɔ wɛkɪ nê tyí té à pɔrɪ tẽ, òmɔ-á. Pè à tẽ, pé mó òne n kyomɪ n yuku palle.

45 Képah sɔkɔ, wǎh núkú pɔ yɪni tẽ Yesu tyí, à wɛkɪ ò tyí ne, pé kwó-ò dí, té núkú à pɔrɪ tẽ. 46 Kǎh pɪ sě, no nópi núkú pɔ tuke Yesu yó, à à tẽ. 47 Yesu tǒ sǎhpú sɔkɔ yó núkú ò kèkírki yɔrɪ de, à sáráká wɪlkɪpu yǒtẽ ògbě tǒnpɪ yó níkí kǒ kǎm.

48 Képah sɔkɔ, Yesu me yo pé tyí: «Yé pɔ òmɔ tẽ-nsah kèkírɪn ànê léplóle yé gbàn, á kɪ ne kèlékě névi sǒ òne. 49 Swǒ swǒ pólle, mé sò òkěne n ne n me yé wró *Liyel wòkò ògbě kéntáhkì sɔkɔ, névyele n kwɔ. Té yé náh ò tẽ. Nte, tyi nóno-à yo *Liyel wey sébɛnó sɔkɔ, sépi pɪntúnɔ yɪn ye.» 50 Képah sɔkɔ, ò tǒ sǎhpú pól to karkɪ, té à sah. 51 Té kètɛnpíkì yó sò me Yesu sò tẽ, fwòpɪn núkú ó ye sò à pil. Pè à tẽ ò fwòpɪn tyí, 52 à mó kè fe de mɔ, té to sɔkɔ ò sɛnpùne.

Yesule Nsyifunɔ tukey tükèpu yah

53 Képah náh, pé Yesu tẽ yuku *sáráká wɪlkɪpu yǒtẽ ògbě gbò. Ké nɛnpó sɔkɔ, sáráká wɪlkɪpu yǒtǎm ògbnɔ, ànê yèwǎhnì, ànê *Liyel ògbò wěkì kwópú wě tuke mɔ. 54 Té Pyɛrɪ sò me Yesu sò tẽ wil fí sɔkɔ, à pɔ we de sáráká wɪlkɪpu yǒtẽ ògbě gbò, à kyɪ nyàhle n wne gbò tǎh sɔkɔ ànê yǒtẽ dí tǒnpɪbɪle.

55 Sáráká wɪlkɪpu yǒtǎm ògbnɔ ànê *Nsyifunɔ tukey tükèpu pól sò me n yah n kǒ ne, pé tir yó we sah Yesu yó, pé à we ko mɔ. Nte, pé náh me vɪ-nsah we ké tyí. 56 Tir yó náh, mɪnyobe tàrfyòno náhnáh sò me. Pé náhnáh sò me n wil mìnìne n yo n sah ò yó. Té pépi òtẽ náh sò me sah wě tyí yó. 57 Túkù me n yuku lékàhle òne n kǒ ne, 58 páh noh à me n yo ne, péwɔ-á kɪ *Liyel wòkò ògbě mè sɔ, nê-á névi mɔ, té kɪ kè tǒ mɔ sèpɪn tǒnì wró, nê náh n pɪ n pi névi gbò mɔnɪne. 59 Nte képah fyé yó, mɪnyobe tàrfyò nópi náh me sah tírr wě tyí yó.

60 Képah sɔkɔ, sáráká wɪlkɪpu yǒtẽ ògbě yuku yɪn no pól yah, té Yesu piki yah ne, tir kó me ò tyí yo yo tɛne nɪ, páh me tyi nóno pólle n yo n sah ò yó? 61 Nte, Yesu náh vi mɔ ò tyí, à náh tir yó yo ò tyí. Sáráká wɪlkɪpu yǒtẽ ògbě tǒ ò syi à piki yah ne, òmɔ se *Kristale, Liyel-á ne, páh kɪ ne tekɪ mɔ nɪ? Liyel, nê-á pé pól me n gbilki, ò dórí pi se òne nɪ? 62 Yesu me yo ò tyí: «Àwe, òmɔ ye. Té yé kɪ *Névi Pi we kǒntɛnóle tyi pól Tẽ Liyel gbòyò sòle, kɪ me n tiki n pi òyɪrn sɔkɔ.»† 63 Képah sɔkɔ, sáráká wɪlkɪpu yǒtẽ ògbě fòko kah vyǎh. Fòkòvyǎhnì tẽ tyí, à ò fwòmɔn yɔrɪ tɔ, té me n yo ne, pé

† 14:62 14.62 - Nê-á Liyel tǎntò syinyo-ò yo sah Daniyel 7.13 sɔkɔ, Yesu ne, pé gblóy tyí-á pé n yo.

se noh ni? Tàrfyò yah yah tẽ náh tã me ké sòkò. ⁶⁴ Pè kó Liyel tyí wékíndenò noh ò tyí ni? Pè se ne, pé pi sò òne ni? Névyè pól yuku yo ne, wǎh yĩne kònmonòle. ⁶⁵ Pé tókù yuku n sìn n mɔ n pɔ ò yò. Pè ò yah vike tú, té òne n miki n pɔ gběnkukurinóle. Té yo ò tyí ne, à yo pé syah, nê-á mi òne. A kè sǎh n pĩ. Képah sòkò, tukey tükèpu tònpi bi Yesu tẽ ò létáhlóle n kòli.

Pyeri ne, pé náh Yesu pĩ

⁶⁶ Képah sòkò, Pyeri sò me gbyèh sò, gbò táh sòkò. Té *sárká wìlkìpu yòtẽ ògbě tònpi pi yó pɔ. ⁶⁷ Wǎh Pyeri we à me nyàhle n wne, à à gbah yah, té yo ò tyí ne, òmò tɔ-á sò me Nasareti kwil Yesule! ⁶⁸ Nte, Pyeri me ò vyǎh kòli té ne, pé náh à pĩ, péwò òtẽ náh me ò wey mè syíkí-ńsah we dé. Wǎh yo sě, à wil kyi yĩn kélé yah.

⁶⁹ Képah tẽne, pi mè-á tã kyi à we, nónó-á sò me nénpó, à tã képah núkú ó yo pé tyí ne, dí mène, pépi sòkò ne yó-á! ⁷⁰ Pyeri me tã ò vyǎh kòli. Dò, névyè nónó-á sò me nénpó, pépi tã tyah n yo Pyeri tyí ne, yékâb náh n me ké sòkò. Wǎh n wil Kalile sòkò, no nópi sòkò ne yó-á ò tɔle. ⁷¹ Képah sòkò, Pyeri tyah ò gblòyne n wo pélpèl ne, dí nê tyí-á pé n yo pé tyí, pé náh òne n pne gbógbó. ⁷² Nénpó swò, sénpe gbo ke ní-òle. Képah sòkò, Pyeri dyò to kò Yesu wey tyíle, wǎh sò nê yo ò tyí ne, sénpe-à ki pópó n gbo ke nínó, wǎh ki me ò vyǎh kòli te ke tónó ne, pé náh péwò pĩ. Képah tẽ sòkò, wǎh képah sò, à tyah n gbo.

15

Pè Yesu tẽ yuku Pilati tyí

¹ Képah sòkò, séngbɔ púpúle, *sárká wìlkìpu yòtám ògbnò, ànê *Liyel ògbò wěkì kwópú, ànê yèwàhnène, pépi pól ye sò pi *Nsyifunò tukey tükèpu yòtámne. Pépi wě tuke mɔ Yesu tyí sòkò. Képah tẽne, pé à tẽ pukubi, té kyi òne *Pilati gbò dahbi. ² Pilati me à piki yah ne, òmò se Nsyifunò yòtẽne ni? A me yo ò tyí: «Áwò ye yo kélé.»

³ Képah sòkò, sárká wìlkìpu yòtám ògbnò me lékàhle à kò tyi náhnáh sòkò. ⁴ Képah náh, Pilati me tã à piki yah ne, à kó tir yó yo n pi ni? Tyi nónó pól-á n yo n sah ò yò, à kó sè noh ni? ⁵ Nte, à náh tã vi mɔ. Képah Pilati yáh-ńsah tyè.

Pè Yesu gbàh de mɔ kũ kò

⁶ Ye ye pólle, *Paki syáh-à n syah, *Pilati òkěne wòkònpèkè sòkò ne núkú yó fin mɔ, nê tyí-á nò tówù tyí. ⁷ Pǎh Yesu tẽ kyi Pilati tĩne gbí nène, dí yó sò me wòkònpèkè sòkò, pé n ye Barabasile, ànê pé nolè. Pè sò nékókè mɔ gbí nê-á sò pé me yahle sàhnóle *Wromenò tyí yò. ⁸ Képah tẽne, tówù yuku kyi de Pilati tĩne, à kyi tyah òne n ni ne, wǎh dar, té tir nène n pi pé tyí Paki syáhnó sòkò, wǎh náh kè pi pé tyí. ⁹ Pilati mó yo pé tyí ne, pé se ne, pé *Nsyifunò yòtẽ ògbě fin mɔ ni? ¹⁰ A sò kè pĩ ne òkě, dyò yónó-á *sárká wìlkìpu yòtám ògbnò kò pé Yesu dahbi péwò gbò. ¹¹ Té sárká wìlkìpu yòtám ògbnò sò me gbah tẽ tówùle n kurki n mɔ ne, pé yo ne, à Barabasi wilki fin mɔ pé kò. ¹² Pilati pé piki yah tã òtò ne, sò se pé ki pi dí mène, nê-á pé n ye Nsyifunò yòtẽne ni? ¹³ Pè tã gbo mɔ, té me yo: «Yé à syi *dahni yò!» ¹⁴ Pilati yo pé tyí ne, tyípèkè nê se à pi ni? Pè tã tã gbo mɔ náhnáh òkě, à syi dahni yò. ¹⁵ Képah sòkò, Pilati Barabasi fin mɔ. A sò me tówù nìvìle n yah n kò, képah ye. A pé kò pé Yesu ko yèfòhle, té òne sràhsyíbi kò ne, pé kyi à syi dahni yò.

Sràhsyíbi kòle Yesu ko

16 Képah tēne, sràhsyíbí Yesu tē yuku gbô nuyó yòtē dí tē-nsah, té pé no pól ye tuke mo. 17 Páh kɪ pɪ sɔ̃, té kɪ kó̃lɛ à wɛ n ko n pi, pɛ fwòmɔn syâh pɛpɛy yó mo à kɔ̃ té, yòkɔ̃ pɪ pàn yíle, à dyɪ à kɔ̃ tɔ̃rí yókúrí swɔ. 18 Té tyah n yo n tyí ne, páh n wɛkɪ n tyí, *Nsyifunɔ yòtē ñgbě, 19 té ñne n mɪkɪ n yó sɔkɔ gbè-ńsɪnne, té n sɪn n mo n pɔ n yó. Pɛ gbètukunɔ di, à kɔ kwĩnki sétáh n yah sɔkɔ. 20 Páh kó̃lɛ à ko tɛ, pɛ fwòmɔn syâh mɛ de n wil. Té tɔ̃ n flo tɔkɔ mo à kɔ̃. Képah náh, pɛ wil ñne kégbó sɔkɔ n syɪ yɪnne *dahni yó.

Pè Yesu syɪ dahni yó

21 Sireni ne yó sò me, pɛ n ye Simole, Alɛkisãdre ànê Wurfu súle. Légbíne, ñmo sò me wil swâh, me pɔ n sɔkɔ. Sràhsyíbí à kyí mo, à Yesu syɪ syɪ *dahni mɛ twah. 22 Pɛ yuku Yesule tyah yó sɔkɔ, ñyâh-á pɛ n ye «Kolkotale», yògbèkè tyahle. 23 Té pɛ me syɪbɪ yó fɛkɪ mo ñwɛ sɔkɔ à kɔ̃ ne, à wɔ, té à yahle. 24 Képah náh, sràhsyíbí à syɪ dahni yó, té me ñdan mo à n flo dibi wɛ tyí. 25 Páh à syɪ gbí nêne, gbí me pɔntɔkɪ sɔkɔ. 26 Páh à syɪ yó nê yó, pɛ kè wãrkɪ syɪ n yòtah sésár sɛnó yó ne: «*Nsyifunɔ yòtē ñgbě». 27 Té me tɔ̃ kèlékè névyɛ népî ními syɪ dahlo yó n gbòplo, n gbòyò ànê n gběyìnè sò. [28 Képah sɔkɔ, nê-á yo sah *Liyel wɛy sɛbɛnó sɔkɔ ne: «Pɛ à mo kɔ tyípɛl pípu sɔkɔ»*, kè ñtyíno pɪ sɛ.]

29 Képah tēne, wɛkɔbɪ sò me ñne n gbyɔ n sɔkɔ, té me pé yòle n kal, me yo tũ n tyí ne, ñwɛ, ñmo nê-á sò ne, páh kɪ *Liyel wòkò ñgbě sɔ, té kɪ kè tɔ̃ mo sɛpɪn tɔ̃nɪ wró, 30 à n gblɔy pwah n mo, à mó tiki dahni yó! 31 Képah núkú-ó ye, *sárká wɪlkɪpu yòtãh ñgbnɔ ànê *Liyel ñgbò wɛkɪ kwópú sò me kó̃lɛ ñne n ko, té me n yo wɛ tyí ne, wãh névyɛ tókú pwah mo, té à náh fɛ n gblɔy pwah n mo! 32 Ñmo-à kɪ ne Liyel-á ne, páh kɪ ne tɛkɪ mo Yisrayel yòtēne, à tiki dahni mɛ yó! Páh kɪ képah wɛ, páh kɪ sɛ n yó. Té nónó-á sò me syínóle dahlo yó n gbòplɔle, pépi to me ñne n gbyɔ.

Yesu kúnóle

33 Gbɪntɔ̃ pɔ̃le, lékãh mo sétáh pól yó sɔkɔ, fók à pɔ no gbèkãm gbí tyí. 34 Gbèkãm gbí-á no, Yesu kah de syi, té yo pé kwil wɛy sɔkɔ: «Eloyi, Eloyi, lama sabaktani?» Képah n yo ne: «Ñmo Liyel, ñmo Liyel, kú pɪ, té á ní fin mo?» 35 Nónó-á sò me nénpó té kè noh, pé tókú sò me n yo ne, pɛ tɔkɔ noh, wãh me *Yelile n ye. 36 Képah sɔkɔ, pé sɔkɔ ne yó me to kyɪ sɛnsúkúrí tɔkɔ dahbi wilki yòyòkɪ ni sɔkɔ, à dyɪ gbey yó vyãh tyí, à pɔ no n tyí ne, à wɔ, té me yo tũ ne, pé ye yah ñkãh Yeli-á kɪ ñtyíno pɔ à tiki mo n pi *dahni mɛ yó ni? 37 Képah náh, Yesu me de syi, té pyɛ ku. 38 Nénpó swɔ, fwo nê-á *Liyel wòkò ñgbě fɔkɔ táh dibi nínó, kè tɔ, à tɔkɔ ké yòtah, à pɔ syɪ sétáh tyí. 39 Sràsyíbí lèkwɛ yòtē dí nê-á sò me yɪnntɛnóle, té n ku ñkú wɛ sɛ, à ne: «Gbɪ yó, dí mɛne, Liyel pi ye ñtyíno sò ñne.»

40 Syó yísyó to sò me yɪn tē fíí, me n yah. Pépi wró sɔkɔ Makadala kwil Mari, ànê Mari nê-á Nsyakɪ pir ànê Yose yúne, ànê Salome sò me. 41 Pépi ye sò Yesu sò tē, n tòle n pɪ Kalile sɔkɔ. Syó kwĩnki yísyó to sò yuku ñne Yerusalemɪ sɔkɔ.

Yesu yínóle diki sɔkɔ

42 Páh Yesu ko mo só nê ñvínɛ, ké dɛndal ye sò pɪ *Nsyifunɔ *mɪ mɪ yòhle. 43 Arimatɪ kwil ne yó sò me, pɛ n ye Yosefulɛ. Ñmɔle, Nsyifunɔ tukey tókɛpu sɔkɔ ne pɛpɛy yó

* 15:28 15.28 - Képah sò yo Yesayi 53.12 sɔkɔ.

ye sò ònne. Nmɔ tɔ sò me *Liyel tǒrí pónóle n syki. Nmɔ ò nɔ syãh, à kyɪ Yesu lékó ni *Pilati tyí ne, à ònne pé kǒ, pé kyɪ à yí. ⁴⁴ Pilati-á noh ne, Yesu-á núkú ku te, kè ò yáh-ńsah tyɛ. A sràsyíbí yòtǔ dí ye pɔ piki yah ne, ò kúnó di se mo nɔ? ⁴⁵ Wǎh ké gbɪ noh te sràsyíbí yòtǔ dí tyí, à mó wǔkìle Yosefu kǒ ne, à kyɪ Yesu lékó tɔkɔ. ⁴⁶ Képah sɔkɔ, Yosefu kyɪ fwòpɪn dwe. A kyɪ Yesu lékó de *dahnɔ yò, té à plo fwòpɪn mè sɔkɔ, à dah mɔ diki sɔkɔ, nê-á tǔ tekɔ sɔkɔ, té dáh-ńgbě yó pil pɔ vike ké yah. ⁴⁷ Légbíne, Makadala Mari ànê Yose yú Mari mó Yesu dáhnmɔ-ńsah yah pɔkɔ mɔ sah.

16

Yesu yuku wil diki sɔkɔ

¹ *Mɪ mɪ yòh-á sɔkɔ, Makadala Mari, ànê Nsyakɔ yú Mari, ànê Salome kyɪ làsèkwǎl dwe Yesu yò mɔ mɔ tǔne. ² Dimasyi só séngbǔ púsó, gbí gbo gbíne, pé yuku diki yò. ³ Syó nópi me n yo wǔ tyí ne, nê se kɪ dáh-ńgbě mè yuki mɔ pé kǒ nɔ? ⁴ Té pǎh ne, pé yah, pé dǎhkì mè we pɪlntonɔle diki yah sɔkɔ. ⁵ Pè de yuku diki sɔkɔ, té kyɪ kètǔnpíkì yó we, à me fwòmònpíkì mɔ kǒ tǔ gbòyò sòle. Tíkì pé kah tǔ. ⁶ Té kètǔnpíkì mè me yo pé tyí: «Yé káh tíkì pɪ! Nasareti Yesu ye yé n yah n kǒ, nê-á pé syɪ *dahnɔ yò. A yuku wil diki sɔkɔ. A náh me ásò. Yé pɔ yah ò sǔ-ńsahle. ⁷ Yé kyɪ yo Pyerɪ ànê pé no téló tyí ńkě, wǎh me péle n syki Kalile sɔkɔ, sǔ-á lésò à kè yo sah pé tyí.» ⁸ Syó nópi-á képah noh sǔ, pé wil diki, à to sɔkɔ wil syahrɪ sɔkɔ tíkì tǔ tyí. Pè náh me n yo n mɔ ne tyí, tíkì kǎhntǔno tǔ tyí.

Yesu ò gblǔyne Makadala Mari wǔkɪ

[⁹ Dimasyi só séngbǔ púsó, Yesu yuku wil diki sɔkɔ. A ò gblǔyne Makadala Mari ńgbò wǔkɪ, wǎh lésò *sétǎn kwǎrninɔ yini wilki pi nê sɔkɔ. ¹⁰ Makadala Mari kyɪ kè yo Yesu *tò sǎhpú tyí. A kyɪ pé we kǔ yèkwɔrɪ gbɪnɪ sɔkɔ. ¹¹ Pǎh noh, Mari n yo pé tyí ne: «Yesu me ò vile! Nmɔ ye à we!», pé náh sǔ ò yò.

Yesu ò gblǔyne ò tò sǎhpú népì nímí wǔkɪ

¹² Képah náh, Yesu *tò sǎhpú népì nímí sò me kwílpír yó wǔkì tǔ. Pǎh me kéné wǔkì yò, Yesu ò gblǔyne pé wǔkɪ dùkù yóle.* ¹³ Pè pé syɪ kyɪ ké yah yo pé no téló tyí, té pépi tɔ náh tǔ sǔ pé yò.

Yesu ò gblǔyne ò tò sǎhpú népì gbǔnúkú wǔkɪ

¹⁴ Sépi pól sókóntɔnɔ náh, Yesu ò gblǔyne ò *tò sǎhpú népì gbǔnúkú wǔkɪ pé yòke yò gbíne. A pé yahle n yo pé níkì sékélkè, ànê pé tir yò sǔ-ńkě yinne. Pǎh sǔnrɪ yahle pé vi wépú yò sǔnóle pé kúntɔnɔ náh. ¹⁵ Képah sɔkɔ, à yo pé tyí: «Yé kyɪ nìvìnì wey sǎnne n yah n yo n kǒ kèkòyó névye pól tyí. ¹⁶ Névi nê-à sǔ ké yò té *wèlnwìlkínó we, òmɔ kɪ pwah. Té nê-à sǔ ńkǔne ké yò, òmɔ kɪ wú ké sɔkɔ. ¹⁷ Té nónó-á sǔ ké yò, yé kɪ pé pǐ pé tyípínó sɔkɔ: Pè kɪ *sétǎnne n yini n wilki névye sɔkɔ òmɔ yin yò, té kɪ welɔ snóle n wekɪ, ¹⁸ té kɪ fǔ wahy tǔ pé gbǔle, té kɪ fǔ kwáh pèkè wɔ, té kè náh tir yó pɪ n pi pé sɔkɔ. Anê pǎh pé gbǎn sah yámpú yò, pé kɪ de.»

¹⁹ Tǔ-ńgbě Yesu-á yo te sǔ, à yò dɔkɔ sɔkɔ yínyò, à kyɪ kǒ tǔ Liyel gbòyò sò. ²⁰ Képah náh, tò sǎhpú me kyɪ tyah nìvìnì wey sǎnne n yo n kǒ ywǔ ywǔ pól sɔkɔ. Tǔ-ńgbě sò me péle n yohnɔ mɔ kéné tò sɔkɔ, me gbìl tyile n pɪ, tyi nónó-á n wǔkɪ ne gbɔ-á pé welɔle.]

* **16:12** 16.12 - Képah ye yo dal mɔ Luki 24.13-35 sɔkɔ.

Likyi-á nìvìnì tir nê wārki Yesu tyí soko

Likyi-á nê yo ò sèbéy tyí yò

¹ N dí Tewofil, tyi nónó-á pi á wró, névye náhnáh tyah me séle n wārki. ² Pè sè wārki, sǎ-á tàrfyònó yo séle á tyí, pépi nónó-á sò we séle sé tyah gbí òkùle, té sò me Liyel wey yópule. ³ Képah ye, nmo to me tyi nópi níy tē palle, nónó-á pi, à toko ké tyah gbí tyí. Té me ké tyí ne, nmo to sè wārki ò kǎ sé wēkì yò, sǎh pi syi wē tyí sǎ, ní dí Tewofil. ⁴ Képah soko, á kɪ pī ne, wáh kwónó nê we, gbi-á kéle.

Yinyò tēntò yó pɔ Welnwilkì-ò Nsyò dúbínó tyí yo sah

⁵ Yerodí-á sò me yòtēne Yude kwil yò soko gbí nēne, sárká wilkipu yòtē yó sò me, pè n ye Nsakarile. Sárká wilkipu yòtām nónó-á sò Abya tɪnkile, pépi soko ney yó ye sò òne. N kyi Yelisabeti tole sò, sárká wilkipu yòtē ògbē Arō náh ney ye òne. ⁶ Pé ními sò me néglólé Liyel yah. Pè sò me Liyel tyi kònsàhnó pólle n pi, té me ò tyiyónè pól tē yí. ⁷ Nte, pé ními sò dye te, Yelisabeti náh sò fē pi we n pi, képah ye pi náh sò me pé tyí.

⁸ Só yóle, Nsakaripi tɪnkì tò pi gbí-á pɔ nɔ, à sò me tòle n pi Liyel yah péle. ⁹ Pǎh dar té sǎhntokónole n pi sǎ, kè sò pɔ yīne òmole. A sò yīne à de Liyel wòkò ògbē soko, à sèkukuri pǎn pèpey suke Tē ògbē Liyel yah soko. ¹⁰ Légbíne, tówù pól sò me Liyelle n ni kégbó soko, wáh wòkòle n yò gbí nēne. ¹¹ Wáh me képah soko, yinyò tēntò yó wil ò yah, té me yīn tē wòkò yò yò kwáh gbòyò sòle. ¹² Nsakarí-á à we gbí nēne, tiki à tē, ò lékám fēki. ¹³ Nte, yinyò tēntò mè yo ò tyí: «Nsakarí, káh tiki pi, á Liyel níno ye tē. A kyi Yelisabeti kɪ dínpir dubi á tyí, té á kɪ ò yīn sah Nsyòne. ¹⁴ N dúbínó kɪ pi nìvìnì ògbēne áwɔ ànê névye náhnáh tyí, ¹⁵ ò né-ògbē pónpɔno yīne Tē ògbē Liyel yah. A náh dívè wɔ n pi, à náh tǔ kónó yó òtē wɔ n pi, té kɪ me yúkúnóle Liyel Mírki tǎhkile ò dúbíríkē gbí òkùle. ¹⁶ A kɪ pɔ Yisrayel névye náhnáh kǎ, pè kɪ pé syi pɔ pé Tē ògbē Liyel tyí. ¹⁷ A kɪ n kɔ Liyel yah Yeli pi òkù ànê ò tǎhkile ò soko. A kɪ pɔ súbì ànê pé wēnpì wró tǔ sah, té kɪ òhnì-òkēpú vi mɔ pi òhnìpule. A kɪ névye tǔ sah vi mɔ Tē ògbē kǎ.»

¹⁸ Wáh yo sē, Nsakarí yo ò tyí ne, péwɔ ànê pé kyile, pé ními-á dye te. Kǎh pi sē, sǎ se pé kɪ fē pī ne, gbi-á à yo ni? ¹⁹ Képah soko, yinyò tēntò yo ò tyí: «Kabrelɪ ye òmole, nê-á n yīn Liyel yah, à ò tòle n pi. A ní tekɪ mɔ ne, mé pɔ nìvìnì wey mè yo á tyí. ²⁰ Nte yah, á náh sē ní welo yò. Té, sè kɪ mó tǔ pɔ n pi n tǔ n pi sé gbí soko. Képah ye, á vyǎh kɪ gbi tē, á náh tǔ fē n wekɪ n pi fóó, kɪ pɔ nɔ tyi nópi píntǔ só tyí.»

²¹ Légbíne, tówù sò me Nsakarile n syiki. Té ò kǎhnmonole Liyel wòkò ògbē soko, képah sò me pé gbǎn du. ²² Nte, Nsakarí-á pópó n wil, à náh me fē n yo n mɔ pé tyí. Kǎh pi sē, no pī ne, gbìl tir yó-á wil ò yah Liyel wòkò ògbē soko. A sò me ò gbǎn óle n pi n mɔ pé tyí, té me wekɪ kwlo.

²³ Képah náh, ò tò píno sèpìn-á pɔ tǔ Liyel tyí, à ò syi yuku ò gbò. ²⁴ Kéne sèpìn sókóntenɔ náh, ò kyi Yelisabeti kúrki toko, té kè wǔbɪ nǔwǔlɔ kwló. A sò me n sǎ ne: ²⁵ «Yah, pèpɔri nê-á Tē ògbē Liyel pi ní tyí yò. A ye òtyínɔ yah dah mɔ ní tyí soko nukúnúkú, à ní sen toko to ní yò névye yah.»

Yesu dúbínó tyí yónsàhnóle Mari tyí

²⁶ Képah náh, n̄wǒló kénúkò sókóntenó náh, Liyel t̄o ò ȳinyō t̄entō Kabrel̄i t̄o kwil yó sokó, nê-á pè n ye Nasaret̄ile, Kalile sétáh yō. ²⁷ A à t̄o ȳendyíkì yó tyí, nê-á sò me gb̄ínóle Davidi náh ney Yosefu tyí. Ȳendyíkì mè ȳin ye sò Marile. ²⁸ Wáh kyí, à de yuku Mari tn̄ô, té yo ò tyí: «Mé wekí á tyí Mari. T̄ě ñgb̄ě Liyel me p̄ep̄ori yó t̄o sah p̄i á tyí, à me ále.»

²⁹ Mari-á kéne welo noh s̄ě, ò gb̄àn du. A sò me n sò ò fòkò ne, yō nê yō se à po wekí m̄o pé tyí s̄ě n̄i? ³⁰ Képah sokó, ȳinyō t̄entō yo ò tyí: «Mari, p̄ep̄ori ye Liyel n p̄i á tyí ò ñgb̄èkì sokó. Káh n ye kè p̄i t̄íkí t̄irle á tyí. ³¹ Yah, á k̄i kúrki t̄okó, k̄i d̄inpir yó dubi, té k̄i ò ȳin sah Yesule. ³² A k̄i p̄i né-ñgb̄ēne Liyel yah. A k̄i n ye ȳõtah Liyel pile. Té T̄ě ñgb̄ě Liyel k̄i à k̄õ, à k̄i t̄ě kwil yō ò náh ney Davidi s̄õ. ³³ A k̄i n w̄ũ n p̄i Yisrayel kwil pól yō gb̄imegb̄í. Ñ ȳõt̄orí náh tye yah n p̄i pólle.» ³⁴ Wáh yo s̄ě, Mari à piki yah ne, ñte, pé náh se d̄í tyí p̄í. S̄õ se kè k̄i p̄i, té pé k̄i kúrki t̄okó n̄i? ³⁵ Ȳinyō t̄entō me t̄o yo ò tyí: «Liyel Mirkí k̄i tiki á yō, té ȳõtah Liyel t̄áhkì k̄i fòkò t̄ũ á yō fob s̄õ m̄o. Képah ye, p̄i nê-á á k̄i n dubi n p̄i, à k̄i me p̄ekè kéne ò sokó, té k̄i n ye Liyel pile. ³⁶ Yah, á wòkò ney Yelisabet̄i, nê tyí-á no yo t̄ũ ne, p̄íkán sê-á ñne, à me kúrki t̄okó ò dyenteno náh, ké n̄wǒló kénúkò-ò ye yō. A k̄i n dubi n p̄i d̄inpirle. ³⁷ A náh we di, Liyel t̄ě we tyi pól tyí.» ³⁸ Wáh yo te, Mari t̄o ò syi yo ò tyí: «Ñm̄o me T̄ě ñgb̄ě Liyel tyí yō. Wáh yo s̄õ, Liyel kè p̄i s̄ě n̄i tyí.» Képah náh, ȳinyō t̄entō ò syi sokó.

Mari kyínyahnóle Yelisabet̄i tyí

³⁹ Kéne s̄ep̄in sokó, Mari yuku sokó súú ym̄o yō, Yude kwil yó sokó. ⁴⁰ A kyí de Nsakar̄i gb̄ô, té wekí m̄o Yelisabet̄i tyí. ⁴¹ Yelisabet̄i-á Mari wékínm̄on̄o noh, piri núkú kah werke ò fòkò sokó. Képah sokó, Yelisabet̄i me yuku Liyel Mirkí t̄áhk̄ile, ⁴² té yo ò tyí ȳinp̄õ ñgb̄ēne ne: «S̄ám me mónóle á sokó, à kal syó pólle. Anê s̄ám me mónóle á fòkò t̄áh piri to sokó. ⁴³ Nédúkú nê me ñm̄o t̄ě tole, té n̄ T̄ě ñgb̄ě yú k̄i po n yah n̄ tyí? ⁴⁴ A náh we di, m̄áh fyò á wékínm̄on̄o noh n̄yāh, ñiv̄in̄i t̄ě tyí, piri núkú kah werke n̄ fòkò sokó. ⁴⁵ Ñiv̄in̄i me á tyí, áw̄o nê-á s̄ě ké yō ne, T̄ě ñgb̄ě Liyel-á nê yo, k̄áh k̄i p̄i t̄ũ.»

Liyel ȳin gb̄ilkínóle Mari tyí yìgb̄in̄i sokó

⁴⁶ Képah sokó, Mari ne:

«Ñm̄o me n̄ n̄i dal m̄o T̄ě ñgb̄ě Liyelle n gb̄ilki,

⁴⁷⁻⁴⁸ Ñ Pwáhn̄m̄o-ò Liyel f̄ě syi yah dah m̄o n̄ tyí sokó.

Képah ye, n̄ n̄i me v̄inóle ò ȳinne.

Ñm̄o nê-á me ò tyí yō, me n̄ gbl̄õyne n tiki n m̄o ò yah sokó.

Gb̄i yō, à t̄okó nukúnúkú tyí, kn̄o kn̄o pól k̄i po n yo n p̄i ne, m̄áh ȳev̄in̄i we.

⁴⁹ Tyi pól tyí t̄enwe-ò Liyel ye tyí-ñgb̄n̄o p̄i ñm̄o tyí, ò ȳin ye Kèt̄ok̄ě Liyelle.

⁵⁰ Ñ ñgb̄èkì k̄i me t̄õnm̄onyukunóle kn̄o kn̄o pól yō tyé-ñk̄ēne, nónó-á ò yah t̄íkile n p̄i.

⁵¹ A ò gb̄ò t̄áhk̄ile t̄o p̄i:

Gbl̄õy gb̄ilkínó s̄on̄o-á me nónó sokó, à pè kark̄i.

⁵² A ȳõt̄ām tiki m̄o pé t̄õrí kl̄õ yō, té gbl̄õy t̄ikínm̄opu d̄okó m̄o.

53 A yõ yõ yîle kwéndébé kǒ yíí,
té tahlı́ fin mɔ̀ pè sɔ̀kɔ̀ pé gbǎn kúkóle.

54 A Yisrayel névyé yohnı́ mɔ̀,
pépi nónó-á me n tyí yõ.
N̄ dyɔ̀ náh fwɔ̀ n nìgbèkì pínóle,

55 à yuku Abrahmı́ ànê n náh tǎn tǎnne tyé-ńkêne, wǎh sò n vyǎh kǒ sǒ á súbí n̄gbò
tǎn tyí.»

56 Képah sɔ̀kɔ̀, Mari tē Yelisabetı́le, à n̄wǒlò tǒnó kénkǒ pı́. Képah náh, à n̄ syı́ sɔ̀kɔ̀
n̄ tǎnne.

Wèlnwìlki-ò Nsyõ dúbínóle

57 Képah sɔ̀kɔ̀, Yelisabetı́ dubi gbí-á pɔ̀ nɔ̀, à dubi dǐnpı́rle. 58 N̄ tnô tēpu, ànê n wòkò
tǎn-á noh ne, Tē n̄gbē Liyel-á pèpɔ̀rı n̄gbē pı́ n tyí, pè à tahlı́ pè ké n̄vìnı́ pı́. 59 N̄
dúbínó sèp̄in kwártǒ-ò sóle, pè pɔ̀ piri kǒ-ńsah, té me n yah n kǒ n̄ sú yǐn dyí-ńsahle
n tyí, nê-á Nsakarı́le. 60 Nte, n̄ yú me yo pé tyí ne: «ǪǪ, à kı́ n ye Nsyõne.» 61 Pè me
yo n̄ tyí ne, n̄gbò n̄ wòkò ney yó ńtē yǐn náh me sē dé. 62 Té me kwásı́ pı́ piri sú tyí
ne, yǐn nê se à kı́ sah à kǒ nı́? 63 Képah sɔ̀kɔ̀, à pè kǒ, pè sésár sénó yó tokɔ̀ pɔ̀ à kǒ, à
wǎrkı́ mɔ̀ ké yõ ne: «Nsyõ ye n̄ yǐnne.» Képah pé pól gbǎn du. 64 Nénpó swɔ̀, Nsakarı́
nénpórı́ de mɔ̀, n̄ vyǎh gbínó tyé, à tyah n wèkı́, à Liyel yǐnne n gbilki. 65 Kǎh pı́ sē,
tíkı́ de pé tnô tēpu pól sɔ̀kɔ̀, té no sò me tyi n̄pı́ pólle n yǎh n kǒ Yude ymɔ̀ yõ kwlo
pól sɔ̀kɔ̀. 66 Té Tē n̄gbē Liyel sò me n̄ne. Képah ye, nónó pól-à sò tyi n̄pı́ noh, pè se
tē n sah pé nno sɔ̀kɔ̀, n̄ té ne me wēne n piki n yah ne ńkē, piri mē se kı́ pɔ̀ n pı́ n pi
nédúkú n̄ne nı́?

Liyel yǐn gbìlkinóle Nsakarı́ tyí yìgbìnı́ sɔ̀kɔ̀

67 Képah sɔ̀kɔ̀, piri sú Nsakarı́ Liyel Mírki tǎhkı́ wè, té me Liyel tēntò wèlɔ̀le n syı́
n yo ne:

68 «Tē n̄gbē nê-á Yisrayel Liyelle, n̄ yǐn ne n gbilki,
n̄mɔ̀ nê-á pɔ̀ n̄ no yohnı́ mɔ̀, à pè wilki yǔrı sɔ̀kɔ̀,

69 té me Pwáhn̄mɔ̀-ò tǎh wilki mɔ̀ á kǒ,
à wil n̄ tǔnpı́ dı́ Davidi náh tǎn sɔ̀kɔ̀.

70 Képah ye lésò à n̄ tēntò syínyopu kǒ, pè yo sah di mónóle ne,

71 páh kı́ á syı́ pwah mɔ̀ á pèltǎn tyí,
té kı́ á wilki á dyɔ̀ yópú gbò.

72 A á súbí n̄gbò tǎn nı́ gbè yíí.

N̄ dyɔ̀ náh fwɔ̀ n̄ yégbékè kwrónmɔ̀nsàhnó tyíle péle.

73 A sò n̄ wo á n̄gbò sú Abrahmı́ tyí ne,

74 páh kı́ á tē syı́ á pèltǎn gbò,
á kǒ á fē tǔle n pı́ pé tyí tíkı́ kēne,

75 á mó pı́ néglólé yályál pé yah,
á min pól sɔ̀kɔ̀.

76 Té áwɔ̀ tē wɔ̀le, ńmɔ̀ pi, á kı́ pɔ̀ n kɔ̀ Tē n̄gbē yah sɔ̀kɔ̀,
kı́ n̄ wǎl tǔ n sah n pi.

Képah ye, pè kı́ ále n ye <Yòtah Liyel tēntò syínyo-òle>.

77 Té kı́ n̄ no kǒ pè kı́ pwáhn̄mɔ̀nɔ̀ dükù pı́,
pé tyípèl yǔnmɔ̀nɔ̀ gbò yõ.

78 Ápi Liyel n̄gbèkì, ànê n̄ tǔnsàhn̄pı́nɔ̀ gbò yõ,

à kɪ kyòo mɔ á yõ kɪ wil yĩnyõ gbí sã gbo,

⁷⁹ kɪ pɔ kyòole névye kã, nónó-á me kũ fěntũ tiki sɔkɔ, té kɪ á yey vi mɔ yèvinu wěkì yõ.»

⁸⁰ Té Nsyõ tẽ wɔ sò me n kyãh, ànê ò lékám me n ykɪ n mɔ n yuku. A sò me tẽ gběnni sɔkɔ pópó, à pɔ syi ò gblõy wěkínó gbìyìkì tyí Yisrayel névye yah.

2

Yesu tẽnwenɔ n wil nyãh?

¹ Kéne tyi pɪ gbíne, Wromenɔ yõtẽ Wokusti kwní kã ne, pè pé tǒrí mé-ńtàn névye pól yãh pé dan pĩ. ² Kéne névye yáhnó gben pɔ Krinisi we Siri kwlo pól yah yétěne. ³ Képah tẽne, no pól sò me pé ynine n wárku n pɔ pé súbí kwlo sɔkɔ. ⁴ Té Yosefule, yõtẽ dí Davidi náh ney ye sò òne. Kãh pɪ sě, ò tɔ mó wil Nasaretɪ kwil, Kalile sétáh yõ, à yuku Yude kwil yó sɔkɔ, pè n ye Betlemune, yõtẽ dí Davidi dúbí-ńsah. ⁵ Té Yosefu kyɪ Mari sò me kúrkile, pãh n yuku pé yni wárkí-ńsah gbí òne. ⁶ Pãh kyɪ yĩni tẽ, pè sò me sě nénpó, té Mari dubi só nɔ. ⁷ Képah sɔkɔ, pè tẽ-ńsah yah kwlo népân twáh-ńsah, té kyɪ tẽ yípêy sě-ńsah. A ò pígben dubi dínpirle, té à plo fwɔ gbróle, à snekɪ mɔ yípêy yõ yõ dú yó sɔkɔ.

Yĩnyõ těntõnè wĩnmɔnɔle képyénfěbi yõ

⁸ Légbíne, Betlemɪ kwil gbòpɔ yóle, képyénfěbi yísyó sò me n sò gbãn sɔkɔ, à pé képyénine n sykɪ. ⁹ Pè me tẽnóle, té yĩnyõ těntò yó pɔ wil mɔ pé yõ. Nénpó swɔ, Liyel tǒrí núkú tyah pól piki pèrr pé yõ. Tiki me pé kah tẽ. ¹⁰ Yĩnyõ těntò me yo pé tyí: «Yé káh tiki pɪ! Kwil pól ònì tir pèpèy yó ye mé pɔ yó-ńsah yé tyí. ¹¹ Piri yó me dubi yé tyí kwey lékãhne Davidi kwil sɔkɔ. Nmɔ ye TÈ NGBÈNE pè n ye Kristale, Liyel-á ne, páh kɪ ònê tekɪ mɔ. Nmɔ ye tǒ yé pwáhnmɔ-òle. ¹² Té yáh ne pɪ sã, té à yah n pĩ n pi, kè we yò: Yáh kɪ kyɪ píyírí ònê we plónóle flòle, té me snékínmɔnɔle yípêy yõ yõ dú sɔkɔ, òmɔ ye.»

¹³ Nénpó swɔ, yĩnyõ těntõnè yísyó wil kwĩnkile yĩnyõ, à pɔ gben tẽ nɔ, pè tyah Liyel yĩnne n gbilki yìgbìnì sɔkɔ, me yo tũ ne òkě:

¹⁴ «Liyel yĩn pɪ gblò yĩnyõ.

Nmɔ ye ò yèvinune ò ònì névye kã sétáh yõ.»

Képyénfěbi kyínyahnɔle Yesu píyírí tyí

¹⁵ Képah náh, yĩnyõ těntõnè-á pé syi sɔkɔ yĩnyõ, képyénfěbi nópi mó n yo wě tyí ne, pé no, pè yáwɔ pé kyɪ yah Betlemɪ. Tir ònê-á pɪ nénpó, té Liyel ò těntò tó pé tyí, páh yĩne pé kè we. ¹⁶ Pãh wekɪ wě kã sě, pè pé kyãh yuku Betlemɪ. Pè píyírí mè soh kyɪ we snékínmɔnɔle yípêy yõ yõ dú sɔkɔ, Mari ànê Yosefule ò gbòpɔ. ¹⁷ Pãh à we sě, yĩnyõ těntò-á tyi nónó pól yo pé tyí ò tyí sɔkɔ, pè sè yãh pè syah. ¹⁸ Nónó pól-á képyénfěbi welo nópi noh, kè pé gbãn du. ¹⁹ Mari tẽ mó tyi nópi pól syi sah ò fɔkɔle n sò. ²⁰ Képah náh, képyénfěbi pé syi. Yĩnyõ těntò-á sò yo sã pé tyí, kè mó òntyínɔ pɪ sě. Képah ye, pãh tyi nónó pól noh té tyi nónó pól we, sépi pè kã pè Liyel yĩnne n gbilki, ò pal tyíle n yãh n yuku wěkì yah.

²¹ Képah náh, piri dúbínó sèpìn kwártǒ-ò sóle, ò kã gbí nɔ. Pè me ò yĩn sah Yesule, sã-á sò yĩnyõ těntò yo sah kéle ò kúrkì tókó-òkě gbíne.

Yesu dáhbínóle Liyel gbò

²² Képah sɔkɔ, sɛdám pèkì kúnó nê-á yĩne kè pɪ Moyisi tyi kònsàhnó-á kè yo sɔ, ké sèpìn-á tũ, Yosefu ànê Mari Yesu tẽ yuku Yerusalemɪ, à kyɪ nne Liyel gbò dahbɪ. ²³ Kè ye me wárkínsàhnóle Tẽ ñgbẽ Liyel tyi kònsàhnó sɔkɔ ne nkẽ, pye gbɔ dínpi pól-á yĩne pè Tẽ ñgbẽ Liyel gbò dahbɪ. ²⁴ Anê tɔ ñkànpìnnó nínóle, pèkì ànê yũkìle Liyel kɔ sárkále, képah náh pɪ, kèpíkípíkínó nínóle, sɔ-á kéle wárkínsàhnóle Tẽ ñgbẽ Liyel tyi kònsàhnó sɔkɔ.

²⁵ Té légbíne, dí yó sò me Yerusalemɪ sɔkɔ, pè n ye Simeyɔle. A sò me négbíle Liyel yah, té me n sah ñ yóré yó. A sò me Yisrayel pwáhnmo-ò pónóle n sykɪ, té Liyel Mírki sò me ñ sɔkɔ, ²⁶ té kéle à wẽkɪ ne, à náh n ku n pi, né à náh Krista we yĩne, nê-á Tẽ ñgbẽ Liyel kɪ tekɪ mo n pi. ²⁷ Képah sɔkɔ, Liyel Mírki ñ yah tẽ yuku Liyel wòkò ñgbẽ kéntáhkì sɔkɔ. Té Yesu dúbípú sò me à tẽ pɔ tyi kònsàhnó píntũ yĩnne ñ tyí, káh yo sah sɔ. ²⁸ Képah tẽne, Simeyɔ me piri mè tẽ ñ gbò, té Liyel yĩnne n gbilki, me yo tũ ne:

²⁹⁻³¹ «Ñ Tẽ ñgbẽ Liyel, mé pwáhnmo-ò we ní yĩne, wáh nê kɔ kèkòyó névyé pól yí yah.

Képah ye, á kɪ fẽ á tònpi min syi núkúnúkú à kɔ à ne n yuku yèvinɪ sɔkɔ, sɔ-á á wey kè yo.

³² Pwáhnmo-ò kɪ pɪ kyòole kwlo kwlo névyé tyí, kɪ á dùkùle pè wẽkɪ, té kɪ pɪ yó yòhnóle áwɔ no Yisrayel tãn tyí.»

³³ Káh pɪ sɛ, tyi nónó-á à yo Yesu tyí sɔkɔ, sè pɪ gbèndùnĩne ñ sú ànê ñ yú tyí.

³⁴ Képah sɔkɔ, Simeyɔ me sãm mo pé sɔkɔ, té yo ñ yú Mari tyí ne: «Yah, piri mè me Yisrayel névyé náhnáh syíkínmɔno ànê pé náhnáh yílkínsàhnó yĩnne, ànê yékâb déno yòle. ³⁵ Káh pɪ sɛ, névyé náhnáh fókósɔno kɪ wilki mo kwèyy. Té áwɔ tẽ wole, á kɪ yèvyàhrɪ pɪ, á kɪ ne pè sɔ me á nile n suke nyàhle.»

Liyel tẽntò syinyo-ò pi An-á nê yo Yesu tyí sɔkɔ

³⁶ Té Liyel tẽntò syinyo-ò pi yó sò me, pè n ye Anne. Fanuwel písè ye sò, nê-á Aserɪ yíkì neyne. Ñ yah sò wah náhnáh. Ñ sèpíl gbíne, wáh de pe tyí, ñ pe yah kwlo ké ye kwární-ò sɔkɔ. ³⁷ A me tẽ pékúsèle, à pɔ no ye tíkíyéh pó rýáh tyí. A náh sò me n gbe n mo Liyel wòkò ñgbène, té me Liyel yĩnne n gbilki gbímegbí, ké lékâh ké gbintò, níkì tẽno ànê níri sɔkɔ. ³⁸ Nmɔ to me de kyɪ yĩne Yesu ànê ñ dúbípúle Liyel wòkò ñgbẽ kéntáhkì sɔkɔ. A tyah Liyel yĩnne n gbilki. Té nónó-á sò me Yerusalemɪ pwáhnmɔno sykɪ tẽ, à me piri tyíle n yáh pé pól tyí.

³⁹ Yesu dúbípú-á Liyel tyi sàhnó pɪ tũ te, képah náh, pè pé syɪ sɔkɔ Kalile sétáh yó, pé kwil Nasaretɪ sɔkɔ. ⁴⁰ Té piri wɔ mó me n kyáh, me tãhkìle n we. Lékám ñgbẽ sò me ñ sɔkɔ, té Liyel me ñ nile n gbe.

Yesu wúnóle Liyel wòkò ñgbẽ, ñ ye gbãmní-ò sɔkɔ

⁴¹ Ye ye pólle, Yesu dúbípú ríkẽne ne n kyɪ n pɔ Yerusalemɪ, Pakɪ syáh sɔkɔ. ⁴² Té Yesu-á pɔ no ye gbòninóle gbí nêne, ñ dúbípú dɔkɔ yuku ñne Yerusalemɪ, Nsyifunɔ-á sò kéle n pɪ sɔ. ⁴³ Syáh-á pɔ tyɛ sɔ nêne, pè pé syɪ sɔkɔ, té pé pídí Yesu me wũ Yerusalemɪ, ñ dúbípú pí-ńkẽ sɔkɔ. ⁴⁴ Pè sò me n sò ne, wáh me ànê pé no wèkɔbɪ yísyóle. Káh pɪ sɛ, pè gbìyíkì núkú kóló kɔ, té pyè tyah ñne n yah n kɔ pé wòkò tãn ànê pé népínó wró. ⁴⁵ Nte, pè náh à we. Páh à yah kwlo sɛ, pè pé syɪ à yah kɔ yuku

Yerusalemı soko. ⁴⁶ Ké sèpìn tǝ-ò sǝle, pè pyě kyı à we Liyel wòkò ñgbě kéntáhkì soko. A me kǝntǝnǝle Liyel ñgbò wěkì kwópú wró, me n nohnı pé tyí, té me péle n piki n yah tyile.

⁴⁷ Nónó pól-á sǝ me n nohnı ñ tyí, ñ lékám ànê ñ tyi yah yónó dùkù pé gbǝn du. ⁴⁸ N dúbípú-á à we sǝ, kè pépi tǝ gbǝn kah du. N yú me yo ñ tyí ne, pé pídí, sǝ se pi, té à pi sǝ pé tyí ni? A yah, péwǝ ànê ñ sú yáh-ńsah-á tye kègbıle ñ yáhnkǝno soko. ⁴⁹ Nte, à me yo pé tyí: «Sǝ pi, té yé ńne n yah n kǝ? Yé náh pi ne, máh yıne mé ne n me ń sú tyah soko di?» ⁵⁰ Nte, pè náh me ñ wey mè tyí yah we.

⁵¹ Képah náh, à me yuku péle Nasaretı kwil soko, té me ñ gblǝyne n tiki n mo pé tyí. N yú wǝ mó tyi nópi pól syi sah ñ foko. ⁵² Té Yesu sǝ me n kyǝh ñ gběnsé ànê ñ lékám me n yiki n mo n yuku. Té wǝn tǝ me mo ñ ñgbèkì yǝ Liyel ànê névye tyí.

3

Wèlnwìlkì-ò Nsyǝ Liyel wey yónsàhnǝle

¹ Tiberı-á sǝ me Wromeno yǝtǝne gbí nêne, ñ yǝtǝrı ye gbǝnkwlǝ-ò pǝ Pǝse Pilatı we Yude kwil yah yétǝne. Té Yerodı wǝ mó me Kalile kwil yǝtǝne. N gbě dí Filipi me Yitiri ànê Trakoniti yǝ. Té Lisanyası wǝ me Abilenı yǝ. ² Té An ànê Kayifi ye sǝ sárká wìlkıpu yǝtǝm ñgbnǝle. Légbıne, Nsakarı pídí Nsyǝ Liyel yónmǝno noh gběnnı soko.

³ Kǝh pi sǝ, à kyı Yurdě yǝ gbǝplo tǝntǝn pól ko kǝ, me n yo pé tyí ne, pè Liyel wěkì tǝ, pè mó wèlnwìlkìno we. Képah soko, pé tyípél-á kı yǝ mo pé kǝ. ⁴ Kǝh pi sǝ, sǝ ye ńtyıno sǝ Liyel tǝntǝ syıno-ò Yesayi wǝrki sah kéle ne ńkě:

«Ñnı yó yınpǝ ye n doko gběnnı soko ne ńkě:

<Yé Tǝ ñgbě wěkì tǝ sah.

Yé ñ sókó-ńtǝn pi tómtóm.

⁵ Ymo wróno pól kı yı.

Kǝnpni ànê ymo pól kı tirki pi támm.

Syǝ-ńtǝn kněni kı pi tómtóm,

té wǝtúkúni kı tǝrı.

⁶ Képah soko, no pól kı Liyel ney pwáhnmǝno we yıne.»

⁷ Nékwıńkí nónó-á sǝ n pǝ n pǝ Nsyǝ tyí à kǝ à péle n wel n wilki, à sǝ me n yo pé tyí ne, wáhnmiró dùkù nópi! Nê se kwǝ péle ne, pǝh kı fǝ to pwah Liyel fǝkǝnyǝhni yah, nê-á n pi ni? ⁸ Nkě, pè tyípeplǝle n pi nóno-á n wěkì n pi ne, pǝh Liyel wěkì tǝ. Té, pè káh pé gbǝ sah Abrahmı yǝ nê-á pé súle. Páh kéle n yo pé tyí, Liyel-á kı fǝ dyéh nópi vi mo pi Abrahmı pyele. ⁹ Té man ńtǝ-á me yáhnshǝhtenǝle sésǝn fǝ yıne sé sémın soko. Séswǝ nê-á n syı-ńkǝne pye peplǝle, kǝh kı ko dah mo nyǝh soko.

¹⁰ Képah tǝ soko, tówú Nsyǝne n piki n yah ne ńkě, sǝ se pé yıne pé pi ni? ¹¹ A mó yo pé tyí ne, fwǝmǝlo nínó-à me nê tyí, tǝ núkúle fwǝmǝ-ńkǝn ney kǝ. Té yǝke-à me nê tyí, tǝ yı kwéndé kǝ.

¹² Mórı syıpú yısyó tǝ pǝ Nsyǝ tyí ne, à pé wel wilki, té à piki yah ne, pé kwó-ò dí, ńkě sǝ se pépi yıne pé pi ni? ¹³ A mó yo pé tyí ne, pǝh yın nê yo pé tyí, pè káh ne n dohnı n syi ké yǝ.

¹⁴ Képah soko, srǝsyıbí tǝ pǝ à piki yah ne ńkě, té pépi-á dǝ, sǝ se pé kı pi ni? A me yo pé tyí ne, pè káh ney wore ñ gbǝ kwǝh tǝ syi tǝhkì soko. Pè káh mó tǝ ney gbǝ kwǝh syi yınvı soko. Nkě, pè ye pé tǝ pínó wénó pé yıne n yuku.

¹⁵ Képah soko, no pól-á sò me pwáhnmo-ò syíkínó soko sě, pè sò me pé gblǒyne n piki n yah ne, té Nsyǒ káh kɪ nê Kristale dé? ¹⁶ Képah tēne, à pé pól syah ne: «Nmo tē wo ye yéle n wel n wilki ni soko. Té nê-á n pi, nmo tēnweno kal nmo tyíle. Mé náh yīne n lékyêh mno ntē wáhnmonole. Tē wo kɪ po ye wel wilki Liyel Mírki ànê nyàh soko. ¹⁷ N sèmuکو fwo fwo kwâh me n gbò. A kɪ n táh tǒ sah, n sèmuکو fwo kɪ kwel mo n dúkúrí soko, té sé yésyî wole, à kɪ sépi suke ní-ńkē nyàh soko.» ¹⁸ Nsyǒ sò me n syǒ sēnkno vīnmo mo kwónó duke náhnáh soko, à nìvìnì wey sánne n yo n kǒ no tyí.

¹⁹ A wil képah soko, à tǒ lékàhle yǒtē dí Yerodɪ kǒ, n yǐnpi kyɪ Yerodyadɪ tēnsyino, ànê n tyítúkúñi náhnáh pínó tyí soko. ²⁰ Té Yerodɪ náh yīn sépi tyí, à tǒ Nsyǒ tē dah mo wòkònpèkè soko náhle.

Yesu wèlnwìlkìnóle

²¹ Té Nsyǒ-á sò me névyele n wel n wilki gbí nêne, wáh névyé pól wel wilki te, Yesu to po à kǒ, à à wel wilki. Yesu-á wil ni soko té me níríle n pi, à me yǐnyǒ we kè yɪkɪ mo. ²² Té Liyel Mírki po tiki n yǒ wil gběnsê soko kèpíkípíkí kètòle. Képah tē soko, yǐnpǒ yó n wil líyel soko ne ńkē: «Áwo ye ní nìdè Pi nukúnine. A tyí no yǐ ní tyí kègbile.»

Yesu náh tǎnne

²³ Yesu-á n tǒ tyah gbí nêne, à sò me ye yǒgbām kénkǒ soko. Té névyé tē wo sò me n sǒ ne, Yosefu pídí-á nne, Yosefu nê-á sò Yeli pídíne. ²⁴ Té Yelile, Matata pídí ye. Matatale, Levi pídí ye. Levile, Melkɪ pídí ye. Melkɪle, Yanayi pídí ye. Yanayile, Yosefu pídí ye. ²⁵ Yosefulé, Matatyasɪ pídí ye. Matatyasɪle, Amosɪ pídí ye. Amosɪle, Nawumi pídí ye. Nawumine, Yesli pídí ye. Yeslile, Nakayi pídí ye. ²⁶ Nakayile, Matɪ pídí ye. Matɪle, Matatyasɪ pídí ye. Matatyasɪle, Semeyin pídí ye. Semeyinne, Yosesyɪ pídí ye. Yosesyɪle, Yoda pídí ye. ²⁷ Yodale, Nswana pídí ye. Nswanale, Yresa pídí ye. Yresale, Yorobabelɪ pídí ye. Yorobabelɪle, Salatyelɪ pídí ye. Salatyelɪle, Neri pídí ye. ²⁸ Nerile, Melkɪ pídí ye. Melkɪle, Adi pídí ye. Adile, Kosamɪ pídí ye. Kosamɪne, Yelemadamɪ pídí ye. Yelemadamɪne, Yerɪ pídí ye. ²⁹ Yerɪle, Yesu pídí ye. Yesule, Yeliyeserɪ pídí ye. Yeliyeserɪle, Yorimi pídí ye. Yorimine, Matata pídí ye. Matatale, Levi pídí ye. ³⁰ Levile, Simeyǒ pídí ye. Simeyǒle, Yuda pídí ye. Yudale, Yosefu pídí ye. Yosefulé, Yonamɪ pídí ye. Yonamɪne, Yelyakimi pídí ye. ³¹ Yelyakimine, Meleya pídí ye. Meleyale, Mena pídí ye. Menale, Matata pídí ye. Matatale, Natān pídí ye. Natānne, Davidi pídí ye. ³² Davidile, Yese pídí ye. Yesele, Wobedɪ pídí ye. Wobedɪle, Bowasɪ pídí ye. Bowasɪle, Sala pídí ye. Salale, Nasonɪ pídí ye. ³³ Nasonɪne, Aminadab pídí ye. Aminadable, Adimini pídí ye. Adimine, Arnɪ pídí ye. Arnɪne, Yesrómɪ pídí ye. Yesrómɪne, Faresɪ pídí ye. Faresɪle, Yuda pídí ye. ³⁴ Yudale Yakobɪ pídí ye. Yakobɪle, Yisakɪ pídí ye. Yisakɪle, Abrahmɪ pídí ye. Abrahmɪne, Tara pídí ye. Tarale, Nakorɪ pídí ye. ³⁵ Nakorɪle, Serukɪ pídí ye. Serukɪle, Wrako pídí ye. Wrakole, Falékɪ pídí ye. Falékɪle, Yeberɪ pídí ye. Yeberɪle, Sala pídí ye. ³⁶ Salale, Kayinamɪ pídí ye. Kayinamɪne, Arfasadɪ pídí ye. Arfasadɪle, Semɪ pídí ye. Semɪne, Nowe pídí ye. Nowele, Lamékɪ pídí ye. ³⁷ Lamékɪle, Matisala pídí ye. Matisalale, Yenokɪ pídí ye. Yenokɪle, Yaredɪ pídí ye. Yaredɪle, Maleleyel pídí ye. Maleleyelle, Kayinamɪ pídí ye.

38 Kayinamune, Yenosi pídí ye. Yenosile, Seti pídí ye. Setile, Adama pídí ye. Adama wole, Liyel pídí ye.

4

Yesu mónyahnole

¹ Yesu-á yuku Liyel Mírkí tǎhkile, à ò syi yal Yurdē yo tnô. Té Liyel Mírkí à tē yuku gbēnni soko. ² A sèpìn tikiñíni pi nénpó níkì ténó soko. Nénpó soko ye sétàn yòtē à mo yah. Té sèpìn nópi-á pò tū, kweku me à tē. ³ Kǎh pi sē, sétàn yòtē me yo ò tyí ne, òmò-à kú ne Liyel Pile, à yo dáhkì mè tyí, kè vi n mo n pi yòkele. ⁴ Yesu mó yo ò tyí ne: «Kè me wǎrkínsàhnóle Liyel wey soko ne òkē: «Névi nǎh ò min pi n pi yòke óle.»»*

⁵ Képah nǎh, sétàn yòtē à tē doko léyy, à kyi à wēki kèkōyó tǒrí pólle séyy òsò, ⁶ té yo ò tyí ne, pǎh kú fē à kō n pi sépi pól yòtǒrí, ànê sé tahrile. Sépi pól-á péwo gbò dahbi. Képah-á, nê-à pé dyo, pǎh kú séle òmò kō. ⁷ Nkē, wǎh kú fē syi ò gbétukunò di pé yah à pé gbilki, pǎh kú sé pólle à kō. ⁸ Képah soko, à mó yo sétàn yòtē tyí ne: «Kè me wǎrkínsàhnóle Liyel wey soko ne òkē: «Á kú á Tē ògbē Liyel ó nukúnine n gbilki, té kú n sah òmò ó tyí yō.»»†

⁹ Képah nǎh, sétàn yòtē tō yuku òne Yerusalemi, à kyi à sah Liyel wòkò ògbē yòtah, té me yo ò tyí ne, òmò-à kú ne Liyel pile, à yoko tiki sétáh. ¹⁰ Kǎh me wǎrkínsàhnóle Liyel wey soko ne òkē, Liyel-á kú ò yinyò tēntōnè kō, sè kú òne n kyomi, ¹¹ ànê tō, sǎh kú à swah syi sé gbǎn soko. Dáhkì nǎh ò gbáhkì pi yo n pi.‡ ¹² Képah tē soko, à me yo sétàn yòtē tyí ne: «Kè me yónóle Liyel wey soko ne òkē: «Káh á Tē ògbē Liyelle n mo n yah!»»§

¹³ Kéne mónyahnò nópi pól sókónteno nǎh, sétàn yòtē yal à gbe mo òne, té me à syiki tē nǎh òinne.

¹⁴ Képah nǎh, Yesu ò syi yuku Kalile sétáh yō Liyel Mírkí tǎhkile ò soko. Té ò yin sò me wil nénpó kwlo pól soko. ¹⁵ A sò me kwónóle n pi pé Liyel ní-ntàn vè soko, té no pól me òne n gbilki.

Nasareti tǎn Yesu yáhlenole

¹⁶ Sò yóle, Yesu pò Nasareti soko. Kéne kwil soko ye sò à kyǎh. Mí mi yòh sóle, à me de Liyel ní-nsah wòkò soko, wǎh dar té kéle n pi sò, té me yuku ne, pé Liyel wey kar. ¹⁷ Képah soko, pé Liyel tēntò syinyo-ò Yesayi sébéy toko à kō, à syi yiki mo fí yó soko, nýǎh-á kè me wǎrkínmònole ne òkē:

¹⁸ «Tē ògbē Liyel ní yah wilki,

à ò Mírkí mo ní soko ne,

mé òvìvì wey sǎn yo yǎm tǎn tyí.

Á ní teki mo yǒbi yǒri soko wílnó tyí yo yinne pé tyí,

ànê yítubi yí yíkínmòno tyí yo yinne,

ànê yèvyǎhri tē yō yinne névye yō, nónó-á me fóhnó soko,

¹⁹ ànê òmò pèpòri pò yi tyí yo yinne.»*

* **4:4** 4.4 - Yah n te Yálnó sébéy 8.3 soko. † **4:8** 4.8 - Yah n te Tǒnyono sébéy 6.13. ‡ **4:11** 4.10-11 - Yah n te Gbálnó sébéy 91.11-12 soko. § **4:12** 4.12 - Yah n te Tǒnyono sébéy 6.16 soko. * **4:19** 4.18-19 - Yah n te Yesayi sébéy 61.1-2 soko.

²⁰ Képah náh, Yesu sébéy yah vike, té kéle Liyel wòkò kyòmì-ò kǎ, té kǎ tē. Té nónó-á sò me Liyel ní-ńsah wòkò, pé pól sò me òne n yah díkí díkí. ²¹ Képah tē sòko, à tyah n yo pé tyí ne: «Liyel wey fí nê tyi-á yé noh, sè pì tũ kweyne yé tyí.»

²² Kǎh pì sǎ, no pól sò me Yesu yíngbíle n yo. Té ò welo pèplo wékínó sò me pé gbǎn du, pé me yo tũ ne, òmo kó Yosefu pídíne ni? ²³ Képah sòko, à me yo pé tyí ne, páh pĩ ne, páh kí sèmirkì mi n pi, nê-á n yo ne nkě, sènpitě, à ò gblóy de mo kè! Páh kí tǎ n yo n pi pé tyí ne, páh tyi nónó pól pì Kapernayumi sòko, páh sè noh. Té pé tǎ sé dùkù pì pé sú kwil sòko kè.

²⁴ A tǎ yo pé tyí ne: «Mé kéle n yo n dal n mo yé tyí ne: pé náh Liyel tǎntò syíno-ò yó òtēne n tē ple ò sú kwil sòko. ²⁵ Kègbì tē yǎ, mé kéle n yo yé tyí ne: Liyel tǎntò syíno-ò Yeli me gbíne, pũ-á lésò to pópó, à pò syi ye tǎnó ànê níwǎló kénúkò tyí, té kwénpékè yó me de kwil pól sòko gbí nēne, pékúsyò náhnáh sò me Yisrayel sòko. ²⁶ Nte, Liyel náh Yeli tekì mo pépi sòko ney yó òtē tyí, té pékúsè yó tyí ye à tekì mo òne, Sarepita kwil, Sidò sétáh yǎ.† ²⁷ Anê Liyel tǎntò syíno-ò Yelise me gbíne, tótám náhnáh to sò me Yisrayel sòko, té pé sòko ney yó òtē náh dénmòno we, à wil Siri sétáh tótě dí Nama tyí sòko.»‡

²⁸ Képah sòko, nónó pól-á sò me Liyel ní-ńsah wòkò sòko, pé fòko vyǎh welo nópi nóhnó tē tyí. ²⁹ Pè me yuku Yesu tē yorì wil kwil sòko, à dokò yuku òne yǎh yǎtah, pé kwil-á sò me mónóle nê yǎ, té ne, pé à tu wilki mo. ³⁰ Té à núkú wil pé wró, à sòko.

Yesu tǎnwenole sétàn yǎ

³¹ Képah náh, Yesu kyì Kapernayumi kwil sòko, Kalile sétáh yǎ, té me névyele n kwò Nsyifunò mi mi yòh sǎle. ³² Ì wey sò me yǎtǎrí weyne. Képah ye ò névyele n kwò dùkù kǎ, kè no pól gbǎn du. ³³ Té lésòle, kè pò yíne, dí yó sò me Liyel ní-ńsah wòkò sòko, sétòle ò sòko. Dǎ, à de syi firr yínpǎ òngbēne ne, ³⁴ wéèè, Nasareti Yesu, kwǎh nê se à n yah n kǎ pé tyí ni? A se pò pépi tyí yíkí-ńsah ni? Páh òne n pne, nédúkú nê-á òne: Nmo-á Liyel tekì mo yályál. ³⁵ Képah tē sòko, Yesu díri kǎ sétò mè yǎ ne: «Á vyǎh vike, ò té n wil dí mè sòko.» Nénpó swò, sétò núkú dí mè tokò min névyele niyó, té wil ò sòko, à náh dlo yó òtēne à nò. ³⁶ Kǎh pì sǎ, kè pì gbèndùni òngbēne no pól tyí, pé me tyah n yo wē tyí ne, wey dùkù nê se à n wēki sǎ ni? A tē we sétànne n kyí n mo tǎnweno ànê yǎtǎrí sòko, sè n wil névyele sòko. ³⁷ Sépinó-á pì sǎ, Yesu yíngbí tyah n yo nénpó sétáh pól yǎ.

Névyele náhnáh dénmònole

³⁸ Wǎh yal Liyel ní-ńsah wòkò, à sòko Simò gbò. Té Simò déy sè sò me n kwò wílvýáhnìne kèpékèyǎ. Pè me kè yah kǎ Yesu tyí ne, à à de mo. ³⁹ Képah sòko, Yesu me kò yín ò yǎ, té díri kǎ wílvýáhnì yǎ, kè núkú pi fin mo. Nénpó swò, à núkú yuku tyah yǎke tē-ńsahle n yah pé tyí.

⁴⁰ Gbíyí déno sòko, nónó pól-á sò me n yo yam duke dukele, pé nētám pò péle Yesu tyí. A mó ò gbǎnne n sah n yuku pé nénúkú núkú yǎ, à péle n de n mo. ⁴¹ Té sétàn to sò me n wil névyele náhnáh sòko. Sè sò me n gbo n mo sé wil gbíne ne nkě, Liyel pi-á òne. Nte, sǎh pĩ ne, Liyel ney tékínmòno-á òne, à me díri kǎ sé yǎ, té sé vyēy tũ wékínóle.

† **4:26** 4.26 - Pékúsè mēne, Yisrayel ney náh sò òne. A sò n wil Sarepita kwil, Sidò sétáh yǎ. Yah n te Yǎtám sébéy gben 17.9 sòko. ‡ **4:27** 4.27 - Tótě dí Namale, Yisrayel ney náh sò òne. A sò n wil Siri sétáh yǎ. Yah n te Yǎtám sébéy ní-ò 5.14 sòko.

⁴² Tyah-á núkú dal, Yesu yuku soko gbënni tyah yó soko. Kǎh pi sě, tówû yuku tyah ñne n soh n kō. Pǎh kyi à we gbí nêne, pè sò me ké tyí ne, pé à syi n sah, à káh tō yal pé tnô. ⁴³ Nte, à me yo pé tyí ne: «Mé yīne mè nìvìnì wey sǎn yo n kō kwlo tǎlô to tyí Liyel tǎrì tyí soko. N tékínmōnō yō ye képahle.» ⁴⁴ Képah náh, à kyi tyah Liyel weyne n yo n kō Liyel ní-ńtǎn vî soko Yude kwlo soko.

5

Yesu yěnkya tǎpú ye pō pi ñ tō sǎhpúle

¹ Só yóle, Yesu-á sò me Yenesaretì yó-ñgbě gbòpō, tówû pō à mō gbí sah pílpíl, Liyel wey noh yīnne. ² Yesu me krótónè níñi we yo tnô soko, té yěnkya tǎpú me wil sé soko, me pé yěnkya tǎ tǎ mnole n wu. ³ A me de krótónè nōpi núkú soko, nê-á sò Simo tyíle. Té kè yah kō ñ tyí ne, à yal kéle yo vyǎh tyí, à de yuku yo soko kwéyy. Képah-á pi, à kō tǎ krótókè soko, à yō soko tówûle n kwō.

⁴ Wǎh weki te gbí nêne, à yo Simo tyí ne, à de yuku yahle yo tǐ tǎ-ñsah. Pè mó pé mō min dah mō yo soko, pè yěnkya tǎ. ⁵ Simo me à syah ne, pé yǒtǎ, pépi-á tō pi sō, té pé náh kwǎh yó ńtǎ we tǎ. Nte, ñmō yóré yō, pǎh ki mō min dah mō. ⁶ Képah soko, pè me pé mō min dah mō yo soko, té yěnkya we tǎ tnónóle fǒó, pé mō tyah n kōli. ⁷ Pè me pi mō pé no tyí, nónó-á sò me krótókè ní-ò soko ne, pè pō pé yohni mō. Pè me pō pé yohni mō, pè yěnkya wilki mō krótónè níñi nōpi yīne fǒó, sè n tyah tíkíndenole ni soko. ⁸ Simo Pyeri-á képah we sě, à ñ gbètukunō di Yesu yah, té ne, pé Yǒtǎ, tyípekè pí-ò-á péle. Képah yīnne, à gbe mō péwole. ⁹ Pǎh yěnkya nōpi we tǎ pípi sě, tiki me Simo ànê pé no pól kah tǎ, ¹⁰ à tahlì Sebede dǐnpì tyí, Nsyaki ànê Nsyōne, pépi nónó-á sò Simo tō pi mûne. Képah tǎne, Yesu me yo Simo tyí: «Káh tiki pi! A tōko núkúnúkú tyí, á ki pi névye yénpō-òle Liyel tyí.» ¹¹ Képah náh, pè wil pō krótónè sah kènkwǎh yō ànê pé vyó pólle, té me Yesu sò tǎ.

Yesu tótǎ yó de mō

¹² Só yóle, Yesu sò me kwil yó soko, té dǐ yó to sò me nénpó, dú nýânne ñ wil pól soko. Wǎh Yesu we sě, à kō kwĩnki, ñ yah di sétáh Yesu yah, té à ni ne, pé Yǒtǎ, wǎh me ké tyí, wǎh ki fě pé de mō. ¹³ Wǎh yo sě, Yesu núkú ñ gbò nō, à tǔ ñ tyí, té ne: «Mé me ké tyí, á ki de!» Nénpó swō, dǐ núkú de. ¹⁴ Képah soko, Yesu kè gbah yo ñ tyí ne, à káh yī mè yǎh ney tyí pólle. Té à kyi ñ gblǒyne sárká wǐkǐpu yǒtǎ wēki. Moyisi-á sò sárká nê tyí yo sah tótǎm dénmōnō tyí soko, à mó kè pi n tǔ. Képah-á ki ñ dénmōnole pè wēki.

¹⁵ Képah fyé yō, wǎn sò me n dohni Yesu yīn wǐlnó yō, té nékwĩnki sò me n tuke n mō ñ wey noh yīn, ànê pé yamno mǒndenmō yīnne. ¹⁶ Té Yesu wō sò ńkǎne n gbe n mō n tǎ ñ gblǒy gbënni soko, ñ Liyelle n ni.

Yesu sèkùkù dǐ yó de mō

¹⁷ Só yóle ńtō, Yesu sò me kwónóle n pi, té Farisiyēno ànê Liyel ñgbò wēki kwópú to sò me kǒntǎnóle nénpó. Pè wil Kalile ànê Yude kwlo pól soko, ànê Yerusalemi to soko. Té Tǎ ñgbě Liyel tǎhkì sò me Yesu soko. Képah ye à kō, à yámpúle n de n mō. ¹⁸ Légbíne, nósýó sèkùkù dǐ yó twah pō ñ sě sě kwǎh yō, me n yah n kō ne, pé de ñne wòkò, pé kyi à tiki sah Yesu yah. ¹⁹ Té névye tnónkǎhnó tǎ tyí, pè dé-ńsah yah kwlo. Kǎh pi sě, pè doko gběntǐn yō kye, à sèkùkù mè tiki mō ànê ñ sě sě kwǎh tǎle, névye

nyó Yesu yah. ²⁰ Yesu-á wε pè sě ò yó sě, à me yo sèkùkù mè tyí: «Dí, á tyípèl ye yó mɔ ò kɔ.» ²¹ Képah tē sɔkɔ, Liyel ñgbò wěkì kwópú ànê Farisiyēno tyah n sò ne, nê tē ó se dí mènne, té à Liyel yinne n yiki sě ni? Nê se ki fě tyípèl yó mɔ névi kɔ, né Liyel ó náh ni? ²² Nte, Yesu-á pé fókósōno pī sě, à pé syah ne: «Kwâh nê pi, té yé n sò sě? ²³ Nê tē dòdò kal, à yo sèkùkù mè tyí ne, ò tyípèl-á yó mɔ à kɔ, képah náh pi, à yo ò tyí ne, à yuku ne n kɔ? ²⁴ Nte, mé me ké tyí ne, yé pī ne, tēnweno-á me Névi Pi tyí sétáh yó, ki fě névi tyípèl yó mɔ à kɔ», té ò syi yo sèkùkù mè tyí: «Mé kéle n yo á tyí: yuku, á sě sě kwâh tɔkɔ, ò ne n yuku á gbô!» ²⁵ Nénpó swɔ, dí núkú yuku no pól yí yah, à sě sě kwâh tɔkɔ, à sɔkɔ ò gbô, me Liyel yinne n gbilki n yuku. ²⁶ Képah tē sɔkɔ, no pól gbàn du. Pè Liyel yinne n gbilki tíkí tē tyí, me yo tū ne, kweyne, páh tyi snó we dé!

Yesu Levi ye yah

²⁷ Képah náh, Yesu wil nénpó, té mórí syí-ò Levi wε kǒntěnlé mórí syí-nsah wòkò sɔkɔ. A yo ò tyí ne: «N sò tē!» ²⁸ Levi núkú ò tò sah, té yuku ò sò tē. ²⁹ Képah tēne, Levi yòke ñgbē pi ò gbô Yesu yinne, té mórí syípú náhnáh ànê nékàhbí kwínkí sò me péle kéne yòke yó-nsah. ³⁰ Képah sɔkɔ, Farisiyēno ànê pé Liyel ñgbò wěkì kwópú sò me lékàhle Yesule n kɔ me n yo ò tò sáhpú tyí ne, kwâh nê se, té pè n yó té n wɔ mórí syípú ànê Liyel wěkì kó-ńkēpúle wē tyí ni? ³¹ Képah tēne, Yesu yo pé tyí ne: «Névyé nónó-á me lènle, sènpí yétò se me pé tyí? Yámpú tyí náh sènpí yétòle di? ³² Névyé nónó-á n sò ne, négló-á péle Liyel yah, mé náh pɔ pépi ye yinne. Nte, nónó-á pī ne, tyípèl pípú-á péle, pépi yé-nsah ye mé pɔ ne, pè Liyel wěkì tē.»

³³ Képah náh, Farisiyēno yo ò tyí ne, Nsyó tò sáhpú ànê pépi tò sáhpú-á ńkēne níkile n tē, ò té nírilé n pi. Nte, ñmɔ tyíno tē wɔ nínne n wɔ, té yòkele n yó kè. ³⁴ Wáh képah noh sě, à me yo pé tyí: «Fúr pí-ò-á nónó ye ò fúr yòke yó yinne, yépi se ki fě pè kɔ pè ki níkí tē pé yé-ò yí yah? ³⁵ Nte, só yó me n pi, pε mè ki pɔ n wilki n pi pé wró. Légbíne, pè ki pyē níkile n tē.»

³⁶ Képah náh, Yesu me tó sèmirkí yó mi pé tyí ne ńkē: «Névi yó ńtē náh fwòsān kām, à fwòdyàh min n pi. Wáh képah pi, fwòsān ki yiki, ké gbó mè tɔ náh se tó fwòdyàh syi n pi. ³⁷ Anê tó, névi yó ńtē náh ðivē sán mɔ n pi pley dí sɔkɔ. Wáh képah pi, ðivē sán mè-à fū, kè ki pley nópi tɔki, ðivē ki kwe, pley ki yiki. ³⁸ Kàh pi ðivē sánne, kè yíne kè mɔ pley snó. ³⁹ Névi nê-á dar ðivē kónó wónóle, à náh tó n fě n syi ké kò-ńkēne n wɔ. Tē n ne n yo ne, ðivē kónó-á nɔ kal.»

6

Yesu ànê mi mi yòh só tyile

¹ Képah náh, Nsyifunɔ mi mi yòh só yóle, Yesu sò me wěkì tē n kɔ n kah sèmuco swēy yísyó sɔkɔ. Té ò tò sáhpú me sèmuco ywòle n kòl n wòkɔlì pé gbàn sɔkɔ, à n tah.* ² Farisiyēno-á képah wε sě, pé tókù me ne, tò pínó wěkì náh me kónóle mi mi yòh sóle. Té kwâh nê se, té pè kéle n pi ni? ³ Képah sɔkɔ, Yesu yo pé tyí: «Kwεki-á lésó yòtē Davidi ànê ò náh névyé tē só nēne, wáh nê pi, yé náh kè kar yah kè? ⁴ A náh sò de Liyel wòkò sɔkɔ, à búrn tɔkɔ, nónó-á sò me sàhnóle Liyel tyí yó, à tah, té ò náh névyé tɔ kɔ di? Té ney náh sò yíne búrn nópi táhnóle, né sárká wílkípu yòtām ó náh.»† ⁵ Té tó yo pé tyí: «Névi Pile, mi mi yòh yòtē ye ñne.»

* 6:1 6.1 - Yah n te Tónyono sébey 23.26 soko. † 6:4 6.3-4 - Yah n te Samyeli sébey gben 21 soko.

Gbònkù dí yó dénmòṅṅṅṅ Nsyifunṅ mi mi yòh sóṅṅ

⁶ Képah náh, mi mi yòh só yóṅṅ níṅṅ, Yesu de Liyel ní-ńsah wòkò sòkò, me tyah névyele n kwò. Té dí yó sò me nénpó sòkò, gbòyòṅṅ kúnóṅṅ. ⁷ Képah tēne, Liyel ñgbò wěkì kwópú, ànê Farisiyēṅṅ mó me Yesule n kyomì n yah, wàh kì nítyínṅṅ ney de n mṅ n pi mi mi yòh sóṅṅ, pè mó lékàh wé à kò. ⁸ Nte, ñmṅ tē wṅ sò me pé fókósōṅṅṅṅ n pne. Kàh pi sē, à me yo gbònkù dí mè tyí: «Yuku n pṅ n yīn névye nuyó ásô.» Dí me yuku yīn. ⁹ Képah tēne, Yesu yo pé tyí: «Ñmṅ yéle n piki n yah, tir nê pínó wěkì me kónóṅṅ mi mi yòh sóṅṅ? Pèpṅṅ se, tí pèkè se? A ney min pwah mṅ, tí à tē ko mṅ?» ¹⁰ Képah sòkò, wàh pè yah kore vi, à yo dí tyí: «Á gbò tō!» A me ñ gbò tō, kè núkú pi ké vilé. ¹¹ Képah tēne, pé fòkò kah vyāh Yesule, pè tyah wēne n vi n mṅ, sò-á pè kì n pi n pi ñne.

Yesu tēntōbe népí gbōnimí yáhnwìlkinóṅṅ

¹² Só yóṅṅ, Yesu dṅkò yuku yōṅṅ yó yō, à kyì nírilé n pi. A lékàh pól pi Liyel nínó sòkò. ¹³ Tyah-á pṅ dal, à ñ tō sáhpú ye, té népí gbōnimí yah wilki pé sòkò, té pépi yīn sah ñ tēntōbele. ¹⁴ Wàh nónó yah wilki, pé yni wé yò: Simṅ wṅṅṅ, Yesu ñmṅ yīn sah Pyerile, té ñ gbēndí Andre sò me, ànê Nsyakì, ànê Nsyō, ànê Filipi, ànê Bartelemi, ¹⁵ ànê Matye, ànê Toma. A tahlì Alfe pídí Nsyakì tyí, ànê Simṅ nê-á sò pè n ye «Sú fò vyāh syí-òṅṅ», ¹⁶ ànê Nsyakì pídí Yudele, ànê Yisikariyṅṅ Yudasule, nê-á pṅ vi Yesu náh.

Yesu tówú kwónó, ànê yámpú dénmòṅṅṅṅ

¹⁷ Képah náh, Yesu tiki yōṅṅ yō ànê péle, à pṅ yīn kéntáhkì támm yó sòkò. Té ñ tō sáhpú náhnáh sò me, à tahlì tówú ñgbē yó tṅ tyí, nónó-á wil Yude tantàn pól sòkò, ànê Yerusalemì, à tahlì pne yo gbòpṅ kwlo tyí, Tiri ànê Sidōne. ¹⁸ Pè sò pṅ Yesu welo nòh-ńsah, ànê dénmòṅṅṅṅ wé yīnne pé yamṅṅ sòkò. Sétàn-á sò me nónó sòkò me péle n kwlo, pé tṅ dénmòṅṅṅṅ wé. ¹⁹ Té táhkì yó sò me n wil ñ sòkò, à pé pólle n de n mṅ. Képah ye tówú pól kò, pè n yah n kò wéntù-ńsahle ñ tyí.

Yèvinì ànê yèvyāhrì tyíṅṅ

²⁰ Képah sòkò, Yesu me ñ yah yō ñ tō sáhpú yah, té ne: «Yèvinì me yé tyí, yépi nónó-á me yām sòkò.

Liyel tōrì me yépi tyí yō.

²¹ Yèvinì me yé tyí, yépi nónó-á me núkúnúkú kwèkì sòkò.

Yé kì pṅ n tō n pi.

Yèvinì me yé tyí, yépi nónó-á me núkúnúkú gbñì sòkò.

Yé kì pṅ yì syṅ n pi.

²² Yèvinì me yé tyí, no-à yé dyṅṅṅ n yo, té yé milki, té yéle n gbyṅ, té yé yīnne n ykì Névi Pi yō sēnó yīnne. ²³ Nte, ké yōre ñgbē kì pṅ yé dyah Liyel fò. Képah ye, yé ne n me ñvì sòkò lésòṅṅ, yé ne n yòkò n kwāh ñvì tē tyí. Sē ye lésò pé náh tātṅ tṅ n fōh Liyel tēntō syínyopule.

²⁴ Nte, yépi nónó-á tahbìṅṅ, yèvyāhrì me yé yō.

Yé yé pèpṅṅ wé sòkò te.

²⁵ Yépi nónó-á me núkúnúkú tēkì sòkò, yèvyāhrì me yé yō.

Kwèkì kì pṅ yé tē n pi.

Yépi nónó-á me núkúnúkú yìsyòṅṅ sòkò, yèvyāhrì me yé yō.

Yé kì pṅ yèkwṅṅ gbñì gbo n pi.

²⁶ Pàh yépi nónónε n gbilki, yèvyãhrı me yé yõ. Sě ye lésõ pé nãh tãn to n gbilki Liyel yĩn yõ mìnnyobelε.»

Sépébi tẽnó pèpeyne

²⁷ «Nte, yépi nónó-á me n nohnı ní tyí, mé kéle n yo yé tyí ne: yé yé sépébiε n tẽ ple. Yé pèpõrile n pi yé dyõ yópú tyí. ²⁸ Nónó-á plõle n ye n mo yé yõ, yé sãmne n mo pé soko. Yé mó Liyelle n ni yé fõhpú tyí. ²⁹ Névi-à á létáh núkú mı, ké ní-ò to vi n mo à kõ. Névi-à á fwòmò-ñgbẽ toko, ye tẽ kõ à á fwòmònpir to toko. ³⁰ Névi nê-à kwãh ni á tyí, kè yĩ tẽ kõ. Anê, névi-à á gbõ kwãh toko, káh ne, tẽ n syı n po kéle. ³¹ Anê tõ, yáh me ké tyí ne, no nêne n pi yé tyí, yépi to sènkõle n pi pé tyí.

³² Yépi tyí-á no nónó tyí, pépi ó tyí-à no yé tyí, yĩngbí nê me yé kı n we n pi képah soko? Liyel wèkì kó-ńkèpú nte to nénónó tyí nãh no pé tyí di? ³³ Nónó-á n tõ n sah n pi yé tyí, yé to-à n tõ n sah n pi pépi ó tyí, yĩngbí nê me yé kı n we n pi képah soko? Liyel wèkì kó-ńkèpú nte to nãh sènkõle n pi di? ³⁴ Anê, yãh n dekı névyele n kõ, yáh sě ké yõ ne, nónó ó-á kı po sé lédyáhnine yé kõ n pi, yĩngbí nê me yé kı n we n pi képah soko? Liyel wèkì kó-ńkèpú to nãh n dekı wẽne n kõ, sé lédyáhnı pónwe yĩnne di?

³⁵ Pèpõrı pı-ńkèpú, ànê népêl nıgbèkì me Liyel soko. Képah ye, yépi to yé sépébiε n tẽ ple. Yé pèpõrile n pi pé tyí. Yé ne n dekı n kõ, ké lédyáhnı tyí sò-ńkène. Képah soko, yé kı kyı ké lédyáhnı ñgbẽ we Liyel fõ, té kı pi yõtãh Liyel wènpıle. ³⁶ Yé pi nıgbèkì névyele, sõ-á yé sú Liyelle nıgbèkì pí-òle.»

Káh no pılkı-ńtãn óle n yo

³⁷ Képah soko, Yesu tõ yo pé tyí: «Yé káh nole n tuke. Képah soko, Liyel nãh yé to tuke n pi. Yé káh lékãhle nole n kõ. Képah soko, Liyel nãh lékãhle yé to kõ n pi. Nte, yé ne n yõ n mo nole n kõ. Képah soko, Liyel kı n yõ n mo yé tole n kõ. ³⁸ Yáh no téló tyıle n sãh dú nêne, kéne dú núkú ó kı yé to tyí sãh n pi. Képah ye, yé ne n yĩ n kõ. Képah soko, Liyel kı yĩ yé to kõ. A kı dú toko, kı sãhnó pèpey sãh, kı snı, kı yike yike, kè kı yuku kwe, kı vi mo yé kõ yé fwòmolo vyëy tẽnkúnmono soko.»

³⁹ Té tõ sèmırkı yó mı pé tyí ne nkè: «Yítũ se kı fẽ pi n ní-ò yítũ yah tẽ-òle? Pé nımı nãh n syıkı n de n pi pwãh yó soko di? ⁴⁰ Tir sãh-ò nãh n kal n pne n kwó-òle. Té sãh-ò nê-à kwónó we yĩ, ñmo n pi n kwó-ò tyí kõle.

⁴¹ Á pi sõ, té ñdan kyomı we á yũnpi yı soko, té dàhnpele áwo yı soko, á nãh me képah wo we? ⁴² Á kı pi sõ, té kı yo á yũnpi tyí ne, à ye á ñdan wilki à kõ n yı soko, áwo nê-á dàhnpele á yı soko, té á nãh me képah wo we? Vınnıni wékı-ò! Á yı soko dàhnpe ñgbò wilki! Képah-à pi, á kı fẽ n yah palle, kı á ní-ò yı soko ñdan wilki.»

Séswô ànê ké pyele

⁴³ «Séswô pèpey yó nte nãh n syı pye tükúnıne. Séswô tükú to nãh mó n syı pye pèplõle. ⁴⁴ Sésãn pól n pne sé pye soko. Sènsóké pye nãh fẽ n we kahı soko. Yrensẽ nãh mó tõ fẽ n we n gbe gbıyèkì soko. ⁴⁵ Népépëy yıpéplõ n wil n ni soko, wãh nónó koh sah. Sě ó ye, nétükú to tyıtükúnı n wil n ni soko, wãh nónó koh sah. Névi nı-à yuku tir nêne, képah ye n wil n vyãh.»

Vı duke nınó tyı yónóle

⁴⁶ Képah soko, Yesu tõ yo pé tyí: «Sõ pi, té yè ñne n ye <Tẽ ñgbẽ, Tẽ ñgbẽne>, té mãh se nê yo, yé nãh képahle n pi? ⁴⁷ Névi nê-à po ñmo tyí, té n welo noh, té me séle n pi, tẽ-á me nê kètòle, mé kı n tyı yo yé syah: ⁴⁸ Á me, á kı ne wòkò mó-ò yó sõ, nê-á

swɔ tũ tiki náhnáh, té wòkò sɔ légbí yõ. Té ké sɔ tyàhnó-á sò ple sě, képah ye, yɔ-á pɔ yuku, té kwɔ, kè fwo kyɪ syɪ kéné wòkò tyí, té kè náh tẽ we kè fẽ. ⁴⁹ Té, névi nê-à ní welo noh, té à náh séle n pɪ, tẽ wɔ me, á kɪ ne wòkò mɔ-ò yó sɔ, nê-á wòkò yõ sɔkɔ mɔ sétáh kókó yõ swɔ tũ-ñkẽne. Yɔ-á pɔ yuku, à fwo kyɪ syɪ kéné wòkò tyí, nénpó swɔ, ké pól pirki kwe, à núkú mukuli pnépné.»

7

Sràsyíbí lèkwě yòtẽ dí Liyel yõ sě òkùlè

¹ Képah sɔkɔ, Yesu-á welo nópi pól yo pɔ tye no tyí, à de Kapernayumi. ² Té nénpó sɔkɔ, tònpi yó sò me sràsyíbí yòtẽ dí yó tyí. A sò me n yɔ kèpékèyô, me n tyah kúnóle. Té n tyí sò tah yíí n yòtẽ dí tyí. ³ Wǎh Yesu tyí noh, à me Nsyifunɔ yèwàhnì yísyó tekɪ mɔ ne, pè kyɪ à ni, à pɔ pé tònpi de mɔ. ⁴⁻⁵ Pǎh kyɪ yíni tẽ Yesu tnô, pè tyah òne n gbah n ni, me n yo n tyí ne, pépi Nsyifunɔ tyí-á kah nɔ yòtẽ dí mè tyí. Anê, òmɔ-á tɔ yín pé Liyel ní-nsah wòkò mónóle. Képah-á, wǎh yíne yòhnìnmonɔ mè pínóle n tyí. ⁶ Képah sɔkɔ, Yesu me sɔkɔ péle. Wǎh de n te sràsyíbí yòtẽ dí mè kétele, kéné dí tɔ n kódíbí yísyó tɔ ne nkě, pè pɔ yo Yesu tyí ne, pé Yòtẽ, péwɔ náh yíne n dénóle pé kéte sɔkɔ. Képah-á, à káh n gblóy kwlo pɔ. ⁷ Nkě, képah tɔ-á pé kɔ pé kè yah ne, pé náh yíne pónwìlnóle n tyí pé gblóy. Nte, à wey núkú ó yo, pé tònpi-á kɪ de. ⁸ Nkě, péwɔ ntẽ tɔ tyí yòtã-á me, péwɔ tɔ mó me sràsyíbí yísyó yõ. Páh yo nê tyí: «Sɔkɔ!», tẽ n sɔkɔ. Páh yo nê tyí: «Pɔ!», tẽ n pɔ. Anê, páh yo pé tònpi tyí: «Tir mè pɪ!», ǎ kè pɪ. ⁹ Képah sɔkɔ, Yesu-á kéné welo noh sě, à dí mè sɔ kègbɪle. Té n yah vi yo n sò tẽpú tówù tyí ne: «Mé kéle n yo yé tyí ne: Yisrayel ntẽ sɔkɔ, mé náh sɛnkɔ Liyel yõ sɛnó névi we yah.» ¹⁰ Képah sɔkɔ, tẽntò névye-á pé syɪ kyɪ sràsyíbí yòtẽ kéte, pè kyɪ ne n yah, n tònpi mè de.

Yesu pékúsè yó pídí lékó yilki mɔ

¹¹ Só yóle, Yesu me n yuku kwil yó sɔkɔ, nê-á pè n ye Nayinne. Té n tò sáhpú, ànê tówù ògbě sò me n sò tẽ. ¹² Wǎh yíni tẽ kwil dé-nsahle yúkey, à nósyó yohnɪ, pè me lékó yó twah n yuku yí-nsah. Pékúsè yó pídí ye sò, n gblóy núkúníne n yú tyí. Té, kéné kwil névye sò me wil náhnáh, me pi mè sò tẽ. ¹³ Tẽ ògbě Yesu-á pi mè we sě, n yám à kah tẽ, à me yo n tyí: «Káh n tɔ ne n gbo!» ¹⁴ Té me nɔ de, à tũ lékó twáhkì tyí, ké twáhpú núkú yín. Yesu me yo ne: «Dínpir, mé kéle n yo á tyí: yuku!» ¹⁵ Wǎh yo sě, à núkú yuku kɔ tẽ, té tyah n yáh. Yesu me òne n yú gbò dahbɪ. ¹⁶ Képah tẽne, tíkì no pól tẽ. Pè tyah Liyelle n gbilki, me yo tũ ne, Liyel tẽntò syíno-ò ògbě yó-á wil mɔ pé wró. Anê, Liyel-á yah dah mɔ n no tyí sɔkɔ. ¹⁷ Képah sɔkɔ, Yesu tyípínó tyí yónó tɔ mɔ Yude tãntã pól sɔkɔ, à kyɪ sɔkɔ ké gbòplɔ kwlo tɔ sɔkɔ.

Wèlnwìlkì-ò Nsyõ-á nê piki yah Yesu tyí sɔkɔ

¹⁸ Képah sɔkɔ, Nsyõ tò sáhpú tyi nópi pól yáh Nsyõ tyí. A me pé sɔkɔ népí ní mí ye, ¹⁹ à tɔ Tẽ ògbě Yesu tyí. Nkě, pè kyɪ à piki yah ne, òmɔ se Liyel ney tékínmonóle, nê-á kɪ sò n pɔ n pi, tĩ pé se yíne pé ònínne n syɪkɪ nɪ? ²⁰ Pǎh pɔ yíni tẽ Yesu tnô, pè yo n tyí ne, Wèlnwìlkì-ò Nsyõ-á pépi tekɪ mɔ n tyí ne, pé pɔ à piki yah ne nkě, òmɔ se Liyel ney tékínmonóle, nê-á kɪ sò n pɔ n pi, tĩ pé se yíne pé ònínne n syɪkɪ nɪ? ²¹ Légbíne, Yesu me yámpú náhnáhle n de n mɔ pé yamɔ, ànê pé yèvyáhrɔnɔ sɔkɔ. A sétàn yíni wilki pé sɔkɔ, té yítũbi náhnáh yí yɪkɪ mɔ. ²² Té me yo Nsyõ tẽntò névye tyí: «Yáh

nê we, té nê noh, yé kyɪ kè yāh Nsyõ tyí: Yítūbi yí me n yɪkɪ n mɔ, sèkukubi me n kɔ tómtóm, tótām me n de, níkitūbi me n nohnɪ, lékyí me n yilki n mɔ, ànê nìvìnì wey sán me n yo n kō yām tām tyí.* ²³ Nte, nê-á Liyel yõ sɛnó yáhle-ńkēne nímɔ yinne, yèvunɪ me tẽ tyí.»

²⁴ Képah sɔkɔ, Nsyõ tɛntõ névye-á sɔkɔ te, Yesu tyah n tyíle n yāh tówû tyí me n yo: «Kwāh nê me yé kyɪ yah gbɛnnɪ sɔkɔ? Filki yó se yáhkí me n fi n kō? ²⁵ Tí kwāh nê me yé kyɪ yah we? Dí yó se, nê-á me fwòpèplo mɔ? Té nónó-á mó tã fwòtāhnìne n mɔ, té tǒrí yéle n yõ, pépi náh me yõtām fné sɔkɔ di? ²⁶ Nte, kwāh nê me yé kyɪ yah we? Liyel tɛntõ syínyo-ò yóle nɪ? Mé kéle n yo yé tyí ne: sɛ-á. Té nímɔ nítẽ-á kal Liyel tɛntõ syínyo-òle. ²⁷ Nkē, nímɔ tyí sɔkɔ-á kè wārki sah ne nkē:

«Yáh, nímɔ Liyel kɪ n tɛntõ yó-ò tekɪ mɔ á yahle,
à kɪ pɔ á wɛkì tã sah.»†

²⁸ Mé kéle n yo yé tyí ne: sê fɔkɔ táh pi yó nítẽ náh me nê-á kal Nsyõne. Nte, nê-á tyí kal Liyel yõtǒrí sɔkɔ, nímɔ nítẽ gblo kal nne. ²⁹ Képah sɔkɔ, nónó pól-á sò me n nohnɪ n tyí, à tahlɪ mórí syípú tole, pé pól ne, Liyel-á me tómm, té Nsyõ kō, à pé wel wilki. ³⁰ Nte, Liyel-á nê yah kō Farisiyēnɔ ànê Liyel nḡbò wɛkì kwópú tyí, pé pé náh vi kè kō, té yahle pé wèlnwìlkinóle Nsyõ tyí.»

³¹ Té Yesu tã ne: «Nê tẽ me mé kɪ tɔkɔ sãh kwey gbí névyele? Nê tẽ me pé tɔ? ³² Pé me, á kɪ ne wɛnpì sò kō tẽ n syah tówû tükè-ńsah sɔkɔ, té me n yo wɛ tyí ne, pépi-á yɪkɪ fíbɪ pé tyí, té pé náh se yi. Pé tã kũ yìkì gbɪ mɔ, pé náh se tã gbo. ³³ Nte, Wèlnwìlki-ò Nsyõ pɔ, à náh me n yõ, à náh me ðivɛne n wɔ, té yé ne, n yògbèkè náh me. ³⁴ Névi Pi-á se pɔ, à n yõ té n wɔ, yé tã ne, pé yah yèwònpɪ, ànê sètẽ-á nne, mórí syípú ànê tyípèl pípú kódí-á. ³⁵ Nte, Liyel lékám tyíle, gbɪ ye séle sé fɛnsyipu tyí.»

Yesu pi yó tyípèl yõ mɔ à kō

³⁶ Farisiyē dí yó sò me, pé n ye Simɔle. Sò yóle, à Yesu ye ne, à pɔ yòke yõ pé tyí. A me kyɪ de kéné dí gbô, à tẽ yòke yah.‡ ³⁷ Té kéné kwil sɔkɔ, tyípèl pí-ò pi yó sò me. Wáh noh ne, Yesu-á me yòkele n yõ Farisiyē dí gbô, à pɔ nɪrɪ pān pènèkì yóle, so pèpey yó sɔkɔ. ³⁸ Té me vi Yesu náh tìnne, à n gbo n yéfine n kwe Yesu gbyêh yõ, té séle n kele n yòyenne, té sè pɔrɪ tẽ, té nɪrɪ mènne n mɔ sé yõ.

³⁹ Farisiyē dí nê-á ye Yesule, nímɔ-á képah we sɛ, à tyah n sò n fɔkɔ sɔkɔ ne, dí mè-à sò me Liyel tɛntõ syínyo-òle, pi nê-á n tũ n tyí yò, wáh náhkɪ n dùkù pì ne nkē, tyípèl pí-ò nḡbɛ-á nne. ⁴⁰ Yesu me wey tɔkɔ, té yo Simɔ tyí ne, tir yó-á me pé tyí yo yo tɛne n tyí. Simɔ me ne, à kè yo, kwó-ò dí. ⁴¹ Képah sɔkɔ, à me yo n tyí: «Kmɔ mó-ò yó kmɔ sò me népì ními yísyó yõ. Núkú sò yĩne à à dyah pó pló kyekwéle, ní-ò me yĩne à à dyah pló tikinínì pó gbāmne. ⁴² Nte, pé sɔkɔ ney yó nítẽ náh sò me fɛ n tyí dyah n pi sɛ, dí pé ními tyí yõ mɔ pé kō. Káh pi sɛ, n tyí kɪ nɔ kal nê tẽ tyí pépi ními sɔkɔ?» ⁴³ Simɔ me à syah ne, péwɔ tẽ sònɔ sɔkɔ, nê kōli-á kal, nímɔ-á. Yesu me ne, gbɪ-á à yo.

⁴⁴ Képah sɔkɔ, té n yah vi pi tìnne, té yo Simɔ tyí: «Á pi mè we kè? Nímɔ-á de á gbô, á náh gbyêh wu wu nine n kō. Nte nímɔ wɔ n yéfi kwe n gbyêh yõ, té sè kele n yòyenne. ⁴⁵ Áwɔ náh n pɔrɪ tẽ. Nte, nímɔ tɛne, wáh de pɔ sò, à náh me yal mɔ n gbyêh pórintɛnole. ⁴⁶ Á náh mó tã nɪrɪ mɔ n yõ, nte nímɔ tẽ wɔ nɪrɪ pān pènèkì mɔ n gbyêh yõ. ⁴⁷ Mé kéle n yo á tyí ne: pi mè tyípèl náhnáh nópì pól-á yõ mɔ à kō. Képah

* 7:22 7.22 - Yah n te Yesayi sébéy 35.5 ànê 61.1 sɔkɔ. † 7:27 7.27 - Yah n te Malaku sébéy 3.1 sɔkɔ. ‡ 7:36 7.36 - Yesu me gbíne, nénpó tām sò nkēne pé gbalt kēkɪ n tẽ yòke nḡbnole n yõ.

ye, à tyínɔnɔ ñgbě tir mè pi. Nte, yǎnmɔnɔ-à pi nê tyí kwéyy, ñmɔ tyínɔnɔ n mó ne kwéyy.» ⁴⁸ Té tǒ ñ syi yo pi mè tyí: «Á tyípêl ye yǒ mɔ ñ kǒ.»

⁴⁹ Képah sɔkɔ, wǎh sǒ me n yǒ ànê nónónɛ, pè tyah n sǒ pé fɔkɔnɔ sɔkɔ nɛ, nédúkú nê se dí mènɛ, té à kɪ pɔ tyípêl tɔlɛ n yǒ mɔ ni? ⁵⁰ Kǎh pi sě, Yesu me yo pi tyí: «Ñmɔ yǒ sě́nó ye ñ pwah mɔ. Nɛ n yuku yèvinɔ sɔkɔ.»

8

Tò sǎhpú ànê syó yísyó Yesu sǒ tě

¹ Kéne tyi sókóntenɔ náh, Yesu sǒ me n kɔ n kǒ kwíl-ñgbnɔ ànê kwílpí, me nìvìnì wey sǎnne n yo Liyel yǒtǒrí tyí sɔkɔ. Té ñ tò sǎhpú népí gbǒnimí sǒ me ñne, ² ànê syó yísyó tɔlɛ, wǎh sétàn yíni wilki nónó sɔkɔ, té pé yamɔ tyɛ. Makadala kwil Mari sǒ me, nê sɔkɔ-á sétàn kwǎrninɔ wil, ³ ànê Nsyannɛ, nê-á Yerɔdɪ tahrɪ kyòmì-ò dí Kusa kyɪlɛ, ànê Susanɪnɛ, ànê syó náhnáh yísyóɪɛ, nónó-á sǒ pé gbǎn yíɪɛ Yesu ànê ñ tò sǎhpúɪɛ n yohnɪ n mɔ.

Sèmukɔ mír-ò sèmìrkìlɛ

⁴ Képah sɔkɔ, névye sǒ me wil kwlo kwlo pól sɔkɔ, à n pɔ n pɔ Yesu tyí. Tówú ñgbě-á pɔ tuke mɔ sě, à me sèmìrkì yó yǎh pé tyí nɛ: ⁵ «Sǒ yóɪɛ, sètǒ yó lésǒ wil ñ sèmukɔɪɛ n mir. Wǎh me mírno sɔkɔ, yísyó syikɪlɪ wěgbalɪ sɔkɔ. Wěkɔbɪ kɔ sɔkɔ sé yǒ, kèpye me pɔ sè yo. ⁶ Yísyó me syikɪlɪ légbí yǒ, à fi, té núkú tǒ kɔkɔ vínó kě tě tyí. ⁷ Yísyó me syikɪlɪ de pǎn nɪyó. Sǎh fi wě tyí pǎnne, pǎn me fyǎh sé yǒ. ⁸ Nte, yísyó me syikɪlɪ sétáh pèpey sɔkɔ, à fi. Sépi wɔ kyǎh, à pɔ pyenɔ lékwěkwɛ pi.» Sèmìrkì me yǎhntenɔ náh, Yesu tǒ yo pé tyí yǐnpǒ ñgběne nɛ ñkě: «Níkí-à me nê tyí noh noh těne, tě ñ níkí sah noh.» ⁹ Képah sɔkɔ, Yesu tò sǎhpú à piki yah sèmìrkì mè yóɪɛ.

Yesu sèmukɔ mírno sèmìrkì yǒ yo

¹⁰ A me yo pé tyí: «Liyel tǒrí tyi nónó-á me wǒbìnóɪɛ, sé pnènó ye yépi tě wɔ kǒ. Nte, téló tě tyí, sèmìrn ó sɔkɔ ye sè kɪ n yǎh. Képah sɔkɔ, pè kɪ n yah díkídíkí, té pè náh kwǎh yó wɛ n pi. Té kɪ n nohnɪ, té pè náh ké yǒ pǐ n pi.»

¹¹ Té tǒ yo pé tyí: «Sèmìrkì mè yǒ-á nêne, kè wɛ yò: Mir mir sèmukɔ mènɛ, Liyel wey ye. ¹² Té névye túkú me wěgbalɪ tyí kǒlɪ: Pépi-à Liyel wey noh, sétǒ n pɔ kè wilki pé nno sɔkɔ nɛ, pè káh pɔ sě ké yǒ, pè mó pwáhnɔnɔ wɛ. ¹³ Túkú me légbí yǒ tyí kǒlɪ: Pépi-à Liyel wey noh, pè kè fě n syi nìvìɪɛ. Té pè náh n ye kè yǎhnìne n mɔ pé sɔkɔ. Pè kè fě n syi nénpó swɔ ó sɔkɔ, té mónyahno-à núkú pè yíni tě, pè pé náh vi kè kǒ. ¹⁴ Túkú me pǎn mé-ńsah tyí kǒlɪ: Pépi-à Liyel wey noh, fókósǒnɔ, ànê tahrɪ yáhnó, ànê kèkǒyó nìvì tyi n pɔ kè fyǎh. Káh pi sě, pè n wũ nɪyó, kè náh tirlɛ n pekɪ pé tyí.

¹⁵ Nte, túkú me sétáh pèpey tyí kǒlɪ: Pépi-à Liyel wey noh, pè kè syi n sah pallɛ nɪ pèpey sɔkɔ, nê-á me tǒnsáhnóɪɛ. Ñ té ké tě́nó plɛ, yǒre n wɛ ké tyí, sèmukɔ pékínó tyí kǒɪɛ.»

Yesu-á sèmìrkì nê mi fǒtnò tyí sɔkɔ

¹⁶ Yesu tǒ yo pé tyí: «Névi se kɪ fǒtnò soh, té kɪ dú kwĩnki mɔ ké yah, képah náh pi, kɪ kè dah mɔ sě sě kwǎh sètáhkì sǒ? Tě náh kè sah n pi fǒtnò sahki sɔkɔ, kè n

pi n pi kyòole wòkò sòko dépú tyí di? ¹⁷ Tir yó nítě náh me wòbìnóle, té ki n wũ n pi wĩlkinmò-ńkēne kégbó. Sèfin sò tir yó nítě náh n wũ n pi pí-ńkēne, ànê wĩlkinmò-ńkēne kwèyy. ¹⁸ Névi nê tyí kwâh-á me, dòhnínó ki n pi ñmò tyí yõ. Té névi nê tyí kwâh náh me, kwéy nê nítě-á à me n sò ne, páh me we, ké to ki tẽ syi n tyí. Káh pi sě, yé kyòmìnóle n pi yé nohnù dùkù sòko!»

Yesu yúnpyé ànê n yúne

¹⁹ Képah sòko, Yesu-á sò me fí nê sòko, n yúnpyé, ànê n yú pò yĩni tẽ nénpó. Nte tówú tẽ tyí, pè náh tẽ we nò de ñne. ²⁰ Pè me yo mò n tyí ne, n yú, ànê n yúnpyé-á me yínnóle kégbó. Páh me ké tyí ne, pé à we. ²¹ Képah tẽne, à me yo pé tyí: «Nónó-á Liyel weyne n nohnù té ké tyile n pi, pépi ye ñmò yú ànê n yúnpyéle.»

Yesu yáhpékè yó yĩn mò yó-ńgbě sòko

²² Sò yóle, Yesu de krótókè yó sòko ànê n tò sáhpúle, té yo pé tyí ne, pè ye pé yuku yó-ńgbě kahnune. ²³ Té páh me krótókèle n to n yuku gbí nēne, Yesu do. Dõ, yáhpékè yó kò pé yõ yo sòko, à nine n tòko n mò krótókè sòko, kè syi pò n yuku nine, dlo n tyah pé nónóle. ²⁴ Pè me nò de Yesu tnô, me ñne n yilki n mò ne, pé yõtě, pé yõtě! Yó-á me n tyah pé yónóle dé! Képah tẽne, Yesu me yuku, té díri kò yáhkí, ànê ni yõ. Yáhkí me yĩn, yo tiki tẽ, tyah pi súmm. ²⁵ Káh pi sě, à yo pé tyí: «Yé Liyel yõ sěno nyāh?» Tíki tẽ tyí, pé gbǎn du, pè tyah n yo wě tyí ne, nédúkú nê se dí mēne, té à fē n yo yáhkí ànê ni nítě to tyí, sè n sah n tyí yõ nı?

Yesu sétàn kwĩnki yĩni wilki dí yó sòko

²⁶ Yesu ànê n tò sáhpú kyı yĩni tẽ yó-ńgbě kahnune, Yerasenı sétáh yõ, Kalile yèsreynε. ²⁷ Wǎh me n tiki krótókè sòko gbí nēne, dí yó wil kwil sòko, à pò à yohnı, sétànne n sòko. Kwil mē ney ye sò ñne. Té kè pi di mónóle, à náh tã sò me flole n mò, ànê à náh me n tẽ gbô. N tẽ-ńsah ye sò léyǎl wró. ²⁸⁻²⁹ Té, sétõ mē sò n yuku dí mē yõ gbáhyí náhnáhle. Pè sò ńkēne à pukubi kěló, ànê kárnne ne, pé à tẽ sah. Nte, à púkúbí-ńtǎn nópi kǎli, té sétõ mē à tòko n de gběnnı tǎntǎn sòko. Képah sòko, wǎh Yesu we, Yesu me yo n tyí ne, à wil dí mē sòko. Wǎh yo sě, dí pò kò kwĩnki n yah, té de syi yĩnpõ ńgbēne ne, kwâh nê se à n yah n kò pé tyí nı, yõtah Liyel pi Yesu? Páh ñne n ni, à káh pé fõh. ³⁰ Yesu me à piki yah ne, n yĩn se sò nı? Té káh pi, sétàn náhnáh sò me dénóle n sòko, à me ne, pé yĩn-á Méfwóbé Kwĩnkile. ³¹ Képah sòko, sétàn nópi me Yesu ni ne, à káh sé yĩni wilki tekı mò yèvyǎhrı tẽ-ńsah.

³² Té nénpó sòko, sel kwĩnki yísyó sò me n yah n yõ n kò yǎli yõ. Sétàn nópi tã Yesu ni ne, à ye sé kò sé kyı de sel nópi sòko. A me ké wěkìle sè kò. ³³ Képah tẽ sòko, sétàn nópi wil dí mē sòko té kyı de sel nópi sòko. Sel kwĩnki nópi núkú kènpĩn to tiki tükütükü, à kyı de yónpěkì sòko, kè kò kè sè yõ.

³⁴ Sel nópi fěpu-á képah we sě, pè to kyı kè yǎh kwil, ànê yèpıyey sòko. ³⁵ Képah tẽne, tyi nónó-á pi, névyé wil ne, pé kyı sé ségló yah. Pè pò yĩni tẽ Yesu tnô, té dí nê-á sò sétàn wil n sòko, pè à we kǎntēnóle Yesu tnô. A sò me flo mò, té me tírr. Káh pi sě, tíki pè tẽ. ³⁶ Képah sòko, nónó-á sò n dénmò dùkù we, pè kè yǎh téló syah.

³⁷ Káh pi sě, tíki tẽ tyí, Yerasenı sétáh yõ névyé pól kè yah kò Yesu tyí ne, à yal gbe mò pépile. Képah sòko, Yesu me de krótókè sòko, à n tyah sókónóle.

³⁸ Té dí nê sɔkɔ-á sò sétàn wil, kéne dí Yesule n ni ne, à ye pé tẽ ònne. Nte, Yesu nàh kè fẽ syi, té yo òn tyí: ³⁹ «Liyel-á tyi nónó pól pɪ á tyí, á syi n yuku á gbô, òn kyɪ sè yãh.» Wãh yo sɛ, dí me òn syi yuku òn ònne. Té tyi nónó pól-á Yesu pɪ òn tyí, à séle n yãh n kɔ kwil pól sɔkɔ.

Yayirusi písê yílkínmɔnɔ, ànê pi nê-á tũ Yesu fwòmɔnɔ tyí

⁴⁰ Tówú sò me Yesu syikɪ tẽ sɛ, képah ye, wãh wil yó-̀ngbẽ kahnne, à pɔ yĩni n tẽ pé tnô gbí nne, pé pól à yohnɪ nìvì sɔkɔ. ⁴¹ Légbí mè ó sɔkɔ ye dí yó pɔ yĩni tẽ, pé n ye Yayirusile. Nmɔ ye sò nénpó Liyel ní-risah wòkò yah yétne. Wãh yĩni tẽ Yesu tnô, à gbètukunɔ di òn yah, té à ni ne òkè, kékwe, à pɔ pé yuku péwɔ gbô, ⁴² òkè, písê nê-á pé tyí òn gblɔy núkúnine, té me ye gbõninó kénkò sɔkɔ, wãh me n tyah kúnóle. Képah tẽ sɔkɔ, Yesu-á n sɔkɔ nénpó, tówú à fyãh kámm yey yey pólle.

⁴³ Té, sê yó tɔ sò me nénpó. A sò me n yo tó kwénó nýanne pópó, ye gbõninó. N gbò pól syi pɔ tyɛ syɛy pínóle sènpɪbɪ tyí, té pé sɔkɔ yó òtẽ nàh tẽ we à de mɔ. ⁴⁴ A me nɔ de Yesule òn nàh ònne, té tũ òn fwòmɔnɔ vyãh tyí. Nénpó swɔ, òn nýan núkú tyɛ. ⁴⁵ Képah sɔkɔ, Yesu me piki yah ne, nê se tũ péwɔ tyí nɪ? Nò pól-á pé vyeyne n kòlɪ ne, pépi nàh sɛ, Pyɛrɪ me ne, pé yòtè, névyè-á fyãh sah ònne kámm. ⁴⁶ Nte, Yesu me ne, òn ný yó-á tũ pé tyí. Páh kè pĩ ne, tãhkì yó-á wil pé sɔkɔ. ⁴⁷ Képah sɔkɔ, pi mè-á pɔ pĩ ne, tir mè nàh tɔ fẽ n wõbɪ, à pɔ òn gbètukunɔ di Yesu yah wílsyahrɪ sɔkɔ. Tir nê yĩn-á à tũ òn tyí, té kè yãh nò pól yĩ yah, ànê sɔ-á à dénɔnɔ we nénpó swɔ. ⁴⁸ Képah tẽ sɔkɔ, Yesu me yo òn tyí: «Pi, á Liyel yò sɛnó ye òn de mɔ. Ne n yuku yèvɪnɪ sɔkɔ.»

⁴⁹ Gbí nê-á Yesu me kéne wey yónó sɔkɔ, dí yó wil yòtè dí Yayirusi gbô, à pɔ yo Yayirusi tyí ne, òn písê-á yah kwɔ, òkè, à káh fwótè kwó-ò dí kwɔ. ⁵⁰ Nte, Yesu-á képah noh, à me yo Yayirusi tyí ne òkè: «Káh tiki pɪ! Sɛ ó sɛ ké yò, té á písê kɪ òn min we.» ⁵¹ Té pè me sɔkɔ Yayirusi gbô. Pãh kyɪ yĩni tẽ, à nàh fẽ syi ney de ònne, à wil Pyɛrɪ, ànê Nsyɔ, ànê Nsyakɪ, ànê pípir sú, ànê òn yú tyí sɔkɔ. ⁵² Légbíne, nò pól sò me pípir kũ pòle n gbo me yã yã tyile n pɪ. Képah sɔkɔ, Yesu ne: «Yé káh ne n gbo! A nàh ku, dɔy sɔkɔ ye ònne.» ⁵³ Nte, névyè-á sò me òn kúntenɔ pĩ te sɛ, pé tyah kòle Yesule n ko. ⁵⁴ Képah tẽ sɔkɔ, Yesu me à tẽ òn gbò tyí, té à kah ye: «Ní pi, yuku!» ⁵⁵ Nénpó swɔ, òn min núkú ké syi de òn sɔkɔ à kɔ à yuku. Wãh yuku, Yesu me kè yah kɔ pé tyí ne, pé yãrle à kɔ à yò. ⁵⁶ Kãh pɪ sɛ, òn dúbípú gbàn du, té Yesu kè yah kɔ pé tyí ne, pé káh tir mè yãh ney tyí.

9

Yesu òn tò sáhpú népí gbõnimí tò

¹ Só yóle, Yesu òn tò sáhpú népí gbõnimí ye tuke mɔ, té tãhkì ànê tɛnwɛnɔle pé kò ne, pé sétàn pólle n yĩni, pé mó yámpúle n de n mɔ. ² Képah sɔkɔ, té pé tekɪ mɔ ne, pé kyɪ Liyel tɔrí tyíle n yo n kɔ, pé mó yámpúle n de n mɔ. ³ Té tɔ yo pé tyí ne, pé káh kwáh yó òtè tɔkɔ wèkì kɔ yinne. Pé káh òsɪn tɔkɔ, pé káh pilki tɔkɔ, pé káh yòke tɔkɔ, pé káh pò tɔkɔ. Anê ney káh fwòmɔlɔ nínó tɔkɔ. Té tɔ ne: ⁴ «Yãh kyɪ we twah kéte nê sɔkɔ, yé tẽ képah sɔkɔ fóó, kè pɔ nɔ yé yal gbí tyí nénpó. ⁵ Té, nónó-à kyɪ yahle ne, yé káh twah pé tyí, yãh n wil kéne kwil sɔkɔ, yé yé gbyèh nèngbò kwer n kwe nénpó. Képah kɪ pɪ gbáhdýãh dínsàhnóle pé tyí.» ⁶ Képah tẽne, pé me sɔkɔ, à kyɪ n kɔ n kɔ kwɔ kwɔ sɔkɔ, à nìvì wey sãne n yo n kɔ, té me yámpúle n de n mɔ ywò ywò pól sɔkɔ.

Yerɔɔɔ fɔko fɛkɪnɔle

7-8 Légbɪne, Kalile kwil tām yòtɛ̀ ñgbɛ̀ne, Yerɔɔɔ ye sò. Nmɔ-á Yesu tyípinó nópi pól noh gbí nêne, túkù rítɛ̀ me n yo ne, Nsyɔ́-á ñ syɪ min we, à wil lékyî sɔko. Túkù mó ne, ñgbò Liyel tɛ̀ntò syínyo-ò Yeli-á pɔ wil mɔ. Túkù mó tɔ ne, ñgbò Liyel tɛ̀ntò syínyo-ò yó-á yuku wil lékyî sɔko. Páh yo sɛ̀ Yerɔɔɔ tyí, ñ fɔko fɛki. ⁹ Képah sɔko, à ne, té páh se Nsyɔ́ yò kām.* Nte, nê tɛ̀ ó tyípinó se tɔ pé n nohnɪ yò nɪ? Káh pɪ sɛ̀, à tyah Yesule n yah n kɔ ne, pé à we.

Tówú ñgbɛ̀ púnóle Yesu tyí

¹⁰ Yesu tɛ̀ntòbe-á pé syɪ pɔ ñ tnô, pé pé tyípinó pól yáh à syah. A me pé tɛ̀ yal pé yahle, à yuku péle kwil yó gbòpɔ, pé n ye Besayidale. ¹¹ Nte, tówú-á pɔ pé sókónó pɪ sɛ̀, pé pé nyáh sò kyɪ nékwɪnkɪle. Képah sɔko, Yesu pé tɛ̀ palle, me Liyel tɔrí tyíle n yáh pé tyí, té me yámpúle n de n mɔ, nóno-á sò me lènole n yah n kɔ.

¹² Nte, gbɪ-á pɔ n yi, ñ tò sáhpú nɔ de ñ tnô, té me yo ñ tyí ne, ñgbò gbɛ̀nnɪ tyah sɔko-á péle ásò dé! Nkɛ̀, wáh náhkɪ tówú fin mɔ, pé kyɪ sɛ̀-ńtân ànê yòke yah kɔ gbòplo kwlo ànê yèpiyey sɔko. ¹³ Képah sɔko, Yesu yo pé tyí: «Yépi yòke yah pé kɔ pé yò yé gblɔy kè!» Pé me à syah ne, búrn pló kwlo, ànê yɛ̀nkyɔ pló nínó ó-á me pé tyí dé! Tɪ, à se me ké tyí ne, pépi kyɪ yòke dwe pɔ nékwɪnkɪ nópi pu nɪ? ¹⁴ Té díbɪ sò nɔ népɪ kèyò nínó kyegbām kénkòle nɛ̀npó.

Képah sɔko, Yesu me yo ñ tò sáhpú tyí ne, pé no kɔ pé kɔ tɛ̀ fɪnkɪnɔle népɪ tikinínɪ pó gbām gbāmne. ¹⁵ Pé kè pɪ, wáh yo sɔ, à no pól kɔ pé kɔ tɛ̀. ¹⁶ Képah tɛ̀ne, Yesu me búrn pló kwlo, ànê yɛ̀nkyɔ pló nínó nópi tɔko, té ñ yah yò yínyò, à Liyel ni sé yò, té sè kwɔkɪ, à ñ tò sáhpú kɔ ne, pé syɪ tówú kɔ. ¹⁷ Képah-á pɪ, no pól yò tɔ. Té pé pé yónkwlonɔ tuke mɔ, vyó gbɔ́ninó yíine.

Pyerɪ kè yo ne, Krista-á Yesule

¹⁸ Só yóle, Yesu sò me ñ gbɛ kyɪ tɛ̀ níri le n pɪ, ñ tò sáhpúle ñ tnô. Képah sɔko, à me pé piki yah ne: «Névyé tɛ̀ tyí, nê me nímole?» ¹⁹ Pé me à syah ne, túkù-á ne, Wèlnwɪlkɪ-ò Nsyɔ́-á ñne. Túkù me ne, Yeli-á ñne. Túkù mó ne, ñgbò gbɪ Liyel tɛ̀ntò syínyo-ò lékó yɪlkinmɔnɔ-á. ²⁰ Páh yo sɛ̀, à pé syah ne: «Té, yépi tɛ̀ tyí, nê me nímole?» Képah tɛ̀ne, Pyerɪ me ne ríkɛ̀: «Krista yé ále, Liyel-á ne, páh kɪ nê tekɪ mɔ.» ²¹ Wáh yo sɛ̀, Yesu pé kah sni ne, pé káh kè yo ney syah, ²² té tɔ yò sɔko yo pé tyí: «Névi Pi yíne à yèvyáhrɪ pɪ náhnáh. Yèwàhnɪ, ànê sárká wɪlkɪpu yòtām ñgbnɔ, ànê Liyel ñgbò wɛ̀kɪ kwópú kɪ à yahle n pi. A kɪ ko mɔ, té ké sèpɪn tɔ-ò sóle, à kɪ ñ syɪ min we.»

Yesu sò tɛ̀ dùkùle

²³ Képah náh, à yo no pól tyí: «Névi nê-à me ké tyí ne, pé nímɔ sò tɛ̀, tɛ̀ ñ gblɔy dyɔ yí tyi ye, sòmésó à mó ne me ñ syɪ syɪ dahnu twah, í sò tɛ̀.† ²⁴ Yah, névi nê-à ne ríkɛ̀, páh n to n pwah kú yah, tɛ̀ náh min we n pi. Nte, nê-à kú fɛ̀ syɪ nímɔ yinne, tɛ̀ wo min kɪ pwah. ²⁵⁻²⁶ Névi nê-á nímɔ, ànê í wey fɛ̀nsyino yah sen ku, nímɔ Névi Pi tɔ kɪ sen ku ne, mé náh tɛ̀ pɪ, máh só nêne pɔ í yòtɔrí sɔko, ànê í sú tyí, ànê yínyò tɛ̀ntòne tyí sɔko. Káh pɪ sɛ̀, yò se me ké tyí, névi-à kèkòyó tahrɪ pól we, té n tekɪ n pi ñ min sɔko, kɪ ñ gblɔy tyí yɪkɪ? ²⁷ Gbɪ yò, mé kéle n yo yé tyí ne: névyé nóno-á me ásò, pé túkù kɪ Liyel tɔrí we yíne, té kɪ me min sɔko.»

* 9:9 9.9 - Yah n te Markɪ sébéy 6.14-29 sɔko. † 9:23 9.23 - Dahnu twáhnó n wɛ̀kɪ ne, á á vi sah á min kɔ kɔ tɛ̀ne Yesu tyí kòle.

Yesu dukù vinnɔɔle

²⁸ Kéne welo yóntɛno náh, sèpìn kwártɔno kénkɔ-á sɔko, Yesu Pyeri, ànê Nsyɔ, ànê Nsyaki tɛ sɔko yɔli yó yɔ ne, pé kyi níri pi. ²⁹ Wǎh me níri sɔko gbí nêne, n yèpo dukù vi mo, té n flo piki préyy. ³⁰ Nénpó swɔ, díbí népí ními núkú wil, me yáhkìle n yǎh ànê Yesule. ³¹ Moyisi ànê Yeli ye sò po wil mo yínyɔ tǔrí sɔko, té me n yǎh Yesule, wǎh ki n tǔ pi n tǔ n pi sɔ, n kúnó sɔko Yerusalemi. ³² Té légbíne, doy sò me Pyeri ànê pé no tyí fɛ. Pǎh do yuku, pé Yesu tǔrí dukù we ànê díbí népí ními nópìle yínnóle ònne. ³³ Képah náh, népí ními nópì-á n yal Yesu tnô gbí nêne, Pyeri me yo n tyí ne, pé yòtɛ, pé tɛnó-á ki ple ásô dé! Páh ki yèpyeno tɔnó pi. Nkɛ òmo tyí-á núkúle, Moyisi tyí me núkúle, Yeli tyí me núkúle. Té, à náh sò pǐ, tir nê-á à me n yo.

³⁴ Wǎh me wékínó sɔko sɛ, nýírki yó núkú wil fob mo pé yò. Légbíne, tiki de Yesu tò sáhpú sɔko. ³⁵ Képah sɔko, yínpɔ yó wil Liyel tyí nýírki mè sɔko, me n yo ne nkɛ: «Nmo nê-á yò, òmo ye ní pídíne, máh nê yah wilki. Yé ne n nohni n tyí!» ³⁶ Páh wey mè noh nýǎh sɔko, ney náh tɔ we nénpó, né Yesu ó náh. Káh pi sɛ, n tò sáhpú pé vyɛy vike tɛ syísyí. Té légbíne, páh tyi nónó we, pé náh me sé sɔko yó rítɛne n yǎh ney tyí.

Yesu sétɔ yini wilki wɛnpir yó sɔko

³⁷ Dendalle, páh tiki yɔli yò, tówú ngbɛ yó po Yesu yohni. ³⁸ Té kéne tówú sɔko, dí yó sò me, à tyah n de n syi ne, kwó-ò dí, páh ònne n ni, à yah dah mo pé pídí tyí sɔko, òmo núkúní-á pé tyí, ³⁹ té sétɔ yó-á me n yuku n po n yò. Káh yuku n yò, à n de n syi nénpó swɔ, ànê ké à kah n yike pélpèl, té gbɛfɔkòpíkíni n ne n wil n vyǎh. Anê kè náh ònne n fin n mo súú. Káh pópó ònne n fin mo, ké à fòh n kah n mo. ⁴⁰ Képah-á, pé po n tò sáhpú ni ne, pé sétɔ mè yini, té pé náh tɛ we. ⁴¹ Wǎh yo sɛ, Yesu me yo pé tyí ne, népèl, ànê Liyel yò sɛ-nkɛ névyé nópì! Pé se yíne, pé pé ni tɛ, pé tɛ péle, pé po syi gbí nê tyí ni? Nkɛ, à po n pídíne ásô. ⁴² Piri-á núkú n no n de Yesu tnô, sétɔ à kwel min sétáh, té à yike kègbule. Nte, Yesu me díri kò sétɔ yò, té piri de mo, té ònne n sú gbò dahbi. ⁴³ Képah tɛne, no pól gbàn du Liyel tɛnɔnɔnó tyíle.

Yesu me n kúnó tyíle n tɔ n yo

Nte, no pól-à sò me gbɛndùni sɔko sɛ n tyípínó nópì pól yinne, à me yo n tò sáhpú tyí: ⁴⁴ «Nê-á mé n tyah yónóle yé tyí, yé kè noh palle: Névi Pi ki n dahbi n pi névyé gbò.» ⁴⁵ Nte, pé náh sò me wey mè tyí yah we. Kè sò weki wénpìlle pé tyí ne, pé káh ké yò pǐ. Té ké dukù píkinyahno tiki sò me pé tɛ Yesu tyí.

Nê tɛ kal?

⁴⁶ Képah sɔko, tò sáhpú tyah yékâble n pi ne, pé pǐ nê tɛ-á kal pépi sɔko. ⁴⁷ Té Yesu-á pé fókósɔno pǐ sɛ, à piri yó tɛ sah n tnô, ⁴⁸ té yo pé tyí: «Nê-á tyí kal yépi pól sɔko, òmo kal télóle. Képah ye, névi nê-à piri mè kénkɔ tɛnó ple òmo yinne, òmo ye tɛ tɛ ple. Anê névi nê tɔ-à òmo tɛnó ple, ní tékínmo-ò ye tɛ tɛ ple.»

Névi nê-à me ále n fwó-ńkɛne, tɛ me ále

⁴⁹ Képah sɔko, Nsyɔ me Yesu syah ne, pé yòtɛ, pépi-á ònɛ we, à me sétanne n yini n yin yò, té à náh se sò me n sò tɛ pépile wɛ tyí. Képah-á, pé ne, pé ònne n yini n mo ké pínóle. ⁵⁰ Wǎh yo sɛ, Yesu me yo n tyí: «Névi nê-à me yéle n fwó-ńkɛne, tɛ me yéle. Képah ye, yé káh à yini n mo ké pínóle.»

Yesu yáhlenɔle Samari kwil yó tǎn tyí

⁵¹ Képah náh, Yesu yǒndokonsokó gbí-á pɔ no yǐnyǒ, à kè yah tɔkɔ yǐn núkú yǒ ne níkě, páh kɪ kyɪ Yerusalemɪ. ⁵² Kǎh pɪ sě, à tǐntǒ névye tekɪ mɔ n yahle. Pépi me wěkì tě, à kyɪ de Samarɪ kwil yó sokɔ ne, pé kyɪ twáh-ńsah yah sah à kǒ.

⁵³ Nte, wǎh sǒnpúle n yah mɔ n yuku Yerusalemɪ ńinne, kǎh pɪ sě, nénpó tǎn me yahle ne, à káh twah pé tyí. ⁵⁴ Yesu tò sǎhpú sokɔ Nsyakɪ, ànê Nsyǒ-á képah noh sě, pè ne, Tě ñgbě, à se me ké tyí ne, pé yǐnyǒ nyàh ye mɔ no nópi yǒ, kè tiki n pɔ pè suke n mukuli nɪ? ⁵⁵ Pǎh yo sě, Yesu n yah vi pé ńinne, à dírí kǒ pé yǒ. ⁵⁶ Képah náh, pè me wěkì tě, à sokɔ kwil yó sokɔ.

A tyi pól we ye, té Yesu sò tě

⁵⁷ Képah sokɔ, páh me wěkì yǒ gbí nêne, dí yó Yesu syah ne níkě, páh kɪ n sò tě n kɔ n kǒ ñne, n kó-ńtǎn pól sokɔ. ⁵⁸ Wǎh yo sě, Yesu me yo n tyí: «Gběnpǎhlo tyí, pǐ me. Kèpye tyí, syè me. Nte Névi Pi tě tyí, wénsɛnmì-ńsah ńtě náh me.»

⁵⁹ Té me pyè yo ñnî tyí: «N sò tě.» Kéne dí me à syah ne, à ye, páh pɔ pé sú lékó ñgbò yǐ te. ⁶⁰ Wǎh yo sě, Yesu me à syah ne: «Ye lékyí kǒ, pè pé lékyíle n yǐ, té áwɔ mó kyɪ Liyel tǒrí tyíle n yo n kǒ.»

⁶¹ Képah sokɔ, ñnî yó mó yo Yesu tyí ne, pé Tě ñgbě, páh kɪ n sò tě. Té à ye pé kǒ, pé kyɪ ké wěkì ni pé gbò tǎn tyí. ⁶² Wǎh yo sě, Yesu me yo n tyí ne: «Névi nê-à nyeh wekɪ tě swǎhle n wɔ, té n yah nǎhle, tě náh fě Liyel tǒrí tò pɪ n pi.»

10

Tò sǎhpú népǐ tikitǒní pó gbǎm pó nínó tǐntǒ pínóle

Yesu dúbínóle

¹ Képah náh, Tě ñgbě Yesu me tò sǎhpú népǐ tikitǒní pó gbǎm pó nínó yísyó yah wah, té pè tekɪ mɔ ními nímine n yah ńinne, kwlo ànê wley wley pól sokɔ, ñmɔ-á sò me ké tyí ne, pé kyɪ pé gblǒy nóno sokɔ, ² té yo pé tyí ne: «Sémukɔ tɔkɔ tɔkɔ tě me dò, té ké tǒnpɪbɪle kwéyy. Yé sètě ni, à tǒnpɪbɪ náhnáh tekɪ mɔ, n sémukɔ tɔkɔ yǐnne. ³ Yé ne n yuku! Té, yé me á kɪ ne, kápópi sǒ, mé n tekɪ n mɔ gběnpǎhlo nuyó. ⁴ Nte, yé káh pó, ànê pilki, ànê lékyèh tɔkɔ. Yé káh yǐn wekɪ ney tyí wěkì yah. ⁵ Anê, yáh kyɪ n de kéte nê sokɔ, yé wey gbenne, yé yo ne níkě: <Yèvinɪ ne n me kéte mē sokɔ.> ⁶ Káh pɔ yǐne ney me yèvinɪne n yah n kǒ kéne kéte sokɔ, yé yèvinɪ yénmɔnɔ mē kɪ pɪ tě wɔ tyíle, yé mó tě nénpó. Képah-à mó pí-ńkěne, yé yèvinɪ yénmɔnɔ kɪ ké syɪ pɔ yé tyí. ⁷ Tǒnpɪ ye yǐne n tò pínó yǒre wénóle. Képah ye, yáh twah kéte nê sokɔ, pǎh yé kǒ yǒke nêne, yé kè yǒ, ànê pǎh yé kǒ wɔ wɔ kwáh nêne, yé kè wɔ. Té, yé káh ne n vi n mɔ n twah n kǒ gbéngbèn sokɔ. ⁸ Yáh kyɪ de kwil nê sokɔ, té pè yé tǐnó ple, pǎh kwáh nêne yé kǒ, yé kè yǒ. ⁹ Yé mó yámpúle n de n mɔ, nóno-á me nénpó. Yé mó ne n yo kéne kwil tǎn tyí ne níkě, Liyel tǒrí-á yǐni tě te pé tyí. ¹⁰ Nte, yáh kyɪ de kwil nê sokɔ, té pè ne, yé káh twah pé tyí, yé wil kyɪ pé tówú tükè-ńtǎn sokɔ, yé mó yo ne, ¹¹ pé kwil nēngbǒ nê ńtě-á tahlɪ yé gbyèh tyí, yáh kɪ sè kwèr kwe pè kǒ. Nte, pè pǐ ne, Liyel tǒrí-á yǐni tě te.

¹² Mé kéle n yo yé tyí ne: Liyel tukey tuke sóle, Sodomi* kwil fǒhnó ńtě kɪ fǎhfǎh kal kène kwil tyíle.»

Kwlo nóno-á yahle sǐnóle Liyel yǒ

* **10:12** 10.12 - Sodomi nê tyí-á yo, ké sokɔ névye tyípél pínó sǒ kah tɔ, fǒó Liyel pɔ pé pól suke nyǎhle. Kè yah n te Tyàhnó sǐbéy 19 sokɔ.

13 Yesu tǒ yǒ sɔkɔ yo kwlo nɔpi tyí sɔkɔ ne: «Yèvyǎhrɪ me yé yǒ, Korasini ànê Betisayida tân! Gbìl tyi nónó-á pɪ yé tyí, sɛnkɔ-à sò me pɪ Tiri ànê Sidō tân tyí, pé Liyel wɛkì tɛnó di nǎhki me mo. Pè nǎhki me yèkwɔrɪ flɔ mɔ, té nǎhki me pé piki syíle pé tyípèl nàhnpi gbónó sɔkɔ. 14 Nte, tukey tuke sóle, Tiri ànê Sidō fóhnó kɪ pɪ fǎhfǎh kal yépi tyíle. 15 Té, áwɔ-á, Kapernayumi, á se we ne, wáh kɪ yǒ dɔkɔ yínyǒ? Pólle! Á kɪ tiki yuku fɔ́ó lékókwíl nyàh tɛ-nsah.» 16 Té tǒ yo n tǒ sǎhpú tyí ne: «Névi nê-à n nohnɪ yé tyí, nímɔ tyí ye tɛ n nohnɪ, té nê-à yé yahle, nímɔ ye tɛ yahle ànê n tɛkɪ mó-ò tɔle.»

17 Képah nǎh, tǒ sǎhpú népɪ tikitóní pɔ gbǎm pɔ nínó nɔpi pé syɪ pɔ de nìvìnì sɔkɔ, me n yo Yesu tyí ne, pé Yòtɛ, nímɔ yīn yǒ, sétǎn n̄tɛ-á me n sah pépi yóré yǒ! 18 Képah tɛne, à me yo pé tyí: «Mé sò sétǎn yòtɛ we, à wil yínyǒ, à tiki ke núkú, à pɔ syɪkɪ pù sǒ yikiri yǎl. 19 Nte, yé yah, mé tɛnwɛnɔle yé kǔ: Yé kɪ n kɔ vyeh, ànê mĩntyí yǒ. Anê yé kɪ fɛ sépe tǎhkìle n ykɪ, té tir yó n̄tɛ nǎh yé nɔ n pi. 20 Té yé káh ye yé nɪ vɪ sétǎn sǎhnó ó tyíle yé yóré yǒ. Nte, yé yé nɪ vɪ ne, yé yni-á me wǎrkínsǎhnóle yínyǒ.»

Yesu nɪ vínóle

21 Légbí-ó sɔkɔ, Yesu nɪ kah vɪ Liyel Mírki gbò yǒ. Képah sɔkɔ, à me ne: «Bǒ, áwɔ nê-á yínyǒ, ànê sétáh n̄tɛne, mé ále n gbilki, áwɔ nê-á tyi nɔpi wǔbɪ yí pípú, ànê lékǎmpu yah, té séle wɛnpɪ wɔ wɛkɪ. Awe, bǒ, áwɔ dyɔ yí tɛ ye ne kè pɪ sɛ. 22 N sú ye sé pólle n gbò dahbɪ. Nte, n̄n̄i yó n̄tɛ nǎh Liyel pile n pne, né sú ó nǎh. Sɛ ó ye, ney tɔ nǎh súle n pne, né pídí ó nǎh, ànê wǎh me ké tyí ne, pé pé súle nê wɛkɪ.»

23 Képah nǎh, Yesu n yah vɪ n tǒ sǎhpú fɛne, té yo pépi ó tyí: «Yèvɪnɪ me yé tyí, yépi nónó-á tyi nɔpi we. 24 Mé kéle n yo yé tyí ne: Liyel tɛntónè nǎhnǎh, ànê yòtǎm nǎhnǎh sò me ké tyí ne, pé sè we, té pè nǎh sè we. Té me ké tyí ne, yáh nónó noh, pé sè noh, té pè nǎh sé tɔ we noh.»

Samarɪ kwil négbí yó sèmirkìle

25 Légbíne, Liyel n̄gbò wɛkì kwó-ò yó sò ne, pé Yesu mɔ yah, té yuku yīn, à yo n tyí ne n̄kɛ, kwó-ò dí, pé se kɪ pɪ sǒ, té kɪ tyé-n̄kɛ min we nɪ? 26 Yesu me yo n tyí ne, tir nê se wǎrkínsǎhnóle Liyel tyi sǎhnó sébéy sɔkɔ nɪ? Tir nê se à me n kar ké sɔkɔ nɪ? 27 Dí me yo n tyí ne, kǎh me wǎrkínsǎhnóle ne n̄kɛ, á Tɛ n̄gbɛ Liyel tyí-á yīne kè nɔ á tyí á nɪ pólle, ànê á min pólle, ànê á tǎhkì pólle, ànê á sǔnɔ pólle. Á ní-ò tɔ tyí mó nɔ á tyí á gblǔy tyí kǔle.† 28 Wǎh yo sɛ, Yesu me yo n tyí: «Á yo ple. Képahle n pɪ, á kɪ tyé-n̄kɛ min we.»

29 Nte, dí mè sò me ké tyí ne, pé gbɪ we. Kǎh pɪ sɛ, à Yesu syah ne, nê se péwɔ ní-òle nɪ? 30 Yesu me à syah ne: «Dí yó ye lésò wil Yerusalemɪ, à me n tiki n yuku Yeriko sɔkɔ, té kyɪ wil mɔ yípú yǒ. Pè me à tɛ n gbǎn yí pól tɛ syi, té à ko markɪ sah, té sɔkɔ. 31 Té, kè pɔ yīne, sárká wìlkìpu yòtɛ yó mó me n tiki n pi kéne wɛkìle. Wǎh pɔ dí mè we, à gbɔ sɔkɔ fíí. 32 Képah nǎh, Levi yìkì ney yó tɔ tǒ pɔ yīni tɛ n̄npó.‡ Nmɔ tɔ-á à we sɛ, à gbɔ sɔkɔ fíí. 33 Nte, Samarɪ ney yó sò me n yuku kóló sɔkɔ, té kyɪ dí yǒ dɔkɔ. Nmɔ wɔ-á à we sɛ, n yǎm à tɛ. 34 Á me nɔ de n tnô, té d̄ivɛ ànê nɪrɪ mɔ n n̄y yah, té sè pukubi. Té me à dɔkɔ mɔ n yɛngbɛ níkwɛndyíkì yǒ, à yuku n̄ne n̄pán twáh-nsah yó sɔkɔ, à kyɪ yah dah mɔ n tyí sɔkɔ. 35 Ké dendalle, à me pɔ pló nínó§ wilki n̄pán

† 10:27 10.27 - Yah n te Tǔnyonɔ sébéy 6.5 ànê Levibi sébéy 18.5 sɔkɔ. ‡ 10:32 10.32 - Levi nolɛ, pépi Liyel wòkò sɔkɔ tǔnpɪbɪle ye sò pɪ. § 10:35 10.35 - Ké légbí pɔ pló nínó sò nɔ gbìyìkì núkú tǒ pínó danne.

twáh-rísah yòtë dí kǒ, té ne, à ne n yah n dah n mo dí mè tyí soko. Nkě, wàh kɪ sǒ gbò wilki à kah mo képah yǒ, páh pé syi po gbí nêne, páh kɪ à dyah kéle.»

³⁶ Képah yóntenɔ náh, Yesu dí piki yah ne, ñmo tǎ sǒno soko, yípú-á dí nê pi yo, ñmo ní-ò se nê tǎne népí tǒmí nópi soko ni? ³⁷ Liyel ñgbò wǎkì kwó-ò me à syah ne, nê-á ñ yām yah, ñmo-á. Képah tǎne, Yesu me yo ñ tyí: «Á to kyɪ sǎnkǒle n pi.»

Yesu tǎnó pèpeyne Marti ànê Mari tyí

³⁸ Té Yesu ànê ñ tò sáhpú-á sò me wǎkì yǒ sǎ, à kyɪ de kwílpir yó soko. Té kéne kwil sê yó sò me, pé n ye Martile. Ñmo me Yesu tǎ ple ñ gbô. ³⁹ Té gbě sê yó sò me ñ tyí, pé n ye Marile. Ñmo sò me po tǎ Tǎ ñgbě Yesu tnô, à ñ welole n nohni. ⁴⁰ Légbíne, Marti yah me n vyāh Yesu fèn pínó soko. A me po yo Yesu tyí ne, pé Yòtë, pé gbě sê-á tò pól sah péwo ó kǒ, té po tǎ ñ tnô, kè kó me tirlé ñ yah ni? A kó n yo ñ tyí, à péle n yohni n mo ni? ⁴¹ Nte, à me yo ñ tyí ne: «Marti, áwo me á gblǒyne n kwlo, me á fokole n sǒ tyi náhnáh tyíle. ⁴² Nte, tir núkú ó tyí ye yǒrele. Mari ye ké pèpey yah toko, nê-á kè náh n tǎ n syi n yah n pi ñ tyí.»

11

Yesu-á kwónó nê kǒ níri pi dùkù yǒ

¹ Só yóle, Yesu sò me Liyelle n ni fí yó soko. Wǎh ni te, ñ tò sáhpú soko yó à syah ne, pé Yòtë, à pépi kwó Liyel ni dùkùle, sǒ-á Welnwìkì-ò Nsyǒ sò kéle ñ tò sáhpú kwó.

² Képah soko, à yo pé tyí: «Yáh Liyelle n ni, yé ne n yo ne nkě:

<Sú Liyel,

no pól kǒ pé ñ pǐ Liyelle.

A tǒrí kǒ kè po.

³ A sǒmesó gbìyìkì yǒkele ále n kǒ, nê-á kɪ n yǐne n pi ále.

⁴ Nónó-á n pi n de ápi tyí, á ye me séle n yǒ n mo pé tyí. Képah ye, ápi to tyípél yǒ mo á kǒ.

Anê, káh n ye à sétǒ tǎnmɔno fǎ n syi.»

⁵⁻⁶ Képah náh, Yesu tǒ yǒ soko yo pé tyí ne: «Yépi soko yó tyí kódí-à me, té à po wil ñ tyí lénule ne nkě, pé kódí yó-á me wil kóló soko, à po pé tyí, té yǒ yǒ kwáh náh me pé tyí kɪ à kǒ. Nkě, à deki pé kǒ búrn pló tǎnóle. ⁷ Nte, ní-ò mè-à ñtyíno tǎ wòkò soko táh, té yo mo ñ tyí ne, à káh péle n kwlo, wòkò yah-á vike te núkúnúkú, péwo ànê pé wǎnpì-á sǎ, pé náh fǎ yuku búrnne à kǒ n pi. ⁸ Mé kéle n yo yé tyí ne: dí mè-à sǒ yuku séle à kǒ-ńkǎne pé kódírí yǐnne, à kɪ yuku ñ yétò yǐ pólle à kǒ ñ nínó gblóvyáhrí tǎ wo yǐnne.

⁹ Nte, ñmo tǎ wo kéle n yo yé tyí ne: yé ne n ni Liyel tyí, à kɪ yéle n kǒ. Yé yáhnkǒnole n pi, yé kɪ n we. Yé wòkò yah mɪ, kè kɪ yɪkɪ mo yé kǒ. ¹⁰ Sǎ ó ye, nê-à ni Liyel tyí, tǎ n we n syi. Nê-à yah kǒ, tǎ n we. Anê nê-à wòkò yah mɪ, kè n yɪkɪ n mo tǎ kǒ. ¹¹ Sú nê tǎ me yépi soko, ñ pi-à yǎnkô ni ñ tyí, à kɪ wahyne à kǒ? ¹² Képah náh pi, wàh séngbí ni ñ tyí, à kɪ mǐnkǒne à kǒ? ¹³ Nte, yépi nónó-á népèlle, yáh yé wǎnpì kǒnó yah we yípéplole, sú Liyel nê-á yǐnyǒ, ñmo náh n pi ple n kal, à ñ Mírkile ké yáhnkǒpu kǒ n pi dí?»

Túkù ne, Yesu tǎnwenɔ-á wil sétǎn yòtë Belsebuli tyí

¹⁴ Só yóle, Yesu sò me sétǒ yóle n yǐni n wilki dí yó soko, nê-á à kǒ à wekɪ kwlo. Sétǒ-á fyò wil dí mè soko, dí tyah n wekɪ, kè pi gběndùnne tówù tyí. ¹⁵ Té túkù mó sò

με n yo ne íkě, sétàn yòtě Belsebuli gbò yō-á à n yīni sétànne. ¹⁶ Túkù mó n mónyah yīnne, με n yo n tyí ne, à gbìl yó pì pé yah, nê-á n wil yīnyō.

¹⁷ Nte, Yesu-á pé fókósōnō pĩ sě, à yo pé tyí: «Kwil nê névye-à gbekɪ tyah wěne n fwo, kéne kwil kɪ pɔ yɪkɪ, ké vɪ kɪ syɪkɪlɪ dohnɪ wě yō. ¹⁸ Nte, yáh ne íkě, sétàn yòtě gbò yō-á n̄mɔ sétànne n yīni-à; sétō-à tyah n gblǒyne n fwo, n yòtǒrí se kɪ n wũ n pì? ¹⁹ Nte, n̄mɔ-à me séle n yīni Belsebuli gbò yō, té yépi pye wɔ-á dò, nê gbò yō me pépi n yīni séle wé? Pépi n̄tě ye kɪ lékàhle yé kō. ²⁰ Nte, Liyel gbò yō-à mé n yīni sétànne, képah n wěkɪ ne íkě, Liyel tǒrí-á yīni tě yé tyí.

²¹ Táhki-á me dí nê sɔkɔ, ànê méfwóyíle n tyí, wáh n kétele n syɪkɪ, tir yó n̄tě náh fě n gbàn yī nɔ n pì. ²² Nte, nê tákhi-á kal n tyíle, n̄mɔ-à pɔ, té tě we n tyí, à kɪ n méfwó yī tě syi, wáh sò me n gbò sah nónó yō, té kɪ n wòkò yī kwel dibi. ²³ Képah ye, névi nê náh me n̄ pèpɛy nɛyne, n̄ pèlney ye tēne. Névi nê náh n̄ne n yohnɪ n mɔ tükènmɔnɔ sɔkɔ, tě me kárkínóle n pì.»

Sétō-à wil névi sɔkɔ, à n fě n syi n pɔ

²⁴ «Sétō-à wil névi sɔkɔ, à n kyɪ gběnnɪ kɔ n kō, n̄ m̄-nsah yah n kō. Wáh wé-íkěne, à n yo n gblǒy tyí ne, páh sò wil n̄yāh sɔkɔ, páh kɪ pé syɪ yuku n̄n̄pó. ²⁵ Wáh n̄ syi, à n kyɪ n̄ tē-nsah dyah we yàlntōnsàhnóle, plétnɔɔ. ²⁶ Képah tēne, sétō m̄ n kyɪ sé no sétānnó kwārninɔ syah, nónó-á peke kal n̄mɔle. Sè n kyɪ n de n tě tě sɔkɔ. Káh pì sě, tě m̄ dukù ké syi n peke n kal n̄ gben tēne.»

Yèvinɪ kègbìle

²⁷ Képah tēne, Yesu-á me képah yónó sɔkɔ, pì yó tě tówû n̄yó sɔkɔ, té yo mɔ n tyí yīnpō n̄gběne ne, sê nê fɔkɔ sɔkɔ-á à wil, té n̄ yīnó yī, yèvinɪ-á me n tyí. ²⁸ Nte, Yesu me yo pì tyí: «Yèvinɪ ye pyě me névye tyí, nónó-á Liyel weyne n nohnɪ, té ké tyile n pì ké wěkɪ yō.»

No gbìl yó yah kō Yesu tyí

²⁹ Képah sɔkɔ, névye-á pɔ n tuke n mɔ Yesu tnô, à tyah n yo ne: «Kwey gbì névyele, n̄pèl ye péle, pè me gbìl yóle n yah n kō. Nte, kèyāh n̄tě náh n pì pè wěkɪ n pì, à wil Liyel tēntò syinyo-ò Yonasɪ tyí sɔkɔ. ³⁰ Sǒ-á Yonasɪ lésò pì kwní yónmɔnɔle Ninivi tǎn tyí, sě ó ye, Névi Pì tɔ kɪ pì kwní yónmɔnɔle kwey gbì névye tyí.

³¹ Pì nê-á lésò yòtēne Saba sétáh yō, à lésò wil fíí sétáh yīn tyí, à pɔ yòtě dí Salomo lékám welɔ noh. Nte gbì yō, ney me ásô, nê-á kal Salomole. Káh pì sě, Liyel fó tukey tuke sóle, kéne yòtě pì kɪ yuku kwey gbì névye tyí, kɪ lékàhle pè kō.* ³² Anê tō, Ninivi kwil tǎn lésò fě syi Liyel wěkɪ tě, Yonasɪ-á Liyel tēntò yo pé tyí. Nte, ney me ásô, nê-á kal Yonasule. Káh pì sě, Liyel fó tukey tuke sóle, Ninivi kwil tǎn kɪ yuku kwey gbì névye tyí, kɪ lékàhle pè kō.»†

Liyel yō sēnó kyòole

³³ «Névi se kɪ fòtnò soh wǒbɪ, képah náh pì, kɪ dú kwĩnki mɔ ké yah? A náh kè sah n pì fòtnò sahki sɔkɔ, kyòò we yīnne wòkò sɔkɔ dépú tyí di? ³⁴ Sě ó ye, á yí ye á wil kyòole. Á yí-à me ple, à wil tɔ pól n ne me kyòò sɔkɔ. Té, á yí-à me plé-íkěne, á wil pól n ne me fěntũ sɔkɔ. ³⁵ Á gblǒy kyomɪ yíí, kyòò nê-á á sɔkɔ, kè káh ne me fěntũne.

* **11:31** 11.31 - Yah n te Yòtām sēbéy gben 10 sɔkɔ. † **11:32** 11.29-32 - Yonasɪ tyíle, yah n te Yonasɪ sēbéy 3 sɔkɔ.

³⁶ Tě á wil pól-à me kyòole, fěntũ tyah kěne ké soko, á ki me kyòole, sǒ-á fòtnòle kyòò á tyí.»

Yesu náh kè yo nekí Farisiyěno ànê Liyel ñgbò wěkì kwópú soko

³⁷ Yesu-á wẹki te, Farisiyě dí yó à ye yòke yò yinne ñ gbò. Képah tēne, pè de à tē yòke yah. ³⁸ Farisiyě mè-á Yesu we, à tyah n yò té à náh ñ gbàn wu Nsyifunò wu dùkùle, kè ñ gbàn du.

³⁹ Képah tē soko, Yesu me yo ñ tyí: «Sě ó ye, yépi Farisiyěnole, yě wóhló ànê yěyóvyo náhló wu n tǒ n sah, té yé foko táhló n ne n me yúkúnóle pèkè, ànê yibe dékè tyile.

⁴⁰ Lékám kě névyé nópi, nê-á mọ vyó náhlóle, à náh sé soko táhló tọ mọ di? ⁴¹ Yé sé soko táhló yí yí yām tǎn kǒ! Képah-à pi, sé pól ki pi palle yé tyí.

⁴² Yépi Farisiyěnole, pèkè me yé yó! Yě yímî ànê swāh soko pēnfēnè pól gbām-ònole Liyelle n kǒ. Nte, yě n yahle tǒnsàhnpunole névyé tyí, ànê Liyel tyí náh nọ yé tyí. Képah nê tǒ-á sǒ yé yīne yè ne n pi gbònwòkò kēne. ⁴³ Yépi Farisiyěnole, pèkè me yé yó! Yě tē-ntǎn gbrole n yah n kǒ Liyel ní-ntǎn vî soko, ñ té ne me ké tyí ne, névyé ne n tǒ n sah n wẹki n pọ yé tyí tówú tē-ntǎn soko. ⁴⁴ Pèkè me yé yó, yépi nónó-á me á ki ne, léyâl nírinó sǒ, névyé n ne n kọ sé yó, pí-ńkēne.»‡

⁴⁵ Yesu-á yo sē, Liyel ñgbò wěkì kwó-ò yó à syah ne, kwó-ò dí, wāh me n wẹki sǒ, pépi tǒ-á à n gbyo dé! ⁴⁶ A me yo ñ tyí: «Yépi Liyel ñgbò wěkì kwópú tole, pèkè me yé yó! Yépi nónó-á ńkēne no twah n mọ tókópèlle, té yé náh n fě n syi n so n mọ pé tyí kèngbọ núkú fyéle. ⁴⁷ Pèkè me yé yó, yépi nónó-á Liyel tēntò syínyopu léyǎlle n tǒ n sah n mọ, té yépi náh tǎn ye mó tǒ ko mọ péle. ⁴⁸ Képah n wẹki ne, yáh yé súbí tyípínó fě syi. Pépi-á Liyel tēntò syínyopu ko mọ, té yépi sǒnpi pé léyǎlle n tǒ n sah n mọ. ⁴⁹ Képah ye sǒ Liyel yo lékám soko ne ńkē: «Mé ki tēntò syínyopu tekí mọ pè kǒ, ànê tēntòbele. Pè ki pé tókú ko mọ, té ki tókú fōh.» ⁵⁰ Kǎh pi sē, Liyel ki kwey gbí névyé fōh n pi Liyel tēntò syínyopu nópi yinne, nónó-á ko mọ kèkoyó mọ gbí dukule, ⁵¹ à toko Abelí kònmọno tyí, à pọ syi Nsakarí kúnó tyí, nê-á ko mọ sárká wìkì-ńsah, ànê Liyel ní-ńsah wòkò ñgbě wró. Gbi yó, mé kéle n yo yé tyí ne: kwey gbí névyé ki n fōh n pi képah yinne. ⁵² Pèkè me yépi Liyel ñgbò wěkì kwópú yó, yépi nónó-á Liyel wěkì wēnpīno yah kǒ névyé tyí. Yépi náh me n kọ kéle, té nónó-á se ne, pé ne n kọ kéle, yé pépi yīni mọ.»

⁵³ Képah soko, Yesu wílnteno náh nénpó, Liyel ñgbò wěkì kwópú, ànê Farisiyěno pé foko vyāh ñne kègbile, té tyah ñne n piki n yah tyi duke duke pól yó. ⁵⁴ Pè sǒ me ñne n mọ n yah ne, à pilki ñ vyāh welo soko pé kǒ pé à we tē.

12

Gblǒy kyòmínóle vyěnnínì wékínóle

¹ Képah soko, nékwínkí-á tuke mọ tnónóle gbí nēne fóó, me wě gbyēhne n suki, Yesu tyah n yo ñ tǒ sáhpú ñgbò tyí: «Yé yé gblǒy tē Farisiyěno vyěnnínì wékínóle, képah nê-á n tǒ n mọ kókónó tyí kǒle mífáhkì soko. ²⁻³ Tyi nónó pól-á yé n yo fěntũ soko, sè ki pọ noh gbìntǒle kyòò yah. Anê nónó pól-á yé n plọ n yo wě níkíló yey, wòkò soko tǎh, sé pól kwní ki pọ kǒ gběntǎn yó. Képah ye, tyípíl yó ntē náh me, nê-á ki n wũ n pi wìkìnmọ-ńkēne. Sètìn sǒ tir yó ntē náh me, nê-á ki n wũ n pi pí-ńkēne.»

Nê tíkí-á yīne pínóle

‡ 11:44 11.44 - Nsyifunò tyí, léyěkì yó kónsokonole, Liyel dèl ye.

4 «Mé kéle n yo yé tyí ne, yépi nónó-á ní kódíbilé: yé káh névye yah tíkile n pi, nónó-á wil kò óle n ko n mo n pne, té pé náh tō tir yóle n pi n kah n mo n pne képah yō. 5 Nê yah tíkí-á yīne pínóle, mé kú ñne yé wēki: Liyel nê-á kú fē névi wil kò kònmonteno náh, kú ñ min dah mo tyé-ńkē nyàh soko, yé ñmo tíkile n pi. Mé kéle n yo yé tyí ne ńkē: yé tē wo tíkile n pi. 6 Ntēnpínó kwlo náh n yām pópíkí pló nínóle di? Nte, Liyel dyo náh n fwo sépi núkú yó ntē tyíle. 7 A wil képah soko, yé yōyén ntē pól dan me pínóle Liyel tyí. Káh pi sē, yé káh tíkí pi. Yépi tyí náh tah kal ntēnpí kwĩnkile di?»

A Yesu fē syi, képah náh pi, à à yahle

8 Képah náh, Yesu tō yo pé tyí: «Mé kéle n yo yé tyí ne: nê-à kè yo dal mo névye yí yah ne ńkē, páh me ñmo tyí yō, Névi Pi to kú kè yo Liyel yīnyō tēntōnè yí yah ne ńkē, wáh me pé tyí yō. 9 Nte, nê-à ní yahle névye yí yah, Névi Pi to kú à yahle Liyel yīnyō tēntōnè yí yah. 10 Névi nê-à Névi Pi yīnpo yo, kè kú yō mo tē kō. Té nê tē wo-à Liyel Mírki gbyo, kè náh n yō n mo n pi ñ tyí.

11-12 Páh yé tē kyí tükè-nsah Liyel ní-ńtàn vù soko, képah náh pi, yah tām tyí, képah náh pi, yōtām tyí, Liyel Mírki kú yé kwō nēnpó swō, yáh ne nê yo n pi. Képah ye, yé káh ye yé yáh-nsah tyē, yáh ne n yo n wil n pi sō.»

Lékám kē tành dí sēmĩrkĩle

13 Tówú nyó soko, ññi Yesu syah ne, pé kwó-ò dí, à yo pé nēnkyí dí tyí ne, à ye pé pé sú gbēki dibi. 14 Képah tēne, Yesu me yo ñ tyí: «Ñ dí, nê sah ñne ne, mé yéle n tuke, tĩ ne, mé yé gbàn yíle n dibi?» 15 Képah soko, té yo pé tyí: «Yé yé kyomú tahrú dékè kápékèle! Tahrú-à sō me sō névi tyí, képah náh fē minne à kō n pi.»

16 Képah soko, à tō sēmĩrkĩ yó yáh pé tyí ne: «Tành dí yó lésō me, ñ swáh pekú yíi ñ tyí. 17 Képah tēne, à tyah n sō ñ foko soko ne, nte, sēmukó mó-nsah náh se me fwóo pé tyí, sō se pé kú pi ní? 18 Dō, à ne, páh kú nê pi n pi, képah á yò: Páh kú pé díké soku, té kú sè tō mo gblò gblò, kú pé gbàn yí pól mo sé soko, 19 té kú yo pé gblōy tyí ne, páh yò, yōke dò-á me pé tyí pé gbò sò ye náhnáh yinne. Núkúnúkú, páh kú n mi, té kú n yō, té kú n wo, té kú ñvìle n pi pé dyole. 20 Nte, Liyel me yo ñ tyí: «Lékám kē névi! Kwey lékáh ntē soko á min kú n syi n pi á tyí. Té yí nónó-á á tuke mo sah, sè kú pi nê tyíle?» 21 Képah soko, Yesu ne: «Névi nê-à tahrúle n yah n koh n sah ñ gblōy tyíle, té Liyel fó tyí yáhnó yahle, sēntē ye n no tēne!»

Sōno sàhnóle Liyel ó yō

22-23 Képah náh, Yesu yo ñ tō sáhpú tyí: «Névi min tyí náh tah kal yōkele, wil tyí me tah kal flole di? Képah ye, mé kéle n yo yé tyí ne: yé káh yé fókole n sō, yáh ne we n yō n pi sō, ànê yáh ne yé wil flo we n mo n pi sō. 24 Yé yah ñgbōlole kè: Sè náh sēmukole n duku, sè náh sēmukole n tōko. Díké ànê sēmukó kóhnsàh-ńtàn to náh me sé tyí, té Liyel séle n pu. Nte, yépi tyí náh tah kal kēpyele di? 25 Yépi soko, nê tē kú fē kwéyy ntē fyé dohnú ñ min wénó yō ñ fókósōno gbò yō? 26 Tēnweno-à mé-ńkēne yé tyí, à fē sēntē tir tyíi ntē fyé pi n pi, sō pi, té yé yé fókole n sō yí téló tyí soko?

27 Yé filfi pi dukùle n yah kè: Sè náh tōle n pi, sè náh flole n tí. Nte, mé kéle n yo yé tyí ne: yōtē Salomo ntēne ñ tahrú pól soko, à náh flo pèplo we mo yah filfi nópi soko yó ntē kètòle. 28 Filki nê wo-á gbēnni soko kweyne, té kú po n suke n pi nsōne, Liyel-á képah fi pi palle sē, à náh n yah n dah n mo n pi yépi flo tyí soko à kal sépile di, Liyel yō sēnyĩ-ńkēpú nópi? 29 Káh pi sē, yé káh yé gblōyne n kwlo yé yōke, ànê yé wo wo

yí yáhnkõno tyí sokõ. ³⁰ Kèkõyó mè sokõ, Liyel pí-ńkẽ névye ye ńkẽne ne n yah n kõ sépi pólle tyé-ńkẽne. Nte, yépi tẽ wõle, yé sú Liyel pĩ ne, sé yétô-á me yé tẽ. ³¹ Káh pi sě, yé Liyel tǒrí ngbò yah n kõ! Képah sokõ, à ki yí téló dohni yé kõ. ³² Kè ye no yé sú tyí, à n tǒríle yé kõ. Képah ye, yé káh tíkí pi, tũnpir yípêy!

³³ Yé yé gbàn yí yãm, yé mó sé yĩ yãm tãn kõ. Yé tahrile n yah n sah Liyel fó, képah nê-á kè náh n yiki, kè náh se n tyé. Yípú náh fẽ n kyi nénpó, sóhrí to náh fẽ sè yõ. ³⁴ Sě ó ye, á tahrí-à me nýãh, á sǒno to n ne n me nénpó.»

Gblõy vînsàhnó tyí sèmîrkîle

³⁵ «Yé ne me yé vi sah tò pi pi tẽne, yé mó yé knõ fĩ mɔ, yé fòtnònó mó ne me kòntẽnóle. ³⁶ Yé ne me á ki ne tǒnpibi sǒ, nónó-á ńkẽne me pé yòtẽ syíkintẽnó sokõ ne, wáh ki wil fúr pí-ńsah, à pɔ n de, té ki fyò wòkò yah mi, pé núkú kè yiki mɔ à kõ. ³⁷ Yèvinu me pé yõ, tǒnpibi nónó yòtẽ-à n syi pɔ pè we, pè me yáhnó sokõ. Kègbi yõ, mé kéle n yo yé tyí ne: yòtẽ mè ki n tò pi pi flo mɔ, té ki yòkele pè kõ pè ki yõ. ³⁸ Té wáh se me n syi pɔ lénile, képah náh pi, tyah dal gbíne, té pè me n syíkínó sokõ, yèvinu me pé yõ! ³⁹ Yépi rítẽ pĩ ne, gbóntẽ dí-à pĩ gbí nê-á yènwó ki n pɔ n pi n tyí, à náh n ye à kõ à n we n de n pi n gbò. ⁴⁰ Névi Pi ki n pɔ n pi gbí nê-á yé náh me n pónó tyíle n sǒ. Képah ye, yépi to yé gblõy vi sah.»

Tǒnpi sǒré ney ànê yípíkí neyne

⁴¹ Képah sokõ, Pyeri Yesu syah ne, pé Yòtẽ, pépi ó yĩn se à n yãh sèmîrkî mène, tĩ no pól yĩn se ni? ⁴² A me yo n tyí: «Gbò tahrí kyòmì-ò négbí lékám névile, nê me? Nmɔ pi névile, nê-á n yòtẽ dí ki à pi n kéte kyòmì-òle. Té à ki tǒnpibi téló yòkele péle n kõ ké kõ gbíne. ⁴³ Yèvinu me n tǒnpi mè tyí, yòtẽ dí-à n syi pɔ à we à me kéne tòle n pi. ⁴⁴ Kègbi yõ, mé kéle n yo yé tyí ne: wáh ki à pi n gbàn yí pól kyòmì-òle.

⁴⁵ Nte, tǒnpi mè-à tyah n sǒ n fòkõ sokõ ne ńkẽ, pé yòtẽ dí-á ki mo pó-ńsah, té tyah pé no tǒnpibule n ko, pé syó, pé díbí, té me n yõ, me wɔ wɔ yíle n wɔ, à sètènìne n pi, ⁴⁶ yòtẽ dí ki pɔ n yõ dɔkɔ só yóle, à náh me nê sǒ sah, ànê gbí yó sokõ, à náh nêne n pne. A ki pɔ à fòh kèpékèyô, té ki à dyah Liyel tyí yáhlepu dyah dùkùle. ⁴⁷ Nmɔ nê-á n yòtẽ dyɔ yíine n pne, té à náh n gblõy vi à kèpahle n pi, à ki ko náhnáh we. ⁴⁸ Nte, névi nê-á sǒ me kè pi nípí-ńkẽ sokõ, té yĩne ko syínóle, n̄mɔ ki ko kwéyy we. Pàh névi nê kõ náhnáh, náhnáh ki yah kõ tẽ tyí. Anê náhnáh-à névi nê gbò dahbi, náhnáh tyí ki piki yah kal tẽ tyí.»

Gbékínó nê-á ki pi Yesu yĩnne

⁴⁹ Képah náh, Yesu tǒ ne: «Nyàh ye mé pɔ sétáh yõ. Té mé sǒ me ké tyí ne, kè ne me kò te! ⁵⁰ Nmɔ yĩne mè n de n wil yèvyãhri yó sokõ, té kè náh se me n pi!

⁵¹ Yé se me n sǒ ne, yèvinu-á mé pɔ mó-ńsah sétáh yõ? Ó dè! Mé kéle n yo yé tyí ne: gbékínó wɔ-á pyè. ⁵² Képah ye, à tɔkɔ núkúnúkú tyí, népî kwâl-à me kéte núkú sokõ, pè ki gbekú: Tǒmí ki tyah nímíne n fwo, nímí ki tyah tǒmíne n fwo. ⁵³ Sú yó ki tyah n pídíne n fwo, pídí yó ki tyah n súle n fwo. Yú yó ki tyah n písèle n fwo, písè yó ki tyah n yúne n fwo. Yú yó ki tyah n pídí kyile n fwo, pídí kyi yó ki tyah n pe yúne n fwo.»

Tyi yáhnpiñole, té ki á pi dùkù pĩ

⁵⁴ Yesu tǝ sǝ mɛ n yo tǝwǝ tyí: «Yǝnyǝ yah yó mɛ, yǝh nýírǝ wɛ kɛ nɛnpóɛ, yé n yo nɛnpó swǝ nɛ, pǝ-á kɪ pɪ. Tɛ, kɛ n mó n pǝ n pɪ sɛ. ⁵⁵ Anɛ yah yó mɛ, yǝh fyǝ yǝhǝ kɪ wɛ kɛ kǝ wil nɛnpóɛ, yé n nɛ, tyah vyǝhnó kɛpɛkɛ-á kɪ tyah. Tɛ, kɛ n mó n pǝ n pɪ sɛ. ⁵⁶ Yǝnvǝ névyɛ nópi! Yé fɛ sɛtǝh ǝnɛ yǝnyǝ dùkù wǝɛ n pnɛ. Tɛ sǝ pɪ, tyi nóno-á n pɪ kwɛy gbɛnɛ, yé nǝh fɛ sɛpi pǝ?»

A tukey dyǝh tɛ yé wró tǝ sah á ní-òɛ

⁵⁷ «Kwǝh nɛ pɪ, tɛ yé nǝh pɪ dùkù pɛpɛynɛ n sǝ n tɛ n pnɛ yé gblǝy? ⁵⁸ Sǝ-á, tir-à mɛ yé wró ǝnɛ á ní-òɛ, tɛ à n tɛ n yuku tùkɛ-nɛsah tukey tùkɛ-ò tyí, gbah n tɛ tir mɛ yah wah wɛkǝ yah. Kɛpah-à pí-nkɛnɛ, tɛ à kyɪ áɛ tukey tùkɛ-ò gbǝ dahbɪ, tukey tùkɛ-ò mɛ kyɪ áɛ srǝsyíbǝ tyí, tɛ pɛpi mɛ n dah mǝ wǝkǝnpɛkɛ sǝkǝ. ⁵⁹ Mé kɪ kɛ yo dal mǝ á tyí nɛ, á nǝh n wil n pi nɛnpó, né á nǝh kǝɪ mɛ pól dyah tɛ pnɛpnɛ.»

13

Liyel wɛkǝ tɛ, kɛpah nǝh pɪ, á tyí kɪ yɪkɪ

¹ Légbǝ mɛ-ó sǝkǝ, nósyó pǝ yo Yesu tyí nɛ, yǝtɛ Pilatɪ-á lésǝ Kalile tǝn yǝsyó ko mǝ, tɛ pɛ sah sǝrkǝ wǝlkǝnó sǝkǝ, pɛ tǝ kwɛ fɛkɪ sǝrkǝ tǝ sǝkǝ. ² Kɛpah sǝkǝ, à mɛ pɛ syah nɛ: «Yé se mɛ n sǝ nɛ nkɛ, Kalile tǝn nópi-á tyípɛɪ pɪ kal pɛ kwil tǝn pólɛ, tɛ yǝ mɛ pɛ nǝ? ³ Jǝ dé! Mé kɛɛ n yo yé tyí nɛ: yǝh Liyel wɛkǝ tɛ-nkɛnɛ, yé pól tyí kɪ n yɪkɪ n pi sɛ.

⁴ Anɛ, Silowe wǝkǝ kɛyy-á syɪkɪ tǝ nɛpǝ gbǝnkwardǝmɪ nóno yǝ, à pɛ ko, yé se mɛ n sǝ nɛ nkɛ, pɛpi pɛkɛ pínó-á kal Yerusalemɪ kwil tǝn pól tyíɛ? ⁵ Jǝ dé! Mé kɛɛ n yo yé tyí nɛ: yǝh Liyel wɛkǝ tɛ-nkɛnɛ, yé pól tyí kɪ n yɪkɪ n pi sɛ.»

Syí-nkɛ sɛnsókɛ sɛswǝ sɛmǝrkɛɪ

⁶ Kɛpah nǝh, Yesu tǝ sɛmǝrkǝ yó yǝh nɛ: «Dǝ yó tyí sɛnsókɛ sɛswǝ sǝ mɛ n dǝvɛ sɛsǝn swǝh sǝkǝ. Wǝh pǝ kɛ pyɛ yǝh nkǝ-nɛsah, à nǝh kwǝh yó wɛ kɛ sǝkǝ. ⁷ A mɛ yo n swǝh tǝ-ò dǝ tyí nɛ, à yah, kɛ ye tǝ-ò-á yǝ, pɛ mɛ pyɛɛ n yah n kǝ n pǝ sɛnsókɛ mɛ sǝkǝ, tɛ pɛ nǝh mɛ kwǝh yó nɛtɛnɛ n wɛ kɛ sǝkǝ. Nkɛ, à kɛ kǝ fɛ! Yǝ se tǝ mɛ kɛ tyí kɛ tɛ sɛtǝhle n wal nɪ? ⁸ Wǝh yo sɛ, dǝ mɛ à syah nɛ, pɛ yǝtɛ dǝ, à ye kɛ yǝ nɛtǝ, kɛ kwetyí pɪ. Pǝh kɪ swǝ gbǝ kɛ kore vi, tɛ kɪ tǝ mǝ kɛ sǝ. ⁹ Kǝh pɪ sɛ, gbǝkɛnpɪ gbǝ yóɛ, kǝh kɪ syi. Kɛpah-à pí-nkɛnɛ, à kɛ fɛ.»

Yesu sɛ nédǝ yó dɛ mǝ mɪ mɪ yǝh sǝɛ

¹⁰ Mɪ mɪ yǝh sǝ yóɛ, Yesu sǝ mɛ névyɛɛ n kwǝ Liyel ní-nɛsah wǝkǝ sǝkǝ. ¹¹ Tɛ, pi yó sǝ mɛ nɛnpó sɛtǝɛ n sǝkǝ, mɛ à pɪ nédǝɛ fǝó, ye gbǝnkwardǝnǝ. A sǝ mɛ kǝntɛnóɛ, tɛ à nǝh fɛ n tǝrɪ n tɛ n pi. ¹² Yesu-á pi mɛ wɛ sɛ, à à ye tɛ yo n tyí: «Pi, á ye dɛnmǝnǝ wɛ á dónó yam sǝkǝ.» ¹³ Tɛ mɛ n gbǝn sah n yǝ. Nɛnpó swǝ, à núkù n tǝrɪ tǝmm tɛ tyah Liyelle n gbilki.

¹⁴ Kɛpah sǝkǝ, pi mɛ-á dɛnmǝnǝ wɛ sɛ mɪ mɪ yǝh sǝɛ, kɛ Liyel ní-nɛsah wǝkǝ yǝtɛ fǝkǝ vyǝh. A mɛ yo tǝwǝ tyí nɛ, sɛpǝn kɛnúkǝ-á tǝ pɪ pɪ sɛpǝnɛ. Pǝh sǝ yǝnɛ pɛ pǝ à kǝ à pɛ dɛ mǝ kɛnɛ sɛpǝn ó sǝkǝ. Nkɛ, pɛ nǝh yǝnɛ pɛ pǝ mɪ mɪ yǝh sǝ tǝɛ. ¹⁵ Wǝh yo sɛ, Tɛ nǝgbɛ yo n tyí: «Yǝnvǝ névyɛ nópi! Mɪ mɪ yǝh sǝɛ, yé nɛnúkù núkù pól nǝh nkɛnɛ yé nyɛh, kɛpah nǝh pɪ, yé nkɛwɛndyínǝ dɛ sé yǝkɛ krótónɛ tǝnǝ, n kyɪ sɛ kǝ sɛ ni wǝ dǝ? ¹⁶ Tɛ pi mɛnɛ, nɛ-á Abrahamɪ nǝh nɛynɛ, sɛtǝ pukubi sah pópó, ye gbǝnkwardǝnǝ, nǝmǝ nǝh sǝ yǝnɛ dɛnmǝnǝɛ kɛnɛ púkúbínó sǝkǝ mɪ mɪ yǝh sǝɛ kɛ!»

¹⁷ Képah tēne, Yesu wey mē senne n fwópú pól tē, té tówû pól sò me nìvì sòko Yesu tyísno nòpi pól pínó yinne.

Liyel tǒrí me kwâh nê to?

¹⁸ Képah nâh, Yesu tǒ ne: «Liyel tǒrile, kè me kwâh nê to? Mé kɪ kè toko sâh kwâh nêne? ¹⁹ Kè me tyĩ, á kɪ ne séswô yó pi sǒ, nê-á pè n ye mútárdìle: Dí yó toko, à duku n swâh. Kè fi pi séswôle, té kèpye pɔ sé syè pi ké yìngbàn tyí.»

²⁰ Té, tǒ ne: «Mé kɪ Liyel tǒrí toko sâh kwâh nêne? ²¹ Kè me á kɪ ne kókónó sǒ, sé yó toko mɔ fâh dú yí tǒnó mi sòko ké pól kǒ kè òko.»

Dé-nsah fĩle

²² Képah nâh, Yesu me yǒ sòko n yuku Yerusalemi, té névyele n kwɔ n yuku, wâh n kah kwlo ñgbno ànê kwlo pì nónó sòko. ²³ Képah sòko, ñnî yó me à piki yah ne, pé Yòtē, névyé kwéy ó se kɪ de Liyel tǒrí sòko ni? A me pè syah ne: ²⁴ «Mé kéle n yo yé tyí ne: névyé náhnâh kɪ syǒ-nsah yah kǒ ne, pé we n de Liyel tǒrí tyah sòko nê dé-nsah-á me fĩ, té pè nâh fē n tē. Képah ye, yé gbah n tē n we n de ké sòko!

²⁵ Gbóntē dí-à pópó pɔ yuku wòkò yah tē mɔ, té yé me kégbó, yé kɪ tyah wòkò yahle n mi, té kɪ me yo tũ ne, yé Yòtē, à yɪkɪ mɔ yé kǒ. Nte, à kɪ yo yé tyí ne, pé nâh yéle n pne. ²⁶ Képah sòko, yé kɪ tyah n yo n tyí ne ñkē, yâh yòke yò, té ni wɔ wē tyí ñne, ànê yépi tówû tükè-ntân sòko-á à kwónó pi. ²⁷ Képah sòko, à kɪ yo yé tyí ne, pé nâh yéle n pne. Nkē, yé gbe mɔ péle, yépi nónó pól-á tyípèlle n pi. ²⁸ Képah tē sòko, yâh pópó Abrahami, ànê Yisaki, ànê tǒ Liyel tǒntò syínyopu pól we, pè me Liyel tǒrí sòko, té yépi me yini mɔ dénóle, légbíne, gbní ànê yní táhnó ye kɪ pi yé tyíle. ²⁹ Té névyé kɪ wil kèkòyó ywǒ ywǒ pól sòko, kɪ pɔ yòke ñgbē yǒ Liyel tǒrí sòko. ³⁰ Kâh pi sē, nétéló tükù kɪ pi négbrole, té négbro tükù kɪ pi nétélóle.»

Yesu ne, páh kɪ ku Yerusalemi

³¹ Légbíne, Farisiyēno yísyó nɔ de, té yo Yesu tyí ne, yòtē Yerɔdɪ-á me n yah n kǒ n kònmɔ-nsahle. Képah-á, à yal n to ásò. ³² Képah sòko, à me yo pé tyí: «Yé kyɪ yo kéne áswǒ pléy mē tyí ne, máh kɪ sétân yini, té kɪ dénmɔno pi kweyne, ànê nsòne, té nsò náhle, kâh kɪ tyé. ³³ Nte, Liyel tǒntò syínyo-ò nâh yīne kúnóle tyah yó, né Yerusalemi sòko nâh. Képah ye, mé yīne mē n yǒ n sòko í wēkì kólóle, kwey, ànê nsò, ànê tǒ nsò náhle.

³⁴ Yerusalemi tǎn, Yerusalemi tǎn, yépi nónó-á Liyel tǒntò syínyopule n ko n mɔ, té Liyel-á nónó tɛkɪ mɔ yé kǒ, yé pépile n minki n ko dyêhle. Gbáhyí sǒ pól me mé kè yah kǒ ne, mé yé tuke mɔ, sǒ-á sǐn n tuke n mɔ n pyele n kâm sǒ sòko, té yé nâh fē syi. ³⁵ Kâh pi sē, Liyel kɪ n nâh vi yé kwil kǒ. Té mé kéle n yo yé tyí: yé nâh tǒ nmo we n yah n pi fóó, kɪ pɔ syɪ gbí nê-á yé kɪ n yo ne ñkē: «Nê-á n pi Tē ñgbē Liyel yin yò, sâm me n sòko.»»

14

Wilsēni yónwó yó dénmɔnɔle mi mi yòh sóle

¹ Mɪ mi yòh só yóle, Yesu kyɪ yòke yó-nsah Farisiyēno yòtē dí yó gbò. Té nónó-á sò me nénpó, pè me Yesule n kyomɪ. ² Té kè pɔ yīne, wilsēni yónwó yó sò me n tnò. ³ Képah sòko, Yesu me píkinyahno pi Liyel ñgbò wēkì kwópú ànê Farisiyēno tyí: «À yónwó de mɔ mi mi yòh sóle, ké wēkì se me kónóle, tǐ kè se me yáhlenɔle?» ⁴ Nte,

pè náh vi mɔ̀ n̄ tyí. Képah sɔ̀kɔ̀, Yesu me yónwó mè tẽ, à à de mɔ̀, té à kɔ̀ à sɔ̀kɔ̀, ⁵ té me yo pé tyí: «Yépi sɔ̀kɔ̀, nê tẽ pi, képah náh pi, n̄ nahy kɪ sɔ̀kɔ̀ de kwlèy sɔ̀kɔ̀ mɪ mɪ yòh sòlè, té à náh à wilki n pi súú?» ⁶ Nte, pè náh tẽ we tir yo ké tyí sɔ̀kɔ̀.

Nê-à n̄ gblɔ̀y dɔ̀kɔ̀ sah, tẽ kɪ tiki mɔ̀

⁷ Képah yóntenɔ̀ náh, Yesu-á néyénó kyomɪ we, pè me tẽ-ntàn n̄gbnɔ̀le n yah n kɔ̀, à v̄nmonɔ̀le pè kɔ̀ ne: ⁸ «Pàh n̄ ye fúr yòke yó-nsah, káh n kyɪ n tẽ tẽ-nsah n̄gbẽ sɔ̀kɔ̀. Wáh képah pi, té pè me nn̄i ye, nê-á kal áwɔ̀le, ⁹ yé yé-ò káh pɔ̀ n̄ syah ne nkẽ, á yuku, á mó tẽ-nsahle tẽ kɔ̀. Légb̄ne, á kɪ yuku sen sɔ̀kɔ̀, kɪ kyɪ tẽ tẽ-nsah tyí sɔ̀kɔ̀. ¹⁰ Nte, pàh n̄ ye, kyɪ n tẽ tẽ-nsah tyí sɔ̀kɔ̀. Á yé-ò-à pɔ̀ n̄ we sɛ, à kɪ yo á tyí ne, pé kódí, á nɔ̀ pɔ̀ tẽ-nsah n̄gbẽ sɔ̀kɔ̀. Képah sɔ̀kɔ̀, kè kɪ pi gb̄lkinóle á tyí yòke yópú pól yí yah. ¹¹ Nkẽ, névi nê-à n̄ gblɔ̀y dɔ̀kɔ̀ sah, tẽ kɪ tiki mɔ̀, té nê-à n̄ gblɔ̀y tiki mɔ̀, tẽ kɪ dɔ̀kɔ̀ mɔ̀.»

¹² Té n̄ syɪ yo n̄ yé-ò dí tyí: «Wáh névyele n ye yòkele gb̄ntɔ̀le, képah náh pi, lékâhne, káh á kódíbi ye, káh á yúnpyé ye, káh á tyí névyé ye, káh á tnô tẽpu tãhɪ ye. Pépi tɔ̀ kɪ fɛ pɔ̀ n̄ ye yòke n̄gbẽ yónóle, kè kɔ̀ kè kɪ pi á yénó mè lédyáhnine. ¹³ Nte, wáh névyele n ye yòkele, yãm tãn, ànê nédónè, ànê gbáhki núkú névyé, ànê yítubi ye. ¹⁴ Pépi náh tẽ we n̄ dyah n pi ké s̄one. Kàh pi sɛ, á kɪ yèvinɪ we Liyel tyí, tyípeplo pípu lékyî-à yilki n mɔ̀ só n̄ene.»

Névyé yénó sèmirk̄ile yòke n̄gbẽ yó-nsah

¹⁵ Képah sɔ̀kɔ̀, kéne yòke yópú sɔ̀kɔ̀ nénúkú yó-á kéne welɔ̀ noh sɛ, à me Yesu syah ne, névi nê-á kɪ yòke yó n pi Liyel t̄rí sɔ̀kɔ̀, yèvinɪ-á kéle tẽ tyí dé! ¹⁶ Yesu mó yo n̄ tyí: «Dí yó lésò yòke n̄gbẽ pi, té névyé nahnáh ye. ¹⁷ Yòke yó gb̄i-á pɔ̀ nɔ̀, à n̄ t̄npi dí tekɪ mɔ̀ ne, à kyɪ yo néyénó tyí, pè pɔ̀, páh tyé núkúnúkú. ¹⁸ Nte, pé pól tyah gblɔ̀y yele n yah n kɔ̀ dùkú núkúle. Négben à syah ne, páh swáh yó dwe núkúnúkú, nkẽ páh ȳne pé kyɪ kè yah. Páh n̄ne n ni, à n̄ gblɔ̀y ye pé tyí. ¹⁹ Nn̄i me ne, páh sètònyehno gbãm dwe núkúnúkú, té páh n yuku sé pinyah-nsah. Páh n̄ne n ni, à n̄ gblɔ̀y ye pé tyí. ²⁰ Nn̄i me ne, páh sè tɔ̀kɔ̀ núkúnúkú, képah-á pé kɔ̀ pé náh n we n pɔ̀ n pi.»

²¹ T̄npi-á n̄ syɪ pɔ̀, à pɔ̀ tyi nópi pól yãh n̄ yòtẽ dí syah. Képah sɔ̀kɔ̀, kététẽ dí fɔ̀kɔ̀ vyãh, à me yo n̄ t̄npi tyí ne, à kyɪ súú kwil tówû tükè-ntàn ànê wàl yey sɔ̀kɔ̀. Á kyɪ yãm tãn, ànê nédónè, ànê yítubi, ànê gbáhki núkú névyé tẽ pɔ̀ ásò. ²² Képah náh, t̄npi n̄ syɪ pɔ̀ yo n̄ tyí ne, pé yòtẽ, wãh nê yo, páh kè pi, té tẽ-ntàn tükú-á t̄o me. ²³ Káh pi sɛ, yòtẽ dí me yo n̄ tyí ne, à kyɪ wẽ-n̄gbnɔ̀ yey, ànê névyé fwórínk̄o-ntàn sɔ̀kɔ̀, à kyɪ névyé kãhl̄ tẽ pɔ̀, pé wòkò kɔ̀ kè yuku. ²⁴ Páh kéle n yo pé tyí ne: nónó-á sò yénóle, pé sɔ̀kɔ̀ yó ntẽ náh pé yòke dɔ̀ n yah n pi.»

A tyi pól we ye, té Yesu sò tẽ

²⁵ Képah náh, Yesu-á n sɔ̀kɔ̀, tówû n̄gbẽ sò me n̄ sò tẽ. Á me n̄ yah vi, té yo pé tyí: ²⁶ «Nê-à pɔ̀ n̄mɔ̀ tyí, té n̄ tyí náh nɔ̀ kal n̄ tyí n̄ súle, ànê n̄ ȳne, ànê n̄ kyile, ànê n̄ wẽnp̄ile ànê n̄ yúnpyele, à tãhl̄ n̄ gblɔ̀y tɔ̀ tyí, tẽ náh fɛ n pi n pi n̄mɔ̀ t̄ò sáh-òle. ²⁷ Névi nê náh n̄ syɪ syɪ dahni twah, à n̄mɔ̀ sò tẽ, tẽ náh fɛ n pi n pi n̄mɔ̀ t̄ò sáh-òle. *

²⁸ Nte, yépi sɔ̀kɔ̀ nê tẽ kɪ n yah n kɔ̀ wòkò n̄gbẽ mó-nsahle, né à náh tẽ, à ké gbò wilki kɔ̀ yah, té kè yah n pi, n̄ pó-à kɪ n ȳne n pi ké mónsyinóle? ²⁹ Né tẽ náh képah

* **14:27** 14.27 - Dahni twáhnó n wẽkɪ ne, á á vi sah á min kɔ̀ kɔ̀ t̄ene Yesu tyí k̄òle.

pi, té wòkò sètyah wilki, té tẽ kwlo ké mónsyinó tyí, no-à kè we, pè kɪ tyah kóle ònne n ko, ³⁰ té kɪ n yo ne, pè yah dí yóle, à wòkò mɔ tyah mɔ, té à náh tẽ we kè syi.

³¹ Sě ó ye tǒ, yǒtẽ nê tẽ kɪ n yuku mékì fwó-ńsah ò ní-ò yǒtẽne, né à náh tẽ ò foko mɔ n yah n pi, wáh kɪ fẽ kyɪ méfwóbé népì kèyǒ kwlóle ò fwó-ò swah n pi, nê-á me ònne n yohnɪ méfwóbé kèyǒ gbãmnɛ? ³² Wáh pĩ ne, pé náh fẽ n tẽ n pi, à kɪ ò ní-ò sah fíí, té kɪ nírí pí-ò tekɪ mɔ kɪ mékì yálnmɔnɔ yah kǒ ò tyí.

³³ Sě ó ye, nê-à ò gbǎn yí pól wényè-ńkẽne, tẽ náh fẽ n pi n pi ńmɔ tò sáh-òle.»

Káh n pi yóre kẽne

³⁴ «Pnɛne, kwáh pèpey ye kéle. Nte, ké dëndên-à wal, sǒ me kè kɪ tǒ fẽ pi dëndên? ³⁵ Káh pi sě, kè náh fẽ sétáh tyí pekɪ, ké náh se tǒ fẽ n pi pile. Képah ye, kè n milki kégbó. Níkí-à me nê tyí noh noh tẽne, tẽ ò níkí sah noh.»

15

Képo mónpunwɛnɔ sèmìrkìle

¹ Móri syípú ànê Liyel wèkì kó-ńkèpú pól sǒ n pɔ n pɔ Yesu tnô ò wey noh yinne. ² Képah tẽne, Farisiyèno, ànê Liyel ògbò wèkì kwópú Yesu tyíle n plo n yáh ne, dí mè-á me tyípèl pípúle n tẽ ple, té me n yǒ péle ńtẽne.

³ Képah soko, Yesu me sèmìrkì yó yáh pé tyí: ⁴ «Képyèni lèkwě-à me yépi soko yó tyí, té núkú mɔ pu sé soko, tẽ náh sé tíkíyéh pó gbãm pó kwǎryǎh nópi sah n pi gbǎn soko, té kyɪ mónpunɔ mè soh kǒ, à syi kyɪ à we n pi dí? ⁵ Té, wáh à we, nìvì tẽ tyí, ǎ à twah ò gbènkǎl yǒ ò syi. ⁶ Wáh ò syi pɔ gbò, ǎ ò kódíbi, ànê ò tnô tẽpu ye n tuke, ò té n yo pé tyí ne ńkě, pé képo nê-á sǒ mɔ pu, páh à we tẽ. Képah-á, pè pɔ pé nìvì pi.»

⁷ Képah yóntɛnɔ náh, Yesu tǒ pè syah ne: «Mé kéle n yo yé tyí: sě ó ye, tyípèl pí-ò nénúkù fyé-à Liyel wèkì tẽ, nìvì kɪ pi Liyel fók kɪ kal népì tíkíyéh pó gbãm pó kwǎryǎh nópi tyíle, pépi nónó-á ne ńkě, páh me néglólɔle Liyel yah, Liyel wèkì ténó yétò náh tǒ me pé tyí.»

Pó mónpunwɛnɔ sèmìrkìle

⁸ Yesu tǒ yo pé tyí: «Pó pló gbãm-à me sê yó tyí, té sé soko núkú mɔ pu, à náh fòtnò soh, té wòkò yal, à kè gbah soh kǒ, à syi kyɪ kè we n pi dí? ⁹ Té wáh kè we, ǎ ò kósýó, ànê ò tnô tẽpu ye n tuke, ò té n yo pé tyí ne ńkě, pé pó nê-á sǒ mɔ pu, páh kè we. Képah-á, pè pɔ pé nìvì pi.»

¹⁰ Képah yóntɛnɔ náh, Yesu tǒ pè syah ne: «Mé kéle n yo yé tyí: sě ó ye, tyípèl pí-ò nénúkù fyé-à Liyel wèkì tẽ, yínyò tẽntǒnè kɪ nìvìle n pi.»

Pídì mónpunwɛnɔ sèmìrkìle

¹¹ Képah náh, Yesu tǒ yo pé tyí: «Dĩnpì népì ními lésò me dí yó tyí. ¹² Sǒ yóle, gbě tẽ yo ò sú tyí ne, pé bǒ, ò gběkɪ soko, nê-á pé we we tẽne, à kéle pé kǒ. Wáh yo sě, ò sú me ò tahrɪ dibi pè kǒ. ¹³ Sèpìn yísyó sókóntɛnɔ náh, gbě tẽ ò tyí yám, té ò pó toko soko kwil fíí yó soko. A kyɪ sè pi karkɪ tyíwǎn yǒ. ¹⁴ Wáh ò pó pól pi karkɪ tɛ gbí nêne, kwénpékè yó de kéne kwil. Képah soko, yám à tẽ. ¹⁵ Káh pi sě, à kyɪ tò yah kǒ kéne kwil ney yó tyí. Tẽ mè à tekɪ mɔ ò swáh, ò sel syíkɪ yinne. ¹⁶ A sel yókele n yah yèwanne, nte ney náh ònne n kǒ kéle.

¹⁷ Képah soko, ò yí-á pɔ yíkɪ, à tyah n sǒ ne, pé bǒ tyí yóke-á me dò, ò tǒnpi pól me n yǒ n kwlo n sah. Nte, péwɔ-á ásò kwekɪ n ko. ¹⁸ Nkě, páh kɪ soko pé bǒ tyí, té kɪ yo ò tyí ne, pé bǒ, páh pi de Liyel tyí, té pi de ò to tyí. ¹⁹ Pé náh tǒ yĩne yénóle

à pile. Nkě, à péle n tẽ n tònpi sɔ̃. ²⁰ Képah tẽne, à soko n sú tyí. Wǎh me fíí n sú gbôle, n sú à we. Wǎh à we sě, n yám à kah tẽ, à me to kyí à yohni pɔri tẽ. ²¹ N pídí me yo n tyí ne nkě, pé bǔ, páh pi de Liyel tyí, té pi de n tɔ tyí, pé nǎh tǔ yĩne yénóle n pile. ²² Nte, n sú me yo n tònpi tyí: <Fwòmò-ngbě nê-á ple kal, yé kyí ké tɔko súú, yé pɔ mɔ à kǔ. Yé gbôngbo táhní dyí à kǔ, yé mó lékyêh dyí à kǔ. ²³⁻²⁴ N pídí nê-á yò, kè pi ne, à sɔ̃ sò ku, té tǔ n syí min we. A lésò mɔ pu, té à ye we. Képah ye, niri-á me náhpíkí nê soko, yé ñmɔ tẽ n pɔ n ko á ne n yò, á mó ne n syah nìvìle.> Képah tẽ soko, pé tyah syáh syáhnóle nìvì soko.

²⁵ Légbíne, n pídí lékóní sò me swǎh soko. Wǎh n syí n pi, té nɔ de gbôle, à yímónì, ànê yínó yínpǔ noh. ²⁶ A tònpi yó ye piki yah, tir nê-á n pi. ²⁷ Nmɔ me yo n tyí ne, n gběndí-á pɔ de n lènole, képah-á niri-á me náhpíkí nê soko, n sú me à tẽ ko. ²⁸ Képah tẽne, nénkyí mè foko vyǎh, à yahle dénóle gbô. N sú me wil ne, pé à ni à de. ²⁹ Képah soko, à yo n sú tyí ne, à yah, ké ye náhnáh-á yò, té pé me n tǔle n pi. Pé nǎh n yóré yahle yah. Nte, à nǎh pùképir ítẽ fyé tẽ pé kǔ yah, pé syí ko syáh syah pé kódíbíle. ³⁰ Té n pídí mè wɔ-á pɔ, ñmɔ nê-á n tahrí pi karkí syó fòfínì yò, à náhpíkí ko ñmɔ kǔ. ³¹ Képah soko, n sú yo n tyí: <N pídí, áwɔ me kúmm n tǔ, n gbǎn yí pólle, áwɔ tyí ye. ³² A gběndí nê-á yò, kè pi ne à sɔ̃ sò ku, té tǔ n syí min we. A lésò mɔ pu, té à ye we. Képah ye, mé yĩne mè syáh syah, mé nìvì pi.>>

16

Liyelle ànê pólle

¹ Képah nǎh, Yesu yo n tǔ sáhpú tyí: «Tàh dí yó ye lésò, à ñnì tɔko sah n tahrí yò, té pé pɔ yo n tyí ne, tẽ-á me séle n pi n karkí. ² N yòtẽ dí me à ye, té yo n tyí ne, pé nǎh me tyípeplòle n nohni n tyí soko. Kǎh pi sě, à nǎh tǔ fě n tẽ n pi pé tahrí yò. Képah-á, à n tǔ pi dùkù yah yo pé syah. ³ Képah soko, tahrí yò tẽ-ò dí mè me yo n gblǔy tyí ne, pé yòtẽ dí-á kú pé yal n pi n tahrí yò. Sɔ̃ se pé kú pi n? Swǎh tǔ tǔ tǎhkì nǎh se me pé soko. Té, nínsyino tẽne, ké sen-á me pé soko. ⁴ Nte, páh pǐ, páh ne nê pi n pi, té névyé kú pé ténó ple pé gbèn soko, pǎh pɔ pé fin mɔ pé tǔ. ⁵ Képah tẽne, à n yòtẽ dí kmɔ nétǎnne n ye núkú núkúle, té négben piki yah ne, dan nê se pé yòtẽ dí kǔlile n yò n? ⁶ A me ne, niri pní yí lèkwě-á. Tahrí yò tẽ-ò dí me à syah ne, n kǔlì sébéy-á yò, à kǔ n tẽ súú, à wǎrkí mɔ ké soko ne nkě, niri pní tikinínì pó gbǎm-á. ⁷ Képah nǎh, à yo kèyǎh tyí ne, té ñmɔ-á dò, dan nê se à yĩne à kǔ n? Nmɔ me à syah ne, sèmuco gbòtónì yí lèkwě-á. A me yo ñmɔ tyí ne, n sébéy-á yò, à wǎrkí mɔ ké soko ne nkě, sèmuco gbòtónì yí tíkiyéh-á. ⁸ Képah tẽ soko, n yòtẽ dí à sò ké yah wénpɔno yĩnne. Kègbi yò, kèkòyó névyé tyi yahle n we n pi pé wě wró lékámkámne, à kal kyòo soko névyele.»

⁹ Képah nǎh, Yesu tǔ yo pé tyí: «Ñmɔ wɔ kéle n yo yé tyí ne: pólle, gběntěnáh kwáh tẽ wɔ ye kéle. Nte, yé kéle kódíbì yah kǔ. Kǎh pópó pɔ n kne, yé kú tẽ ple tyé-ńkě tyah soko.

¹⁰ Nkě, névi nê-à pi négbúle tir tyí soko, à kú pi négbúle tir gblò tɔ soko. Té nê-à yínvì pi tir tyí soko, à kú yínvì pi tir gblò tɔ soko. ¹¹ Képah ye, pó nê-á gběntěnáh kwáhle, yáh pí-ńkěne négblóle képah tyí soko, nê kú dahbi yé gbò yínyò tahrí kègbile? ¹² Té, yáh pí-ńkěne négblóle nékǎhbí gbǎn yí tyí soko, nê kú yé yěngbě tyínole yé kǔ?

¹³ Tõnpi yó ñtẽ náh fẽ tò kwro n pi yõtãm népî nímí tyí. A kú núkú dyo yo, té kú no ñ ní-òle, képah náh pi, à kú mo núkúle, té kú ñ ní-ò we mo. Sẽ ó ye, yé náh fẽ tò kwro n mo n pi n pi, Liyel ànê pó tyí.»

Nìvìnì wey sán ànê Moyisi tyi kònsàhnóle

¹⁴ Képah soko, pó tyí-á no Farisiyẽno tyí sã, pépi-á welo nópi pól noh, pè tyah kóle Yesule n ko. ¹⁵ Képah tẽne, à me yo pé tyí: «Yépile, yé yé gblõyne n wẽkú négblole névye yah soko. Nte, Liyel yé nnole n pne. Ngbõ névye-á tir nẽne n gbilki, Liyel dél ye képahle dé.

¹⁶ Moyisi tyi kònsàhnó ànê Liyel tẽntò syínyopu sébéynó sò me n mo n kò n yíí fóó, à po syi Wèlnwìkì-ò Nsyõ me gbí tyí. Té à toko légbí tyí, nìvìnì wey sán me n yo Liyel tórí tyí soko, té táhnsàhnó ó soko ye no pól kú n de n pi ké soko. ¹⁷ Nte, yínyõ ànê sétáh kú yal sé slo soko sérõ kal tir kyíri wìkínóle Liyel tyi kònsàhnó soko. ¹⁸ Sõ-á kè yo ne, dí nê-à ñ kyi wilki, té ñ syi kèyáh toko, fòfínpi-á ñne. Anê, sê nê pe-à à wilki, té névi nê à toko, fòfínpi-á tẽne.»

Tàh dí ànê Lasari tyipínine

¹⁹ «Tàh dí yó lésõ me, à fwõtáhnì dénkókónine n mo, té kwákwán yéle n yõ sòmésó, me nìvìle n pi. ²⁰ Té yãm ney yó to sò me, pè n ye Lasarile. A sò me sèntẽnóle tàh dí mè gbô yah. N wil pól sò me níyne. ²¹ A sò ñkẽne ne me ké tyí ne, pé yènmírne n tó n yõ, tàh dí-á nónóne n yõ n kwe. Nte, pãhlo ye sò n do ñ níyne.

²² Só yóle, yãm ney mè ku, yínyõ tẽntõnè me yuku ñne Abrahami tnô. Tàh dí to me ku, pè kò pè yí. ²³ Nte, wáh kyi lékókwil soko, à kyi fóhnóle n we. Wáh ñ yah yõ yah, à Abrahami we fíí soko, Lasarile ñ gbõpo. ²⁴ Képah soko, à ye yah fléyy ne, pé sú Abrahami, ñkẽ páh me n kwlo kèpékèyô nyàh mè soko. Képah-á, à pé yãm yah, à mó Lasari tekú mo, à po ñ kèngbo vyãh dahbi wilki ni soko, à sah pé nénpóri yõ kè kò kè vi. ²⁵ Nte, Abrahami me yo ñ tyí: «Nmò pi, á dyo to n kò ne, wáh yèvini we soko, wáh sò me min soko gbí nẽne, té Lasari wo me yèvyãhri we. Nte núkúnúkú, ñmo me yèvini soko, té áwo me yèvyãhri soko. ²⁶ A wil képah soko, pwãh ngbẽ me yépi ànê ápi wró. Képah yinne, ásô névye nónó-á me ké tyí ne, pé kyi yé tyí, pè káh tẽ we, ànê nénpó névye nónó-á me ké tyí ne, pé po ápi tyí, pé to káh fẽ tẽ.»

²⁷⁻²⁸ Képah soko, tàh dí me à syah ne, pé sú Abrahami, kàh pi sã, yúnpyé népî kwâl-á me pé tyí, páh ñne n ni, à Lasari tekú mo pé sú kéte soko, à kyi kè yo sah pé tyí, pé to káh po de yèvyãhri tẽ-ñsah mè soko. ²⁹ Abrahami mó yo ñ tyí: «Moyisi tyi sàhnó, ànê Liyel tẽntò syínyopu welo me pé tyí. Pè sépi tyiyónóle n pi!» ³⁰ Wáh yo sã, dí mè tã à syah ne, képah náh n yĩne n pi, pé sú Abrahami. Nte, névi-à kú wil lékyí soko, à kyi yo pé tyí, pãh kú Liyel wẽkì tẽ. ³¹ Képah tẽne, Abrahami me tã yo ñ tyí: «Pàh kú yahle Moyisi ànê Liyel tẽntò syínyopu welo nóhnóle, névi-à sã wil lékókwil à po kèkõyó, à kyi yo pé tyí, pè náh n sã n pi ké yõ tã ñtõ.»

17

Tyipékèle ànê ké yõnmõnole

¹ Képah náh, Yesu yo ñ tò sáhpú tyí: «Tyi nónó-á névile n mo tyipékè pínó soko, sépi náh fẽ n ye wénóle. Nte, névi nê tyí-á ké yõ wil, yèvyãhri me tẽ yõ. ² Kè kú sò fónfó kal, pàh yínónan toh tẽ yègbi, té à min dah mo pne yo soko à kò à káh po ñmo yõ sã-ò tyíí yó ñtẽ dah mo tyipékè soko. ³ Yé yé gblõy tẽ dé!

A yǔnpi-à pɪ de á tyí, wɛkɪ ò yõ! Wàh ké nàhnpĩ gbo, kè yõ mɔ à kõ. ⁴ Anê wàh pɪ de á tyí gbáhyí kwárnino gbìyìkì nùkú sɔkɔ, té ònne n syɪ n yo n pɔ á tyí fók gbáhyí kwárnino ne, páh me ké nàhnpĩne n gbo, séle n yõ n mɔ ò tyí.»

Liyel yõ sɛnóle

⁵ Képah sɔkɔ, Yesu tɛntõbe à syah ne, pé Yõtɛ, à wǎn mɔ pépi Liyel yõ sɛnó yõ. ⁶ Tɛ òngbɛ me yo pé tyí: «Gbɪ tɛ yõ, yé Liyel yõ sɛnó-à sò me tyí òn sò, mútárdì pi fyé sò, yé nàhkɪ sò fɛ yo sɛnsóké mè tyí ne ònkɛ, kè ké gblɔy viki kyɪ sò pne yo sɔkɔ, té kè nàhkɪ kè pɪ yé yóré yõ.»

Tõnpi tò-á nêne

⁷ Képah náh, Yesu yo pé tyí: «Tõnpi yó-à me á tyí, me á swáhle n wɔ, képah náh pɪ, á yípɛyne n fɛ... wàh wil swáh, à pɔ n de á wɛ, á se kɪ yo ò tyí ne, à sal n pɔ yõke yõ? ⁸ Á náh pyɛ tɔ n yo n pi ò tyí ne, à áwɔ yõke òngbò pɪ, képah náh, à mó flo yísyó mɔ pɔ, á ònne n tɔ á yõke yõ gbíne, té képah náh, à mó pyɛ pɔ yõ, à mó wɔ di? ⁹ Té tõnpi mè-á ò tɔ pɪ ké wɛkɪ yõ, á se kɪ ò yíngbí yo? N pɪ pɪ tɔ ó náh à pɪ di? ¹⁰ Képah nùkú ó ye yépi tɔ tyí: Tyi nóno-á yah kò yé tyí, yáh sè pɪ tɛ, yé yo ne, tõnpi tɔ ó-á yéle. Yáh sò yíne yè nê pɪ, képah ó-á yé pɪ.»

Yesu tótám népî gbām de mɔ

¹¹ Yesu-á sò me n yuku Yerusalem, à syõ sɔkɔ Samari ànê Kalile gbàh yõ. ¹² Wàh kyɪ n de kwilpír yó sɔkɔ, díbí tótám népî gbām yísyó pɔ à yohnu. Pè sò me yín fíí, ¹³ té tyah n yo n mɔ ò tyí yínpɔ òngbɛne ne ònkɛ, pé yõtɛ Yesu, à pé yám yah. ¹⁴ Wàh pè wɛ sɛ, à yo pé tyí ne, pè kyɪ pé gblɔyne sárká wílkɪpu yõtám wɛkɪ. Páh képah noh sɛ, té wɛkɪ tɛ n yuku, pé de. ¹⁵ Pé sɔkɔ nénúkú yó-á kè wɛ à de sɛ, à ò syɪ Liyel yín gbilki pɔ Yesu tɔnò yínpɔ òngbɛne. ¹⁶ A pɔ kɔ kwíngbí ò yah di sètáh Yesu yah, à wɛkɪ ò tyí. Té kéne díne, Samari ney ye sò ònne. ¹⁷ Yesu-á à wɛ sɛ, à ne: «Népî gbām nópi pól náh de di? Nte, kwaryáh nópi téló-á dò, pépi nyáh? ¹⁸ Ney náh wɛ pépi sɔkɔ à ò syɪ pɔ wɛkɪ Liyel tyí, à wil nékáh mè tyí sɔkɔ kè?» ¹⁹ Té me ò syɪ yo kéne dí tyí: «Yuku n ne n yuku! Á Liyel yõ sɛnó ò pwah mɔ.»

Liyel tǔrí pónó tyíle

²⁰ Képah náh, Farisiyɛnɔ Yesu piki yah ne, gbí nê se Liyel tǔrí kɪ n pɔ n pi nɪ? Á me yo pé tyí: «Liyel tǔrí náh n pɔ n pi kwáh yó sò nê-á n wɛ yíne. ²¹ Anê tɔ, ney náh n yo n pi ne, kè wɛ yò, képah náh pɪ, kè wɛ yàhàh. Nte, yé pɪ ne ònkɛ, Liyel tǔrí-á me yé wró.»

²² Képah náh, Yesu tɔ yo ò tɔ sáhpú tyí: «Sò yó me n pi, Névi Pi wɛ dékè kɪ me yé tɛ, té yé náh à wɛ n pi. ²³ Pè kɪ yé syah ne, wáh yò, képah náh pɪ, wáh yàhàh. Nte, yé káh n kyɪ, yé káh ne n sal. ²⁴ Sò-á pù n yíkiri yál, à tɔkɔ yínyò yah yó tyí, à kyɪ syɪ ké yah yó tyí, sɛntɛ ye Névi Pi pónó kɪ pɪ. ²⁵ Nte, Névi Pi òngbò yíne à yèvyàhri pɪ nàhnáh, ànê kwey gbí névye mó à yahle.»

²⁶ Káh pɪ sò òngbòle Nowe gbí sɔkɔ, sɛ tɔ ye kɪ pɪ Névi Pi syínpɔ gbíne. ²⁷ Névye lésò me n yõ, té me n wɔ, té me syóle n tɔkɔ, té me n de pɛbɪ tyí fók, à pɔ syɪ sò nê-á Nowe de krótó-òngbɛ sɔkɔ. Képah tɛ sɔkɔ, púnpáhkì pɪ, ni pé pól yõ.* ²⁸ Anê, kè kɪ pɪ, káh pɪ sò òngbòle Lotɪ gbí tɔ sɔkɔ: Névye lésò me n yõ, té me n wɔ, té me yídwénène n dwe, té me yíyámne n yám, té me swáhle n tɔ, té me vùle n mɔ. ²⁹ Nte, Lotɪ-á wil

* **17:27** 17.26-27 Yah n tɛ Tyàhnó sɛbéy 6.9 - 7.24 sɔkɔ.

só nêne Sodomu soko, Liyel nyàh lépõ ànê nyàh lépúkú tiki mo pé yõ pũ sã n pi, à pé suke ko. ³⁰ Sěntě ó ye kè kɪ pi n soko n pi Névi Pi syínpo sóle.

³¹ Ké lésõ-à po, névi nê we gběntín yõ, té vyó me tẽ tyí wòkò soko, à káh ne, páh n tiki n yuku sé tókó-ńsah. Té nê to-à me swāh soko, tẽ káh ne, páh péle n syi n yuku gbô. ³² Yé yé dya to kō Loti kyi tyile kè!† ³³ Sě ye, nê-à ne, páh pé minne n koh n sah, tẽ kɪ tekɪ ké soko, nte nê-à tekɪ ñ min soko, tẽ wo min kɪ pwah.

³⁴ Mé kéle n yo yé tyí ne: kéné lékâhne, népî nímí kɪ me sě sě kwāh núkú yõ, núkú kɪ tẽ soko, té ñ ní-ò kɪ wũ. ³⁵ Syó népî nímí kɪ me yîle n no wẽ tyí, núkú kɪ tẽ soko, té ñ ní-ò kɪ wũ. [³⁶ Díbí népî nímí kɪ me swāh núkú soko, núkú kɪ tẽ soko, té ñ ní-ò kɪ wũ.]»

³⁷ Képah soko, Yesu tò sáhpú à piki yah ne, pé Yòtě, nýāh soko se képah kɪ n pi n pi ni? A me yo pé tyí: «Kókè-à me nýāh, nénpó soko nāh ñkyònkýòni wẽ tuke n mo di?»

18

Nírí soko gbáhntěncle

¹ Képah nāh, Yesu sēmirkí yó yāh ñ tò sáhpú tyí, à pé wẽkɪ ne, páh yĩne pé níríle n pi kúmm wílkúnì kěne ké soko. ² A ne: «Tukey tükè-ò dí yó lésõ me kwil yó soko, à nāh Liyel yah tíkile n pi, à nāh yòyénne n sah névye yõ. ³ Té pékúsè yó to sò me kéné kwil soko. Nmo sò me n yo n po ñ tyí gbíme gbí ne, nê-á me péwo ànê pé fwó-ò wró, à kè tō sah pé kō. ⁴ Nte, kè pi di mónóle, té dí nāh sò me fě syi. Képah nāh, à po yo n gblõy tyí ne, gbi tẽ wo-á, pé nāh Liyel yah tíkile n pi, pé nāh yòyénne n sah névye yõ. ⁵ Nte, pékúsè mē-á me pé gblólé n vyāh n po, páh kɪ ñ tir mē yah wah à kō, pé yah mó vi.»

⁶ Tẽ ñgbě Yesu-á képah yāh te, à tō yo pé tyí: «Yé tukey tükè-ò dí mē wey noh kè, ñmo nê-á fín yó-òle. ⁷ Nte Liyel wo-á nónó yah toko, té pé me ñne n ye n gbo lékâh ké gbintõ, à nāh pé tyi yah wah pé kō n pi di? A se kɪ mo pé yòhninmo-ńsah? ⁸ Mé kéle n yo yé tyí ne: wāh kɪ pé tyi yah wah pé kō súú. Nte, Névi Pi-à só nêne po sétāh yõ, à se kɪ po Liyel yõ sěno we?»

Sēmirkí nê-á yāh Farisiyě ànê mórí syí-ò tyí soko

⁹ Névye nónó-á sò me pé gblõyne n yah ne níkě, páh me négbóle Liyel yah, té me télóle n yilo, Yesu sēmirkí yó yāh pépi tyí soko ne: ¹⁰ «Dí bí népî nímí yísyó sò kyi Liyel wòkò ñgbě kéntáhkì soko, à kyi Liyel ni. Nénúkùle, Farisiyě ye sò ñne, té ní-òle, mórí syí-òle.

¹¹ Képah soko, Farisiyě mē me yuku yīn, à Liyelle n ni ñ foko táh, me n yo ne, èè Liyel, páh n wèkɪ ñ tyí, wāh sōnpí péwo pi pé gblõy. Pé nāh me no téló tyí kōle, nónó-á yípúle, ànê tyítúkúnì pípúle, ànê fōfíkì pípúle. Páh n wèkɪ ñ tyí, pé nāh sōnpíle me mórí syí-ò mē sō. ¹² Péwo-á níkile n tẽ sèpìn níni yòh núkú wró. Páh pé gbàn yī wénó gbām-ònole ñne n kō. ¹³ Nte mórí syí-ò wo mó sò me yīn tẽ fíí, à nāh fě syi ñ yah nítě yõ yinyõ. Té me ñ gbòle n sah ñ nivo soko me n yo ne: «Liyel, ní yām yah, ñmo nê-á tyí pékè pí-òle.»»

† 17:32 17.32 - Liyel-á Sodomu ànê Gbomoru le n suke gbí nêne, à Lotipi wilki ké soko, té ne, pé ne n to, pé káh vi yah. Té Loti kyi-á vi yah, à pi pne kènpinne. Yah n te Tyàhnó 19.26 soko.

14 Képah tēne, Yesu me ne: «Mé kéle n yo yé tyí ne: dí mè pi négbúle Liyel yah, wǎh ò syi n yuku ò ònne gbí nēne. Té Farisiyē wo náh sēnkō we. Gbɪ yō, névi nê-à ò gblōyne n gbilki, à kɪ tiki mō. Té nê-à ò gblōyne n tiki n mō, tē wo kɪ mó dōkō mō.»

Yesu sām mō wēnpì yrō soko

15 Névyé sò me n pō n pō wēnpì yrō tōle Yesu tyí ne, à tū pé tyí. Ò tò sáhpú-á képah we, pé tyah díríle n kō pé yō. 16 Nte, Yesu me wēnpì kō pé nō de ò tñô, té ne: «Nónó òkù-á me wēnpì nōpi sō, Liyel tōríle, pépi tyí ye. Képah ye, yé ye wēnpì kō pé ne n pō n pō òmō tyí. Yé káh pé yahle n kō. 17 Gbɪ yō, mé kéle n yo n dal n mō yé tyí ne: névi nê-à Liyel tōrí fēnsyi-ńkēne wēnpir tyí kōle, à náh n we n de n pi ké soko pólle.»

Kèkōyó tahrɪ yahle, ò té n we n de yīnyō tōrí soko

18 Képah náh, Nsyifunō yōtē yó Yesu piki yah ne, kwó-ò pèpɛy, pé se yīne pé pi sō, pé mó tyé-ńkē min we nɪ? 19 Yesu me yo ò tyí: «Kwâh nê pi, té á òne n ye «pèpɛyne»? Pèpɛy yó òtē náh me, né Liyel ó náh. 20 Á Liyel tyi kònsàhnó pì kē, nê-á n yo ne ńkē: «Káh fōfíkì pi, káh nékókè mō, káh yībe yī, káh mìnì sah á ní-ò yō, á sú ànê á yūne n tē ple.» 21 Wǎh yo sē, dí me à syah ne, páh me sépinó pólle n pi fóó, pé wēnpir gbí òkùle. 22 Yesu-á képah noh sē, à yo ò tyí: «Tyínúkú ó tō yah kwlo á tyí: Gbǎn yī nónó pól-á me á tyí, kyɪ sè yām, ò té sé pó dibi yām tǎn kō, ò té n pō òmō sò tē. Képah soko, á kɪ Liyel fō tahrɪ we.» 23 Té dí tahrɪ-á sò kah tno sē, képah ye, wǎh wey mè noh, ò yah kwō yɪkɪ.

24 Képah soko, Yesu-á ò yah we kè kwō sē, à ne, tahbɪ dénó-á me tah Liyel tōrí soko dé! 25 Nkē, yǎhmíkì dénwílnóle sèndi pwǎh soko, képah òtē-á kɪ fàhfàh kal tǎh dénóle Liyel tōrí soko. 26 Képah soko, nónó-á sò me ò weyne n nohnɪ, pé ne, òte, nê wo se kɪ mó fē pwah nɪ? 27 Á me yo pé tyí: «Névi náh fē tir nê pi n pi, Liyel kɪ fē képah pi.»

28 Képah soko, Pyerɪ me ne, pépi tē wole, páh pé yēngbē yī sah, té òmō sò tē. 29 Yesu me yo pé tyí: «Gbɪ yō, mé kéle n yo n dal mō yé tyí ne: névi nê-à Liyel tōrí yīnne ò kéte sah, képah náh pi, ò kyɪle, képah náh pi, ò yūnpyéle, képah náh pi, ò tyí névyéle, képah náh pi, ò wēnpìle, 30 tē kɪ pé lékan we kèkōyó mè soko, té kɪ tyé-ńkē min we Liyel fō soko òsòne.»

Yesu tō ò kúnó ànê ò min syínweno tyí yo ke tō-òle

31 Képah náh, Yesu ò tò sáhpú népì gbōnimí ye pé yahle, té yo pé tyí: «Á we n yuku Yerusalemɪ soko yò. Té Liyel tēntō syínyopu-á lésō tyi nónó pól wǎrkɪ sah Névi Pi tyí soko, sè kɪ n pi n tū n pi. 32 Pé kɪ à dahbɪ Liyel pí-ńkēpú gbò. Pé kɪ kóle òne n ko, kɪ òne gbyo, té kɪ n sīn n mō ò yō. 33 Pé kɪ à ko yèfōhle, té kɪ à ko mō. Nte, ké sèpìn tō-ò sóle, à kɪ ò syi min sǎn we.» 34 Nte, Yesu wey mè sò me wēnpìlle pé tyí. Képah ye pé náh ké syíkí-ńsah pì.

Yesu yítú yó yí yɪkɪ mō

35 Képah soko, Yesu-á de n te Yeriko kwille yúkey, yítú yó sò me kòntēnóle wēgbalɪ soko, me n ni n syi. 36 Wǎh tówú sókónó yí noh, à piki yah ne, tir nê se nɪ? 37 Pé me à syah ne, Nasaretɪ Yesu-á pō n soko. 38 Képah tēne, à tyah n yo n mō léyy ne, Yesu, Davidi Pídí, à pé yām yah. 39 Té nónó-á me n ko yah ònne, pépi sò me díríle n kō ò yō ne, à ò vyǎh vike. Nte, òmō tē sò me n tō n gbah n yo n mō ne ńkē, Davidi Pídí, à pé yām yah. 40 Képah soko, Yesu me yīn, té ne, pé pō òne. Wǎh nō de, Yesu me à

piki yah: ⁴¹ «Tir nê me á me ké tyí ne, mé pi á tyí?» Dí me à syah ne, pé Yòtë, à kè pi, pé fë ne n yah nítõ. ⁴² Yesu me yo n tyí: «Á yí ye yiki mo! Á Liyel yõ sënó ye n de mo.» ⁴³ Nénpó swõ, n yí núkú yiki mo, té à me Yesu sò tẽ, à Liyelle n gbilki. No pól-á képah we sã, pé to tyah Liyelle n gbilki.

19

Yesu ànê Nsasyile

¹ Yesu-á de Yeriko kwil, à sò me n kah ké soko, ² té dí yó sò me kéné kwil, pè n ye Nsasyile. Móri syípu yõtã soko yó ye sò òne, té à pi tàhle. ³ A sò me n yah n kã ne, pé Yesu we, nédúkú nê-á òne. Té òm-á pi nétúkúrí neyne, tówú tnónkahnó tẽ tyí, à nãh sò fë à we n pi. ⁴ Kãh pi sã, à to yuku yah ònne, à kyi doko séswô yó soko Yesu we yinne. Té à ki sò pò n soko n pi nénpó. ⁵ Yesu-á yini tẽ nénpó, à n yah yõ té yo Nsasyi tyí ne nkẽ, à tiki súú Nsasyi, páh yine pé twah n kéte soko kweyne. ⁶ Képah tẽne, Nsasyi núkú tiki súú, à kyi Yesu tã sah tẽ n ònne nìvì soko. ⁷ Névyè-á képah we sã, pé pól tyah n tyile n plo n yãh ne, tyípèl pí-ò tyí-á à kyi twah yò dé! ⁸ Nte, Nsasyi me no de Tẽ ngbẽ Yesule, té yo n tyí ne, à noh pé tyí, pé yòtë. Páh ki pé gbãh yí tóní núkú yí yãm tãh kã. Anê, páh me syiki nê yõ, páh ki sënknõnõ nyáhle tẽ dyah. ⁹ Képah soko, Yesu me yo n tyí: «Áwõ to-á pi Abrahami nãh neyne, képah ye, pwáhnmonõ de kéte mè soko kweyne. ¹⁰ Yah, nónó-á sò me mónpunõle, pépi yáhnkã-nsah ye Névi Pi pò ki pé pwah mo.»

Yòtë nê-á pò dahbi tònpi bi gbò

¹¹ Képah tẽne, Yesu-á de n te Yerusalemi soko, n welo nóhpú sò me n sò ne, Liyel tãrí-á ki n pò n pi nénpó swõ. Képah soko, Yesu me sèmirkí yó yãh pé tyí ne: ¹² «Yòtë yó pídí ye lésõ. Só yóle, à yuku soko kwil fí yó soko ne, pé kyi yòtãri yah n kã, képah nãh, pé mó pé syi pò. ¹³ Wãh n soko, à n tònpi bi népí gbãh ye pò, pò dan núkúle pé nénúkú núkú pól kã, té yo pé tyí ne, pè gbòle n yí sèpile fóó, kè pò syi pé syinponõ tyí. ¹⁴ Té, n kwil névyè sò me n dyole n yo. Pè me tẽntõ tekí mo n nãh, à kyi yo ne nkẽ, pépi nãh me ké tyí ne, dí mè tẽ pò pi pépi yòtëne. ¹⁵ Nte, à mó tã yòtãri mè we, té n syi pò. Wãh pò, à n tònpi bi nópi ye, wãh sò pò dibi nónó kã. Pãh gbò yí, té pò dòhnò nê we, à sò me ké tyí ne, pé kè pí. ¹⁶ Képah soko, négben pò yo n tyí ne nkẽ, pé yòtë, wãh pò dan nêne pé kã, páh ké kénknõnõ gbãh yah dohni. ¹⁷ Yòtë dí me yo n tyí ne, kãh ple, tònpi pèpey-á òne. Wãh fyò pi négbíle tir tyí soko, wãh ki pi kwlonõ gbãh yah tẽ-òle. ¹⁸ Ní-ò me pò yo n tyí ne nkẽ, pé yòtë, wãh pò dan nêne pé kã, páh ké kénknõnõ kwlo yah dohni. ¹⁹ Yòtë dí me képah núkú ó yo n to tyí ne, òm-á pi kwlonõ kwlo yah tẽ-òle. ²⁰ Kèyãh me pò yo n tyí ne nkẽ, pé yòtë, n pò-á yò. Páh sò me kè dah mo sah fwõ yó soko ké tyile. ²¹ Nkẽ, n tò-á kah tah. Képah-á, n tiki me pé tẽ. Nmo nãh sah kwãh nêne, à kè tãkõ. A nãh sèmuco nê duku mo, à képah tãkõ. ²² Képah tẽne, yòtë dí me à syah ne, tònpi túkú, n vyãh wey mè soko-á pé ki tuke òne. Nmo-á sò pí ne nkẽ, pé tò-á tah, pé nãh kwãh nê sah, pè kè tãkõ, ànê pé nãh sèmuco nê duku, pè ki tãkõ. ²³ Nte, kwãh nê se pi, té à nãh pé pò dah mo sah pò dáhnmo-nsah wòkò soko ni? Páh pé syi pò, páh nãhki sè we wilki dòhninóle sé yõ. ²⁴ Képah soko, nónó-á sò me nénpó, à n syi yo pé tyí ne, pè pò mè syi n tyí, pè kéle ké kénknõnõ gbãh nétë kã. ²⁵ Pè me yo n tyí ne, pé yòtë, sé gbãh-á me te òm-á tyí

dò! ²⁶ Nte, à me pé syah ne: «Mé kéle n yo yé tyí ne: névi nê tyí kwâh-á me, pé ki tō ñmɔ kō. Té névi nê tyí kwâh nâh me, kwéyy nê ñtê-á me ñ gbò, ké tɔ ki tē syi ñ tyí. ²⁷ Nte, í sɛpɛbí tē wɔle, pépi nónó nâh sò me ké tyí ne, mé pi pé yòtēne, yé pɔ péle ásò, yé pɔ pé yèsò kō í yí yah.»

Yesu dénóle Yerusalemi sɔko

²⁸ Képah yóntenɔ nâh, Yesu yīn pé yah, pé n dɔkɔ n yuku Yerusalemi. ²⁹ Té wâh yīni tē n te gbí nêne Betefasyi ànê Betanile yōli yó tnô, pé n ye Wólíví yèh yōlile, à ñ tò sâhpú népi ními tō ne: ³⁰ «Kwil nê-á yé yahle, yé kyi ké sɔkɔ. Yáh ki n de, yé ki ñkwěndyípi kī yó we tóhnmɔnɔle nê-á ney nâh dɔkɔ yah ñ yō pólle. Yé à de n pɔ ásò. ³¹ Té nê-á yé piki yah ne ñkê, sò se, té yé ñne n de ni, yé yo tē tyí ne, ñ yétô-á me Tē ñgbê tyí, képah-á. ³² Wâh yo sê, tēntò névyé nópi sɔkɔ. Pé ñtyíno kyi tyi nópi we, sò-á sò à yo kéle pé tyí. ³³ Pâh me ñ dénó sɔkɔ gbí nêne, ñ nétâm pé piki yah ne, sò se, té pé ñkwěndyípi kī mène n de ni? ³⁴ Pé me yo pé tyí ne ñkê, ñ yétô-á me Tē ñgbê tyí, képah-á. ³⁵ Té me yuku ñne Yesu tyí. Pé pé flo mɔ ñ yō, à Yesu kō à dɔkɔ. ³⁶ Képah tēne, wâh me n yuku sò, névyé me pé flole n mɔ n yuku sê wêkì yō. ³⁷ Pâh n tyah Wólíví yèh yōli tíkintɔnɔle, ñvì de ñ tò sâhpú kwĩnki pól sɔkɔ. Pâh gbil tyi nónó pól we, sépi yīnne, pé tyah Liyel yīnne n gbilki yīnpɔ ñgbēne, ³⁸ me yo tū ne ñkê: «Yòtē nê-á n pi Liyel yīn yō,

Liyel sām mɔ ñ sɔkɔ!

Yèvinu ne me yīnyō,

gbilkínó mó ne n sah Liyel yō,

ñmɔ nê-á yīnyō fléyy tē-ñsah.»*

³⁹ Képah sɔkɔ, tówú nyó sɔkɔ Farisiyēno yísyó Yesu syah ne, pé kwó-ò dí, à ñ tò sâhpú vyēy tū kè! ⁴⁰ Képah tēne, Yesu pé syah ne: «Mé kéle n yo yé tyí ne: pàh ki sò pé vyēy vike ò, dyèh ye ki n gbo n mɔ pé swɔ.»

Yesu yah kwɔ Yerusalemi tyile

⁴¹ Yesu-á de n te Yerusalemi, té kè we gbí nêne, à n gbo ké yīnne ne: ⁴² «É, Yerusalemi, wâh nâhki sò me fē syi yèvinu we dùkù pī kwey mène! Nte wéèè, kè ye wòbì á yah! ⁴³ Yah, sèpìn yísyó me n pi, á sɛpɛbí ki wòbì-ñtân pi á kēki kore vi, té ki ñ fyâh sah yey yey pólle. ⁴⁴ Liyel-á pɔ á yòhñmɔ-ñsah gbí nêne, á nâh fē syi kè pī. Képah ye, pé ki á sɔkɔ névyé pól kò mɔ, té ki ñ mukuli. Á dáhkì yó ñtē nâh n wū n pi ké ní-ò yō.»

Yesu gbɔyibi yīni wilki Liyel wòkò ñgbê kéntáhkì sɔko

⁴⁵ Yesu-á kyi de Liyel wòkò ñgbê kéntáhkì, té yíyãm yàmpu we ké sɔkɔ, à tyah péle n yīni n wilki. ⁴⁶ Té me n yo pé tyí: «Kè me wárkínsàhnóle Liyel wey sɔkɔ ne ñkê: «Ñ wòkò ki pi níri pí-ñsah wòkòle». Té yépile, yé kè tɔkɔ pi névyé yō syíkípu tē-ñsahle.» ⁴⁷ Té à sò me névyéle n kwɔ sòmésó Liyel wòkò ñgbê kéntáhkì sɔkɔ. Képah sɔkɔ, sárká wilkípu yòtâm, ànê Liyel ñgbò wêkì kwópú sò me ñ kònmɔ-ñsahle n yah n kō, kwil yah tām tɔle péle. ⁴⁸ Té no pól-á sò me pé ní kwɔ n tō n sah n nohni n yī ñ tyí sê, képah ye, pé nâh pī pâh ki n pi n pi sò.

* 19:38 19.38 - Yah n te Gbálnó sɛbéy 118.26 sɔkɔ.

20

¹ Yesu-á sò me névyele n kwɔ Liyel wòkò ñgbě kéntáhkì sɔkɔ, me ñivìni wey sánne n yo sě, só yóle, sárká wìlkìpu yòtām, ànê Liyel ñgbò wěkì kwópú, ànê yèwàhni pɔ wil n tyí, ² té à syah ne, à yo pé syah, nê gbò yò sɔkɔ se, à n pɪ tyi nópìle, nê se à kò tēnwɛnɔ mènɛ nɪ? ³ A me yo pé tyí: «Ñmɔ tɔ kɪ píkinyahno núkú pɪ yé tyí: Yé yo í syah, ⁴ nê-á tō Nsyōne, à pɔ nole n wel n wilki? Liyel se, tɪ névyé se?» ⁵ Pè me yo wě tyí ne, páh kɪ ne ñkě, Liyel-á tō ñne, wáh kɪ pé syah ne, té kwáh nê se pɪ, té pé náh sě ñ yò nɪ? ⁶ Nte, névyé sěnyĩno-á me te ké yò ne, Liyel tēntò syinyo-ò-á Nsyōne, páh kɪ mó tō ne ñkě, névyé-á tō ñne, no pól-á kɪ dyēhle pé minkì ko. ⁷ Káh pɪ sě, pè à syah ne, pé náh pɪ nê-á tō ñne. ⁸ Páh yo sě, Yesu tɔ mó pè syah ne, káh pɪ sě, tēnwɛnɔ nê-á pé kò pé tyi nópìle n pɪ, pé náh mó kè yo pè syah n pɪ.

Divě sésân swāh tópu népèl sèmìrkìle

⁹ Képah náh, Yesu tyah sèmìrkì yóle n yāh névyé tyí ne: «Dí yó ye lésò divě sésân swāh kò, té kéle tēntòbe gbò dahbɪ, té sɔkɔ kóló sɔkɔ à kyɪ mo. ¹⁰ Sé pye gbe gbí-á pɔ no, à tònpi yó tekɪ mo divě sésân swah tēntòbe nópì tyí ne, pè pé tyí divě sésân pyele à kò. Nte, tēntòbe nópì me tònpi mè ko, té pé syɪ à tekɪ mo ñ gbò kókóle. ¹¹ Képah sɔkɔ, sètě dí tō ñ syɪ tònpi yó tekɪ mo. Pè tō ñmɔ tɔ ko, té à gbyɔ, té pé syɪ à tekɪ mo ñ gbò kókóle. ¹² A tō ñ syɪ tònpi tō-ò tekɪ mo. Pè tō ñmɔ tɔ pɪ yo, té à yīni. ¹³ Káh pɪ sě, sètě dí ne, sò se pé kɪ pɪ nɪ? Páh kɪ pé ñidè pídí wɔ tekɪ mo. Nmɔ wɔle, gbòkénpi, páh kɪ yòyén sah ñ yò. ¹⁴ Nte, divě sésân swāh tēntòbe nópì-á fyò ñ pídí we, pè núkú yo wě tyí ne ñkě, ñ gběyò-á yò. Pé ye à ko mo, gběkɪ mó pɪ pépi tyíle. ¹⁵ Képah tēne, pè à yɔrɪ wilki mo divě sésân swāh kahnɛ, té à ko mo. Núkúnúkú tēne, sò me sètě dí kɪ pɔ pɪ péle wé? ¹⁶ A náh pɔ divě sésân swāh tēntòbe nópì ko mo, té kɪ kè dahbɪ n pɪ yísyó gbò di?» No-á kéné wɛlɔ noh sě, pè ne, pólle, képah wɔ náh n pɪ n pi!

¹⁷ Nte, Yesu me pè yah, té yo pé tyí: «Liyel wey-á nê yo ne ñkě:
 <Wòkò mópú-á dáhkì nê milki,
 képah ye pɔ pɪ wòkò kyí yò dáhgbíle>,
 képah yò nêne yépi tē tyí?

¹⁸ Névi nê-à wil syɪkɪ kéné dáhkì yò, tē kɪ kwɔkɪ. Té, káh se mó tō syɪkɪ nê yò, kè kɪ tē pyāhrɪ.»

¹⁹ Képah sɔkɔ, Liyel ñgbò wěkì kwópú, ànê sárká wìlkìpu yòtām ñgbno sò pɪ yí te ne, pépi yò-á Yesu mɪ sèmìrkì mènɛ. Képah ye, pè sò me ñ tē-ńsahle n yah n kò nēnpó swɔ, té névyé tíkí pè tē.

Nê-á yīne Sesarɪ kǒnóle, ànê nê-á yīne Liyel kǒnóle

²⁰ Képah sɔkɔ, pè tyah Yesu kyòmínóle. Pè yínvínpuɪ yísyó tekɪ mo ñ tyí. Pè pɔ pé gblɔy pɪ négbólle. Pè sò me ké tyí ne, à pilki ñ vyāh wey sɔkɔ, pé kò pé à we tē kyɪ dahbɪ kwil yah tē-ò gbò, tǒrí ànê tēnwɛnɔ-á me nê tyí. ²¹ Képah tēne, pè píkinyahno yó pɪ Yesu tyí ne, kwó-ò dí, páh pɪ ne, wáh tyi nónónɛ n yo, té kwónó nónónɛ n pɪ, gblo kókó-á séle. A náh névyele n wah, ànê wáh Liyel wěkìle névyele n kwɔ ké gbɪ yò. ²² Nte, à yo pé syah, ñkě, ké wěkì se me kǒnóle ne, pé mórìle n mo Wromenɔ yòtē ñgbě Sesarɪ tyí, tɪ ké wěkì náh me kǒnóle? ²³ Té Yesu-á pé yínvɪ pɪ sě, à yo pé tyí: ²⁴ «Yé pɔ pɔ pɔ núkúle, mé yah ātre. Nê yah mírki, ànê ñ yīn me wárkínmɔnɔle ké yò yò?» Pè me yo ñ tyí ne, Sesarɪ tyí-á. ²⁵ Yesu me yo pé tyí: «Káh pɪ sě, yé Sesarɪ

tyíle Sesarúle n kǒ, yé mó Liyel tyíle Liyel kǒ.» ²⁶ Kǎh pɪ sě, pè nǎh pílki-ńsah we ñ wey sǎkǒ, à à tǔ névye yí yah. Té ñ tyi yah yónó pyě me pé gbǎn du, pè me tǔ syísyí.

Sadusēno Yesu piki yah lékyî yilkínmāno tyí sǎkǒ

²⁷ Sadusēnole, nósýó ye, nónó-á ne, lékyî nǎh min sǎn we n pi. Pé no de Yesule, té à piki yah ne, ²⁸ pé kwó-ò dí, Moyisi-á kɪ wǎrkɪ sah pé kǒ ne nkě, sétě nê-à ku pi wé-ńkēne, té gbě me tǔ tyí, gbě mē-á yīne à pékúsè mē tokǒ, à mó wēnpì dubi à kǒ ñ nénkyí nǎhne. ²⁹ Nte, kèkùrkì nùkú dīnpì nēpì kwǎrnino yísyó-á lésǒ me. Nénkyí tǔ me sē tokǒ, té ku, té à sah píkǎnne. ³⁰ N sǒ syi me pi mē tokǒ. ³¹ Képah nǎh, tǔ-ò me à tokǒ. Kè n pɪ n yuku sě fǒó, pé nēpì kwǎrnímí pól à tokǒ. Té, pé pól pǒ ku, té à sah píkǎnne. ³² Képah nǎh, pi mē tǒ pǒ ku. ³³ Nte, pi mē-á de yah sě nēpì kwǎrnímí nǒpi tyí-à, lékyî min sǎn pónwe sǒle, à kɪ n pɪ n pi pé sǎkǒ ney nê tyíle?

³⁴ Pǎh yo sě, Yesu yo pé tyí: «Kèkǒyó mē tǔ wǎ sǎkǒ, sétókókì me, ànê, pédékè me. ³⁵ Nte, Liyel-á nónó kyomɪ we ne, pǎh yīne dénóle kèkǒyó sǎn sǎkǒ, té kɪ min sǎnne pè kǒ n pi lékyî min sǎn pónwe sǒle, pépi nǎh syó tokǒ n pi, pè nǎh n de n pi pɛbɪ tyí pólle. ³⁶ A kɪ pè wilki kǔ sǎkǒ, kɪ min sǎnne pè kǒ. Pè kɪ pɪ yīnyǒ tǔntǒnè tyí kǒle: Pè nǎh tǔ n ku n yah n pi. Pè ye pɪ Liyel pyele. ³⁷ Moyisi tǒ ye kè yo wah yíi ne nkě, lékyî-á kɪ pǒ pé syi min sǎn we. N sébéy fí nê-á dukuni tyíle n yo nê-á sǒ nyàh lépǒle ké sǎkǒ, képah sǎkǒ ye à Tě nǎgbě Liyel ye <Abrahmɪ Liyelle, ànê Yisakɪ Liyelle, ànê tǔ Yakobɪ Liyelle>. ³⁸ Liyel tyí, no pól me vyele. Képah ye, lékyî Liyel nǎh ñne, vye Liyel ye.»* ³⁹⁻⁴⁰ Wǎh yo sě, nìsǎh nǎh tǔ sǒ me pé tyí, kɪ à piki yah. Képah ye, Liyel nǎgbò wěkì kwópú yísyó yo ñ tyí ne, kwó-ò dí, wǎh wɛkɪ ple.

Kristale, Davidi yǒtǔ ye

⁴¹ Képah sǎkǒ, à me yo pé tyí: «Á kɪ yo sǒ ne, Davidi nǎh ney ó-á Kristale nê-á Liyel ne, pǎh kɪ tekɪ mǒ? ⁴² Té ñmǒ Davidi nǎh mó tǔ kè yo ñ yìgbìni sébéy sǎkǒ ne nkě: <Tě nǎgbě Liyel ye kè yo ñmǒ Tě nǎgbě tyí ne nkě:

«Pǒ n kǒ n tǔ n gbǒyǒ sǒle,

⁴³ fǒó kè pǒ no gbí nê-á

mé kɪ á sǎpébi pɪ á gbáhsúkile.»»

⁴⁴ Nte, Davidi nǎh we à ye ñ Tě NGBĒNE à kɪ tǔ pɪ sǒ, té kɪ pǒ n pɪ ñ nǎh ney óle?»

Yesu ne, pé tǒ sǎhpú pé gblǒyne n kyomɪ Liyel nǎgbò wěkì kwópúle

⁴⁵ Képah nǎh, à yo ñ tǒ sǎhpú tyí ñ wey nóhpú pól yí yah ne: ⁴⁶ «Liyel nǎgbò wěkì kwópúle, fwòmǎngbnǒ mónkǎnkǎno tyí no pé tyí. Pè n ne n me ké tyí ne, no ne n tǔ n sah n wɛkɪ pé tyí tǒwú tǔkè-ńtǎn sǎkǒ. Tě-ńtǎn gbɔ tyí no pé tyí Liyel ní-ńtǎn vè sǎkǒ, ànê yé yǒ-ńtǎn sǎkǒ. Yé yé gblǒyne n kyomɪ péle! ⁴⁷ Té pépi ó ye tǔ n vi n tǔ pékúsýole, à pé gbǎn yíle n syi, ñ té nírile n pɪ yǒsǎkìle, ñ névye yahle n pil ne, pǎh me tómm. Nte, pé tukey kɪ n pɪ n pi kǎpékèyǒ, à kal no tǔlǒ tyíle.»

21

Yínkǒno nê-á pékúsè pɪ

¹ Só yǒle, Yesu sǒ me Liyel wǒkò nǎgbě kǎntáhkì sǎkǒ, té wǎh ñ yah yǒ, à tahbɪ we, pè me pé yínkǒ kǒ póle n dah n mǒ n pǒ pǒ dáhnmo-ńsah kwáh sǎkǒ. ² A pékúsè yǎm

* **20:38** 20.38 - Nónó-á ku sǎkǒ di mǎnóle, kǎh yo ne, Liyel-á pɪ pépi Liyelle, képah n wěkɪ ne, pǎh me min sǎkǒ.

ney yó tɔ wɛ, à pɔ pópî pló nínó dah mɔ. ³⁻⁴ Képah sɔkɔ, à nɛ: «No pólle, pó nónó yétô náh mɛ pè tɛ, sépi ye pè tɔkɔ pɔ dah mɔ. Ntɛ, pékúsè yãm ney mènɛ, ñmɔ ye ñ yãm fõh, té ñ yõ yõ pól pól tɔkɔ pɔ dah mɔ. Képah ye, mé kéle n yo n dal n mɔ yé tyí kègbɪ yõ nɛ: ñmɔ-á dah mɔ kal no pólle.»

Yesu mɛ Liyel wòkò ñgbɛ sónó tyíle n yo n sah

⁵ Képah náh, névye tókù sò mɛ n yo nɛ, Liyel wòkò ñgbɛ-á mɛ plɛ: Nkɛ, ké mɔ mɔ dyêh, ànê ké vyó nónó-á névye yí Liyel kɔ, sãh mɛ kè syi yí. Ntɛ, Yesu mɛ yo pé tyí: ⁶ «Nê-á yé n yah yò kè, sèpìn yísyó mɛ n pi, dáhkì yó ntɛ náh n wũ n pi ké ní-ò yõ. Sé pól kɪ pirki.»

Yèvyãhrɪ tyi nónó-á kɪ n pi n pi, kèkõyó-à pópó n tyɛ

⁷ Képah sɔkɔ, pè mɛ Yesu piki yah nɛ ñkɛ, kwó-ò dí, gbí nê se képah kɪ pi nɪ? Anê, kwní yónmɔnɔ nê se kɪ wɛkɪ kéle nɛ, kãh kɪ n pi n pi nɪ? ⁸ A mɛ yo pé tyí: «Névye náhnáh kɪ pɔ ñmɔ yĩn tɔkɔ n pi pé yah yíine, té kɪ n yo nɛ ñkɛ, pépi-á Nmɔle. Nkɛ, ké gbí-á nɔ tɛ! Ntɛ, yé káh pé sò tɛ! Yé yé gblõynɛ n kyɔmɪ, yé káh ye ney pɔ yé pilki. ⁹ Yáh pɔ mál, ànê névye yúkúnyahlenɔ tyí yónóle n nohnɪ, yé káh ye tíkí yé tɛ! Képah ñgbò ye yĩne kè pi. Ntɛ, képah náh núkú n pi n pi kèkõyó mɛ tyénóle.»

¹⁰ Képah náh, à tɔ ñ syi yo pé tyí: «Kwil yó kɪ yuku kwil yóle n fwo. Tɔrí yó kɪ yuku tɔrí yóle n fwo. ¹¹ Sétáh syahrɪ ñgbnɔ kɪ mɛ n pi, té tãntãn náhnáh sɔkɔ, rýân pèl ànê kwɛkɪ kɪ mɛ de. Tíkítíkí tyi, ànê kwní yónmɔnɔ ñgbnɔ kɪ n wɛ yĩnyõ. ¹² Ntɛ, kéne tyi-à pópó n pi, pè kɪ yé tɛ fõh, té kɪ yé gbàh de mɔ pè kɔ pè kɪ tuke Liyel ní-ntãn vɪ sɔkɔ. Pè kɪ yé dah mɔ wòkònpèkè sɔkɔ. Pé kɪ yé tɛ kyɪ yòtãm ànê kwlo yah tɛpú tyí ñmɔ yĩnne. ¹³ Képah gbò yõ yé kɪ ñmɔ tyí wɛ yo pé tyí. ¹⁴⁻¹⁵ Ntɛ, yé ye, yé dyɔ nɛ mɛ n kwne nɛ, ñmɔ-á kɪ wɛy wɛkɪ dùkù ànê lékámne yé kɔ, nê-á kɪ yé fõhpú kɔ, pè náh fɛ n wɛkɪ yéle, ànê pè náh fɛ yé kɔlɪ. Képah ye, yépi tyí náh yé gblõy vìnóle, yé vyëy syi yĩnne. ¹⁶ Ntɛ, nónó ntɛ-á kɪ yé mɔ kũ kɔ n pi, yé dúbípú ye, ànê yé yũnpyele, ànê yé tyí névyele, à tahlɪ yé kódíbí tyí. Képah sɔkɔ, yé náhnáh kɪ ko mɔ. ¹⁷ No pól kɪ yé dyɔle n yo ñmɔ yĩnne. ¹⁸ Ntɛ, yé yòyén sɔkɔ yó ntɛ náh n yah n kwlo n pi. ¹⁹ Gbáhntɛnɔ sɔkɔ ye yé kɪ tyé-ñkɛ min wɛ.»

Yesu Yerusalemi yíkinó tyí yo sah

²⁰ «Yáh mégbãn wɛ sè Yerusalemi mɔ gbɪ gbí nêne, yé pĩ nɛ, ké sɔ gbí-á nɔ. ²¹⁻²² Kéne sèpìn kɪ pi pèkè wɔ dénóle, Liyel sébéy sɔkɔ tyi wárkínsàhnó pól kɔ sè kɪ pi tũ. Képah ye, nónó-à mɛ Yude kwil sɔkɔ, pépi to de ymɔ sɔkɔ. Nónó-à mɛ Yerusalemi kwil táh sɔkɔ, pépi wil. Nónó-à mɛ gbnɔ sɔkɔ, pépi káh de kwil táh. ²³⁻²⁴ Kè kɪ pi kéne sèpìn sɔkɔ yèvyãhrɪ ñgbɛne kwil sɔkɔ. Té Liyel kɪ yuku kwil mɛ névye yõ fòkòvyãhnine. Pè kɪ ko mɔ kèkírnnɛ, kɪ tɛ yuku yõbɪle kèkõyó kwlo pól sɔkɔ. Té Liyel pí-ñkɛ névye kɪ Yerusalemi yúkú pól tɛne fóó, kɪ pɔ syi pé gbí tyénó tyí. Képah ye, kéne sèpìn sɔkɔ, kè kɪ pi yí yèvyãhrɪle syó kũrn nɛtãn, ànê yõkɪ nɛtãn tyí.

Névi Pi syínpɔnɔle

²⁵ Képah sɔkɔ, kwní yónmɔnɔ kɪ wɛ gbí sɔkɔ, ànê ñwɔ sɔkɔ, ànê ñwɔ kèpye sɔkɔ. Té kèkõyó névye pól yáh-nsah kɪ mɛ tyɛ kèpékèyô. Pnɛ yɔ gbni kèpékè ànê ké fúndokɔnɔ tíkí kɪ mɛ pè kah tɛ. ²⁶ Yĩnyõ táhkinó kɪ yike. Képah ye, tyi nónó-á kɪ pɔ n pi n pi kèkõyó, sépi tyí sɔnɔ tíkí kɪ névye ko. ²⁷ Képah sɔkɔ, pè kɪ Névi Pi wɛ à kɪ mɛ n pi

nyírki soko ò tǎhkì pólle, ànê ò gblò soko. ²⁸ Kéne tyi-à pópó tyah n pi gbí nêne, yé pwáhnmonò me nò n te. Kàh pi sě, yé yuku yīn, yé mó sǒré mọ yé gblóy soko.»

Kwónó nê-á pi sènsóké séswô tyí yô

²⁹ Képah náh, Yesu tǒ sèmirkì yó yǎh pé tyí ne: «Yé yah sènsóké séswô, ànê sésân téló pólle kè: ³⁰ Yáh sè we sè tyah n tyè m̀snole, yé n pĩ ne, ki de gbí-á me yúkey. ³¹ Sě ó ye, yáh pópó kéne tyi we sè tyah n pi gbí nêne: Yé pĩ ne níkě, Liyel tǒrí-á me yúkey. ³² Kègbi yô, mé kéle n yo n dal n mọ yé tyí ne: kwey gbí névye pól náh n ku n te n pi, té kéne tyi pól kú yīni tē. ³³ Yinyô ànê sétáh kú pọ tyè, nte, nmo welo náh n tyè n yah n pi pólle.»

Yé káh yé dyo mọ n fwo Yesu syínpono tyíle

³⁴ Yesu tǒ yo pé tyí: «Yé yé gblóy kyomú syáh syáhnóle, ànê sètēnì pínóle, ànê kèkōyó mè tyi sònole. Sé káh n pọ yé lékám pi tǐntí. Képah-à pi, kèkōyó tyè só kú yé kwokú tē. ³⁵ Sě tọ ye, ké lésó kú kwokú tē sétáh yô névye pólle, sǒ-á yěnkycó tē tē mọ n tē yěnkycóle. ³⁶ Nte, yé káh yé dyo mọ n fwo, yé nírilé n pi gbímegbí. Képah soko, tyi nóno pól-á n pi yò, yé kú tēnweno we sé yô, té kú fě pọ yuku yīn Névi Pi yah tukey soko.»

Yesu sèp̀in téló pínóle Liyel wòkò òngbē kéntáhkì soko

³⁷ Ké légbíne, tyah kyòo yah soko, Yesu níkēne n kyí kwónó pi Liyel wòkò òngbē kéntáhkì soko, ò té n kyí lékáh pi yòle yó yô nê-á pè n ye Wólívi yèh yòlile. ³⁸ Té à toko séngbǒ púsó tyí, no pól n pọ nóhnó pi ò tyí Liyel wòkò òngbē kéntáhkì soko.

22

Nsyifuno yòtām Yesu tyí yo syi

¹ Búrn sě-ńkě syáh nê-á pè n ye Pakule, képah déntenò soko, ² sárká wìlkipu yòtām òngbò, ànê Liyel òngbò wèkì kwópú sò me syǒ-ńsahle n yah n kǒ, pǎh kú pi sǒ, té Yesu ko mọ n pi. Té névye yah tíkì sò me pè tē.

Yudası vìnóle Yesu náh

³ Té légbíne, sétān yòtē de Yudası soko nê-á pè n ye Yisikariyotile. Yesu tǒ sáhpú népí gbǒnimí soko ney yó ye sò òne. ⁴ A me soko, à kyí yo sárká wìlkipu yòtām òngbò, ànê Liyel wòkò òngbē kyòmìpu yòtām tyí, wǎh ne Yesu tē pè kǒ n pi dükù nêne. ⁵ Képah soko, kè nọ pé tyí. Pè me yo sah núkú yô ne níkě, páh kú póle à kǒ. ⁶ Yudası me fě syi, té tyah ké wénpi-ńsahle n yah n kǒ, wǎh pi sǒ, té Yesu dahbi n pi pé gbò, névye pí-ńkě soko.

Yesu pè kǒ pè Pakı yòke tē-ńsah yah

⁷ Búrn sě-ńkě syáh sǒ-á pọ nọ, nê soko-á sò Pakı képyénì kú n ko n pi, ⁸ Yesu me Pyeri ànê Nsyǒ tekı mọ ne, pè kyí Pakı syáh yòke tē-ńsah yah sah yô yô tēne. ⁹ Pè me à piki yah ne, nyǎh soko se à me ké tyí ne, pé kyí kè pi ní? ¹⁰ A me yo pé tyí: «Yé yah, yáh kú n de kwil soko gbí nêne, yé kú dí yó yohnu, à kú me ní pín twah. Yé ò sò tē. Wáh kú kyí de kéte nê soko, yé de nénpó. ¹¹ Yé mó yo kétéť tyí ne, kwó-ò-á yo ne níkě, wòkò nê soko se pé kú pọ yòke yô n pi ànê pé tǒ sáhpúle ní? ¹² Képah soko, à kú yinyô wòkò soko táh òngbē yóle yé wèkì, gbò vi vyó pólle kú soko. Nénpó soko ye, yé kú pi Pakı syáh yòkele.» ¹³ Képah tēne, pè me soko. Yesu-á kè yo sǒ pé tyí, pè mó ntyínò kyí ké pól we sě. Pè me Pakı syáh yòke pi nénpó.

Yesu yōke yónó téyne

¹⁴ Yōke yō gbí-á pɔ nɔ, Yesu ànê ñ tɛntōbe-á pɔ tɛ yōke yah sɔkɔ gbí nêne, ¹⁵ à me yo pé tyí: «Mé sò me ké tyí náhnáh ne, mé Paki yōke mè yō yéle, mé mó pyè de yèvyàhri sɔkɔ. ¹⁶ Nkě, mé kéle n yo yé tyí ne: mé náh tō Paki yōke mè yō n yah n pi fóó, kɪ kyɪ syɪ ké tyi pɪntũno tyí Liyel yòtòrí sɔkɔ.» ¹⁷⁻¹⁸ Képah sɔkɔ, à me ñvè wɔ wɔ kwâh tɔkɔ ñvène ké sɔkɔ, à wɛkɪ Liyel tyí, té yo pé tyí: «Mé kéle n yo yé tyí ne: à tɔkɔ núkúnúkú tyí, mé náh tō ñvè wɔ n yah n pi fóó, kɪ pɔ syɪ Liyel tórí pónó tyí. Képah ye, yé syɪ kéle, yé wɔ dibi wě tyí.» ¹⁹ Képah náh, à me búrn tɔkɔ, té wɛkɪ Liyel tyí, té kè kwɔkɪ dibi pè kɔ, té yo pé tyí: «Ñyɔle, ñmɔ wil ye, nê-á kɪ kɔ yépi yinne. Yé sɛntɛne n pi, sɔ-á mé n pi kéle. Képah sɔkɔ, yé dyɔ kɪ n kwne ñmɔ tyíle.» ²⁰ Yōke yónteno náh, à tō ñvè tɔkɔ, à pè kɔ sɛntɛ óle, té yo pé tyí: «Ñyɔle, ñmɔ tó ye, nê-á kɪ kwe yépi yinne, kɪ pi yégbékè kwrónmɔno késánnɛ Liyel ànê nénye wró. ²¹ Nte, yé yah, névi nê-á kɪ n vi n pi ñmɔ náh, ñmɔ tɔ me n yō ñne fí núkú. ²² Névi Pi kɪ ku, sɔ-á Liyel yah tɔkɔ kéle. Nte, névi nê-á kɪ n vi n pi ñ náh, pèkè kɪ pi ñmɔ tyíle.» ²³ Képah tɛ sɔkɔ, pè tyah wène n piki n yah ne, pépi tɛ sɔkɔ nê se kɪ n pi n pi képahle nɪ?

Nê tɛ kal?

²⁴ Képah náh, pè me tyah, à yékâble n pi. Pè sò me ké tyí ne, pé pĩ nê tɛ-á kal pépi sɔkɔ. ²⁵ Képah sɔkɔ, Yesu me yo pé tyí: «Kèkòyó kwlo yòtām ñkěne pé tóríle n sah sé yō, ànê tórí-á me nónó gbò, pépi n ne me ké tyí ne, no pé yíngbíle n yo. ²⁶ Nte, yépi tɛ tyí náh yíne kè pi sɛ. Nê-á yah tɛne yépi sɔkɔ, ñmɔ pyè yíne à pi yé pól gbè sɔ. Yòtòrí-á me nê gbò, ñmɔ pi yé pól tònpi sɔ. ²⁷ Yépi tɛ tyí, névi nê-á tɛ yōke yah, ànê nê-á n tɔkɔ n kɔ kéle, nê tɛ kal pépi sɔkɔ? Nê-á tɛ yōke yah, ñmɔ náh di? Nte, képah fyé yō, ñmɔ me yépi wró sɔkɔ tònpi sɔ. ²⁸ Yépi tɛ wɔle, yépi ye sò me ñmɔle ñ yèvyàhri pí-ñtân sɔkɔ. ²⁹ Képah ye, ñmɔ sú-á tóríle ñ kɔ sɔ, ñmɔ tɔ kɪ kéle yé kɔ sɛ. ³⁰ Képah sɔkɔ, yé kɪ pɔ n yō, té kɪ n wɔ ñmɔle fí núkú ñ yòtòrí sɔkɔ. Anê yé kɪ pɔ kɔ tɛ yòtòrí klò yō, kɪ tukey tuke Yisrayel nénye ñnno gbõninó yō.»

Yesu ne, Pyeri-á kɪ pɔ ñ vyāh kɔli ne, pé náh pé pĩ

³¹ Képah náh, Yesu yo Simo Pyeri tyí: «Simo, Simo! Sétàn yòtɛ ye ké wɛkɪ yah kɔ ne, pé yé fe, sɔ-á sɛmukɔle pè n fe gbéy sɔkɔ. ³² Té mé me Liyel ni á tyí ne, á Liyel yō sɛnó káh tɛ syi á tyí. Té, wâh á syi pɔ ñmɔ tyí gbí nêne, sórɛle n mɔ yé no sɔkɔ.» ³³ Wâh yo sɛ, Pyeri me yo ñ tyí ne, péwɔ tɛ wɔle, káh kɪ sɔ n pi wòkònpèkè sɔkɔ dénóle, képah náh pi, kũne, péwɔ-á me pé vi sah kɪ de ñne sépi pól sɔkɔ. ³⁴ Nte, Yesu me yo ñ tyí: «Pyeri, mé kéle n yo á tyí ne: kwey lékâh sɔkɔ, sɛnpe náh tɔñi me n gbo n pi, té á kɪ me á vyāh kɔli tɛ gbáhyí tɔnó ne ñkě, á náh ñmɔ pĩ.»

Méfwókwâh tyíle

³⁵ Képah náh, Yesu me yo pé tyí: «Ñmɔ-á sò yé tō gbí nêne, té yo yé tyí ne, yé sɔkɔ pó, ànê pilki, ànê lékyèh kěne, kwâh yó se kyɪ tekɪ yé tyí?» Pè me yo ñ tyí ne, kwâh yó náh tekɪ. ³⁶⁻³⁷ Képah sɔkɔ, à me yo pé tyí: «Mé kéle n yo yé tyí ne: wey nê-á wârku ñmɔ tyí sɔkɔ ne ñkě, pè à mɔ kɔ tyípél pípú wró, képah kɪ n pi n tũ n pi. Tyi nónó-á yo sah ñmɔ tyí sɔkɔ, sé pi gbí me nɔ n tɛ. Képah ye núkúnúkú tɛ wɔle, pò-á kɪ me nê tyí, tɛ kè tɔkɔ. Anê képah núkú-ó ye: Pilki-á kɪ me nê tyí, tɛ kè tɔkɔ. Té kèkírki-á kɪ n kne nê tyí, tɛ ñ fwòmò-ñgbè yām kèyāh dwe.» ³⁸ Képah sɔkɔ, tò sáhpú ne, à yah, kèkírnnɔ nínó-á yò. A me ne, káh yíne.

Yesu ñirí pínóle Wólívî yèh yòli yō

³⁹ Képah náh, Yesu me wil soko Wólíví yèh yǒli yǒ, wǎh dar te n kyɪ n pɔ sǒ. Té n tò sǎhpú me n sò tǔ. ⁴⁰ Wǎh yīni tǔ nénpó gbí nêne, à yo pé tyí ne, pè Liyelle n ni, mónyahno káh pɔ tǔ we pé tyí. ⁴¹ Képah náh, à gbe mo tǔ péle fíí kwéy, dáhkì mínno ke núkú yínintē-nsah kénkǒle. Té gbètukuno di, à nírile n pɪ, ⁴² me n yo ne: «Bǒ, wǎh kɪ me ké tyí, yèvyǎhrɪ mè wró gbe mo ímole. Nte, kè káh pɪ ímo dɔ dɔ tǔne. Áwo dɔ dɔ tǔ ó pɪ.» [⁴³ Légbíne, yīnyǒ tǔntǒ yó wil n yah, à pɔ tǎhkìle à kǒ. ⁴⁴ Té Yesu min sò me yèvyǎhnpèkè soko. A tǔ wǎn mo Liyel nínó yǒ. N wil myèh pɔ pɪ tókwíl sǒ, à n kwe sétáh.] ⁴⁵ Wǎh nírí pɪ te gbí nêne, à yuku kyɪ n tò sǎhpú tnô. A kyɪ ne yah, pè me n dɔ yèkwɔrɪ kwlónó tǔ tyí. ⁴⁶ A yo pé tyí: «Kwǎh nê pɪ, té yé n dɔ sǔ? Yé yuku Liyelle n ni, mónyahno káh pɔ tǔ we pé tyí.»

Yesu tǔnǒle

⁴⁷ Yesu me wékínó soko sǔ, té Yudasɪ nê-á n tò sǎhpú népí gbǒnimí soko yóle, ñmo tówú yó yah tǔ pɔ wil mo n yǒ. Té no de ñne ne, pé à pɔrɪ tǔ, pé wekɪ n tyí. ⁴⁸ Nte, Yesu me yo n tyí: «Yudasɪ, póríntēno soko se á kɪ de mo Névi Pi gbàhle?» ⁴⁹ Nónó-á sò me Yesule, pǎh pɔ kè kyɔmɪ à pǐ tir nê-á kɪ pɔ n pɪ n pi, pè yo Yesu tyí ne, pépi Tǔ ñgbě, pé se kèkírnnè n de no tyí nɪ? ⁵⁰ Té sárká wǐlkɪpu yǒtǔ tǔnpɪbɪ nónó-á sò me, Yesu tò sǎhpú soko ney yó núkú n kèkirkìle pépi soko yó gbòyò sò níkí we kǒ kām. ⁵¹ Képah soko, Yesu me yo pé tyí: «Yé yīn sǔ.» Té tǔ dí mè níkí tyí, kè me tye.

⁵² Képah soko, sárká wǐlkɪpu yǒtām, ànê Liyel wòkò ñgbě kyòmɪpu yǒtām, ànê yèwàhnì nónó-á sò pɔ Yesu tǔ-nsah, à yo pé tyí: «Yé pɔ ímo tyí kèkírnnè ànê léplóle kèlékè névi sǒ ñne nɪ? ⁵³ Nte, swǒ swǒ pǒlle, mé sò íkǔne n ne n me yéle Liyel wòkò ñgbě kéntáhkì soko, yé náh n tǔ. Té yépi gbí ye se núkúnúkú, ànê sétǒ tǎhkì pɪ gbíne fǔntǔ soko.»

Pyerɪ n vyǎh kǒli ne, pé náh Yesu pǐ

⁵⁴ Képah náh, pè Yesu tǔ, à soko ñne sárká wǐlkɪpu yǒtǔ ñgbě kéte. Pyerɪ sò me pé sò tǔ n kɔ péle fíí. ⁵⁵ Pè sò me nyàh mo kéte nuyó, me kǒ tǔ wǔ tyí, té Pyerɪ to sò me péle nyàh yah soko. ⁵⁶ Képah soko, tǔnpɪ pi yó à we kǔntēnǒle nyàh yah, té à gbah yah díkídíkí, té ne, dí mè to-á sò me Yesule. ⁵⁷ Wǎh yo sǔ, Pyerɪ me n vyǎh kǒli pi tyí ne, pé náh à pǐ dé. ⁵⁸ Dǒ kwéy, dí yó tǔ à we, té ne, ñmo tole, kéne no soko ney yó-á ñne. Képah tǔne, Pyerɪ me yo n tyí ne íkǔ, pé soko ney náh péwǒle. ⁵⁹ Képah náh, lérí núkú kénkǒ sókónteno náh, dí yó tǔ kè gbah yo ne íkǔ, yékâb náh me ké soko, dí mè to-á sò me ñne, Kalile ney-á ñne dò. ⁶⁰ Képah soko, Pyerɪ me n syɪ yo n tyí ne íkǔ, péwǒ náh me n wey mè syíkí-nsah we dé dí. Nénpó swɔ, Pyerɪ me képah yónó soko sǔ, té sénpe gbo. ⁶¹ Tǔ ñgbě Yesu me n yah vi Pyerɪ yah díkídíkí. Képah soko, Pyerɪ dɔ núkú to kǒ n wey mènne, wǎh sò nê yo n tyí ne, sénpe-à kɪ pópó n gbo kweyne, wǎh kɪ me n vyǎh kǒli te ke tǔnó ne íkǔ, pé náh péwǒ pǐ. ⁶² Kǎh pɪ sǔ, à me wil kégbó, à kyɪ nǎhnpǐ gbní kah gbo.

Yesu gbyòno ànê n kónǒle

⁶³ Képah soko, Yesu-á sò me díbí nónó gbò, pè sò me kǒle ñne n ko, té me ñne n syíkɪ gbǒnkukèle. ⁶⁴ Pè sò me n yah pukubi, té me n yo n tyí ne, à sǎh pǐ, névi nê-á mɪ ñne. ⁶⁵ Té tǔ me ñne n gbyɔ wèntúkùnì náhnáhle.

Yesule Nsyifuno tukey tǔkèpu yah soko

⁶⁶ Képah náh, tyah-á dal, Nsyifunɔ yèwàhni, ànê sárká wìlkìpu yòtām ñgbɔ, ànê ñgbò wěkì kwópú wě tuke mɔ. Pè me pɔ Yesule pé tukey tükè-nsah ñgbě sɔkɔ, ⁶⁷ té yo ñ tyí ne, ñmɔ-à kɪ ne Kristale, Liyel ney tékinmonɔle, à kè yo pé syah. A me yo pé tyí: «Máh kɪ kè yo yé syah, yé náh n sě n pi ké yō. ⁶⁸ Anê máh kɪ se yéle n piki n yah, yé náh vi mɔ n pi ní tyí. ⁶⁹ Nte, à tɔkɔ núkúnúkú tyí, Névi Pi kɪ kǒ tē tyi pól Tē ñgbě Liyel gbòyò sòle.» ⁷⁰ Képah sɔkɔ, pé pól núkú yo ne, ñmɔ tē tyí, ñmɔ-á Liyel pile kè? Yesu me yo pé tyí: «Yépi ntē ye kè yo te ne nkě, ñmɔ-á dò.» ⁷¹ Képah tēne, pé ne, tārɸyò nê tē se tǒ pé kɪ n yah n kǒ ni? Pépi ntē-á kɪ noh, à kè yo ñ vyāhle.

23

Pè kyɪ Yesule Pilatɪ tyí

¹ Képah náh, pé pól me yuku, à Yesu tē kyɪ Pilatɪ tyí. ² Nénpó sɔkɔ, pé tyah lékàhle ñne n kǒ ne, páh dí mè kyɔmɪ we, à me pé kwil névye yòle n yɪkɪ, me péle n yīni n mɔ mórí mónóle yòtē ñgbě Sesarɪ tyí. Té ñmɔ ntē-á me n yo ne nkě, péwɔ-á yòtēne, nê-á sò Liyel ne, páh kɪ tekɪ mɔ. ³ Képah sɔkɔ, Pilatɪ me à piki yah ne, ñmɔ se Nsyifunɔ yòtēne ni? A me yo ñ tyí: «Áwɔ ye yo kéle.» ⁴ Pilatɪ me yo sárká wìlkìpu yòtām ànê no pól tyí ne, péwɔ náh tir yó we dí mè tyí pólle, nê-á yīne lékàhle ñ kǒnóle. ⁵ Nte, pé tǒ me kè gbah yo tū ne nkě, wāh me névyele n kwɔ nòhni-ñkēne, Yude tǎntǎn pól sɔkɔ. Kalile kwil sɔkɔ-á à tyah kéle fǒó, à pɔ de ásò.

Pè kyɪ Yesule Yerɔdɪ tyí

⁶ Pilatɪ-á képah noh nýāh sɔkɔ, à pikinyahɔ pɪ ne, Kalile ney se dí mēne ni? ⁷ Wāh ɸyò ñ wìl-nsah tyí noh, té pī ne, Yerɔdɪ-á nénpó yòtēne, à núkú à tekɪ mɔ ñmɔ kǒ. Té kè mó pɔ yīne Yerɔdɪ sò me Yerusalemɪ kéne sèpìn sɔkɔ. ⁸ Kè pɪ di mónóle, Yerɔdɪ sò me Yesu tyí yónóle n nohni, té me ké tyí ne, pé à we à ne n me gbìl yóle n pɪ. Képah ye, wāh à we, kè pɪ nìvì ñgbēne ñ tyí. ⁹ A me à gbah piki yah náhnáh, té Yesu náh dahbi wilki ñ tyí. ¹⁰ Képah sɔkɔ, sárká wìlkìpu yòtām ñgbɔ ànê Liyel ñgbò wěkì kwópú sò me nénpó, té me lékàhle ñne n kǒ fǒó kèpékèyò. ¹¹ Yerɔdɪ ànê ñ sràsýibi-á kóle à ko, té me à yilo te gbí nēne, pé me yòtǒrí fwo yó mɔ à kǒ, té pé syɪ à tekɪ mɔ Pilatɪ kǒ. ¹² Pilatɪ ànê Yerɔdɪ sò me wě sèpébúle ñgbòle, té lésòle, pé kódírí toh.

Pè Yesu gbàh de mɔ kǔ kǒ

¹³ Képah sɔkɔ, Pilatɪ sárká wìlkìpu yòtām ñgbɔ, ànê kwil yahtām, ànê névye ye tuke, ¹⁴ té yo pé tyí: «Yé dí mè tē pɔ, té ne, wāh me névye yòle n yɪkɪ. Nte yah, yépi tɔ yí yah ye mé piki yah ñne. Mé náh tir yó ntē we ñ tyí, yáh nónóne n yo n sah ñ yō, nê-á yīne lékàhle ñ kǒnóle. ¹⁵ Yerɔdɪ ntē tɔ náh tir yó we ñ sɔkɔ, wāh sǒnpí ñ syɪ à tekɪ mɔ ápi kǒ. Kǎh pɪ sě, dí mè náh tir yó ntē pɪ nê-á yīne kǔne. ¹⁶ Képah ye, mé kɪ à ko yèfòhle, té kɪ à fin mɔ.»

[¹⁷ Té Pakɪ syáhnó pól sɔkɔ, Pilatɪ sò yīne à wòkònpèkè sɔkɔ névi yó fin mɔ pé kǒ.] ¹⁸ Képah tēne, pé pól tyah n kwɔ n gbo n mɔ ne, à dí mè ko mɔ, à mó Barabasɪ fin mɔ. ¹⁹ Té Barabasɪ sò me dáhnmonɔle wòkònpèkè sɔkɔ kèlékě tir yó yō, nê-á pɪ kwil sɔkɔ, ànê nékókè mónóle. ²⁰ Té Yesu fínnmɔ dékè-á sò me Pilatɪ tē, à tǒ ñ syɪ kè tǒ yo pé tyí. ²¹ Nte, pé tǒ gbo mɔ ne nkě: «À syɪ dahni yō! A syɪ dahni yō!» ²² Pilatɪ me tǒ wey tɔkɔ kè tǒ-òle, à yo pé tyí ne, tyítúkù nê se à pɪ ni? Péwɔ náh tir yó ntē we ñ sɔkɔ, nê-á yīne kǔne. Képah-á, páh kɪ à ko yèfòhle, té kɪ à fin mɔ. ²³ Nte, pé me yō sɔkɔ kéle n kah n yo náhnáh ne nkě: «À syɪ dahni yō.» Képah tēne, pé kàhngbonmonɔ pɔ

tě we Pilatı tyí. ²⁴ Képah soko, à me kè yah toko ne, nê-á pè n yah n kō, képah-á kɩ pi pé tyí. ²⁵ Dí nê-á sò pè dah mo wòkònpèkè soko, kèlékè yó ànê nékókè mónó yinne, ñmo nê-á sò pè n yah n kō ñ tyí, à ñmo fin mo, té Yesu pi pépi dyo yíi tēne.

Pè Yesu syi dahnı yō

²⁶ Képah soko, pãh Yesu tē n soko syí-ńsah gbí nêne, pè Sireni kwil dí yó yohnı, pè n ye Simole. A me wil swãh, me n de Yerusalemı. Pè me ñmo tē Yesu dahnıne, à twah mo ne, à ñ sò tē. ²⁷ Té tówũ ñgbē sò me n yuku ñ náh, à tahlı syó tyí nónó-á sò me n gbo pé gbãne n kōhlı pé nı yō yèkworı tē tyí Yesu yinne. ²⁸⁻²⁹ Képah soko, Yesu me ñ yah vi pé tinne, té yo pé tyí: «Sèpın yısyó me n pi, névye kɩ pɔ tyah n yo ne, yòbènrı-á me pikán syó tyí, ànê nónó-á pè náh pi dubi yah, ànê pè náh yãne piri kō yah. Képah ye Yerusalemı syó, yé káh ne n gbo ñmo yinne. Yé ne n gbo yé gblöy, ànê yé wènpı yinne. ³⁰ Ké légbıne, névye kɩ pɔ tyah n yo tley tyí ne, sè syıkıli pé yō. Té kɩ yo ymo tyí ne, sè vike tũ pé yah. ³¹ Nte, pãh séswónpòle n pi sē, séswónkòkò wo tyí kɩ pɔ n pi n pi sǒ?» ³² Té pè sò me tyípèl pípú népı ními to tē kyı, nónó-á kɩ kyı n ko n mo n pi ànê Yesule wē tyí.

³³ Pãh kyı yini tē fı yó, nýãh-á pè n ye «Yògbèkè tyahle», pè à syı dahnı yō nénpó ànê tyípèl pípú népı ními nópıle pé tyí tyí dahlo yō. Núkú sò me syínóle ñ gbòyò sò, ní-ò me syínóle ñ gbèyìnè sò. ³⁴ Légbıne, Yesu me ne: «Bǒ, pãh nêne n pi, pè náh kè pı. Képah ye, á gblöy ye pé tyí.» Képah náh, sràsyíbı me ñdan mo, à ñ flo dibi wē wró. ³⁵ Névye sò me yinntēnóle nénpó me n yah. Té Nsyifunó yòtãm wo sò me kóle ñne n ko, me yo tũ ne, wãh névye tókú pwah mo, ñte à ñ gblöy pwah mo mó kè, ñmo-à kɩ nê Kristale, Liyel yáhntokonole. ³⁶ Sràsyíbı to sò me kóle ñne n ko, té no de ñ tnô, à ñdivè yórenóle à kō, té ne, ³⁷ ñmo-à kɩ nê Nsyifunó yòtēne, à ñ gblöy pwah mo kè! ³⁸ Té kè sò me wárkınsynole Yesu yòtah ne: «Nýole, Nsyifunó yòtē ye.»

³⁹ Képah soko, tyípèl pípú nónó-á syı dahlo yō, pé soko núkú sò me Yesule n gbyo ne, ñmo kó Kristale nı? A ñ gblöy pwah mo, à mó pépi to pwah mo! ⁴⁰ Nte, ñ ní-ò me wekı ñ yō, té yo ñ tyí ne, à kó Liyel yah tıkile n pi nı, ñmo nê-á me kéne yèvyãhrı núkú mē soko? ⁴¹ Pépi tē wo tyíle, pé yèvyãhrı pínó yah-á. Pé tyípínó kōli-á n dyah péle. Nte, ñmo tē náh tir yó nte pi pèkèle. ⁴² Té tǒ ñ syı yo Yesu tyí: «Yesu, á dyo to n kō ñmo tyíle, wãh pɔ á yòtǒrí soko gbí nêne.» ⁴³ Yesu me yo ñ tyí: «Kègbı yō, mé kéle n yo n dal n mo á tyí ne: kwey mē nte soko, á kɩ me ñmole Liyel fǒ soko pal tē-ńsah.»

Yesu kúnóle

⁴⁴ Gbintǒ pǒle, gbı yah kwlo, fěntũ mo kèkòyó pól soko pópó, à pɔ syı gbèkãm gbı tyí. ⁴⁵ Nénpó swo, fwògbrökè nê-á Liyel wòkò ñgbē fokò táh kō kah, kè to ké nyó. * ⁴⁶ Yesu me kah de syı ne nkè: «Bǒ, mé ní minne n dahbı á gbò.» Képah yóntenó náh, à ku. ⁴⁷ Sràsyíbı lèkwē yòtē dí-á képah we nýãh soko, à tyah Liyel yinne n gbilki me n yo ne, kègbı yō, négbı-á sò dí mēne. ⁴⁸ Té nónó pól-á sò me pɔ yin tē kéle n yah, pãh kéne tyípínó we sē, pé pól sò me pé gbã kōhlı pé nı yō me n soko. ⁴⁹ Anê nónó pól-á sò Yesule n pne, à tahlı syó nónó pól-á sò wil Kalile kwil soko, à pɔ ñne wē tyí, pé pól sò me yin tē fıı, té me n yah.

Yesu yínóle diki soko

* 23:45 23.45 - Yah n te Yebre sébéy 6.19 ; 9.1-8 ; 10.19-20 soko.

⁵⁰⁻⁵¹ Té dí yó sò me, pè n ye Yosefule. A sò n wil Nsyifunɔ kwil yó sɔkɔ, nê yĩn-á Arimatɩle. Nsyifunɔ tukey tükèpu sɔkɔ ney yó ye sò. Té pèpɔrɩ pí-ò négbí ye sò ñne. A náh sò n de pé no téló tyi yáhtɔkɔnɔ, ànê sé pínó sɔkɔ. Anê, à sò me Liyel tǒrí pónóle n syɩkɩ. ⁵² Ñmɔ me kyɩ wil Pilatɩ tyí, à Yesu lékó ni ñ tyí. ⁵³ Té me kyɩ à tiki mɔ dahnɩ yõ, té fwɔle à plo, à kyɩ dah mɔ diki yó sɔkɔ. Kéne diki sò tũ tekɩ sɔkɔ, té lékó yó ntě náh tǒnì sò dah mɔ yah ké sɔkɔ. ⁵⁴ Té lésòle, gblɔy vĩnsàhnó yòh ye sò Nsyifunɔ tyí, dendal mɩ mɩ yòh yĩnne. ⁵⁵ Syó nónó-á sò wil Yesule, Kalile kwil sɔkɔ, pè Yosefu sò tẽ kyɩ diki yõ. Pè kyɩ diki yah mɔ, ànê Yesu dáhnmɔ dùkùle ké sɔkɔ. ⁵⁶ Képah náh, pè pé syɩ to yuku kwil sɔkɔ, à kyɩ nɩrɩnó, ànê làsèkwèl pèplo yah sah lékó yĩnne.

Té me mɩ, pé mɩ mɩ yòh sóle, sǒ-á kéle Liyel tyi kònsàhnó sɔkɔ.

24

Yesu yúkúnwìlnóle diki sɔkɔ

¹ Nsyifunɔ mɩ mɩ yòh-á sɔkɔ, ké dendal séngbǒ pú pùle, syó nópi yuku sɔkɔ diki yõ, pé nɩrɩ pèplo nópile, pǎh sò nónó pɩ sah. ² Pè kyɩ ne n yah diki yah dáhkì me píntonɔle. ³ Pǎh de diki sɔkɔ, pè náh kyɩ Tě ñgbě Yesu lékó we. ⁴ Kǎh pɩ sě, pé fɔkɔ fil. Pǎh me képah sɔkɔ, díbí népî nímí yísyó wil pé yah, nónó wil flo-á sò me n tẽ pèrr. ⁵ Tíkí tẽ tyí, syó nópi pé yey sɩnki sétáh. Díbí nópi me yo pé tyí: «Kwâh nê pɩ, té nê-á min sɔkɔ, yé pɔ ñne n yah n kò diki sɔkɔ? ⁶ A náh me ásô. A ye ñ syɩ min we. Wǎh lésò me Kalile sɔkɔ, té nê yo sah yé tyí, yé yé dyɔ to kò képahle. ⁷ A náh lésò ne ñkě, Névi Pi-á yĩne à dahbɩ tyípèl pípú gbò, wǎh yĩne à syɩ dahnɩ yõ, té ñ kúnó sèpɩn tǒ-ò sóle, à mó ñ syɩ min sǎn we di?» ⁸ Légbíne, syó nópi dyɔ núkú to kò Yesu weyne. ⁹ Pè me yal diki yõ, à kyɩ tyi nópi pól yǎh tò sǎhpú népî gbõnúkú syah ànê no téló pólle. ¹⁰ Makadala kwil Mari, ànê Nsyɩn, ànê Nsyakɩ yú Mari, ànê syó nónó-á sò me péle, pépi ye yǎh tyi nópile Yesu tǔntòbe tyí. ¹¹ Nte, kéne welo sò me pɩ tẽ pé tyí sèmɩrn sǒ. Pé náh sě sé yõ. ¹² Kǎh pɩ sě, Pyerɩ wɔ mó yuku to kyɩ diki yõ. Wǎh kɔ yah, à lékó flo ó we. N gbǎn du tir mè pínó dùkùle, à me ñ syɩ to yuku ñ tĩnne.

Yesu ànê tò sǎhpú népî nímíne Yemayusi kwil wěkì yõ

¹³ Ké lésò me óle, Yesu tò sǎhpú népî nímí sò me n yuku kwil yó sɔkɔ pè n ye Yemayusile. Kéne kwil ànê Yerusalemɩ wró sò me lérínó nínó kó-ńsahle. ¹⁴ Tyi nónó-á pɩ, pè sò me sépi yáhnó sɔkɔ wě tyí. ¹⁵ Pǎh me yáhkì ànê wě vɩnmɔnɔ sɔkɔ gbí nêne, Yesu me pɔ kwɔ mɔ pé sɔkɔ, à wěkì pɩ núkùle péle.

¹⁶ Nte, kè sò pɩ á kɩ ne pé yah sǒ me syĩ, pè náh sò me tẽ we à yah pĩ yĩne. ¹⁷ Képah sɔkɔ, à me pè piki yah ne, tir nê se pè n yǎh, té n kɔ nɩ? Pè me yĩn, té me yèkwɔrɩ sɔkɔ sě. ¹⁸ Té pé sɔkɔ ney núkú yó sò me, pè n ye Klewopasile. Ñmɔ me yo Yesu tyí ne, ñmɔ gblɔy ó se me Yerusalemɩ sɔkɔ, tyi nópi pí-ńkěne, nónó-á pɩ ké sɔkɔ sèpɩn nópi sɔkɔ nɩ? ¹⁹ A me pè piki yah ne, sépi se pɩ tyi nónóne nɩ? Pè me yo ñ tyí ne, tir nê-á pɩ Nasaretɩ Yesu tyí sɔkɔ kè: Ñmɔ nê-á sò pɩ Liyel tǔntò syĩnyo-ò nétáhkìle ñ tyípɩnì ànê ñ wey sɔkɔ, Liyel yah ànê névyè pól yah sɔkɔ. ²⁰ Nte, pé sárká wìlkɩpu yòtǎm, ànê pé kwil yahtǎm pɔ à tẽ kò ne, pè ko mɔ. Pè me à syɩ dahnɩ yõ. ²¹ Té pépi tẽ wɔ-á sò me n sò ne, ñmɔ-á kɩ pɔ Yisrayel tǎn wilki n pi yòrɩ sɔkɔ. Nte, sépi pól sɔkɔ, kéne tyi pɩnsɔkɔnɔ sèpɩn tǒnì-á kweyne yò. ²² Gbɩ-á pépi mú sɔkɔ, syó yísyó-á pɔ pé fɔkɔ fil tẽ wɔle. Pépi-á sò yuku sɔkɔ séngbǒ pú pùle diki yõ, ²³ pǎh kyɩ lékó yah

kwlo sɛ, pɛ pɛ syɪ pɔ yo pɛ tyí nɛ, yínyõ tɛntõnè yísyó ñtɛ-á wil pépi yah, té yo pɛ tyí nɛ, wǎh mɛ min sɔkɔ. ²⁴ Pépi sɔkɔ névye tókù mɛ kyɪ diki yõ sɔkɔ, té ñtyíno kyɪ tyi nópi pól wɛ, sɔ-á sò syó yo séle, té pɛ náh Yesu wɔ wɛ.

²⁵ Pǎh yo sɛ, Yesu mɛ yo pɛ tyí: «Lékám kɛ névye, yépi náh n kwǎh n sɛ Liyel tɛntõ syínyopu wɛlo pól yónó yõ! ²⁶ Krista náh sò yĩnɛ à yèvyǎhrɪ pɪ sɛ, à mó pyɛ de ñ tǔrí sɔkɔ dí?» ²⁷ Té ñ syɪ, à tyi pól dùkù yo wah pɛ syah, Liyel wɛy sébéynó-á nóno yo ñ tyí sɔkɔ, à tyah Moyisi tyíyónsahnɪ tyí pópó, à kyɪ syɪ Liyel tɛntõ syínyopu tyínó tyí. ²⁸ Képah tɛnɛ, pǎh pɔ yĩni tɛ pɛ yúkú-ńsah kwille yúkey, Yesu pɪ á kɪ nɛ à sɔ yõ n sɔkɔ yahle. ²⁹ Ntɛ, pɛ mɛ à fal nɛ, à wũ pépile, ñkɛ gbí-á mɛ tiki mɔ, lékâh-á mɛ n tyah mónóle. Pǎh yo sɛ, à mɛ de gbô sɔkɔ, à wũ péle. ³⁰ Té wǎh pɔ tɛ, à n tyah yõke yónóle péle gbí nɛnɛ, à mɛ búrn tɔkɔ, té wɛkɪ Liyel tyí, té kè kwɔkɪ pɛ kɔ. ³¹ Képah sɔkɔ, pɛ yah pɪ kyòò, pɛ à yah pĩ. Ntɛ, pɛ núkú à yah kwlo pɛ tnô. ³² Pɛ mɛ tyah n yo wɛ tyí nɛ, wǎh sò n yǎh péle wɛkɪ yah gbí nɛnɛ, à Liyel wɛy sébéynó sɔkɔ tyi dùkùle n yo n wah péle n syah, pɛ nɪ kó sò mɛ kǎhnvɪnɔle nɪ?

³³ Nénpó swɔ, pɛ núkú yuku, à pɛ syɪ sɔkɔ Yerusalemɪ, à kyɪ tò sáhpú népĩ gbõnúkú ànɛ pɛ kɔ mù wɛ tükènmontɛnóle. ³⁴ Pépi mɛ yo ními nópi tyí: «Gbɪ yõ, Tɛ ñgbɛ Yesu yuku wil diki sɔkɔ. A ñ gblõynɛ Simɔ wɛkɪ.» ³⁵ Pǎh yo sɛ, tyi nóno-á mó pɪ népĩ ními nópi tɔ tyí wɛkɪ yah, ànɛ pǎh Yesu yah pĩ sɔ, ñ búrn dibi dùkù sɔkɔ, pɛ mó sɛ yǎh pɛ syah.

Yesu ñ gblõynɛ ñ tò sáhpú wɛkɪ

³⁶ Képah tɛnɛ, pǎh mɛ képah yónó sɔkɔ sɛ, Yesu núkú wil mɔ pɛ nyó, té yo pɛ tyí: «Yèvɪnɪ nɛ mɛ yéle.» ³⁷ Tíkí tɛ tyí, pɛ lékám vye fɛkɪ. Pɛ sò mɛ n sò nɛ, némírki yó-á pɛ wɛ. ³⁸ Képah sɔkɔ, Yesu mɛ yo pɛ tyí: «Kwǎh nɛ pɪ, té yé lékám vye fɛkɪ? Kwǎh nɛ pɪ, té yéle tòtò sɔkɔ sɛ? ³⁹ Yé yah ní gbǎnɛ ànɛ ní gbyêhɛ: Nmɔ ye gbɪ yõ! Yé tũ yah ní tyí, yé kɪ wil gbɛnsɛ ànɛ gbèl wɛ ní tyí. Sé kénkɔ se mɛ némírki tyí?» ⁴⁰ A mɛ képah yónó sɔkɔ, té ñ gbǎn ànɛ ñ gbyêhɛ pɛ wɛkɪ. ⁴¹ Ntɛ, nìvɪnɪ ànɛ gbɛndùnɪ tɛ tyí, pǎh tɛ sɛ kwlo ké yõ sɛ, à mɛ pɛ piki yah nɛ, yõ yõ kwǎh se mɛ pɛ tyí ásô nɪ? ⁴² Pɛ mɛ yɛnkô fyénó yen yóle à kɔ. ⁴³ A mɛ kè syɪ, té kè kɔ pɛ yí yah.

⁴⁴ Képah náh, à yo pɛ tyí: «Képah ye lésò mé yo yé tyí, máh lésò mɛ ànɛ yéle gbí nɛnɛ nɛ ñkɛ, tyi nóno pól-á wǎrkɪ sah ñmɔ tyí sɔkɔ Moyisi tyi sàhnó sébéy sɔkɔ, ànɛ Liyel tɛntõ syínyopu sébéynó sɔkɔ, ànɛ yìgbìnɪ sébéy sɔkɔ, sé pól-á kɪ pɪ tũ.» ⁴⁵ Képah sɔkɔ, à pɛ lékám yɪkɪ mɔ Liyel wɛy sébéynó sɔkɔ tyi dùkù pĩ yĩnɛ, ⁴⁶ té yo pɛ tyí: «Kè pɪ, sɔ-á sò kéle wǎrkínsàhnóle nɛ ñkɛ, Krista-á kɪ yèvyǎhrɪ pɪ ku, té kɪ ñ syɪ yuku ñ kúnó sèpìn tǔ-ò sóle. ⁴⁷ Nmɔ yĩn yõ, Liyel wɛy-á kɪ yo kɔ, à tyah Yerusalemɪ fóó, à kyɪ syɪ kèkõyó kwlo kwlo pól tyí nɛ ñkɛ, névye Liyel wɛkɪ tɛ, pɛ mó tyípèl yõnmɔnɔ wɛ. ⁴⁸ Yépi ye pɪ kénɛ tyi tǎrfyõnóle. ⁴⁹ Té ñmɔ sú-á ñ vyǎh kɔ nɛ, páh kɪ nɛnɛ yé kɔ, mé kɪ à tɛkɪ mɔ yé kɔ. Ntɛ, yépi tɛ wɔ tɛ kwil mɛ sɔkɔ fóó, yé pɔ tǎhkɪ wɛ nɛ-á kɪ wil yínyõ.»

Yesu yõndɔkɔnɔle yínyõ

⁵⁰ Képah náh, só yóle, Yesu pɛ tɛ, à yuku péle Betanɪ kwil tĩnɛ. Pǎh yĩni tɛ nénpó, à ñ gbǎn yõ yínyõ, à sǎm mɔ pɛ sɔkɔ. ⁵¹ Té, wǎh mɛ sǎmɛ n mɔ pɛ sɔkɔ gbí nɛnɛ, à gbɛ wil pɛ sɔkɔ, à yõ dɔkɔ sɔkɔ yínyõ. ⁵² Tò sáhpú tɛ wɔle, pépi-á à gbilki tɛ, pɛ pɛ

syi sɔkɔ Yerusalemi, nìvìnì ògběne pé sɔkɔ. ⁵³ Tẹ gbímegbí, pè náh sò me n yah n kwlo Liyel wòkò ògbě kéntáhkì sɔkɔ, n ne n me Liyel yinne n gbilki.

Nsyõ-á Nìvìnì tir nê wārki Yesu tyí soko

Yesu nê-á Liyel Pi núkúníne, ñmɔ ye weyne nê-á min nétêne

¹ Tyi pól tyah gbíne, nê-á weyne,* à lésõ me. A lésõ me ànê Liyelle. Liyel ye ñne. ² Ñmɔ ye lésõ me ànê Liyelle tyah gbíne. ³ Yiyìn pól mɔ ñmɔ gbò yõ soko. Yí nónó pól-á mɔ, sé kèyãh ñtê nãh mɔ né ñmɔ nãh. ⁴ Ñmɔ soko ye min n we. Kéne min ye kyòole névye tyí. ⁵ Kè me kò tẽ kyòo fěntũ soko, té fěntũ nãh tẽ we ké yah kò.

⁶ Képah soko, Liyel pɔ dí yó tō, nê yīn-á Nsyõne.† ⁷ Ñmɔ ye pɔ kyòo mē tyí yo wah névye tyí, ne pé pól we sē ké yõ soko ñmɔ gbò yõ. ⁸ Ñmɔ nãh sò kyòo mēne, ñte ké tyí yónwãh-ñsah ye sò à pɔ. ⁹ Wey mēne, kyòo kègbɪ ye sò kéle, nê-á pɔ kèkõyó soko, à pɔ pi kyòole no pól tyí. ¹⁰ Té nê-á wey mēne, à sò me kèkõyó soko. Kèkõyó mɔ ñmɔ gbò yõ soko, ñte képah fyé yõ, kèkõyó névye nãh tẽ we à yah pĩ. ¹¹ N yēngbē tyah soko ye à pɔ, té ñ no nãh à tẽ ple. ¹² Ñte nónó tẽ wɔ-á à tẽ ple té sē ñ yõ, à tēnwenɔle pépi kò pè pi Liyel wēnpìle. ¹³ Ñte tó soko dubi dùkù, képah nãh pi wil gběnsê dékè, képah nãh pi névi dyo yī tẽ soko nãh pè pi Liyel wēnpìle dé! Liyel gbò yõ soko ye pè wē.

¹⁴ Wey ye vi mɔ pi névile à pɔ twah tẽ á wró. Yòbènrɪ pí-ò ye ñne, ànê à me gbɪ ó ñ tóó. Ñmɔ nê-á Liyel Pi núkúníne, á ye ñ tǒrí we, tǒrí nê-á à we syi ñ Sú tyí. ¹⁵ Ñmɔ tyí ye lésõ Nsyõ yo tũ léyy ne ñkē: «Ñmɔ tyí soko ye mé lésõ kè yo ne ñkē: «Nnì kɪ n pɔ n pi ñmɔ tyí nãh, té à me te té ñmɔ dubi, képah ye à kal ñne.»» ¹⁶ Api me yòbènrɪle n tō n we n yuku ñ ñìgbèkì tnónkàhnmonɔ gbò yõ, ñmɔ nê-á Yesule. ¹⁷ Moyisi gbò yõ ye Liyel ñ tyi kònsàhnóle á kò. Ñte Yesu nê-á Liyel ney yáhntokɔnɔle, ñmɔ wɔ gbò yõ soko ye yòbènrɪ ànê gbɪ wɔ we. ¹⁸ Nnì yó ñtê yí nãh tẽ yah Liyel yõ. Ñte ñ Pi núkúní nê tyí-á yo soko, ñmɔ nê-á Liyelle, té me Sú Liyel tnò, ñmɔ ye Liyel dùkùle á wēkɪ.

Wèlnwìkì-ò Nsyõ-á ñ gblǒy tyí dùkù yo wah sǒ

¹⁹⁻²⁰ Nsyifunɔ yòtām lésõ Yerusalemɪ kwil sárká syínwìkìpu, ànê Levi yìkì névye yísyó tō Nsyõ tyí, pè kyɪ à piki yah ne, ñmɔ tẽ se ne nê ó-á péwɔle nɪ? Nsyõ nãh yahle ké yónóle pé tyí dé! A kè yo dal mɔ pé tyí pnéyy pé pól yí yah ne, péwɔ nãh Liyel ney yáhntokɔnɔle. ²¹ Képah soko, pè me ne, ñte nê se ñmɔle nɪ? Nkē ñmɔ se Yelile‡ nɪ? Nsyõ me pè syah ne, ñmɔ nãh péwɔle. Pè ne, ñte Liyel tēntò syínyo-ò§ nê-á kɪ n pɔ n pi, ñmɔ se ñne nɪ? A me ne ò-á. ²² Képah tēne, pè ne, ñte ñmɔ tẽ se ne nê ó-á péle nɪ? A kè yo pé syah pé kò pé kyɪ we yo pé tópu tyí kè. Nkē sǒ se à kɪ yo ñ gblǒy tyí soko nɪ? ²³ Képah soko, Nsyõ me ne: «Ñmɔ tyí ye lésõ Liyel tēntò syínyo-ò Yesayi yo sah ñ wey soko ne,

ñnì yīnpǒ-á me n doko gběnnɪ soko ne ñkē:

«Yé wēkì tō sah Tē ñgbē yīnne!»*

* **1:1** 1.1 - Wey nê tyí-á n yo ásô soko yò, Liyel Pídí Yesu ye. Légbíne à nãh tǒnì sò me pi névile. Yah n te Nsyõ 1.14.

† **1:6** 1.6 - A wil Nsyõ 1.42 ànê Nsyõ 21 tyí soko, Nsyõ sébéy mē pól soko, yãh fyò Nsyõ yīn we wárkínsàhnóle ñyãh soko, wèlnwìkì-ò Nsyõ ye pè n ye. ‡ **1:21** 1.21 - Yelile, Liyel tēntò syínyo-ò ye lésõ ñne, té à pɔ à yõ doko soko yīnyò. Kè me yónóle Malaki 3.23 soko ne, wãh kɪ ñ syɪ pɔ Liyel ney yáhntokɔnɔ pónó tyi tō sah. Képah ye Nsyifunɔ kò pè Nsyõne n piki n yah ne Yeli se ñmɔle nɪ? § **1:21** 1.21 - Nsyifunɔ gbò sàhnò sò me Tǒnyonɔ sébéy 18.15-22 wey yõ soko ne, Liyel-á kɪ ñ tēntò syínyo-ò tekɪ mɔ n pi Moyisi tyí kòle. * **1:23** 1.23 - Yah n te Yesayi 40.3.

24 Nte nónó-á sò pè tǒ Nsyõ tyí, Farisi wě̀kì kópú ye sò péle. 25 Pè tǒ à piki yah ne, ñmɔ-à ñkěne Liyel ney yáhntɔkɔnɔle, képah náh pɪ Yelile, képah náh pɪ Liyel tǔntò syínyo-òle, ñte kwáh nê se pɪ té à névyele n wel n wilki ni sɔkɔ nɪ? 26 Képah sɔkɔ, à yo pé tyí ne: «Ñmɔ tǔ wɔ me nolɛ n wel n wilki ni sɔkɔ, ñte ñnî me yépi wró, nê-á yé náh ñne n pne. 27 Ñmɔ kɪ n pɔ n pi ñmɔ tyí náh. Té ñmɔ ñtǔ fórcɔ kah ñ lékyêh mɔ fyé dénmɔnɔle.» 28 Kéne tyi pól sò pɪ Betani kwil sɔkɔ, Nsyurdě yónkahnɔne. Nénpó sɔkɔ ye sò Nsyõ n wel n wilki nolɛ ni sɔkɔ.

Tyípêl tǔnyò-òle

29 Ké dǐndalle, Nsyõ-á Yesu we à me n pi ñ tǔnô, à ne ñkě: «Yé yah, Liyel-á kápópíkí† nê tekɪ mɔ kékôyó névyé tyípêl tǔ yò yǐnne, ñmɔ ye yò. 30 Ñmɔ tyí sɔkɔ ye mé lésò kè yo ne ñkě: «Ñnî kɪ n pɔ n pi ñmɔ tyí náh, té à me te té ñmɔ dubi, képah ye à kal ñne.»» 31 Ñmɔ ñtǔ tɔ náh lésò ñne n pne. Nte yáh we mé pɔ wèlnwìlkinóle n pɪ ni sɔkɔ, ñ dukù ye mé Yisrayel tǎnne n wě̀kɪ.»

32-33 Nsyõ tyíyókè mè yo Yesu tyí sɔkɔ ne ñkě: «Liyel nê-á tekɪ mɔ ñne ne mé wèlnwìlkinóle n pɪ ni sɔkɔ, à lésò yo ñ tyí ne ñkě: «Wáh kɪ Liyel Mirki we kè tiki pɔ tǔ nê yò, ñmɔ ye kɪ névyele n wel n wilki Liyel Mirki sɔkɔ.» Ñmɔ ñtǔ náh lésò ñne n pne. Nte mé pɔ Liyel Mirki we kè wil yǐnyò à n tiki n pi kèpíkípíkí tyí kǔle, à pɔ tǔ ñ yò. 34 Mé ye kè we yǐne. Képah ye mé kéle n yo n dal mɔ ne, Liyel Pídí-á dí mène.»

Yesu tǔ sáhpú négbrole

35 Té dǐndalle, Nsyõ tǔ sò me nénpó ànê ñ tǔ sáhpú sɔkɔ népî nímí yísyóle. 36 Wáh Yesu we à pɔ n sɔkɔ à ne ñkě: «Yé yah kápópíkile, nê-á Liyel tekɪ mɔ.» 37 Képah tǔne, Nsyõ tǔ sáhpú népî nímí nópi-á ñ wey mè noh sǔ, pè kǔ Yesu náh. 38 Yesu-á vi yah té pé we pè me ñ sò tǔ, à pè piki yah ne, kwáh nê se pè n yah n kǔ nɪ? Pè me à ye Wrabile, nê kór-á kwó-ò dǐne. Té à piki yah ne, ñ twáhntǔ-ñsah se me nýāh sɔkɔ nɪ? 39 A me yo pé tyí ne, pè pɔ, páh kɪ kyɪ kè we. Pè me ñ sò tǔ kyɪ ñ twáhntǔ-ñsah we lérínó gbām-ò kénkǔ sɔkɔ.‡ Képah sɔkɔ, pè me wú ñ tyí, à lésò gbǐyǐkǐ téy pɪ.

40 Nsyõ tǔ sáhpú népî nímí nónó-á sò ñ wey noh té Yesu sò tǔ, pé sɔkɔ núkú yó yǐn ye Andrele. Simo-Pyerɪ yúnpi ye sò ñne. 41 Andre-á yal nénpó, kéne Simo-Pyerɪ tyí ye à kyɪ wil gbenne, ñmɔ nê-á ñ nénkyídǐne, té yo ñ tyí ne ñkě: «Ápi Krista we.» Krista kór ye Liyel ney yáhntɔkɔnɔle. 42 Képah sɔkɔ, à Simo tǔ yuku Yesu tyí. Yesu-á Simo we, à à yah, té yo ñ tyí ne, Nsyõ§ pídí Simo-á ñne, té páh kɪ yǐn yó dyɪ à kǔ Sefasule. Wáh noh ne Sefasɪ-á, ké kór ye légbúle. Kéne yǐn ye tǔ pè n ye Pyerɪle.

43 Ké dǐndalle, Yesu kè yah tɔkɔ ne, páh kɪ yuku Kalile gběnyah sɔkɔ. Wáh Filipi we, à yo ñ tyí ne, à pé sò tǔ. 44 Betisayida kwil ney ye sò Filipile. Kéne kwil tǎn ye sò Andre ànê Pyerɪ tǔle. 45 Képah náh, Filipi kyɪ wil Natanayelɪ tyí, té yo ñ tyí ne ñkě: «Moyisi tyi kǔnsàhnó ànê Liyel tǔntò syínyopu-á nê tyí yo sah, á ye à we. Nsyosefu pídí Yesu ye. A n wil Nasaretɪ kwil.» 46 Wáh yo sǔ, Natanayelɪ à syah ne, kwáhgbí se kɪ fǔ wil Nasaretɪ kwil sɔkɔ nɪ? Filipi me yo ñ tyí ne, à pɔ n yah. 47 Képah sɔkɔ, Yesu-á Natanayelɪ we à n pi ñ tǔnô, à ne ñkě, Yisrayel ney tótó-á yò, nê-á yǐnvǐ náh me ñ sɔkɔ pólle. 48 Natanayelɪ me ne, nýāh sɔkɔ se à pǐ péle nɪ? Yesu me yo ñ tyí ne, Filipi-á pópó ñne n ye, gbí nê-á sò à me sènsóké séswô sò sɔkɔ, páh sò me ñne yah.

† 1:29 1.29 - Yah n te Yálnó 12.3. ‡ 1:39 1.39 - Gbí nê tyí-á n yo ásò sɔkɔ yò, Nsyifuno lérí yāh dukù sɔkɔ, méndwǔ gbí (16 h) kénkǔ tyí ye pè n yo. Té Wrome tǎn wɔ lérí yāh dukù sɔkɔ, pǔy tǔ gbí tyí ye pè n yo. § 1:42 1.42 - Nsyõ nê tyí-á n yo ásò sɔkɔ yò, túkù ñne n ye Nsyonasule.

49 Képah sɔkɔ, Natanayeli me ne: «Kwó-ò dí, Liyel Pídí ye ále. Áwɔ ye Yisrayel tãn yòtẽne.» 50 Wãh yo sɛ, Yesu me à syah ne, páh yo ò tyí ne páh sò me òne n yah, gbí nê-á à me sènsóké séswò sò sɔkɔ, képah kó à kò à sɛ pé yò ni? Nte ò yí-á kɔ tɔ n tɛ n pi tyí-̀ngbɔ yò kɔ kal nópilɛ. 51 Tɛ tɔ ò syi yo pé tyí ne: «Kègbɔgbɔ tɛ yò, mé kéle n yo yé tyí, yé kɔ yínyò wɛ yíkínmɔnɔlɛ, tɛ yínyò tɔ̀npɔbɔ kɔ me n dɔkɔ, tɛ kɔ n tiki Névi Pídí* yòtah sɔkɔ.»

2

Fúr syáh nê-á syah Kana kwil sɔkɔ

1 Képah náh, ké sèpìn tɔ̀-ò sòlɛ, fúr syáh yó sò me n syah Kana kwil, Kalile gbɛnyah sɔkɔ. Yesu yú sò me ké sɔkɔ. 2 Tɛ pè sò me Yesu tɔ ye ké sɔkɔ, ànê ò tò sáhpúle. 3 Páh me fúr syáh mè sɔkɔ, ònɛ pɔ tekɔ. Káh pi sɛ, Yesu yú me yo ò tyí ne, ònɛ-á me tekɔ no tyí dé! 4 Yesu me yo ò tyí ne, kwáh nê se à n yah n kò pé tyí ni? Pé gbí náh tɔ̀nɔ sɛ. 5 Képah sɔkɔ, ò yú me yo ònɛ díbípú tyí ne, wáh kɔ fyò pɔ tyi nóno yo pé tyí, pè sé pól pi. 6 Tɛ dyèh yàhnpní kénúkò sò me Nsyifunɔ gblɔy tɔ̀nsàhnó* yinne à yine pé tyi kònsàhnóle. Sé núkú núkú pól sò me lítirno lèkwèkwe kénkòle. 7 Dò Yesu me yo pé tyí ne, pè ni mɔ pni nópi yíyile. Pè me ni mɔ sé yíyile. 8 A me ne, núkúnúkú pè tãh kyɔ tyi yah wáh-ò dí kò. Pè me tãh kyɔ à kò. 9 Képah sɔkɔ, tyi yah wáh-ò dí-á kè wɔ yah, kè sò me vi mɔ pi ònɛne, tɛ à náh sò me kéne ònɛ wíl-̀nsah pí. Nte ònɛ díbípú nóno-á sò di mɔ yòlɛ, pépi wɔ sò ké wíl-̀nsah pí. Képah sɔkɔ, dí me fúr pí-ò dí ye, 10 tɛ yo ò tyí ne, no pól-á òkène ònɛ pènèkì òngbò dibi. Névyɛ-à wɔ kè syò pé sɔkɔ gbí ònɛne, nê-à me nónyí-̀òkène, pè n pyè képah dibi. Nte òmɔ pyè ònɛ pènèkì tɛ wɔ koh sah à pɔ no yínkò gbí tyí ni?

11 Képah ye pi Yesu gbíl tyípíní gbenne, à ò tɔ̀rí wèkɔ. Káh pi sɛ, ò tò sáhpú me gbah sɛ ò yò. A gbíl mè pi Kana kwil, Kalile gbɛnyah sɔkɔ. 12 Képah náh, òmɔ ànê ò yú, ànê ò yúnpyé, ànê ò tò sáhpú tiki yuku Kapernayumi kwil sɔkɔ. Tɛ sèpìn kwéy ó ye pè pi nɛnpó.

Gbòyɔbɔ yínwílkinóle Liyel ní-̀nsah gbò sɔkɔ

13 Tɛ Nsyifunɔ yòri tyénó syáh-á sò me de n tɛ sɛ, Yesu me dɔkɔ yuku Yerusalem kwil sɔkɔ. 14 Wãh kyɔ Liyel ní-̀nsah gbò sɔkɔ, à kyɔ ne n yah gbòyɔbɔ me gbòle n yí ké sɔkɔ. Túkú me nyehle n yám, túkú me képyénine n yám, túkú me kèpíkípíkínɔle n yám, tɛ túkú tɔ mó me pɔ pé pò duke dukenɔ mɔ sah tàbálnó yò, me séle n sah n tú. 15 Képah tɛne, Yesu mɔ yísyó pi yèfòhle, tɛ gbòyɔbɔ nópi pól yini wilki kéle Liyel ní-̀nsah gbò sɔkɔ, à tahlɔ pé képyénì ànê pé nyeh tyí. Tɛ pò sàhtùpu tàbálnó tu wilki mɔ, pé pónó kò sè kwɛ. 16 Képah sɔkɔ, tɛ yo kèpíkípíkínɔ yàmpu tyí ne, pè sè pól tokɔ n yal ásò. Pè káh pé Sú Liyel gbòle n pi gbò yí-̀nsah gbòle. 17 Wãh fyò képah yo, ò tò sáhpú dyɔ núkú tɔ kò Liyel wɛy sébéy fí yó tyíle, nýáh sɔkɔ-á kè me wárkínsàhnóle ne òkè:

«Liyel, á wòkò tyí no yíí ní tyí, fóó ké tyí sòno n pi ní ko ko tɛne.»†

* **1:51** 1.51 - Yesu-à Névi Pídí tyíle n yo, ò gblɔy ye à n ye. * **2:6** 2.6 - Dyèh yàhnpní ànê gblɔy tɔ̀nsàhnó nê tyí-á n yo Liyel yah sɔkɔ yò, Nsyifunɔ òkène ni mɔ n sah kéne yàhnpní sɔkɔ, tɛ páh wíl kóló sɔkɔ, képah náh pi, páh n tyah yòke yónóle, pè pé gblɔy kám n wel sépi nine, ò pé gblɔy tɔ̀ n sah Liyel yah. † **2:17** 2.17 - Yah n tɛ Gbálnó 69.10.

¹⁸ Képah sɔkɔ, Nsyifunɔ yõtã̃m Yesu syah ne, gbɪl tir nê se à kɪ fẽ pɪ, nê-á n wẽkɪ ne, yĩ mè pínó wẽkɪ-á me ñ tyí nɪ? ¹⁹ Képah tẽne, Yesu me pè syah ne ñkẽ, pè Liyel ní-ńsah gbô mè sɔ, páh kɪ kè tɔ̃ mɔ sèp̃ɪn tɔ̃nì sɔkɔ. ²⁰ Wãh képah yo sẽ, Nsyifunɔ yõtã̃m à syah ne, è, gbô nêne mɔ ye tikiníní pó kénúkò sɔkɔ, ñmɔ kɪ pɔ képah tɔ̃ mɔ sèp̃ɪn tɔ̃nì ó sɔkɔ nɪ? ²¹ Nte Liyel ní-ńsah gbô nê tyí-á sò Yesu n yo, képah ye kɪ sò n pɪ n pi ñ wil gbẽnsêlɛ. ²² Képah náh, Yesu-á pɔ ku té yilki mɔ gbí nêne, ñ tò sáhpú dyɔ to kò ne wãh lésò kè yo sah. Képah sɔkɔ, pè sẽ Liyel wey sébéy yò sɔkɔ, té sẽ Yesu welo yónsàhnó to yò.

Yesu névyɛ pól fɔkɔ sɔnɔlɛ n pne

²³ Té Yesu-á sò me Yerusalemɪ sɔkɔ, Nsyifunɔ yɔrɪ tyénó syáh mè syáh-ńsah, à sò me gbɪl tyilɛ n pɪ névyɛ me n yah. Kãh pɪ sẽ, névyɛ náhnáh sẽ ñ yò. ²⁴ Nte Yesu sò me pé pól fɔkɔ sɔnɔlɛ n pne. Képah ye, ñmɔ tẽ wɔ náh sò me sẽ pé yò. ²⁵ A névi nɪ kèdúkùlɛ n pne. Képah ye, à pɔ névi kèdúkù tẽ yo ñ tyí, ké yétò náh sò me ñ tyí.

3

Yesu ànê Nikodemɪ wẽ wénólɛ

¹ Nsyifunɔ sɔkɔ, yẽntẽ yó lésò me pè n ye Nikodemɪne. A sò me Farisi wẽkɪ kópú sɔkɔ. ² Sò yó lékãhne, à kyɪ wil Yesu tyí, té yo ñ tyí ne kwó-ò dí, gbɪl tyi nónó-á ñmɔ n pɪ yò, ññ yó ñtẽ náh fẽ s̃ɛnknɔlɛ ne n pɪ n pi, né Liyel náh me tẽne. Képah-á, páh pĩ ne ñmɔ-á kwó-òlɛ, nê-á Liyel tekɪ mɔ. ³ Yesu me yo ñ tyí ne: «Kègbɪgbɪ tẽ yò, mé kéle n yo á tyí, ññ yó ñtẽ náh fẽ Liyel tɔ̃rí we n pi, né tẽ náh tɔ̃ dubi késãnnɛ.» ⁴ Képah sɔkɔ, Nikodemɪ ne, ñte névi wàhnmontɛnɔ náh, sò se képah kɪ fẽ pɪ nɪ? A se kɪ fẽ ñ syɪ de ñ yú fɔkɔ sɔkɔ, kɪ tɔ̃ dubi ke ní-òlɛ nɪ? ⁵ Yesu me tɔ̃ yo ñ tyí ne: «Kègbɪgbɪ tẽ yò, mé kéle n yo á tyí, ññ yó ñtẽ náh fẽ n de n pi Liyel tɔ̃rí sɔkɔ, né tẽ náh tɔ̃ dubi ni, ànê Liyel Mirki gbò yò. ⁶ Névi nê-à dubi névi tyí, névi ye tẽne. Té névi nê-à dubi Liyel Mirki gbò yò, Liyel Mirki n ne n me tẽ sɔkɔ. ⁷ Káh n ye kè á gbã̃n du, máh sɔnpɪlɛ yo á tyí ne, yáh yĩne yé tɔ̃ n dubi késãnnɛ. ⁸ Nyãh-à yáhkí dyɔ, nénpó ye kè n ne n pɪ n yuku. Á kɪ ké pínó yĩne n nohnɪ, té á náh n pĩ n pi nýãh sɔkɔ-á kè wil, ànê kãh n yuku nýãh. Névi nê-à dubi Liyel Mirki gbò yò, tẽ to tyí n ne n me s̃ɛntẽne.»

⁹ Wãh yo sẽ, Nikodemɪ tɔ̃ ne, sò se képah kɪ fẽ pɪ nɪ? ¹⁰ Yesu me yo ñ tyí ne: «Áwɔlɛ tyi kònsàhnó kwó-ò ñgbẽne Yisrayel sɔkɔ, té á náh képahle n pne nɪ? ¹¹ Kègbɪgbɪ tẽ yò, mé kéle n yo á tyí ne, áyáh nêne n pne, képah tyí-á à n ne n yo. Áyáh nê we, à n pɪ képah tyí yónwãhpulɛ. Nte yé náh me séle n fẽ n syi. ¹² Máh sétáh yò tyilɛ n yo yé tyí té yé náh me s̃ɛ sé yò, máh pɔ yĩnyò tyilɛ n yo yé tyí, yé kɪ pyẽ fẽ s̃ɛ sépi yò s̃ɛ? ¹³ Ññ yó ñtẽ náh dɔkɔ kyɪ yah yĩnyò sɔkɔ, à wil Névi Pídí tyí sɔkɔ, ñmɔ nê-á wil yĩnyò à tiki pɔ. ¹⁴ S̃ɛ-á lésò Moyisi wahy kètò pɪ yésãhrɪlɛ gbẽnnɪ sɔkɔ,* à dɔkɔ mɔ sah dahnɪ yò, Névi Pídí to yĩne à dɔkɔ mɔ s̃ɛntẽne. ¹⁵ Képah sɔkɔ, névi nê-à s̃ɛ ñ yò, tẽ kɪ tyé-ńkẽ min we. ¹⁶ Yah, kèkõyó névyɛ tyí ye kah nɔ Liyel tyí, képah ye à ñ Pi núkúní tekɪ mɔ, ne névi nê-à s̃ɛ ñmɔ yò, tẽ tyí káh yɪkɪ, ñte tẽ tyé-ńkẽ min we. ¹⁷ Liyel tẽ wɔ náh ñ Pídí tekɪ mɔ kèkõyó sɔkɔ ne, à pɔ lékãhle névyɛ kɔ pé tyípèl yĩnne dé! A ye à tekɪ mɔ ne, kèkõyó névyɛ pwáhñmɔnɔ we ñmɔ gbò yò. ¹⁸ Névi nê-à s̃ɛ ñmɔ yò, tẽ wɔ náh tɔ̃ n tuke n pi. Nte nê-à yahle s̃ɛnólɛ ñmɔ yò, tukey syɪkɪ te tẽ yò, wãh sɔnpí yahle s̃ɛnólɛ Liyel Pi núkúní yò. ¹⁹ Tukey mè we yò: Kyòo ye pɔ kèkõyó, té névyɛ tyípínó-á

* 3:14 3.14 - Yah n te Yáhnó 21.4-9.

pi tyítúkúnine sě, fěntũ tyí nɔ kal pé tyí kyòole. ²⁰ Névi nê-à tyítúkúnine n pi, kyòo tyí náh n nɔ tẽ tyí gbógbó. Tẽ n pĩ ne páh kɪ pɔ kyòo yah, pé tyítúkúnĩ pínó-á kɪ wil mɔ kwèyy. Képah ye, à náh n pɔ kyòo yah sɔkɔ. ²¹ Nte névi nê-à gbɪ wěkìle n kɔ, ñmɔ n pɔ kyòo yah sɔkɔ. A n ne n me ké tyí ne, no pé tyípínó we pnéyy sépi nónó-á me n pi Liyel dyɔ dyɔ tẽne.»

Nsyõ-á nê yo Yesu tyí sɔkɔ

²² Képah náh, Yesu ànê ñ tò sáhpú pɔ tẽ yah Nsyude gběnyah sɔkɔ. A sò me névyele n wel n wilki ni sɔkɔ. ²³ Té ni-á sò me dò Yeno kwil sɔkɔ sě, képah ye Nsyõ tɔ mó me wèlwilkinóle n pi nénpó. Névyele sò me n pɔ n pɔ ñ tyí, à kɔ à péle n wel n wilki ni sɔkɔ. Nénpó sò me yúkey Salimi kwille. ²⁴ Légbíne, pé náh sò tǝnì Nsyõ dah mɔ wòkònpèkè sɔkɔ.

²⁵ Képah sɔkɔ sò yóle, yékâb yó de Nsyõ tò sáhpú ànê Nsyifu yó wró, pé gblɔy tɔ n sah dukù tyí yò, à yĩne pé tyi kònsàhnóle. ²⁶ Káh pi sě, Nsyõ tò sáhpú me Nsyõ nyáh sò kyɪ yo ñ tyí ne ñkě, pé kwó-ò dí, dí nê-á lésò ñne Nsyurdě yónkahnune, té à ñ tyile n yo pé tyí kè; à yah, ñ tɔ-á me yuku névyele n wel n wilki ni sɔkɔ. Té no pól-á me pé yah mɔ ñmɔ tĩnne. ²⁷ Nte Nsyõ me yo pé tyí ne ñkě: «Né Liyel náh yín-ńsah nêne névi kɔ, tẽ se kɪ fě kè we? ²⁸ Yépi nítě ye ñmɔ tǝrfyòle ne máh lésò kè yo dal mɔ yé tyí ne ñmɔ náh Liyel ney yáhntòkòne. Ñ tǝntò ó-á mé pɔ pí-ńsah ñ yahle.† ²⁹ Yé yah, nê tyí-á sépille, ñ pe ye. Té pe mè kódí n mó ne n me pe mè tnô. Kódí mè-à pe mè we ñvìnì sɔkɔ, kè n pi ñvìnì ñgběne ñ tyí. Sěnkò ñvìnì ye ñmɔ sɔkɔ. N ni me vi syi ké yín tyí. ³⁰ Wǎn yĩne kè ne n mɔ ñmɔ yín wílno yò, kwáh mó ne n wilki ñmɔ tyí sɔkɔ.

³¹ Névi nê-á n wil yĩnyò, ñmɔ ye no pól yò. Té névi nê-á me sétáh mè yò, sétáh mè névi ye ñne. Sétáh mè yò tyi ó ye ñmɔ kɪ fě n yǎh dò. Nte, nê-á n wil yĩnyò, ñmɔ me no pól yò. ³² Wǎh tyi nónó we, té tyi nónó noh, sépi tyí ye à n yo n wah, té ney náh me ñ wey fě syi. ³³ Nte nê-à ñ wey fě syi, tẽ me kéle n wěkɪ tótó ne gbɪ-á Liyel weyne. ³⁴ Nmɔ nê-á Liyel tekɪ mɔ, à ñ Mirkile à kɔ yí. Liyel wey ye à n ne n yo. ³⁵ Sú Liyelle, ñ Pídí tyí nɔ ñ tyí. Képah ye à tyi pól dahbɪ ñmɔ gbò. ³⁶ Névi nê-à sě Liyel Pídí yò, tẽ kɪ tyé-ńkě min we. Té névi nê-à yahle sěnlóle ñ yò, tẽ náh kéne min we n pi. Liyel pèkè kɪ me tẽ yò gbíme gbí.»

4

Yesu ànê Samari pi yóle

¹⁻³ Képah sɔkɔ, Farisi wěkì kópú sò noh ne Yesu-á me tò sáhpúle n we, me péle n wel n wilki ni sɔkɔ à kal Nsyõne. Té Yesu nítě náh sò n wel n wilki névyele ni sɔkɔ ñ gblɔy dé, ñ tò sáhpú ye sò n pi ké tòle. Képah sɔkɔ, Yesu-á pɔ képah yónó noh gbí nêne, à yal Nsyude gběnyah sɔkɔ ànê ñ tò sáhpúle, à ñ syɪ n yuku Kalile gběnyah sɔkɔ. ⁴ Té képah wɔ sɔkɔ, à sò yĩne à Samari gběnyah kɔ kah. ⁵ Wǎh n yuku, à kyɪ yĩni tẽ Samari kwil yó sɔkɔ, pé n ye Sikarle. Kéne kwil me Nsyosofu swǎh tnô, nê-á lésò ñ sú Nsyakɔbɪ à kɔ. ⁶ Té Nsyakɔbɪ kwlèy sò me nénpó. Yesu-á wil kóló sɔkɔ té kwlɔ, à sò me kyɪ kɔ tẽ kéne kwlèy yò. Té gbí sò me yòtah sírr kénkò sɔkɔ.

⁷ Képah sɔkɔ, Samari pi yó-á pɔ yo dí-ńsah, Yesu me à syah ne à nine pé kɔ pé wɔ. ⁸ Té légbíne, Yesu tò sáhpú sò me sɔkɔ yòke yáhndwe-ńsah kwil nyó. ⁹ Képah sɔkɔ,

† 3:28 3.28 - Yah n te Malaki 3.1.

Samari pi me à syah ne, kè se pi sã té ñmò nê-á Nsyifulé, à kɪ pɔ wɔ wɔ nine n ni péwɔ Samari ney tyí ni? Kègbɪ tẽ yõ Nsyifunɔ náh ntyínɔ sò n pi n soh wẽ tyí ànê Samari tãnnɛ. ¹⁰ Wãh yo sã, Yesu me yo n tyí ne: «Liyel-á nêne névile n kɔ, wãh sò me kéle n pne, té pĩ nédúkú nê-á n yo n mɔ á tyí yò, áwɔ ye náhki sò ni wɔ wɔ nine n tyí, té à náhki nine n kɔ nê-á minne névile n kɔ.» ¹¹ Képah sɔkɔ, pi ne pé yòtẽ, kwlèndĩkĩ náh me ñmò tyí, té kwlèy-á mó tɔ me súkúlínóle, à se náhki sò we nyãh kéne nine ni? ¹² Nkẽ pépi náh ney Nsyakɔbɪ nê-á pé kɔ kwlèy mènɛ, té ké ni wɔ sɔkɔ ànê n wẽnpìle, à tahlɪ n yípèy tyí, ñmò se kal Nsyakɔbɪ mènɛ ni? ¹³ Yesu me ne: «Névi nê-à kwlèy mèn ni wɔ, níkĩ kɪ tɔ pɔ tẽ tẽ. ¹⁴ Nte ñmò-à nine névi nê kɔ, tẽ-à kè wɔ, níkĩ náh tɔ tẽ tẽ n yah n pi pólle. Kè kɪ n pɔ n mɔ lègbèr tyí kòle tẽ sɔkɔ, kɪ tyé-ńkẽ minne n kɔ.»* ¹⁵ Képah sɔkɔ, pi à syah ne pé yòtẽ, à pé kɔ kéne nine, níkĩ kɔ kè káh tɔ péle n tẽ, ànê pé káh tɔ pɔ ásò yo tẽ di yinne.

¹⁶ Wãh yo sã, Yesu me ne, à kyɪ n pe ye pè pɔ ásò. ¹⁷ Képah sɔkɔ, pi ne pe náh me pé tyí. Yesu me ne, gbɪ-á à yo ne pe náh me pé tyí. ¹⁸ Pɛbɪ népĩ kwál tyí-á à tẽ yah sɔkɔ, té nê tyí-á tɔ ñne núkúnúkú yò, gbɪ-á à yo, n pe náh ñne. ¹⁹ Képah tẽne, pi me yo Yesu tyí ne pé yòtẽ, páh kè kyomɪ we ne, Liyel tẽntò syinyo-ò-á ñne. ²⁰ Nkẽ pépi náh tãn-á Liyelle n gbilki nyãh sɔkɔ, nénpó-á me yõlɪ mè yõ yàhàh.† Nte pépi Nsyifunɔ wɔle, pépi n ne n yo ne, Liyel-á yĩne à ne n gbilki nyãh sɔkɔ, nénpó-á me Yerusalemɪ sɔkɔ. ²¹ Képah sɔkɔ, Yesu me yo pi tyí ne: «Sẽ ń yõ. Sõ yó me n pi, ney náh tɔ pɔ Sú Liyel gbilki n pi yõlɪ mè yõ, képah náh pi, Yerusalemɪ n tẽ sɔkɔ. ²² Yépi Samari tãnnɛ, yẽ Liyelle n gbilki té yé náh ñne n pne. Nte ápi Nsyifunɔ tyí ye Liyel syõ à pwáhnmonɔle n kɔ. Képah ye á ñne n pne, té ñne gbilki. ²³ Nte gbĩ yó me n pi, nê-á me te núkúnúkú n tẽne yò. Képah sɔkɔ ye Sú Liyel gbilkipú kègbɪ kɪ ñne n gbilki n Mirki gbò yò sɔkɔ ànê gbɪ wèkì yò. Gbilkinó mè dùkú pípú névye ye Sú Liyel n ne n yah n kɔ. ²⁴ Liyelle, Mirki ye ñne. Képah ye, nónó-á ñne n gbilki, pè yĩne pè ñne n gbilki n Mirki gbò yò, ànê gbɪ wèkì yò.» ²⁵ Képah sɔkɔ, pi à syah ne, páh pĩ ne Liyel ney yáhntɔkɔnɔ-á kɪ n pɔ n pi, nê-á pè n ye Kristale. Ñmò-à pɔ gbĩ nêne, wãh kɪ pɔ tyi pól dùkú yo wah pé tyí. ²⁶ Yesu me ne: «Ñmò ye ñmɔle, nê-á n yo n mɔ á tyí yò.»

²⁷ Wãh me képah yónó sɔkɔ, n tò sáhpú me pé syɪ pɔ de. Té páh pɔ à we à me n yãh ànê pile sã, kè pé gbãñ du.‡ Nte pé sɔkɔ yó n tẽ náh fẽ syi à piki yah ne, kwãh nê se à n yah n kɔ pi mè tyí, képah náh pi, tir nê se à n yo n tyí ni? ²⁸ Képah tẽne, pi n ni pín sah nénpó, té to kyɪ kwil nuyó, à kyɪ tyah n yo no tyí ne, ²⁹ pè pɔ ne n yah dí yóle, à péwɔ tyípinì pól yo pé tyí lé! Ñmò káh kɪ nê Liyel ney yáhntɔkɔnɔle dé? ³⁰ Képah sɔkɔ, névye me wil kwil nuyó me n yuku Yesu tnô.

³¹ Té légbíne, Yesu tò sáhpú sò me Yesule n ni ne, kwó-ò dí, à yòke yò kè! ³² Nte Yesu me pé syah ne, yòke yó-á me péwɔ tyí yõ yõ tẽne, nê-à pépi náh kéle n pne. ³³ Képah sɔkɔ, n tò sáhpú sò me wẽne n piki n yah ne, ñnɪ se kɪ me pɔ yòkele à kɔ ni? ³⁴ A me yo pé tyí ne: «Liyel nê-á tekɪ mɔ ñmɔle, wãh me nê tyí, képah pínó ànê n tò pínɛno ye pi ñmò yòkele. ³⁵ Yépi náh ńkẽne ne n yo ne, ńwóló nyãh-á tɔ wũ té sèmuɔkɔ tokɔ gbĩ kɪ no di? Nte ñmò wɔ kɪ yo yé tyí ne, yé yé yey yõ n yah sèmuɔkɔle kòntɛnóle swãh

* **4:14** 4.14 - Yah n te Nsyeremi 2.13. † **4:20** 4.20 - Nsyifunɔ-á sò yahle pínsohnóle Samari tãnnɛ, képah ye Samari tãñ kɔ pè me kyɪ pé Liyel ní-ńsah gbò mɔ sah gbòpɔle yõlɪ yó yõ, nê-á pè n ye Karisimne. ‡ **4:27** 4.27 - Nsyifunɔ nónó-á sò pi kwópúle, pè náh sèle n fínki wãh me n gblõy; ké dú dɔkɔ káh pi Samari neyne.

sokɔ, tokɔ tokɔ tẽne. ³⁶ Névi nê-à me sè mukɔle n tokɔ, n tò pínó lédyáhní me te n tyí; sè mukɔ pórí nê-á à n tuke n mɔ, névye ye nónó-á kɪ tyé-ńkẽ min we n pi. Képah sokɔ, névi nê-á mɔ séle, ànê névi nê-á sè tokɔ, pé pól kɪ nìv̀nì pi wẽ tyí. ³⁷ Képah n wẽkɪ ne, gbɪ-á sè m̀irk̀i m̀ene, nê-á n yo ne ńkẽ: <Nn̄i kɪ sè mukɔ mɔ, té nn̄i kɪ sè tokɔ.> ³⁸ Yépi náh swāh nê tō, n̄mɔ yé tekɪ mɔ ne, yé kyɪ képah sè mukɔ tokɔ. Nósyó ye tò pi ké sokɔ, yépi kō yé pɔ we de pé tò pínó yén sò.»

³⁹ Té pi mè-á sò wey nê yo ne, dí mè-á péwɔ tyípínì pól yo pé tyí, képah yinne Samari tãn náhnáh sò s̄e Yesu yõ kwil mè sokɔ. ⁴⁰ Képah ye Samari tãn nópi-á kyɪ Yesu tyí, pé à ni ne à wũ pé tyí. Yesu me wũ nénpó à sèp̄in̄ níni pi. ⁴¹ Képah tẽne, névye náhnáh tō s̄e Yesu yõ wāh wɛlɔ nónó yo pé noh sépi yinne. ⁴² Té me tyah n yo pi mè tyí ne, n̄mɔ yóré ó yin̄ náh tō pépi s̄e Yesu yõ dé! Nkẽ pépi nt̄e tɔ-á n wey we noh níkile, té p̄i ne kègbɪ t̄e yõ, n̄mɔ-á n̄tyínɔ kèkōyó pwáhn̄mɔ-òle.

Né-ńgbẽ yó pídí dénmɔnɔle

⁴³ Yesu-á sèp̄in̄ níni nópi pi te, à yal nénpó à yuku Kalile gběnyah sokɔ. ⁴⁴ Té à mó tō lésò kè yo ne, Liyel t̄ent̄ò syinyo-ò náh n t̄e ple n sú kwil sokɔ. ⁴⁵ Nte Kalile tãn tɔ-á lésò kyɪ Nsyifunɔ yõrɪ tyénó syáh sokɔ Yerusalemɪ sokɔ, té Yesu tyípínó we s̄e, képah ye wāh pɔ pɔ pé gběnyah sokɔ, pé me à tō sah t̄e.

⁴⁶ Képah sokɔ, Yesu sokɔ kéné gběnyah kwil mè sokɔ, nê-á pé n ye Kanale. Nénpó sokɔ ye lésò à ni vi mɔ pi d̄iv̄ene. Té né-ńgbẽ yó lésò me yòt̄e dí yó tyí Kapernayumi kwil sokɔ. N pídí náh lésò me lènɔle. ⁴⁷ Wāh pɔ noh ne, Yesu-á me wil Nsyude gběnyah sokɔ à pɔ Kalile sokɔ, à me n nyáh sò kyɪ à ni ne, à tiki pɔ Kapernayumi sokɔ, à pɔ pé pídí de mɔ pé kō; wāh me n tyah kúnóle. ⁴⁸ Yesu me yo n tyí ne, pé se yó kɪ f̄e s̄e yah péwɔ yõ; né gb̄il ànê gb̄endùn̄i tyi náh pi pé we ni? ⁴⁹ Nte dí me tō yo n tyí ne, pé yòt̄e, à tiki pɔ súú péwɔ t̄inne pé dípir káh pɔ ku. ⁵⁰ Képah sokɔ, Yesu me yo n tyí ne, à n syɪ sokɔ n t̄inne, n pídí-á de. Dí me s̄e n wey mè yõ, té n syɪ. ⁵¹ Wāh me wẽkɪ yõ, n t̄onpɪbɪ pɔ à yohnɪ, té yo n tyí ne, n pídí-á de. ⁵² A me pé piki yah ne, gb̄í nê se f̄ahf̄ah de n tyí ni? Pé me yo n tyí ne, n̄n̄íní gb̄int̄ò p̄ɔ sokɔ-á w̄ilvyáhn̄i à fin mɔ. ⁵³ Képah sokɔ, dípir sú kè kyomɪ we ne légb̄í mè-ó sokɔ-á Yesu yo pé tyí ne, pé ne n yuku, pé pídí-á de. A tokɔ légb̄í tyí, n̄mɔ ànê n gb̄ò tãn pól s̄e Yesu yõ. ⁵⁴ Té Yesu-á wil Nsyude gběnyah sokɔ, à pɔ Kalile gběnyah sokɔ, képah ye à pi gb̄il ní-òle.

5

Sèkùkù dí yó dénmɔnɔle Yerusalemɪ kwil

¹ Tyi nópi sókónteno náh, Nsyifunɔ syáh yó-á pɔ n syah Yerusalemɪ kwil sokɔ, Yesu d̄ɔkɔ yuku nénpó. ² Té Yerusalemɪ kwil sokɔ, pékɪ yó sò me t̄unsáhn̄óle nine ké sokɔ ké kwil dé-ńsah yó tn̄ò, nê-á pé n ye Képyénì dé-ńsahle. Pé kéné pékile n ye Betisatalé Yebre wey sokɔ. Kènkálnó kwil sò me pínóle ké gb̄òpɔ sokɔ. ³ Yámpú náhnáh sò me s̄ent̄énóle kènkálnó nópi sò. Yít̄ubi sò me, ànê gbáhk̄i núkú névyele, à tahl̄i sèkukubi tyí. [Pè sò ńkẽne ne me ni dúkúrín̄mɔnɔ syikɪ n t̄e. ⁴ Yé náh we di, ȳinyõ t̄onpɪ yó sò ńkẽne ne n de n pɔ ni mè sokɔ, n kéle n dukuri n mɔ, té yónwó nê ńgbò-à de ni mè sokɔ, n yam-à s̄o me dúkù n̄ene, à n de.] ⁵ Té nénpó sokɔ, dí yó lésò me sèkùkùle pópó ye yõgb̄am pó kwárt̄onɔ. ⁶ Yesu-á à we s̄e, té p̄i ne n s̄ent̄énó di-á mo nénpó, à à piki yah ne, à se me ké tyí ne pé de ni? ⁷ Sèkùkù dí me ne, pé yòt̄e, ni-à tyah n dukuri n mɔ gb̄í n̄ene, ney náh n we à péle n yohnɪ n mɔ pé n we n de ké sokɔ. Péwɔ t̄e-à

pópó ne pé we n de, ònî pé dyàh tẽ n de. ⁸ Wàh yo sã, Yesu me yo ò tyí ne, à yuku ò sã sã kwàh tókò ne n kò. ⁹ Nénpó swò, dí núkú de. A me yuku ò sã sã kwàh tókò à n kò.

Té lésò pò yĩne Nsyifunò m̀ m̀ yòhle. ¹⁰ Képah sòkò, dí nê-á dénmonò we, Nsyifunò yòtãm à syah ne òkẽ, m̀ m̀ yòh-á kweyne. A nàh yĩne à ò sã sã kwàh tókò ne n kò. ¹¹ Nte dí me pé syah ne, nê-á de mò péle, òmò-á yo pé tyí ne, pé pé sã sã kwàh tókò ne n kò. ¹² Pè me à piki yah ne, nê se yo ò tyí ne, à ò sã sã kwàh tókò ne n kò nı? ¹³ Légbíne, Yesu mó tã sò yal te dí mè tnô, à de tówù sòkò nénpó. Té dí nê-á sò Yesu de mò, kéne dí nàh sò òne n pne. ¹⁴ Képah nàh, Yesu pò à we Liyel ní-ńsah gbò sòkò té ne, à yah, wàh dénmonò we yò, à kàh tã tyípèlle n pı, tir yó kò kè pò à nò nê-á kal òyòle dé! ¹⁵ Képah tẽne, dí kyı ké yah yo Nsyifunò yòtãm syah ne, Yesu-á sò de mò péle. ¹⁶ Képah sòkò, Nsyifunò yòtãm tyah lékàhle Yesule n kò, wàh sònpıle dénmonò pı m̀ m̀ yòh sòle.* ¹⁷ Yesu me ne, péwò Sú Liyel-á me tò sòkò kúmm, péwò tó-á me sèntẽne n pı. ¹⁸ Yesu-á képah yo sã, Nsyifunò yòtãm tã lékàhle òne n gbah n kò, à ò kònmò-ńsahle n yah n kò, té ne wàh me m̀ m̀ yòh dèlle n pı. A wil képah sòkò, wàh tã me n yo ne òkẽ, pé Sú tótó-á Liyelle, à ò gblòyne n pı núkúle òne.

Tyi nóno-á yo Liyel Pídí tyí sòkò

¹⁹ Képah sòkò, Yesu me tã yo pé tyí ne òkẽ: «Kègbıgbı tẽ yò, mé kéle n yo yé tyí, Pídí nàh fẽ tir yó òtẽ pı n pi ò yah yĩne, né à nàh ké pínó we yah Sú Liyel tyí. Sú Liyel-á òne n pı, sènkò ye Pídí tò n ne n pı. ²⁰ Pídí tyí nò Sú Liyel tyí. Képah ye, wàh tyi nóno pólle n pı, à sé pínóle òne n wèkı. Té wàh tyi nóno à wèkı, à kı tã pò sé lékan pínóle à wèkı n pi, nóno-á kı yé gbàn du. ²¹ Sò-á Sú Liyel lékyıle n yilki n mò, à minne péle n kò, sèntẽ ó ye névi nê-à Pídí dyò, à minne tẽ kò. ²²⁻²³ Sú Liyel me ké tyí ne, nò pól gbılkinóle n sah Pídí yò, sò-á pé kéle n sah òmò yò. Képah ye, à nàh ònî yó òtẽne n tuke. A ye nò pól tukey tyí dahı ò gbò. Té névi nê-à gbılkinóle n sah-òkẽne òmò yò, ò tékínmò-ò Liyel ye tẽ yahle gbılkinóle. ²⁴ Kègbıgbı tẽ yò, mé kéle n yo yé tyí ne, névi nê-à ò wey noh, té sã ò tékínmò-ò yò, tẽ-á kı tyé-òkẽ min we. A nàh n tuke n pi. Wàh wil te kù sòkò, té min we.† ²⁵ Kègbıgbı tẽ yò, mé kéle n yo yé tyí, gbı yó me n pi, nê-á me te núkúnúkú òtẽne yò. Képah sòkò ye névyé nóno-á me kúnóle Liyel tyí òne, pé kı òmò yĩnpò noh, òmò nê-á Liyel Pídíne. Té nóno-à kè noh, pé kı min we. ²⁶ Sò-á Sú Liyelle min nétẽne, sã ye òmò nê-á ò Pídíne, à òmò tò kò mé pı min nétẽne. ²⁷ Té máh pı Névi Pídíne sã, à tukey tükèno tẽnwenòle ò kò. ²⁸ Nte ye kàh n ye tyi nópi yé gbàn du. Gbı yó me n pi, lékyı pól kı ò yĩnpò noh, ²⁹ té kı yuku. Képah sòkò, nóno-á tyípéplò pı, pépi kı yuku tyé-òkẽ min we yĩne. Té nóno-á mó tyípèl pı, pépi wò kı yuku fõh yĩne. ³⁰ Òmò nàh fẽ tir yó òtẽ pı n pi ò yah yĩne. N Sú Liyel-à yo sò ò tyí, sã ye mè n ne n kãm weyne tukey sòkò. Mé nàh me ò gblòy òvìvì tyi pí-ńsahle n yah n kò. Sú Liyel nê-á tekı mò òne, òmò-á me nê tyí, képah ye mè n ne n pı. Képah ye, ò wey kãmno n pı gbı wèkì yò.

³¹ Òmò-à kı nê n yo ò gblòy tyıle, nê kı sã ò tyiyónó yò? ³² Nte nékàhkı ye n yo n wah ò tyıle, té mé pı ne tyi nóno-á à n yo òmò tyí sòkò, gblo-á séle. ³³ Yàh névyé nóno tã Nsyõ tyí òmò tyí sòkò, té à tyi nóno yo, gblo ye séle. ³⁴ Nte mé se yó me n yah

* **5:16** 5.16 - Yàh we Nsyifunò yòtãm lékàhle Yesule n kò, pépi tẽ sòno sòkò, wàh névi de mò m̀ m̀ yòh sòle, tò ye á pı. † **5:24** 5.24 - Wey nê-á Yesu yo ásò sòkò yò ne òkẽ: «Wàh wil te kù sòkò, té min we.» Képah àle n wèkı ne, tyípèl-á yıkinó nê pı Liyel ànê névyé wrò, kù-á kéle Liyel tyí òne. Nte Yesu yò sènole, tyé-òkẽ min tyàhnó-á kéle Liyel tyí òne.

n kɔ̃ nɛ, névi tẽ wɔ́ n dukùle n yo? Yé pwáhnmonɔ wɛ yĩn ye mé tyi nópile n yo yé tyí. ³⁵ Nsyõ lésõ pi kyòole fòtnò tũnsàhnó tyí kɔ̃le. Té kè yé dyɔ, yé nìvìnì pi n kyòò sɔkɔ wró kwéy yó ó sɔkɔ. ³⁶ Nte ñmɔ wɔle, Sú Liyel-á tãn nónó dahbi n gbò n kɔ̃ mé n pi, sépi n̄tẽ me n dukùle n wẽkɪ n wah n kal Nsyõ-á nê yo n tyí sɔkɔ. Kéne tãn nópi pínó ye n wẽkɪ nɛ, Sú Liyel-á tekɪ mɔ ñne. ³⁷ Té à wil képah tyí sɔkɔ, Sú Liyel nê-á tekɪ mɔ ñne, n to n tyí yo wah. Nte yé nãh n welɔ noh yah pólle, yé nãh se tɔ à wɛ yah yĩne. ³⁸ N wɛy nãh me n tẽ yé nno sɔkɔ. Yé nãh wɛ wãh ñmɔ tekɪ mɔ, yé yahle sɛnóle n yó di? ³⁹ Yè n nɛ me n sɔ nɛ, yáh kɪ tyé-ńkẽ min wɛ Liyel wɛy sɛbéy kárnó sɔkɔ, n té kéle n kar firfir. Nte képah ye mó tɔ yo wah tótó ñmɔ tyíle. ⁴⁰ Té yé nãh mó tɔ me ké tyí nɛ, yé pɔ ñmɔ tyí, yé pɔ tyé-ńkẽ min wɛ.

⁴¹ Mé nãh me n yah n kɔ̃ nɛ névyɛ ñne n gbilki. ⁴² Mé yé dukùle n pne. Liyel tyí nãh nɔ yé tyí. ⁴³ N Sú Liyel yĩn yó ye mé pɔ, té yé nãh n tẽ ple. Nte ñn̄i yó-à nukú pɔ n yah yĩne yò, yé kɪ ñmɔ tẽ ple. ⁴⁴ Yé kɪ fẽ sɛ n yó sɔ, yépi nónó-á me ké tyí nɛ yé wẽne n gbilki, té yahle gbilkínó yáhnkɔnɔle, nê-á n wɛ Liyel nukúní ó tyí? ⁴⁵ Yé káh nɛ me n sɔ nɛ, ñmɔ-á kɪ kyɪ yé kɔ̃ n pi lékãhle Sú Liyel yah sɔkɔ dé! Yé gbò sàhnó-á me Moyisi nê yó, ñmɔ ye kɪ kyɪ lékãhle yé kɔ̃. ⁴⁶ Ñmɔ tyí me Moyisi wãrkɪ sah n sɛbéynó sɔkɔ. Gbi-à yé sò me sɛ ñmɔ yó, yé nãhkɪ me sɛ ñmɔ to yó. ⁴⁷ Nte yé nãh fyò me sɛ ñmɔ tyi wãrkínsàhnó yó, sɔ me yé kɪ fẽ sɛ ñmɔ welɔ yó wé?»

6

Tówú ñgbẽ púnóle

¹ Képah nãh, Yesu sɔkɔ Kalile yó-ñgbẽ kahnɛ. Pè tɔ sò kéle n ye Tiberiyadi yó-ñgbẽne. ² Té Yesu-á gbil nónó pi sɔkɔ à yámpú nónó de mɔ tówú wɛ, sépi yĩnne, tówú ñgbẽ sò me n sò tẽ. ³ Képah sɔkɔ, Yesu me dɔkɔ kyɪ kɔ̃ tẽ yóli yó yó ànê n tò sáhpúle. ⁴ Légbíne, Nsyifunɔ yõri tyénó syáh sò me de n tɛ. ⁵ Té Yesu-á n yah yó yah, à tówú ñgbẽ wɛ pè me n pi n tnô. Képah tẽne, à Filipi piki yah nɛ, pé se kɪ wɛ nyãh yòke dwe dwe tẽne kɪ tówú mè kɔ̃ pè kɪ yó nɪ? ⁶ Nte fyãhnyahnó ye sò Yesu n fyãh n yah Filipi fɔkɔle. Nkẽ, wãh sò nê pi n pi, à sò kè pĩ tɛ. ⁷ Wãh yo sɛ, Filipi me à syah nɛ, deniye pó pló* lègbãm (200) fyé búrn dwénóle, káh sɔ yiki tyĩ tyĩ, kè nãh n yĩne n pi péle. ⁸ Képah sɔkɔ, Yesu tò sáhpú sɔkɔ nê-á Simo-Pyerɪ gbẽndí Andrele, ñmɔ me yo Yesu tyí nɛ, ⁹ búrn† pló kwló ànê yɛnkɔ pló nínó-á me dínpir yó tyí ásò. Nte sépi se kɪ tir nê pekɪ nékwínkí nópi dukù tyí nɪ? ¹⁰ Légbíne filki sò me dò nénpó. Képah sɔkɔ, Yesu me yo pé tyí nɛ pè no pól kɔ̃ pè kɔ̃ tẽ sétáh. Díbí népí kèyó nínó kyegbãm (5 000) kénkɔ ye sò me pé sɔkɔ nénpó. ¹¹ Képah sɔkɔ, Yesu me búrn nópi tɔkɔ, té wɛkɪ Liyel tyí, té sè dibi névyɛ tyí, nónó-á sò me nénpó. Wãh yɛnkɔ to tɔkɔ, sɛntẽ ó ye tɔ à pi, té sè dibi no kɔ̃, pé pól wɛ pãh sò me ké tyí sɔ. ¹² Pãh yó tɔ gbí nɛne, Yesu me yo n tò sáhpú tyí nɛ, pè sé téló tuke n mɔ, pè káh n ye kèyãh n̄tẽ pɔ n yiki. ¹³ Búrn pló kwló táhnkwlonshónó nê tókù-á sò me wũ tẽ, pè me sè kwel mɔ, tɔkɔnɪ gbõninó yĩne. ¹⁴ Névyɛ-á Yesu gbil pínó wɛ sɛ, pè nɛ: «Liyel tɛntò syínyo-ò nê-á sò yĩne à pɔ kèkòyó, ñmɔ ye dí mène tótó.» ¹⁵ Képah sɔkɔ, Yesu pĩ nɛ pãh kɪ pɔ nɛ, páh péwɔle n tẽ n kãhlɪ n pi yòtẽne. Kãh pi sɛ, à tɔ yal pé tnô à sɔkɔ yóli yó n gblɔy nukúníne.

* **6:7** 6.7 - Deniyele, pó yó ye sò kéle. Képah pó nukú kɪ sò fẽ nɔ nénúkù gbìyìkì nukú tò pínó danne. † **6:9** 6.9 - Sèmuco yó sò me dénpéfãhkile pè n ye worsile, képah mi ye sò pè mu búrn mène.

Yesu kólóle yó-̀ngbẽ yòtah

16 Té níví lísyi-á pɔ nɔ, Yesu tò sáhpú tiki yuku yó-̀ngbẽ vyãh yah, 17 à kyɪ de krótókè yó sɔkɔ, à tyah n yuku yónkahnɛ, Kapernayumi kwil ònnɛ. Lékâh sò me mɔ te, té Yesu nâh tɔ̀nì sò me pɔ pé tɔ̀. 18 Nte yáhpékè yó sò me kò me nine n fũ n dɔkɔ. 19 Képah sɔkɔ, pãh krótókè to kyɪ yĩni tẽ kilónó kwló kénkõ tyí, pè Yesu we à me n ko n pi yó yòtah pé krótókè ònnɛ. Kãh pɪ sɛ, tíkí pè tẽ. 20 Nte Yesu me yo mɔ pé tyí ne: «Ñmɔ ye, yé káh tíkí pɪ.» 21 Képah sɔkɔ, pè sò me ké tyí ne pé à twah krótókè sɔkɔ, té kè núkú yĩni tẽ yóngbalɪ tyí, òyãh-á sò pè n yuku.

Yesu ye yòkele, nê-á minne n kò

22 Képah sɔkɔ, ðíndalle tówú nê-á sò wũ pé òníní mé-̀nsah, pè kè kyɔmɪ we ne krótókè núkú ó-á òníníne me. Nte Yesu tò sáhpú ó-á sò de ké sɔkɔ à sɔkɔ, Yesu to nâh sɔkɔ péle. 23 Té krótónè yísyó mó me wil Tiberiyadɪ kwil sɔkɔ, me pɔ n de òyãh sɔkɔ-á sò Tẽ òngbẽ Yesu yòke tokɔ té wɛkɪ Liyel tyí, té kéle tówú mè kò pè yò. 24 Nte tówú-á pɔ pĩ gbí nêne ne Yesu nâh me, ò tò sáhpú to nâh me nénpó sɔkɔ, pè núkú de krótónè sɔkɔ, à sɔkɔ Yesu yáhnkõ-̀nsah Kapernayumi kwil sɔkɔ. 25 Képah sɔkɔ, pãh kyɪ à we yó-̀ngbẽ kahnɛ, pè à syah ne, kwó-ò ðí, gbí nê se à pɔ ásô nɪ? 26 Nte Yesu me pè syah ne: «Kègbɪgbɪ tẽ yò, mé kéle n yo yé tyí ne, yáh gbɪl tyi nónó we, sépi-á nêne n wɛkɪ, képah yĩn nâh yé n yah n kò òne dé! Yòke nê-á yé we yò tɔ̀, képah yĩn ye yé n yah n kò òmɔle. 27 Yé káh tòle n pɪ yòke yĩnne, nê-á kɪ n yɪkɪ n pi. Yé tòle n pɪ yòke yĩnne nê-á kɪ n tẽ n pi kúmm, té tyé-̀nkẽ minne n kò. Névi Pídí ye kɪ yé kò n pi kéne yòkele, òmɔ nê-á Sú Liyel kè wɛkɪ ne páh pé tɔ̀ríle à kò.» 28 Képah tẽne, pè à piki yah ne, tyi nónó se pé yĩne pé pɪ, pé mó Liyel tò we pɪ nɪ? 29 Yesu me yo pé tyí ne: «Liyel-á nê tekɪ mɔ,† yáh kɪ sɛ òmɔ yò, képah ye Liyel tòle.»

30 Pè me yo ò tyí ne, gbɪl tir nê se òmɔ kɪ pɪ pé wɛkɪ, pé kò pé sɛ ò yò nɪ? Tir nê se à kɪ pɪ nɪ? 31 Pépi nâh tãn-á yòke yò gbɛ̀nnɪ sɔkɔ, nê-á pè n ye mánne,§ à yĩne sɔ-á kè wãrkɪ sah ne:

«À ye yòkele pè kò pè yò nê-á wil yĩnyò.»*

32 Nte Yesu me ne: «Kègbɪgbɪ tẽ yò, mé kéle n yo yé tyí ne, Moyisi nâh kò yéle yòke mènne nê-á wil yĩnyò dé, ò Sú Liyel ye n kò yéle yòke gbɪle, nê-á n wil yĩnyò. 33 Kéne yòke nê-á Liyel n kò nê-á wil yĩnyò à tiki pɔ, képah ye minne kèkòyó névyele n kò.»

34 Képah sɔkɔ, pè ne pé yòtẽ, à yòke† mènne péle n kò gbímegbí kè. 35 Képah tẽne, Yesu me yo pé tyí ne: «Ñmɔ ye yòke mènne, nê-á minne n kò. Névi nê-á pɔ òmɔ tyí té sɛ ò yò, kwɛkɪ ànê níkí nâh tɔ̀ tẽ tẽ n yah n pi. 36 Té mé ye kè yo te yé tyí ne yáh ò we. Nte yé nâh me sɛ ò yò. 37-38 Òmɔ nâh wil yĩnyò à tiki pɔ ò dyɔ yí tyi pɪ yĩnne dé! Nê-á tekɪ mɔ òne, òmɔ-á me nê tyí, képah pí-̀nsah ye mé pɔ. Képah ye, Sú Liyel-á nónó pólle ò kò, pè kɪ pɔ ò tyí. Té nê-á pɔ òmɔ tyí, mé nâh à milki n pi pólle. 39 Té nê-á tekɪ mɔ òne, òmɔ-á me nê tyí, képah ye yò ne ònkẽ, páh nónóne ò kò mé káh n ye pé sɔkɔ yó òtẽ tyí yɪkɪ. Nte mé mó n pɔ pé lékyí yilki mɔ gbɪyìkí téy sòle.‡ 40 Té yah, òmɔ Sú-á me nê tyí, képah ye yò ne, névi nê-á ò yah mɔ òmɔ ònnɛ, òmɔ nê-á Pídíne, té sɛ ò yò, tẽ tyé-̀nkẽ min we, té òmɔ mó tẽ lékó yilki mɔ gbɪyìkí téy sòle.»

‡ 6:29 6.29 - Yesu-á ne Liyel-á ne páh kɪ nê tekɪ mɔ, ò gblɔy ye à n ye. § 6:31 6.31 - Mánne, yípórí pépér yó ye kéle lésò Liyel n tiki n mɔ Yisrayel tãne n kò pè n pɪ yòkele, gbí nê-á lésò pè me gbɛ̀nnɪ sɔkɔ. Yah n te Yálnó sébéy 16. * 6:31 6.31 - Yah n te Gbálnó 78.24. † 6:34 6.34 - Yòke nê tyí-á Yesu n yo ásô sɔkɔ yò, min yòke ye. Té nónó-á n piki n yah òne, pépi sò me n sò ne kèkùrkí yí yòke tyí-á à n yo. ‡ 6:39 6.39 - Gbɪyìkí téy nê tyí-á n yo ásô sɔkɔ yò, Liyel tukey tuke sò tyí ye kè n yo.

41 Képah sɔkɔ, Nsyifunɔ tyah Yesu sèyòkèlè n yo wě tyí, wăh sǎnpíle sò yo ne péwɔ-á yòkelè, nê-á wil yínyò à tiki pɔ. 42 Pè sò me yo tũ ne, Nsyosefu pídí Yesu kó ònne ni? Nmɔ nê-á pé n sú ànê yúne n pne, à se pi sǒ té pɔ n yo núkúnúkú ne, páh wil yínyò à tiki pɔ ni? 43 Képah sɔkɔ, Yesu yo pé tyí ne: «Yé káh ní sèyòkèlè n yo yé wě wró. 44 Nnî yó ntě náh fě n pɔ n pi nímɔ tyí, né Sú Liyel nê-á tekɩ mɔ òne, òmɔ náh tě yah tě. Té nímɔ kɩ mó tě lékó yilki mɔ gbǎyǎkɩ téy sòle. 45 Kè me wárkínsàhnóle Liyel tǎntò syínyopu sébéynó sɔkɔ ne: <Liyel kɩ pé pól kwɔ.>§ Nte névi nê-à Sú Liyel wey noh té n kwónó fě syi, tě n pɔ nímɔ tyí. 46 Nte nnî yó ntě yí náh tě yah Sú Liyel yò, à wil nímɔ tyí sɔkɔ, nímɔ nê-á wil n tnô. Nmɔ ó we òne. 47 Kègbɩgbɩ tě yò, mé kéle n yo yé tyí, névi nê-à sě ní yò, tě kɩ tyé-ńkě min we. 48 Nmɔ ye yòkelè nê-á minne n kǒ. 49 Yé náh tǎn ye yòke yò gběnnɩ sɔkɔ, yòke nê-á pè n ye mǎnne.* Nte képah fyé yò, pé pól náh pɔ ku di? 50 Té yòke nê tě wɔ-á n wil yínyò à tiki pɔ, névi nê-à képah yò, tě náh tǒ ku n yah n pi. 51 Nmɔ ye yòkelè, nê-á wil yínyò à tiki pɔ, té minne n kǒ. Névi nê-à kéne yòke yò, tě kɩ tyé-ńkě min we. Yòke nê-á mé kɩ n kǒ n pi, ní wil gběnsê ye. Mé ye kéle n kǒ ne, kèkǒyó névye min we.»

52 Képah tě sɔkɔ, yékâb ògbě de Nsyifunɔ wró. Pè sò me n yo ne, dí mè se kɩ fě n wil gběnsêlè pépi kǒ sǒ yòkelè ni? 53 Képah sɔkɔ, Yesu yo pé tyí ne: «Kègbɩgbɩ tě yò, mé kéle n yo yé tyí, yáh kɩ Névi Pídí wil gběnsê pí-ńkěne yé yòkelè, té n tǒ pí-ńkěne yé wɔ wɔ kwâhle, yé náh min we n pi dé!† 54-55 Yòke kègbɩ ye nímɔ wil gběnsêlè, wɔ wɔ kwâh kègbɩ me ní tǒne. Képah ye névi nê-à nímɔ wil gběnsê pi n yòkelè, té ní tǒ pi n wɔ wɔ kwâhle, tě ye tyé-ńkě min we. Té nímɔ kɩ mó tě lékó yilki mɔ gbǎyǎkɩ téy sòle. 56 Névi nê-à nímɔ wil gběnsê pi n yòkelè, té ní tǒ pi n wɔ wɔ kwâhle, tě kɩ me nímɔle, té nímɔ tɔ kɩ me tǎne. 57 Sú Liyel nê-á tekɩ mɔ òne, òmɔ ye min nétǎne. Nmɔ me min sɔkɔ òmɔ gbò yò. Sě ye névi nê-à ní wil gběnsê pi n yòkelè, tě kɩ me min sɔkɔ nímɔ gbò yò. 58 Kéne yòke nê-á wil yínyò à tiki pɔ yò, kè náh me núkúle ànê yé náh tǎn-á nê yò gběnnɩ sɔkɔ, pépi nónó-á ku sɔkɔ. Nte névi nê-à képah yò, tě kɩ tyé-ńkě min we.» 59 Yesu kéne tyi yo gbí nê-á lésò à me névyele n kwɔ Kapernayumi kwil, Nsyifunɔ Liyel ní-ńsah wòkò sɔkɔ.

60 Té Yesu-á welo nópi yo sě, n tǒ sǎhpú nahnáh tyah n yo wě tyí ne ńkě, n tyi yónó nópi-á me tah dé! Nê se kɩ fě sè fě syi ni? 61 Nte Yesu-á pĩ ne pé tǒ sǎhpú-á me pé sèyòkèlè n yo wey mè tyí sɔkɔ, à pè syah ne: «Kè se kǎn pi yépi tǔle? 62 Té yâh pyě pɔ Névi Pídí we à yò dɔkɔ n sɔkɔ wăh wil nýǎh sɔkɔ wé? 63 Liyel Mirki ye min nétǎne, nòte tir nê me névi kɩ fě pekɩ n gblǒy? Nmɔ-á welo nónó yo yé tyí, sè n wil Liyel Mirki tyí, té minne n kǒ. 64 Nte túkù me yé sɔkɔ, pè náh me sě ní yò.» Té yah, à toko ké tyah gbí dùkù tyí, Yesu sò n yò sě-ńkěpúle n pne, à tahlɩ nê tɔ-á ne pɔ à dahbɩ n pi gbò sɔkɔ. 65 Képah sɔkɔ, Yesu tǒ ne: «Képah ye ní kǒ mé kè yo ne ńkě, nnî yó ntě náh fě n pɔ n pi nímɔ tyí, né Sú Liyel náh ké wěkɩle à kǒ.»

66 A toko légbí tyí, n sò tǎpú nahnáh núkú pé syi n náh, pè náh tǒ me n sòle n tě. 67 Képah sɔkɔ, Yesu me yo n tǒ sǎhpú népí gbǒnimí‡ tyí ne ńkě, té pépi-á dò, pé tɔ kó pé syi n pi ni? 68 Nte Simo-Pyerɩ me ne ńkě: «Tyé-ńkě min welo nétǎ ye áwɔle, nê tyí me ápi kɩ tǒ yuku wé, Tě ògbě? 69 Ápi tě wɔ sǎnó me á yò, ànê á pĩ ne áwɔ-á Liyel wilki sah n tyí yò.» 70 Képah tǎne, Yesu tǒ yo pé tyí ne, péwɔ kó yah wilki péle népí

§ 6:45 6.45 - Yah n te Yesayi 54.13. * 6:49 6.49 - Yah n te Nsyõ 6.31. † 6:53 6.53 - Névi Pídí wil gběnsê ànê n tǒ nê tyí-á n yo ásò sɔkɔ yò ne sǎh kɩ pi yòke ànê wɔ wɔ kwâhle, sèmírki ye Yesu mɩ pé tyí kéle, nê-á n wěkɩ ne òmɔ-á sárká kápókɩle. ‡ 6:67 6.67 - Yah n te Likyi 6.13-16.

gbõnimíne nı? Nte sétõ-á pé soko nénúkù yóle. ⁷¹ Té Nsyudası ye sò Yesu n ye, ñmo nê-á Simo Yisikariyotı pídíne. Yesu tò sáhpú népı gbõnimı soko yó ye sò ñne. Té ñmo ye kı sò pò Yesu dahbı n pi gbõ soko.

7

Yesu yúnpyé náh sê ñ yõ

¹ Képah náh, Yesu sò me yõ soko n kò n kò Kalile gběnyah soko. Té Nsyifunõ yõtãm-á sò me n yah n kò ñ kònmõ-ńsahle Nsyude gběnyah soko sê, képah ye à náh tõ sò me ké tyı ne, pé kò kò nénpó. ² Té Nsyifunõ kènkàl sò syáh* sò me de n te. ³ Yesu yúnpyé† me yo ñ tyı ne níkě, à yal ásô, à mó yuku Nsyude gběnyah soko, ñ sò tẽpú tò kò pé ñ tyípínó we. ⁴ Nkě névi nê-à me ké tyı ne no pé òkù pı, tẽ náh ñ tyile n pi sètın sò soko. Té ñmo-á tyi nónoné n pi yò, wãh yıne à séle n pi n wilki n mò, no kò pé à we. ⁵ Nte Yesu yúnpyé íntě náh sò me sê ñ yõ. ⁶ Képah soko, Yesu me ne ké gbı náh tõnı se péwò tyı. Gbımegbí-á se me yínénóle pépi tyı té. ⁷ Kèkõyó névyé náh fẽ pépi dyo yo n pi. Nte pãh me péwò wò dyole n yo, pãh sõnpıle kéle n yo n wah ne pé tyípínı náh me ple. ⁸ Pépi òkò n yuku kéne syáh soko. Péwò tẽ wò tyı, ké gbı náh tõnı se. Képah-á, pé náh n kyı n pi. ⁹ Wãh képah yo te, à wũ Kalile soko.

Yesu ménóle Nsyifunõ kènkàl sò syáh soko, Yerusalemı kwil

¹⁰ Té ñ yúnpyé-á soko te syáh mè soko, ñmo tò yuku nénpó nyáh sò. Té à náh sò ye névyé kò pé à we. A kè pi wõbınsokõnõle kanne. ¹¹ Té Nsyifunõ yõtãm mó me ñne n yah n kò syáh mè soko, té me n piki n yah ne, nıyãh se ñne nı? ¹² Képah soko, tówũ mè névyé tyah Yesu tyıle n yãh tõtò. Pé túkù sò me n yo ne négbı-á ñne, túkù mó me n yo ne sê náh, ñmo-á pyè n pilki névyele níkě. ¹³ Nte Nsyifunõ yõtãm tíkí sò me pé tẽ. Kãh pi sê, pé soko yó íntě náh tẽ we ñ yõ wilki mò à yo Yesu tyı soko.

¹⁴ Syáh mè sò me ké nıyó soko,‡ té Yesu òkò pò Liyel ní-ńsah gbò soko, à pò kwónóle n pi. ¹⁵ Té wãh kwónó nêne n pi, kè Nsyifunõ yõtãm gbãn du. Pé me tyah n yo wẽ tyı ne, dí mè se we nıyãh pnénó mè òkùle nı? Té à náh se mó tõ kãrn ñgbẽ pi. ¹⁶ Képah soko, Yesu me yo pé tyı ne níkě: «Máh kwónóle n pi tyi nóno yõ yò, ñmo náh sò tẽ séle dé, Liyel nê-à tekı mò ñne, ñmo ye n wẽkı séle. ¹⁷ Névi nê-à kè yah tokò ne pé Liyel dyo dyo tẽne n pi, tẽ wò ye kı fẽ ké gbı pı, Liyel-à kı nê wẽkı ñne séle, képah náh pi, ní yah yıı kwónó-à kı ne mé n pi. ¹⁸ Névi nê-à ñ yah yıı tyile n yo, ñ gblõy yın gbılki-ńsah ye à n yah n kò. Nte névi nê-à me ké tyı ne pé tyı pól pi, pé tó-ò yın mó gbilki, négbı ye tẽne. Pılki-ńsah náh me tẽ tyı pólle. ¹⁹ Moyisi náh Liyel tyi kònsàhnóle yé kò di? Nte yé soko yó íntě náh se me n kò ké wẽkı yõ nı? Sõ pi té yé n yah n kò ñmo kònmõ-ńsahle wé?» ²⁰ Képah tẽne, tówũ à syah ne sétõ-á me ñ soko, à kò à képahle n yo, nòte nê se ne pãh ñne n ko n mò nı? ²¹ Yesu me tõ yo pé tyı ne: «Tyi núkú yó ó* náh mé pi, té yé pól gbãn du yò di? ²² Moyisi náh mò yéle kòkè kòno soko di? Nte ñmo íntě náh tyah ké gbenne ò, ñ náh tãn ye tyah kéle. Té yé náh me

* **7:2** 7.2 - Nsyifunõ kènkàl sò syáh mène, pé sò níkěne kè syah sèpın kwãrtõnõ, ñ té ne n sê kènkàl sò. Képah sò pé dyole n to n kò pé yèvyãhrı pínóle gbènnı soko, ànê Liyel-á pé yohnı mò òkù nêne. Yah n te Levitiki 23.34.

† **7:3** 7.3 - Yesu yúnpyé nóno tyı-á n yo ásô soko yò, túkù sòno soko, ñ kèkùrkı núkú gbãm ye à n ye. Té túkù sòno soko mó, ñ kèkùrkı núkú gbãm náh à n ye. ‡ **7:14** 7.14 - Syáh nê tyı-á n yo ásô soko yò, sèpın kwãrtõnõ ye sò kè n syah. § **7:19** 7.19 - Yãh we Yesu képahle n yo, kè me yónóle Moyisi tyi kònsàhnó soko ne níkě: «Káh nékókè mò.» Yah n te Yálnó sèbéy 20.13, ànê Nsyõ 5.18.

* **7:21** 7.21 - Yah n te Nsyõ 5.1-16.

píyíle n kō mī mī yòh sōle di?† 23 Nte yépi-à kòkèle n kō mī mī yòh sōle, ne yé káh pò Moyisi tyi kònsàhnó dèl pī, sō pī té ñmɔ-á névi yòtàhsyi pól de mō mī mī yòh sōle, yé ñ dyòle n yo wé? 24 Yé káh tyile n wah à yīne yí yáhnóle. Yé séle n wah gbī wèkì yō.»

Yesu se Liyel ney yáhtokɔnɔle?

25 Képah sɔkɔ, Yerusalemī tãn túkù sò me n yo ne ñkě, dí nê-á sò pè n yah n kō ne pé ko mō, ñmɔ kó yò nī? 26 Nte pè yah à n wekī tówû niyó, té pè nãh me n vi n mō ñ tyí lé! Yòtãm se kī pyè me kè fě syi ne, ñmɔ-á Liyel ney yáhtokɔnɔle nī? 27 Té Liyel ney yáhtokɔnɔ-à sò nêne pò, névi nãh ñ wìl-ñsah pī n pi, nte pépi-á dí mè wìl-ñsah pī dò.

28 Képah ye, Yesu-á me névyele n kwɔ Liyel ní-ñsah gbô sɔkɔ, à yo pé tyí yīnpõ ñgběne ne: «Yé ñne n pne, té ñ wìl-ñsah pī yé yo kè? Nte ñmɔ nãh pò ñ gblõy yō sě dé! Liyel nê-á tekī mō ñmɔle, à me gbī ó ñ tōó, ñmɔ nê-á yé nãh ñne n pne. 29 Nte ñmɔ wɔ wil ñ tnô. Mé ñne n pne, ànê ñmɔ ye tekī mō ñne.» 30 Képah tẽ sɔkɔ, pè tyah Yesu tẽ-ñsahle n yah n kō. Té kãh pī ñ gbī nãh tōnì sò me se sě, ñnî yó ñtẽ nãh tẽ we gbò tũ ñ tyí. 31 Nte tówû mè sɔkɔ névyele nãhnãh sò me sě ñ yō, té me n yo ne, té Liyel ney yáhtokɔnɔ-à sò nêne pò, à se kī pò gbīl tyi pī kī kal dí mè tyíle yò nī?

Liyel ní-ñsah gbô syíkípú tékínmɔnɔle ne pè kyī Yesu tẽ

32 Té tówû-á sò me tyi nónónɔ n yãh tótõ Yesu tyí sɔkɔ, sè pò we de Farisi wèkì kópú níkí sɔkɔ. Képah sɔkɔ, pépi ànê sárká syínwìlkīpu yòtãm me Liyel ní-ñsah gbô syíkípú tekī mō ne, pè kyī Yesu tẽ. 33 Pãh pò, Yesu me ne: «Ñmɔ kī me yéle kī wró kwéy ó pī ñtõ,‡ té kī sɔkɔ ñ tékínmɔ-ò tnô. 34 Ñmɔ-á kī n me n pi ñyãh sɔkɔ, yépi nãh fě n kyī nénpó. Képah ye, yé kī ñ yah kō té yé nãh ñ we n pi.» 35 Wãh yo sě, Nsyifunɔ núkú tyah n yo wẽ tyí ne, ñyãh se ñmɔ kī n yuku n pi, té pépi kī à yah kwlo nī? Ñkě pé no Nsyifunɔ nónó-á me karkī tẽ tẽ kō nékáhbí wró, pépi tyí se pyè à kī yuku, kī kyī nékáhbíle n kwɔ nī? 36 Ñkě welo nónó-á à yo yò ne ñkě: «Ñmɔ-á kī n me n pi ñyãh sɔkɔ, yépi nãh fě n kyī nénpó, képah ye, yé kī ñ yah kō, té yé nãh ñ we n pi.» Sépi kór se nêne nī?

Ni nê-á minne n kō

37 Syáh gbìyìkì téy sōle, nê-á pī ké gbìyìkì ñgběne, Yesu yuku yīn tówû sɔkɔ, té yo yīnpõ ñgběne ne: «Níkì-à me nê tẽ, tẽ pò ñmɔ tyí, à pò wɔ.‡ 38 Névi nê-à sě ñmɔ yō, min yrey kī n fwo n wil tẽ sɔkɔ, sã-á Liyel wey sébéy yo kéle.» 39 Liyel Mirki nê-á sò Yesu yō sěpú kī pò n we n pi, képah tyí ye sò Yesu n yo. Té légbíne, Yesu nãh tōnì sò me dokɔ ñ tǒrí yō, képah ye Liyel nãh tōnì sò me ñ Mirkile pè kō.

Yesu tyí-á gbékínó nê dahbī tówû wró

40 Tówû-á Yesu wey mè noh te, túkù tyah n yo ne ñkě, Liyel tẽntõ syínyo-ò* nê-á pé syíkí tẽ, ñmɔ-á dí mène tótó. 41 Túkù mó ne, Liyel-á nê yah tɔkɔ, ñmɔ-á. Té túkù tẽ wɔ mó ne, Liyel ney yáhtokɔnɔ† se kī fě wil Kalile gběnyah sɔkɔ nī? 42 Kè kó me yónóle Liyel wey sébéy sɔkɔ ne ñkě, wãh kī pī yòtẽ dí Davidi pétóbé sɔkɔ yóle, té kī

† 7:22 7.22 - Liyel lésò yégbékè kwɔ mō Abrahmīne té yo ñ tyí ne, pè dínpī pólle n kō pé dúbínó sèpìn kwártõ-ò sònóle. Képah-á kī pī yégbékè kwɔnɔnɔ mè pókónmɔnɔle. Képah ye, lésò-à sō pō yīne mī mī yòh sōle, Nsyifunɔ kéle n pī. Yah n te Yenesu 17.10-12. ‡ 7:33 7.33 - Wey mè yónteno nãh, Yesu ñwóló kénúkò kénkò pī, té pè à syi dahni yō, à à ko mō. § 7:37 7.37 - Syáh mè sɔkɔ, pè sò ñkěne pé dyòle n to n kō nī tyíle, Liyel-á lésò nêne péle n kō gběnni sɔkɔ. Képah ye Yesu kō à ne níkì-à nê tẽ, tẽ pò wɔ péwɔ tyí. * 7:40 7.40 - Yah n te Nsyõ 1.21 ; 6.14. † 7:41 7.41 - Yah n te Krista tyí yah yónó sɔkɔ. Kè kī we welo yah yónó sɔkɔ.

n dubi n pi Betlemu kwil,‡ képah nê soko-á Davidi dubi di? ⁴³ Képah soko, névye sôno pi sé tyí tyíle Yesu tyí soko. ⁴⁴ Túkù sò me n yah n kô n tẽ-nsahle, nte nnî yó ntẽ nâh tẽ we gbõ tũ n tyí.

⁴⁵ Képah soko, Liyel ní-nsah gbô syíkípu pé syi soko sárká syínwilkipu yõtãm ànê Farisi wèkì kópú tnô. Pèpi me pè piki yah ne, sô se pi té pè nâh Yesu tẽ po ni? ⁴⁶ Pè me pè syah ne, dí mè wey kénkô nâh me pólle. ⁴⁷ Képah tẽne, Farisi wèkì kópú ne, è, pè se pyë ye à kô à pé to yô yiki ni? ⁴⁸ Pè se yõtẽ yó, képah nâh pi, Farisi wèkì kó-ò yó we yah à sê Yesu yô ni? ⁴⁹ Té kâh tówû mè névye tẽ wô léysi, pè nâh Moyisi tyi kònsàhnóle n pne dò. Pé pól tyí-á yiki.

⁵⁰ Té Farisi wèkì kópú nòpi soko yó sò me pè n ye Nikodemune, nê-á kyi wil yah Yesu tyí sô yóle. § Nmo me yo pé no tyí ne: ⁵¹ «À yĩne ápi tyi kònsàhnóle, á se yĩne à lékâhle névi kô, né á nâh n vyãh wey noh, té pĩ tyi nónó-á à pi?» ⁵² Képah soko, pé no à syah ne, è, Kalile gběnyah ney se n tôle té à n weki sê ni? Nkẽ, à Liyel wey sébéy toko n sohl n yah, wãh ki kè we ne, Liyel tẽntò syinyo-ò yó ntẽ nâh n wil Kalile gběnyah soko.

⁵³ [Képah nâh, pé pól karku soko pé fné soko.

8

¹ Nte, Yesu wô mó soko Wolivi yèh yõh yõ.

Fòfínpi pi yó tẽnpõnole Yesu tyí

² Té dīndal séngbõ púpúle, Yesu tã n syi po Liyel ní-nsah gbô soko, té no pól me po n tnô. A me kô tẽ à tyah péle n kwô. ³ Wãh me kwónó soko, Liyel tyi kònsàhnó kwópú ànê Farisi wèkì kópú me po sê fòfínpi yóle n tyí. Pè po pi mè sah tówû niyó Yesu yah, ⁴ té Yesu syah ne, kwó-ò dí, páh pi mè we tẽ fòfíkì pínó soko tótó. ⁵ Té Moyisi-á kè yo sah n tyi kònsàhnó soko ne, sènkô sê-á yĩne mínkónóle dyèhle.* Té nmo-á dò, nmo se ne sô-á ni? ⁶ Pè sò me képah tẽne n yo sê, ne wãh ki pilki pé lékâh we à kô.† Nte Yesu me n yô sīnki, té tyah n wãrki sétáh soko n kèngbòle. ⁷ Kãh pi sê, pè tã me yõ soko ñne n gbah n piki n yah. Képah tẽne, à me n yô yõ té yo pé tyí ne: «Yé soko ney nê-à ki me à nâh tyípékè pi yah pólle, tẽ wô dáhkile pi mè min gbenne.» ⁸ Képah yónteno nâh, à tã n yô sīnki à tyah n wãrki sétáh soko. ⁹ Pãh képah tẽ noh sê, pè tyah n soko núkú núkúle, à toko lékóló ñgbò tyí, pópó à po gbàh sah Yesu ànê pi mè ó tyí nénpó. ¹⁰ Képah soko, Yesu me n yô yõ té yo pi tyí ne, nónó-á po toko à kô, rýãh se péle ni? Pé soko yó ntẽ kó à mō kũ kô ni? ¹¹ Pi me ne, pé yõtẽ, ney nâh pé mō kũ kô. Képah soko, Yesu me ne: «Nmo to nâh n mō kũ kô n pi. Ne n yuku; té à toko núkúnúkú tyí, kâh n tã tyípékè pi n yah.»]

Yesu ye kèkõyó kyòole

¹² Képah nâh, Yesu tã yo névye tyí ne: «Nmo ye kèkõyó kyòole. Névi nê-à nmo sò tẽ, tẽ nâh tã n ko n pi fẽntũ soko. A ki kyòò we, nê-á ki minne à kô.

¹³ Képah soko, Farisi wèkì kópú à syah ne, nê se ki sê n tyíyónó yõ ni? Nmo ó kó n gblõy tàrfyòle yò ni?‡ ¹⁴ Yesu me yo pé tyí ne nkẽ: «Gbì tẽ wô ye nmo ye ní gblõy tàrfyòle ó, nte nmo ní wíl-nsahle n pne, té ní yúkú-nsahle n pne. Képah ye, máh tyi

‡ 7:42 7.42 - Yah n te Mise 5.1. § 7:50 7.50 - Yah n te Nsyõ 3.1-21. * 8:5 8.5 - Yah n te Tõnyono 22.22. † 8:6 8.6 - Pilkintẽ-nsah ye sò pè n yah n kô Yesule. Wãh ki ne pè à min ko dyèhle, Wrome tân dèl ye à pi. Wãh ki mó tã yo ne pè à fin mō, à Moyisi tyi kònsàhnó dèl pi. ‡ 8:13 8.13 - Nsyifunõ tyi kònsàhnó soko, né tàrfyò névye nâh nò nímíne tir nê tyí, kéne tir nâh n mō n kô. Yah n te Tõnyono 17.6; Matye 18.16.

nónó yo ní gblõy dùkù tyí sòkò, gblò ye séle. Té yépi náh ní wíl-nsah pĩ, yé náh se mó tõ ní yúkú-nsah pĩ. ¹⁵ Yépi tẽ wo lékàhle névyele n kò à yĩne névi yõtãhsyi sònole. Nte nímò wo náh lékàhle nnî yó ntẽne n kò. ¹⁶ Té kàh se pò pĩ mé yĩne mè lékàhle nnî kò, mé náh kéle à kò n pi ní gblõy. Sú Liyel nê-á tekĩ mò íne, á kĩ kéle à kò wẽ tyí òmole. Képah ye, ní lékàh kónó kĩ pĩ gbĩ wẽkì yõ. ¹⁷ Kè náh me wárkínsàhnóle yé tyi kònsàhnó sòkò ne, népĩ ními-à pĩ tàrfyòle tir nê sòkò, gbĩ-á kéle di? ¹⁸ Nímò me ní gblõy tyíle n yo, té Sú Liyel nê-á tekĩ mò íne, nímò tò me ní tyíle n yo.» ¹⁹ Képah sòkò, pè Yesu syah ne, nýãh se ò súle nĩ? Yesu me ne: «Yé náh nímòle n pne, yé náh ní Sú tole n pne. Yáh sò me íne pne, yé náhkĩ ní Sú tò pĩ.» ²⁰ Yesu sò me kwónóle n pĩ Liyel ní-nsah gbô fí yó sòkò, nýãh-á ké pò kyésúkùle, té tyi nópi yo. Nte ò gbĩ náh tònì sò me se, képah ye nnî yó ntẽ náh tẽ we à tẽ.

Gbáhdýâh dínóle Yesu yõ sê-nkêpú tyí

²¹ Képah náh, Yesu tõ yo tówú tyí ne: «Nímò ye n sòkò yò. Yé kĩ ní yah n kò n pi, òte yé kĩ ku yé tyípékè sòkò. Nímò-á n yuku nýãh, yépi náh fẽ n kyĩ n pi nénpó.» ²² Képah sòkò, Nsyifunò ne, òte ò gblõy ko mò dékè se kĩ pyè me à tẽ nĩ? Á kò à n yo ne, pépi náh fẽ n kyĩ n pi péwo yúkú-nsah sòkò. ²³ Yesu me yo pé tyí ne: «Yépile, sétáh yõ névyele ye yéle, té nímò wòle, nímò wíl yĩnyõ. Kèkõyó mè névyele ye yépile, òte ké névi náh nímò wòle. ²⁴ Yáh we mé kéle n yo yé tyí ne yáh kĩ ku yé tyípèl sòkò, yé náh me sê ké yõ ne, Nímò-á,* képah ye ní kò mé ne yáh kĩ ku yé tyípèl sòkò.»† ²⁵ Képah sòkò, pè à piki yah ne, nê tẽ ó se òmòle nĩ? Yesu me yo pé tyí ne: «Mé sò kè yo te yé tyí ké tyah gbí dùkùle. ²⁶ Tyi náhnáh me ní tyí yo yo tẽne yé tyí sòkò ànê kĩ lékàhle yé kò. Nte máh nê noh ní tékínmò-ò tyí, képah ó ye mé n yo yé tyí. Nímò ye gbĩ nètẽne.» ²⁷ Nte pépi náh sò me pĩ ne, Sú Liyel tyí-á Yesu n yo pé tyí. ²⁸ Képah sòkò, Yesu yo pé tyí ne: «Yáh pò Névi Pídí yõ dokò gbí nêne, yé kĩ pĩ ne Nímò-á. Té kĩ tõ pĩ ne mé náh tir yó ntẽne n pĩ ní yah yĩne. Sú Liyel-á tyi nóóné ní kwò, sépi ó ye mè n ne n yo. ²⁹ Nê-á tekĩ mò nímòle, mé me ò dyò yí tyíle n pĩ gbímegbí, képah ye à me íne, à náh ní sah n pi ní gblõy.» ³⁰ Yesu-á me képah yónó sòkò gbí nêne, névyele náhnáh sê ò yõ.

Nónó me Abrahami pétóbéle tótó?

³¹ Képah tẽne, Nsyifunò nóónó-á sò sê Yesu yõ, à me yo pé tyí ne: «Yáh kĩ me nímò tyíyónó wèkile n kò, ní tò sáhpú kègblo ye yéle. ³² Yé kĩ gbule n pne, té kéne gbĩ kĩ yé wilki yõri sòkò.» ³³ Képah sòkò, pè me Yesu syah ne, Abrahami pétóbé-á pépile. Pépi náh pĩ yah nnî yó ntẽ yòbule pólle. Nte à se sònpíle n yo ne, pépi-á kĩ wíl yõri sòkò nĩ? ³⁴ Yesu me yo pé tyí ne: «Kègbìgbì tẽ yõ, mé kéle n yo yé tyí, névi nê-à tyípékèle n pĩ, tyípékè yõ ye tẽne. ³⁵ Yòle, ò yõtẽ dí gbô sòkò tẽ-ò kúmm náh òne. Nte yõtẽ dí pídí tẽ wòle, ò sú gbô sòkò tẽ-ò kúmm ye òmòle. ³⁶ Képah ye, Liyel Pídí-à yé wilki yõri sòkò, yé kĩ me yé gblõy yõ kègbì tẽ yõ.

³⁷ Mé pĩ ne Abrahami pétóbé-á yéle. Nte yáh nímò wòle yahle, képah ye yé kò yé n yah n kò ní kònmò-nsahle. ³⁸ Nímò-á nê we ní Sú Liyel tyí, képah ye mé n yo. Yépi tò-á mó tyi nóónó noh yé sú tyí, sépi ye yé n pĩ.» ³⁹ Páh Yesu wey noh sê, pè à syah ne, Abrahami-á pépi súle. Képah sòkò, Yesu ne: «Yáh sò me Abrahami pétóbéle, yé náhkĩ me Abrahami tyípinìne n pĩ. ⁴⁰ Nte núkúnúkú, nímò nê-á gbĩ noh ní Sú Liyel tyí à yo

§ 8:17 8.17 - Yah n te Tõnyonò 17.6. * 8:24 8.24 - Nímò-á nê tyí-á n yo ásò sòkò yò, Liyel ngbò ye lésò ò gblõy ye Nímò ye Nímòle. Té Yesu tò-á pò ò gblõy ye Nímò yele, képah kéle n wèkì ne Liyel-á òne. Yah n te Yálnó 3.14. † 8:24 8.24 - Kù nê tyí-á Yesu yo ásò sòkò yò, kù gbòy tyí náh à n yo, Liyel tyí fín kù tyí ye à n yo.

yé tyí, yé n yah n kō n̄m̄o kònm̄o-ńsahle. Abrahamu n̄ah s̄enkō p̄i d̄o. ⁴¹ Yépile, yé sú tyípínó ye yé n p̄i.» Képah t̄ene, p̄e à syah ne, f̄ofíkì‡ pínó s̄ok̄o n̄ah pépi dubi dé! Nk̄é Sú núkú ó-á pépi tyí, n̄e-á Liyelle. ⁴² Yesu me yo pé tyí ne: «Liyel tyí ye n̄m̄o wil à p̄o. N̄m̄o n̄ah p̄o n̄i gbl̄oy ȳin ȳo dé! N̄m̄o ye tek̄i m̄o n̄ne. Nte Liyel-à s̄o me p̄i yé Súle k̄egbi ȳo s̄ok̄o, n̄m̄o tyí n̄ahki me n̄o yé tyí. ⁴³ Yé yahle n̄i welo nóhn̄ole, képah ye yé n̄ah n̄i welo syíkí-ńt̄an p̄i. ⁴⁴ Yépi súle, sét̄an ȳot̄e ye n̄ne. N̄m̄o dyo ȳi tyi ye yé me ké tyí ne ye ne n p̄i. Nékok̄e m̄o-ò ye n̄ne n̄gbò d̄ukule. W̄ah p̄i gbi n̄ah me n̄i s̄ok̄o, à n̄ah mó gbi w̄ek̄ile n̄i k̄o pólle. W̄ah p̄i m̄inì yó-òle, w̄ah m̄in̄ine n̄i yo, à kéle n̄i yo à ȳine n̄i gbl̄oy k̄ed̄ukule. M̄inì yónó ȳo wil n̄m̄o tyí. ⁴⁵ Nte n̄m̄o t̄e w̄ole, n̄m̄o gb̄ile n̄i yo, képah ye yé n̄ah me s̄e n̄i ȳo. ⁴⁶ Yépi s̄ok̄o n̄e t̄e k̄i f̄e k̄e w̄ek̄i ne máh tyípek̄e p̄i? Nte máh gb̄ile n̄i yo, kw̄ah n̄e p̄i té yé n̄ah s̄e n̄i ȳo? ⁴⁷ Liyel tyí névi-à névi n̄ene, n̄m̄o Liyel w̄eyne n̄i noh n̄i t̄e n̄i ȳin. Nte Liyel tyí névye n̄ah yépile, képah ye yé k̄o yé yahle sé nóhn̄ole.»

Yesu me Abrahamu yah

⁴⁸ Képah s̄ok̄o, Nsyifuno Yesu syah ne, gbi k̄o me pé tyí pé yo ne, Samari ney-á n̄ne, àn̄e sét̄o-á me n̄i s̄ok̄o n̄i? ⁴⁹ A me yo pé tyí ne: «Sét̄o n̄ah me n̄m̄o s̄ok̄o. N̄i Sú Liyel ye mé n̄i gb̄ilki, té yépi me n̄m̄ole n̄i yilo. ⁵⁰ N̄m̄o n̄ah me n̄i yah n̄i k̄o n̄i gbl̄oy gb̄ilki-ńsahle dé. N̄i gb̄ilki-ò n̄i gbl̄oy n̄m̄ole. N̄m̄o ye gbi syínk̄o-òle. ⁵¹ K̄egbi t̄e ȳo, mé kéle n̄i yo yé tyí, névi n̄e-à n̄i sah n̄m̄o yóré ȳo, t̄e n̄ah k̄u d̄o n̄i yah n̄i pi pólle.»* ⁵² Képah s̄ok̄o, Nsyifuno à syah ne, p̄ah pȳe k̄e p̄i ȳi núkúnúkú t̄ene ne sét̄o-á me n̄i s̄ok̄o. Abrahamu-á ku, Liyel t̄ent̄o syínyopu t̄o me ku. Nte n̄m̄o p̄o n̄i yo ne, névi n̄e-à n̄i sah péwo yóré ȳo, t̄e n̄ah k̄u d̄o n̄i yah n̄i pi n̄i? ⁵³ Pépi sú Abrahamu-á ku. Nte n̄m̄o se me n̄i s̄o ne p̄ah kal Abrahamu ne n̄i? Liyel t̄ent̄o syínyopu t̄o me ku. Té n̄m̄o t̄e se me n̄i gbl̄oyne n̄i yah n̄ed̄úkú n̄ene n̄i? ⁵⁴ Képah s̄ok̄o, Yesu yo pé tyí ne: «M̄ah n̄ahki s̄o me n̄i gbl̄oyne n̄i gb̄ilki, ȳo n̄ah me gb̄ilkin̄o mè tyí. Nte n̄i Sú Liyel ye n̄i gb̄ilki n̄ne, n̄m̄o n̄e-á yé ne, yé Liyel-á n̄ne, ⁵⁵ té yé n̄ah se mó t̄o me n̄ne n̄i pne. Nte n̄m̄o wo n̄ne n̄i pne. M̄ah s̄o me yo ne, mé n̄ah n̄ne pne, mé n̄ahki p̄i m̄inyole yé tyí k̄ole. Nte n̄m̄o n̄ne n̄i pne, té me n̄i sah n̄i yóré ȳo. ⁵⁶ Yé sú Abrahamu s̄o me n̄iv̄in̄i s̄ok̄o ne, pé n̄m̄o p̄o s̄o gb̄iȳik̄i we. A me p̄o k̄e we, k̄e p̄i n̄iv̄in̄ine n̄i tyí.» ⁵⁷ Képah s̄ok̄o, Nsyifuno me à syah ne, n̄m̄o n̄ah t̄on̄i ye tikin̄in̄i p̄o gb̄am̄ we, té ne p̄ah Abrahamu we n̄i? ⁵⁸ A me yo pé tyí ne: «K̄egbi t̄e ȳo, mé kéle n̄i yo yé tyí, Abrahamu-á p̄op̄o n̄i dubi, N̄m̄o me.» ⁵⁹ W̄ah képah yo s̄e, p̄e núkú dȳeh kwel n̄i tyí ne p̄ah n̄ne n̄i m̄inki.† Nte à me w̄ob̄i à wil Liyel ní-ńsah gb̄o s̄ok̄o à s̄ok̄o.

9

Yít̄u dí yó yí yíkínm̄on̄ole

¹ S̄o yóle, Yesu s̄o me n̄i k̄o n̄i s̄ok̄o té dí yó we, n̄e-á s̄o me yít̄une n̄i dubi gb̄i d̄ukule. ² Képah s̄ok̄o, Yesu t̄o s̄áhp̄u à p̄iki yah ne, pé kw̄o-ò dí, s̄o se p̄i té dí mè dubi yít̄une n̄i? N̄m̄o tyípek̄e pínó se, t̄i n̄i d̄úbip̄u tyí se? ³ A me yo pé tyí ne: «N̄m̄o, képah n̄ah p̄i n̄i d̄úbip̄u tyípek̄e pínó n̄ah à k̄o à dubi yít̄une dé! K̄e ye p̄i Liyel tyípín̄i w̄ek̄i ȳinne n̄i s̄ok̄o. ⁴ N̄e-á tek̄i m̄o n̄m̄ole, tyah kyòo s̄ok̄o ye á ȳine à t̄ole n̄i p̄i n̄i tyí. Nk̄é lék̄ah me n̄i pi, n̄e s̄ok̄o-á ney n̄ah f̄e t̄o p̄i n̄i pi. ⁵ Máh fȳo me k̄ek̄oȳó s̄ok̄o, n̄m̄o ye k̄ek̄oȳó

‡ **8:41** 8.41 - Liyel w̄ek̄i k̄o-ńk̄e p̄ep̄eyne, Liyel w̄ey kéle n̄i t̄oko n̄i s̄ah f̄ofíkì pínóle. § **8:50** 8.50 - Gbi syínk̄o-ò n̄e tyí-á n̄i yo ás̄o s̄ok̄o ȳo, Liyel ye. * **8:51** 8.51 - K̄u n̄e tyí-á n̄i yo ás̄o s̄ok̄o ȳo, yah n̄i te 8.24. † **8:59** 8.59 - Liyel tyi k̄ons̄ahn̄o w̄ek̄i s̄ok̄o, névi n̄e-à yo de Liyel tyí, pé ȳine pé t̄e min̄i ko dȳehle.

kyòole* ní me gbí pól sòkò.» ⁶ Wǎh kápah yo te, à sîn mo sétáh té kè fǎh à kele yítú dí yí yah. ⁷ Té me yo n tyí ne à kyí n yah wu pékì tũnsàhnó yó ni sòkò, nê-á pè n ye Silowele. Silowe kór ye Těntò névile. Yítú dí me sòkò à kyí n yah wu nénpó. Wǎh n syi n pi gbí nêne, à sò me n yah.

⁸ Kápah sòkò, n tnô tǝpu ànê nónó-á nkěne òne n we à n ne me n ni n syi, pǎh à we pè me yo tú ne, dí mè kó nkěne n kò n tǝ ne n ni n syi yò ni? ⁹ Túkù ne òmò-á, túkù mó ne òmò nǎh, yǎhnkò-á à tò. Pǎh me kápah sòkò, dí me yo pé tyí ne péwò-á tótó. ¹⁰ Wǎh yo sǝ, pè me à piki yah ne, n yí se pi sǝ té yiki mo ni? ¹¹ A me yo pé tyí ne, dí nê-á pè n ye Yesule, òmò-á fǎhkì pi, té kè kele pé yí yah, té ne pé kyí pé yah wu Silowe yo sòkò. Pé me sòkò kyí pé yah wu nénpó, pé me fǝ n yah. ¹² Pè me à syah ne, kéne dí se me n yǎh ni? A me ne pé nǎh pǝ.

Farisi wǝkì kópú-á sóhlínyahnò nê pi yítú dí yí yíkínmòno tyí sòkò

¹³ Kápah sòkò, yítú dí nê yí-á yiki mo, pè à tǝ pò Farisi wǝkì kópú tyí. ¹⁴ Té mi mi yòh sò ye mó tǝ lésò Yesu fǎhkì pi à dí yí yiki mo. ¹⁵ Kápah sòkò, Farisi wǝkì kópú dí piki yah ne, sǝ se kè pi té à fǝ n yah núkúnúkú ni? A me yo pé tyí ne, fǎhkì-á à pi kele pé yí yah, té pé me kyí pé yah wu, pé me fǝ n yah. ¹⁶ Kápah tǝne, Farisi wǝkì kópú túkù sò me n yo ne nkě, dí mè nǎh fyò me mi mi yòh tǝ dǝlle n tǝ, kápah-á n wǝkì ne à nǎh wil Liyel tyí.† Nte pé túkù mó me n yo ne, tyípèl pí-ò se ki fǝ gbíl nòpi dükù pi sǝ ni? Kǎh pi sǝ, pé sòno pi sé tyí tyíle. ¹⁷ Pè me tǝ pé syi dí mè syah ne, nê-á yiki mo n yíle, òmò se ki yo sǝ tǝ tyí sòkò ni? Dí me ne, Liyel tǝntò syínyo-ò-á òne.

¹⁸ Nte Nsyifuno yòtǎm nǎh sò me ké tyí ne pé sǝ ké yò ne, yítú-á sò òne, té núkúnúkú à me n yah. Kǎh pi sǝ, pè n dúbípú ye pò, ¹⁹ à pò pè piki yah ne, pépi pídí se dí mène ni? A se dubi yítúne ni? Nte à se pi sǝ té fǝ n yah núkúnúkú ni? ²⁰ N dúbípú me yo pé tyí ne, pǎh pǝ ne pépi pídí-á òne; wǎh dubi yítúne. ²¹ Nte tir nê tǝ wò-á pi té à fǝ n yah núkúnúkú, pépi nǎh kápah wò pǝ, pé nǎh se mó tǝ pǝ nê-á yiki mo n yíle. Nkě pè à piki yah, wǝnpir nǎh tǝ òne; wǎh ki fǝ ké yah yo n gblóy. ²² Nsyifuno yòtǎm tiki sò me pè tǝ, kápah ye pè kò pè n wǝkì sǝ. Nsyifuno yòtǎm sò me ké yo sah te ne, névi nê-à ki ne Liyel ney yáhntòkòno-á Yesule, tǝ-á ki yíni wilki pépi wǝkì sòkò. ²³ Kápah ye, n dúbípú kò pè ne, wǝnpir nǎh tǝ òne, pè à piki yah.

²⁴ Kápah sòkò, Farisi wǝkì kópú tǝ dí mè ye yah ke ní-òle nê-á lésò yítúne, té yo n tyí ne, ké Liyel wǝkì tǝ yò, à gbí yo pé syah. Pépi-á pǝ ne n yí yíkínmò-ò dí mène, tyípèl pí-ò-á òne. ²⁵ Dí me ne, pé nǎh pǝ tyípèl pí-ò-à ki nê òne dé! Tyínúkú ó-á péwò n pne: Yítú-á sò péle, nte núkúnúkú pǎh me n yah. ²⁶ Pè me à piki yah ne, tir nê se Yesu pi n tyí ni? Dükù nê se à yiki mo n yíle ni? ²⁷ Dí me ne, pǎh sò kè yo te pé tyí, té pè nǎh pé níki sah kè noh. Nte sǝ se té pè tǝ me ké tyí ne, pé kè yo pé noh ke ní-òle ni? Pépi tó se pyè me n yah n kò ne, pé pi n tò sǎhpúle ni? ²⁸ Kápah tǝ sòkò, pè tyah òne n gbyò, té ne nkě, òmò-á kéne dí tò sǎh-òle dé! Pépi tǝ wòle, Moyisi tò sǎhpú-á pépile. ²⁹ Pǎh pǝ ne Liyel-á yo mo Moyisi tyí.‡ Nte dí mène, pé se n wil-nsah n tǝne n pne ni? ³⁰ Pǎh yo sǝ, dí me yo pé tyí ne, é! Té kápah-á pyè pi gběndùnne yo sǝ.

* 9:5 9.5 - Yah n te Nsyõ 8.12. † 9:16 9.16 - Yáh we Farisi wǝkì kópú túkù ne Yesu-á me mi mi yòh dǝlle n pi, pépi tǝ sòno sòkò, wǎh névi de mo mi mi yòh sòle, tǝ ye á pi. ‡ 9:29 9.29 - Liyel yǎhkì yǎh Moyisile, wǎh n tyi kònsàhnóle òne n kò gbí nêne. Yah n te Yálnó 33.11; Yáhnó 12.8.

Pépi náh ò wìl-nsah pĩ pè yo. Nte wǎh péwɔ yí yíkɪ mɔ dé!§ 31 Pé pól-á pĩ ne, Liyel náh tyípèl pí-ò nírìle n tẽ. Nte névi nê-à pɪ négbíle, té Liyel dyɔ yíi tyile n pɪ, ǎ tẽ wɔ nírìle n tẽ.* 32 Nte kèkõyó-á me sɔ, pépi náh kè noh yah ne, ònî-á yítû yó yí yíkɪ mɔ, nê-á dubi yítûne dé! 33 Dí mè-à sò me wìl-ñkêne Liyel tyí, à náh náhkɪ fẽ tir yó n tẽ pɪ n pi dò! 34 Képah tẽne, pè à syah ne, òmɔle dubi ò tó tyípekè ó sɔkɔ, té òmɔ kɪ pɔ ne páh pépile n kwɔ nɪ? Té nukú à yini wilki kégbó.

Nónó-á yítûbile Liyel tyí tĩne

35 Képah sɔkɔ, Yesu-á kè noh ne páh dí yini, à kyɪ à yohnɪ té à piki yah ne: «Á se sɛ Névi Pídí yó?» 36 Dí me ne, pé yòtẽ, nê se Névi Pídí mène nɪ? Á ò tyí yo pé syah, pé kɔ pé we sɛ ò yó. 37 Képah tẽne, Yesu me yo ò tyí ne: «Á ye à we te. Nmɔ ye n yǎh ále nukúnúkú yò.» 38 Dí-á képah noh sɛ, à ne páh sɛ ké yó, Tẽ ògbẽ. Té me gbètukunɔ di Yesu yah, à à gbilki.

39 Képah sɔkɔ, Yesu ne: «Gbɪ wah yin ye òmɔ pɔ kèkõyó mè sɔkɔ; ne yítûbi yí yíkɪ mɔ, té nónó-á me n yah pépi pɪ yítûbile.» 40 Képah sɔkɔ, Farisi wẽkɪ kópú nónó-á sò me ànê Yesule, pépi-á welɔ nópɪ noh, pè Yesu piki yah ne, òte yítûbi se pyè pépi tɔle nɪ? 41 Yesu me yo pé tyí ne: «Yǎh sò me yítûbile, tyípekè náh náhkɪ n me n pi yé yó. Nte nukúnúkú yé ne yǎh me n yah, képah ye yé tyípekè me yé yó.»

10

Képyénfẽ pèpeyne

1 Képah náh, Yesu tó yo pé tyí ne: «Kègbɪgbɪ tẽ yó, mé kéle n yo yé tyí, névi nê-à n dé-ñkêne képyénì tũ yahle, té n dɔkɔ n de ké sɔkɔ ké gbòpɔ yóle, yẽnwó ye tẽne, névi yó syíkí-ò tó òne. 2 Nte nê-à n de ké yahle, képyénfẽ ye tẽ wɔle. 3 Tũ syíkí-ò dí ké yah yíkɪ n mɔ òmɔ kɔ. N képyénì ò yĩne n pne.* Wǎh de, ò tyí-á képyénì nónóne, ǎ sé ye n wil sé ynine kégbó. 4 N képyénì-á ò yĩne n pne sɛ, képah ye wǎh sé pól wilki mɔ te, à n yin sé yah, té sɛ ò sò tẽ. 5 Nte sǎh névi nê yĩne n pnè-ñkêne, sè náh tẽ sòle n tẽ pólle. Sè n to n gbɛ n mɔ fíi òne n tẽne.» 6 Yesu kéne sèmìrkɪ yǎh tówù tyí, òte pè náh ké kór pĩ.

7 Képah sɔkɔ, Yesu tó yo pé tyí ne: «Kègbɪgbɪ tẽ yó, mé kéle n yo yé tyí, òmɔ ye képyénì tũ yahle. 8 Nónó pól-á ní dyǎh tẽ pɔ sɔkɔ te, yẽnwóbé ànê névyɛ yó syíkípú ye péle.† Nte, képyénì náh mó fẽ syi noh pé tyí. 9 Nmɔ ye dɛnsahle. Névi nê-à de képahle, tẽ kɪ pwah. Tẽ kɪ fẽ n de, té kɪ òne n syɪ n wil kɪ ò yòkele n we. 10 Té yẽnwó wɔ-à n pi, yĩbe, ànê nékókè mónó, ànê yényèh pɪ yin ó ye à n pɔ. Nte òmɔ pɔ ne névyɛ min we, nê-á ple yíi.

11 Képyénfẽ pèpey ye òmɔle. Kǎh sɔ n nɔ kú tyí, képyénfẽ pèpey n fẽ n syi ò min kɔ ò képyénì yinne. 12 Nte pó yǎhñkò-ò képyénfẽ tẽ wɔle, képyénfẽ kègbɪ náh òmɔle dé! Nmɔ yẽngbẽ tyí náh képyénì nópɪle. Képah ye, wǎh fyò gbẽnpáh we à n pi, à n to ò té képyénì milki, à kɔ à n pɔ n tẽ sé sɔkɔ, sé téló n mó n to n karkɪ. 13 Pó ó kókó ye òmɔ n yah n kɔ dò. Yíkínó-à sɔ n pɪ képyénì sɔkɔ, kè náh n pɪ tɪrle òmɔ yah.

§ 9:30 9.30 - No nópɪ me n yo ásò sɔkɔ ne, pépi náh Yesu wìl-nsahle n pne. Nte kè mó tó me yónóle Yesayi 35.5 ; 42.7 sɔkɔ ne òkè, Liyel ney yǎhntòkonò-á kɪ yíkɪ mɔ yítûbi yíle. Nénpó sɔkɔ, pè sò yĩne pè pĩ ne Yesu-á Liyel ney yǎhntòkonòle. * 9:31 9.31 - Yah n te Sèmìrn 15.29. * 10:3 10.3 - Nsyifunɔ tyí sò, képyénfẽbɪ náhnáh sò òkèné pé képyénìne n kwɔ n mɔ n dah n mɔ n pɔ tũ nukú sɔkɔ, ò té ònî yó tɔkɔ n sah, ǎ séle n syíkɪ lékǎhne yípú ànê gbẽnképèl yinne. Pé pól òkèné yni sah pé képyénì kɔ. Pé képyénì pé yinòle n pne. Tyah-à fyò dal, pé pé képyénìne n ye n wilki n pɔ sé ynine. † 10:8 10.8 - Yah n te Nsyeremi 23.1-2; Yesekyelɪ 34.2-10.

14-15 Képyénfě pèpèy ye ñmòle. Sõ-á Sú Liyel ñne n pne, té ní to ñne n pne, sě ó ye, mé ní képyénìne n pne, sé to mó ñne n pne. Nmò kú ní min kò ní képyénì yinne. ¹⁶ Képyénì tókù me ní tyí, nónó-á sè náh me tũ mè sòkò. Sè kú n noh n pi ní tyí. Mé yĩne mè n kyí sè yah n fě fě n pò n kwro n mò sè pú tũ núkúle, képyénfě‡ núkú ó mó séle n fě. ¹⁷ Nmò kú ní min kò kũ sòkò, té kú tũ pò kè syi n pi. Képah ye, ní tyí nò Sú Liyel tyí. ¹⁸ Ney náh fě ní ko n mò n pi dé! Nmò ye n kò ní minne ní gblóy. Těnweno me ní tyí kú fě kè kò, tẽnweno tũ me ní tyí kú fě kè syi ntũ. Sě ye ní Sú Liyel ne mé pí.»

¹⁹ Képah tẽne, Nsyifunò-á welo nópi noh sě, pé sòno tũ kah pí sé tyí tyíle. ²⁰ Pé nahnáh tyah n yo ne ñkě, sétò yó-á me ñ sòkò, ñ yògbèkè kò kè yuku. Yò se tũ me ké tyí, pè ñ welòle n nohnú ní? ²¹ Nte tókù mó ne ñkě, yògbèkè yúkú-ò welo náh welo nópile dé! Yògbèkè yúkú-ò se kú fě yítũ yí yíkú mò ní?

Nsyifunò tókù-á Yesu yahle dùkù nêne

²² Képah sòkò, kwònrí gbíne, syáh yó sò me n syah Yerusalemí sòkò, nê-á Nsyifunò dyòle n to n kò Liyel ní-nsah gbò tǒnsàhnsòkòno tyíle. ²³ Képah sòkò, Yesu sò me n kò n kò Liyel ní-nsah gbò párn yó sò, nê-á pè n ye Salomo párnne. ²⁴ Nsyifunò yísyó me pò à mò gbí té yo ñ tyí ne, à se kú pépi mò sah tòtò sòkò, pópó kú pò nò gbí nê tyí ní? Nmò-à kú nê Liyel ney yáhntòkònole, à kè yo n dal n mò pé syah kè! ²⁵ A me yo pé tyí ne: «Mé kè yo te yé tyí, ñte yé náh sě ké yò. Tyi nónó-á mé me n pí ní Sú Liyel yĩn yò, sépi ye me ní tyíle n yo n wah. ²⁶ Nte yé náh pí ñmò képyénìne sě, képah ye yé kò yé náh sě ké yò. ²⁷ Nmò képyénì tẽ wò ní weyne n nohnú, mé séle n pne, ànê sě ní sò tẽ. ²⁸ Mé kú tyé-ñkě minne sè kò. Sé tyí náh n yíkú n yah n pi, ànê ñnî yó ñtẽ náh fě sè tẽ n syi ní gbò. ²⁹ Nmò Sú nê-á séle ní gbò dahbí, ñmò kal yíyĩn pólle. Képah ye, ñnî yó ñtẽ náh fě sè tẽ n syi ñmò gbò sòkò. ³⁰ Nmò ànê Sú Liyel me núkúle.»

³¹ Képah tẽne, Nsyifunò tũ dyéh tũ ne páh Yesule n min n ko. ³² Nte à me yo pé tyí ne, Sú Liyel gbò yò, páh tyípéplò nahnáh pí pè we. Sépi sòkò nê tẽ yĩn se pè n yah n kò pé mínkò-nsahle ní? ³³ Nsyifunò me à syah ne, tyípépèy pínó yĩn náh pé ne páh ñne n min n ko dé! Nte wáh yo de Liyel tyí képah yĩn-á. Nmò névi gbòy kú pò ñ gblóyne n pí Liyelle ní? ³⁴ Képah sòkò, à yo pé tyí ne: «Kè náh me wárkínsàhnóle Liyel wey sébéy sòkò ne, Liyel-á ne líyelno-á yéle di?§ ³⁵ Liyel-á yo mò névyè nónó tyí, à pè ye líyelnole. Nte yé se pí ne Liyel wey sébéynó-á nê yo, kè náh fě n milki n pí té! ³⁶ Té Sú Liyel-á ñmò nê wilki sah ñ tyí yò, té ní tekú mò kèkòyó, yé ne máh yo de Liyel tyí, máh sǒnpíle yo ne Liyel Pídí-á ñne ní? ³⁷ Máh kú me ní Sú Liyel tyípínìne n pí-ñkěne, yé káh sě ní yò. ³⁸ Nte máh kú me séle n pí, yáh kú sò me n sě n pí ñkěne ñmò yò, yé sě sépi tẽ wò yò; képah sòkò yé kú pí yíi ne, máh me núkúle Sú Liyelle, ànê Sú Liyel-á me núkúle ñne.» ³⁹ Képah tẽne, pè tũ ne páh Yesule n tẽ. Nte à pwah pé tyí.

⁴⁰ Képah náh, Yesu tũ ñ syi yuku Nsyurdě yónkahnine, à kyí tẽ nyáh sòkò-á Nsyõ ñgbò tyah névyè wèlnwílkínóle.* ⁴¹ Névyè nahnáh me kyí ñ tnò, té me yo tũ ne, Nsyõ náh gbíl tir yó ñtẽ pí. Nte wáh tyi nónó pól yo dí mè tyí sòkò, gbò-á séle. ⁴² Képah sòkò, névyè nahnáh me sě Yesu yò nénpó.

11

Lasari kúnó ànê ñ yílkínmònole

‡ **10:16** 10.16 - Képyénfě nê tyí-á Yesu n yo ásò sòkò yò, ñ gblóy ye à n ye. § **10:34** 10.34 - Yah n te Gbálnó 82.6.

* **10:40** 10.40 - Yah n te Nsyõ 1.28.

1 Dí yó lésõ me nýân syki, pè n ye Lasaru. A sò me Betani kwil soko, képah nê soko-á sò ò dósýõle, pè n ye Mari ànê Martu. 2 Kéne Mari mè wò ye lésõ làsèkwèl yó kwe mọ Yesu gbyèh yõ, té sè kele ò yòyènnè.* Nmo dódí Lasari ye sò n yó. 3 Képah soko, ò dósýõ me tẽntõ mọ Yesu tyí ne, pé yõtẽ, ò kódí Lasari náh me lèno. 4 Yesu-á képah noh, à ne òkẽ, Lasari nýân mè náh pi ò ko ko nýânne. Nte káh ki Liyel yõtõrí wèki, té ki tõ ò Pídí yõtõrí wèki.

5 Té Martu, ànê Mari, ànê pé dódí Lasari tyí sò no yíi Yesu tyí. 6 Nte nýãh soko-á sò Yesule té pè pọ Lasari nýân tyí yo ò tyí, à tõ wú nénpó à sèpìn nini pi. 7 Képah náh, à yo ò tò sáhpú tyí ne, pè ye pé pé syi n yuku Nsyude gběnyah soko. 8 Wáh yo sè, pè me ne, kwó-ò dí, nénpó soko kó lésõ pè n yah n kó ò mínkò-nsahle dyèhle sè yò sè yò, té à tõ n yah n kó ò syínyuku-nsahle nénpó soko ni? 9 A me yo pé tyí ne, lérínó gbõninó kó gbìyìkì soko ni? Névi nê-à n ko tyah kyòole, kèkõyó kyòo-á à n ne n yah. Képah-á, tẽ gbáhkì mínó náh no. 10 Nte névi nê-à n ko lékáhne kyòo kène, tẽ ò gbáhkìle n ni.

11 Welo nópi yóntenó náh, Yesu tõ yo pé tyí ne, pépi kódí-á me dọy soko, òte páh ki kyi à yilki mọ. 12 Képah soko, ò tò sáhpú mó ne Tẽ ògbè, dọy soko-à ki nê Lasaru, wáh ki de. 13 Nte Yesu wey soko, Lasari kúnó tyí ye à yo, té ò tò sáhpú wò mó we ne dọy gbọy tyí-á à yo. 14 Káh pi sè, Yesu kè yo yiki mọ pé tyí ne Lasari-á ku. 15 Nte péwo mé-òkène sò nénpó, képah-á me no yíi péwo tyí pépi yinne. Káh pi sè, páh ki sè yíi péwo yõ. Té nukúnúkú, pè ye pé soko ò tñ. 16 Képah soko, Toma nê-á pè n ye Didimine,† nmo pé no syah ne, pè ye pépi to kyi ku òne wè tyí.

17 Yesu-á yini tẽ nénpó gbí nêne, à kyi ne yah Lasari lékó sò sèpìn nyèh pi te diki soko. 18 Yé yah, Betani ànê Yerusalemi wró náh sò me kah gbe mọ. Kè sò me kilónó tónó kénkõle. 19 Képah ye, Yerusalemi tãn náhnáh sò me pọ Martu ànê Mari yéfi kélé-nsah pé dódí yáhnkwlonó soko. 20 Martu-á fyò noh ne Yesu-á me n pi, à kyi à yohni. Té Mari wò sò me kóntènole gbò soko. 21 Képah soko, Martu me yo Yesu tyí ne, pé yõtẽ, wáh sò me ásò soko, pé dódí náh náhki n ku n pi. 22 Nte nukúnúkú òtè fyé soko, páh pi ne wáh ki sò tir dukù nê yah kó Liyel tyí, wáh ki kè pi ò tyí. 23 Képah soko, Yesu me yo ò tyí ne: «Á dódí lékó ki yilki mọ.» 24 Wáh yo sè, Martu ne, páh pi ne lékyi-à ki pọ n yilki n mọ gbìyìkì téy sòle, ò to lékó-á ki yilki mọ. 25 Képah tẽne, Yesu yo ò tyí ne: «Nmo ye lékyi yíkinmọ-ò ànê minne. Névi nê-à sè nmo yõ, tẽ-à sò ku, à ki tyé-òkè min we; 26 ànê névi nê-à me min soko té sè nmo yõ, tẽ náh tõ n ku n yah n pi Liyel tyí òne. A se sè képah yõ, Martu?» 27 Martu me ne, àwe-á Tẽ ògbè, páh sè ké yõ ne òmọ-á Liyel ney yáhtokonole, nê-á ò Pídine, òmọ nê-á sò yine à pọ kèkõyó.

28 Képah yóntenó náh, à ò syi kyi plo yo ò gběnsè Mari tyí ne, kwó-ò dí-á me de n te. Té wáh me òne n ye. 29 Mari-á fyò képah noh, à nukú yuku à soko Yesu tñ. 30 Yesu náh tóni sò me de kwil soko. A sò me fí nê soko-á sò Martu pọ à yohni. 31 Té Yerusalemi tãn nóno-á sò me Mari tñ gbò soko, me ò yéfine n kele, pépi-á à we à yuku wil súu sè, pè ò sò tẽ. Pè sò me n sò ne, pò gbó-nsah-á à n yuku diki yõ. 32 Nte Mari-á kyi yini tẽ Yesu mé-nsah soko, té à we, à gbètukunó di Yesu yah soko té yo ò tyí ne, pé yõtẽ, wáh sò me ásò soko, pé dódí náh náhki n ku n pi. 33 Képah soko, Yesu-á à we à me n gbo à tahl ò tékinmọpu tyí, kè ò ni kah tẽ kèpékèyó, ò yah kwò.

* 11:2 11.2 - Yah n te Nsyõ 12.1-3. † 11:16 11.16 - Didimi kór ye kèninne.

³⁴ A me ne, ñyãh soko se pe yi ñ lékóle ni? Pe me yo ñ tyí ne, pé yõtë, à pɔ kyí yah.
³⁵ Képah soko, Yesu yéfi kwe. ³⁶ Képah tēne, ñ tékínmɔpu ne, pé yah, ñ tyí-á sò me no yíi ñ tyí dé! ³⁷ Té tō me n yo ne, ñmɔ nê-á yítú dí yí yiki, à kó sò fē kũ yah kō n pi Lasari tyí ni?

³⁸ Képah soko, kè tō Yesu ni kah tē képékèyô, à me soko diki yō. Teki diki ye sò kéle, té ké yah me víkénóle dáh-ñgbē yóle. ³⁹ Yesu me yo no tyí ne, pé dáhkì mē toko tē yō. Lékókè dósê Marti me à syah ne, Tē ñgbē, ñ yínó sèpìn ñyêh-á yò. Wãh ki me n pō dò. ⁴⁰ Képah soko, Yesu yo ñ tyí ne: «Mé nãh kè yo á tyí ne, wãh ki sē ní yō, á yí-á ki tē Liyel yõtōrí yō di?» ⁴¹ Képah tēne, no me dáhkì tē yō. Yesu me ñ yah yō yinyō té ne: «Bó, mé n wèki á tyí wãh sōnpí ní níri tē. ⁴² Mé pī ne wãh me ní níri le n tē gbimegbí. Nte mé kéle n yo tówú mē yinne nê-á ní mɔ gbí sah yò, ne pé sē ké yō ne, áwɔ-á tekí mɔ ñne.» ⁴³ Képah yóntenɔ nãh, à kah yo mɔ ne nkē: «Lasari, wil nénpó!»
⁴⁴ Képah soko, Lasari nê-á sò ku, à yuku wil ñ gbyêh ànê ñ gbãne púkúbínóle fwo gbróle; té ñ yèpɔ me fókónóle fwole. Yesu me yo pé tyí ne, pé à wah mɔ, pé mó ye à kō à ne n yuku.

Nsyifunɔ yõtãm me n yah n kō Yesu kònmɔ-ñsahle

⁴⁵ Névyé nónó-á sò me pɔ Mari tnô, té pɔ Yesu tyípíní mē we sē, pé náhnãh sē Yesu yō. ⁴⁶ Nte pé tókù wɔ mó kyí ñ tyípíní mē sèshari yah sah Farisi wèkì kópú tyí. ⁴⁷ Kãh mó pi sē, Farisi wèkì kópú ànê sárká syínwilkipu yõtãm me pé no tukey tükèpu tĩnkì ye, pé kō tē ké tyí soko. Pé wē syah ne, dí mē-á me gbíl tyile n kah n pi dé, sō se pé ki pi ni? ⁴⁸ Pãh ki à sah à yō soko séle n pi sē yò, no pól-á ki sē ñ yō. Nte képah-à pi, Wrome tân-á‡ ki yuku pépi Liyel ní-ñsah gbô sɔ, té ki pépi yíkì tyí yiki. ⁴⁹ Nte pé soko yó lésò me, pé n ye Kayifile. Léyile, ñmɔ ye lésò sárká syínwilkipu yõtë ñgbēne. Nmɔ me pé no syah ne: «Yé nãh kwãh yóle n pne dé! ⁵⁰ Yé nãh pī ne, dí nénúkù-à ki ko mɔ ápi yíkì swɔ kè kō kè we pwah, képah-á ki nekí kal ápile ñ ténóle min soko, té á yíkì pól tyí mó pɔ yiki di?» ⁵¹ Nte ñmɔ yah yíi nãh sò à yo tyi nópíle dé! Wãh sò me sárká syínwilkipu yõtë ñgbēne léyile sē, képah ye Liyel me tēntôle à kō à syi yo sah ne, Yesu-á yīne à ku ñ yíkì névyé yinne. ⁵² Té ñ yíkì névyé ó yīn nãh à ki n ku n pi dé, ñ kúnó ki Liyel wēnpī pól tɔ tuke mɔ pi núkúle, pépi nónó-á me karkí tē tē kō.

⁵³ Kayifi-á fyò képah yo, à toko lésò tyí, pé núkú Yesu kònmɔnɔ sah gbãhkì yō.
⁵⁴ Kãh pi sē, Yesu nãh tō me n gblöyne n wilki n mɔ kwèyy Nsyifunɔ yah. A yal ànê ñ tō sãhpúle, pé kyí tē kwil yó soko, pé n ye Yefrayimine. Képah sò me gbēnyah yó soko, nê-á me gbēnni tnô.

⁵⁵ Nte Nsyifunɔ yõri tyénó syáh-á sò me de n te sē, névyé náhnãh sò me n wil gbno soko, té me n doko n yuku Yerusalemi kwil soko. Pé sò me syáh mē dyàh tē, ne pé kyí pé gblöy tō n sah, à yīne pé tyi kònsàhnó wãlle. ⁵⁶ Pãh sò me Liyel ní-ñsah gbô soko gbí nēne, pé sò me Yesule n yah n kō, té me wēne n piki n yah ne nkē, kè se me sō ni? A se ki pyè ye wũ syáh mē soko pónóle ni? ⁵⁷ Té sárká syínwilkipu yõtãm ànê Farisi wèkì kópú lésò me ké gbah yo sah te névyé tyí ne, nê-à fyò Yesu mé-ñsah pī, tē pɔ kè yo pé syah, pé kō pé à we tē.

12

Mari làsèkwèl mónóle Yesu gbyêh yō

‡ 11:48 11.48 - Wrome tân nónó tyí-á n yo ásò soko yò, yõtãm ye sò péle Nsyifunɔ yō.

¹ Nsyifunõ yõri tyénó syáh sò me wũ sèp̃in kénúkòle, té Yesu me kyi Betani kwil sòkò, ñyāh sòkò-á sò Lasari le tẽnóle, wāh nê lékó yilki mɔ. ² Pè me yòke yah Yesu kò nénpó. Marti sò me yòkele n dibi, té yòke mè yópú sòkò yó ye sò Lasari le. ³ Képah sòkò, Mari me làsèkwèl dénkókò yó lítir tóní tókò, nê-á pè nardi kókòle kè pi. Té pò kè kwe mɔ Yesu gběnáhló yò, té kè kele n yòyenne.* Làsèkwèl mè pān me wòkò pól tókò. ⁴ Képah tẽnne, Nsyudası Yisikariyotı nê-á Yesu tò sáhpú sòkò yóle, té ki sò pò n vi n pi Yesu nāh, ñmɔ ne, ⁵ kwāh nê se pi té làsèkwèl mè nāh yām deniye pó pló† kyetónine, à ké pó dibi yām tān kō ni? ⁶ Nte yām tān yām nāh sò tē ñne dé, yēnwó ye sò ñne képah ye à kō à képahle n yo. Pó dú sò me ñmɔ tyí. Té pāh nónone n dah n mɔ n pò, ā séle n yī. ⁷ Képah sòkò, Yesu ne: «Pi yah vínó sah kénòh! A ye képah pi sah ñmɔ lékó yī sò yinne. ⁸ Yām tān ki me ànê yéle sétáh yò sòmésó. Nte ñmɔ wole, ñmɔ nāh n me n pi yéle sétáh yò sòmésó.»

⁹ Té tówú ñgbě-á pò noh ne Yesu-á me Betani kwil sòkò gbí nēne, pè kyi nénpó. Nte Yesu ó yīn nāh sò pè kyi dé, Lasari nê lékó-á Yesu yilki mɔ, ñmɔ to we yīn ye sò pè kyi. ¹⁰⁻¹¹ Nte Lasari mè yinne, névye nāhnāh sò me péle n syi sárká syínwilkipu yõtām nāh à n vi n mɔ n pi Yesu yò sēpúle. Képah ye, sárká syínwilkipu yõtām me Lasari tyí yo syi ne, pāh ki n to ko mɔ.

Yesu dénóle Yerusalemı sòkò

¹² Ké dīndalle, tówú ñgbě nê-á sò me pò Nsyifunõ yõri tyénó syáh sòkò, pè kè noh ne Yesu-á me n pi Yerusalemı sòkò. ¹³ Pè me sām yǐngbān kōli tē yīn,‡ té wil kwil sòkò à kyi à yohnı. Pè sò me gbo mɔ tū ne: «Wosana!§ Nê-á n pi Tē ñgbě Liyel yīn yò, Liyel sām mɔ n sòkò,* ñmɔ nê-á Yisrayel yõtē dīne.» ¹⁴ Képah sòkò, Yesu me ñkwēndyípikı yó we, té doko kō tē n yò, à yīne sō-á kéle wárkínsàhnóle Liyel wey sébéy sòkò ne ñkē:

¹⁵ «Yerusalemı† tān, ye káh tiki pi.

Yé yah, yé yõtē me n pi.

A me dókóntēnóle ñkwēndyípikı yó yò sòkò.»‡

¹⁶ Té légbíne, Yesu tò sáhpú nāh sò me tyi nópi pínó yò pī. Nte wāh pò doko n tōrí yò gbí nēne, pé dyo to kō ne, kāh lesō wárki sah sō n tyí sòkò Liyel wey sébéy sòkò, sē-á kè pi n tyí.

¹⁷ Képah tẽnne, Yesu-á lesō Lasari lékó ye yah, à à yilki mɔ wilki diki sòkò nónó yī yah, pépi me tyah kéle n yah n yāh n kō. ¹⁸ Névyé-á kéne gbil tir pínó noh sē, pè wil pò Yesu yohnı. ¹⁹ Képah sòkò, Farisi wēkì kópú tyah n yo wē tyí ne, pè kó kè we ni, pépi nāh tō fē n tē n pi dò. No pól-á me n sò tē.

Yesu me n tōrí ànê n kũ tyíle n yo

²⁰ Névyé nónó-á sò me pò syáh mè sòkò Yerusalemı, ne pé pò Liyel yīn gbilki, Nsyifunõ nāh sò pé tüküle. ²¹ Kéne névyé nónó-á Nsyifunõ nāh péle, pépi me no de Filipi tnô ñmɔ nê-á n wil Betisayida kwil, Kalile gběnyah sòkò. Té kè yah kō n tyí ne, pé yõtē, pāh me ké tyí ne pé Yesu we. ²² Kāh pi sē, Filipi me kè yo Andre tyí.

* **12:3** 12.3 - Yesu me gbíne, nénpó tān sò ñkēne pé gbalı kēki n tē yòkele n yò. † **12:5** 12.5 - Légbíne, deniye pó pó nukú ki sò fē no nénúkú gbıyíkı nukú tò pínó danne. ‡ **12:13** 12.13 - Sām yǐngbān kōlıntēnyīnno mēne ásò sòkò, Yesu ye pè n gbilki. § **12:13** 12.13 - Pāh ne Wosana, ñgbòle sò, ké kór ye á pwah n mɔ nukúnúkú! Nte ásò sòkò, gbilkínó ye sò pè n gbilki Yesule. * **12:13** 12.13 - Yah n te Gbálnó 118.25-26. † **12:15** 12.15 - Yerusalemı yīn yó ye sò Siyōne. ‡ **12:15** 12.15 - Yah n te Nsakari 9.9.

Andre me tahlì n̄ tyí pè kyí kè yo Yesu tyí. ²³ Képah t̄ñe, Yesu me yo pé tyí ne: «Gbí nê soko-á Névi Pídíŝ kɪ n doko n pi n̄ t̄rɪ yõ, képah ye se nukúnúkú yò. ²⁴ Kègbɪgbɪ t̄ñ yõ, mé kéle n yo yé tyí, né sèmuks pi náh duku mo sétáh soko kè fi té ké pi ku, kè n t̄ñ ké gbl̄oy. Nte káh duku mo à fi té ké pi ku, kè n kwel. ²⁵ Névi nê-à n̄ gbl̄oy ó minne n mo n k̄õ, t̄ñ min tyí kɪ yɪkɪ. Nte nê-à n̄ minne n mónkò-ñk̄ene kèk̄oyó mè soko Liyel t̄rɪ yinne, t̄ñ wɔ kɪ tyé-ñk̄e min we. ²⁶ Névi nê-à me ké tyí ne, pé t̄õle n pi n̄mo tyí, t̄ñ n̄ sò t̄ñ. Képah soko, máh me nyãh soko, nê-á t̄õle n pi n̄ tyí, n̄ to kɪ me n̄npó. Névi nê-à t̄õle n pi n̄mo tyí, n̄ Sú Liyel kɪ n̄ yõ yõ.

²⁷ Té nukúnúkú, n̄ foko me f̄ekɪ. Nte mè yo s̄õ? Mé se n yo Sú Liyel tyí ne, à káh n ye yèvyãhrɪ mè n̄ we? Nte òõ dé, yèvyãhrɪ mè yin ye mé pɔ tótó.» ²⁸ Képah t̄ñe, à ne: «Bõ, gbilkínó sah á yin yõ.» Wãh yo s̄ẽ, yin̄põ yó wil yinyõ soko ne ñk̄e: «Mé n̄ yin gbilki te, té mé kɪ kè gbilki n pi n̄t̄õ.»

²⁹ Tówú nê-á sò me n̄npó, té yin̄põ mè noh, pé ne gb̄enséntãhk̄i-á gboke. Túkù mó ne, yinyõ t̄õnpi yó-á yo mo Yesu tyí. ³⁰ Képah soko, Yesu me yo pé tyí ne: «Wey nê-á yé noh yò, kè náh yo n̄mo yinne, kè yo yépi yinne. ³¹ Liyel kɪ lékãhle kèk̄oyó névye k̄õ n pi nukúnúkú s̄ẽ yò. Nukúnúkú, à kɪ kèk̄oyó névye fn̄-ò* yini yal. ³² Nte máh pɔ doko mo gbí n̄ene, mé kɪ névye pólle pɔ n̄ gbl̄oy tyí.» ³³ Yesu-á sò ne n ku n pi dükù n̄ene, képah ye à w̄ekɪ n̄ wey mè soko yò. ³⁴ Képah soko, tówú mè névye me yo n̄ tyí ne, pépi-á kè we Liyel tyi k̄onsàhnó soko ne, Liyel ney yáhntokono náh n ku n yah n pi. Té n̄mo se s̄õnp̄ile pɔ n yo ne, Névi Pídí-á yine à doko mo n̄? Nte nê t̄ñ ó se mó Névi Pídí m̄ene n̄? ³⁵ Képah soko, Yesu me yo pé tyí ne: «Kyò m̄ene, kè me s̄ẽ yé wró kɪ wró kwéy yó pi n pi. Té névi nê-à n̄ ko f̄entũ soko, t̄ñ náh n̄ yúkú-ñsahle n pne. Képah ye, kyò m̄-á me yé wró soko yò, yé ne n ko ké soko, f̄entũ káh pɔ yé kwokɪ t̄ñ. ³⁶ Kyò m̄ene, káh me yé wró gbí n̄ene, yé s̄ẽ képah yõ. Képah soko, yé kɪ pi kyòole képah tyí k̄õle.»

Yesu-á képah yo te, à yal pé tn̄õ à kyí wõbɪ f̄í péle.

Névye náhnáh náh s̄ẽ Yesu yõ

³⁷ Yesu sò gb̄il tyi náhnáh pi pé yí yah, n̄te képah fyé yõ, pé náh s̄ẽ n̄ yõ. ³⁸ Liyel t̄ñt̄õ syinyo-ò Yesayi tyíyónó n̄opi ye wil ásò soko yò. A lésõ ne ñk̄e:

«T̄ñ ñgb̄ẽ, nê s̄ẽ ápi tyíyónó yõ?

Á á t̄ñpn̄enóle n̄ w̄ekɪ?»†

³⁹ Té tir nê yin-á pé náh sò f̄ẽ n s̄ẽ n pi ké yõ, képah yah ye Yesayi t̄õ yo ne ñk̄e:

⁴⁰ «Liyel pé yí wɔ,

té pé lékãm yah vike,

ne pé yí káh f̄ẽ ne n yah,

pé káh tir yó tyí yah we,

pé mó vi mo Liyel w̄ek̄i yõ,

à k̄õ à pé we de mo.»‡

⁴¹ Yáh we Liyel t̄ñt̄õ syinyo-ò Yesayi képahle n yo, à lésõ kwãh t̄ñ Yesu t̄rɪ we, képah ye à k̄õ à n̄ tyíle n yo.ŝ

ŝ 12:23 12.23 - Yesu-á Névi Pídí tyíle n yo, n̄ gbl̄oy tyí ye ñk̄ene à n̄ ne n yo. * 12:31 12.31 - Kèk̄oyó névye fn̄-ò n̄ tyí-á n yo ásò soko yò, sétãh yòt̄ẽ ye. † 12:38 12.38 - Yah n te Yesayi 53.1. ‡ 12:40 12.40 - Yah n te Yesayi 6.9-10. Ŝ 12:41 12.41 - Yah n te Yesayi 6.1-5.

⁴² Té képah fyé yõ, yõtãm náhnáh sò me sê Yesu yõ. Nte Farisi wëkì kópú tíkí sò me pè tẽ ne, pè káh pɔ pé yĩni wilki pé wëkì sɔkɔ. Képah ye, pè náh kè wilki mɔ ne, páh sê ñ yõ. ⁴³ Yáh we pè képah pi, névyé-á me gbílkinó nêne n sah pé yõ, képah tyí sò me pé tyí kal Liyel tyíle.

⁴⁴ Képah sɔkɔ, Yesu wëki yĩnpõ ñgbẽne ne ñkẽ: «Névi nê-à sê ñmɔ yõ, ñmɔ ó yõ náh tẽ sê dé, Liyel nê-á tekɪ mɔ ñne, ñmɔ tɔ yõ ye tẽ sê. ⁴⁵ Té névi nê-à ñmɔ we, ñ tékínmɔ-ò ye tẽ we. ⁴⁶ Ñmɔ pɔ kèkõyó à pɔ pi kyòole, ne névi nê-à sê ñmɔ yõ, tẽ káh tẽ fëntú sɔkɔ. ⁴⁷ Ñmɔ náh pɔ kèkõyó sɔkɔ, ne mé pɔ lékàhle névyé kɔ. Mé pɔ ne kèkõyó névyé pwáhnmɔnɔ we. Képah ye, névi nê-à ñ welɔ noh, té à náh me n kɔ sé wàl yõ, ñmɔ náh kɪ n kɔ n pi tẽne lékàhle dé. ⁴⁸⁻⁴⁹ Wey nê-á mé yo yò, képah rítẽ ye kɪ lékàhle tẽ kɔ n pi gbìyìkì téy sòle. Ñ gblõy yah yíi náh mé yo welɔ nópìle dé! Sú Liyel nê-á tekɪ mɔ ñne, máh yĩne mè nê yo, ànê máh yĩne mè kwónó nê pi, ñmɔ ye yo séle ñ tyí ne mé pi. Képah ye, névi nê-à ñ yahle, té à náh me ñ weyne n mɔ n kɔ, ney me te, nê-á kɪ lékàhle tẽ kɔ n pi. ⁵⁰ Té ñmɔ mó tɔ pĩ ne Liyel-á nê kɔ sah, képah gbò yõ sɔkɔ-á névyé kɪ fẽ tyé-ñkẽ min we. Sú Liyel-á wey mè yo sɔ ñ tyí, sê ye mé n yo kéle yé tyí.»

13

Yesu ñ tò sáhpú gbyêh wu

¹ Nsyifunɔ yõri tyénó syáh kɪ sò n pi n pi ñindalle. Yesu sò pĩ ne pé yálnó gbì-á se kèkõyó, páh kɪ n sɔkɔ n pi Sú Liyel tyí. Ñ sò tẽpú nónó-á sò me kèkõyó, pé tyí sò me nónóle ñ tyí. Pé tyí nɔ kah mɔ ñ tyí.

² Yesu ànê ñ tò sáhpú sò me yòkele n yõ. Té sétàn yòtẽ sò me kè dahbi te Simo Yisikariyotɪ pídí Nsyudastɪ nɪ sɔkɔ ne, à vi Yesu náh. ³ Yesu sò pĩ ne Sú Liyel-á tyi pól dahbi péwɔ gbò. Ñmɔ tyí-á pé wil à pɔ, té páh kɪ pé syɪ sɔkɔ ñmɔ tyí. ⁴ Képah sɔkɔ, páh me yòke yónó sɔkɔ sê, à yuku yĩn, té ñ fwòmò-ñgbẽ de sah, té fwɔ yó tɔkɔ toh ñ syĩ sɔkɔ. ⁵ Képah náh, à ni du mɔ dú yó sɔkɔ, à tyah ñ tò sáhpú gbyêhne n wu kéle, té séle n tuke fwɔ mènne, nê-á à toh ñ syĩ sɔkɔ.

⁶ Káh pɔ syɪ Simo-Pyerɪ tyí, à Yesu syah ne ñkẽ, ñmɔ nê-á TÈ NGBÈNE ñmɔ kɪ n yah n kɔ péwɔ gbyêh wú-ñsahle nɪ? ⁷ Yesu me yo ñ tyí ne, nê-á péwɔ n pi yò, ñmɔ náh fẽ ké tyí yah we n pi núkúnúkú ló! Nte náh-á à kɪ pɔ ké tyí yah we n pi. ⁸ Pyerɪ tɔ yuku à syah ne, pólle, à náh pé gbyêh wu n pi. Képah sɔkɔ, Yesu me yo ñ tyí ne: «Wáh kɪ ye ñ kɔ mé á gbyêh wú-ñkẽne, á vyãh kɪ de ñmɔ tyi sɔkɔ.» ⁹ Képah tẽne, Simo-Pyerɪ yo ñ tyí ne, Tẽ ñgbẽ, káh pi sê kè káh yĩn pé gbyêh ó tyí, ñkẽ à pé gbàn ànê pé yõ tɔ wu. ¹⁰ A me yo ñ tyí ne: «Névi nê-à ni wel te, tẽ n ne n me yályál. Képah ye, à wil ñ gbyêh tyí sɔkɔ, yõ náh tɔ ñkẽne ne me tẽ wil pól tɔnwunɔ tyí. Yépi me yályál. Nte yé pól tẽ wɔ náh mé n ye dé!» ¹¹ Névi nê-á kɪ sò pɔ n vi n pi Yesu náh, Yesu sò me à pĩ te. Képah ye à kɔ à ne, pé pól tẽ wɔ náh pé ne páh me yályál dé!

¹² Wáh pé gbyêh wu te, à tɔ ñ fwòmò-ñgbẽ tɔkɔ mɔ pɔ kɔ tẽ yòke yó-ñsah ñtõ. Té yo pé tyí ne: «Máh nê pi yé tyí sê yò, yé se ké yõ pĩ? ¹³ Yáh pi yẽ ñne n ye kwó-ò díne, képah náh pi, Tẽ-ñgbẽne, yé me n yo ple tẽ wɔle. Ñmɔ ye ñtyĩnɔ ñne. ¹⁴ Nte ñmɔ nê-á Tẽ ñgbẽ ànê kwó-òle, yáh we mé yé gbyêh wu, yépi tɔ yĩne yé wẽ gbyêhne n wu. ¹⁵ Képah ñkù ye mé pi yé wëkɪ yò, ne máh nê pi yé tyí, yé tɔ sɛnknɔle n pi. ¹⁶ Kègbɪgbɪ tẽ yõ, mé kéle n yo yé tyí, tònpi náh fẽ n kal ñ yòtẽne. Sê ó ye tẽntò névi

to nâh fẽ n kal n tò-òle. ¹⁷ Nte nùkúnúkú, yé se kéne tyile n pne té! Yâh fẽ syi n kò sé wâl yõ, yé kɪ nìvìnì wɛ.

¹⁸ N wey mè nâh me ké yah mɔ yé pól tyí dé! Mâh névye nónó yah wilki, mé péle n pne. Nte tir nê-á wârki sah Liyel wey sébéy sòkò, kè yĩne kè wil ó wil. Kè me wârkínsàhnóle ké sòkò ne níkẽ: «Mâh lésò ní yòkele n yõ ànê nêne, tẽ me yuku ní yõ.»*

¹⁹ Ké pí-nkẽ sòkò ye mé kéle n yo n sah yé tyí nùkúnúkú yò. Képah sòkò kâh pò pi, yé kɪ sã ké yõ ne, Nmɔ-á. ²⁰ Kègbɪgbɪ tẽ yõ, mé kéle n yo yé tyí, névi nê-à ní tẽntò névi tẽ ple, nímɔ ye tẽ tẽ ple. Nê tɔ-à nímɔ tẽ ple, nê-á tò nne, nímɔ ye tẽ tẽ ple.»

Yesu ne Nsyudasí-á kɪ n vi n pi pé nâh

²¹ Képah tẽne, kéne welo yóntenɔ nâh, Yesu fòkò kah fẽkɪ. A me kè yo dal mɔ ne: «Kègbɪgbɪ tẽ yõ, mé kéle n yo yé tyí, yé sòkò ney yó kɪ n vi n pi ní nâh.» ²² Wâh képah yo sã, n tò sâhpú tyah n yõ wẽne n yah nùkú nùkúle. Pè nâh sò me pĩ nê tyí-á à n yo.

²³ Té Yesu tò sâhpú sòkò nê tyí-á no yĩ n tyí, nímɔ sò me tẽntelnole Yesu tyí. ²⁴ Képah sòkò, Simo-Pyeri pi mɔ nímɔ tyí ne à Yesu piki yah, nê tyí-á à n yo. ²⁵ Nímɔ mó n gbal kẽkɪ Yesu fĩne, té à piki yah ne, Tẽ n̄gbẽ, nê se à n ye nɪ? ²⁶ A me yo n tyí ne, pâh kɪ búrn yĩ di nê kò, tẽ wɔ-á. Té nùkú búrn yínó tɔkò, té kè di à Simo Yisikariyɔtɪ pídí Nsyudasí kò. ²⁷ Nsyudasí-á búrn mè syi, sétàn yòtẽ me de n sòkò. Yesu me yo n tyí ne, nê-á n tyí pi pi tẽne, à kè pi súú. ²⁸ Nte nónó pól-á sò me nénpó, pé sòkò yó n̄tẽ nâh sò pĩ tir nê yĩn-á Yesu yo wey mène n tyí. ²⁹ Té pò dú-á sò me Nsyudasí tyí sã, túkú sò me n sò ne, Yesu-á yo n tyí ne à kyɪ syáh yídwenè yah dwe, képah nâh pi, à pò yĩ yãm tãn kò. ³⁰ Nte Nsyudasí-á fyò búrn yínó mè syi, à nùkú yuku wil. Légbĩne lékâh sò me mɔ.

Yesu tir kònsàhnó késânne

³¹ Nsyudasí-á fyò wil te, Yesu ne: «Nùkúnúkú tẽne, gbílkinó ye sah Névi Pídí yõ, ànê Sú Liyel yĩn kɪ se tò gbilki nímɔ yĩnne. ³² [Gbílkinó-à kɪ sah Liyel yõ nímɔ yĩnne,] Liyel tɔ kɪ à gbilki n gblɔy yĩnne. Dò kwéy n̄tẽne, à kɪ kè pi n pi. ³³ N wẽnpĩ, mé kɪ tò n me n pi yéle kɪ wró kwéy ó pi. Yé kɪ ní yah n kò n pi. Nte nê-á lésò mé yo Nsyifunɔ tyí, képah nùkú ye tò mé kɪ yo yépi tɔ tyí nùkúnúkú ne, yé nâh fẽ n kyɪ n pi nímɔ yúkú-nsah sòkò. ³⁴ Mé kɪ tir sán yó kò sah yé kò ne, yé tyí no wẽ tyí. Yé tyí-á no sò nímɔ tyí, yépi tɔ tyí yĩne kè no sã wẽ tyí. ³⁵ Yé tyí-à kɪ no wẽ tyí, képah sòkò ye no pól kɪ pĩ ne nímɔ tò sâhpú-á yéle.»

Yesu ne Pyeri-á kɪ n vyâh kòli ne pé nâh péwɔ pĩ

³⁶ Képah sòkò, Simo-Pyeri à piki yah ne, Tẽ n̄gbẽ, n̄yâh se à n yuku nɪ? A me yo n tyí ne, n̄yâh-á pé n yuku, à nâh fẽ n kyɪ n pi péle nénpó sòkò nùkúnúkú. Nte nâh fĩne, wâh kɪ pò pé sò tẽ n pi. ³⁷ Pyeri me ne, Tẽ n̄gbẽ, sò se pi té pé nâh fẽ n sò tẽ n pi nùkúnúkú nɪ? Péwɔ-á kɪ fẽ syi pé min kò n pi nímɔ yĩnne dò. ³⁸ A me yo n tyí ne: «Á kɪ á min kò n pi nímɔ yĩnne lé? Nte kègbɪgbɪ tẽ yõ, mé kéle n yo á tyí, sénpe-à kɪ pópó n gbo, á kɪ me á vyâh kòli te ke tònó, ne á nâh nímɔ pĩ.»

14

Yesu ye wẽkìle nê-á n yuku Sú Liyel tyí

¹ Képah nâh, Yesu yo n tò sâhpú tyí ne: «Yé kâh ye yé fòkò fẽkɪ. Yé sã Liyel yõ, yé mó sã nímɔ tɔ yõ. ² Tẽ-ntàn nâhnâh me ní Sú Liyel fĩne. Mé kɪ kyɪ tẽ-nsah yah sah yé

* 13:18 13.18 - Yah n te Gbálnó 41.10.

kõ. Kàh sò me gbule ñkêne, mé nàh nàhki kè yo n pi yé tyí. ³ Máh ki kyí tẽ-nsah yah sah te yé kõ, mé ki ní syi pò yé tẽ sòko ní tnô. Képah sòko, ñmò-á me ñyãh sòko, yépi tò ki me nénpó. ⁴ Yé se ñmò yúkú-nsah wěkile n pne té.» ⁵ Wãh yo sě, Toma me ne, Tě ñgbě, pépi nàh me ñ yúkú-nsah pĩ, té pé se ki pĩ sò ké wěkile ni? ⁶ Yesu me yo ñ tyí ne: «Ñmò ye wěkile, ànê gbule, ànê min nétêne. Nnî yó rítě nàh fě n kyí Sú Liyel tyí, né tẽ nàh syõ ñmò tyí. ⁷ Yáh sò me ñmòle n pne, yé nàhki me ní Sú Liyel tole n pne. Nte nùkúnúkú, yé ye ñne n pne, té à we.» ⁸ Képah sòko, Filipi me ne, Tě ñgbě, à Sú Liyelle pépi wěki kè! Képah-á ki yĩne pépi tyí. ⁹ Yesu me yo ñ tyí ne: «Filipi, mé me yéle di mónóle, té áwò nàh me ñmò pĩ ni? Névi nê-à ñmò we, Sú Liyel ye tẽ we. Nte á pi sò té tõ n yo ne, mé Sú Liyelle ñ wěki? ¹⁰ Á nàh sě ké yõ ne, ñmò ànê Sú Liyel-á me nùkúle di? Welò nónó-á mé n yo yé tyí yò, ñmò yah yĩ welò nàh séle dé! Sú Liyel nê-á nùkúle ñmòle, ñmò ye n pi ñ tãne. ¹¹ Yé yĩne ye sě ké yõ ne, ñmò ànê Sú Liyel-á me nùkúle. Yáh ki sò sě-ñkêne ké yõ ñmò welò yĩne, yé sě ké yõ tãn nòpi tẽ wò yĩne. ¹² Kègbıgbı tẽ yõ, mé kéle n yo yé tyí, névi nê-à sě ñmò yõ, máh me tãn nónóne n pi, tẽ tò ki sěknole n pi. Té tẽ ki tãn yísyó rítě pi n pi nónó-á kal sépile. Mé me n yuku Sú Liyel tyí, képah ye ki tẽ kõ à ki fě sè pi. ¹³ Képah sòko, yáh tyídúkú nê yah kõ ñmò yĩn yõ, mé ki kè pi yé tyí, gbılkinó kõ kè ki sah Sú Liyel yõ ñ Pídí gbò yõ. ¹⁴ Yáh tir nê yah kõ ñmò yĩn yõ, mé ki kè pi.»

Yesu ñ vyãh kõ Liyel Mirki pónó tyí sòko

¹⁵ «Ñmò tyí-à me nò yé tyí, yé ki ní tyi kònsàhnó tẽ yĩn. ¹⁶ Té mé ki Sú Liyel ni, à ki yòhnñmò-ò yó tekı mò yé kõ, nê-á ki pò n tẽ n pi yéle kúmm. ¹⁷ Yòhnñmò-ò mène, Liyel Mirki ye. Ñmò ye gbule névyele n wěki Liyel tyí sòko. Kèkòyó névyé nàh ñne n we, ànê pè nàh ñne n pne. Képah ye, pè nàh fě à fě n syi. Nte wãh me yépile, té me yé sòko sě, képah ye yépi wò ñne n pne. ¹⁸ Mé nàh yé sah n pi ñgbyele. Mé ki ní syi n pò n pi yé tnô. ¹⁹ Dõ kwéy ñsõ, kèkòyó névyé nàh tõ ñmò we n pi, ñte yépi tẽ wò ki ní we. Té ñmò-á fyòni me min sòko, képah ye yépi tò ki me n pi min sòko. ²⁰ Lésõ-à pò nò, yé ki pĩ ne ñmò ànê ní Sú Liyel-á me nùkúle, té ñmò ànê yépi tò mó me nùkúle. ²¹ Névi nê-à ní tyi kònsàhnó noh, té sè tẽ yĩn, ní tyí nò tẽ wò tyí. Té ñmò tyí-à nò névi nê tyí, tẽ tyí ki nò ní Sú Liyel tyí. Tě tyí ki nò ñmò tò tyí, té mé ki ní gblõyne à wěki.» ²² Képah sòko, Nsyude* nê-á ñ gblõy Nsyudası Yisikariyotule, ñmò me yo Yesu tyí ne, Tě ñgbě, sò se pi té à ki ñ gblõyne pépi wěki, té à nàh ñ gblõyne kèkòyó névyé wěki n pi ni? ²³ A me yo ñ tyí ne: «Ñmò tyí-à nò nê tyí, tẽ ki ní tyiyónóle n pi. Tě tyí ki nò ní Sú Liyel tyí, té ñmò ànê ní Sú Liyel ki pò tẽ tyí, ki pò twah tẽ ñ tyí. ²⁴ Nte ñmò tyí-à nó-ñkêne nê tyí, tẽ nàh ní tyiyónóle n pi. Té welò nónó-á yé n nohni yò, ñmò yah yĩ welò nàh séle dé! Sè wil Sú Liyel tyí, nê-á tekı mò ñne. ²⁵ Mé ye kéne tyi yo yé syah, gbí nê-á mé me ànê yéle yò. ²⁶ Nte Liyel Mirki nê-á yòhnñmò-òle, Sú Liyel ki n tekı n mò n pi ñmò yĩn yõ, à ki pò tyi pólle yé kwò. Té ki yé dyò to kõ ñmò tyiyónóle, máh nónó yo sòko yé tyí.

²⁷ Yèvinı ye mé yéle n kõ yò. Ñmò yèvinı ye mé yéle n kõ. Mé nàh me kéle n kõ kèkòyó névyé kõ òkúle. Yé káh ye yé fòko fěki, yé káh ye tíki yé tẽ. ²⁸ Mé ye kè yo sòko te yé tyí yé noh ne sókónó-á ñne, té máh ki ní syi n pò n pi yé tnô. N tyí-à sò me nò yé tyí, yáh kè noh ne máh n yuku Sú Liyel fĩne, kè sò yĩne kè ne n me ñvìnìne yé tyí, ñmò-á sònpíle kal ñmòle. ²⁹ Mé ye kéne tyi yo sah yé tyí nùkúnúkú sé pónpí-ñkê

* **14:22** 14.22 - Nsyifunò tyí, Nsyude ye òkú me nùkúle Nsyudası ye òkúle.

sokɔ yò, képah sokɔ sàh kɪ pɔ n pi, yé kɪ sɛ́ ní wɛlɔ yõ. ³⁰ Kèkõyó névye fnè-ò me n pi, képah ye mé nàh tɔ́ n kah n yàh n mo n pi yéle. A nàh fɛ́ ñmɔ tɛ́ wɔ fnɛ. ³¹ Nte Sú Liyel-á tyi nónó yo ní tyí, sépi ye mè n ne n pi. Képah sokɔ, kèkõyó névye kɪ pĩ ne n tyí-á nɔ ní tyí. Yé yuku! A ye yal ásô.»

15

Yesu ne yeresé sésuwô yèsyìkì-á péle

¹ Képah sokɔ, Yesu tɔ́ ne: «Ñmɔ ye yeresé sésuwô yèsyìkìle, ní Sú me ké nétɛne. ² Yìngbàn nónó pól-á me ñmɔ sokɔ té sè nàh me n syi, à kɪ sè kòlɪ tɛ́ yõ. Té nónó pól-á me n syi, à kɪ sépile n tɔ́ sè kɔ́ sè kɪ n gbah n syi. ³ Wey nê-á mé yo yé tyí yò, képah gbò yõ, yé pi te yályál. ⁴ Yé ne n me ñmɔle, sɔ́-á ñmɔ me yéle. Sɔ́-á yìngbò nàh fɛ́ n syi n pi ké gblɔ́y né kè nàh me sésuwô sokɔ, sɛ́ ó ye yépi tɔ́ nàh fɛ́ tir yó pi n pi né yé nàh me ñmɔle. ⁵ Ñmɔ ye yeresé sésuwôle, yépi me ké yìngbàne. Yé nàh fɛ́ tir yó ñtɛ pi n pi ñmɔ kɛ́ne. Képah ye, nê-à me ñmɔle, té mé me tɛ́ne, tɛ́ kɪ tyípéplɔ nàhnàhle n pi Liyel tyí. ⁶ Névi nê-à mé-ńkɛ́ne ñmɔle, tɛ́ me yìngbò yó tyí kòle, nê-á pè kãm milki kégbó, té kè kɪ n kɔkɔ n pi. Té yìngbàn kókóríle, sépi kɪ pɔ kwel mɔ n suke n pi nyàh sokɔ. ⁷ Nte yàh me ñmɔle, té ní wɛlɔ me n tɛ́ yé fɔkɔnɪ sokɔ, kwàh nê tyí-à nɔ yé tyí, yé kè ni, yé kɪ kè we. ⁸ Yàh tyípéplɔ nàhnàhle n pi Liyel tyí, képah ye kɪ kè wɛ́kɪ ne yàh pi ñmɔ tɔ́ sàhpúle. Té ñmɔ Sú Liyel yìn kɪ gbilki.

⁹ Ñmɔ tyí-á nɔ Sú Liyel tyí sɔ́, yépi tɔ́ tyí nɔ ñmɔ tyí sɛ́. Yé ye yé tyí ne me nóntɛ́nóle ní tyí sɛ́. ¹⁰ Yàh ní tyi kònsàhnóle n pi, yé tyí kɪ me nóntɛ́nóle ní tyí, sɔ́-á ñmɔ ní Sú tyi kònsàhnóle n pi, té ní tyíle nóntɛ́nóle n tyí. ¹¹ Mé me ké tyí ne nìvìnì nê-á me ñmɔ sokɔ, kè ne me yépi tɔ́ sokɔ, té yé nìvìnì mè mó syi ké yìn tyí. Képah ye, mé tyi nópi yo yé tyí.

¹² Mâh nê kò sah yé kɔ́, kè we yò: Yé tyí yĩne kè nɔ wɛ́ tyí, yé tyí-á nɔ sɔ́ ñmɔ tyí. ¹³ Névi-à n min kɔ́ n kódíbi yinne, tyínɔnɔ ñgbɛ́ yó nàh tɔ́ fɛ́ n kah n mo n pi képah yõ. ¹⁴ Ñmɔ-á nê kò sah yé kɔ́, yàh kɪ me kéle n pi, ní kódíbi ye yéle. ¹⁵ Mé nàh tɔ́ yé ye n pi tònpiɓile. Ngbò tònpi nàh fɛ́ n yòtɛ́ dí tyípínó pĩ dé! Nte mâh tyi nónó noh ní Sú Liyel tyí, mé ye sé pólle yépi kwɔ. Képah ye, mé yéle n ye ní kódíɓile. ¹⁶ Yépi nàh yah tɔkɔ ñmɔle dé, ñmɔ ye yah tɔkɔ yéle, té yé tekɪ mɔ ne, yé kyi tyípéplɔle n pi Liyel tyí, nónó-á sé yõre nàh n tyɛ n yah n pi. Képah sokɔ, yàh kwáhdúkú nê ni Sú Liyel tyí ñmɔ yìn yõ, à kɪ kéle yé kɔ́. ¹⁷ Nte nê-á mé n kò n sah yé tyí, kè we yò: Yé tyí yĩne kè nɔ wɛ́ tyí.»

Kèkõyó névye me Yesu ànê n yõ sɛ́pú dyɔle n yo

¹⁸ Képah sokɔ, Yesu tɔ́ ne: «Kèkõyó névye-à yé dyɔle n yo, yé pĩ ne ñmɔ ñgbò dyɔ-á pè tyah n yo. ¹⁹ Yàh sò me kèkõyó névye tyí yõ sokɔ, yàh pi pé tyíle sɛ́, yé tyí nàhkɪ nɔ pé tyí. Nte kàh pi ñmɔ yé yah wilki kèkõyó névye sokɔ, té yé nàh tɔ́ me pépi tyí yõ, képah ye pè kɔ́ pè yé dyɔle n yo. ²⁰ Yé yé dyɔ sah ne n kwne wey mè tyíle, mâh nê yo yé tyí ne: <Tònpi nàh fɛ́ n kal n yòtɛ́ne.> Pàh kɪ me ñmɔ fõh, pè kɪ yé tɔ́ fõh. Pàh kɪ me ní wey fɛ́ syi, pè kɪ yé tɔ́ tyí fɛ́ syi. ²¹ Nte pè nàh sɔ́npúle me ñmɔ tó-òle n pne, képah ye pè kɪ tyi nópi pól pi yé sokɔ ñmɔ yinne. ²² Mâh sò me pò-ńkɛ́ne pé tyí, ànê mâh sò me tir yó yó-ńkɛ́ne pé tyí, pé tyítúkúnì pínó lékàh nàh nàhkɪ n me n pi pé yõ. Nte núkúnúkú, gbɪ wé-ńsah yó ñtɛ́ nàh n we n pi pé tyí pé tyítúkúnì pínó tyí sokɔ. ²³ Névi nê-à ñmɔ dyɔle n yo, tɛ́ me ní Sú tɔ́ dyɔle n yo. ²⁴ Tyi nónó-á ñnì yó ñtɛ́ nàh sɛ́nkɔ pi yah, mâh sò me sépi pí-ńkɛ́ne pé wró sokɔ, pé tyítúkúnì pínó lékàh

náh náhki n me n pi pé yõ. Nte núkúnúké, pé ye nímò tyípínì wé. Té képah fyé yõ, pé me nímò ànê ní Sú dyòle n yò. ²⁵ Nte nê-á wárkínsàhnóle pé tyi kònsàhnó sòkò nɛ: «Pè ní dyò yò yõ kɛ̀nɛ.»* képah wil yĩn ye pé kɔ̀ pé képahle n pi.

²⁶ Té yòhnìnmo-ò nê-á nímò kɪ n tekɪ n mo n pi kɪ wil Sú Liyel tyí, Liyel Mirki ye. Képah ye gbɪle névyele n wɛ̀kɪ Liyel tyí sòkò. Képah-à wil Sú Liyel tyí à pò, kè kɪ pò nímò tyí yo wah yé tyí. ²⁷ Nte yépi-á sò me ànê nímòle ngbò dùkùle sɛ̀, képah ye yé to kɪ ní tyíle n yo n wah névyé tyí.»

16

¹ Képah náh, Yesu tɔ̀ yo pé tyí nɛ: «Mé náh me ké tyí nɛ yé Liyel yõ sɛ̀nó yal n mo. Képah ye ní kɔ̀ mé tyi nópi yo sah yé tyí. ² Nsyifunò kɪ yé yĩni n wilki n pi pé wɛ̀kɪ sòkò. Té gbɪ yó n̄tɛ me n pi, képah sòkò nónó-à pò yéle n ko n mo, pé kɪ me n sò nɛ tò-á pé n pi Liyel tyí. ³ Nímò ànê ní Sú pí-ńkɛ̀ ye pé kɔ̀ pé kɪ sépinó tno pi sɛ̀ yò. ⁴ Mé me ké tyí nɛ tyi nópi gbɪ-à pópó pò sɛ̀, yé dyò nɛ n me n kwne séle, képah ye mé sè yo sah yé tyí.»

Liyel Mirki pónó yòle

Képah náh, Yesu tɔ̀ yo pé tyí nɛ: «Máh lésò me yé wró sɛ̀, képah ye mé náh kwãh tɛ̀ tyi nópi yo yé tyí. ⁵ Nte núkúnúké, mé me n yuku ní tó-ò tnô, té yé sòkò yó n̄tɛ náh se me n̄ne n piki n yah nɛ, n̄yãh se mé n yuku ni? ⁶ Tyi nónó-á mé yo yé tyí, sépi yèkwòri ye yé fòkò fil yò kè. ⁷ Nte mé kɪ gbɪ yo yé tyí. Máh kɪ sòkò, képah kɪ nekɪ kal yéle. Máh kɪ sókó-ńkɛ̀nɛ, nê-á yĩne à pò yé yohnɪ n mo, à náh n pò n pi. Nte máh kɪ kyɪ, mé kɪ à tekɪ mo yé kɔ̀. ⁸ Té nímò-à pò gbɪ n̄ne, à kɪ tyípèl, ànê gbɪ wɛ̀kɪ, ànê Liyel tukey tyí yo wah kèkòyó névyé syah, kɪ kéle pé wɛ̀kɪ nɛ pãh me pílkínóle sépi pól sòkò. ⁹ A kɪ kéle pé wɛ̀kɪ nɛ nê-á pé tyípékèle, péwò yõ sɛ̀-ńkɛ̀-á. ¹⁰ Té kɪ kéle pé wɛ̀kɪ nɛ nê-á me gbɪ wɛ̀kɪ tyí sòkò, péwò-á n sòkò Sú Liyel tyí, té pé náh tɔ̀ pé wɛ̀ n pi. ¹¹ Té kɪ tɔ̀ kéle pé wɛ̀kɪ nɛ nê-á me Liyel tukey tyí sòkò, nê-á kèkòyó mè névyé fnè-òle, lékàh-á me te nímò tyí.* ¹² Tyi náhnáh tɔ̀ me ní tyí yo yo tɛ̀ne yé tyí. Nte máh kɪ sè yo yé tyí núkúnúké, sè kɪ kãn pi yéle. ¹³ Liyel Mirki nê-á gbɪle névyele n wɛ̀kɪ Liyel tyí sòkò, nímò-à pò gbɪ n̄ne, à kɪ pò yé yah tɛ̀ yé kɔ̀ yé kɪ gbɪ dùkù pól pĩ Liyel tyí sòkò. N yah yĩ wɛ̀lò náh à kɪ pò n yo dé! Wãh tyi nónó pól noh, sépi ye à kɪ pò yo yé tyí ànê tyi nónó-á me n pi. ¹⁴ A kɪ tyile n wɛ̀ n syi nímò tyí kɪ n yo yé tyí. Képah ye, nímò gbò yõ nímò yĩn kɪ n gbilki. ¹⁵ Kwãh nê-á fyò me Sú Liyel tyí, nímò to tyí ye kéle. Képah ye ní kɔ̀ mé nɛ Liyel Mirki-á kɪ nímò tyile n wɛ̀ n syi n yo yé tyí.»

Yèkwòri v̄inmònrɪnòle n̄v̄ìn̄nɛ

¹⁶ Képah yóntenò náh, Yesu tɔ̀ nɛ: «Dõ kwéy, yé náh tɔ̀ ní wɛ̀ n pi. Té dõ kwéy képah náh, yé kɪ tɔ̀ ní wɛ̀.» ¹⁷ Képah tɛ̀ne, n̄ tò sáhpú tókù tyah n yo wɛ̀ tyí nɛ, wey nê-á à n yo pé tyí yò nɛ dõ kwéy, pé náh tɔ̀ pé wɛ̀ n pi, té dõ kwéy képah náh, pãh kɪ tɔ̀ pé wɛ̀, képah yõ se pi tir n̄ne ni? Anê tir nê se à n yo sɛ̀ yò nɛ, pãh n sòkò Sú Liyel tnô ni? ¹⁸ Dõ kwéy nê tyí-á à n yo yò, tir nê se képah n wɛ̀kɪ ni? Pépi náh me n̄ wey mè syíkí-ńsah wɛ̀ dé! ¹⁹ Nte Yesu-á pĩ nɛ, pãh me n yah n kɔ̀ pé píkinyah-ńsahle, à yo pé tyí nɛ: «Máh yo yé tyí nɛ dõ kwéy, yé náh tɔ̀ ní wɛ̀ n pi, té dõ kwéy képah náh, yáh kɪ tɔ̀ ní wɛ̀, képah tyí yõ ye yé n piki n yah wɛ̀ne yò kè? ²⁰ Kègbɪgbɪ tɛ̀ yõ, mé kéle n yo yé tyí, yé kɪ pò n gbo kɪ yãm yãm tyile n yo, té kèkòyó névyé kɪ me n̄v̄ìn̄n̄ sòkò. Yé kɪ me yèkwòri sòkò, n̄te yé yèkwòri kɪ pò vi mo pi n̄v̄ìn̄n̄nɛ. ²¹ Sê-à pile n dubi gbɪ

* **15:25** 15.25 - Yah n te Gbálnó 35.19 ; 69.4. * **16:11** 16.11 - Kèkòyó névyé fnè-ò nê tyí-á n yo ásò sòkò yò, sétàn yòtɛ̀ ye.

nêne, yèvyährı pı gbí-á yĩni tẽ ñ tyí sě, kè n ne yèkwɔɔɔlɛ ñ tyí. Nte wáh dubi te, névi wéndubinmɔnɔlɛ kèkõyó ñ tyí, kè n pı nìvìnì ñgbēne ñ tyí. N dyɔ n fwɔ ñ yèvyährı pınsɔkɔnɔ tyíle. ²² Sě yé yépi tɔlɛ yèkwɔɔɔ sɔkɔ núkúnúkú yò. Nte mé kɪ tɔ pɔ n yah n pi yé tyí. Képah sɔkɔ, kè kɪ pı nìvìnìne yé tyí kègbı tēne, nìvìnì nê-á ney náh fě kè tẽ n syi n pi yé tyí. ²³ Lésõ gbìyìkì-à pɔ nɔ, yé náh tɔ ní piki n yah n pi tir yó n̄tẽ tyíle. Kègbıgbı tẽ yõ, mé kéle n yo yé tyí, yáh kwáhdúkú nê ni Sú Liyel tyí n̄mɔ yĩn yõ, à kɪ kéle yé kō. ²⁴ Té à pɔ syi núkúnúkú tyí, yé náh tɔn̄ni me kwáh yó n̄tẽ ni n̄mɔ yĩn yõ. Yé ne n ni, yé kɪ n we n syi. Képah sɔkɔ, yé nìvìnì kɪ syi ké yĩn tyí.»

Yesu tẽ we kèkõyó tyí

²⁵ Képah náh, Yesu tɔ ne: «Mé ye tyi nópi pól yáh yé tyí sèm̄irn sɔkɔ. Té sõ yó me n pi, mé náh tɔ n yáh n pi yé tyí sèm̄irn sɔkɔ. Nte mé kɪ Sú Liyel tyí yo wah palle yé tyí. ²⁶ Lésõ gbìyìkì-à pɔ nɔ, yé kɪ ñne n ni n̄mɔ yĩn yõ. Té mé náh yo yé tyí ne n̄mɔ-á kɪ n ni ñne yé tyí dé. ²⁷ Yé náh we di, yé tyí nɔ Sú Liyel tyí. N̄mɔ tyí-á nɔ yé tyí, té yé sě ké yõ ne máh wil n̄mɔ tyí, képah ye yé tyí nɔ ñ tyí. ²⁸ Sú Liyel tyí ye mé wil à pɔ kèkõyó. Nte núkúnúkú, mé kɪ tɔ yal kèkõyó kɪ n yuku n pi n̄mɔ tyí.»

²⁹ Yesu-á yo sě, ñ tɔ sáhpú ne ðhõ, núkúnúkú tēne, wáh pyě me tyile n yo n wah palle sèm̄irn mí-ńkēne. ³⁰ Pépi-á pı núkúnúkú ne, wáh tyi pólle n pne. Páh ne à piki n yah n pi tir nêne, à n ne n me kè pı n te. Képah-á pépi sě ké yõ ne, wáh wil Liyel tyí. ³¹ Képah sɔkɔ, Yesu ne: «Yé sě n̄mɔ yõ núkúnúkú yé yo kè? ³² Nte gbí yó me n pi, nê-á me te núkúnúkú n̄tēne yò, nê sɔkɔ-á yé pól kɪ to karkɪ, kɪ sɔkɔ yé wíl-n̄tàn sɔkɔ, té kɪ n̄mɔ sah ní gblõy. Nte Sú Liyel kɪ me n̄ne. Képah ye mé náh kɪ n me n pi ní gblõy. ³³ N̄mɔ me ké tyí ne yé yèvını we n̄mɔ tyí, képah ye mé tyi nópi yo yé tyí. Yé kɪ yèvyährı pı n pi kèkõyó sɔkɔ. Nte yé káh tíkí pı, n̄mɔ ye tẽ we kèkõyó tyí.»

17

Yesu n̄rĩ pínóle

¹ Yesu-á képah yo te sě, à ñ yah yõ yĩnyõ té ne: «Bõ, ké gbí ye nɔ núkúnúkú. Gbílkinó sah n̄mɔ yõ, n̄mɔ tɔ mó gbílkinó sah á yõ. ² Áwɔ ye tēnwɛnɔlɛ ní kō nɔ pól yõ, ne mé tyé-ńkē minne pé pól kō, nónó-á á dahbı ní gbõ. ³ Áwɔ nê-á Liyel núkúnúne kègbı yõ, páh áwɔ pı, té n̄mɔ Yesu Krista pı, n̄mɔ nê-á á tekı mɔ, képah ye tyé-ńkē minne. ⁴ Wáh tɔ nê dahbı ní gbõ pı pı tēne, mé ye kè pı te. N̄mɔ ye gbílkinó sah á yõ sétáh yõ sɔkɔ. ⁵ Núkúnúkú tēne Bõ, gbílkinó nê-á sò me n̄mɔ yõ á gbòpɔ kèkõyó mó-ńkē gbí òkùle, képahle n̄mɔ kō á gbòpɔ sɔkɔ n̄tõ.

⁶ Wáh nónó wilki kèkõyó névye sɔkɔ à n̄mɔ kō, mé ye á òkùle pè wěkɪ. Áwɔ tyí ye sò péle, té á me péle n̄mɔ gbõ dahbı, pè me á wey fě syi. ⁷⁻⁸ Wáh welɔ nónó yo ní tyí, mé ye sè yo pé tyí, pè me sè fě syi. Pè pı yĩn ne, máh wil áwɔ tyí, té sě ké yõ ne áwɔ-á tekı mɔ n̄ne. Képah ye, núkúnúkú tēne, pè pı ne wáh yí nónó pólle n̄mɔ kō, sáh wil áwɔ tyí. ⁹ Páh pı áwɔ tyíle sě, képah ye mé ále n ni pépi tyí. Mé náh me ále n ni kèkõyó névye tẽ wɔ tyí dé! Wáh nónóne ní gbõ dahbı, pépi tyí ye mé n ni ále. ¹⁰ Nónó pól-á áwɔ tyíle, n̄mɔ tɔ tyí ye péle. Nónó pól-á n̄mɔ tyíle, áwɔ tɔ tyí ye péle. Té pépi gbõ yõ, gbílkinó me n sah n̄mɔ yõ. ¹¹ Nte ðõ kwéy, n̄mɔ kɪ n pɔ n pi áwɔ tyí. Mé náh kɪ tɔ n me n pi kèkõyó sɔkɔ. Nte pépi wɔ kɪ me kèkõyó. Bõ, áwɔ nê-á pèkè kēne, pè tẽ n sah á tǎhkì gbõ yõ, képah nê-á á n̄mɔ kō. Képah sɔkɔ, pè kɪ pı núkùle sõ-á áwɔ ànê n̄mɔle núkùle. ¹² Máh sò me péle gbí nêne, mé pè tẽ sah á tǎhkì gbõ yõ, képah nê-á á ní kō. Mé pé yõ sykɪ palle, ñn̄i yó n̄tẽ tyí náh ykɪ pé sɔkɔ, à wil

nénúkù m̀è tyí sòkò, nê tyí-á sò yĩne k̀è yíkí, á wey s̀ébéy sòkò tyi wárkínsàhnó k̀ò s̀è we n wil. ¹³ Nte núkúnúkú, n̄m̀-á n pi áwò tyí, k̀épah ye mé tyi nópilè n yo té n sah k̀èkòyó sòkò, nónó-á k̀í pè k̀ò pè k̀í me n̄v̀n̄n̄ yèsyìk̀ì sòkò n̄m̀ tyí k̀òlè. ¹⁴ Mé á wey yo pé tyí. Pè náh t̄õ pi k̀èkòyó tyíle, s̄-á n̄m̀ náh pi k̀èkòyó tyíle. K̀épah ye, k̀èkòyó névyè pé dyòlè n yo. ¹⁵ Mé náh me ále n ni ne, á pè t̄è n yal k̀èkòyó dé! Nte ne n yah pé yõ, p̀èk̀è pí-ò káh t̄è we pé tyí. ¹⁶ S̄-á k̀èkòyó tyí náh n̄m̀lè, s̄è ye k̀èkòyó tyí náh pépi t̄olè. ¹⁷ Pè wilki n sah á tyí yõ á gb̀ì gb̀ò yõ. Á weyne, gb̀ì ye k̀éle. ¹⁸ Wáh n̄m̀ t̄õ s̄ k̀èkòyó sòkò, s̄è ye mé pé t̄olè n t̄õ k̀èkòyó sòkò. ¹⁹ N̄m̀ n̄ gbl̄õyne ále n k̀ò n̄ t̄õ pépi yĩnne, ne pé t̄õ ne n me áwò tyí yõ gb̀ì t̄è yõ.

²⁰ Nte mé náh me ále n ni pépi ó yĩnne dé! Nónó t̄-á k̀í p̄õ n s̄è n pi n̄m̀ yõ pépi tyiyónó gb̀ò yõ, pépi t̄õ tyí ye mé n ni ále. ²¹ Mé ále n ni ne pé pól pi núkúle. Áwò nê-á B̄õlè, áwò ànê n̄m̀-á me núkúle s̄, pépi ànê ápi t̄õ pi núkúle s̄, k̀èkòyó névyè k̀ò pè p̄ĩ ne áwò-á tek̀ì m̀ò n̄ne. ²² Wáh gb̀ilkínó sah n̄m̀ yõ s̄, n̄m̀ t̄õ ye gb̀ilkínó sah pé yõ s̄, ne pè pi núkúle s̄-á áwò ànê n̄m̀lè núkúle. ²³ N̄m̀ me péle, áwò me n̄m̀lè. Káh pi s̄, pè k̀í pi ȳĩ núkúle. K̀épah sòkò, k̀èkòyó névyè k̀í p̄ĩ ne, áwò-á t̄õ n̄m̀lè, ànê no n̄opi tyí-á n̄ò á tyí, s̄-á n̄m̀ tyí n̄ò á tyí. ²⁴ B̄õ, wáh nónóne n̄ gb̀ò dahb̀ì, mé me k̀é tyí ne pépi t̄õ ne n me n̄ne máh k̀í n me n pi n̄yãh sòkò, pè mó n̄ t̄õrí we. N̄m̀ tyí-á me nónóle á tyí k̀èkòyó m̀ó-n̄k̀è gb̀í òk̀ùle s̄, k̀épah ye á t̄õrí m̀ène n̄ k̀ò. ²⁵ B̄õ, áwò nê-á me tómm, k̀èkòyó névyè náh n̄ p̄ĩ, n̄te n̄m̀ wò n̄ p̄ĩ. Té no n̄opi t̄è wò p̄ĩ ne, áwò-á t̄õ n̄ne. ²⁶ Mé ye á òk̀ùle pè w̄èk̀ì, té k̀í t̄õ á òk̀ùle pè w̄èk̀ì n pi, ne n̄m̀ tyí-á n̄ò s̄ á tyí, k̀éne tyín̄on̄ò òk̀ù ne n me pé t̄õ sòkò, ànê n̄m̀ mó ne n me péle.»

18

Yesu t̄énóle

¹ Welò n̄opi yóntenò náh, Yesu ànê n̄ t̄õ sáhpú wil sòkò à kyí de s̀ésân swãh yó sòkò Sedr̄ò nítókahn̄ne. ² Yesu ànê n̄ t̄õ sáhpú s̄ dar té w̄ène n tuke n m̀ò n p̄õ n̄énp̄ó. K̀épah ye, Nsyudas̀ì nê-á s̄ me v̄ínó sòkò Yesu náh, n̄ t̄õ s̄ n̄énp̄ó p̄ĩ. ³ K̀épah sòkò, sárká syínwìlk̄ipu yòtãm̀ ànê Farisi w̄èk̀ì kópú me sràsýíbì t̄ink̀ì ànê Liyel ní-nsah gb̀ò syíkípú t̄õ. Nsyudas̀ì me pépi yah t̄è à p̄õ de péle swãh m̀è sòkò. N̄ì s̄ me pé tyí wóhnt̄enyĩnnòle pé gb̀àn sòkò, ànê f̄òtn̄on̄ole, à tahl̀ì méfwóyì tyí. ⁴ Nte tir nê-á s̄ ne n pi n pi, Yesu-á s̄ me k̀è p̄ĩ s̄, à n̄ò de pé t̄n̄ò té pè piki yah ne, nê se pè n yah n k̀ò n̄? ⁵ Pè me à syah ne, Nasaret̀ì kwil Yesu-á. Á me yo pé tyí ne: «N̄m̀ ye.» Té Nsyudas̀ì nê-á k̀í s̄ à dahb̀ì n pi pé gb̀ò, n̄m̀ s̄ me ȳinnt̄énóle gb̀òpòle. ⁶ Yesu-á fyò yo pé tyí ne péwò-á, pè pé syí náhsékũrnne à kyí syíkìl̀ì sétáh. ⁷ Á me t̄õ n̄ syí pè piki yah ne, nê se pè n yah n k̀ò n̄? Pè me ne, Nasaret̀ì Yesu-á. ⁸ K̀épah sòkò, à me yo pé tyí ne: «Mé ye k̀è yo t̄è yé tyí ne n̄m̀-á. N̄m̀-à k̀í nê yé n yah n k̀ò, yé ye no n̄opi k̀ò pè ne n yuku.» ⁹ K̀épah-á pi s̄, wáh lésò wey nê yo sah, k̀è wil. Á lésò ne: «B̄õ, wáh nónóne n̄ gb̀ò dahb̀ì, mé náh ye pé sòkò yó n̄t̄è tyí yíkí.»

¹⁰ Té dí yó t̄õ lésò me péle pè n ye Malkusilè. Sárká syínwìlk̄ipu yòt̄è n̄gb̄è t̄onpi ye n̄ne. Té Simo-Pyer̀ì tyí k̀èkirk̀ì yó s̄ me. Á me k̀è yor̀ì de à k̀éne dí gb̀òyò s̄ níkì k̀ò kãm. ¹¹ Nte Yesu me yo Pyer̀ì tyí ne: «Á k̀èkirk̀ì dyí k̀é gb̀ò sòkò. Á se me n s̄ ne, Sú Liyel-á yèvyãhr̀ì nê yah t̄òkò sah ne mé p̄õ n pi, máh k̀í k̀è yahle?»

Tyi nónó-á pi sárká syínwìlk̄ipu yòt̄è n̄gb̄è An t̄inne

¹² Képah náh, sràsyíbí ònkí ànê pé yòtẽ òngbẽ, ànê Nsyifunõ Liyel ní-ńsah gbô syíkípú me Yesu tẽ, té à pukubi, ¹³ à yuku ònne An òngbò tyí. Kayifi nê-á sò sárká syínwìkìpú yòtẽ òngbẽne léyíle, òmò déndí ye sò An mènne. ¹⁴ Té kéné Kayifi mè wò ye lésò vi mò pé no Nsyifunõ yòtãmne ne òkẽ: «Dí nénúkù-à kú ku no pól yínne, képah kú nekú kal ále.»

¹⁵ Simo-Pyeri ànê Yesu tò sáh-ò yó sò me Yesu sò tẽ. Képah sòkò, sárká syínwìkìpú yòtẽ òngbẽ-á sò me Yesu tò sáh-ò mènne n pne sã, òmò me de yuku Yesule sárká syínwìkìpú yòtẽ òngbẽ gbô sòkò. ¹⁶ Nte Pyeri wò sò me yín tẽ kégbó, gbô yah sòkò. Té Yesu tò sáh-ò nê-à sò sárká syínwìkìpú yòtẽ òngbẽ núpíníne, òmò me wil pò yo mò tònpi pi tyí nê-á gbô syíkí-òle, té Pyeri kò à de. ¹⁷ Té Pyeri-á n de, kéné tònpi pi mè me à syah ne, òmò tole Yesu mè tò sáh-ò kó ònne ní? Pyeri me à syah ne, ò tò sáh-ò náh péwòle dé! ¹⁸ Nte vuri sò me n pi. Káh pi sã, tònpi bí ànê Liyel ní-ńsah gbô syíkípú sò me nyàh mò sah n wne, té Pyeri to me nyàhle n wne péle.

¹⁹ Té Yesu wòle, sárká syínwìkìpú yòtẽ òngbẽ me tyah òmòle n piki n yah ò tò sáhpú ànê ò névye kwónó tyí sòkò. ²⁰ Yesu me yo ò tyí ne: «Mé sò me ní weyne n yo n dal n mò no pól yí yah. Té me kwónóle n pi gbímegbí Liyel ní-ńtàn vù sòkò, ànê Liyel ní-ńsah gbô sòkò, òyàh sòkò-á Nsyifunõ pól wẽne n tuke n mò. Mé náh tir yó òtẽ yo sètìn sò sòkò. ²¹ Té kwàh nê pi á ònne n piki n yah sã? Nónó-á ní wey noh, pépi piki yah nê-á mé yo. Máh nê yo, pépi wò kè pì.» ²² Yesu-á fyò képah yo, Liyel ní-ńsah gbô syíkípú sòkò nê-á sò me nénpó, òmò Yesu létáh m̀ té ne, sárká syínwìkìpú yòtẽ òngbẽ tyí se à n wèkú sã yò ní? ²³ Yesu me yo ò tyí ne: «Máh kú me wèntúkù wèkú, kéle ní wèkú. Nte máh kú me wèkú ple, kwàh nê pi té á ní m̀?» ²⁴ Képah sòkò, An me Yesu tekú mò sárká syínwìkìpú yòtẽ òngbẽ Kayifi tyí sã púkúbínóle.

²⁵ Légbíne, Simo-Pyeri sò me yín tẽ nyàhle n wne sã. Pè me à piki yah ne, òmò tole, dí mè tò sáh-ò kó ònne ní? A me ò vyàh kòlú ne, ò tò sáh-ò náh péwòle dé. ²⁶ Pyeri-á lésò dí nê níkí kò kãm, ò tyí névi yó lésò me sárká syínwìkìpú yòtẽ òngbẽ tònpi. Kéné tònpi-á Pyeri we, à à syah ne, òmò-á lésò pé kyí we ànê Yesule swàh sòkò. ²⁷ Pyeri tó ò vyàh kòlú. Nénpó swò, sènpe gbo.

Pilati Yesu kònmòwò wèkú kò

²⁸ Képah tẽne, pé Yesu tẽ yal Kayifi ònne, té yuku ònne Wrome gběnyah yah tẽ-ò ònne. Séngbõ púpú ye sò pé pi képahle. Páh yini tẽ, Nsyifunõ yòtãm náh fẽ syi de ò gbô sòkò. Pè náh sò me ké tyí ne pé pé gblóy silki, pé vyàh mó de Nsyifunõ yòru tyénó syáh yòke yónó sòkò.* ²⁹ Káh pi sã, Wrome gběnyah yah tẽ-ò dí Pilati me wil pò pé tñò kégbó, à pò pé piki yah ne, tyítúkù nê se dí mè pi pé yo ní? ³⁰ Pè me à syah ne, dí mè-à sò me tyítúkù pí-òle òkẽne, pépi se nàhkú pò ònne òmò tyí ní? ³¹ Képah tẽne, Pilati mó Nsyifunõ syah ne, pé ne n yuku ònne, pé kyí à tuke pé gblóy à yíne pé tyi kònsàhnóle. Nte pé to me à syah ne, névi kònmòwò gbàh náh de mò pépi tyí. ³² Képah sòkò, Yesu-á lésò nê yo sah à ò gblóy ku dùkù tyí yo wah, kè wil.†

³³ Káh pi sã, Pilati me ò syi de ò gbô sòkò, té Yesu ye pò piki yah ne òkẽ, òmò se Nsyifunõ yòtẽne ní? ³⁴ A me yo ò tyí ne: «Áwò se sò tẽ n yo kéle á gblóy, t́ ònì se yo

* **18:28** 18.28 - Nsyifunõ nónó-à sò pi soh névyele nónó náh pi Nsyifunòle, Nsyifunõ yòru tyénó syáh déntèwò sòkò, pé vyàh n de kéné syáh yòke yónó sòkò. † **18:32** 18.32 - Yesu lésò kè yo sah ne páh kú pé doko mò dahni yò. Yah n te Nsyõ 3.14. Sã ye òtyínò kè pò pi. Nsyifunõ òkẽne tyípèl pípúle n minkí n ko, òte Wrome tãh wò n mó tyípèl pípúle n syi dahni yò.

ñ syah kéle?» ³⁵ Pilati me à syah ne, Nsyifu se yó péwo tole ni? N yěngbě yìkì névye ànê pé sárká syínwìlkìpu yòtām-á pò ònne péwo tyí. Tir nê se à pi ni? ³⁶ A me yo ò tyí ne: «Kèkõyó mè sòko náh ní tǒrí n wil. Kàh sò me n wil kèkõyó mè sòko, ní tǒnpìbì náhkì sò ní fwo syi, mé náh náhkì n de n pi Nsyifunò yòtām gbò. Nte òó dé, ní tǒrí náh wil ásô.» ³⁷ Képah tēne, Pilati me yo ò tyí ne, yòtē-á ònne kè? A me ne: «Áwo òtē vyāh sòko ye kè wil ne yòtē-á ònne! Nmo pónóle kèkõyó à pò dubi, gbì tyí yo n wah yīn ye. Nónó-á me gblò névyele, pépi kì ní tyíyónóle n noh n tē yīn.» ³⁸ Pilati me à piki yah ne, kwāh nê se gbìle ni?

Kéne welo yóntenò náh, Pilati tǒ ò syi wil à kyi yo Nsyifunò tyí ne òkè: «Nmo náh pílki-nsah yó òtē we dí mè tyí. ³⁹ Té à yīne máh dar té kéle n pi sò yé tyí, yimeyí mé òkène yé sòko yó wilki wòkònpèkè sòko ò fin n mo yé yòru tyénó syáh syah gbíne. Kàh pi sē, yé se me ké tyí ne mé yépi Nsyifunò yòtē dí fin n mo?» ⁴⁰ Képah tēne, pè gbo mò tū ne òkè, òó, à òmo sah, à mó Barabasì wo fin mò. Té kèlékè névi ye mó tǒ sò Barabasì mène.

19

¹ Képah sòko, Pilati me pè kò pè Yesu tē kyi ko yèfòhle. ² Sràsyíbi me pàn yòkò pi dyi à kò yòtǒrí yókúríle, té me fwòmònsāh* ògbě yó mò à kò. ³ Képah tēne, pè nò de ònne té n yo ò tyí ne, Nsyifunò yòtē dí, páh n wekì ò tyí! Té me ò létáhlóle n kòli. ⁴ Képah sòko, Pilati tǒ ò syi wil pò yo tówú tyí ne, pè yah yò, páh kì Yesu wilki pò kégbó sòko, képah sòko pāh kì pī ne pé náh pílki-nsah yó òtē we ò tyí. ⁵ Yesu me wil pò kégbó pàn yòkòle ò yò sòko, ànê fwòmònsāh ògbène mónóle ò tyí. Képah tēne, Pilati me yo pé tyí ne, pè yah névi mène kè. ⁶ Sárká syínwìlkìpu yòtām ànê Liyel ní-nsah gbò syíkípú-á fyò à we, pè gbo mò tū ne, à à syi dahni yò! A à syi dahni yò! Pilati me yo pé tyí ne, péwo tē wo náh pílki-nsah yó òtē we ò tyí. Pépi kyi à syi dahni yò sòko pé gblòy. ⁷ Wāh yo sē, Nsyifunò à syah ne, tir kònsàhnó yó-á me pépi tyí, òkè à yīne képah sòko weyne, dí mè-á yīne kònmònole, wāh sǒnpíle ò gblòyne n pi Liyel Pídíne.

⁸ Pilati-á kéne wey noh sē, tiki tǒ à gbah tē. ⁹ A me ò syi de ò gbò sòko à kyi Yesu piki yah ne, òyāh se à n wil ni? Nte Yesu náh dahbi wilki ò tyí. ¹⁰ Képah sòko, Pilati me à syah ne, péwo tyí se à yahle vīnmònole ni? A kó pī ne, tēnweno-á me péwo tyí kì fē à fin mò, képah náh pi kì fē à syi dahni yò ni? ¹¹ Nte Yesu me yo ò tyí ne: «Tēnweno yó òtē náh n we n pi á tyí òmo yò sòko, né Liyel náh kéle ò kò. Képah ye, nê-á dahbi òmole á gbò, òmo tyípekè kal áwo tyíle.»

¹² Wāh képah yo, Pilati sò me ò wénfinnmo-nsahle n yah n kò. Nte Nsyifunò sò me kah gbo mò tū ne, wāh kì à fin mò, Wrome kwiltām yòtē Sesar kódí tē wo náh ònne dé! Nkè névi nê-á fyò ò gblòyne n pi yòtēne, Sesar sépe-á tēne dò. ¹³ Pilati-á fyò welo nópi noh, à pè kò pè Yesu tē wil kégbó. Té me kò tē tukey tuke tuke kò yò fí yó sòko, òyāh-á me mónóle dyèhle. Pè nénpóle n ye Kabatale† Yebre wey sòko. ¹⁴ Ké dīndal kì sò n pi n pi Nsyifunò yòru tyénó syáhle. Té gbì-á me yòtah sírr kénkò sòko, Pilati me yo Nsyifunò tyí ne, pè yah pé yòtēne kè. ¹⁵ Nte pè tǒ kah gbo mò tū ne, à à ko mò! à à ko mò! A à syi dahni yò! Pilati me ne, pé yòtēne pè ne pé syi dahni yò lé? Sárká syínwìlkìpu yòtām me yo ò tyí ne, yòtē yó òtē náh me pépi tyí, à wil Sesar tyí sòko. ¹⁶ Képah sòko, Pilati me ò gbàh de mò ne à syi dahni yò.

* **19:2** 19.2 - Yòtǒrí fwo ye sò fwòsāhle. † **19:13** 19.13 - Kabata kór ye tyah kèyine.

Yesu syínóle dahnı yõ

Sràsyíbı́ me Yesu tẽ sòkò. ¹⁷ Páh n sòkò, pè à kò à n syı syı dahnı twah n gblõy pè wil kwil sòkò, à yuku fı́ yó sòkò rı́yãh-á pè n ye yògbèkè tyahle, té pè kéle n ye Kòlkotalè Yebre wey sòkò. ¹⁸ Nénpó sòkò ye pè syı ònne dahnı yõ, té me népı́ ní mí yı́syó to syı dahlo yõ n gbòplòle, té òmòle pé nıyó. ¹⁹ Pilati me wey yó wårkı à syı Yesu syı syı dahnı tyı́ n yòtah, nê yõ-á kè me wårkınsàhnóle ne nkẽ: «Nasaretı kwil Yesu, Nsyifunò yòtẽ.» ²⁰ Páh Yesu syı dahnı yõ, té wey nê wårkı syı kéne dahnı tyı́, n yòtah, kè sò me Yebre wey sòkò, ànê Latẽ wey sòkò, ànê Krekı wey sòkò. Té rı́yãh sòkò-á sò pè syı ònne dahnı yõ, nénpó sò me yúkey kwille. Káh pı sẽ, Nsyifunò náhnáh kè we kar. ²¹ Képah sòkò, Nsyifunò sárká syınwılkıpu yòtãm yo Pilati tyı́ ne, à káh ye wårkıno mè tẽ sẽ ne, Nsyifunò yòtẽ-á. Nkẽ à kè wårkı mò ne, dí mè-á yo ne nkẽ, Nsyifunò yòtẽ-á péwòle. ²² Nte Pilati me yo pé tyı́ ne, páh fyò nê wårkı te, káh kı tẽ sẽ.

²³ Képah tẽne, sràsyíbı́-á Yesu syı te dahnı yõ, pè n flo tòkò à dibi‡ tãntãn òyêh à pò gbàh sah n fwòmò-ògbẽ tyı́. Pé nénúkù núkú pól me tòkò núkú núkúle. Té fwòmò-ògbẽ mè sò me kóhntel-ńsah kẽne ké tyı́. Kè sò me fwò núkúle à tòkò ké yòtah tyı́, fóó à pò syı ké sètàhkı sò tyı́. ²⁴ Pè me yo wẽ tyı́ ne, pé káh képah wò yorı n tòkı. Pé ye òndan mò n yah, káh kı pı nê tyı́le. Té nê-á lésò wårkınsàhnóle Liyel wey sébéy sòkò ne nkẽ: «Pè n flo dibi pé wẽ wró, té òndan mò à n fwòmò-ògbẽ tòkò.»§ Képah wil yın ye kè kò kè pı sẽ yò. Sẽ ye sò sràsyíbı́ pı.

²⁵ Té Yesu yú sò me yı́nttẽnóle Yesu syı syı dahnı tnô, ànê n yú gbẽnsêle, ànê Klopası kyı Marile, à tahlı Makadala kwil Mari tyı́. ²⁶ Yesu tò sáh-ò nê tyı́-á nò yı́ı n tyı́, òmò to sò me yı́nnóle Yesu yú tnô sòkò. Yesu-á pè we, à yo n yú tyı́ ne: «Á pıdı́ we yò.» ²⁷ Képah náh, té yo n tò sáh-ò mè tyı́ ne: «Á nò we yò.» A tòkò légbı́ tyı́, tò sáh-ò mè me Yesu yú tẽ à kyı sah n gblõy tyı́.

Yesu kúnóle

²⁸ Képah náh, Yesu-á pı ne tyı́ pól-á pı dal mò sẽ, à ne: «Níkı me n tẽ.» Képah sòkò, nê-á wårkı sah Liyel wey sébéy sòkò, kè wil.* ²⁹ Té pın yó sò me nénpó yòyòkè nine ké yı́ine. Sràsyíbı́ me sènsúkúrí tòkò à dahbı wilkı kéne yòyòkè ni sòkò, à dyı yısorı òndan tyı́, té kè nò à sah Yesu vyãh yah. ³⁰ Wãh kè wò, à ne: «Tyı́ pól ye we pı dal mò.» Wãh fyò képah yo, à n yõ sı́nki té ku.

³¹ Nsyifunò mı mı yòh kı sò n tyah n pi lékâh mónó sòkò.† Té mı mı yòh mè sò kal sé no télóle. Képah ye, Nsyifunò yòtãm náh sò me ké tyı́ ne nónó-á me syınsàhnóle dahlo yõ, pé lékyı́ pò mı mı yòh sò nò dahlo yõ.‡ Káh pı sẽ, pè kè yah kò Pilati tyı́ ne, à kéne nò nópi gbyêh kwòkı pè kò pè ku súú, pé lékyı́ mó tiki n mò n to dahlo yõ. ³² Képah sòkò, népı́ ní mí nónó-á sò pè syı dahlo yõ ànê Yesule, sràsyíbı́ me pò négben gbyêh kwòkı té ní-ò to tyı́ kwòkı. ³³ Té pãh yı́ni tẽ Yesu tyı́, pè kè we òmò me ku te. Káh pı sẽ, pè náh fwõtẽ òmò gbyêh kwòkı. ³⁴ Nte képah fyé yõ, sràsyíbı́ nópi sòkò yó Yesu gbòpò tũ mèmèkılè. Nénpó swò, tó ànê ni n fwò n wil nóré mè sòkò. ³⁵ Névi nê-á n yo tyı́ nópıle, n to yı́ yah tótó sòkò ye sè pı. Gblò ye n tyı́yónóle. Nmò ntẽ to pı ne

‡ 19:23 19.23 - Wrome tãn-à sò névıle n syı dahnı yõ, pè tẽ flo de. Páh à syı te, nónó-á syı ònne, pépi n flo nópi tòkò n dibi. § 19:24 19.24 - Yah n te Gbálnó 22.19. * 19:28 19.28 - Yah n te Gbálnó 69.22. † 19:31 19.31 - Nsyifunò gbı́yıkı sò n tyah tyah pıri gbı́ne. ‡ 19:31 19.31 - Yah n te Tõnyonò 21.23.

gblo-á pé n yo. A tyi nópi yo ne yépi to sê Yesu yõ. ³⁶ Nte yah, tyi nópi pól ye pi Liyel wey sébéy soko tir wárkinsàhnó mè kō kè wil. Kè lésō me wárkinsàhnóle ne nkē: «N gbèkè yó ntē nāh n kwō n pi.»[§] ³⁷ Té kè tō me wárkinsàhnóle Liyel wey sébéy fí yó soko ne nkē: «Pāh névi nê tū, pé yípló pye kú tē n yõ.»*

Yesu lékó yínóle tekí diki soko

³⁸ Té dí yó lésō me pé n ye Nsyosefulé. A sō n wil Arimatú kwil soko. Yesu tò sáh-ò yó ye sō n tole. Té Nsyifunō yõtām tíkí-á sō me à tē sē, képah ye à kè wōbú péle. Kéne tyi pínsokontenō nāh, ñmō me pō Pilati ni ne, à ye pé kō pé Yesu lékó de dahni yó pé kyí à yí. A me ké wēkìle à kō. Képah soko, à me kyí n lékó de. ³⁹ Té Nikodemú nê-á lésō kyí wil Yesu tyí sō yó lékâhne, n to me pō pútúr pān penàl dukenō nínó fēkìnmōnole wē soko. Núkú yīn ye mirle, ní-ò yīn me alowesule. Pútúr mè sō nō kílónó yōgbām kénkōle. ⁴⁰ Pé nímí me n lékó toko, té à plo fwo gbróle. Pè pān penàl yí nópi mō n yō, à yīne Nsyifunō lékó yí dukùle. ⁴¹ Pāh Yesu syí dahni yó nýāh soko, swāh yó lésō me nénpó tnô diki sán yóle ké soko, diki nê-á ney nāh yí yah ké soko pólle. ⁴² Té Nsyifunō mī mī yòh-á kú sō n tyah n pi lékâh mónó soko sē, képah ye pé me Yesu lékó yí diki mè soko, képah nê-á sō me yúkey.

20

Yesu lékó yilkinmōnole

¹ Dimansyi sō séngbōle, Makadala kwil Mari kwāh kyí diki yō tósō yō gbíne. A kyí ne n yah diki yah dáhkì nāh tō me ké yah. ² Képah soko, à to soko à kyí wil Simo-Pyeri ànê n ní-ò Yesu tò sáh-ò yó tyí nê tyí-á nō yíí Yesu tyí, té yo pé tyí ne, pāh Tē ngbē lékó wilki diki soko. Té pépi nāh pī pāh à sah nýāh soko. ³ Képah soko, Pyeri ànê n ní-ò Yesu tò sáh-ò mè me yuku à diki yō nyāh sō. ⁴ Pé nímí sō me n to. Té ñmō-á sō me n to súú kal Pyerle, ñmō kyí yīni tē gbenne diki yō. ⁵ Wāh kō yah diki soko, à fwo gbró we sàhnóle ké soko, té à nāh de. ⁶ Nte Simo-Pyeri nê wō-á sō me n pi n nāhle, ñmō wō-á pō yīni tē, à de diki soko. Té kyí fwo gbró we sàhnóle, ⁷ ànê fwo yóle fikénsàhnóle ké tyíle, pāh sō nê mō n yō yō. Képah nāh sō me fwo gbró télóle fí nukú. ⁸ Képah soko, Yesu tò sáh-ò nê-á sō pō de diki yō gbenne, n to me de diki soko. Wāh kè we, à sē ké yō. ⁹ Té à pō nō légbí tyí, wey nê-á wārki sah Liyel wey soko ne, Yesu lékó-á yīne à pō n yilki mō, n tò sáhpú nāh tōnì sō me képah dukù pī. ¹⁰ Képah nāh, Yesu tò sáhpú népī nímí nópi pé syí to yuku pé tīnne.

Yesu n gblōyne Makadala kwil Mari wēki

¹¹ Légbíne, Mari sō me yīntēnóle kégbó soko diki tnô me n gbo. Wāh me gbní soko gbí nēne té kō yah diki soko, ¹² à yīnyō tōnpūbú népī nímí we fwòpikinō soko diki soko. Pè sō me kōntēnóle Yesu lékó snékínmō-nsah soko. Núkú sō me tē n yō mó-nsah tīnne, té ní-ò me tē n gbyēh mó-nsah tīnne. ¹³ Pè me ne, pi, kwāh nê se pi té à n gbo n? A me ne pāh pé Tē ngbē lékó wilki. Nté pé nāh pī pāh à sah nýāh soko, képah-á pé kō pé n gbo. ¹⁴ Wāh me képah yónó soko té n yah vi, à Yesu we yīnnóle nénpó. Nte à nāh sō me pī ne ñmō-á. ¹⁵ Yesu me à piki yah ne, pi, kwāh nê se pi té à n gbo n? Nê se à n yah n kō n? Nte Mari wō sō me n sō ne sètē dí-á, té yo n tyí

ne, pé yõtë, ñmɔ-à kɪ nê wilki ñne, à ñ sàh-ñsahle pé wêkɪ pé kyɪ à tokɔ. ¹⁶ Képah tẽne, Yesu me à ye ne, Mari! Mari me ñ yah vi ñ fɪnne té yo ñ tyí Yebre wey sokɔ ne, Wrabuni, nê kór-á kwó-ò díne. ¹⁷ Nte Yesu me yo ñ tyí ne: «Mé náh tǒnì me ðokɔ yuku Sú Liyel tnô, képah ye, káh ní tẽ n sah. Té kyɪ n yo ñmɔ yúnpyé tyí ne,* máh kɪ ðokɔ yuku ní Sú tyí, nê-á yépi to Súle. Nmɔ nê-á ní Liyelle ànê yépi to Liyelle, máh kɪ ðokɔ yuku ñ tyí.» ¹⁸ Képah sokɔ, Makadala kwil Mari me kyɪ kè yo Yesu tò sáhpú tyí ne, páh Të ñgbě we. Té wáh tyi nónó yo ñ tyí, à me sè yãh pè tyí.

Yesu ñ gblõyne ñ tò sáhpú wêkɪ

¹⁹ Kéne dimansyi mè ó sǒ nívine, Yesu tò sáhpú sò me tükènmontënóle wòkò yó sokɔ. Té Nsyifunɔ yõtãm yah tíkí tẽ tyí, pè sò me ké vì yey tẽ n mɔ sah. Nte dö, Yesu núkú pɔ n yĩn pé nyó, té yo pé tyí ne: «Yé ne n me yèvinɪ sokɔ.» ²⁰ Képah yóntenɔ náh, à ñ gbàn táhló ànê ñ gbòpɔle pè wêkɪ. Pãh Të ñgbě we sě, kè pɪ yíí nìvìnne pé tyí. ²¹ A me tǒ yo pé tyí ne: «Yé ne n me yèvinɪ sokɔ. Sú Liyel-á ñmɔ tò sǒ, sě ye ñmɔ to yéle n tò.» ²² Kéne welɔ yóntenɔ náh, à fɪbɪ mɔ pé yó té ne: «Liyel Mirki ye mé yéle n kǒ. ²³ Yãh nónó tyípèl yǒ mɔ pè kǒ, sè kɪ yǒ mɔ pé tyí. Té yãh nónó tyí yǒnmɔ-ńkêne, sè náh n yǒ n mɔ n pi pé tyí.»

Yesu ne Toma yal mɔ tòtò pínóle

²⁴ Nte Yesu-á pɔ ñ tò sáhpú tnô sǒ nêne, Toma nê-á pè yĩn dyɪ à kǒ kènɪñne, ñmɔ wɔ náh sò me. Yesu tò sáhpú népɪ gbõnimí sokɔ yó ye sò ñ tɔle. ²⁵ Kãh pɪ sě, pé no téló me pɔ kè yo ñ tyí ne, pépi-á Të ñgbě Yesu we. Nte à me pè syah ne ńkě, né péwɔ tẽ náh kwèrkè níy we ñ gbàn táhló sokɔ, té pé kèngbɔ dyɪ yah sé sokɔ, ànê né pé náh pé gbò dyɪ yah ñ gbòpɔ tũ-ñsah sokɔ, pé náh n sě n yah n pi ké yǒ pólle.

²⁶ Képah náh, ké dimansyi kèyãhle ńtǒ, Yesu tò sáhpú sò me wě tuke mɔ tẽ wòkò sokɔ, té me ké vì yey pól tẽ mɔ. Képah wɔ sokɔ, Toma to sò me péle. Dǒ, Yesu núkú pɔ n yĩn pé nyó, té yo pé tyí ne: «Yé ne n me yèvinɪ sokɔ.» ²⁷ Képah yóntenɔ náh, à yo Toma tyí ne: «Á kèngbɔle pɔ ásô sokɔ yò, ñ té n yah ní gbàn táhlóle. Á gbò nɔ n dyɪ ní gbòpɔ sokɔ. Yal n mɔ tòtò pínóle, ñ té n sě ké yǒ.» ²⁸ Képah tẽne, Toma ne ńkě, ñmɔ-á pé Të ñgbě ànê pé Liyel tɔle. ²⁹ Képah sokɔ, Yesu me à syah ne: «Wáh ní we, képah ye á sě ní yǒ kè. Nte nónó-à sě ñmɔ yǒ ní wényah-ńkêne, pè kɪ me nìvìnɪ sokɔ.»

³⁰ A wil képah sokɔ, Yesu tǒ gbɪl tyi náhnáh pɪ ñ tò sáhpú yí yah, nónó-á sè náh wãrkɪ sébéy mè sokɔ. ³¹ Nte nónó-á wãrkɪ ké sokɔ, sè ye wãrkɪ ne sépi gbò yǒ, yé sě ké yǒ ne Yesu-á Liyel Pídíne, ànê Liyel ney yáhntòkonɔle. Té yáh kɪ sě ñmɔ yǒ, yé mó tyé-ńkě min we.

21

Yesu ñ gblõyne ñ tò sáhpú népɪ kwãrnimi wêkɪ

¹ Képah náh, sǒ yóle, Yesu tǒ ñ gblõyne ñ tò sáhpú wêkɪ Tiberiyadɪ yó-ñgbě gbòpɔ. Kãh pɪ ðúkù nêne, kè we yò: ² Simo-Pyerɪ sò me wě tyí ànê Toma nê-á pè yĩn dyɪ à kǒ kènɪñne, ànê Natanayelɪ nê-á n wil Kana kwil sokɔ, Kalile gběnyah, ànê Nsebede dínpìle, à tahlɪ pé no Yesu tò sáhpú népɪ ní mí yísyó tyí. ³ Képah tẽne, Simo-Pyerɪ me yo pé tyí ne péwɔ-á n sokɔ yěnkɔ tẽ-ñsah. Pé no téló me ne, pépi to-á kɪ sokɔ ñne. Pè me wil sokɔ à kyɪ de krótókè sokɔ, té pè náh kwãh yó we tẽ lésǒ lékãhne. ⁴ Tyah

* **20:17** 20.17 - Yesu yúnpyé nónó tyí-á à n yo ásô sokɔ yò, ñ yǒ sěpú ye à n ye.

syıki gbıne, Yesu sò me yínnóle yo vyãh yah, té n tò sáhpú náh sò me pĩ ne ñmò-á. ⁵ A me yo mọ pé tyí ne, pé kódíbı, pé kó yěnkıyo yısyó we tẽ nı? Pè me ne, õõ-á. ⁶ A me ne, pé pé yěnkıyo tẽ tẽ mno min n dah n mọ krótókè gbòyò sòle, pãh kı we tẽ. Pè me sè min dah mọ, té yěnkıyo we tẽ tnónóle, fóó pé tẽ sè yorı wilki kwlo. ⁷ Képah soko, Yesu tò sáh-ò nê tyí-á no yíı n tyí, ñmọ me yo Pyerı tyí ne, Tẽ ñgbẽ-á. Té Pyerı sò me n fwòmọni de sah. Wãh noh ne Tẽ ñgbẽ-á nyãh soko, à kè tọko mọ té yoko de yo soko. ⁸ Tò sáhpú téló wọ mó n pi krótókè soko, té me pé yěnkıyo tẽ tẽ mnole n yorı n pi, yěnkıyole sé yíıne. Pè náh sò me gbe mọ kah yo vyãhle. Kè sò me métérnó lèkwě kénkòle. ⁹ Pãh pọ yini tẽ kènkwhãh yò soko, pé nyãhségbno yısyó we yěnkıyole sé yò, té búrn tọ me. ¹⁰ Képah soko, Yesu me yo pé tyí ne, yěnkıyo nóno-á pé we tẽ yò, pé pọ sé yısyóle. ¹¹ Wãh yo sě, Simo-Pyerı me yěnkıyo tẽ tẽ mno nópi yorı wilki kènkwhãh yò. Sè sò me yúkúnóle yěnkıyo ñgbàl pló lèkwě tikinini pọ gbãm pọ tónóle (153). Nte yěnkıyópèl nópi wéntèno fyé yò, pé yěnkıyo tẽ tẽ mno náh kòli. ¹² Képah soko, Yesu me yo pé tyí ne, pé pọ yòke yò. Té n tò sáhpú-á sò pĩ ne Tẽ ñgbẽ-á sě, képah ye n píkinyahno tah pé tyí ne, nê se ñne nı? ¹³ A me no de péle, té búrn tọko à dibi pé tyí, té yěnkıyo tọ dibi pé tyí sěntě óle.

¹⁴ Yesu lékó yíkinmọntenọ náh, ké ke tõ-ò ye à n gblòyne n tò sáhpú wèkı yò.

Yesu ànê Pyerı wê wénóle

¹⁵ Yòke yóntenọ náh, Yesu me Simo-Pyerı piki yah ne ríkè: «Nsyõ* pídı Simo, ní tyí-á no no nópi tyí sò, ní tyí se me no áwọ tyí à kal pépile?» A me yo n tyí ne, àwe Tẽ ñgbẽ, ñmọ ñtẽ-á pĩ ne n tyí-á no pé tyí. Yesu me yo n tyí ne: «N kérépı ténó ple.» ¹⁶ Té tõ à piki yah ke ní-òle ne ríkè: «Nsyõ pídı Simo, ní tyí se me no á tyí?» A me yo n tyí ne, àwe Tẽ ñgbẽ, ñmọ ñtẽ-á pĩ ne n tyí-á no pé tyí. Yesu me yo n tyí ne: «Pı ní képyénı fẽ-òle.» ¹⁷ Képah náh, Yesu tõ n syı à piki yah ke tõ-òle ne ríkè: «Nsyõ pídı Simo, ní tyí se me no á tyí?» Képah soko, kè Pyerı yah kwọ, Yesu-á sònpıle à piki yah ke tónó pólle ne, pé tyí se me no n tyí nı? Képah tẽne, à me yo Yesu tyí ne, Tẽ ñgbẽ, ñmọ-á tyi pólle n pne. Wãh kè pĩ yíı ne, n tyí-á me no pé tyí. Yesu me yo n tyí ne: «N képyénı ténó ple. ¹⁸ Kègbıgbı tẽ yò, mé kéle n yo á tyí, áwọ kètènpikı gbıne sò, nyãh-à á dyọ, ñ á kò toh á fwòmò-ñgbẽ yò n soko nénpó. Nte wãh pọ dye, á kı á gbàn yò ñnı yó kò à kı á kò toh n kò, té kı soko ále fı yó soko, nyãh tyí náh me á tyí.» ¹⁹ Té Pyerı-á ne n ku n pi dùkù nêne, té kè kı Liyel yin gbilki n pi, képah tyí ye Yesu n yo sě yò. Képah yóntenọ náh, à tõ yo Pyerı tyí ne: «N sò tẽ.»

²⁰ Képah soko, Pyerı-á n yah vi, Yesu tò sáh-ò nê tyí-á no yíı Yesu tyí, à à we pé náhle. Nmọ ye lésò n gbalı kèkı Yesu tınne, té à piki yah ne, Tẽ ñgbẽ, nê tẽ ó se kı n vi n pi n náh nı? ²¹ Pyerı-á à we, à Yesu piki yah n tyí soko ne ríkè, té ñmọ-á dọ, Tẽ ñgbẽ, tir nê se kı ñmọ no n pi nı? ²² A me yo n tyí ne, pãh kı me ké tyí ne ñmọ tẽ min soko, fóó kè pọ n no pé syınponọ tyí, n vyãh nê se me ké soko nı? Nmọ tẽ wọ pé sò tẽ sò! ²³ Képah tẽne, kè wil wùu Yesu yò sěpú tyí ne, Yesu tò sáh-ò mè náh n ku n pi. Nte Yesu náh se mó tõ sò n kú-ńkè tyí yo Pyerı tyí. A sò ne ríkè, pãh kı me ké tyí ne ñmọ tẽ min soko, fóó kè pọ no pé syınponọ tyí, n vyãh nê se me ké soko nı?

²⁴ Yesu tò sáh-ò mè ye n yo tyi nópile, té sè wãrkı. Té ápi pĩ ne gblọ-á n tyiyónole.

²⁵ Tyi náhnáh túkù me Yesu pı ntõ. Nte sé pól-à sò me n wãrkı núkú núkúle, ñmọ sòno soko, sé sébéynó sãh-nsah náh náhkı n we n pi kèkòyó soko.

* **21:15** 21.15 - Nsyõ nê tyí-á n yo ásò soko yò, túkù ñne n ye Nsyonasile.

Tyípínì

N yúnpyé, yépi nónó-á sébéy mè kàrpule, mé weki yé tyí.

Tyípínì sébéy mènne, Likyi sébéy wárkínó ní-ò ye kéle.

Wáh nê wárki gbenne, té n̄ yinne ké yõ pè n ye Likyi sébéyne, képah Yesu min pi òkù tyí óle n yo á tyí, gbí nê-á sò à me sétáh yõ. Nte n̄ sébéy ní-ò mè wòle, nê-á pè n ye Tyípínì sébéyne, kè Yesu yínyõ dókónsòkòno tyíle n yo á tyí; ànê képah náh, Liyel Mirki-á pò Yesu tò sáhpú tókò, té Yesu yõ sěpú tìnkìnó tyah òkù nêne.

Yesu yõ sěpú tìnkì nòpi sò tyah Pyeri ànê Nsyõ gbò yõ Nsyifunò wró, Yerusalemi kwil ànê Nsyifunò kwlo tókò sòkò. Té tìnkì nòpi tókò me we Pole gbò yõ kwlo yísyó sòkò, nónó náh pi Nsyifunò kwlole, sã-á Antyosyi kwil, ànê Korēnti kwil, ànê Filipi kwille. Képah náh, Likyi me Pole Liyel tò pínkònkòno òkù yo wah ànê yótyí nónó-á à we ké sòkò. Pole-á tē we yótyí nòpi yah wah òkù nêne, Likyi ké tò yah yo wah.

Likyi n̄ sébéy mè sòkò tyi kèdùkù yah yo á tyí, ké 1.8:

- Liyel yõ sěpú tìnkì tyàhnóle Yerusalemi kwil sòkò (1.1 - 8.3),
- Liyel wey yónkònole Yerusalemi kwil, ànê Nsyude, ànê Samari gběnyah (8.4 - 12.25),
- ànê kèkòyó tãntàn pól sòkò (13.1 - 28.31).

Wáh Yesu tēntò névye Liyel wey yo òkùle n yah, n̄ n nùkú fē n pī kwónó nê-á sò pè Yesu yõ sěpúle n kō. Kéne Liyel wey yónó mè ye Nìvìnì tìrle. Képah tō Yesu òkùle ále n wēki, n̄mò nê-á Liyel ney yáhnòkònole. N̄mò ye pò tē kèkòyó mè sòkò, à pwáhn̄mònole névye kō, nónó pól-á fē syi sē n̄ yõ.

Liyel yé yah tē ké kárnó sòkò.

Amina!

Liyel vyāh kōnóle n̄ Mirki pónó tyí sòkò

¹ N dí Tewofil, máh lésò sébéy gben nê tekì mò á tyí, képah sòkò ye mé wárki Yesu tyípínì ànê n̄ névye kwónónò pólle. Mé sè wárki à tókò n̄ tò tyàhnó tyí,* ² pópó à pò nò sò nê-á Liyel à yõ òkò sòkò yínyõ. Té Yesu-á pópó n yõ n òkò n sòkò, à tãn kwāh sah n̄ tēntò syínyopu kō Liyel Mirki gbò yõ, pépi nónó-á lésò à yah wilki sah. ³ Yesu-á yèvyāhrì pi à ku, képah náh tēntò névye nòpi tyí ye à n̄ gblōy wēki duke duke náhnáhle ne, páh me vile. Sèpìn tikinini sòkò ye sò à n̄ gblōyne péle n wēki, té péle n kwò Liyel tōrí tyí yõ.

⁴⁻⁵ Képah sòkò, sò yóle pè me yòke yónó sòkò, té Yesu gbáhdýāh yó di pé tyí ne: «Yé káh n̄ gbe n mò Yerusalemi kwille. Ngbòle, Nsyõ lésò névye wel wilki ni sòkò, n̄te nùkúnúkú, káh pópó n nò sèpìn yísyó tyí, Liyel k̄i yé tō sah n̄ Mirkile k̄i yé pi yályál. Képah ye, yé káh gbe mò Yerusalem̄ne. Yé Liyel Mirki syiki n tē nénpó, képah nê-á Sú Liyel vyāh kōnóle, nê tyí-á mé yo sah yé tyí.»

Yesu yōndòkònsòkònole yínyõ

⁶ Té Yesu tēntò névye-á sò me tükènmònole n̄ tnò, pè píkinyahno yó pi n̄ tyí ne, pé Tē ngbē, nùkúnúkú se à k̄i tōrí tō dahbi Yisrayel gběnyah tãn gbò sòkò n̄? ⁷ A me yo

* 1:1 1.1 - Liyel wey sébéy fí nê-á pè n ye Likyile, képah tyí ye Likyi n yo Tewofil tyí ne pé sébéy gben-á.

pé tyí nɛ: «Yépi tyí náh ké lésõ ànê ké gbí pínóle. Sú Liyel nê ó-á tǒrí nétǝne, ñmɔ ye wilki sah légbíne. ⁸ Nte yé kɪ pɔ tɛnwɛnɔ yó wɛ, Liyel Mirki-à pɔ tiki yé yõ gbí nêne. Képah sɔkɔ, yé kɪ pɪ ñmɔ tyí yónwàhpɔ kègblɔle à tɔkɔ Yerusalemɪ kwil, ànê Nsyude gbɛnyah pól sɔkɔ, à tahlɪ Samari gbɛnyah tyí, fɔ́ó à kɪ kyɪ syɪ kèkõyó pól yìn tyí.»

⁹ Yesu-á fyò kéne wɛlɔ yo tɛ, à núkú yõ dɔkɔ n sɔkɔ yínyõ pé pól yí yah. Té nýírki yó pɔ à fɔkɔ tũ, pé náh tǔ à wɛ. ¹⁰ Té pǎh mɛ kéne yínyõ yáhnó sɔkɔ díkídíkí sɛ, pé núkú díbí népí ní mí yísyó wɛ pé tnô fwòpikinɔ sɔkɔ, ¹¹ pé mɛ n yo pé tyí nɛ ríkɛ: «Kalile gbɛnyah tǎn, kwâh nê mɛ, té yé yìn tɛ ásô, à yínyõle n yah sɛ? Sõ-á yé wɛ Yesu mènɛ, à yõ dɔkɔ sɔkɔ yínyõ yò, sɛntɛ ó ye à kɪ tǔ n syɪ n pɔ n pi.»

Yesu tǝntò névye syínɔnɔle Yerusalemɪ kwil

¹² Képah náh, Yesu tǝntò névye yal Wolivi yèh yõli yõ, à pé syɪ n pi Yerusalemɪ sɔkɔ. Kéne yõli náh sò mɛ fíi kah Yerusalemɪnɛ, kè mɛ lérí tóní kénkõ kó-ńsahle. ¹³ Pǎh pɔ de, pé dɔkɔ yuku yínyõ wòkò sɔkɔ, pǎh ríkɛne wɛne n tuke n mɔ nýǎh sɔkɔ. Pyerɪ sò mɛ, ànê Nsyõne, ànê Nsyakɪle, ànê Andrele, à tahlɪ Filipi tyí, ànê Tomale, ànê Bartelemine, ànê Matyele, ànê Alfe pídí Nsyakɪle, ànê Simole nê-á sò pé n ye sú fó vyǎh syí-òle, ànê Nsyakɪ pídí Nsyudele. ¹⁴ Pé pól sò mɛ pé sǔnɔ pɪ núkúle, à n tuke n mɔ wɛ tyí gbímegbí, à ní ríle n pɪ. Syó yísyó tɔ sò mɛ péle, à tahlɪ Yesu yú Mari tyí, ànê Yesu yúnpyéle.†

Matyasɪ sàhnóle Nsyudasɪ swɔ

¹⁵ Kéne sèpìn sɔkɔ, sò yóle, Yesu yõ sǝpú sò mɛ tuke mɔ népí tikinúkò (120) kénkõle. Té Pyerɪ mɛ yuku yìn pé nýyó, té yo pé tyí nɛ, ¹⁶ pé yúnpyé, Liyel wɛy sɔkɔ Liyel Mirki-á lésõ Davidi kò, à nê yo sah Nsyudasɪ tyí sɔkɔ, kǎh sò yíne kè pɪ ó pɪ. Kéne Nsyudasɪ-á lésõ Yesule n tǝpú wɛkɪ. ¹⁷ Té pépi tǝnkɪ sɔkɔ ney yó-á mó tǔ sò ñne, tǔle dáhbínóle n gbò pépi tyí kǔle. ¹⁸ Nte wǎh pó nê wɛ n tyítúkù pínó yǔrele, képah-á dwe swǎhle. Té à mɛ pɔ sykɪ n fɔkɔ sɔ, n dyɔ pól wil karkɪ. ¹⁹ Képah sɔkɔ, Yerusalemɪ tǎn pól mɛ kè noh, pé kǔ pé kéne swǎhle n ye pé wɛy sɔkɔ Akeldamale, nê kór-á tǔ swǎhle. ²⁰ Képah tyí-á sò wárkínsàhnóle Gbálnó sébéy sɔkɔ nɛ ríkɛ:

«Ñ kéte kɪ pɪ kéntíkinɛ,
à nê ney náh tǔ n tɛ n pi ké sɔkɔ.»‡

Té tǔ yo ké fí yó sɔkɔ nɛ ríkɛ:

«Ñnî kɪ n pɪ pɪ tǔ tɔkɔ n pɪ.»§

²¹ Képah-á, névye nónó-á sò mɛ péle Yesu mɛ gbí dükùle, ²² à tɔkɔ Nsyõ-á à wel wilki ni sɔkɔ gbí nêne, fɔ́ó à kyɪ syɪ n yõ n dɔkɔ n sɔkɔ sò tyí yínyõ. Pépi sɔkɔ nénúkù yó-á yíne à tahlɪ pé tyí, pé n tyíle n yo n wah nɛ, wǎh ku té yilki mɔ.

²³ Wǎh yo sɛ, pé mɛ népí ní mí wɛkɪ. Núkú yìn ye Nsyosefule, nê-á pé n ye Barsabasɪle, té tǔ ñne n ye Nsyusitusile. Ní-ò yìn mɛ Matyasɪle. ²⁴ Képah sɔkɔ, pé mɛ Liyel ni nɛ, Tɛ ñgbɛ Liyel, ñmɔ nê-á no pól fókósõnɔle n pne, wǎh nê yah wilki népí ní mí nópɪ sɔkɔ, à tɛne pé wɛkɪ. ²⁵ Tɛ wɔ-á kɪ Nsyudasɪ swɔ tɔkɔ Yesu tǝntò névye tǔ mɛ sɔkɔ, wǎh nê milki té yuku fí yó, nýǎh-á yíne ñne.* ²⁶ Képah tɛne, pé

† **1:14** 1.14 - Yesu yúnpyé nónó tyí-á n yo ásô sɔkɔ yò, túkù sǔnɔ sɔkɔ, n kèkùrkɪ núkú gbǎm ye à n ye. Té túkù sǔnɔ sɔkɔ mó, n kèkùrkɪ núkú gbǎm náh à n ye. ‡ **1:20** 1.20 - Yah n tɛ Gbálnó 69.26. § **1:20** 1.20 - Yah n tɛ Gbálnó 109.8. * **1:25** 1.25 - Fí nê tyí-á n yo ásô yò, yèvyǎhrɪ tɛ-ńsah ye nénpóle, nê-á pɪ nyàh mé-ńsahle. Nsyudasɪ ye ku sɔkɔ nénpó.

sáhntòkòno pí, kéne sáhntòkòno me po yíne Matyasüle. Nmò nùkú kwro mo Yesu tēntò névye nēpì gbōnùkú sòkò.

2

Liyel Mirki pónóle

¹ Syáh sò-á po no, nê-á pé n ye Pāntekoti syáhle, Yesu yō sēpú pól sò me tükènmònole fí nùkú sòkò. ² Dò, yínpò yó nùkú n wil liyel sòkò á kú ne yáhpékè yó sò kò, à pé mé-nsah wòkò pól yuku. ³ Té kwáh yó nùkú wil mo á kú ne nyàh lépò sò, té kòlì tē tē kò pé nénùkù nùkú pól yō. ⁴ Liyel Mirki me pé pól tòkò. Pé tyah wénsnóle n wèkì Liyel Mirki-á nónó dahbì pé vyēy.

⁵ Té légbíne, Nsyifunò nónó-á pé Liyel wèkì tēnó ple, pé sò me wil kèkōyó kwlo kwlo pól sòkò, à po twah Yerusalemì kwil. ⁶ Yínpò mè-á wil sē, pé pól tuke mo tówùle. Té pé pól yáh-nsah sò me tyē, pé nénùkù nùkú pól-á sōnpìle pé kwlo welò wékínóle n nohnì Yesu yō sēpú tyí. ⁷ Kǎh pí sē, pé gbàn du, pé lékám fēkì, pé me tyah n yo wē tyí ne: «Nónó pól-á n wèkì yò, pé pólle Kalile gbēnyah tǎn nǎh di? ⁸ Nte kè pí sò té ápi nénùkù nùkú pól á kwlo welò wékínóle n nohnì pé tyí, ⁹ ápi nónó-á n wil gbēnyah nòpì sòkò, nónó-á pí: Partesele, ànê Medile, ànê Yelamne, ànê Mesopotami tole, ànê Nsyudele, ànê Kapadosule, ànê Pötele, ànê Asile, ¹⁰ ànê Frisyile, ànê Pānfilile, ànê Yesyiptile, à tahlì Sireni kwil tǎn tyí, Libi sòkò, ànê Wrome kwil tǎn nónó-á me tēnóle ásò, ¹¹ ànê Kretì tǎnne, ànê Arabunine. Ápi tükù sò dubi Nsyifunò Liyel nínó wèkì sòkò, té tükù mó vi mo de ále ké sòkò. Té á pól me Liyel tyí-ngbno pínó tyí yónóle n nohnì pé tyí á kwlo welò sòkò.» ¹² Képah sò me pé pól yáh-nsah tyē, té gbēndùnì tē tyí, pé me tyah n yo wē tyí ne, tir nê se képah n wèkì nì? ¹³ Té pé tükù mó sò me kóle Yesu yō sēpúle n ko ne, ðivē pènèkì-á tē péle.

Pyerì Liyel wey yónóle tówù tyí

¹⁴ Képah sòkò, Pyerì yuku yīn pé no tēntò névye nēpì gbōnùkú téló niyó, té tyah n yo yínpò ñgbēne tówù tyí ne: «Ápi Nsyifunò pólle ànê nónó pól-á me tēnóle Yerusalemì kwil, yé yé ní kwò noh palle ñ tyí, yé mó ñ wey syíkì-nsah pì. ¹⁵ Mé pì ne yáh me n sò ne, sètēnì sòkò-á no nòpile, té sē nǎh dé! Pōy tō gbí ó sòkò nǎh ále yò di? ¹⁶ Nte Liyel tēntò syínyo-ò Nsyoweli-á nê yo sah, képah ye pí yò.† ¹⁷ A lésò ne, Liyel-á ne ñkē:

«Kèkōyó-à pópó n tyē,

mé kú ñ Mirki tiki mo no pól yō.

Yé ðínpì ànê yé syónpì kú ñ tēntōnène n syi n yo.

Mé kú wékínóle yé kètēnpìle n wèkì,

té yé yèwàhnì kú dléyne n do.

¹⁸ Gbì yō, kéne sèpìn sòkò,

mé kú ñ Mirki tiki mo ñ tōnpìbì díbì ànê syó yō.

Té pé kú ñ tēntōnène n syi n yo.

¹⁹ Mé kú gbìl tyi pí yínyō,

té kú gbìl tyi pí sétáh yō,

nê-á kú pí tó, ànê nyàh, ànê gbìsyikile,

²⁰ gbì kú vi mo pí fēntūne, té ñwò kú syāh tó sò,

* **2:15** 2.15 - Yáh we Pyerì pōy tō gbí tyíle n yo, Nsyifunò nǎh sò tōle n wo, pōy tō gbí nírí sókó-ñkē sòkò. † **2:16** 2.17-21 - Yah n te Nsyoweli 2.28-30.

té Tě ñgbě tukey tükèno yòh ñgbě kɪ pyě pɔ, kéne tǒrí yòh ñgběne.

²¹ Képah sɔkɔ, nóno pól-à Tě ñgbě ye gbo, pépi wɔ kɪ pwah.»»

²² Pyerɪ-á Nsyoweli welo nópi yo te, à tǒ n sɪ yo pé tyí ne nkě: «Yisrayel tǎn, yé noh n tyí, máh kɪ nê yo n pi: Nasaretɪ Yesule, ñmo ye pɪ névi yóle, nê-á Liyel syǒ n tyí, à n gblǒy tǒríle yé wěkɪ n gbɪl ànê n gbëndùnì tyi pínó sɔkɔ yé wró. Yépi ntě ye kè pǐ ó! ²³ Liyel-á n tyi yah tɔkɔ sah sǒ, sè pɪ sě. A kéne dí gbàh de mo yé kǒ, yé me ñne Liyel dél pípú kǒ pé à sɪ dahnɪ yǒ, à à ko mo. ²⁴ Nte kǔ náh sǒ fě à tě n sah n pi. Képah ye, Liyel me tǒ n lékó yilki mo, à à wilki kǔ yèvyàhrɪ sɔkɔ. ²⁵ Nmo tyí ye lésǒ yǒtě dí Davidi yo ne nkě:‡

«Péwɔ Tě ñgbě Liyel náh me ké tyí ne pé tě n kwlo.

Képah-á, à me péle gbímegbí pé yohnɪ mo yinne.

²⁶ Páh tǒ me nìvìnì sɔkɔ, ànê nìvìnì welo ó-á pé n ne n wɛkɪ.

Pé gbǒ sàhnó-á me ké yǒ ne, páh pɔ ku, pé min-á kɪ me tě yèvɪnɪ sɔkɔ.

²⁷ A náh pé lékó sah kǔ kǒ n pi,

ànê à náh n ye pé lékó kǒ kè n pyāh n pi,

péwɔ nê-á n tǒnrɪ pèpeyne.

²⁸ Wǎh min wǎlle pé wěkɪ. Té kɪ pé kǒ,

pé kɪ me nìvìnì sɔkɔ kúmm n yah.»»

²⁹ Képah yóntenɔ náh, Pyerɪ tǒ yo pé tyí ne: «Á no, yé ye mè á náh ney Davidi tyi yo n wah yé syah. A lésǒ ku pé yǐ. Té kwey mè sɔkɔ, n diki ntě me ápi kwil. ³⁰ Nte Liyel tǔntǔ syínyo-ò ye sǒ ñne. N gbǒ sàhnó sǒ me Liyel vyāh kǒnó mè yǒ, Liyel-á n wo nê sɔkɔ ne, n pétóbé sɔkɔ yó-á kɪ pɔ pɪ yǒtěne n swɔ. ³¹ Tě wɔ ye pɔ pɪ Kristale, nê kór-á Liyel ney yáhtɔkɔnɔle. Té wǎh ne n yilki n mo n pi n kúntenɔ náh, képah ye Davidi kwāh tě we, à kǒ à ne nkě: «A náh n wǔ n pi lékókwil, ànê n lékó náh n pyāh n pi.» ³² Núkúnúkú Yesu mène, á pól ye kè we yíne ne wǎh ku, té Liyel me n lékó yilki mo. ³³ A yǒ dɔkɔ sɔkɔ yínyǒ, me kyɪ tě Liyel gbǒyǒ sǒle. Té Sú Liyel-á n vyāh kǒ n Mirki nê tyí sɔkɔ, à me kéle Yesu kǒ à tiki mo á yǒ. Képah ye á n yah, té n nohnɪ yǒ.

³⁴ Nte Davidi náh dɔkɔ yuku yínyǒ, té wǎh kè yo ne nkě:

«Tě ñgbě Liyel kè yo ñmo yǒtě dí tyí ne,

pɔ n kǒ n tě n gbǒyǒ sǒle,

³⁵ fǒ kè pɔ nɔ gbí nê-á mé kɪ á sépébi pɪ á gbáhkì súnsàh-nsahle.»»§

³⁶ Képah yóntenɔ náh, Pyerɪ tǒ pé syah ne: «Yisrayel tǎn pól yíne yè kè pǐ gbɪ yǒ ne, Yesu nê-á yépi tě sɪ dahnɪ yǒ, ñmo-á Liyel pɪ Tě NGBÈNE té tǒ à pɪ Kristale, nê kór-á Liyel ney yáhtɔkɔnɔle.»

Népi kèyǒ núkú kyegbām (3 000) dòhnínóle Yesu yǒ sǔpú yǒ

³⁷ Pyerɪ-á wey mè yo pɔ tye sě, kè névyè nɪ kah tě, pé me Pyerɪ ànê Yesu tǔntǔ névyè téló piki yah ne, pé no, sǒ se pé yíne pé pɪ nɪ? ³⁸ Képah sɔkɔ, Pyerɪ me yo pé tyí ne: «Yé yé nno vi mo, yé nénúkú núkú pól mó wèlnwilkínó we ni sɔkɔ Yesu Krista yǐn yǒ, yé tyípél yǒnmɔnɔ yinne. Képah sɔkɔ, Liyel Mirki kɪ yé kǒ. ³⁹ Liyel-á n vyāh kǒ n Mirki tyí sɔkɔ nóno yinne, yépi ye, ànê yé wǎnpìle, à tahlɪ nóno pól-á me kwlo fífí sɔkɔ, ànê nóno pól-á Tě ñgbě Liyel kɪ n ye n pi.» ⁴⁰ Té Pyerɪ tǒ sǒ me welo náhnáhle n gbah n yo pé tyí, à sóréle n mo pé sɔkɔ. A sǒ me n yo pé tyí ne: «Yé Liyel pwáhnmɔnɔ

‡ 2:25 2.25-28 - Yah n te Gbálnó 16.8-10. § 2:35 2.34-35 - Yah n te Gbálnó 110.1.

fě syi, yè mó wil kwey gbí névye népèl wró.» ⁴¹ Képah sɔkɔ, nónó-á Pyerɪ wɛlɔ fě syi, pè wèlnwìlkinó wɛ ni sɔkɔ. Ké lésòlɛ, népì kèyò núkú kyegbām (3 000) kénkɔ dohnɪ Yesu yò sěpú yò.

Yesu yò sěpú négbro tēnóle wě tyí

⁴² Képah tēne, Yesu tēntò névye-á kwónóle nónónɛ n kɔ, pé pól sò mɛ pé gblɔy kɔ, mɛ n nohnɪ pé tyí, té mɛ kwɔɔ mɔ pé sɔkɔ, à pɪ péle núkúle. Pè sò mɛ yòkelɛ n yò péle wě tyí, té mɛ nírilɛ n pɪ péle. ⁴³ Liyel sò mɛ n syò Yesu tēntò névye tyí, à gbíl tyi náhnáhle n pɪ. Káh pɪ sě, kè tíkíle no pól tē. ⁴⁴ Nónó pól-á sò vi mɔ pɪ Yesu yò sěpúle, pè sò mɛ kwɔɔ mɔ tē wě tyí, té mɛ pé gbàn yí pólle n sah wě yò. ⁴⁵ Pè sò mɛ pé swěy ànê pé gbàn yíle n yām. Té mɛ sé yàmnó pónóle n dibi wě wró, à yíne pé nénúkú núkú pól fyàhnónɔle. ⁴⁶ Té pè sò mɛ pé sɔnɔ pɪ núkúle, à wēne n tuke n mɔ sòmésó Liyel ní-nsah gbô sɔkɔ. Pè sò pé fɔkɔ dal wēne, à yòkenɔle n yò wě yò nìvìnìne, pé gbéngbèn sɔkɔ. ⁴⁷ Pè sò mɛ Liyelle n gbilki, té no pól mɛ péle n sò. Té Tě ñgbě sò mɛ névyele n pwah n mɔ n dohnɪ pé yò sòmésó.

3

Gbáhkì núkú dí yó dénmɔnɔle

¹ Képah sɔkɔ, sò yóle Pyerɪ ànê Nsyò sò mɛ n yuku gbèkām gbí Liyel ní-nsah, Liyel ní-nsah gbô sɔkɔ. ² Té dí yó sò mɛ gbáhkì núkúle ñ dubi gbí dukùle. Sòmésó, pè sò ñkēne à twah n pɔ n sah Liyel ní-nsah gbô dé-nsah yah sɔkɔ, nê-á pè n ye dé-nsah Kètárlɛ, à kɔ à póle n ni n syi ké sɔkɔ dépú tyí. ³ Wáh Pyerɪ ànê Nsyò wɛ pè n tyah dénóle ké sɔkɔ, à pó ni pé tyí. ⁴ Képah sɔkɔ, pè à gbah yah, té Pyerɪ mɛ yo ñ tyí ne, à pé yah yí. ⁵ Wáh yo sě, dí sò wɛ ne, páh kɪ kwáh yó wɛ n syi n pi pé tyí, té tyah péle n gbah n yah. ⁶ Képah tēne, Pyerɪ mɛ yo ñ tyí ne, pó ànê sán náh mɛ pé tyí, ñte kwáh nê-á mɛ pé tyí, páh kɪ kéle à kɔ. Té ne: «Nasaretɪ Yesu Krista yín yò, yuku ne n kɔ!» ⁷ Té mɛ ñ gbòyò sɔkɔ tē, à à yilki sah. Nénpó swɔ, sèkùkù dí gbyèh ànê ñ létóhnì sù. ⁸ A núkú yɔkɔ syikɪ ñ gbyèh yò, à tyah n kɔ, té de péle Liyel ní-nsah gbô sɔkɔ, mɛ n kɔ, té n yɔkɔ n syikɪ, à Liyelle n gbilki. ⁹ No pól à wɛ à mɛ n kɔ, mɛ Liyelle n gbilki. ¹⁰ Pè mɛ à yah pĩ ne, ñmɔ-á ñkēne n tē ñ ne n ni n syi Liyel ní-nsah gbô dé-nsah sɔkɔ, nê-á pè n ye dé-nsah Kètárlɛ. Té tir nê-á pɪ ñ tyí, képah sò mɛ kah pɪ yáh-nsah tyénó ànê gbèndùnìne no pól tyí.

Pyerɪ Liyel wey yónóle tówù tyí

¹¹ Képah sɔkɔ, sèkùkù dí náh tɔ sò mɛ ñ syɪ Pyerɪ ànê Nsyò náh. Té gbèndùnì kàhnmɔnɔ tē tyí, névye to pɔ pè mɔ gbí Liyel ní-nsah gbô párn yó sò, nê-á pè n ye Salomo párnne. ¹² Pyerɪ-á képah wɛ sě, à yo tówù tyí ne: «Yisrayel tăn, kwáh nê pɪ, té tir mè pínó yé gbàn du wé? Kwáh nê pɪ té yé ále n gbah n yah sě? Yé káh wɛ ne ápi yěngbě tēnwɛnɔ, képah náh pɪ, á Liyel wèkì tēnó pèpɛy-á pɪ dí mène à kɔ à kɔ dé? ¹³ Á náh tăn nónó-á pɪ Abrahamɪ, ànê Yisakɪ, ànê Nsyakobɪ, ànê pé no télóle, pépi Liyel ye gbílkinó sah ñ tònpi Yesu yò, ñmɔ nê-á yé dahbɪ yòtām gbò, té à yahle gběnyah yah tē-ò dí Pilati yí yah. Té Pilati mó tɔ sò kè yah tɔkɔ ne, pé à fin mɔ. ¹⁴ Nte ñmɔ nê-á mɛ Liyel tyí yò, té mɛ négbíle Liyel yah, yé ñmɔ yahle, té pyě nékókè mó-ò wɔ fínmɔnɔ yah kɔ. ¹⁵ Té min nètē Yesu nê-á yé ko mɔ, yépi rítē ye kè wɛ yíne, Liyel

με ò lékó yilki mɔ. ¹⁶ Dí nê-á yé n yah yò, yé ònne n pne. Yesu yìn yò sě́nó gbò yò sòko ye ò gbyèh me sũ. Yé pól yí yah ye Yesu yò sě́nó dí mè de mɔ pnépné yò dé!

¹⁷ Nte núkúnúkú, á no, mé pĩ ne òpĩ-òkě sòko-á yépi ànê yé yòtām ko mɔ Yesule.

¹⁸ Té Liyel-á lésò ò tě́ntò syínyopu pól kò, pè nê yo sah di mónóle ne, Krista-á kɔ yèvyāhrɪ pɪ, képah ye à pɪ yò. ¹⁹ Kǎh pɪ sě́, yé yé nno vi mɔ, yé mó Liyel wě̀kì tě́, à kò à yé tyípêl yò mɔ yé kò. ²⁰ Képah sòko, Tě́ ògbě́ Liyel kɔ yèvunɪ gbíne yé kò, té kɔ Yesu Krista tekɪ mɔ yé kò, wǎh sò nê yah wilki sah yépi yinne.

²¹ Nte núkúnúkú, à yĩne à tě́ yínyò, fókò kè kyɪ syɪ tyi pól tǔnsàhnó tyí, sépi nónó-á Liyel ò tě́ntò syínyopu kò pè se yo sah ògbò òkùle, pépi nónó-á me ò tyí yò. ²² Moyisi kè yo sah ògbòle ne òkě: «Yé Tě́ ògbě́ Liyel kɔ yé sòko ney yó wilki mɔ yé kò n pi, à kɔ pɔ pɪ Liyel tě́ntò syínyo-òle òmɔ tyí kòle. Yé ne n nohnɪ ò tyí ò welo pól sòko. ²³ Té nê-à yahle sàhnóle ò tyí yò, tě́ tyí kɔ ykɪ, à kɔ ku to Liyel wě́npĩ wró.»* ²⁴ Nte gbí nê-á yé n wne yò,† képah tyí ye Liyel tě́ntò syínyo-ò Samuyelɪ yo sah ò me gbí òkùle, à tahlɪ Liyel tě́ntò syínyopu téló tyí, nónó pól-á pɔ òmɔ tyí nǎh. ²⁵ Yé yah, Liyel-á tyi nónó pól yo ò tě́ntò syínyopu tyí, yépi yìn ye à yo séle, à tahlɪ wǎh lésò yégbékè kwrónmɔnɔ nê pɪ yé nǎh tǎn tyí, nê-á à yo Abrahamɪ tyí ne òkě: «Áwɔ pétóbé gbò yò, kèkòyó névyé pól kɔ ò pèpɔrɪ we.»‡ Kéne yégbékè kwrónmɔnɔ nê-á à pɪ yé nǎh tǎnne yò, yépi to vyāh me ké sòko dò! ²⁶ Yépi ògbò tyí ye Liyel tekɪ mɔ ò tǔnpɪ Yesule pèpɔrɪ pɪ yinne yé tyí ne, à yé pól nénúkú núkú yohnɪ n mɔ yé kò yé tyítúkúnì pínó yal n mɔ.»

4

Yòtām-á Pyerɪ ànê Nsyõ tuke sõ

¹ Képah tě́ne, Pyerɪ ànê Nsyõ-á sò me wékínó sòko tówù tyí sě́, nósýó pɔ wil mɔ pé yò. Sárká syínwilkɪpu yísýó ye sò, ànê Liyel ní-ńsah gbò syíkípú yòtě́ne, à tahlɪ Sadusě́ névyé yísýó tyí. ² Té kéne no fòko sò me kah vyāh Pyerɪ ànê Nsyõne, pǎh sǔnpíle névyéle n kwɔ ne, Yesu-á ku té yilki mɔ, ànê lékyí tɔ-á kɔ pɔ n yilki n mɔ n pi. ³ Képah sòko, pè pè tě́. Té lékǎh-á sò me mɔ n te sě́, képah ye pè pè dah mɔ wòkònpèkè sòko, pópó à pɔ syɪ dīndal tyí. ⁴ Nte nónó-á Yesu tě́ntò névyé kwónó noh, pé nǎhnǎh Liyel wě̀kì tě́. Kǎh pɪ sě́, Yesu yò sě́pú nɔ nēpĩ kèyò nínó kyegbām (5 000) kénkòle.

⁵ Képah sòko, ké dīndalle, Nsyifunɔ yòtām, ànê kwil yèwǎhnì, ànê Liyel tyi kònsàhnó kwópú wě́ tuke Yerusalemɪ sòko. ⁶ Sárká syínwilkɪpu yòtě́ ògbě́ An sò me ànê ò gbò tǎn pólle. Pépi túkú ye sò pɪ Kayifile, ànê Nsyõne, ànê Aleksisādrelɪ. ⁷ Képah tě́ne, pè Pyerɪ ànê Nsyõ tě́ pɔ pé nıyó, à pɔ pè piki yah ne, tě́nwɛnɔ nê gbò yò se, képah nǎh pɪ, nê yìn yò se pè pɪ dēnmɔnɔ mēne nı? ⁸ Képah sòko, Liyel Mirki gbò yò, Pyerɪ pè syah ne: ⁹ «Kwil yòtām ànê yèwǎhnì, áyáh pèpɔrɪ pɪ sèkúkú dí yó tyí, képah yò sòko nǎh yé n piki n yah ále kweyne ne, sǔ se á pɪ, té à de mɔ di? ¹⁰ Yépi pól ànê Yisrayel tǎn pól yĩne yé kè pĩ ne, Nasaretɪ Yesu Krista yìn yò-á dí mēne yīntě́nóle yé yah sòko lèncòle yò. Yépi ye syɪ Yesule dahɪ yò, té Liyel me ò lékó yilki mɔ. ¹¹ Nno Yesu tyí ye yónóle Liyel wey sòko ne òkě: «Wòkò mópú-á yahle dǎhkì nê mónkòńóle, képah ye pɔ pɪ wòkò dǎhgbíle.»* ¹² Képah nǎh, Pyerɪ tǔ ne: «Yesu ó yìn kɔ fě́ névyé pwah mɔ.

* **3:23** 3.22-23 - Yah n te Tǔnyonɔ 18.15,18. † **3:24** 3.24 - Gbí nê wnéńó tyí-á n yo yò, Yesu me gbí tyí ye kè n yo. ‡ **3:25** 3.25 - Yah n te Yenest 22.18. * **4:11** 4.11 - Yah n te Gbálnó 118.22.

Né òmò ó yīn náh, yīn yó rítě náh ònì yó rítě kǒ kèkǒyó, nê-á kǐ fě névye min pwah mǒ.»

¹³ Tukey tǔkèpu sǒ pǐ ne Pyerǐ ànê Nsyǒ náh Nsyifunǒ kǎrn òngbě pǐ, ànê pè náh me n mǒ n kǒ nénpó tǐnne. Té pǎh n wèkǐ nìsǎh ànê lékámne sě, képah me pé gbǎn du. Nte pè mó tǒ sǒ pǐ ne, pépi-á lésǒ Yesu kómũne. ¹⁴ Té pé yí-á mó tǒ sǒ me dí mè yǒ nê-á dénmǒnǒ wè, tyíyóné náh tǒ wè pé tyí. ¹⁵ Kǎh pǐ sě, pè Pyerǐpǐ kǒ pè wil tukey tǔkèpu tǐnkǐ wró, té pépi me wě wè pé yahle ¹⁶ té ne, sǒ se pé kǐ pǐ no nópìle nǐ? Nkě, kǒlǐ kǒlǐ tě náh se mó tǒ kéle té. Yerusalemǐ tǎn pól-á pǐ ne, Pyerǐpǐ-á pǐ gbǐl mènne. ¹⁷ Kǎh pǐ sě, pé ye kè yahle pé tyí dírí sǒkǒ ne, pé káh tǒ Yesu yīnne n yo ònì yó rítě tyí. Képah-à pǐ, yī mè náh n tǒ n mǒ n yuku n pǐ yahle.

¹⁸ Képah těne, pè tǒ pè ye, té kè yahle pé tyí gbógbó ne, pé káh tǒ Yesu yīn noh n yah pé vyěy yah, ànê pè káh tǒ kwónó pǐ ò yīn yǒ. ¹⁹ Nte Pyerǐpǐ pè syah ne: «Yépi rítě kè sǒ n yah kè: Kè se me yínénóle Liyel tyí, áyáh òmò tyí ye, té yépi yóré fě syi? ²⁰ Api tě wǒle, áyáh nê wè, té nê noh, á náh fě n ye n pǐ sé yáhnóle.» ²¹ Képah těne, tukey tǔkèpu tǒ dírí gbah wǒ pé tyí, té pè fin mǒ. Pè náh sǒ me vǐ-nsah wè pé wè fǒh fǒh těne, no pól-á sǒnpìle Liyel yīnne n gbilki Pyerǐpǐ tyípíkǐ mè yīnne. ²² Té dí nê dénmǒnǒ-á sǒ pǐ gbǐlle, à kah ye tikininíne.

Yesu yǒ sěpú níríle

²³ Pǎh fyò Pyerǐ ànê Nsyǒ fin mǒ, sárká syínwǐlkǐpu yǒtǎm ànê yèwàhni-á nê yo pé tyí, pè kyǐ sè pól yǎh pé kómú tyí. ²⁴ Pé wèlǒ nóhntenǒ náh, pé pól pé sǒnǒ pǐ núkúle, à Liyelle n ni ne ríkě: «Tě òngbě, áwǒ ye mǒ yínyǒle, ànê sétáhle, ànê pne yǒle, à tahlǐ sé sǒkǒ yíyīn pól tyí. ²⁵ Api náh ney Davidi nê-á á tǒnpìle, áwǒ ye à kǒ à kè yo á Mirki gbǒ yǒ ne ríkě:

<Kwáh nê yúkúnyahlenǒ me kwǒ kwǒ tyí?

Kwáh nê tyíkwê sǒnǒ me névye sǒkǒ!

²⁶ Kèkǒyó yǒtǎm wě tyí mǒ,

té yah tǎm tǒ tuke mǒ, à pǐ núkúle,

pè Tě òngbě Liyelle n fwo ànê ò ney yáhtǒkǒnǒle.>†

²⁷ Gbǐ yǒ, kwil mè rítě sǒkǒ, yǒtě dí Yerǒdǐ ànê gběnyah yah tě-ò dí Pǒse Pilati ye wě tyí mǒ, à tahlǐ Yisrayel tǎn ànê kwǒ kwǒ tǐlǒ tyí, pé á tǒnpǐ Yesule n fwo, òmò nê-á á ney yáhtǒkǒnǒle. ²⁸ Yah, wáh lésǒ á tǐnwenǒ sǒkǒ tyi nónó yah tǒkǒ sah á dyǒ dyǒ těne, sépi ye pè pǐ. ²⁹ Nte núkúnúkú, yah pè ápile n kyí n kǒ kè! Nìsǎh òngběne á kǒ, à á weyne n yah n yo, ápi nónó-á á tǒnpǐbule. ³⁰ Tǐnwenǒle á kǒ, à yámpúle n de n mǒ, à mó gbǐl tyíle n pǐ, á tǒnpǐ Yesu yīn yǒ.» ³¹ Té fǐ nê sǒkǒ-á sǒ péle tǔkènmǒnǒle, nírí-á fyò n tyè, nénpó núkú yike. Képah těne, Liyel Mirki pé pól tǒkǒ, pè tyah Liyel weyne n yah n yo n kǒ nìsǎhle.

Yesu yǒ sěpú négbro me dùkùle wě tyí

³² Yesu yǒ sěpú pól sǒ me n sǒ dùkú núkúle, té me ké tyí ne pé ne n pǐ dùkú núkúle. Pé sǒkǒ yó rítě náh sǒ me n yo ne, pé gbǎn yíle, pé gblǒy núkúní tyí-á séle. Té pé wě wró, pé pól gbǎn yí sǒ pǐ tówú tyíle. ³³ Té tǐnwenǒ òngbě sǒkǒ ye sǒ Tě òngbě Yesu tǐntǒ névye pǐ ò tyí yónwáhpu kègblǒle, à ò tyíle n yo n kǒ ne, wáh ku té yilki mǒ. Té Liyel pèpǒrǐ òngbě sǒ me pé pól yǒ. ³⁴⁻³⁵ Swěy, képah náh pǐ, gbèn-à sǒ me nónó

† 4:26 4.25-26 - Yah n te Gbálnó 2.1-2.

tyí, pè séle n yām, n̄ té sé póle Yesu t̄ntò névyele n k̄õ. Pépi n mó séle n dibi, à yĩne pè n̄núkù núkù pól fyāhnónole. Képah ye, yām pí-ò náh s̄õ me pé soko.

³⁶ Té légbíne, Nsyosefu yó s̄õ me, n̄-á dubi Syipri gb̄enyah. Levi ȳik̄i ney ye s̄õ n̄ne. Té Yesu t̄ntò névyele me yĩn dyi à k̄õ Barnabasule, n̄ kór-á s̄óré mó-òle. ³⁷ Nm̄o me n̄ swāh yām, té me p̄o ké póle Yesu t̄ntò névyele gb̄õ dahbi.

5

Ananiyasi àn̄ê n̄ kyí Safirale

¹ Nte dí yó lésõ me pè n ye Ananiyasile. Nm̄o àn̄ê n̄ kyí Safira me pé sétáh yó yām, té yo sah núkù yõ, ² à ké pó túkù kām sah. Képah náh, Ananiyasi me kyí ké pó téyne Yesu t̄ntò névyele k̄õ. ³ Képah soko, Pyeri me yo n̄ tyí ne, Ananiyasi, sétàn yõt̄ se pi s̄õ té we de ȳi n̄ ni soko s̄ẽ, fók̄ à p̄o mìnì yo Liyel Mirki tyí, té sétáh yāmnó pó túkù kām sah ni? ⁴ Sétáh mè yām-n̄k̄ẽ gb̄ine, n̄ yēngb̄ẽ tyí kó s̄õ kéle ni? Wāh t̄õ p̄o kè yām, ké pó kó pi n̄m̄o tyíle ni? Nte ȳi mè dùkù pínó s̄õno se pi s̄õ, té de n̄ ni soko ni? Nk̄ẽ, névyele ó tyí náh à yo mìn̄ine dé, Liyel t̄o tyí-á. ⁵ Ananiyasi-á fyò kéne welo noh, à núkù syiki ku. Kāh pi s̄ẽ, nónó pól-á ȳi mè noh, tiki pè kah t̄ẽ. ⁶ Wāh ku s̄ẽ, kèt̄ēpi me p̄o n̄ lékó foko, té à t̄oko kyí ȳi.

⁷ Képah náh, lérínó t̄ónó kénk̄õ sók̄onteno náh, n̄ kyí p̄o de n̄npó, té tir n̄-á pi soko, à náh s̄õ me kè p̄i. ⁸ Pyeri me à syah ne, à yo pé syah, dan mè se r̄itȳino pè yām pé sétáh m̄ene ni? A me ne, àwe, kéne dan-á. ⁹ Képah soko, Pyeri me yo n̄ tyí ne, pè se pi s̄õ, té yo sah núkù yõ n̄ pele, à p̄o T̄ẽ ngb̄ẽ Mirki vyāh s̄õle n noh ni? A yah, nónó-á kyí ȳi n̄ pe lékóle, pāh me p̄o n̄ de yò. Té pāh ki n̄ t̄o lékó t̄oko n̄ soko n̄ pi. ¹⁰ Pyeri-á yo s̄ẽ, n̄npó swo, pi núkù syiki n̄ yah t̄inne, à ku. Kèt̄ēpi-á de kyí, pè kyí à we kúnóle. Pè me à t̄oko kyí ȳi n̄ pe tn̄o. ¹¹ Képah soko, tiki Yesu yõ s̄epú t̄ink̄i pól kah t̄ẽ, à tahl̄i tyí n̄opi nóhpú pól tyí.

Yesu t̄ntò névyele gb̄il tyi náhnáh pínóle

¹² Liyel s̄õ me n̄ syõ Yesu t̄ntò névyele tyí, à gb̄il tyi náhnáhle n̄ pi névyele niyó. Pè s̄õ me pé s̄õno pi núkúle àn̄ê Yesu yõ s̄epú téló pólle, té w̄ene n̄ tuke n̄ m̄o Liyel ní-nsah gb̄o párn yó s̄õ, n̄-á pè n̄ ye Salomo párnne. ¹³ Nte no téló soko ney yó r̄it̄ẽ náh s̄õ me n̄ n̄le n̄ syāh n̄ kw̄o n̄ m̄o pé soko. Té no pól mó t̄õ me péle n̄ kah n̄ s̄õ. ¹⁴ Képah soko, dibi àn̄ê syó náhnáh s̄õ me n̄ s̄ẽ T̄ẽ ngb̄ẽ Yesu yõ, d̄ohn̄n̄ó k̄õ kè n̄ pi n̄ yuku n̄ yõ s̄epú yõ. ¹⁵ Kāh pi s̄ẽ, névyele tyah n̄ wil pé yámpúle, à péle n̄ sah n̄ p̄o p̄al yõ, képah náh pi, s̄ẽ s̄ẽ ȳi yõ w̄al yey soko, ne Pyeri-à p̄o n̄ soko, té n̄ m̄irkí we m̄o pé soko ney n̄-á yõ, t̄ẽ we de. ¹⁶ Yerusalem̄i gb̄òplo kw̄lo névyele náhnáh r̄it̄ẽ t̄o s̄õ me pé yámpúle n̄ t̄ẽ n̄ p̄o n̄ p̄o, à tahl̄i névyele tyí, sétàn-á s̄õ me nónóne n̄ kw̄lo. Té pé pól s̄õ me d̄enm̄onole n̄ we.

Yesu t̄ntò névyele f̄ohnóle

¹⁷ Képah t̄ene, sárká syínw̄ilk̄ipu yõt̄ẽ ngb̄ẽ àn̄ê n̄ náh névyele pólle nónó-á Sadus̄ẽ névyele, pè tyah dyóyók̄ile n̄ pi Yesu t̄ntò névyele, ¹⁸ té pè t̄ẽ kyí dah m̄o w̄òk̄onpèkè soko. ¹⁹ Nte lék̄áh-á p̄o m̄o, T̄ẽ ngb̄ẽ ȳinyõ t̄onpi yó p̄o w̄òk̄onpèkè mè yah yiki m̄o àn̄ê ké soko t̄áh v̄i yeyne, à Yesu t̄ntò névyele wilki, té yo pé tyí ne: ²⁰ «Yé kyí Liyel ní-nsah gb̄o soko, yè kyí min s̄án tyi n̄opi pól yo névyele tyí.» ²¹ Wey mè-á yo pè noh s̄ẽ, séngb̄õ púpúle, pè me yuku kyí Liyel ní-nsah gb̄o soko, à kyí tyah kw̄ónóle n̄ pi.

Légbíne, sárká syínwìlkìpu yòtḗ ñgbḗ ànê ñ náh névye me kyí tukey tükèpu ònkì ye ànê Yisrayel gbḗnyah yèwàhnì pólle. Té me sràsyíbì tḗ ne, pè kyí Yesu tḗntò névye wilki n pḗ wòkònpèkè sòko. ²² Nte pàh kyí yīni tḗ, pè náh pè we wòkònpèkè sòko. Pè me pé syí pḗ ké yah yo pé yòtām tyí ne ñkḗ, ²³ pàh kyí wòkònpèkè yah we tḗnmòḗle palle ànê ké sòko táh vī yey tḗle, sé syíkípúle tḗnóle pé tḗ-ñtān sòko. Nte pàh se mó tḗ sè yíkì mḗ de, pé náh ney we sé sòko. ²⁴ Pàh yo sḗ, yī mè nòhnó Liyel ní-ńsah gbḗ syíkípú yòtḗ dí ànê sárká syínwìlkìpu yòtām fòko fil. Pè me wḗne n piki n yah Yesu tḗntò névye tyí-á pī òkù nḗne. ²⁵ Pàh me képah sòko, ñnī yó pḗ yo pé tyí ne, névye nónó-á pè dah mḗ wòkònpèkè sòko, pàh me névyele n kwḗ Liyel ní-ńsah gbḗ sòko.

²⁶ Képah tḗne, Liyel ní-ńsah gbḗ syíkípú yòtḗ dí ñ no tḗ, à pé nyáh sḗ. Pàh kyí, tíkì pè tḗ ne pàh kī ne pé pè tḗ gbùgbù, névye káh pḗ pé minki ko dyèhle. Káh pī sḗ, pè pè ye yárr, à sòko. ²⁷ Pàh kyí yīni tḗ péle tukey tükèpu ònkì tyí, sárká syínwìlkìpu yòtḗ ñgbḗ me pé syah ne, ²⁸ pé kó lésḗ kè tū pé tyí ne, pè káh tḗ kwónó pī n yah dí mè yīn yḗ nī? Té pé yah, pàh pé kwónó tḗ mḗ Yerusalemī kwil pól sòko, té tḗ me ñ kū plḗle n twah pépi yḗ kè! ²⁹ Nte Pyerī ànê Yesu tḗntò névye téló me yo pé tyí ne: «Á kī Liyel dyḗ yī tḗ ye sḗ, té kī névye tyíle n pī? ³⁰ Yesu nê-á yé ko mḗ dahni yḗ, á náh tān Liyel ye ñ lékó yilki mḗ, ³¹ té à yḗ òko sòko, à kyí à sah ñ gbḗyḗ sḗle. Té à pī yòtḗne, ànê pwáhnḗ-òle ne ñkḗ, ñmḗ gbḗ yḗ Yisrayel tān fḗ pé nḗ vi mḗ, pè mó pé tyípèl yḗnmḗ we. ³² Kéne tyí nónó-á Liyel pī, ápi ànê Liyel Mirki ye sé yónwàhpu kègbḗle, wāh képah nḗne névye kḗ, nónó-á sah ñ tyí yḗ.»

³³ Képah tḗne, tukey tükèpu ònkì-á welḗ nḗpi noh sḗ, pé fòko kah vyāh, fḗó pè sḗ me ké tyí ne, pé Yesu tḗntò névye ko mḗ. ³⁴ Nte Farisiyḗ ney yó sḗ me pé sòko pè n ye Kamalyelīle. Liyel tyí kḗnsāhnó kwḗ-ò yó ye sḗ ñne, nê-á névye pól me yḗyenne n sah ñ yḗ. Nḗ me yuku yīn tukey tükèpu ònkì nīyó té ne, pè Yesu tḗntò névye wilki mḗ kégbḗ kwéy átre. ³⁵ Pàh wil, à ñ syí yo pé no tyí ne: «Á no Yisrayel tān, yé yé gblḗy kyḗmī yī yé tyípínó sòko, à yuku díbí nḗpi ònkì dé! ³⁶ Ké náh tḗnī pī di mónóle kah, gbí nê-á Tedaḗ me yuku ñ gblḗy pī ne, né-ñgbḗ-á péwḗle, té díbí nḗpī kyeyḗh (400) sḗnḗ vi mḗ pè kḗ pè ñ sḗ tḗ. Nte wāh pḗ ko mḗ, ñ sḗ tḗpú pól náh karkī di? Ney se tḗ wū? ³⁷ Nḗ tyí sókḗntḗnḗ náh, Kalile gbḗnyah dí Nsyudaḗ me tḗ yuku kéne gbḗnyah névye yāh gbíne, à pé náhnáh yḗ yíkì pè kḗ pè ñ sḗ tḗ. Nte ñ tḗ náh pḗ ko mḗ, té ñ sḗ tḗpú me karkī di? ³⁸ Képah ye núkúnúkú tḗne, mé kéle n yo yé tyí, yé yé vyḗy de no nḗpi tyí sòko, yé mó pè fin mḗ pè ne n yuku. Pé tir yáhnḗkḗnḗ, képah náh pī, pé tyípíní mè-à kī me wil névye tḗ tyí, kè kī tyé ké gblḗy. ³⁹ Nte káh kī me wil Liyel tḗ wḗ tyí tḗtḗ, yépi náh fḗ kè yíkì n pī. Yé kyḗmínó pī, yé káh pḗ tyah Liyel wḗle n fwo dé!»

Kamalyelī-á yo sḗ, pé no sah ñ tyí yḗ. ⁴⁰ Pè me tḗ Yesu tḗntò névye ye de, à pḗ pè ko yèfḗhle. Té kè yahle pé tyí ne, pè káh tḗ Yesu tyíle n yāh, té pè fin mḗ. ⁴¹ Nte Yesu tḗntò névye sḗ me ñìvìnì sòko kègbḗle, pàh n yal tukey tükèpu ònkì wrḗ gbí nḗne, pàh sḗnpíle kè kyḗmī we ne, pàh yīne fḗhnóle Yesu yīnne. ⁴² Képah sòko, sḗmesó pè n ne n me Liyel ní-ńsah gbḗ ànê kḗtlo sòko, ñ névyele n kwḗ, ñ té ñìvìnì tīrle n yo pé tyí Yesu Krista tyí yḗ.

6

Yḗke tḗnsāhndibipū yāhnwìlkìnóle

¹ Légbíne, wǎn sò me n mo Yesu tò sáhpú nédán yò. Képah sòko, Kreki wey wékípú tyah n weki ne, sòmésó pé no Yebre wey wékípú-á me n syiki pépi pékúsyò yò yòke dibi gbíne. ² Kǎh pi sě, Yesu tǎntò névyé népí gbõnimí me Yesu tò sáhpú tówú pól ye tuke, té yo pé tyí ne, kè nǎh yíne pépi Liyel wey yónó yal n mo, pé mó de tǎ yòke díbinó sòko. ³ Képah-á, pé yúnpyé, pè díbí népí kwǎrnimi yah n wilki pé sòko, nónó yíngbí-á me n yo, té Liyel Mirki me pè tòko, ànê lékám me pé sòko. Páh ki tò mè dahbi pépi gbò. ⁴ Kǎh ki pi sě, pépi-á ki mó yò sòko níri pínó ànê Liyel wey yónó tòle. ⁵ Képah sòko, pǎh nê yo, tówú pól kè fě syi. Pè me Yetyěni yah wilki, ñmo nê Liyel yò sǎnó-á sò me gblò, té Liyel Mirki me à tòko. A tahlí Filipi tyí, ànê Prokorile, ànê Nikanorile, ànê Timole, ànê Parmenasile, ànê Antyosyi kwil Nikolasile, ñmo nê-á lésó vi mo de Nsyifunó Liyel nínó wěkì sòko. ⁶ Té me pépile Yesu tǎntò névyé wěki. Pépi me pé gbǎn sah pé yò níri pínó sòko, à sǎm mo pé sòko.

⁷ Képah tǎne, Liyel wey sò me n tǎ n mo n yuku, té wǎn me n mo n yuku náhnáh Yesu tò sáhpú nédán yò Yerusalemi kwil. Sárká syínwilkǐpu to náhnáh sò me fě syi sě Yesu yò.

Yetyěni tǎnóle

⁸ Yetyěni sò Liyel pèpòri náhnáh we ànê ñ tǎnwenole. A sò me à tòko à gbíl tyile n pi névyé niyó. ⁹ Képah tǎne, Nsyifunó tyah yékáble n pi Yetyěni. Pé tókùle, Liyel ní-ńsah wòkò nê-á pè n ye yòri sòko wǐlpu wòkòle, képah névyé ye. Pè n wil Sireni kwil ànê Alekisǎdri kwil. Pé tókù me n wil Silisi gběnyah ànê Asi gběnyah sòko. ¹⁰ Té Liyel Mirki gbò yò, Yetyěni sò me n weki lékámne. Képah ye, no nópi nǎh me tǎ we ñ welole n kǒli. ¹¹ Képah tǎne, pè kyí nósyó tòko póle ne pè pò yo ne, páh à we à me Moyisi ànê Liyel tyíle n yo n yiki. ¹² Pè képah pi, à tówú, ànê yèwǎhni, ànê Liyel tyi kǒnsǎhnó kwópú mo Yetyěni yò, pè kǒ pè à fyǎh tǎ yuku ñne tukey tükèpu tǐnkì tyí. ¹³ Té tǎrfyò mìnnyobe yísyó yah, à yuku péle ne pè kyí yo ne, dí mè nǎh me n yal n mo Liyel ní-ńsah gbò ànê Moyisi tyi kǒnsǎhnó tyí yónykinole. ¹⁴ Páh kè noh ñ vyǎh yah à me n yo n tǎne ne, kéne Nasareti Yesu mè-á ki pò Liyel ní-ńsah gbò sò n pi, té Moyisi-á pé kwò wǎl nónóne, wǎh ki sé to vi mo. ¹⁵ Képah sòko, tukey tükèpu tǐnkì pól tyah Yetyěni n yah díkídíkí, té ñ yah we kè me yǎnyò tǎnpi tyí kǒle.

7

Yetyěni Liyel tyi yah yónóle

¹ Képah sòko, sárká syínwilkǐpu yòtǎ ñgbě me Yetyěni piki yah ne, no-á nēne n yo ñ tyí sòko, gbi se kéle ni? ² Yetyěni me yo ñ tyí ne: «Ñ súbí ànê ní yúnpyé, yé noh ní tyí. Gbí nê-á lésó á nǎh ney Abrahami nǎh tǎni me yal yuku Yarǎ kwil sòko, tǎrí nǎtǎ Liyel ye lésó wil ñ yah Mesopotami gběnyah, ³ té me yo ñ tyí ne: <Yal á gběnyah ànê á kéte tǎn wró, ñ yuku gběnyah yó sòko, nê-á mé ki ñ wěki n pi.>* ⁴ Képah sòko, Abrahami yal Kalde tǎn gběnyah sòko, à kyí tǎ Yarǎ kwil.† Képah nǎh, ñ sú-á pò ku te, Liyel me à kǒ à yal Yarǎ kwil, à pò tǎ gběnyah mè sòko, nê sòko-á yépíle núkúnúkú yò. ⁵ Té Liyel nǎh sò sétáh yó n tǎne à kǒ ñ tyíle ásó. Gbáhsúkí kénkǒ fyé tyahle, à nǎh kéle à kǒ. Nte à ñ vyǎhle à kǒ ne, páh ki pò gběnyah mè pólle à kǒ. Té kǎh ki tǎ pi ñ pétóbé to tyíle, ñmo ké nǎh n tǎ sòko. Té légbíne, pi n tǎ nǎh sò me Abrahami tyí. ⁶ Liyel me

* 7:3 7.3 - Yah n te Yenesi 12.1. † 7:4 7.4 - Abrahami lésó me Kalde gběnyah sòko, Mesopotami sétáh yò.

tõ yo n tyí ne: <Á pétóbé kɪ pɔ wil kɪ kyɪ n tẽ n pi gběnyah káhkí sɔkɔ. Nénpó sɔkɔ pè kɪ n pi n pi yõbɛ, té kɪ fõhnó wɛ, pópó ye kyeyéh (400). 7 Nte gběnyah káhkí nê sɔkɔ-á péle yõrɪ sɔkɔ, n̄mɔ Liyel tukey kɪ n syɪkɪ n pi kéne gběnyah tãn yõ. Té képah náh, pè kɪ wil yõrɪ sɔkɔ nénpó, kɪ pé syɪ pɔ n̄mɔ yĩn gbilki ásô.> 8 Képah yóntɛnɔ náh, Liyel mɛ yégbékè kwɔɔ mɔ Abrahmɛ, képah nê-á kɪ sò n wêkɪ n pi kòkè kòkò sɔkɔ. Képah ye, Abrahmɛ-á pɔ Yisakɪ dubi, à mɛ à kò n dúbínó sèpìn kwártõ-ò sòlɛ. Yisakɪ tɔ mɛ pɔ n pídí Nsyakɔbɪ kò. Nsyakɔbɪ tɔ mɛ pɔ n dínpi nêpí gbõnimí kò, pépi nónó-á ápi yìkinì gbõninó náh tãnnɛ.

9 Képah náh, á náh tãn pɔ tyah pé gbëndí Nsyosefu dyɔlɛ n yɔ. Té à tẽ yãm yõlɛ, pè kò pè sɔkɔ n̄nɛ Yesyipti gběnyah. Nte Liyel sò mɛ Nsyosefule. 10 A n̄ yõ wilki yènyãhnpèl nópi sɔkɔ, té lékámne à kò yíí, té Yesyipti yõtẽ dí Farawõ yí kò kè yuku n̄nɛ. Képah sɔkɔ, à mɛ à pɪ n gběnyah ànê n tǒrí kéte pól yah tẽ-òlɛ. 11 Té kwénpékè yó pɔ de Yesyipti gběnyah ànê Kanah gběnyah pól sɔkɔ, à pɪ yènyãhrɪ ñgběne pé tyí. Ké pékénkàhnmɔnɔ tẽ tyí, á náh tãn náh tõ sò mɛ kwáh yó ntẽne n wɛ n yõ.‡ 12 Té Nsyakɔbɪ-á pɔ kè wɛ noh nɛ, yõke-á mɛ Yesyipti sɔkɔ, ké gbenne, à á náh tãn tekɪ mɔ nénpó, pè kyɪ yõke yah pɔ, pépi nónó-á n wènpilɛ.§ 13 Páh tõ pɔ pé syɪ yuku ke ní-òlɛ, Nsyosefu mɛ n gblóy tyí yo wah n nénkyíbí tyí. Káh pɪ sɛ, Farawõ mɛ Nsyosefu duku wíl-nsah pĩ. 14 Képah sɔkɔ, Nsyosefu tẽntò mɔ nɛ, pè kyɪ pé sú Nsyakɔbɪ ànê n no pól tẽ n pɔ. Pè sò mɛ nêpí tikitóní pó gbãm pó kwlólɛ. 15 Sɛ ye Nsyakɔbɪ mɛ yuku pɔ tẽ Yesyipti gběnyah sɔkɔ. A syɪ pɔ ku nénpó ànê á náh tãn tɔ pólɛ. 16 Pé lékyí mɛ twah kyɪ yí Sisyemɪ kwil diki yó sɔkɔ, nê-á lésò Abrahmɪ dwe Yemɔrɪ wènpí tyí.

17 Liyel-á lésò n vyãhle Abrahmɪ kò nê yinne, ké pɪ gbí-á pɔ n nɔ, ápi no kwel náhnáh Yesyipti sɔkɔ. 18 Té yõtẽ késán yó-á pɔ dɔkɔ Yesyipti yõ, n̄mɔ náh sò Nsyosefule n p̄nɛ. 19 A mɛ vi syɪkɪ á no yõ. N nêpékè kàhnmɔnɔ tẽ tyí, à á náh tãn kyí mɔ, pè kò pè pé wènpí yrõ milki sah kégbó pé ku yinne. 20 Légbí mè ó sɔkɔ ye Moyisi dubi. A kah ple yíí, ànê n tyí nɔ Liyel tyí. Pè à pu n̄wóló tónó n sú gbô. 21 Képah náh, pè à tɔkɔ kyɪ milki.* Farawõ písɛ mɛ à wɛ tɔkɔ. A pɔ à pu n yéngbɛ pídí sò. 22 Káh pɪ sɛ, lékám tyi nónó pól-á sò mɛ Yesyipti sɔkɔ, Moyisi kwónó wɛ sé pól yõ. Képah ye, à pɪ wèntãhnì wékí-òlɛ ànê tyítãhnì pí-òlɛ.

23 Té wãh pɔ nɔ ye tikininine gbí n̄nɛ, à kè sò wɛ nɛ, páh kɪ kyɪ yah pé yúnpyé Yisrayel tãn tyí. 24 Wãh kyɪ, à kyɪ yĩne n tyí névi yóle, Yesyipti ney yó mɛ n fõh. Moyisi tyí névi fõhnó yrɔ tẽ tyí, à n vyãh syi, à Yesyipti ney mè ko mɔ. 25 Moyisi sò mɛ n sò nɛ, pé no Yisrayel tãn-á kɪ n pĩ n pi nɛ, Liyel-á kɪ péwɔ tɔkɔ, kɪ pè wilki n pi pé yõrɪ sɔkɔ. Nte pè náh tẽ wɛ kè pĩ n tyí. 26 Ké d̄indalle, à tõ kyɪ Yisrayel tãn nêpí nímí yísyó wɛ, pè mɛ n fwo. A nɛ pé pè syi mɔ, té yo pé tyí nɛ, pé no, pépi ó-á pé yahle. Té kwáh nê se pè wène n fõh nɪ? 27 Nte nê-á sò n fõh n ní-òlɛ, n̄mɔ Moyisi syah nɛ nkɛ, nê se sah n̄nɛ pépi yõtẽne ànê pé tükè-òlɛ nɪ? 28 Péwɔ kònmɔ-nsah káh kɪ nê, á n yah n kò, wãh n̄nínine Yesyipti ney mè ko mɔ sò dé? 29 Wãh fyò képah yo, Moyisi to, té kyɪ tẽ Madyã gběnyah sɔkɔ, à syi pɔ dínpi nêpí nímí wɛ nénpó.†

30 A tẽ nénpó, pópó à ye tikinini pɪ. Képah náh, sò yóle, à sò mɛ gbènnɪ sɔkɔ, Syinayi yõlɪ gbòpɔ, té yinyõ tònpi yó wil n yah nyàh lépõ sɔkɔ, nê-á sò mɛ n kò dukuni yó

‡ 7:11 7.11 - Kanah gběnyah mɛ ye pè n ye Yisrayel gběnyahle nùkúnúkú. § 7:12 7.12 - Yáh wɛ pè nɛ kwɛkɛ-á de Yesyipti gběnyah sɔkɔ, té tõ nɛ Nsyakɔbɪ-á yõke tyí noh nénpó, Liyel lésò lékámne Nsyosefu kò à yòkele n koh n sah, yõke pɛkɪ gbíne. Képah ye yõke kò kè pɔ wɛ nénpó. * 7:21 7.21 Yah n te Yálnó 1.22 - 2.10. † 7:29 7.27 - 29 - Yah n te Yálnó 2.11 - 15.21 - 22.

Nmɔ se kɪ fẽ tẽ yépi wòkònmɔnu sɔkɔ?

⁵⁰ Nmɔ gbɛ̃npɛnɔ náh yíyìn pólle di?»‡

⁵¹ Képah náh, Yetyɛ̃nu tɔ yo tukey tükèpu tyí ne: «Nikisekókó névyé nópi, yé yé nno ànê yé ní tah tũ, à yahle Liyel wey nóhnóle, té me Liyel Mirki yahle pɔ kwey nɔ. Yé me yé náh tãn tyí kòle. ⁵² Liyel tɛ̃ntò syínyo-ò yó òtẽ se me, nê-á yé náh tãn náh à fòh yah? Négbí nê-á Liyel tyí, nóno-á n pónó tyí yo sah kèkòyó, pè náh pépi tɔ ko mɔ di? Nte núkúnúkú, kéne négbí náh yépi vi n náh, té à ko mɔ di? ⁵³ Yínyò tònpiye ye Liyel tɔ, pè pɔ Liyel tyi kònsàhnó yo yé tyí. Té yé yahle kólóle sé wàl yò.»

Yetyɛ̃nu kònmɔnɔle, ànê káh yĩne Sole tyí sɔ

⁵⁴ Yetyɛ̃nu-á welɔ nópi yo sɛ, kè tukey tükèpu kah yo kah mɔ, fók pè pé yníne n tah yɔ tẽ tyí. ⁵⁵ Nte Liyel Mirki tẽ-á me Yetyɛ̃nu tɔkɔ sɛ, à tyah yínyòle n yah díkídíkí, té Liyel tɔrí we ànê Yesule yúkúnyĩntɛ̃nóle Liyel gbòyò sòle. ⁵⁶ Képah tẽ sɔkɔ, à ne: «Yé yah, mé me yínyòle n yah yíkínmɔnɔle, té Névi Pídí me yúkúnyĩnnɔle Liyel gbòyò sòle.» ⁵⁷ Névyé-á képah noh sɛ, pè gbo mɔ wòhòh, té pé ní sni tũ, té to tuke pé pólle n yò. ⁵⁸ Té à yɔri wil kwil náhle. Képah sɔkɔ, nóno-á sò pè ye pɔ pɪ tàrfyòle, pépi me pé fwòmò-̀ngbno de sah kètɛ̃npikí yó tyí, nê-á pè n ye Solele. Té pè tyah Yetyɛ̃nune n minki dyèhle, n ku ku tẽ yò. ⁵⁹ Nte páh me Yetyɛ̃nu mínkínó sɔkɔ dyèhle sɛ, à sò me níri le n pɪ ne níkɛ: «Tẽ ògbɛ̃ Yesu, ní min yohnu n syi.» ⁶⁰ Té me n gbètukunɔ di, à yo yínpò ògbɛ̃ne ne: «Tẽ ògbɛ̃, káh pé tyípekè mè mɔ n kò.» Képah yóntenɔ òsò, à ku.

8

¹ Té páh à ko mɔ sɛ, képah nɔ Sole tyí.

Sole-á Yesu yò sɛpú fòh dùkù nêne

Képah sɔkɔ, Yesu yò sɛpú fínkí kàhnfòhnɔ núkú tyah Yerusalemɪ sɔkɔ lésòle. Káh pɪ sɛ, à wil Yesu tɛ̃ntò névyé tyí sɔkɔ, Yesu yò sɛpú téló pól to karkɪ de kwlo sɔkɔ, nóno-á me Nsyude gbɛ̃nyah ànê Samari gbɛ̃nyah sɔkɔ. ² Nte névyé nóno-á sò me Liyel wɛ̃kí tɛ̃nó ple, pé yísyó me Yetyɛ̃nu lékó tɔkɔ yí, té n kũ pò kah gbo. ³ Nte Sole tẽ wo sò me n yah n kò Yesu yò sɛpú fínkí duku tó-̀nsahle pnépné. A sò me n de n kò gbèn sɔkɔ, à Yesu yò sɛpú díbí ànê syóle n tẽ n yɔri n wilki n dah n mɔ n pɔ wòkònpèkè sɔkɔ.

Filipi Liyel wey yónóle Samari gbɛ̃nyah sɔkɔ

⁴ Képah sɔkɔ, Yesu yò sɛpú nóno-á sò karkɪ kò, pépi mó me Nìvìnì tirlɛ n yo n kò tàntàn pól sɔkɔ. ⁵ Té pé sɔkɔ ney nê-á pè n ye Filipile, òmɔ me kyɪ kwil yó, Samari gbɛ̃nyah sɔkɔ, à kyɪ tyah Krista tyíle n yo nénpó. ⁶⁻⁷ Képah tɛ̃ne, sétàn kwínki nóno-á sò me déntɛ̃nóle névyé sɔkɔ me péle n kwlo, sè sò me n kah n de n syi, té n wil pé sɔkɔ, té wil kúnó névyé ànê gbáhkí núkú névyé náhnáh tɔ sò me dénmɔnɔle n we. Képah sɔkɔ, tówû-á Filipi gbíl pínó tyí yónó noh, té kyɪ sè we sɛ, pé pól pé sòno pɪ núkúle, à n welole n tɔ n sah n nohnɪ. ⁸ Káh pɪ sɛ, nìvìnì ògbɛ̃ we kéne kwil.

⁹ Té légbíne, dí yó lésò me pè n ye Simole. A sò me tɛ̃nóle kéne kwil mè ó sɔkɔ di mónóle. Nmɔ sò me snèy tyile n pɪ, nóno-á me Samari gbɛ̃nyah tãn gbàn du kègbule, té me n gblóy pɪ né-̀ngbɛ̃ne. ¹⁰ No pól sò me mɔ òne, à tɔkɔ wɛ̃npí tyí, à kyɪ sah yèwàhnì tyí. Té me yo tũ ne níkɛ, Liyel tɛ̃nwɛnɔ nê-á pè n ye Ngbɛ̃ne, képah-á dí mènɛ. ¹¹ Té dí mè sò me gbèndùnìne n pɪ pé tyí n snèy sɔkɔ di mónóle, képah ye pè

kõ pè mɔ̀ n̄nɛ. ¹² Ntɛ Filipi-á pɔ̀ Liyel t̄órí Nìvìnì tir ànê Yesu Krista tyí yo pé tyí s̄ɛ, pè s̄ɛ ké yõ. Té díbí ànê syó mɛ à k̄õ à pè wel wilki ni sɔ̀kɔ. ¹³ Képah sɔ̀kɔ, Simo nt̄ɛ to s̄ɛ Yesu yõ, té Filipi k̄õ à à wel wilki ni sɔ̀kɔ. A náh t̄õ s̄õ mɛ ké tyí nɛ pé yal Filipi tn̄ô. Té gb̄il tyi n̄gbnɔ̀ nónó-á s̄õ mɛ n pɪ à n yah, sè s̄õ mɛ pɪ gb̄ɛndùn̄nɛ n tyí.

¹⁴ Képah t̄ɛnɛ, Yesu t̄ɛnt̄ò névye-á t̄ɛ Yerusalemɪ kwil, té noh nɛ Samari gb̄ɛnyah t̄án-á Liyel wey f̄ɛ syi s̄ɛ, pè Pyerɪ ànê Nsyõ tɛkɪ mɔ̀ pè k̄õ. ¹⁵⁻¹⁶ Páh kyɪ de Samari sɔ̀kɔ, té Yesu yõ s̄ɛpú nónó wɛ nɛnpó, Liyel Mirki náh t̄ònì s̄õ mɛ tiki pé sɔ̀kɔ yó nt̄ɛ yõ. Pè s̄õ mɛ wèlnwìlkìnó wɛ ni sɔ̀kɔ T̄ɛ n̄gb̄ɛ Yesu wɔ̀ ȳin yõ. Káh pɪ s̄ɛ, Pyerɪ ànê Nsyõ mɛ tyah nírìlɛ n pɪ pé tyí, nɛ pè Liyel Mirki wɛ. ¹⁷ Pè s̄õ mɛ pé gb̄àn sah no n̄pɪ yõ à nírìlɛ n pɪ pé tyí. Képah sɔ̀kɔ, pè mɛ Liyel Mirki wɛ.

¹⁸ Képah t̄ɛnɛ, Simo-á kè wɛ Yesu t̄ɛnt̄ò névye pé gb̄ànne n sah pé yõ, pè k̄õ pè Liyel Mirkilɛ n wɛ s̄ɛ, à pɔ̀ pólɛ Pyerɪpɪ tyí, ¹⁹ té nɛ, pè péwɔ̀ to k̄õ kéné t̄áhkìlɛ. Képah sɔ̀kɔ, páh fyò pé gb̄àn sah nê yõ, t̄ɛ Liyel Mirki wɛ. ²⁰ Wáh yo s̄ɛ, Pyerɪ mɛ à syah nɛ, n tyí yɪkɪ n to ànê n̄ pó t̄ɔlɛ, wáh s̄ɔ̀np̄ilɛ n s̄õ nɛ, páh kɪ f̄ɛ Liyel ȳínk̄õnɔ̀ kwáh dwe pólɛ. ²¹ N nɪ-á mɛ k̄étúkùȳô Liyel yah. Képah-á, wɛ wɛ t̄ɛ náh mɛ n tyí ȳì m̄ɛ sɔ̀kɔ. A náh ȳinɛ kélé pólɛ. ²²⁻²³ Páh kè wɛ nɛ, dyóyókì k̄épékè-á yuku sah n̄ n̄lɛ, ànê wáh mɛ tyípékè ȳòrɪ sɔ̀kɔ. Képah-á, à n̄ nɪ vi mɔ̀, à mó T̄ɛ n̄gb̄ɛ Liyel ni à k̄õ à n̄ fókósõnɔ̀ pèkè m̄ɛ yõ mɔ̀ à k̄õ, káh kɪ f̄ɛ n pɪ n pi. ²⁴ Képah sɔ̀kɔ, Simo mɛ yo Pyerɪ ànê Nsyõ tyí nɛ, pépɪ T̄ɛ n̄gb̄ɛ Liyel ni pé tyí pé gbl̄oȳ. Káh kɪ pɪ s̄ɛ, tyi nónó-á pè yo pé tyí, sé sɔ̀kɔ yó nt̄ɛ náh pé nɔ̀ n pi.

²⁵ Képah náh, Pyerɪ ànê Nsyõ-á tyi nónó p̄i Yesu tyí sɔ̀kɔ, páh sè yáh tɛ névye tyí, té T̄ɛ n̄gb̄ɛ wey yo tɛ pé tyí gb̄í n̄nɛ, pè pé syɪ n yuku Yerusalemɪ kwil, té mɛ Nìvìnì tirlɛ n yo n yuku kwíl̄p̄i n̄áhnáh sɔ̀kɔ w̄ɛkì yah, nónó-á mɛ Samari gb̄ɛnyah.

Filipi Liyel wey yah yónóɛ Yetyopi gb̄ɛnyah né-n̄gb̄ɛ yó tyí

²⁶ S̄õ yóɛ, T̄ɛ n̄gb̄ɛ ȳinyõ t̄õnpɪ yó pɔ̀ yo Filipi tyí nɛ n̄k̄ɛ, à n̄ gbl̄oȳ vi, à mó n̄ yah mɔ̀ gb̄ìngboke gb̄oȳò s̄òlɛ, à w̄ɛkì t̄ɛ, nê-á wil Yerusalemɪ, à n tiki n yuku Kasa kwil. Kéné w̄ɛkì m̄ɛ yõ kópú náh mɛ fwóɔ. ²⁷ Képah sɔ̀kɔ, Filipi núkú yuku kéné w̄ɛkì t̄ɛ. Wáh n yuku, d̄ò, à Yetyopi gb̄ɛnyah né-n̄gb̄ɛ yó wɛ.* Nmɔ̀ ye s̄õ Yetyopi yòt̄ɛ pi Kãdasɪ tɔ̀kɔ sah n̄ tahrɪ yòt̄ɛnɛ. A s̄õ kyɪ Liyel ni Yerusalemɪ sɔ̀kɔ. ²⁸ Té wáh n̄ syɪ n yuku n̄ f̄innɛ, à s̄õ mɛ k̄õnt̄ɛnóɛ n̄ wòtoro sɔ̀kɔ, mɛ Liyel t̄ɛnt̄ò syínyo-ò Yesayi s̄ébéyɛ n kar. ²⁹ Képah sɔ̀kɔ, Liyel Mirki mɛ yo Filipi tyí nɛ, à kɔ n tel wòtoro m̄ɛ tyí. ³⁰ Filipi mɛ to tel ké tyí, té dí k̄árnó noh. A s̄õ mɛ f̄í yóɛ n kar Liyel t̄ɛnt̄ò syínyo-ò Yesayi s̄ébéy sɔ̀kɔ. Filipi mɛ à piki yah nɛ, f̄í nê-á à n kar yò, à se mɛ ké kórɛ n p̄nɛ nɪ? ³¹ Dí mɛ yo n tyí nɛ, s̄õ se pé kɪ p̄i ké kórɛ, né nɛy náh ké yah yo pé syah nɪ? Té mɛ kè yah k̄õ Filipi tyí nɛ, à pɔ̀ n d̄ɔ̀kɔ n k̄õ n t̄ɛ pé tn̄ô wòtoro sɔ̀kɔ. ³² Té f̄í nê-á s̄õ dí mɛ n kar, kè mɛ yónóɛ nɛnpó sɔ̀kɔ nɛ n̄k̄ɛ:

«À s̄õ pɪ k̄épó s̄õ, nê-á pè t̄ɛ n yuku kò-n̄sah;
képah náh pɪ, nê yè-á pè n k̄õ,
té à náh n̄ vyáh fyɔ.

³³ Pè à yilo, té lékàhlɛ à k̄õ,
té à ko mɔ̀, n̄ duku to k̄èk̄oȳó.
Nê kɪ t̄õ n yáh n̄ no tyíɛ?»†

* **8:27** 8.27 - Díbí nónó pól-á s̄õ t̄òlɛ n pɪ yòt̄ám fné sɔ̀kɔ, pè pè w̄õ, nɛ pè káh pɔ̀ pé ȳí wil syó tyí. Képah ye, Yetyopi gb̄ɛnyah né-n̄gb̄ɛ m̄ɛ to s̄õ mɛ w̄ónóɛ. † **8:33** 8.32-33 - Yah n tɛ Yesayi 53.7-8.

³⁴ Dí-á kar te, à me yo Filipi tyí ne, à kékwe, à yo pé syah, nê tyí se Liyel tēntò syínyo-ò Yesayi n yo sē yò ni? N gblǒy tyí se à n yo, tū ònì tyí se à n yo? ³⁵ Képah sòkò, Filipi syò kéne Liyel wey mē tyí, à Nìvìnì tir yo à syah Yesu tyí sòkò. ³⁶ Páh me wěkì yò, pè kyì syì yò yó tyí. Dí me yo Filipi tyí ne nkě, yò-á yò, tir yó tē-à kú mé-nkěne, páh me ké tyí ne, à pé wel wilki ni sòkò. [³⁷ A me yo n tyí ne, wáh kú me sē Yesu yò n ni pólle, páh kú fē à wel wilki ni sòkò. Dí me yo n tyí ne, páh sē ké yò ne, Liyel Pídí-á Yesu Kristale.] ³⁸ Té me ne, pè wòtoro yīn m̀. Káh yīn, à tiki ànê Filipile à kyì de yò, té Filipi me à wel wilki ni sòkò. ³⁹ Páh fyò wil yò sòkò, Tē ògbē Liyel Mirki núkú Filipi tókò sòkò. Yetyopi gběnyah né-ògbē mē náh tō à we. Nte à yò sòkò n kólóle nìvìnì sòkò. ⁴⁰ Té Filipi tē wò mó kyì n gblǒy we Asotì kwil. A me yò sòkò, à Nìvìnì tirlè n yo n yuku kwlo kwlo pól sòkò, wáh n kah nónó sòkò, pópó à kyì de Sesarì kwil.

9

Yesu yónm̀̀̀̀le Sole tyí

¹ Té légbíne, Sole mó sò me yò sòkò díríle n pì Tē ògbē Yesu tò sáhpuìle, me n yah n kò pé kònm̀̀̀̀-ísahle. Képah sòkò, à kyì wil sárká syínwìlkìpu yòtē ògbē tyí. ² Té yo n tyí ne, à sébéynóle pé kò, pé kyì Damasì kwil Nsyifunò Liyel ní-ńtàn v̀ yòtām kò. Képah sòkò, páh kú kyì díbì ànê syó nónó we nénpó, té pè me Tē ògbē Yesu wěkìle n kò, pé pè tē n pukubi n pò Yerusalemì kwil.

³ Wáh sè we syì, à wěkì tē n yuku Damasì kwil. Wáh me yúkey kéle, kyòo yó núkú wil yínyò à kwe n yò pèrr, à à m̀ gbì. ⁴ Képah sòkò, à yò syìkì sétáh, té yínpò yó noh, nê-á me n yo n tyí ne: «Sole, Sole, kwáh nê pì té á nne n fòh?» ⁵ Sole me piki yah ne, nê se òm̀le ni, pé Tē ògbē? Kéne yínpò tō yo n tyí ne: «Yesu ye òm̀le, nê-á á n fòh. ⁶ Nte yuku n de kwil sòkò, té wáh yīne n nê pì, pè kú kè yo n syah.» ⁷ Té Sole-á sò me wěkì yò ànê nónóne, pé tò sò me yínpò m̀ene n nohn, té pè náh me ney we. Káh pì sē, pé gbàn du, pè yīn tē syísyí, pè náh me fē tirlè n yo. ⁸ Képah sòkò, Sole-á yuku yīn, à n yí yìkì m̀, té à náh tō me fē n yah. Pè me n gbò sòkò tē, à de òne Damasì kwil. ⁹ A sèpìn tònì pì nénpó yítùri sòkò, yòke yó-nkěne ànê ni wó-nkěne.

¹⁰ Té légbíne, Yesu tò sáh-ò yó sò me nénpó pè n ye Ananiasile. Tē ògbē Yesu wil n yah, té ne: «Ananiasi!» Ananiasi me syì, té ne páh yò, Tē ògbē! ¹¹ Tē ògbē me yo n tyí ne: «Yuku n wěkì tē, wěkì nê-á pè n ye wěkì Tómmne. Wáh kú kyì Nsyudasì gbò sòkò, n dí yó tyí piki n yah. Kéne dí n wil Tarì kwil, pè òne n ye Solele. A me Liyel nínó sòkò núkúnúkú. ¹² Té n nírí pínó sòkò, à dí yó we pè n ye Ananiasile.* A me de pò n gbàn sah n yò ne, à fē ne n yah ńtō.»

¹³ Képah sòkò, Ananiasi ne, ú, Tē ògbē, névyè náhnáh-á dí m̀ tyí yáh pé noh, ànê wáh me Yesu yò sēpuìle n fòh sò Yerusalemì kwil, páh ké tò noh. ¹⁴ Té wáh tō sébéy we syì sárká syínwìlkìpu yòtām tyí, à pò ásò sòkò ne, pé pò òm̀ yéngbopu pól tē pukubi n sòkò. ¹⁵ Nte Tē ògbē me tō yo Ananiasi tyí ne: «Ǹm̀ ye yah tókò pì dí m̀ene ní tònpuìle ne, à ní tyíle n yo n kò névyè tyí, nónó náh pì Nsyifunòle, à tahlì pé yòtām tyí, ànê Yisrayel tǎn tó tyí. Képah ye, kyì n tyí! ¹⁶ Wáh kú kwlónó nê pì n pì òm̀ yīnne, mé kú kéle à wěkì ní gblǒy.» ¹⁷ Képah sòkò, Ananiasi yuku sòkò. Wáh kyì de Nsyudasì gbò sòkò, à n gbàn sah Sole yò, té yo n tyí ne nkě, pé yúnpi Sole, Tē ògbē

* **9:12** 9.12 - Ananiasi sò pì ne dí nê tyí-á Liyel n yo pé tyí yò, péwò-á.

Yesu nê-á wil n yah wě̀kì yõ wăh n pi gbí nêne, ñmò-á tǒ péle n tyí ne, á fě ne n yah nítǒ, ànê Liyel Mirki mó à tǒkò. ¹⁸ Nénpó swò, yí yísyó núkú wil Sole yí sòkò à pò kwe yěnkò gbró sǒ, té n yí me yíkí. A me yuku, té pè me à wel wilki ni sòkò. ¹⁹ Képah náh, à yòke yò, té n syi tǎhkì we.

Sole Liyel wey yónóle Damasi kwil

Képah sòkò, Yesu tǒ sáhpú nónó-á sǒ me Damasi kwil, Sole tǔ à sèpìn yísyó pì pépile. ²⁰ Té núkú tyah Yesu tyíle n yo n kǒ Nsyifunò Liyel ní-ńtàn vù sòkò ne, Liyel Pídí-á ñne. ²¹ Képah tǔne, nónó pól-á sǒ me n welòle n nohni, kè pé gbǎn du. Pè tyah n yo ne, té ñmò kó lésò n kah n fǒh Yesu yìn yéngbopule Yerusalemì sòkò ni? Té pé tǔnpukubinsòkò-ńsah nítǔ-á à pò ásò sòkò, ne pé kyí péle sárká syínwìlkìpu yǔtām tyí dé! ²² Nte wǎn sǒ me n tǒ n mǒ n yuku Sole tǎhkì yõ. A sǒ me kéle n yo n wah ne, Yesu-á Liyel yah tǒkò pì pwáhnmo-òle. Kǎh pì sǔ, Damasi kwil Nsyifunò yáh-ńsah tye, tyiyóné náh tǒ we pé tyí.

²³ Képah sòkò, sèpìn náhnáh sókónteno náh, Nsyifunò pò yo sah núkú yõ ne, páh kú Sole ko mǒ. ²⁴ Té Sole me pò pé yínvì mè we noh. Pè sǒ me kwil dé-ńtanne n syíkí, ké lékâh ké gbìntǒ, ne pé à we n ko n mǒ. ²⁵ Nte sǒ yó lékâhne, ñ tǒ sáhpú sǒ me ké tyí ne pé à pwah mǒ. Képah sòkò, pè à dah mǒ tǒkò-ńgbě yó sòkò à tiki mǒ kǔnkahnne, nê-á kwil kore vi.

Sole syínyukunòle Yerusalemì kwil

²⁶ Képah sòkò, Sole sòkò Yerusalemì kwil. Wăh kyí yíni tǔ nénpó, à sǒ me ké tyí ne, pé kwrò mǒ Yesu tǒ sáhpú sòkò. Nte pépi náh sǒ me fě sǔ ké yõ ne, wăh pì Yesu tǒ sáh-òle kègbısı tǔ yõ; képah ye tíkí pè tǔ. ²⁷ Nte Barnabasì wò me à tǔ yuku Yesu tǔntǒ névye tyí. Té Sole-á sǒ Tǔ ńgbě we òkù nêne Damasi kwil wě̀kì yah, ànê Tǔ ńgbě-á yo mǒ ñ tyí sǒ, Barnabasì ké yah yo pé tyí. Té tǒ kè yo pé tyí, wăh Yesu tyí yo nìsǎhle òkù nêne Damasi sòkò. ²⁸ A tǒkò légbí tyí, Sole kwrò mǒ pé sòkò, à Liyel weyne n yah n yo n kǒ nìsǎhle Tǔ ńgbě yìn yõ Yerusalemì sòkò. ²⁹ A sǒ me n yǎh ànê Nsyifunò tǔle, nónó-á Krekì weyne n wekì, me yékâble n pì péle. Nte pépi wò sǒ me ñ kònmò-ńsahle n yah n kǒ. ³⁰ Yesu yõ sǔpú-á pò kè noh, pè à tǔ sòkò Sesari kwil, à kyí à tekì mǒ Tarsi kwil.

³¹ Légbíne, Yesu yõ sǔpú tǔnkì nónó-á sǒ Nsyude, ànê Kalile, ànê Samari gběnyah pól sòkò, pé pól sǒ me yèvinì sòkò. Pè sǒ me tǎhkìle n we, té me n kò Tǔ ńgbě yah tíkí pínó sòkò, té Liyel Mirki gbò yõ, wǎn me n mǒ n yuku pé nédán yõ.

Yene de mǒ òkùle

³² Té légbíne, Pyeri sǒ me tǎntàn pólle n kò n kǒ. Képah sòkò, sǒ yóle, à tiki yuku Lida kwil Yesu yõ sǔpú tǔ tyí. ³³ Té kyí dí yó we nénpó pè n ye Yenele. Nyân sǒ me ñ wil ko; képah ye à sǒ me sǔ tǔ ñ sǔ sǔ kwâh yõ pópó ye kwártǔnò. ³⁴ Képah sòkò, Pyeri me yo ñ tyí ne: «Yene, Yesu Krista ye ále n de n mǒ yò. Yuku, ñ té á sǔ sǔ kwâh yõ tǒ n sah á gblǔy.» Wăh yo sǔ, dí núkú yuku yìn. ³⁵ Képah sòkò, Lida kwil ànê Sarò gběnyah tǎn-á képah we sǔ, pé pól vi mǒ Tǔ ńgbě Yesu tyí yõ.

Tabita kúnó ànê ñ yìlkinmòncle

³⁶ Pì yó lésò me Nsyope kwil sòkò Yesu tǒ sáh-òle. N yìn ye sǒ Tabitale, pè n ye Dorkasile Krekì wey sòkò. A sǒ pèpòrile n pì gbímegbí, me yám tǎnne n yohnì n mǒ. ³⁷ Té kéne sèpìn sòkò, yam pò à fě mǒ, à ku. Pè me ñ lékó wel, té à tǒkò kyí sah

yînyõ wòkò yó sòkò. ³⁸ Té kǎh pɪ Lida kwil ànê Nsyope kwil sò me yúkey wêne sě, Yesu tò sáhpú nónó-á sò me Nsyope sòkò, pè sò noh ne, Pyeri-á me Lida kwil. Képah sòkò, pè me díbí népí ní mí tǒ n tyí ne, pè kyɪ yo n tyí ne ní kě, à n gblǒy ye, à mó pò pépi òinne súú. ³⁹ Pǎh kyɪ kè yo sě, à núkú yuku pè sòkò wě tyí. Wǎh kyɪ yîni tě, pè à tě doko yuku yînyõ wòkò sòkò, té pékúsyò pól sò me nɔ de n tnô me n gbo, té me fwòmò-̀ngbno ànê fwòmònpìle òne n wěki, nónó-á Tabita tì gbí nê-á sò à me vile. ⁴⁰ Képah sòkò, Pyeri névye pól kǒ pè wil kégbó, té n gbètukunɔ di à Liyel ni. Té me n yah vi pi lékó òinne té ne: «Tabita, yuku.» Pi núkú n yí ykɪ mɔ. Té wǎh Pyeri we, à yuku kǒ tě. ⁴¹ Pyeri me n gbò sòkò tě, à à yilki sah. Képah nǎh, à Yesu yó sěpú ànê pékúsyò ye pò òne pè wěki vile. ⁴² Kǎh pɪ sě, yí mè tǒ mɔ Nsyope kwil ywǒ ywǒ pól sòkò, ànê pé nǎhnǎh pɪ Tě ògbě Yesu yó sěpúle. ⁴³ Képah nǎh, Pyeri tě mo kwéy Nsyope sòkò sɛnpɪ dí yó tyí, nê yîn-á Simole.

10

Névye ye dùkùle Liyel tyí, nónó nǎh pɪ Nsyifunɔle

¹ Dí yó lésò me Sesarɪ kwil pè n ye Korneye. Sràsyíbí yǒtě yó ye sò òne, Wrome tǎn sràsyíbí ònkì sòkò, nê-á pè n ye Yitalɪ gběnyah sràsyíbí ònkìle. ² A sò me Liyel wěkì těno ple, me n yah tíkile n pɪ, té òmɔ ànê n gbô tǎn pól me òne n ni. A sò me Nsyifunɔ yǎm tǎnne n yohnɪ n mɔ nǎhnǎh, té me Liyelle n ni gbímegbí. ³ Képah sòkò, sò yó gbèkám gbí kénkò sòkò, à wěkínó yó we. A Liyel yînyõ tǒnpɪ yó we pnéyy à de pò n òinne, à pò à ye n yinne ne: «Korney!» ⁴ Nte Korney sò me yînyõ tǒnpìle n yah díkidíki tíkítíkì sòkò, té à piki yah ne, kwáh nê se nɪ, pé yǒtě? Yînyõ tǒnpɪ me yo n tyí ne: «Wáh nírí nónóne n pɪ, ànê wáh yòhnìnmɔnɔ nónóne n pɪ yǎm tǎn tyí, Liyel yí me sé yó. N dyo me n kwne á tyíle. ⁵ Núkúnúkú těne, nósýó wilki n tekɪ n mɔ Nsyope kwil, pè kyɪ Simo yó tě n pò, nê-á pè n ye Pyerile. ⁶ A me twáhntěno le sɛnpɪ dí yó tyí, nê tɔ yîn-á Simole. N gbô me pne yo gbòpɔ.» ⁷ Képah sòkò, yînyõ tǒnpɪ-á welo nópi yo te Korney tyí, té yal n tnô, Korney núkú n tǒnpɪbí díbí népí ní mí ye ànê sràsyí yóle, nê-á sò me těno le n tnô di mónóle, té me Liyel wěkì těno ple. ⁸ Té me tyi nópi pól yǎh pé tyí, té pè tekɪ mɔ Nsyope kwil.

⁹ Ké dindalle, pè sò me wěkì yó sě, té pǎh pópó n de Nsyope kwil sòkò gbí nêne, gbí sò me yǒtah sírr kénkò sòkò, té Pyeri me doko gběntín yó, me níríle n pɪ. ¹⁰ Képah sòkò, kwekɪ pò à tě; à sò me ké tyí ne, pé yóke yó. Té pǎh me yókele n pɪ n tyí gbí nêne, Liyel wěkínó yóle à wěki. ¹¹ A yînyõ we yíkínmɔnɔle, té kwáh yó me wil ké sòkò, fwòpìn-̀ngbě yó sǒ, ké vyěyno nýáhle těno le, té me n tiki n pi sétáh. ¹² Té gbyèh òyèh yí duke pól sò me ké sòkò, ànê yí nónó-à n til, à tahlɪ kèpye duke pól tyí. ¹³ Képah sòkò, Pyeri yǐnpǒ yó noh kè me n yo n tyí ne: «Pyeri, yuku n ko sé sòkò n kò.» ¹⁴ Nte Pyeri me Tě ògbě syah ne, páh pɪ sǒ pile, pé nǎh dèl kwáh yó rítě yó yah, képah nǎh pɪ, kwáh yó rítěne, nê-á névile n silki Liyel yah. Képah-á, pé nǎh kè pɪ n pi pólle. ¹⁵ Képah těne, yǐnpǒ mè tǒ ké syɪ yo à noh ke ní-òle ne ní kě: «Liyel-á kwáh nê wěki kwáhépěyne, áwɔ tyí nǎh ké wěkínóle ne, kǎh me névile n silki Liyel yah.»* ¹⁶ Képah tě pɪ sě ke tǒno, té Liyel núkú kéne kwáh yó doko sòkò yînyõ.

* **10:15** 10.15 - Liyel lésò gběnkɔ yísýó tyí yo Nsyifunɔ tyí ne, pè káh séle n kò. Yah n te Levitiki 11.

17 Kǎh pɪ sě, Pyerɪ lékám sò me fěki, à me n̄ gblɔyne n piki n yah wěkínó nê-á à we, ké yō-á kɪ fě n pɪ n pi tir nêne. A me képah soko, té Korney tēntò névye mó me sénpi dí Simo gbô tyí piki yah kō pɔ we, me yīn tē ké yah, 18 té me n piki n yah ne, Simo nê-á pè n ye Pyerɪle, à se me twáhntēnóle ásô soko nɪ? 19 Nte Pyerɪ-á sò me yō soko n̄ fɔkɔle n sō wěkínó mè tyí soko sě, Liyel Mirki me yo n̄ tyí ne à yah, díbí nēp̄ tōmí-á me n̄ne n yah n kō. 20 Péwɔ-á tekɪ mɔ péle n̄ tyí. Képah-á, à yuku n tiki n soko péle, à káh tòtò pɪ. 21 Képah soko, Pyerɪ tiki kyɪ no nópi tnô, té yo pé tyí ne, nê-á pè n yah n kō, n̄mɔ-á péwɔle. Nkě, pè kèyǎh kō. 22 Pè me yo n̄ tyí ne, sràsyíbí yòtē dí Korney-á tō péle n̄ tyí. Négbí-á n̄ne, wǎh Liyel yah tíkile n pɪ, ànê Nsyifunɔ pól-á n̄ yíngbɪle n yo. Yínyō tōnpi yó-á kéle à wěki ne, wǎh yīne à pɔ n̄ tē n kyɪ n̄ gbô soko, tyi nónó-á me á tyí yo yo tēne, á sè yo à syah. 23 Képah soko, Pyerɪ me pé kō pè de gbô soko, à twah n̄ tyí à lékǎh pɪ.

Té ké dīndalle, à me pé sò tē soko. Té Yesu yō sēpú yísyó tɔ sò soko péle, nónó-á n wil Nsyope kwil. 24 Pé soko sō dīndalle, pè kyɪ de Sesarɪ kwil; té kyɪ ne yah Korney me n̄ gbô tǎn ànê n̄ kódíbí kègblo ye tuke, me pɔ pè syɪki tē. 25 Pyerɪ-á pɔ n de gbí nêne, Korney kyɪ à yohnɪ, té kɔ kwīnki n̄ yah, à à gbilki. 26 Nte Pyerɪ me yo n̄ tyí ne à yuku, té à yilki sah, té ne névi ó-á péwɔ tɔle dō. 27 Pè me képah yónó soko wě tyí, té de yuku gbô à kyɪ no nópi we tükentēnóle pípi. 28 Pyerɪ me pé syah ne, pǎh p̄ ne, dél-á kéle Nsyifunɔ tyí, pè nǎh n pɪ n soh wě tyí kwlókáhkí névyele, ànê pè nǎh n de pé gbèn soko kè. Nte Liyel-á kéle péwɔ tē wěki ne, pé nǎh yīne pé nn̄i yó n̄tēne n yah ne, wǎh me sílkínóle Liyel yah, képah nǎh pɪ, ne à nǎh yīne pínsòhnóle névye tyí. 29 Képah-á, pé kō pǎh pé ye pé pɔ yékáb pí-ńkēne. Nkě, pè se kɪ fě pé yénó yō yo pé syah nɪ? 30 Képah soko, Korney me yo n̄ tyí ne, ké sèp̄n̄ n̄yēh-á yò, gbèkám gbí mè ó kénkō soko, pǎh lésō me nírile n pɪ pé wòkò soko. Té dō, pé núkú dí yó we yíntēnóle pé yah t̄inne, wil flɔle p̄err n̄ tyí, 31 té me pé ye pé yīnne ne, Korney, Liyel-á pé nírí tē; n̄ dyɔ-á me n kwn̄e pé pèpɔrɪ pínó tyíle. 32 Képah-á, pé névye wilki n tekɪ n mɔ Nsyope kwil, pè kyɪ Simo ye n pɔ ásô, nê-á pè n ye Pyerɪle. Wǎh me twáhntēnóle sénpi dí Simo gbô soko, pne yo gbòpɔ. 33 Kǎh pɪ sě, pé núkú névye tekɪ mɔ n̄ tyí ne, pè kyɪ à ye n pɔ. N tɔ mó tō pɪ ple té fě syi pɔ. Núkúnúkú, pé pól-á ásô Liyel yah soko, n̄ welɔ noh yīnne, nónó pól-á Tē n̄gbě dahbɪ n̄ gbò, ne à yo pé syah.

Pyerɪ Liyel wey yónóle Korney gbô

34 Képah soko, Pyerɪ me wey tɔkɔ té ne: «Núkúnúkú, mé p̄ kègbɪ yō ne, Liyel nǎh nn̄i yó n̄tēne n wah. 35 Névi nê-à fyò n̄ yah tíkile n pɪ, té me n kɔ gbɪ wěkì yō, tē-à sō me yìkì nê neyne, n̄ tyí n nɔ Liyel tyí. 36 Nmɔ Liyel ye n̄ wey tekɪ mɔ Yisrayel tǎn tyí, à Nìvìn̄i tir yo pé tyí ne, yèvin̄i-á n we Liyel tyí Yesu Krista gbò yō, n̄mɔ nê-á no pól Tē n̄gbēne. 37 Nsyō-á kwní kō te ni soko wèlnwilkínó tyí soko, képah nǎh, nê-á pɪ Kalile gběnyah n̄gbò soko ànê Nsyude gběnyah pól soko, yé se mó kè p̄i tē! 38 Té Liyel sò me Nasaretɪ kwil Yesule. A n̄ Mirki ànê tēnwɛnɔle à kō. Képah ye, à me n kɔ n kō tǎntǎn pól soko, à pèpɔrɪle n pɪ, té nónó pól-á sò me sétǎn yòtē yōrɪ soko, à sò me péle n wilki ké soko. 39 Té wǎh tyi nónó pól pɪ Yerusalemɪ kwil ànê Nsyifunɔ kwlo téló soko, á pól ye sè we yīne. Nte pè me à tē syɪ dahɪ yō, à à ko mɔ. 40 Té ké sèp̄n̄ tō-ò sòle, Liyel me n̄ lékó yilki mɔ, té à kō à n̄ gblɔyne no wěki, 41 nte à nǎh n̄ gblɔyne no pól wěki. A n̄ gblɔyne ápi ó wěki, ápi nónó-á lésō Liyel yah tɔkɔ pɪ Yesu lékó yilkínmɔnɔ wépu ànê sé yǎhpúle. Ápi lésō yòke yō, té wɔ wɔ kwáh wɔ n̄ne wě

tyí, ò lékó yílkínmontenò náh. ⁴² Képah sòkò, à me á tǒ ne: <Yé kyí Liyel weyne n yo n kǒ no tyí. Yé kéle pè wěki ne, òmò-á Liyel sah vye ànê lékyí tükè-òle.> ⁴³ Òmò Yesu tyí ye tǒ Liyel tǔntǔ syínyopu pól yo ne, névi nê-à sě òmò yǒ, tǔ tyípél-á kú yǒ mò à kǒ òmò yǐn yǒ.»

Liyel Mirki nósýò tǒkò, nónó náh pì Nsyifunòle

⁴⁴ Képah sòkò, Pyerì sǒ me wékinó sòkò sě, té Liyel Mirki tiki ò wey nòhnìpu pól yǒ. ⁴⁵⁻⁴⁶ Liyel-á Mirki nê kǒ, kǎh tǒ mò névye yǒ nónó náh pì Nsyifunòle, pè kǒ pè wénkáhkinóle n wěki nónó-á pè náh sè sǎh, té Liyelle n gbilki sě, képah pì gběndùnìne Yesu yǒ sěpú Nsyifunò tyí, pépi nónó-á sǒ pò ànê Pyerìle. ⁴⁷ Képah sòkò, Pyerì ne: «Névye nónóne Liyel Mirki we te ápi tyí kǒle, á kú fě yahle sǒ ne, pè káh n wel n wilki ni sòkò?» ⁴⁸ Té me pè kǒ pè Kòrneyi wel wilki ni sòkò Yesu Krìsta yǐn yǒ. Képah sòkò, pépi mó Pyerì ni ne, à wǔ sèpǐn yísyó pì péle.

11

Pyerì-á nê yo Yerusalemì kwil Yesu yǒ sěpú tyí

¹ Té Yesu tǔntǔ névye ànê Yesu yǒ sěpú téló nónó-á sǒ me Nsyude gběnyah sòkò, pè kè noh ne, nósýò tǒ-á me Liyel wey fě syi, nónó náh pì Nsyifunòle. ² Képah tǔne, Pyerì-á pò ò syi kyí Yerusalemì sòkò gbí nêne, Yesu yǒ sěpú Nsyifunò kyí tyah lékǎhle òne n kǒ, ³ té ne, à se sǒnpí kyí de, à yǒke tǒle n yǒ névye tǔnne, nónó náh pì Nsyifunòle nì?

⁴ Képah sòkò, tir mè-á pì sǒ, Pyerì ké yah yo wah pò dal mò pé tyí wárwár ne, ⁵ páh sǒ me Nsyope kwil me nírilé n pì, té Liyel wékinó yóle pé wěki. Páh kwáh yó we kè me wil yǐnyǒ fwòpǐn-ògbě yó sǒ, ké vyěyno òyáhle tǔnóle, té me n tiki n pì à pò yǐni tǔ pé tǔ. ⁶ Páh me ké yáhnó sòkò díkidíki, pé yípěy we ké sòkò, ànê gběnkýòle, ànê yí nónó-á n til, à tahlì kèpye tyí. ⁷ Képah tǔ sòkò, pé yǐnpǒ yó noh kè me n yo pé tyí ne: «Pyerì, yuku n ko sé sòkò ò kò.» ⁸ Òte pé me yo yǐnpǒ mè tyí ne pé Tě ògbě, pé náh képah pì n pì, òkě páh pì sǒ pile, dèl kwáh yó òtě náh de yah pé vyǎh ànê kwáh yó òtǔne, nê-á névile n silki Liyel yah. ⁹ Képah tǔne, yǐnpǒ mè tǒ wil yǐnyǒ, me n yo ne òkě: «Liyel-á kwáh nê wěki kwáhpépěyne, áwò tyí náh ké wékinóle ne, kǎh me névile n silki Liyel yah.» ¹⁰ Képah tǔ-á pì sě ke tǔnó, té Liyel me tǒ kéne kwáh tǒkò dǒkò yǐnyǒ.

¹¹ Té légbí mè ó sòkò, díbí nǐpí tǔmí mó me pò yǐn tǔ péwò mé-òsah gbò yah sòkò. Nnì-á tǒ péle Sesarì kwil, pè pò péwò tyí. ¹² Té Liyel Mirki me yo péwò tyí ne, pé sòkò péle, pé káh tǔtò pì. Pé yǐnpyé nǐpí kénúkò nónó-á yò, pépi me pé sǒ tǔ à yuku Sesarì kwil. Pé pól kyí de Kòrney gbò sòkò. ¹³ Képah sòkò, Kòrney tǒ mó yo pé tyí ne, páh sǒ me pé gbò sòkò, té yǐnyǒ tǔnpi yó wil mò pé yah, té yo pé tyí ne òkě, pé ney tekì n mò Nsyope kwil. Tě kyí Simo tǔ n pò, nê-á pè n ye Pyerìle. ¹⁴ Wǎh kú pò welò yísyó yo pé tyí, nónó-á kú pé pwah mò ànê pé gbò tǎn pólle. ¹⁵ Kòrney-á képah yo te sě péwò Pyerì tyí, té pé fyò tyah à tyile n yo pé tyí, Liyel Mirki tiki Kòrneyi tǒ yǒ, sǒ-á lésò kè tiki pépi yǒ ké tyah gbíne. ¹⁶ Kǎh pì sě, péwò dyò to kǒ Tě ògbě Yesu wey mè tyíle, wǎh nê yo ne òkě: «Nsyǒ névye wel wilki ni sòkò, òte yépi tǔ wòle, Liyel kú yé tǒ sah ò Mirkile kú yé pì yályál.» ¹⁷ Òte pépi-á sě Tě ògbě Yesu Krìsta yǒ, té Liyel me ò Mirki nêne pépi kǒ, wǎh fyò kéle no nǒpi tǒ kǒ te pépi tyí kǒle, nê se péwòle kú fě Liyel tir yah kǒ nì? ¹⁸ Képah sòkò, névye-á welò nǒpi noh sě, pé pól vì,

té Liyel yinne n gbilki me n yo ne, Liyel-á ntyíno ké wěkile névyé to kō nónó náh pì Nsyifunole, pé kú fě pé nno vi mo, kú tyé-ńkě min we dé!

Antyosyi kwil Yesu yō sěpú ònkìle

¹⁹ Yetyēni ko mo gbíne, pé sò me Yesu yō sěpúle n fōh. Képah ye, pé to karkú. Pé tókú soko Fenisi gběnyah, tókú soko Syipri gběnyah, tókú me soko Antyosyi kwil. Té pé náh sò me Yesu tyíle n yo ònì yó òtē tyí, né Nsyifunò ó tyí náh. ²⁰ Nte tókú sò me pé soko, nónó-á n wil Syipri gběnyah soko ànê Sireni kwil. Pépi-á pò Antyosyi soko, pé sò me Nìvìni tìrle n yo no téló* to tyí Tě ògbě Yesu tyí soko. ²¹ Té Tě ògbě sò me tēnwenole péle n kō. Káh pì sě, névyé nahnáh vi mo Tě ògbě Yesu wěkì yō, à pì ò yō sěpúle. ²² Képah tēne, Yerusalemi Yesu yō sěpú ònkì-á képah noh sě, pé Barnabasí tekú mo Antyosyi soko. ²³⁻²⁴ Barnabasíle, népépěy ye lésò òne. Liyel Mirki sò me à toko, ànê Liyel yō sěno me ò soko kègbile. Képah ye, wáh kyí yini tē, té Liyel pèpòrú pínó we nénpó Yesu yō sěpú tyí sě, ò nì vi. A me sóré mo pé pól soko ne, pé gbah tē pé wró tel tē Tě ògběne pé nno pólle. Képah tēne, tówù ògbě fě syi sě Tě ògbě Yesu yō. ²⁵ Képah náh, Barnabasí soko Tarsí kwil, Sole yáhnkō-ńsah. ²⁶ Wáh kyí à we, à à tē pò Antyosyi soko. Pé nímí tē à yi vi pól pì nénpó Yesu yō sěpú ònkìle, à névyé nahnáh to we kwò Yesu wěkìle. Nénpó ògbò soko ye pé Yesu tò sáhpú ye Kreyēbìle.

²⁷ Té kéne sèpìn soko, Liyel tēntò syinyopu yísyó wil Yerusalemi kwil, à pò Antyosyi soko. ²⁸ Pé soko núkú yó sò me pé n ye Akabusíle. Té Liyel Mirki gbò yō, òmo yuku kè yo ne ńkě, dō kwéy, kwénpèkè-á kú n de n pì kèkòyó pól soko. Képah pínó pò Klode we, Wrome kwiltām yòtēne. ²⁹ Képah soko, Yesu tò sáhpú kè yah toko, à yíne pé nénúkú núkú pól gbàn yí wénónole ne, páh kú pé gbàn yí yísyó tuke mo, kú tekú mo Yesu yō sěpú kō Nsyude gběnyah soko. ³⁰ Páh kè yah toko sò, pé kè pì sě, té me yí nópìle Barnabasí ànê Sole gbò dahbí, pépi me kyí séle Yesu yō sěpú yah tām kō.

12

Nsyaki kònmòno ànê Pyeri dáhnmònole wòkònpèkè soko

¹ Ké légbí mè soko, yòtē dí Yeròdì tyah Yesu yō sěpú ònkì névyé tókú fòhnóle Yerusalemi kwil. ² A Nsyò nénkyí dí Nsyaki ko mo kèkìrkìle. ³ Té wáh kè we yí mè no Nsyifunò tyí sě, à tō Pyeri to tē. Légbí pò yíne Nsyifunò búrn sě-ńkě syáh syáhnóle. ⁴ Wáh Pyeri tē sě, à me à dah mo wòkònpèkè soko, té sràsyíbì nēpì òyēh ònkìnó nýáh névyé kō pé wēne n sah, à òne n syíkú. A sò me ké tyí ne, búrn sě-ńkě syáh-à kú soko te, pé à tuke no pól yí yah. ⁵ Pyeri yah sò me víkénóle wòkònpèkè soko, òte Yesu yō sěpú ònkì mó me Liyelle n gbah n ò tyí.

Liyel-á gbìl nê pì, à Pyeri wilki wòkònpèkè soko

⁶ Té sò nê dīndal-á Yeròdì kú Pyeri tuke n pì, ké lékàhne, Pyeri sò me púkúbìnsàhnóle kéló pló nínóle, té me n dō sràsyíbì nēpì nímí wró. Té wòkònpèkè mè syíkípú sò me ké yah, me kéle n syíkú. ⁷ Nte nénpó swò, Tě ògbě yínyò tònpi yó núkú wil mo wòkònpèkè mè soko, ké soko pól piki pèrr. Yínyò tònpi mè me Pyeri mì mì ò gbòpò tyí à à yilki mo, té yo ò tyí ne ńkě, à yuku súú. Képah soko, kéló nòpì núkú kòlì to Pyeri gbàn tyí, à kwe sétáh. ⁸ Képah tēne, yínyò tònpi tō yo ò tyí ne, à ò kō dyí ànê ò lékyēhle. A me kè pì sě. Yínyò tònpi mè tō yo ò tyí ne, à ò fwòmò-ògbě mo, à mó pé sò tē.

* **11:20** 11.20 Yah n te Welò yah yónó soko, nýāh-á Krekú tyíle n yo.

⁹ Pyeri me n sò tē, à wil. Té yínyō tònpi-á tyi nónóne n pi, Pyeri náh sò me sē sé yō ne gblo-á séle. A sò we ne dékí-á pé n do. ¹⁰ Pè wòkònpèkè syíkí-ńsah gben kal soko, té ké ní-ò tó kal soko, té kyi syi vyori wùkah gbíní tyí. Képah yah sò me mónóle kwil niyó òfinne. Ké tó núkú yiki mọ ké gblōy. Pè me wil à wèkì tē n yuku. Dó, Pyeri núkú yínyō tònpi mē yah kwlo. ¹¹ Képah soko, Pyeri yah pyē pi kyòo yí mēne. A me ne núkúnúkú, páh pyē kè pī yíi ne, Tē ñgbē-á tō n yínyō tònpile à pọ pé pwah mọ wilki Yerodí gbò ànē Nsyifunọ-á sò me pèl nónóne n syiki ne, sè péwọ nọ. ¹² Té Nsyō nê-á pè n ye Markile, Pyeri-á n fọkọ sò yah, à soko ñmọ yú Mari gbô. Nírí rípú náhnáh sò me tuke mọ tē nénpó, me Liyelle n ni. ¹³ Té Pyeri-á pọ gbô yah mi, tònpi pípír yó me pè n ye Wrodele, ñmọ me nọ de kéle, té pikínyahnọ pi ne, nê se ni? ¹⁴ Képah soko, Pyeri-á yo mọ, à ñ yí pī. Ké ñivìnì tē tyí, à pyē gbô yah sah yíkínmọ-ńkēne té n syi to kyi kè yo no téló tyí ne ńkē, Pyeri-á me yíntēnóle gbô yah. ¹⁵ Nte pè pyē ne, pípír yògbèkè-á yuku. Té wáh me kéle n gbah n yo ne gbí-á pé n yo, pè tō ne ńkē, Pyeri mírki-á kú nê à we. ¹⁶ Nte Pyeri wọ mó me wùkahle n tō n mi sē. Képah soko, páh pópó pọ wùkah yiki mọ, pè kè we kè pi ñmọle nítyíno. Kè pi pé tyí gbèndùnne. ¹⁷ Pyeri me n gbò pi mọ pé tyí ne, pè pé vyēy vike. Té Liyel-á à yohni mọ dukù nēne à kò à wil wòkònpèkè soko, à de ké soko à kè yáh pé tyí. Té yo pé tyí ne ńkē, pè kyi kè yáh Nsyaki ànē pé yúnpyé Yesu yó sēpú téló tyí. Képah náh, à pyē wil soko fí yó. ¹⁸ Nte tyah-á pọ dal, srásyíbi fọkọ fil Pyeri tyíle. Képah soko, pè wēne n piki n yah ne, ñ tyí se pi sò ni? ¹⁹ Képah tēne, Yerodí pè kò pè mi de Pyeri sóhnkōno soko. Nte pè náh à we. Káh pi sē, à me wòkònpèkè syíkípi yé pọ piki yah, té ne, pè pè ko mọ. Képah náh, Yerodí wil Nsyude gbēnyah soko à kyi sèpìn yísyó pi Sesari kwil.

Yòtē dí Yerodí kúnóle

²⁰ Tiri kwil ànē Sidō kwil tǎn-á sò me gbēnyah nê soko, ké yōke lésō me n wil yòtē dí Yerodí gbēnyah soko. Té yékâb-á pọ we pé wró ànē Yerodile, Yerodí fọkọ kah vyáh péle. Káh pi sē, pépi me yo sah núkú yō ne, páh kú kyi wil Yerodí tyí. Képah yinne, pè kyi pé sōno pi núkúle ànē Yerodí sē-ńsah wòkò yòtēne, nê-á pè n ye Blasitusile, ne pé kyi yégbèkè kwrónmọno yah kò Yerodí tyí. ²¹ Páh gbìyìkì nê yah tọkọ, ké lésō-á nọ, Yerodí n yòtōrí flo mọ pọ kò tē n yòtōrí kò yō, à tyah wey yóle n yo tówú tyí. ²² Képah tēne, névyé tyah n gbo mọ ne, névi tē wọ náh n wẹki yò dé, Liyel-á! ²³ Képah soko, Yerodí-á sǎnpí gbilkínó mē fē syi, nê-á sò yīne sàhnóle Liyel yō, Tē ñgbē yínyō tònpi yó núkú à mi, kẹfyō me gbo ñ soko, à à yó ko.

²⁴ Nte Liyel wey sò me n gbah n tō mọ n yuku óle. ²⁵ Té Barnabasí ànē Sole wọ-á pé tō pi te Yerusalemi kwil,* pè Nsyō-Markí tē pé syi soko Antyosyi kwil.

13

Barnabasí ànē Sole tékínmọnole Liyel tò soko

¹ Liyel tēntò syínyopu ànē névyé kwópú sò me Antyosyi kwil Yesu yó sēpú ònkì soko: Barnabasí sò me, ànē Solele, ànē Simeyòle, nê-á pè n ye Dísyíkèyne, ànē Sireni kwil Lusiyusile, à tahlí Manayē tyí, ñmọ nê-á sò kòri pi wē tyí Kalile gbēnyah yòtē dí Yerodile. ² Sò yóle, páh me níkì tē, té me Tē ñgbē Liyelle n ni gbí nēne, n Mirki yo pé tyí ne: «Yé Barnabasí ànē Sole wilki pé tyíle. Pè kú tō pi, nê yín-á mé n ye péle.»

* 12:25 12.25 - Yah n te 11.27-30.

³ Képah sɔkɔ, pɛ níkì tẽ,* à nírí pɪ pé tyí à pé gbàñ sah pé yõ, té pyè pɛ fin mɔ pɛ sɔkɔ.

Barnabasí ànê Sole Liyel wey yónóle Syipri sɔkɔ

⁴ Liyel Mirki-á Barnabasí ànê Sole tɛkɪ mɔ tò sɔkɔ sɛ, pɛ mɛ tiki yuku à kyɪ de Selesi kwil. Té de krótókè ñgbɛ yó sɔkɔ nɛnpó, nɛ páh n yuku gbɛnyah yó sɔkɔ pɛ n ye Syiprile, pɛ yɔ n yó. ⁵ Páh yíni tẽ ké kwil yó sɔkɔ pɛ n ye Salaminine, pɛ tyah Liyel weyne n yo Nsyifunɔ Liyel ní-ńtàn vɪ sɔkɔ. Té Nsyõ-Markɪ tɔ sò mɛ péle, pé yohnɪ n mɔ yinne.

⁶ Pɛ mɛ Syipri mɛ kan kɔ kah, à kyɪ de ké kwil yó sɔkɔ pɛ n ye Pafɔsɪle. Pɛ kyɪ Nsyifunɔ sɛnpɪ dí yó yohnɪ, nê-á pɛ n ye Bar-Yesule. Nmɔ sò mɛ ñ gblɔyne n pɪ Liyel tɛntò syinyo-òle. ⁷ Té à sò mɛ wɛ tyí ànê Syipri yah tẽ-ò dí Serisyusi Polusile, ñmɔ nê-á lésò lékám névile. Té Liyel wey noh dékè sò mɛ Serisyusi Polusi tẽ. Képah ye, à pɛ kɔ pɛ kyɪ Barnabasí ànê Sole ye. ⁸ Nte sɛnpɪ dí Bar-Yesule, pɛ tɔ sò ñne n ye Yelimasɪle Krekɪ wey sɔkɔ. Nmɔ sò mɛ Barnabasí ànê Solele n fwo. A sò mɛ n yah n kɔ Syipri yah tẽ-ò dí yíninmɔ-ńsahle, nɛ à káh sɛ Yesu yõ. ⁹ Képah sɔkɔ, Sole nê-á tɔ pɛ n ye Polele,† Liyel Mirki à tɔkɔ, à mɛ sɛnpɪ dí yah díkídíkí, ¹⁰ té yo ñ tyí nɛ: «Áwɔ nê-á lékámkám ànê yínvɪ ó á tɔ́, sétàn yòtɛ névi mɛ; gblɔ wál pól sépɛle áwɔle, Tɛ ñgbɛ wál tómtóm fɛkínó yal mɔ dé! ¹¹ Núkúnúkú tɛne, Liyel gbò kɪ sah á wil. Á kɪ pɪ yítũne wró yó sɔkɔ, á náh tɔ gbɪ kyòò we n pi.» Képah yóntɛno ñsò, ñ yí núkú wɔ, à ñ gblɔy we fɛntũ sɔkɔ, té tyah n kɔ n kore n vi n kɔ, à neyne n yah n kɔ ñ gbò sɔkɔ tẽ tẽ tɛne. ¹² Képah sɔkɔ, Syipri yah tẽ-ò dí-á Liyel tyí-ñgbnɔ pínó we, té kwónó nê noh, sè ñ nɪ tẽ. Káh pɪ sɛ, à sɛ Tɛ ñgbɛ Yesu yõ.

Pole ànê Barnabasí-á kwónó nê pɪ Antyɔsyɪ kwil, Pisidi gbɛnyah sɔkɔ

¹³ Képah náh, Pole ànê ñ kómú de krótókè ñgbɛ sɔkɔ, à yal Pafɔsɪ kwil, té yuku Pɛrsyɪ kwil, Pánfili gbɛnyah sɔkɔ. Páh mɛ nɛnpó, Nsyõ ñ gbɛ wil pé sɔkɔ, à ñ syɪ yuku Yerusalemɪ kwil. ¹⁴ Nte Polepi tẽ wɔ mó yal Pɛrsyɪ kwil, à yõ sɔkɔ pé kólóle, pópó à kyɪ de Antyɔsyɪ kwil, Pisidi gbɛnyah sɔkɔ.‡ Té Nsyifunɔ mɪ mɪ yòh sɔ-á pɔ nɔ, pɛ kyɪ de kɔ tẽ péle pé Liyel ní-ńsah wòkò sɔkɔ. ¹⁵ Képah tɛne, ñnɪ yó mɛ tyi kònsàhnó ànê Liyel tɛntò syinyopu sébéynó tántànnó yísyó kar. Wáh kar tɛ, Liyel ní-ńsah wòkò yah tã mɛ pɛ kɔ pɛ yo Polepi tyí nɛ, pé no, wɛlɔ yísyó-à kɪ mɛ pé tyí sóré mɔ mɔ tɛne tówú sɔkɔ, ké wɛkì-á mɛ pé tyí. ¹⁶ Képah sɔkɔ, Pole mɛ yuku yin, té ñ gbò pɪ mɔ no tyí nɛ, pɛ noh pé tyí yò. Té yo pé tyí nɛ: «Yisrayel tã, à tahlɪ nónó-á Nsyifunɔ náh péle, té mɛ Liyel yah tikile n pɪ, yé nóhnó pɪ ñ tyí. ¹⁷ Ápɪ Yisrayel tã Liyelle, à ápɪ náh tã yah wilki. A tɔ Yisrayel tã pɪ dò, gbí nê-á sò pɛ mɛ Yesyipti gbɛnyah sɔkɔ; té tɔ ñ tɛnwenɔle pɛ wilki ké sɔkɔ. ¹⁸ Té à pɛ pu\$ gbɛnnɪ sɔkɔ pópó ye tikinini kénkòle. ¹⁹ Képah náh, à yìkìñínó kwárninɔ névye ko mɔ, à pé duku to Kanah gbɛnyah sɔkɔ, té pé sétáhle Yisrayel tã kɔ gbɛkɪle. ²⁰ Tyi nópi pól-á pópó n pɪ n tɛ, kè nɔ ye kyeyéh tikinini pó gbãm (450) kénkòle. Képah náh, á náh tã sɔkɔ ye Liyel n wilki á vyãh syípúle, pópó à pɔ nɔ Liyel tɛntò syinyo-ò Samuyelɪ gbɪ tyí. ²¹ Té sò yóle, pɛ mɛ kè

* **13:3** 13.3 - Níkì tɛnó duke mɛ dò. Té Nsyifunɔ tẽ wɔ tyí, páh níkì tẽ, ké kanne, pé nine n wɔ, té pé náh yòkɛle n yõ. † **13:9** 13.9 - Solele, Nsyifunɔ ye n ye ñne sɛ, té Wrome tã mɛ ñne n ye Polele. ‡ **13:14** 11.19 - Antyɔsyɪnɔ sò mɛ nínó. Núkú sò mɛ Pisidi gbɛnyah sɔkɔ, ní-ò mɛ Siri gbɛnyah sɔkɔ. Nte Siri gbɛnyah Antyɔsyɪ sɔkɔ ye sò pé kólól mɛ tyah. Yah n tɛ Tyípini 13.1-4. § **13:18** 13.18 - Púnó nê tyí-á n yo ásò sɔkɔ yò, yòkɛ ó náh sò Liyel péle n kɔ. A sò mɛ pɛ nɛ n gbɛ, à n tɔ n sah n pɪ pé tyí.

yah kǒ Liyel tyí ne, páh me yǒtǔ yó tyí. Képah sǒkǒ, Liyel me Kisi pídí Sawuli pí pé yǒtǔne, pópó ye tikinini. Té Sawulile, Běnsyame yìkì ney ye sǒ òne. ²² Nte Liyel-á pǒ òmǒ milki gbí nēne, à me Davidi pí pé yǒtǔne. Davidi tyí sǒkǒ ye lésǒ Liyel yo ne òkǔ: <Mé wil mǒ ní dyǒ yǐ ney yǒ, òmǒ nē-á Nsyese pídí Davidile. A kǐ ní dyǒ yǐ tyi pól pí dal mǒ palle.> ²³ Liyel ye lésǒ ò vyǎhle Davidi kǒ ne, Yisrayel pwáhnǒ-ò-á kǐ dubi òmǒ pǐtóbé sǒkǒ. Kéne pwáhnǒ-ò ye pǒ pí Yesule. ²⁴ Té Yesu-á pópó n pí, wèlnwìlkì-ò Nsyǒ ye yo Yisrayel tǎn pól tyí ne, pè pé nǒ vi mǒ, pè mó wèlnwìlkínó we. ²⁵ Nte Nsyǒ tò-á pópó pǒ n tye, à me n yo névyé tyí ne òkǔ: <Yépi tǔ sǒnǒ sǒkǒ, nē me òmǒle? Yé káh we ne, pwáhnǒ-ò nē pónó-á yé sykǐ tǔ, òmǒ-á òmǒle dé! Nte yé yah, à me n kne pǒ-nsah. Té òmǒ n tǔ fǒrǒ kah ò lékyèh fyé dénóle ò gbyèh sǒkǒ.>»

²⁶ Képah nǎh, Pole tǒ ne: «Á no, yépi nónó-á Abrahami pǐtóbéle, à tǎh Liyel yah tiki pípú pól tyí, pwáhnǒmǒ wey mǔ ye tekǐ mǒ ápi pól yinne. ²⁷ Nte Yerusalemi tǎn ànǔ pé yǒtǎm nǎh lésǒ pí ne, Yesu-á pwáhnǒ-òle. Té Liyel tǔntǒ syínyopu wǔlǒ nónó-á n kar pé tyí Nsyifunǒ mǐ mǐ yòh sǒnǒ pǒlle, pè nǎh sé yǒ pí. Kéne wǔlǒ tyi yónó ye lésǒ pè pí dal mǒ, páh lékǎhle Yesu kǒ. ²⁸ Pè nǎh Yesu tyípíní yó n tǔ we, nē-á yǐne ò kònmǒle. Nte pè kè yah kǒ Pilati tyí ne, à à ko mǒ. ²⁹ Té Liyel wey-á tyi nónó pól yo Yesu tyí sǒkǒ, páh pǒ sè pí dal mǒ tǔ gbí nēne, pè ò lékó tiki mǒ to dahni yǒ, té kyǐ à yǐ diki yó sǒkǒ. ³⁰ Nte Liyel me ò lékó yilki mǒ. ³¹ Képah nǎh, névyé nónó-á lésǒ ò sǒ tǔ yal Kalile gběnyah, à dǒkǒ yuku òne Yerusalemi kwil, à ò gblǒyne pépi wǔkǐ sèpǐn nǎhnǎh sǒkǒ. Kéne névyé nǒpi ye me ò tyi yónwǎhpu kègblǒle Yisrayel tǎn yah núkúnúkú yǒ.

³² Nte ápile, Nìvìnì tir ye ápi tǒ n yo yé tyí yǒ ne òkǔ: Liyel-á ò vyǎhle á nǎh tǎn kǒ nē tyí yǒ, ³³ képah-á à pí dal mǒ ápi tyí, ápi nónó-á pí pé wǔnpǐle. Wǎh Yesule á kǒ, à yǐne kǎh wǎrkǐ sah sǒ Gbálnó sébéy yìkì ní-ò sǒkǒ ne òkǔ:

<Nmǒ Pídí ye ále;

à tǒkǒ kwey tyí, òmǒ ye á Súle.>*

³⁴ Liyel ye lésǒ kwǎh tǔ kè yo sah ne òkǔ, Yesu-à pǒ ku, à nǎh n pyǎh n pí. Páh kǐ ò lékó yilki mǒ. A tǒ lésǒ kè yo dal mǒ ne òkǔ:

<Máh lésǒ ní vyǎhle Davidi kǒ nē tyí sǒkǒ,
mé kǐ kè pí yé tyí, kǐ sǎm mǒ yé sǒkǒ,
tir yó nǎh ké òkǔ ku n pí.>†

³⁵ Képah ye Davidi yo fǐ yó sǒkǒ ne òkǔ:

<Á nǎh n ye á tǒnpi pèpey lékó kǒ
kè n pyǎh n pí.>‡

³⁶ Nte Davidi tǔ wǒ gbí sǒkǒ, à Liyel tò pí ké wǔkǐ yǒ. Képah nǎh, à me ku pè kǒ pè yǐ ò nǎh tǎn lékyì tǒ, ò tǒ lékó me pyǎh. ³⁷ Nte Liyel ye Yesu lékó yilki mǒ. Nmǒ lékó tǔ wǒ nǎh pyǎh dé! ³⁸ Á no, yé pí ne, òmǒ Yesu gbǒ yǒ-á tyípèl yǒnmǒnǒ tyí we yo yé tyí dé! Moyisi tyi kònsàhnǒ nǎh tǔ we yé yǒ wilki tyípèl nónó sǒkǒ, ³⁹ névi nē-à sǔ Yesu yǒ, tǔ yǒ kǐ wil sé pól sǒkǒ, à kǐ fǔ nǒ de Liyelle.

⁴⁰ Képah ye, yé kyòmìnó pí, yé káh pǒ Liyel wey mǔ yahle. Képah-à pí-òkǔne, Liyel tǔntǒ syínyopu-á tir nē yo sah, kè kǐ pǒ yé yǐni tǔ. Pè lésǒ ne òkǔ:

⁴¹ <Yé yah, wènyìkì wékípú nǒpi,
yé ne me gběndùnì sǒkǒ, yé mó ku tǔ yǒ!
Máh kǐ pǒ nē pí n pí yé sǒkǒ, té kǐ yé sah min sǒkǒ;

* 13:33 13.33 - Yah n te Gbálnó 2.7. † 13:34 13.34 - Yah n te Yesayi 55.3. ‡ 13:35 13.35 - Yah n te Gbálnó 16.10.

névi-à sǒ sǒ pɔ kéle n yāh yé tyí,
yé nāh n sē n pi ké yō.»§

⁴² Sépi yóntenɔ nāh, Pole ànê Barnabası-á n wil Liyel ní-ńsah wòkò sòkò gbí nêne, no tyah péle n ni ne, mi mi yòh kèyǎhle, pè tǒ pɔ pé syı pé wey mè ó yō. ⁴³ Képah nāh, tówû-á pɔ karkı gbí nêne, névyé nāhnāh Pole ànê Barnabası sǒ tē. Nsyifunɔ ye sǒ, à tahlı névyé tyí, nónó-á vi mɔ de Nsyifunɔ Liyel nínó wěkì sòkò. Té Pole ànê Barnabası sǒ me n yāh péle, à pé sǒnɔle n vi n mɔ ne, Liyel-á pèpɔrı nê pi pé tyí, pè ké tēnó ple.

Pole ànê Barnabası Liyel wey yónóle névyé tyí, nónó nāh pi Nsyifunɔle

⁴⁴ Képah sòkò, Nsyifunɔ mi mi yòh kèyǎh-á vi pɔ, kwil névyé kan pɔ tuke mɔ Liyel wey noh yīnne. ⁴⁵ Nsyifunɔ-á kéne tówû we sē, dyóyókì de pé sòkò kèpékèyô. Pè tyah Pole weyne n kǒli, à ké tyile n yo n yıki. ⁴⁶ Képah sòkò, Pole ànê Barnabası kè yo nìsǎhle pé tyí ne: «Yépi ñgbò tyí ye Liyel wey sǒ yīne kè yo. Nte yāh fyò kè yahle, té kè wěki ne yé nāh yīne tyé-ńkē min wénóle, kǎh pi sē, ápi kı á yah mɔ névyé tīnne núkúnúkú, nónó nāh pi Nsyifunɔle. ⁴⁷ Tē ñgbē Liyel-á nê yo, képah ye á n pi dò. A kè yo ne ńkē:

«Mé ye ñ sah ne á pi kyòole névyé tyí, nónó nāh pi Nsyifunɔle,
á mó kyı pwáhnmonɔ wey yo
kèkōyó pól sòkò.»*

⁴⁸ Képah sòkò, nónó nāh pi Nsyifunɔle, pǎh welɔ nópi noh sē, pé ni vi, pè tyah Tē ñgbē Liyel weyne n gbilki. Té névyé nónó pól-á sǒ yīne tyé-ńkē min wénóle, pé pól sē Tē ñgbē yō.

⁴⁹ Liyel wey núkú tǒ mɔ kéne gběnyah tǎntǎn pól sòkò. ⁵⁰ Té syó né-ñgbnɔ yısyó sǒ me, nónó-á me Nsyifunɔ Liyel wěkìle n kò. Kǎh pi sē, Nsyifunɔ me pépi ànê kwil né-ñgbnɔ yısyó kurki mɔ Pole ànê Barnabası yō. Pè me tyah Polepile n fǒh, té pè yīni yal pé sétáh yō. ⁵¹ Pǎh mó n wil kéne kwil, pè pé gbyêh nèngbō kwer kwe ké sòkò, té sòkò Yikonyumi kwil. ⁵² Nte Antyɔsyı kwil Yesu tò sǎhpú tē wɔ sǒ me nìvìnì ñgbē sòkò, té Liyel Mirki me pè tòkò.

14

Pole ànê Barnabası Liyel wey yónóle Yikonyumi kwil

¹ Képah sòkò, Pole ànê Barnabası-á yīni tē Yikonyumi kwil, pè tǒ de yuku Nsyifunɔ Liyel ní-ńsah wòkò sòkò. Té tyah Liyel weyne n yo, fóó Nsyifunɔ ànê nónó nāh pi Nsyifunɔle, pé nāhnāh vi mɔ pi Yesu yō sēpúle. ² Nte Nsyifunɔ sòkò nónó-á sǒ yahle sēnóle Yesu wey yō, pépi nékǎhbí kurki mɔ Yesu yō sēpú yō. ³ Nte képah fyé yō, Pole ànê Barnabası tǒ tē à mo Yikonyumi sòkò. Pé gbò sǎhnyīnɔ sǒ me Tē ñgbē yō pè kǒ pè n weki nìsǎhle. Té à sǒ me pé yah tē pè kǒ pè gbil tyile n pi, gbil nónó-á n wěki ne, pǎh welɔ nónónne n yo Liyel pèpɔrı pínó tyí sòkò, gblo-á séle. ⁴ Nte kwil névyé gbekı. Pé tókú sǒ me mɔ Nsyifunɔle, tókú mó me mɔ Yesu tēntò névyele. ⁵ Képah sòkò, Nsyifunɔ ànê nónó nāh pi Nsyifunɔle, à tahlı pé yǒtǎmnó tyí, pè wē tyí mɔ ne, pé Pole ànê Barnabası fǒh, pé mó pè minki ko dyêhle. ⁶ Nte Pole ànê Barnabası-á pɔ pī ké sòkò, pè to sòkò Lisitir kwil, ànê Derıbi kwil, ànê sé gbòplo kwlo sòkò, Likawoni gběnyah. ⁷ Té yō sòkò, à Nìvìnì tirlé n yo n kǒ nénpó.

§ 13:41 13.41 - Yah n te Yabakuki 1.5. * 13:47 13.47 - Yah n te Yesayi 49.6.

Sèkùkù dí yó dénmonole Lisitir kwil

⁸ Té dí yó lésò me Lisitir kwil, gbyêhne kúnóle. A sò dubi sèkùkùle, à náh tẽ we ko yah. ⁹ Té sò yóle, Pole-á n wèkí, kéne dí sò me ò weyne n nohní. Képah tẽne, Pole tyah díne n yah díkídíkí. Té wáh kè we ne Liyel yó sɛnó-á me dí mè tyí kú fě dénmonole we Liyel tyí, ¹⁰ à yo ò tyí yínpɔ̀ ògbɛne ne: «Yuku n yín tómm á gbyêh yó!» Képah sòkò, dí núkú yòkò sykú ò gbyêh yó, à tyah n ko.

¹¹ Tówú-á képah tẽ pínó we sɛ Pole tyí, pè tyah n yo wòhòh Likawoni tãn wey sòkò ne òkɛ, tãn-á sé viri pí névyele à tiki pò pé wró dé! ¹² Képah sòkò, pè tò nê-á pè n ye Nsewusile, pè képah yín dyí Barnabasí kɔ́. Té wey-á sò me Pole wò gbò sòkò sɛ, pè kèyáh yín dyí òmò kɔ́, nê-á pè n ye Yeremesile. ¹³ Té tò nê-á pè n ye Nsewusile, ké wòkò sò me kwil dé-nsah yah sòkò. Ké lékwén nétɛ dí me nyéhyéni tẽ pò kéne tò wòkò yah ànê yí finɛ.* Té òmò ànê tówú sò me ké tyí ne, pé gbètòh mò Barnabasí ànê Pole yó. ¹⁴ Nte Barnabasí ànê Pole-á képah tẽ noh sɛ, pépi nóno-á Yesu tɛntò névyele, pè pé fwòmòlò yorí tokí yèkworí tẽ tyí, té to de tówú nuyó me yo tũ yínpɔ̀ ògbɛne ne: ¹⁵ «Á no, sò me té yé képahle n pí? Névyele ye ápi tɔle, yépi tyí kòle dò! Nìvìnì tir ye á pò yó-nsah yé tyí ne, yé yó kɛ fal fal tãn nópi milki, yé mó vi mò Liyel wèkí tẽ, òmò nê-á min nétɛne. Nmò ye mò yínyòle, ànê sétáhlɛ, ànê pne yòle, à tahlí sé sòkò yíyìn pól tyí. ¹⁶ Ngbòle, Liyel mè ye sò ye kwlo kwlo névyele pól kɔ́ pè n ko pé dyò dyò wál yó. ¹⁷ Nte à me ò gblɔ́y dùkùle n wèkí sɛ gbímegbí ò pèpòrì pínó sòkò. A me pùne n pí n mò yéle n kɔ́ à n wil yínyò, té yé sèemukò kɔ́ sè n pekí, té yòke náhnáhlɛ yéle n kɔ́ ànê nìvìnìne.» ¹⁸ Nte welò nópi fyé yónó yó, Yesu tɛntò névyele yah vyáh tówú yíninmò-nsah ne, pè káh gbètòh mò pé yó.

¹⁹ Ké légbí sòkò, Nsyifunò yísyó wil Antyosyí kwil, Pisidi gbɛnyah, ànê Yikonyumi kwil, à pò nɛnpó. Pépi pò tówú vi tẽ mò Polepi yó, pè kɔ́ pè yuku Polele n minkí dyèhlɛ ne páh òne n min n ko. Képah náh, pè à yorí wilki sah kwil náh tìnne, té me n sò ne wáh ku. ²⁰ Nte Yesu tò sáhpú-á pò tuke mò ò tnò, à à mò gbí gbí nêne, à me yuku té de kwil sòkò. Té ké òndalle, à sòkò ànê Barnabasile Deríbí kwil.

Pole ànê Barnabasí syínyukunole Siri gbɛnyah sòkò

²¹ Képah tẽne, páh kyí yíni tẽ Deríbí kwil, pè Nìvìnì tir yo nɛnpó tãn tyí. Pé náhnáh me sɛ Yesu yó, à pí ò tò sáhpúle. Képah náh, Polepi pé syí syó Lisitir kwille, ànê Yikonyumi kwille, à kyí de Antyosyí kwil, Pisidi gbɛnyah sòkò. ²² Té nìsáh ànê sóré ye sò pè n mò n kɔ́ Yesu tò sáhpú sòkò ne, pè gbah n tẽ pé sòno sah yíí Yesu yó gbímegbí. Pè sò me n yo pé tyí ne òkɛ, yèvyáhrí náhnáh dénwílnó sòkò-á pé kí de Liyel tórí mé-nsah sòkò. ²³ Té Yesu yó sɛpú tìnkinó nóno-á sò me kwlo nópi pól sòkò, Polepi sò yah tãm yísyó yah wilki sé sòkò, à sah sé yó. Té níkí tẽ à nírí pí pé tyí, à pè dahbí Tẽ ògbɛ Yesu gbò, páh sɛ òmò nê yó.

²⁴ Képah náh, pè Pisidi gbɛnyah kò kah, à kyí de Pánfli gbɛnyah sòkò. ²⁵ Nɛnpó sòkò, pè Liyel wey yo Persyí kwil tãn tyí, té pyé yuku Atali kwil. ²⁶ Páh n yal nɛnpó, pè de krótókè ògbɛ sòkò, à yuku Antyosyí kwil, Siri gbɛnyah sòkò. Kéne kwil sòkò ye sò pè pè dahbí Liyel gbò sòkò, tò mè pí yinne, nê-á pè pí te yò. ²⁷ Páh yíni tẽ Antyosyí sòkò, pè Yesu yó sɛpú tìnkí ye tuke. Té Liyel-á pé yah tẽ, à ò tò pí dùkù nêne, pè kè yáh

* **14:13** 14.13 - Névyele náhnáh tẽ sòno sòkò, nyéhyéni nópi sò me kóhnmòle yí fi nópile.

pé tyí; à tahlı wăh ñ yõ sě́nó wě̀kì yı̀kì mọ́ névye tọ kǒ sǒ, nónó náh pı Nsyifunọ́e.
 28 Képah náh, Polepi tẹ́ péle Antyoṣyı́ sọ̀kọ́, à mo.

15

Yékâb dénóle

¹ Képah tẹ́ne, díbí yísyó wil Nsyude gběnyah, à pọ́ Antyoṣyı́ kwil sọ̀kọ́. Té pọ́ tyah Yesu yõ sě́púle n kwọ́ ne ńkě́, né pè náh kòkè kǒ sǒ-á Moyisi tyi kònsàhnó kè yo sah, pè náh fě́ pwáhnmọ́nọ́ we n pi. ² Nte Pole ànê Barnabası́ náh fě́ syı́. Kăh pı sě́, yékâb ñgbě́ de pépi ànê díbí nópi wró. Képah sọ̀kọ́, kè yah tokọ́ ne Pole, ànê Barnabası́, ànê pépi tókù-á kı́ dọ̀kọ́ yuku Yerusalemı́ kwil. Păh kı́ kyı́ wil Yesu tẹ́ntò névye ànê Yesu yõ sě́pú yah tām tyí, pè yĩ mề yah wah. ³ Té me yòhnìnmọ́nọ́ pı́ Polepi tyí kéné kóló mề yinne. Polepi-á n sọ̀kọ́, pè syõ sọ̀kọ́ Fenisi gběnyah ànê Samari gběnyah sọ̀kọ́, me névye tyíle n yăh pé tyí, nónó-á vi mọ́ Liyel wě̀kì tẹ́, té Nsyifunọ́ náh péle. Kè pı́ ñivìni ñgbě́ne Yesu yõ sě́pú pól tyí. ⁴ Păh kyı́ yĩni tẹ́ Yerusalemı́ kwil, Yesu yõ sě́pú, ànê pé yah tām, ànê Yesu tẹ́ntò névye me pè tẹ́ palle. Képah sọ̀kọ́, Liyel-á Polepi yah tẹ́ pè ñ tọ́ pı́ dükù nêne, Polepi kè yăh pé tyí.

⁵ Nte Farisiyě́ névye nónó-á vi mọ́ pı́ Yesu yõ sě́púle, pépi tókù yuku tyah n yo ne ńkě́, nónó-á sě́ Yesu yõ, té Nsyifunọ́ náh péle, păh yĩne pè kòkè kǒ; ànê păh yĩne kyĩnmọ́nọ́le pè Moyisi tyi kònsàhnóle ne n pi. ⁶ Képah tẹ́ sọ̀kọ́, Yesu tẹ́ntò névye ànê Yesu yõ sě́pú yah tām wě́ we yĩ mề tyí sọ̀kọ́, à kè yah wě́ tyí.

⁷ Kè sò pı́ yĩ́ yékâb ñgbě́ne pé wró, fọ́ọ́ Pyerı́ pọ́ yuku yĩn, té yo pé tyí ne ńkě́: «Ñ yúnpyé, yépi ntě́ se kè pĩ́ ne Liyel-á nmo yah wilki yé sọ̀kọ́ di mónóle té! A ne mé Ñivìni tir yo névye tyí, nónó náh pı́ Nsyifunọ́e, pè kǒ pè kè we noh, pè mó sě́ Yesu yõ. ⁸ Nte Liyel nê-á névye fọ̀kọ́ sọ́nọ́le n pne, ñmọ́ ye ñ Mirkile pè kǒ, sǒ-á lésó à kéle ápi tọ́ kǒ, à kè wě̀kì ne páh pépi tọ́ fě́ syı́. ⁹ A náh wăhkì pı́ ápi ànê pépi wró. Păh sě́ ñ yõ, képah ye à pé nno tǒ sah. ¹⁰ Té núkúnúkú, sǒ pı́ té yé Liyel vyăh sòle n noh, à tókópèlle n sah Yesu yõ sě́pú yõ, nónó-á ápi náh tăn ànê ápi ntě́ náh tẹ́ we sè twah yah? ¹¹ Nte ápi sě́ ké yõ ne áyáh pwáhnmọ́nọ́ we Tẹ́ ñgbě́ Yesu pẹ̀pọ́rı́ gbò yõ, no nópi tyí kǒle.»

¹² Kăh pı́ sě́, no pól tẹ́ syı́syı́, té pé ní kwọ́ Pole ànê Barnabası́ tyí. Képah sọ̀kọ́, Liyel-á syõ Polepi tyí, à gbıl tyi nónó pı́ névye tyí, nónó náh pı́ Nsyifunọ́e, Polepi sè yăh pé tyí. ¹³ Păh sè yăh te gbí nêne, Nsyakı́ wey tokọ́, té ne ńkě́: «Ñ yúnpyé Nsyifunọ́,* yé noh ní tyí yò. ¹⁴ A pól yĩ́ yah ye Simo-Pyerı́ kè yo ne ńkě́, ñgbò dükù-á Liyel kè yah tokọ́, à nọ́syó yah wilki névye sọ̀kọ́, nónó náh pı́ Nsyifunọ́e, à pı́ ñ nolé. ¹⁵ Té wey mề mó tǒ me yínénóle Liyel tẹ́ntò syínyopu welọ́le. Yé yah, kè me wárkínsàhnóle ne, ¹⁶ Tẹ́ ñgbě́ Liyel-á ne ńkě́:

«Képah náh, mé kı́ ní syı́ pọ́ Davidi kéte sóno tǒ mọ́.

Mé kı́ ñ kéntikini tǒ mọ́ kı́ kè yilki palle.

¹⁷ Képah sọ̀kọ́, kèkọ́yó névye téló pól kı́ yuku ńne n yah n kǒ.

Gbı́ yõ, kwlo kwlo névye pól ye kı́ n yah n kǒ n pi ńne,

máh pépi nónó ye ne pè pı́ ní tyíle.»

Sě́ ye Tẹ́ ñgbě́ Liyel yo, ñmọ́ nê-á tyi nópi wě̀kì

¹⁸ di mónóle.†

* 15:13 15.13 - Yúnpyé Nsyifunọ́ nónó tyí-á n yo ásò sọ̀kọ́ yò, pépi pı́ Nsyifunọ́e nónó-á sě́ Yesu yõ. † 15:18 15.16-18 - Yah n te Amọ́sı́ 9.11-12.

¹⁹ Képah yĩnne, ímɔ Nsyaku tẽ sɔnɔ sɔkɔ, névye nónó-á vi mɔ Liyel tyí yõ, té Nsyifunɔ náh péle, á náh yĩne à tyile n tẽ n tah pé tyí. ²⁰ Nte á ye sébéy wārki n tekɪ n mɔ pé tyí ne, pè pé gblɔyne n tẽ sãh fálnó yile, ànê fòfikile, ànê tó kwé-ńkê kwáhkókè kòle, ànê tónne, sè kō sè káh pɔ pè silki. ²¹ Yé yah kè, à tɔkɔ ñgbò òkù tyí, kéne tyi ye ńkẽne Moyisi tyi kònsàhnó sɔkɔ, pè névyele n kwɔ mɪ mɪ yòh sònó pólle kwlo kwlo pól Nsyifunɔ Liyel ní-ńtàn vù sɔkɔ.»

Sébéy tónóle Yesu yõ sěpú tyí, nónó náh pɪ Nsyifunɔle

²² Képah sɔkɔ, Yesu tẽntò névye, ànê Yesu yõ sěpú yah tãm, ànê Yesu yõ sěpú tĩnkĩ pól yo sah núkú yõ ne, páh kɪ nósýó yah wilki pé wró, té kɪ pépi tekɪ mɔ Pole ànê Barnabasɩle Antyɔsyɪ kwil. Képah tẽne, Nsyudasɪ, nê-á pè n ye Barsabasɩle, pè me ñmɔ ànê Silasɪ yah wilki. Pé nímí pólle, névye sò me yòyenne n sah pé yõ. ²³ Pè me tẽntò sébéy yó wārki à dahbɪ pé gbò, nê sɔkɔ-á kè me yónóle ne ńkê: «Á yúnpyé yépi nónó-á Nsyifunɔ náh yéle, té me Antyɔsyɪ, Siri gběnyah sɔkɔ, à tahlɪ Siri gběnyah kwlo téló tyí, ànê Silisi gběnyahle; ápi Yesu tẽntò névye ànê yé yúnpyé Yesu yõ sěpú yah tãm ye n wɛkɪ yé tyí. ²⁴ Á kè noh ne, nósýó-á wil ápi sɔkɔ, à kyɪ pé welɔle yé lékám vye fěkɪ, à yé mɔ sah fókósɔnɔ sɔkɔ. Té ápi náh se mó tō tō péle. ²⁵ Képah ye, á kè yah tɔkɔ wẽ tyí ne, áyáh kɪ névye wilki tekɪ mɔ yé tyí. Pè kɪ n pɔ n pi wẽ tyí ànê á ñgbèkì névye Barnabasɪ ànê Polele, ²⁶ pépi nónó-á pé min mɔ kũ kō Tẽ ñgbě Yesu Krista tò yĩnne. ²⁷ Nsyudasɪ ànê Silasɪ ye á n tekɪ n mɔ yé tyí. Tyi nónó-á á wārki tekɪ mɔ yé tyí, pè kɪ pɔ sè tō yo yé tyí vyãhle. ²⁸ Liyel Mirki ànê ápi ye yah tɔkɔ kéle ne, á káh tō tyi yísýó kō sah yé kō, à wil tyi nópi tyi sɔkɔ yò, sépi nónó-á yĩne pínóle káhkáh: ²⁹ Yé yé gblɔyne n tẽ sãh fálnó kòle, ànê tónne, ànê tó kwé-ńkê kwáhkókè kòle, ànê fòfikì pínóle. Yáh yé gblɔyne n tẽ n yíi sépi pól pínóle, yé me n pɪ ple. Yé tẽnɔ!»

³⁰ Képah náh, pè wěkile tẽntò névye kō pè sɔkɔ à kyɪ de Antyɔsyɪ kwil. Pè kyɪ Yesu yõ sěpú tówú tuke mɔ, té tẽntò sébéy mène pè kō. ³¹ Pãh kè kar, ké sɔkɔ tyíyónó sóre mɔ pé sɔkɔ, kè pɪ ñivìnine pé tyí. ³² Képah sɔkɔ, Nsyudasɪ ànê Silasɪpi tɔ-á sò pɪ Liyel tẽntò syínyopule sě, pépi tyah nole n vi n mɔ, me tyi náhnáhle n yo pé tyí, à sórele n mɔ pé sɔkɔ. ³³ Pãh sèpìn yísýó pɪ nénpó, képah náh, no pè fin mɔ, té wɛkɪ pé tyí ne, pè de lènɔle pé tópu tĩnne. [³⁴ Té Silasɪ wɔ me ne, péwɔ-á kɪ wũ nénpó.] ³⁵ Nte Pole ànê Barnabasɪ tẽ wɔ sò me tẽ Antyɔsyɪ sɔkɔ. Pépi ànê névye náhnáh yísýó sò me nole n kwɔ, té me Tẽ ñgbě Ñivìnì tirlɛ n yo.

Pole ànê Barnabasɪ gbékínóle

³⁶ Sèpìn yísýó-á sɔkɔ sě, Pole yo Barnabasɪ tyí ne, páh Tẽ ñgbě wey yo kō kwlo nónó pól sɔkɔ, à ye pé pé syɪ kyɪ yah pé yúnpyé Yesu yõ sěpú tyí kéne kwlo sɔkɔ, pé tyí-à kɪ me òkù nène. ³⁷ Képah sɔkɔ, Nsyõ nê-á pè n ye Markɩle, Barnabasɪ sò me ké tyí ne, pé ñ tɔ tẽ pé sɔkɔ. ³⁸ Nte Pole wɔ náh sò me ké tyí ne pé sɔkɔ ñne; ñmɔ nê-á lésò ñ gbe wil pé sɔkɔ Pãnfili gběnyah òkù sɔkɔ, té à náh tō sò me n kyɪ n pɔ péle pé tō sɔkɔ. ³⁹ Káh pɪ sě, yékâb ñgbě de Pole ànê Barnabasɪ wró, pè me gbekɪ. Barnabasɪ me Nsyõ-Markɪ tẽ tahlɪ ñ gblɔy tyí, pè de krótókè ñgbě yó sɔkɔ à sɔkɔ Syipri gběnyah. ⁴⁰ Nte Pole wɔ mó Silasɪ yah wilki. Té Yesu yõ sěpú-á níri pɪ pé tyí, à pè dahbɪ te Tẽ ñgbě gbò sɔkɔ gbí nène, pè me sɔkɔ wẽ tyí. ⁴¹ Pè Siri gběnyah ànê Silisi gběnyah pól kɔ kō, à Liyel yõ sěno sórele n mɔ n yuku Yesu yõ sěpú tĩnkínó sɔkɔ.

16

Timote tahlínóle Pole ànê Silasi tyí pé kóló sòkò

¹ Képah náh, Polepi-á wil Siri ànê Silisi gběnyah sòkò, pè yǒ sòkò Derıbı kwil. Páh wil nénpó, pè yuku Lisitir kwil. Pè kyı Yesu tǒ sáh-ò yó we nénpó pè n ye Timotele. N yúne, Nsyifu ney ye sǒ ñne, nê-á me Yesu wěkìle n kò, té ñ sú me Krekı neyne. ² Té Yesu yǒ sǎpú nónó-á sǒ me Lisitir sòkò ànê Yikonyumi kwil, pè sǒ me Timote yíngbìle n yo. ³ Képah sòkò, Pole sǒ me ké tyí ne pé à tǔ sòkò pé kóló sòkò. Té Nsyifunò nónó-á sǒ me kéne kwlo sòkò, pè sǒ pı ne, Krekı ney-á Timote súle.* Pépi yinne, Pole me Timote kǒ. ⁴ Képah sòkò, Polepi-à fyò n sòkò kwlo nónó sòkò, Yesu tǔntǒ névye ànê Yerusalemı kwil Yesu yǒ sǎpú yah tǎm-á tyi nónó yah tǒkò, pǔ séle n yǎh kéne kwlo Yesu yǒ sǎpú tyí ne, pè ne n kò sé wǎl yǒ. ⁵ Kǎh pı sǔ, Yesu yǒ sǎpú tǐnkínó sǒ me n gbah n sǔ Liyel yǒ, té wǎn tǔ me n mǒ pé nádán tǒ yǒ sǒmesó.

Pole wěkínó yó we Turası kwil

⁶ Képah náh, Polepi sǒ me ké tyí ne pé kyı Liyel wey yo Asi gběnyah sòkò, ñte Liyel Mirki kè yahle pé tyí. Kǎh pı sǔ, pè me kah syǒ Frisyı gběnyah ànê Kalasi gběnyahle. ⁷ Páh kyı yini tǔ n te Misi gběnyahle, pè tǒ kè yah tǒkò ne, páh kı yuku Bitini gběnyah. Nte Yesu Mirki† kè yahle pé tyí. ⁸ Kǎh pı sǔ, pè Misi kò kah, à tiki yuku Turası kwil. ⁹ Té lékâhne, Pole wěkínó yó we. Wěkínó mè sòkò, à Masedonı gběnyah dí yó we yíntǔnóle, té tǔ me ñne n ni ne níkǔ, à pǒ Masedonı sòkò, à pǒ pépi yohnı n mǒ. ¹⁰ Pole-á fyò wěkínó mè we sǔ, á me kè pı yǐ ne, Liyel-á ye ále ne, á kyı pé Nìvìnı tir yo Masedonı tǎn tyí. Kǎh pı sǔ, á núkú á vi ne áyáh kı sòkò nénpó.

Lidi-á pı Yesu yǒ sǔ-òle òkù nêne Filipi kwil

¹¹ Képah sòkò, á de krótókè ñgbǔ yó sòkò Turası kwil, à yǒ sòkò gběnyah yó sòkò, nê-á me pne yo nyó pè n ye Samotrasıle, á náh kwò dah fı yó rıtǔ sòkò. Té ké dındalle, á yuku Neyapolisı kwil. ¹² Áyáh yal nénpó, á yuku kwıl-ñgbǔ yó sòkò pè n ye Filipile, Masedonı gběnyah sòkò. Kéne kwil yǔtǔrí sǒ me Wrome tǎn gbǔ. Á me tǔ nénpó, à sǔpın yısyó pı. ¹³ Nsyifunò mı mı yòh sǒ-á pǒ nǒ, á kè sǒ ne, pé Liyel ní-ńsah-á kı we yóngbalı sòkò. Kǎh pı sǔ, á wil kwil nyó, à nénpó nyáh sǒ. Á kyı syó yısyó we tükènmǔntǔnóle nénpó. Á me kǒ tǔ pé tnǔ, à yǎhkı yǎh péle Liyel wey tyí yǒ. ¹⁴ Té pı yó sǒ me syó nǔpı sòkò pè n ye Lidile. Fwǔsǎhlǒ dénkókónı gbò yí-ò ye sǒ ñne. Á n wil Tyatiri kwil, té à sǒ me Nsyifunò Liyel wěkìle n kò. Té Tǔ ñgbǔ me wekı pı mè nı sòkò à kǒ à ñ níkí kwò, à Pole welǒ noh palle. ¹⁵ Kǎh pı sǔ, ñmǒ ànê ñ kéte tǎn pól me wèlnwılkinó we ni sòkò. Képah sòkò, pı me kè yah kǒ ápi tyí ne, áyáh kı me sǔ ké yǒ ne péwǔ-á pı Tǔ ñgbǔ Yesu yǒ sǔ-òle, á pǒ n kyı n twah pé tyí pé gbò. Té á gbah tǔ pópó, á pǒ sah ñ tyí yǒ.

Pole ànê Silasi dáhnmǔnǔle wǔkǔnpǔkǔ sòkò Filipi kwil

¹⁶ Képah sòkò, sǒ yóle á me n yuku níri pí-ńsah, té tǔnpı pıpır yó pǒ á yohnı. Sétǔ sǒ me kéne pıpır gbil à kǒ à tyısnóle n we n yo. Á sǒ me pǒ náhnáhle n we ñ yǔtǎmne n kǒ kéne tyısnó wényonǔ sòkò. ¹⁷ Kéne pıpır me yuku, à ápi ànê Pole sǒ tǔ, té me yo tǔ léyy no tyí ne níkǔ, díbí nǔpile, yǔtah Liyel tǔnpıbı-á péle. Pwáhnmǔnǔ wěkı tyí-á pè pǒ n yo pé tyí. ¹⁸ Á sǒ me képah tǔne n pı sǔ, sǔpın náhnáh sòkò. Kǎh pǒ Pole

* **16:3** 16.3 - Krekı névye náh sǒ kǔkǔle n kǒ. Képah ye, Timote sú kǒ à náh sǒ à kǒ. Nte kǔkǔ kǔ-ńkǔ névye tyí náh sǒ nǒ Nsyifunò tyí. † **16:7** 16.7 - Yesu Mirki nê tyí-á yo ásó sòkò yò, Liyel Mirki ye kéle, nê tyí-á yónóle 16.6.

gblóle n vyāh, à ò yah vi yo sétō mè tyí ne òkě, Yesu Krista yīn yō, à pípír mè fin mō. Wāh yo sē, nénpó swō sétō núkú pípír fin mō. ¹⁹ Képah sōkō, pípír yōtām-á kè we ne, pé sōnō-á sō me pó nē wénó yō òmō gbò yō kǎh kɪ yīn mō, pè Pole ànê Silasɪ tē, té yuku péle yōtām tyí, tówû tükè-nsah sōkō. ²⁰ Képah náh, pè me kyɪ péle Wrome tǎn yísyó tyí nónó-á pé yōtāmne, té kyɪ tyah n yo ne òkě, díbí nópi-á me fēkínóle n pɪ pépi kwil. Nsyifunō-á péle, ²¹ té pǎh me pō wǎl yísyóle névyele n kwō nónó-á sé wǎl náh me pépi Wrome tǎn nítē tyí kɪ sè fē syi, képah náh pɪ, kɪ sè pɪ n pi. ²² Képah tēne, tówû tō núkú yuku Polepi yō. Yōtām nópi me pè kō pè Polepi flo de, té ne pè pè ko yèfōhle. ²³ Képah sōkō, pǎh yèfōh yí náhnáhle pè ko te, pè pè dah mō wòkònpèkè sōkō, té yo ké syíkí-ò dí tyí ne, à péle n kyomɪ palle. ²⁴ Dí-á fyò képah noh sē, à mó pè tē dah mō wòkònpèkè ntyó wòkò sōkō, té sésár kárn mō pé gbyêh tyí.

²⁵ Nte lénɪ mónó wró sōkō, Pole ànê Silasɪ sō me níriɪle n pɪ, té me yile n gbɪ à Liyel yīnne n gbilki, té wòkònpèkè sōkō névye téló mó me n nohnɪ pé tyí. ²⁶ Képah tēne, sétáh syahrɪ ògbē núkú pɪ nénpó swō, à wòkònpèkè sètyah yike. Ké vɪ yey pól núkú yikɪ mō, ké sōkō névye pól gbyêh sōkō kárnno pól kōlɪ kwɛ. ²⁷ Wòkònpèkè syíkí-ò dí-á pópó dō yuku, té ké vɪ yey we yíkinmōnole sē, à we ne ké sōkō névye-á to wil. Képah tēne, à núkú ò kékírki yorɪ de ne, pé pé gblōy ko mō. ²⁸ Nte Pole me yo mō ò tyí yīnpǒ ògbēne ne, à kǎh dlo yó nítēne ò gblōy nō, pé pól-á me ásô. ²⁹ Képah sōkō, wòkònpèkè syíkí-ò dí pè kō pè pō fòtnòle à kō, à de yuku súú wòkònpèkè ntyó wòkò sōkō, té ò gbètukunō dí Pole ànê Silasɪ yah wílsyahrɪ sōkō. ³⁰ Té me pè tē wil kégbó, té pè piki yah ne, pé nénkyíbí, sō se pé yīne pé pɪ pé mó pwáhnmōnō we nɪ? ³¹ Pè me yo ò tyí ne: «Sē Tē ògbē Yesu yō, á kɪ pwáhnmōnō we, áwō ànê á nolɛ.» ³² Képah sōkō, Polepi Tē ògbē Yesu wey yo òmō ànê ò gbô tǎn pól tyí. ³³ Dí me Polepi tē légbí mè ó sōkō lékâhne, à kyɪ pé níy wu; té nénpó swō, òmō ànê ò gbô tǎn pól me wèlnwìlkinó we nɪ sōkō. ³⁴ Képah náh, à Pole ànê Silasɪ tē yuku ò gbô sōkō, à kyɪ yòkele pè kō pè yō. Té òmō ànê ò no pól nɪ sō me vɪ yí pé wénsēnō yīnne Liyel yō sōkō.

³⁵ Képah sōkō, tyah-á pō dal, yōtām nópi tēntò névye tekɪ mō ne, pè kyɪ yo wòkònpèkè syíkí-ò dí tyí ne, à díbí nópi fin mō. ³⁶ Dí me kyɪ kè yo Pole tyí ne òkě, yōtām-á tēntò mō pé tyí ne, pé pè fin mō. Kǎh pɪ sē, núkúnúkú pǎh kɪ fē wil kɪ n yuku yèvɪnɪ sōkō. ³⁷ Nte Pole me pè syah ne, pépi nónó-á gbò mō yō Wrome tǎn tyí, pépi kó pè tē ko tówû yí yah pé tükè-òkēne; té pé dah mō wòkònpèkè sōkō nɪ? Té núkúnúkú, pè tō me n yah n kō pé wìlkinfinmō-nsahle sètɪn sō sōkō nɪ? Képah náh fē n pɪ n pi dé! Nkě, fóó pé dáhnmōpu-á kɪ pō pé fin mō pé gblōy. ³⁸ Képah tēne, tēntò névye nópi me pé syɪ kyɪ wɛlō nópi yo yōtām nópi tyí. Pépi-á képah tē noh sē ne, Pole ànê Silasɪ, Wrome tǎn gbònmònyòbe-á péle, tíkí pè tē. ³⁹ Pè pō gblōy ye yah kō Polepi tyí, té pè fin mō, té me pè nɪ ne pè wil kwil sōkō. ⁴⁰ Polepi-á wil wòkònpèkè sōkō, pè yuku Lidi fɪnne. Pǎh kyɪ Yesu yō sēpú we, pè sóré mō pé sōkō té sōkō.

17

Pole ànê Silasɪ Liyel wey yónóle Tesaloniki kwil

¹ Képah náh, Polepi syō Anfipolisi kwil ànê Apolonɪ kwil, à kyɪ de Tesaloniki kwil sōkō. Nsyifunō Liyel ní-nsah wòkò yó sō me nénpó. ² Képah sōkō, Pole-á sō òkēne kéle n pɪ sō, à tō kyɪ yáhkì yǎh Nsyifunole Liyel wey sébéy sōkō tyi yō pé Liyel ní-nsah wòkò sōkō. A képah tē pɪ syɪ sē wē tyí ke tǎnó, pé mɪ mɪ yòh sōnóle. ³ A sō me ké

yahle n yo pé tyí, à péle n wěki ne íkě: «Pwáhnmo-ò sò yíne à pò yèvyãhrì pì ku sě, Liyel mó à yilki mɔ. Yesu nê tyí-á mé n yo yé tyí yò, ñmɔ ye kéné pwáhnmo-òle.»

⁴ Képah sɔkɔ, Nsyifunɔ tókù sah ñ tyí yò, ànê Kreki névye nékwínkíle, nónó-á sò me Nsyifunɔ Liyel wěkíle n kɔ, à tahlì syó né-ñgbno náhnáh tyí. Pé pól me mɔ Pole ànê Silasle.

⁵ Nte Nsyifunɔ yísyó sò me Polepi dyɔle n yɔ, té sɔkɔ à kyì nétúkúni ñkǒnkǒni yísyó tě wǎl yey sɔkɔ, à pò tówúle n kurki n mɔ, té fěkínóle n pì kwil sɔkɔ. Képah sɔkɔ, pé kyì kwɔ de Nsyasò gbô, à Pole ànê Silasle n yah n kǒ ne, pé pè tě pò tówú tyí. ⁶ Pǎh kyì pè yah kwɔ sě, pé Nsyasò ànê Yesu yò sěpú yísyó tě à yuku péle pé kwil yòtām tyí. Té kyì tyah n yo wòhòh ne, nónó-á fěki kèkōyó pólle, pépi-á pò de ásò tɔ sɔkɔ yò. ⁷ Té Nsyasò me fě syi pè kǒ pè twah ñ tyí. Nte Wrome kwiltām yòtě Sesar-á ne tyi nónó káh ne n pì, sépi-á no nópi pól me n pì. Pǎh me n yo nǐtēne ne, yòtě ñgbě yó-á tǔ me, nê-á pè n ye Yesule. ⁸ Képah sɔkɔ, welo nópi nóhnó tówú ànê kwil yòtām fɔkɔ fil. ⁹ Kǎh pì sě, kwil yòtām me Nsyasòpi kǒ pè pó ñgbě yó kǒ, té pyě pè fin mɔ.

Pole ànê Silasì Liyel wey yónóle Bere kwil

¹⁰ Képah sɔkɔ, lékâh-á fyò mɔ, Yesu yò sěpú me Pole ànê Silasì kǒ pè sɔkɔ Bere kwil. Pǎh yíni tě nénpó, pé kyì Nsyifunɔ Liyel ní-ńsah wòkò sɔkɔ. ¹¹ Nénpó tǎn sò néglóle kal Tesaloniki kwil tǎnne. Nìvìni tir nê-á sò Pole n yo Yesu tyí sɔkɔ, pé me kè fě syi palle dékè sɔkɔ. Té me Liyel weyne n kar, à ké sɔkɔ tyile n sohlì n yah sǐmesó ne, pé pǐ gblò-à kì nê Polepi welòle. ¹² Kǎh pì sě, Nsyifunɔ náhnáh, ànê Kreki syó né-ñgbno yísyó, ànê díbí nékwínkí pì Yesu yò sěpúle.

¹³ Nte Tesaloniki kwil Nsyifunɔ-á fyò noh ne, Pole-á me Liyel weyne n yo Bere kwil tɔ sɔkɔ, pé tǔ pò nénpó tɔ sɔkɔ, à pò tówú kurki mɔ, pé kǒ pè fěkínó pì. ¹⁴ Képah sɔkɔ, Yesu yò sěpú núkú Pole tekì mɔ pne yò tǐnne. Té Silasì ànê Timote wɔ me wǔ nénpó. ¹⁵ Nónó-á kyì tekì mɔ Polele, pé kyì de ñne, fós Atenu kwil. Té pǎh pé syi n pì, Pole me pè tǔ ne, pǎh kì kyì, pé kyì yo Silasì ànê Timote tyí, pé pò péwɔ tñó súú.

Pole Liyel wey yónóle Atenu kwil

¹⁶ Té Pole-á sò me Silasì ànê Timote syíkíntěno sɔkɔ sě Atenu kwil, à fal fal tǎn kyɔmì we dò kéné kwil sɔkɔ. Kǎh pì sě, ñ yah kah kwɔ. ¹⁷ Képah sɔkɔ, à kyì yǎhkì yǎh Nsyifunɔle, pé Liyel ní-ńsah wòkò sɔkɔ, à tahlì nónó tɔ-á sò me Nsyifunɔ Liyel wěkíle n kɔ. Té sǐmesó, wáh kyì tówú tükè-ńsah, té névye nónó we nénpó, ǎ yǎhkì yǎh pé tɔle. ¹⁸ Té lékám ñgbno névye yísyó tɔ sò me. Pé tókù sò me Yepikur wěkì kwópúle, té tókù mó me Setoyiki wěkì kwópúle. Pépi me yékâb mɔ Polele. Pé tókù sò me yo tǔ ne, wènkwiñki ney mè tɔ se ne sǔ-á nì? Tókù mó ne, kǎh pì tě ne fal fal tǎn káhkí yísyó tyí sǔ à n yo, nónó-á pépi náh séle n pne. Té Nìvìni tir ye sò Pole n yo pé tyí Yesu tyí yò, ànê lékyî yílkinmɔno tyíle. ¹⁹ Képah tēne, pé à tě sɔkɔ pé kwil fí yó sɔkɔ pè n ye Arewopasle.* Pǎh kyì de, pé me à piki yah ne, wǎh pò kwónó kėsán nēne névyele n kwɔ, à se kì fě ké yah yo pé syah nì? ²⁰ Nkě, gběndùnì tyi ó-á à n yo pé n nohnì yò. Képah-á, à sé yah yo n wah pé syah. ²¹ Nte gbì yò, Atenu kwil tǎn pól ànê népân nónó-á sò me twáhntěnole ké sɔkɔ, pé pól nkěne pé wró kan tɔkɔ n pì tyísnó yáhnóle, képah náh pì, sé nóhnóle.

* **17:19** 17.19 - Arewopasle, kènpìn yó ye sò kéle, nê yó-á sò né-ñgbno wěne n we n pò, ñ tyi yahle n wah.

²² Képah sɔkɔ, Pole me yuku yĩn pé nyó, té yo pé tyí ne: «Aten tãn, mé pĩ ne nkẽ, Liyel yáhnkõpu yèsyìkìnì-á yéle. ²³ Máh yé kwil kɔ kɔ, mé kè kyom wɛ, líyelno náhnáh me ké sɔkɔ. Té mé tyah yó ntẽ wɛ, kè me wárkinmɔnɔle ké yó ne: <Dùkù pí-ńkẽ liyel tyí ye.> Té ñmɔ nê-á yé n gbilki ñ dùkù pí-ńkẽne, ñmɔ tyí ye mé pɔ yónwàh-ńsah yé tyí. ²⁴ Ñmɔ Liyel ye mɔ kèkõyóle, ànê ké sɔkɔ yíyìn pólle. Ñmɔ ye tɔ yĩnyó ànê sétáh nétẽne. A náh n tẽ névi gbò wòkònmɔnɔ sɔkɔ. ²⁵ Ñmɔ ye mɔ minne névi sɔkɔ, ànê mìnne à kɔ à n mɔ, à tahl yíyìn pól tyí. Képah ye, à náh me névi gbẽnpɔnɔ yó ntẽne n yah n kɔ, ñ gblɔy yohnɔ n mɔ yinne. ²⁶ Yah, nénúkù ó sɔkɔ ye kèkõyó yìkìnì pól wil Liyel-á nónó mɔ, té pè kɔ pè tẽ tẽ kɔ kèkõyó tãntãn pól sɔkɔ. Té ki ànê kòkì gbĩne pè kɔ, té tɔ gbàhnì gboke pé tẽ-ntãn tyí. ²⁷ Liyel sépi pól pɔ ne, nénúkù núkù pól fẽ pé yah n kɔ. Gbòkènpɔ, pãh kɔ wne yah kɔ pɔ pé wɛ. Nte gbɔ yó, à náh mó tɔ me fíí á sɔkɔ yó ntẽne.

²⁸ Ñmɔ gbò yó sɔkɔ ye ápile min sɔkɔ, té me n werke. Képah ye tɔ yé yì gbípú yísyó yo ne nkẽ, Liyel wẽnpì-á ápile.

²⁹ Nte Liyel wẽnpì-á ápile sɛ, á se tɔ yĩne à ne n sɔ ne, Liyel-á me á kɔ ne tãn nópi sɔ; sépi nónó-á névyè sè mɔ sãnnɛ, képah náh pɔ wárn vyɔrɔle, képah náh pɔ dyèhle, à yĩne pé yẽngbẽ lékámne? ³⁰ Té yé yah, névyè-á tyi nónó pɔ sɔkɔ ñpì-ńkẽ sɔkɔ ñgbòle, Liyel náh tɔ me sépile n mɔ n kɔ. Nte núkúnúkù, à me kéle n yo no pól tyí tãntãn pól sɔkɔ ne, pè pé nno vi mɔ. ³¹ Wáh wɛ à képahle n yo, à me gbìyìkì yó yah wilki sah, sɔ nê-á tukey kɔ n tuke n pi kèkõyó névyè pól yó, à yĩne gbɔ wèkìle. A me dí yó yah wilki sah, nê-á kɔ pɔ tukey mè tuke n pi, té pãh pɔ tẽ ko mɔ, à ñ lékó yilki mɔ, à kéle á wèkɔ ne, wãh kɔ fẽ tẽ.»

³² Képah tẽne, pãh fyò lékó yilkinmɔnɔ tyí noh, pé tókù tyah kóle Polele n ko. Tókù mó me n yo ñ tyí ne nkẽ, sɔ yóle, à tɔ pɔ ñ syɔ ñ wey mè yó pé tyí. ³³ Kãh pɔ sɛ, Pole me yal pé tnò. ³⁴ Nte ñ wey nóhpú tókù kyɔ kwɔ mɔ ñne, à pɔ Yesu yó sɛpúle. Né-ñgbnɔ nónó-á nkẽne wẽne n tuke n mɔ, ñ tyi yahle n wah, pépi ney yó tɔ sɔ me péle pè n ye Denisile, ànê sê yó tɔle pè n ye Damarisile, à tahl nòsyó tyí.

18

Pole Liyel wey yónóle Korẽnti kwil

¹ Képah náh, Pole yal Aten kwil, à yuku Korẽnti kwil. ² Légbí pɔ yĩne Wrome kwiltãm yòtẽ dí Klode me Nsyifunɔ pól yal Wrome kwil. Kãh pɔ sɛ, Nsyifu dí yó lésò me nénpó pè n ye Akilasile. Á dubi Pòte kwil. Ñmɔ ànê ñ kyɔ Prisili me yal Wrome kwil, Yitalɔ sétáh yó, à sɔkɔ Korẽnti kwil. Pole me kyɔ yĩne pé póntwahno késãnnɛ nénpó, té kwɔ mɔ pé sɔkɔ. ³ Té pé pól sò me tò núkùle n pɔ, nê-á pɔ yèpye flo kóhnóle. Kãh pɔ sɛ, Pole me tẽ pé tyí pè tòle n pɔ wẽ tyí. ⁴ Té mɔ mɔ yòh sònó pólle, Pole sò me yáhkìle n yãh n pɔ Nsyifunɔle pé Liyel ní-ńsah wòkò sɔkɔ, me n yah n kɔ ne pé pépi ànê Kreki névyè sònɔ vi mɔ.

⁵ Képah sɔkɔ, Silas ànê Timote wil Masedonɔ gbẽnyah à pɔ. Pãh fyò pɔ de, Pole náh tɔ me tò yó ntẽne n pɔ né Liyel wey yónkõnɔ ó náh. A sò me ké yahle n yo Nsyifunɔ tyí ne, Yesu-á Liyel yah tɔkɔ pɔ pwáhnmɔ-òle. ⁶ Nte Nsyifunɔ me kè yahle ñ tyí, té ñne n gbyɔ. Kãh pɔ sɛ, à ñ wil flo kwer, té yo pé tyí ne, pé mónpunɔ kémù-á kɔ pɔ pé yẽngbẽ tyíle, péwɔ vyãh náh me ké sɔkɔ. A tɔkɔ núkúnúkù tyí, pãh kɔ pé yah mɔ névyè ñne, nónó náh pɔ Nsyifunɔle. ⁷ Képah sɔkɔ, té yal nénpó à sɔkɔ dí yó ñne, nê-á pè n ye

Tityusi-Nsyusitusile. Nsyifunɔ Liyel yõ sě-ò ye sò ònne. N gbô sò me Nsyifunɔ Liyel ní-ńsah wòkò gbòpɔ sòkò. ⁸ Nte Liyel ní-ńsah wòkò yòtě dí Krisipusi ànê ò no pól sě Tě ògbě Yesu yõ. Korěnti kwil tãn nónó tɔ-á sò me Pole weyne n nohnì, pé náhnáh sě Tě ògbě yõ, té wèlnwìlkinó we ni sòkò.

⁹⁻¹⁰ Képah těne, sò yó lékâhne, Pole wěkínó yó we, nê sòkò-á Tě ògbě yo ò tyí ne: «Névye náhnáh kɪ n pɪ n pi ñmɔ tyíle kwil mề sòkò. Képah ye, káh á vyãh vike n sah, yõ n sòkò ne n wekɪ, káh tíkí pɪ. Nmɔ me ále, ney náh fě ò tề n tir n pi pólle.»

¹¹ Képah těne, Pole tề, à yi núkú ànê ñwóló kénúkò pɪ Korěnti kwil, à nolè n kwɔ Liyel weyne.

¹² Képah sòkò, Nsyifunɔ pɔ yuku wě tyí mɔ, à tyah Polele n fwo. Té légbíne, Kalyõ ye lésò Akayi gběnyah yah tề-òle. Pè me Pole tề kyɪ ò tyí tukey tükè-ńsah sòkò, ¹³ té ne dí mề-á me névye yõle n ykɪ, à péle n mɔ Liyel nínó gběntěnháh yó sòkò, nê náh me núkúle pépi tyi kònsàhnóle. ¹⁴ Képah sòkò, Pole-á me ne pé wey tɔkò, Kalyõ me yo Nsyifunɔ tyí ne, káh sò me pɪ tyíkěkì, képah náh pɪ, tyípékè ògbě yóle dí mề pɪ, páh náhkɪ tề noh pé tyí palle. ¹⁵ Nte pãh se me yékãble n pɪ welɔ, ànê yni, ànê pé yěngbě tyi kònsàhnó yõ té; képah-á me pépile n yah kè. Péwɔ náh fě sěnkɔ tukey tuke n pi ló! ¹⁶ Té me pé yal tukey tükè-ńsah sòkò. ¹⁷ Képah sòkò, Sositenɪ nê-á sò Nsyifunɔ Liyel ní-ńsah wòkò yah yětěne, pé pól tuke ñmɔ yõ, à ònne n ko tukey tükè-ńsah sòkò. Nte Kalyõ náh dahbɪ wilki pé tyí ké sòkò.

Pole syínyukunɔle Antyɔsyɪ kwil, Siri gběnyah sòkò

¹⁸ Képah sòkò, Pole tɔ wũ à sèpìn náhnáh pɪ Korěnti kwil. Képah náh, à wěkì ni Yesu yõ sěpú tyí nénpó ne, páh kɪ pé syɪ yuku Siri gběnyah sòkò ànê Prisili, ànê Akilasile. Té à lésò me ò vyãh tɔkò Liyel tyí. Káh pɪ sě, wãh pópó n sòkò, à kyɪ Sãnkɪ kwil, à kyɪ ò yõ kye vyãh tókónó mề yinne.* ¹⁹ Képah náh, ñmɔ, ànê Prisili, ànê Akilasɪ kyɪ de krótókè ògbě yó sòkò, à yal nénpó à kyɪ de Yefesɪ kwil. Pole me ò kómũ sah nénpó, té me sòkò Nsyifunɔ Liyel ní-ńsah wòkò sòkò, à kyɪ yáhkì yãh péle. ²⁰ Képah sòkò, pé kè yah kɔ ò tyí ne ñkě, à tɔ sèpìn yísyó pɪ pépile nénpó. Nte Pole náh fě syi. ²¹ Té me wěkì ni pé tyí, té ne ñkě, Liyel-à kɪ fě syi, sò yóle, páh kɪ tɔ pé syɪ pɔ yah pé tyí. Té de krótókè ògbě sòkò Yefesɪ kwil, à sòkò.

²² Wãh kyɪ tiki Sesarɪ kwil, à dɔkò yuku Yerusalemɪ kwil, à kyɪ wekɪ Yesu yõ sěpú tìnkì tyí. Wãh wil nénpó, à ò syɪ tiki yuku Antyɔsyɪ kwil, ²³ à kyɪ tề yah nénpó. Képah náh, à tɔ yal à kyɪ Kalasi gběnyah kwlo kɔ kɔ ànê Frisyɪ gběnyah kwlole, à nìsãh mɔ kɔ Yesu tɔ sãhpú sòkò.

Apolosile Yefesɪ ànê Korěnti kwil

²⁴ Légbíne, Nsyifu dí yó pɔ Yefesɪ kwil. N yìn ye sò Apolosile, à dubi Alekisãdri kwil. A sò wey tyí yah we yíí, té à mó tɔ Liyel wey sébéynó tyi pĩ yíí. ²⁵ A lésò kwónó we Tě ògbě Yesu wěkì tyí yõ, té me Yesu tyíle n yo, à kwónóle n pɪ ké wěkì yõ, dékè sòkò ò nɪ pólle. Nte Nsyõ ni sòkò wèlnwìlkinó ó ye sò à n pne. ²⁶ Té sò yóle, wãh tyah n wekɪ nìsãhle Nsyifunɔ Liyel ní-ńsah wòkò sòkò sě, Prisili ànê Akilasɪ me ò wey noh pɔ tyɛ. Képah těne, té à ye yah kyɪ Yesu wěkì tyi yo wah yíí à syah, wãh sò me nónó yítũri sòkò. ²⁷ Képah náh, Akayi gběnyah sókónó sòno de Apolosɪ sòkò. Yesu yõ sěpú nónó-á sò me nénpó, pépi me ké sóré gbah mɔ ò sòkò, té sébéy wãrkɪ tekɪ mɔ Yesu yõ sěpú tyí Akayi gběnyah sòkò ne, Apolosɪ-à kɪ yini tề pé tyí, pé à tề ple. Wãh kyɪ yini

* **18:18** 18.18 - Nsyifu ney-à sò ò vyãh tɔkò Liyel tyí, à náh tɔ ò yóle n kye, fók n pɔ no ké tyénó tyí. Yah n te Yáhnó 6.1-21.

tě, Liyel gbò yõ, ò kyínó sò pɪ yíi yõre ògběne Yesu yõ sěpú tyí Akayi gběnyah sòkò. ²⁸ A sò me Liyel weyne n kar, à kéle n wěki ne, Yesu-á Liyel yah tòkò pɪ pwáhnmo-òle. Tówú pól yí yah, ò wey sò me gbile kal Nsyifunò tyíle.

19

Pole yínintěnlẹ Yefesɪ kwil

¹ Gbí nê-á sò Apolostɪ me Korěnti kwil, Pole sò me Asi gběnyah tley tãntã kò kah, à kyɪ de Yefesɪ kwil sòkò. A kyɪ Yesu tò sáhpú yísyó we nénpó, ² té pè piki yah ne níkě, pãh sě Tě ògbě Yesu yõ gbí nêne, pè se Liyel Mirki we ni? Pè me yo ò tyí ne, pé nãh Liyel Mirki yó ntě tyí yónó noh yah pólle. ³ Képah sòkò, Pole me pè piki yah ne, òte ni sòkò wènwìlkìnó dùkù nê se pè we ni? Pè me à syah ne, Nsyõ tyí-á. ⁴ Képah sòkò, Pole tã ò syɪ yo pé tyí ne, névyé nónó-á fě syi pé nno vi mo, pépi-á sò Nsyõ n wel n wilki ni sòkò. Nte wãh sò me n yo névyé tyí ne, nê-á kɪ n pɔ n pi péwo náhle, pè sě òmo yõ; òmo nê-á Yesule. ⁵ No-á welo nópi noh sě, pè me wènwìlkìnó we ni sòkò Tě ògbě Yesu yín yõ. ⁶ Pole me ò gbãh sah pé yõ té níri pɪ pé tyí, Liyel Mirki me tiki pé yõ. Képah těne, pè tyah wénkákínóle n wěki nónó-á pè nãh sè sãh,* té me Liyel těntónene n we n syi n yo névyé tyí. ⁷ Pé pól sò me népí gbõnimí kénkõle.

⁸ Képah sòkò, Pole sò me n de n pɔ Nsyifunò Liyel ní-ńsah wòkò sòkò. A sò me n yãh n pɔ névyele òsãh sòkò Liyel tórí tyí yõ, pópó òwòlò tónó. A sò me ò tah sah ne, pé pé wey nóhpú sòno vi mo. ⁹ Nte tókù sò me pɔ nikisekókóle n pɪ, à yahle sěnlóle ké yõ, té me Tě ògbě wěki tyíle n yo n kò tówú yí yah. Kãh pɪ sě, Pole me pè sah, té Yesu tò sáhpú tě sòkò pé yahle, à kyɪ yáhkìle n yãh péle sòmésó kãrn pí-ńsah wòkò sòkò, nê-á Tiranusi tyíle. ¹⁰ A képah tě pɪ sě ye nínó, fókò Nsyifunò ànê nónó nãh pɪ Nsyifunóle, té me Asi gběnyah sòkò, pé pól Tě ògbě wey we noh.

Seva dínpi tyípìnìne

¹¹ Liyel sò me Pole tòkò à gbíl tyísnóle n pɪ, ¹² fókò névyé pɔ tyah Pole flo ànê ò myèhtùkènene n tókò n tũ n pɔ pé yámpú tyí, pè kò pè n de; ànê sétãh-à me nónó sòkò, sè n wil pé sòkò.

¹³ Té Nsyifunò yísyó sò me nónó tò-á sò sétãh yíninwìlkìnkõnlẹ névyé sòkò. Pépi to me kè yah tókò ne, pé Tě ògbě Yesu yín tókò kéle n pɪ. Pè sò me n yo sétãh tyí ne, Yesu nê tyí-á Pole n ne n yo, òmo yín yõ, níkě sè wil. ¹⁴ Nsyifunò sòkò, sárká syínwìlkìpu yòtě nê-á pè n ye Sevale, òmo dínpi népí kwãrnimi ye sò n pɪ képahle. ¹⁵ Nte pãh képah yo sě, sétó pè syah ne, pãh Yesule n pne, té tã pĩ névi dùkù nê-á Polele. Nte pépi-á dò, nónó se pépile ni? ¹⁶ Képah těne, sétó-á sò dí nê sòkò, à yuku ni pé sòkò, té tě we pé tyí kèpékèyò. A pè pɪ yo, fókò pè to wil wòkò mè sòkò à sòkò wil títile. ¹⁷ Képah sòkò, Nsyifunò nónó pól-á sò me Yefesɪ kwil, à tahlɪ nónó nãh pɪ Nsyifunóle, pãh yí mè noh, kè pɪ tíkìle pé pól tyí. Pè me tyah Tě ògbě Yesu yínne n gbilki. ¹⁸ Té nónó-á sò pɪ Yesu yõ sěpúle, pé náhnãh pé tyítúkùní pínóle n yo n dal n mo n pɔ tówú yí yah. ¹⁹ Képah sòkò, nónó-á sò me snèyne n pɪ, pé náhnãh me pé snèy pɪ pɪ sébéynó tókò pɔ tuke mo, à suke no pól yí yah. Pãh sébéy nópi dro kò yah,

* 19:6 19.6 - Yah n te 2.4.

sè pɪ pɔ pló kèyò túkúrí pɔ kwlólɛ.† 20 Sě ye sò Liyel wey me tǎhkìle n we, à n tǔ n mɔ n yuku yahle Tě ñgbě gbò yò.

Fěkìnó ñgbě nê-á pɪ Yefesɪ kwil

21 Tyi nópi pínsokontenɔ náh, Pole kè yah tɔkɔ ne, páh kɪ kyɪ Masedonɪ gběnyah ànê Akayi gběnyah sɔkɔ, té kɪ pyě yuku Yerusalemɪ kwil. A sò me kéle n yo tɔle ne ñkě, páh kɪ yini tē nénpó, páh yíne pé kyɪ Wrome kwil tɔ sɔkɔ. 22 Kǎh pɪ sě, à me Timote ànê Yerasɪtɪ tekɪ mɔ Masedonɪ gběnyah sɔkɔ, pépi nóno-á sò ñ yòhnìnmoṗule. Té ñmɔ wɔ wú à sèpìn yísyó pɪ Asi gběnyah sɔkɔ.

23 Légbíne, fěkìnó ñgbě yó pɪ Yefesɪ kwil, Tě ñgbě wěkì tyí sɔkɔ. 24 Sǎn ywó-ò kètòndí yó lésò me pè n ye Demetriyusile. Kéne dí ñkěne tǎn vè yáryár yísyóle ne n ywɔ wárn vyɔrɪ pépérle. Yefesɪ tǎn tò yǔkì nê-á pè n ye Artemisile, képah wòkò kètònó ye ñkěne à n ne n ywɔ. Té ñ tònṗɪbɪ sò me póle n we yíi ñ tyí, tò mè pínó sɔkɔ. 25 Sò yóle, à ñ tònṗɪbɪ pól ye tuke, à tahlɪ ñ tò òkù pípú pól tyí. Képah tēne, té yo pé tyí ne ñkě, pé kódíbí, pé pól-á kè pī yíi ne páh me yórele n we n yíi pé tò mè pínó sɔkɔ. 26 Nte dí nê-á pè n ye Polele, wǎh me pɔ tir nēne n pɪ, pǎh se me kéle n nohnɪ, té me kéle n yah té. Kéne Pole-á me névyele n kwɔ ne ñkě, fal fal tǎnne, névyé gběnpɪnɔ yí-á séle, yò náh me sé tyí. Kéne wey mè ñtē-á me névyé nahnáh yò yɪkɪ Yefesɪ kwil. Té kè náh se tǔ me yīn képah ó tyí, ñkě kǎh me Asi gběnyah kwlo kan pól névyé yóle n yɪkɪ. 27 Kǎh yò sɔkɔ sě, yī mē-á kɪ n syah pépi pɪ pɪ tǔle n yɪkɪ dé! Kè náh se tǔ n yīn n pɪ képah ó tyí, pé fal fal tò yǔkì Artemisi wòkò náh tǔ n mɔ n kǔ n pɪ pólle. Gbílkinó nê-á sò me n sah tò mè yò, kǎh kɪ yīn mɔ. Té képah-á mó tǔ Asi gběnyah névyé pól ànê kèkòyó névyé pól me n gbilki.

28 Demetriyusi-á fyò kéne welo yo névyé noh sě, pé fɔkɔ kah vyǎh. Pè me tyah yo tǔ wòhòh ne ñkě, pépi Yefesɪ tǎn Artemisi tē wɔ kénkǔ náh me. 29 Píntũnɔ mè yínpǔ kwil pól tǔ. Té Masedonɪ gběnyah tǎn népí ními yísyó tɔ sò yuku Polele ñ kóló sɔkɔ Yefesɪ kwil. Pé sɔkɔ núkú yīn ye Kayusile, ní-ò yīn me Arisitarkile. Képah tēne, no núkú wě tyí mɔ, à to tuke népí ními nópi yò, à pè tē yɔrɪ sɔkɔ pé tówú tükè-nsah sɔkɔ. 30 Képah sɔkɔ, Pole sò me ké tyí ne, pé kyɪ pé yò wilki mɔ tówú tyí. Nte Yesu tò sǎhpú me kè yahle ñ tyí. 31 Asi gběnyah né-ñgbnɔ yísyó tɔ sò me, nóno-á sò Pole kódíbíle. Pépi tɔ me tēntò mɔ ñ tyí, à à vi mɔ ne, à káh n kyɪ tówú tükè-nsah mè sɔkɔ.

32 Té légbíne, tówú mè névyé pól sò me wɛkɪ fěkɪ tǔ wòhòh, té pé pól tyíyónónɔ mó tǔ me sé tyí tyíle. Kǎh pɪ sě, kè pɪ fěkìnóle. Névyé kan ñtē náh sò me pé pónó yò pī. 33 Nsyifu dí yó tɔ sò me pè n ye Alekisǎdrele. Pé no Nsyifunɔ me ñmɔ kurki mɔ kyɪ sah tówú yah tǐnne ne, à yo ké sɔkɔ. Képah sɔkɔ, Alekisǎdre me ñ gbò pɪ mɔ tówú tyí. A sò me ké tyí ne, pé pé no Nsyifunɔ vyǎh syi. 34 Nte tówú-á fyò pɔ n pī ké sɔkɔ ne Nsyifu ney-á ñne, pé pól núkú tǔ tyah yo mɔ tǔ wě yò wòhòh ne ñkě, pépi Yefesɪ tǎn Artemisi tē wɔ kénkǔ náh me! Pè képah tē yo tǔ sě, pópó kè syi pɔ n no lérínó nínó kénkǔ tyí.

35 Nte ké tyé-nsah, kwil sébéy wárkí-ò dí‡ pɔ tē we pè yīn mɔ. Képah sɔkɔ, té me ne ñkě, Yefesɪ tǎn, névyé pól-á pī ne, Yefesɪ kwil-á n syɪkɪ pépi fal fal tò ñgbě Artemisi wòkòle, ànê ké tǎhsè nê-á wil yīnyò à pɔ syɪkɪ. 36 Ké kǔlì-ò náh me pólle. Képah-á,

† 19:19 19.19 - Légbíne, pɔ pló kèyò túkúrí pɔ kwlólɛ (50 000) kɪ sò fě népí gbǔnkenúkò kénkǔ tò pínó pɔ dyah ye gbǎm sɔkɔ. ‡ 19:35 19.35 - Kwil sébéy wárkí-ò dí nê tyí-á n yo ásò sɔkɔ yò, né-ñgbě ye sò ñne kwil mè sɔkɔ.

pè pé nno vi. Pè káh tir yó ntě pi sònyah-ńkěne. ³⁷ Díbí nónó-á pè tě po ásô, pè náh tir yó pi de pépi tò wòkò tyí, pè náh se mó tō yo de pé fal fal tò yũkì mē tyí. ³⁸ Nte káh kɪ me pi nn̄i me pi de Demetriyusi ànê n tò pímú tyí, tukey tükèno yòhni-á me, tukey tükèpu mó tō me. Pè kyɪ n tɔkɔ tē kō pépi tyí kē. ³⁹ Té tyi yísyó tɔ-à kɪ se tō me pé tyí wah wah tēne, páh kɪ fē po sé yah yo kwil névye tuke mo sōle. ⁴⁰ Páh yékâb nê sɔkɔ kweyne yò, tir yó ntě se me pé tyí, pé kɪ fē we yo yékâb mē yòle ni? Képah-á, páh kɪ n to n kō yò, páh kɪ po n syah n tɔkɔ péle n kō dé!§ ⁴¹ Welɔ nópi yónteno náh, à névye kō pè karkɪ.

20

Pole yúkúnóle Masedonì ànê Kresì gběnyah sɔkɔ

¹ Té fěkìnó mē-á po yīn mo gbí nēne, Pole me Yesu tò sáhpú ye tuke, à sóré mo pé sɔkɔ, té wěkì ni pé tyí, à sɔkɔ Masedonì gběnyah sɔkɔ. ² A kēne gběnyah pól kɔ kō, à sóré yah mo kō náhnáh Yesu yò sēpú sɔkɔ. Wáh yal nēnpó, à sɔkɔ Kresì gběnyah,* ³ à kyɪ ńwǒlò tǒnó pi nēnpó. Képah náh, wáh po n vi ne, pé de krótókè ngbē sɔkɔ, pé yal n yuku Siri gběnyah sɔkɔ, à kē we noh ne, Nsyifunɔ-á me nne n plo pèkè yóle. Káh pi sē, à kē yah tɔkɔ ne páh kɪ pé syɪ syō Masedonì gběnyahle. ⁴ Té nónó-á sò Pole wěkì kómúne, pépi we yò: Sopateri nê-á n wil Bere kwil, té n sú yīn me Pirusile, nmo sò me, à tahlɪ Arisitarkɪ, ànê Sekūdusi tyí, pépi nónó-á n wil Tesaloniki kwil, ànê Kayusile, nê-á n wil Derıbı kwil, ànê Tisyikile, ànê Torofimine, pépi nónó-á n wil Asi gběnyah sɔkɔ, à tahlɪ Timote tyí. ⁵ Pépi me sɔkɔ ápi yahle, à kyɪ ále n syɪkɪ Turası kwil. ⁶ Búrn sē-ńkē syáh syáhnsɔkɔnteno náh, ápi wo mó kyɪ de krótókè ngbē yó sɔkɔ Filipi kwil, à pé nyáh sō. Á sèp̄n kwâl pi té pyē de á no tnô Turası kwil. Képah tēne, á tē nēnpó à sèp̄n kwārningo pi.

Pole-á Yetiki lékó yilki mo sō Liyel gbô yò, Turası kwil

⁷ Yòh wró gbìyìkì ghen sōle,† á lésō me tuke mo Tě ngbē yòke yò yīnne, té Pole me yáhkile n yáh tówùle. A kɪ sò n yal n pi dīndalle Turası kwil. Káh pi sē, à Liyel wey yo mo pé tyí, pópó à po no tyah tónó tyí. ⁸ Té á pól sò me tükènmɔnɔle gběnt̄n yò wòkò tǒ-ò sɔkɔ, té fòtnòno me tũnsàhnóle pípi ké sɔkɔ. ⁹ Kètēnpikì yó tɔ sò me ále pè n ye Yetikile. Nmo sò me kō tē fnètír vyáh yō. Dǒ, dɔy po mɪ n sɔkɔ. Nte Pole Liyel wey yō-á sò me ko sē, à po dɔ, té tē syi yīnyō wòkò tǒ-ò sɔkɔ, fóó à po syɪkɪ sétáh. Páh pópó po ne pé à yilki sah, pé à we kúnóle. ¹⁰ Képah tēne, Pole tɔ tiki po, té kɔ à yò n gbàn sɔkɔ, té yo pé tyí ne: «Yé káh n ye yé yáh-ńsah tye; à me min sɔkɔ.» ¹¹ Képah náh, à n syɪ dɔkɔ yuku ntō, pè kyɪ Tě ngbē yòke yò wē tyí, té tō yō sɔkɔ Liyel wey yónóle, pópó à po no tyah dal gbí tyí, té à pyē sɔkɔ. ¹² Képah sɔkɔ, no me Yetiki tē sɔkɔ n vile krémkrém n gbô. Yí mē pi yī nɪ déno ngbēne no pól tyí.

Pole wīlnóle Turası kwil, à yuku Mileti kwil sɔkɔ

¹³ Pole sò kē yah tɔkɔ, à sɔkɔ Asɔsɪ kwil sɔkɔ, gbáhkì yō. A sò ne ápi pé yah yohnɪ nēnpó, á pé twah. Káh pi sē, ápi me de krótókè ngbē sɔkɔ, à mo n yahle à kyɪ nne n syɪkɪ nēnpó, n twah yīnne. ¹⁴ Wáh po de, á pól de krótókè sɔkɔ, à yō sɔkɔ à kyɪ yīn Mitilenu kwil. ¹⁵ Képah náh, á tō yō sɔkɔ. Ké sèp̄n ní-ò sōle, á kyɪ yīni tē gběnyah yó

§ 19:40 19.40 - Yòtām nónó-á Wrome tǎnne, pépi tyí ye pè n yo ásô sɔkɔ ne, páh kɪ n to n kō, páh kɪ po n syah n tɔkɔ péle n kō. * 20:2 20.2 - Kresì nê tyí-á n yo yò, ké yīn ye tō Akayile. Yah n te 19.21. † 20:7 20.7 - Yòh wró gbìyìkì ghen nê tyí-á yo ásô sɔkɔ yò, tükù me n sō ne samidi-á, tükù mó me n sō ne dimansyi-á.

yèsreyne pè n ye Kyole, pne yo nuyó. Ké sèpìn tǝ-ò sòle, á kyí sòko gběnyah yó gbòpo pè n ye Samosele, pne yo nuyó. Ké sèpìn nýáh-ò sòle, á pyě yīni tē Miletì kwil. ¹⁶ Té Pole sò me sàlnó sòko ne kàh kɪ fě n pɪ n pi, pé ne me Yerusalemɪ kwil Pāntekotɪ syáh syah sòle. Képah ye à kǝ à yǝ sòko, à náh syǝ Yefesɪ kwille. A sò pǝ ne páh kɪ de nénpó, pé náh we n wil n pi súú Asi gběnyah sòko.

Pole-á v̄inm̄onɔ n̄ene Yesu yǝ s̄epú yah tām kǝ Yefesɪ kwil

¹⁷ Képah sòko, Pole tē Miletì kwil, té tēntǝ mɔ Yefesɪ kwil Yesu yǝ s̄epú yah tām tyí ne pè pɔ. ¹⁸ Páh pɔ yīni tē n̄ tnǝ, à yo pé tyí ne: «À tɔko n̄mɔ pɔ sǝ tyí Asi gběnyah sòko, máh me n pɪ sǝ gb̄imegb̄í yé wró, yé se kéle n pne té. ¹⁹ Mé tǝ pɪ Tē ñgbě tyí gblǝy t̄ik̄inm̄onɔ k̄egbɪ sòko, à yéfi kwe. Té Nsyifunɔ tɔ me vi n̄ náh gbáhyí nahnáh sòko, à yèvyāhrɪ nahnáhle n̄ yīni tē. ²⁰ Nte yé se pǝ ne, mé náh tir yó ntē wǝbɪ yéle nê-á kɪ fě yé tyí pekɪ n pi té. Mé sò me sé pólle n yo yé tyí, té me yéle n kwɔ tówú t̄ukè-ñt̄àn sòko ànê yé gbên tɔ sòko. ²¹ Mé kè yo kǝ Nsyifunɔ ànê Krekɪ névye tɔ tyí ne, pè pé nno vi mɔ, pè mó s̄é ápi Tē ñgbě Yesu yǝ.

²² Nte núkúnúkú, Liyel Mirki we n̄ kyí mɔ mé n sòko Yerusalemɪ kwil yò. Mé náh pǝ tir nê tē wɔ-á kɪ kyí n̄ yīni n tē n pi nénpó. ²³ Máh nê tē wɔle n pne, máh de kwil nê sòko, Liyel Mirki n̄k̄ene kéle n w̄ekɪ ne, wòkònpèkè sòko dénó ànê yèvyāhrɪ-á me n̄ syɪkɪ tē. ²⁴ Nte sépinó pól sòko, n̄ gblǝy min tē tyí náh me tah n̄ tyí pólle. Mé náh me kéle n mɔ n kǝ kwáhtähle. Tir nê tyí-á me tah n̄ tyí, képah ye pɪ n̄ tǝ p̄intenɔle; tǝ nê-á Tē ñgbě dahbɪ n̄ gbò sòko ne mé N̄iv̄in̄ tirlɔ n yo n kǝ Liyel pèpɔrɪ tyí sòko.

²⁵ Nte núkúnúkú, mé pǝ ne máh syǝ yépi nónó pól tyí à Liyel tǝrí tyí yo kǝ, yé náh tǝ n̄ we n yah n pi. ²⁶⁻²⁷ Nte mé náh yé wǝbɪ Liyel dyɔ ȳí tir yó ntēne, mé ye sé pól yo sòko yé tyí. Képah ye, mé kéle n yo n dal n mɔ yé tyí kweyne ne, yé sòko ney nê-á kɪ se tǝ mɔ pu, ké kémú náh n pɪ n pi n̄mɔ tyíle.

²⁸ Yé yé gblǝy t̄énó ple, yé mó Liyel yíp̄eȳ t̄énó ple, Liyel Mirki-á yé sah sépi nónó yǝ ne, yé séle n tē ple. Sépi ye Yesu yǝ s̄epú t̄ink̄ile, Liyel-á nónó pɪ n̄ tyíle n̄ p̄idí tó kwénó gbò yǝ.

²⁹ Mé pǝ ne, n̄mɔ sókóntenɔ náh, névye yísyó-á kɪ pɔ de yé wró gb̄enképèl tyí kǝle, kɪ yényéh pɪ yíp̄eȳ sòko. ³⁰ Té yépi ntē sòko, névye t̄úkù kɪ pɔ yuku tyah m̄in̄i welɔle n yo, kɪ Yesu tǝ sáhpú yǝ yɪkɪ, pè kǝ pè kɪ pé sǝ tē. ³¹ Káh pɪ s̄é, yé yé gblǝyne n kyɔmɪ, yé mó yé dyɔ sah ne n kwne ne, máh lésǝ yé kwɔ ye t̄ónó, ké lékáh ké gb̄intǝ, à v̄inm̄onɔle yé nénúkù núkú pól kǝ. Té k̄eyähle n̄ yéfi ntē n kwe ké tyí sòko.

³² Té núkúnúkú, mé yéle n dahbɪ Liyel ànê n̄ pèpɔrɪ wey gbò sòko. Tähkì me n̄mɔ sòko kɪ fě yé kǝ yé kɪ yuku yahle n̄mɔ yǝ s̄énó sòko, té wáh n̄ vyähle yé kǝ n̄ pèpɔrɪ nê tyí sòko, yé kɪ kè we w̄é tyí ànê nónó pól-á me Liyel tyí yǝ n̄ yǝ s̄énó ȳinne.

³³ Mé náh pó, ànê s̄án, ànê flo yah kǝ ñn̄i yó ntē tyí. ³⁴ Yé pól pǝ ne, máh tǝ pɪ n̄ gb̄anne à ȳin n̄ gblǝy ȳinnóle, ànê n̄ kómú tɔ ȳinnóle kè.

³⁵ Mé kéle yé w̄ekɪ tyi pól sòko ne, s̄é-á névi ȳine à tǝle n pɪ, à kwähle n we à yām t̄anne n yohnɪ n mɔ, à mó n̄ dyɔ sah ne n kwne Tē ñgbě Yesu wey m̄è tyíle wáh nê yo ne n̄k̄é, s̄ám-á me k̄ónó sòko, à kal wénsyinɔle.»

³⁶ Pole-á welɔ nópi yo pɔ tyɔ, à kuku ȳin péle w̄é tyí, pé pól Liyel ni. ³⁷⁻³⁸ Té Pole sò yo pé tyí ne, pè náh tǝ pé yèpɔ we n yah n pi pólle. Képah sòko, pé pól tyah ñne n pɔrɪ n tē n pɔ à n w̄ekɪ n̄ tyí, té n gbo yèkwɔrɪ tē tyí. Képah náh, pè kyí à tekɪ mɔ, f̄óó krótókè tókó-ńsah sòko.

‡ 20:28 20.28 - Liyel yíp̄eȳ nónó tyí-á n yo ásò sòko yò, Yesu yǝ s̄epú ye pè n ye.

21

Pole dókónyukunᵛe Yerusalemᵛ kwil

¹ Képah sᵛokᵛ, áyáh pᵛ wᵛe yal pé tyí, á de krótókè ñgbě yó sᵛokᵛ, à yᵛ sᵛokᵛ gběnyah yó sᵛokᵛ pè n ye Kosele, pne yᵛ ñyó. Á náh kwᵛ dah fí yó ñtě sᵛokᵛ. Ké dīndalle, á yᵛ sᵛokᵛ gběnyah yó sᵛokᵛ pè n ye Wrodesile, pne yᵛ ñyó. Áyáh wil nénpó, á yuku Patara kwil sᵛokᵛ. ² Á kyᵛ yīne krótókè ñgbě yóle, kè me n yuku Fenisi gběnyah sᵛokᵛ. Á me de ké sᵛokᵛ, à sᵛokᵛ. ³ Á kyᵛ syᵛ yúkey gběnyah yóle pè n ye Syiprile, pne yᵛ ñyó, fᵛó á ké yᵛ ñtěne n yah. Nte á me kè mᵛ á gběyīnè sᵛòle, té á yah mᵛ Siri gběnyahle, à kyᵛ tiki ké kwil yó sᵛokᵛ pè n ye Tirile. Krótókè mè vyó kᵛ sᵛò n tiki n mᵛ n pi nénpó. ⁴ Képah sᵛokᵛ, áyáh kyᵛ Yesu tò sáhpu nónó wᵛe nénpó, á tᵛ péle à sèpīn kwārnino pᵛ. Té kéne sèpīn sᵛokᵛ, Yesu tò sáhpu kè yo Pole tyí Liyel Mirki gbᵛ yᵛ ne, à káh dᵛokᵛ yuku Yerusalemᵛ kwil.* ⁵ Nte sèpīn kwārnino nópi-á fyᵛ sᵛokᵛ, á tᵛ kyᵛ yᵛ sᵛokᵛ á kólóle. Áyáh n sᵛokᵛ, díbí, ànê syᵛ, ànê wēnpī pól kyᵛ á gbáhkᵛ wilki mᵛ kwil náh tīnne, yóngbalᵛ sᵛokᵛ. Á pól me á gbètukunᵛ di nénpó, à Liyel ni péle wᵛ tyí. ⁶ Képah náh, á wekᵛ wᵛ tyí, té wᵛ fin mᵛ. Á tékínmᵛpu nópi me pé syᵛ sᵛokᵛ pé tīnne. Ápi me tᵛ de krótókè mè sᵛokᵛ ⁷ à yal Tiri kwil sᵛokᵛ, pópó à kyᵛ de kwil yó sᵛokᵛ pè n ye Pitolemaysile. Nénpó sᵛokᵛ ye á krótókè sᵛokᵛ kóló yīn mᵛ. Á me wil krótókè sᵛokᵛ, à kyᵛ yah wekᵛ kᵛ Yesu yᵛ sᵛepú tyí kwil ñyó, té gbᵛyīkᵛ núkú pᵛ péle.

⁸ Ké dīndalle, á pᵛ yᵛ sᵛokᵛ á kólóle, à sᵛokᵛ Sesarᵛ kwil. Áyáh yīni tᵛ nénpó, á kyᵛ twah Filipi tyí, nê-á Nìvìnì tir yó-òle. Népi kwārnimi† nónó-á lésᵛ pè yah wilki Yerusalemᵛ sᵛokᵛ, à pᵛ Yesu tᵛntᵛ névyᵛ yòhnìnmᵛpule, pépi sᵛokᵛ ney yó ye sᵛò ñne. ⁹ Té syónpi népi ñyᵛh sᵛò me ñ tyí, pè náh díbí tyí pī. Kéne syónpi sᵛò Liyel tᵛntᵛnène n syᵛ n yo. ¹⁰ Képah sᵛokᵛ, á me sèpīn yísyᵛ pᵛ nénpó. Á me nénpó, té Liyel tᵛntᵛ syíno-ò yó tᵛ wil Nsyude gběnyah, à pᵛ á wᵛ. Pè ñne n ye Akabusile. ¹¹ Wāh pᵛ á wᵛ, à Pole kᵛ tᵛokᵛ, à ñ gblᵛy gbyᵛh ànê ñ gbàn pukubi kéle, té ne, Liyel Mirki-á yo ne ñkᵛ, sᵛ-á pé pukubi pé gblᵛyne, sᵛntᵛ-á Nsyifunᵛ kᵛ n pukubi n pi kᵛ mè nétᵛne Yerusalemᵛ kwil, té kᵛ ñ gbàh de mᵛ névyᵛ kᵛ, nónó náh pᵛ Nsyifunᵛle. ¹² Képah tᵛne, áyáh wᵛlo nópi noh sᵛ, à tahlᵛ Yesu yᵛ sᵛepú nónó-á sᵛ me Sesarᵛ kwil, ápi pól Polele n ni ne, à káh dᵛokᵛ yuku Yerusalemᵛ sᵛokᵛ. ¹³ Nte Pole me yo á tyí ne, sᵛ se pᵛ, té á n gbo, à n yah n kᵛ yèkwᵛri mᵛ-ńsahle pé sᵛokᵛ nᵛ? Nkᵛ, kàh kᵛ sᵛ yīn-ńkᵛne pé púkúbínó ó tyí, té pé ku ñtᵛne Yesu yīnne Yerusalemᵛ sᵛokᵛ, páh kè fᵛ syᵛ. ¹⁴ Té áyáh ñ sᵛno vi mᵛ kwlo sᵛ, á yal mᵛ ñ gbáhtᵛnᵛle, té ne, Liyel dyᵛ dyᵛ tᵛ ó pᵛ!

¹⁵ Áyáh sèpīn nópi pᵛ pᵛ n dal mᵛ, á á vi, té wᵛkᵛ tᵛ, à dᵛokᵛ yuku Yerusalemᵛ sᵛokᵛ. ¹⁶ Té Sesarᵛ kwil Yesu tò sáhpu yísyᵛ me á sᵛ tᵛ. Pépi me á tᵛ yuku dí yó tīnne pè n ye Mnasᵛne. Á sᵛ n wil gběnyah yó sᵛokᵛ pè n ye Syiprile, pne yᵛ ñyó. Á sᵛ yīne à twah ñmᵛ tyí. Kéne díne, Yesu tò sáh-ò ye sᵛ ñne di mónóle.

Pole kyínyahnᵛle Nsyaki tyí

¹⁷ Képah sᵛokᵛ, áyáh kyᵛ yīni tᵛ Yerusalemᵛ kwil, Yesu yᵛ sᵛepú me á tᵛ sah tᵛ ñvìnì sᵛokᵛ. ¹⁸ Ké dīndalle, Pole sᵛokᵛ ále Nsyaki tīnne, nyāh sᵛokᵛ-á sᵛ Yesu yᵛ sᵛepú tīnkᵛ yah tām tᵛ me tᵛkènmᵛnᵛle pé tᵛó. ¹⁹ Wāh kyᵛ de, à wekᵛ pé tyí, té Liyel-á à tᵛokᵛ à tyᵛ nónó pᵛ névyᵛ wrᵛ, nónó náh pᵛ Nsyifunᵛle, à me sé pól yo wah pé tyí pnᵛpnᵛ. ²⁰ Pāh képah noh sᵛ, pè Liyel gbilki, té me yo Pole tyí ne, pé yūnpi Pole, à kó me n yah Nsyifunᵛ nékwīnkᵛ sᵛ Yesu yᵛ nᵛ? Nkᵛ, páh me Moyisi tyᵛ kᵛnsāhnᵛ wᵛkᵛle n

* **21:4** 21.4 - Yah n te 20.22-24. † **21:8** 21.8 - Yah n te 6.5 ; 8.5.

kò n yíí pé pólle dé! ²¹ Nte à yah, no-á me nêne n yo ò tyí sòkò; pǎh me n yo ne, Nsyifunò nónó pól-á me karkí tẽ tẽ kò nékáhbí wró, wǎh me péle n kwò ne nkẽ, pé pé syí Moyisi tyi kònsàhnó nǎh. Wǎh me n yo pé tyí ne, pé káh tǒ pé wěnpìle n kò, ànê pé káh tǒ Nsyifunò wǎlle n kò. ²² Té pǎh kí se mó tǒ ò pónó noh n pi. Núkúnúkú, sǒ se pé kí pí ní? ²³ Nkẽ, pǎh kí nê yo n pi ò tyí, à képah pí. Díbí nǎpí ònyêh-á me ásô, nónó-á pé vyǎhle Liyel kò, té kí ké tyi pí n pi. ²⁴ Nkẽ, à pé tẽ sòkò, òmò ànê pépi kyí ké tyi pí pé gblǒy tǒ sah Liyel yah, òmò mó yín pé ywǒ kyénó sárká gbònwílkìle. Képah sòkò, no pól-á kí pí ne, pǎh tyi nónóne n nohní ò tyí sòkò, gblò nǎh séle, òmò òntẽ tǒ-á me n kò Moyisi tyi kònsàhnó wěkí yǒ. ²⁵ Nte nónó tẽ wò nǎh pí Nsyifunòle, té vi mò pí Yesu yǒ sǎpúle, pǎh nê yah tǒkò, pǎh kè wǎrkí tekí mò te pé tyí ne: Pé pé gblǒyne n tẽ sǎh fálnó yíle, ànê fǒfíkìle, ànê tǒ kwé-nkẽ kwáhkókè kòle, ànê tónne. ²⁶ Képah sòkò, dǐndalle Pole díbí nǎpí tẽ pé sòkò wě tyí, à kyí pé gblǒy tǒ sah. Képah nǎh, à de Liyel ní-ńsah gbò sòkò. Té sǒ nê-á pé gblǒy tǒnsàhnó sèpìn kí tǔ, té pé kí sárká wilki n pi pé nénúkú núkú pól yín yǒ, à me ké gbìyíkí yo nénpó.

Pole tǎnóle Liyel ní-ńsah gbò sòkò

²⁷ Té sèpìn kwǎrninò nǎpí tyénó sòkò, Nsyifunò nónó-á n wil Asi gběnyah sòkò, pé Pole we Liyel ní-ńsah gbò sòkò. Pé me tówú pól kurki mò ò yǒ, té à tẽ. ²⁸ Pé sǒ me gbo mò tǔ ne nkẽ, Yisrayel tǎn, pé pé yohní n mò oo! Pé yah dí mènne, òmò-á n yo n yíkí pépi Nsyifunò tyíle ywǒ ywǒ pól sòkò, ànê tyi kònsàhnó tyíle, ànê Liyel ní-ńsah gbò tyíle. A wil képah sòkò, névyè nónó nǎh pí Nsyifunòle, wǎh pé tẽ de Liyel ní-ńsah gbò sòkò. Liyel tyah mè òntẽ dèl kó à pí yò ní? ²⁹ Té Torofimi nê-á n wil Yefesí kwil, òmò ye lésò pé we ànê Polele wě tyí kwil niyó sòkò. Képah ye, pé núkú we ne, Pole-á à tẽ de Liyel ní-ńsah gbò sòkò. ³⁰ Kǎh pí sǎ, kwil fěkí. Névyè me to wil ywǒ ywǒ pólle, à pò. Pé me Pole tẽ yǒrú wil Liyel ní-ńsah gbò nǎhle, té núkú ké yey vike. ³¹ Gbì nê-á sǒ pé me n yah n kò Pole kònmò-ńsahle, Wrome tǎn sràsyíbí yǒtẽ òngbè kè we noh ne, Yerusalemí kwil pól-á me fěkínóle. ³² Nénpó swò, à núkú sràsyíbí ye tuke ànê sràsyíbí yǒtǎmne, té to sòkò péle tówú mè mé-ńsah sòkò. Té tówú mè-á fyò sràsyíbí yǒtẽ òngbè mè we à n pi ànê sràsyíbìle, pé núkú yal mò Pole kònnóle. ³³ Képah sòkò, sràsyíbí yǒtẽ òngbè me nò de Polele, à à tẽ, té ne, pé à pukubi kǎlò pló nínóle. Té piki yah ne, nédúkú nê se òne, ànê tir nê se à pí ní? ³⁴ Nte tówú mè névyè pól yuku yo mò tǔ wě yǒ pé tyíyónónóle sé tyí tyíle. Kǎh pí sǎ, sràsyíbí yǒtẽ òngbè mè nǎh fě tẽ ké yǒ pí. Képah sòkò, à ne sràsyíbí Pole tẽ kyí dah mò pé wòkò òngbè sòkò. ³⁵⁻³⁶ Pǎh kyí yíni tẽ wòkò òngbè mè yah, té Pole tyah n dǒkò ké súnòkò-ńtǎn yǒ, no pól ò sǒ tẽ me gbo mò tǔ ne, pé à ko mò oo, pé à ko mò! No-á Polele n kah n yíkí n kò sǎ, sràsyíbí kwò pé à yǒ sòkò.

Pole-á ò vyǎh kǒlì sǒ

³⁷ Té gbì nê-á pé n tyah dénóle wòkò mè sòkò, Pole me yǒtẽ òngbè mè syah ne, pé se kí fě tir yó yo ò tyí ní? Yǒtẽ dí ne, è, té wǎh Krekí weyne n nohní kè! ³⁸ Nkẽ, Yesyiptí kwil dí nê-á fěkínó pí sǎ yò sǎ yò, à tyínyêh pípú nǎpí kèyó nínó (4 000) tẽ sòkò gběnnú sòkò, tẽ nǎh òmòle kè. ³⁹ Képah sòkò, Pole à syah ne, Nsyifu ney-á péwòle, pé dúbí-ńsah tótó-á Tarsí kwille, Silisi gběnyah sòkò. Pé dúbí-ńsah kwil mè yín-á me wílnóle. Nkẽ, à ò gblǒy ye, à mó ye pé kò pé yo mò no tyí. ⁴⁰ Sràsyíbí yǒtẽ òngbè me ké wěkìle

à kǒ. Képah tǎne, Pole yuku yīn sùndokò-ńtàn yǒ, té n gbò pì mọ no tyí, pè me yīn sùmm. A me tyah n wẹkì pé tyí Yebre wey† sọkọ ne ńkě:

22

¹ «N súbí ànê ní yúnpyé, yé yé gblǒy ye, yè mó noh ní tyí, nê-á mé kú yo kú ní vyǎh kǒlì n pi yé tyí.» ² Képah sọkọ, pǎh Pole we à n wẹkì pé tyí Yebre wey sọkọ sě, tyah tǒ gbah pì sùmm. ³ A me yo pé tyí ne: «Nsyifu nẹy ye ńmọle. Mé dubi Tarsì kwil, Silisi gběnyah sọkọ. Nte Yerusalemì kwil mề sọkọ ye mé kyǎh yò. Té Kamalyelì ye sò kwọ ńne. A ní kwọ yíí á nǎh tǎn tyi kǒnsàhnó wǎlle. Mé sò me gbah tǎ yíí Liyel yò sěńó sọkọ, sǒ-á yéle ké sọkọ kweyne yò. ⁴ Mé Yesu yò sěpú fǒh, fǒó à pé túkù ko mọ. Mé pé díbí ànê pé syó túkùle n tǎ n pukubi n dah n mọ n pọ wòkònpèkẹ sọkọ. ⁵ Sárká syínwìlkìpu yòtǎ ńgbě ànê Nsyifunọ yèwàhnì pól kú fě pì ní tàrfyòle ké sọkọ. Pépi ńtǎ tyí ye lésò mé we syi sẹbéynóle ne mé kyí á no Nsyifunọ kǒ Damasi kwil, mé mó Yesu yò sěpú we n tǎ n pukubi nónó-á me nénpó, mé pọ péle Yerusalemì sọkọ, mé pọ pè fǒh.

⁶ Képah sọkọ, máh me wẹkì yò, té me de n te Damasi kwille, kyòo yó núkú wil yínyò sọkọ gbìntǒle, à pọ kwe ní yò perr à ní mọ gbí. ⁷ Kǎh pì sě, mé yò sykì sétáh, té yínpǒ yó noh nê-á me n yo ní tyí ne: «Sole, Sole, kwǎh nê pì té á ńne n fǒh sě?» ⁸ Mé me piki yah ne, nê se ńmọle ni, Tǎ ńgbě? Kéne yínpǒ tǒ ké syi yo ní tyí ne: «Nasaretì kwil Yesu ye ńmọle, nê-á á n fǒh.» ⁹ Képah sọkọ, máh sò me wẹkì yò ànê nónóne, pépi tǒ sò kyòo mề we; té nê-á n yo n mọ ní tyí, pè nǎh tǎ wọ wey noh. ¹⁰ Mé me piki yah ne, tir nê se mé yīne mé pì ni, Tǎ ńgbě? A me yo ní tyí ne: «Yuku n de Damasi kwil. Té wáh yīne n tyi nónó pól pì, pè kú sè yo n syah.» ¹¹ Nte kyòo mề píkínó sò me ní yí wọ. Kǎh pì sě, áyáh me wẹkì yò ànê nónóne, pépi me ní gbò sọkọ tǎ, à de Damasi kwil.

¹² Té dí yó lésò me nénpó pè n ye Ananiasile. Kéne dí sò me Liyel wẹkì tǎnó ple, me n tyi kǒnsàhnóle n pì sé wǎl yò. Nsyifunọ nónó pól-á sò me nénpó, pé pól sò me n yíngbúle n yo. ¹³ Nmọ me pọ ńmọ tǎn, té yo ní tyí ne: «N yúnpi Sole, fě ne n yah ńtǒ.» Wǎh yo sě, nénpó swọ ní yí ykì, mé me à we. ¹⁴ Képah sọkọ, à me yo ní tyí ne: «Liyel nê-á á nǎh tǎn n gbilki, ńmọ ye n yah tǎkọ ne á pé dyọ yííne n pne, ànê á pé tǒnpi négbí* we yīne, á mó n vyǎh wey noh. ¹⁵ Képah ye, wáh tyi nónó we, té tyi nónó noh Liyel tǒnpi négbí tyí sọkọ, á kú n pì n pi sé yónwàh-òle no pól yí yah. ¹⁶ Kǎh pì sě, núkúnúkú kǎh n tǒ n tǎ n mo. Yuku, á yīne wèlnwìlkínóle ni sọkọ, á tyípèl mó yò mọ n kǒ, Tǎ ńgbě Yesu yīn yéngbonọ sọkọ.»

¹⁷ Képah nǎh, mé ní syi sọkọ Yerusalemì kwil. Té sò yóle, máh me nírlé n pì Liyel ní-ńsah gbò sọkọ, Liyel wẹkínó yóle ní wẹkì. ¹⁸ Mé Tǎ ńgbě we à me n yo ní tyí ne ńkě, Yerusalemì kwil tǎn nǎh ní tyiyónó fě n syi n pi péwọ tyí sọkọ. Képah-á, mé sal n wil súú Yerusalemì kwil sọkọ. ¹⁹ Nte mé me yo n tyí ne, á no Nsyifunọ-á kè pì yíí ne, máh lésò me n kyí n pọ á Liyel ní-ńtàn vù sọkọ, à ńmọ yò sěpúle n tǎ n dah n mọ n pọ wòkònpèkẹ sọkọ, té péle n ko yéfǒhle; ²⁰ à tahlì pǎh n tyí yónwàh-ò Yetyēnì ko mọ gbí nēne, ńmọ tǒ-á sò me dọ. Máh sò me mọ n kònmọpule, té pì pé fwòmò-ńgbnọ syíkí-òle dọ. ²¹ Képah sọkọ, Tǎ ńgbě me yo ní tyí ne: «Fíí sọkọ ye mé n tekì n mọ ále kwlókáhkí névye tyí. Ne n yuku!»»

²² Tówù sò me Pole welọle n tǒ n sah n nohnì, nte wǎh fyò pọ welọ nópi yo ne, kwlókáhkí névye tyí-á Tǎ ńgbě n tekì n mọ péle, pè núkú gbo mọ wòhòh ne, ńsǒntǎ

† 21:40 21.40 - Nsyifunọ wey ye sò Yebre weyne. * 22:14 22.14 - Liyel tǒnpi négbí nê tyí-á pè n yo yò, Yesu ye.

névi-á yĩne kònm̄ntonɔle sétáh yõ. A náh yĩne à tẽ min sɔkɔ. ²³ Pè sò me kah gbo mɔ tũ, me pé flɔle n de n milki, té me nɛngbõne n yilki n mɔ. ²⁴ Kǎh pɪ sɛ, sràsyíbí yòtẽ ñgbẽ ne, sràsyíbí Pole tẽ de pé wòkò ñgbẽ sɔkɔ, pé mó à ko yèfòhle. Képah sɔkɔ, tir nê yĩn-á tówû n gbo n mɔ n yõ sɔkɔ, páh kɪ ké yõ pĩ. ²⁵ Nte pǎh Pole pukubi mnɔle ne páh ñne n ko gbí nêne, sràsyíbí yòtẽ dí nê-á sò me nɛnpó, à yo ñmɔ tyí ne: «Ké wèkì se me yépi tyí kɪ fẽ Wrome tǎn gbò mɔ yõ ko n tükè-ñkê ñtẽne?» ²⁶ Dí-á képah noh sɛ, à kyɪ kè yo sràsyíbí yòtẽ ñgbẽ tyí ne, tyítúkù nê se à n tyah pínóle sɛ nɪ? Ngbõ Wrome tǎn gbò mɔ yõ-á dí mènne dé! ²⁷ Képah sɔkɔ, sràsyíbí yòtẽ ñgbẽ pɔ Pole piki yah ne, à yo pé syah, Wrome tǎn gbò mɔ yõ se ñtyíno ñne nɪ? Pole me ne àwe-á. ²⁸ Pole-á yo sɛ, dí à syah ne, té pó ñgbẽ-á péwɔ tẽ wɔ wilki, té pɪ Wrome tǎn gbò mɔ yõle dé! Pole me ne, ñte péwɔ tẽ wɔ-á dubi kéle. ²⁹ Képah tẽne, nónó-á kɪ sò yĩne pé Pole ko n pi ne à wekɪ, pé gbe mɔ ñne. Té sràsyíbí yòtẽ ñgbẽ-á kè we pĩ ne, Wrome tǎn gbò mɔ yõ-á Polele, té pé me pé kɔ pé à pukubi, ké tiki de n sɔkɔ.

Pole tɛnkynɔle Nsyifunɔ tukey tükèpu tĩnkì tyí

³⁰ Képah sɔkɔ, ké dɪndalle sràsyíbí yòtẽ ñgbẽ sò me ké tyí ne pé pĩ tótó, tir nê yõ-á Nsyifunɔ tɔkɔ Pole kɔ. Képah tẽne, à pé kɔ pé kyɪ Pole wah mɔ, té me tukey tükèpu tĩnkì névyè pól ye tuke, pépi nónó sɔkɔ-á sárká syínwilkìpu yòtãmnɛ, té pé kɔ pé Pole tẽ pɔ pé nyó.

23

¹ Képah sɔkɔ, Pole tyah tukey tükèpu tĩnkìle n yah díkidíki, té yo pé tyí ne: «Ñ yúnpyé, mé me ní fɔkɔ dal mɔ n kɔ Liyel wèkì yõ, pópó à pɔ nɔ kwey tyí.» ² Pole-á yo sɛ, nónó-á sò me n tnô, sárká syínwilkìpu yòtẽ ñgbẽ Ananiyasi yo pé tyí ne, pé n vyǎh mɪ. ³ Képah sɔkɔ, Pole me yo n tyí ne, sékú sò wahy nê-á ñne, Liyel-á kɪ mɪ ñmɔle. Wǎh me kɔ tẽ ásô, à péwɔle n tuke à yĩne tyi kònsàhnóle à yo, té mó tã me sé dèlle n pɪ ne pé pé mɪ kè. ⁴ Képah tẽne, nónó-á sò me nɛnpó, pé à syah ne, Liyel sárká syínwilkìpu yòtẽ ñgbẽne à n gbyɔ lé? ⁵ A me pé syah ne, pé náh sò me pĩ ne sárká syínwilkìpu yòtẽ ñgbẽ-á ñne ló, pé yúnpyé. Nkê, kǎh me wárkínsàhnóle ne: «Káh á kwil névyè yòtẽne n gbyɔ.»

⁶ Képah sɔkɔ, Pole-á sò me kè pĩ sah ne, tukey tükèpu tĩnkì tóní núkúle Sadusẽ névyè-á, té pé tóní mè me Farisiyẽ névyèle sɛ, à tyah n kah n wekɪ pé nyó ne: «Ñ yúnpyé, Farisiyẽ névyè ye ní dúbípúle, ñmɔ tɔ me Farisiyẽ neyne. Té ñmɔ sònɔ-á me ké yõ ne, lékyî-á kɪ n yilki n mɔ n pi, képah yĩn ye ñne tukey sɔkɔ ásô yò.» ⁷ Pole-á fyò képah yo n te ñsò, yékâb ñgbẽ núkú de Farisiyẽ névyè ànê Sadusẽ névyè wró, à pé tówû gbekɪ. ⁸ Sadusẽ névyè wɔ sò me ne, lékó yíkinm̄nɔ náh me, yĩnyò tònpi yó ñtẽ náh me, mírkí yó ñtẽ náh me. Nte Farisiyẽ névyè wɔ mó ne, sé pól-á me. ⁹ Kǎh pɪ sɛ, wǎn tã mɔ névyè gbónm̄nɔ yõ. Képah tẽne, Liyel tyi kònsàhnó kwópú nónó-á sò n wil Farisiyẽ névyè tĩnkì sɔkɔ, pépi yísyó yuku yahle kèpékèyô ne, pépi náh me tyítúkù yó ñtẽ pínó we dí mè tyí pólle. Ténkǎh mírkí yó, képah náh pɪ, Liyel yĩnyò tònpi yó-á kɪ nê yo mɔ n tyí té? ¹⁰ Té yékâb-á pɔ kah pɪ sòhsòh sɛ, tiki me sràsyíbí yòtẽ ñgbẽ tẽ ne, pǎh kɪ pɔ Pole yɔrɪ n kòli n pi. Képah sɔkɔ, à me yo sràsyíbí tyí ne, pé tiki kyɪ Pole tẽ n yal pé wró, pé yuku ñne pé wòkò ñgbẽ sɔkɔ.

11 Ké lékâh-á pɔ mɔ, Tě ñgbě wil Pole yah, té yo ñ tyí ne: «Sóré mɔ á gblɔy sɔkɔ. Ngbò, wáh n tyí yo sɔ Yerusalemɩ kwil, á yĩne ñ tɔ n tyí yo sɔ Wrome kwil tɔ sɔkɔ dé!»

Nsyifunɔ-á yínvĩ nê dahbɩ Pole gbáhkì sò

12 Képah sɔkɔ, tyah-á pɔ dal Nsyifunɔ yísyó yuku Pole tyí yo syi wě tyí, té pé wo Liyelle ne, pé náh tɔnì yò yò kwâh yó ñtě yò n pi, ànê pé náh wɔ wɔ kwâh yó ñtě wɔ n pi, Pole kònmɔ-ńkě sɔkɔ. 13 Té nónó-á sò pɩ yínvĩ mène, pè kah népí tikininine. 14 Képah tɔ sɔkɔ, pè kyɩ wil sárká syínwìlkɩpu yòtã ànê yèwàhnì tyí, té yo pé tyí ne, pépi-á pé wo Liyelle kèpékèyô ne, pé náh tɔnì kwâh yó ñtě dah n mɔ n pi pé vyěy sɔkɔ, Pole kònmɔ-ńkě sɔkɔ. 15 Képah-á, ńkě pépi tɔ pé vyěy pɩ núkúle ànê tukey tükèpu ñnkìle, pè mó kyɩ kè yah kɔ sràsyíbì yòtě ñgbě tyí ne, à Pole tekɩ mɔ pé kɔ. Nkě, pè kè pɩ á kɩ ne, pè sɔ me ké tyí ne, pé ñ tyi sohlɩ n yah palle. Nte pépi tɔ wɔ-á kɩ pé vi, kɩ kyɩ à syɩkɩ tɔ wěkì yah sɔkɔ, kɩ à we ko mɔ, ñ yínintě-ńkě sɔkɔ.

16 Nte Pole lèpi me yínvĩ mè tyí we noh, té Pole nyáh sò sràsyíbì wòkò ñgbě sɔkɔ, à kyɩ kè yo à syah. 17 Képah sɔkɔ, Pole me sràsyíbì yòtě yó ye, té yo ñ tyí ne, tir yó-á me dípir mè tyí yo yo tɔne sràsyíbì yòtě ñgbě tyí. Nkě, à kyɩ ñne ñ tyí. 18 Wáh yo sɔ, dí me kyɩ dípirle, té yo pé yòtě tyí ne, Pole nê yah-á víkénóle wòkò ñgbě sɔkɔ, ñmɔ-á ye yah péle, té kè yah kɔ pé tyí ne, pé pɔ dípir mène ñ tyí. Wáh me ké tyí ne, pé tir yó yo à syah. 19 Képah sɔkɔ, yòtě ñgbě me dípir gbò sɔkɔ tɔ pè kěkɩ gbòpɔle, té à piki yah ne, tir nê se ñ tyí yo yo tɔne ni? 20 A me yo ñ tyí ne, Nsyifunɔ yísyó-á me yo sah núkú yò ne, páh kɩ pɔ à ni, à Pole tekɩ mɔ pé kɔ ñsòne tukey tükèpu ñnkì tyí, á kɩ ne pè sɔ me ké tyí ne, pé ñ tyi sohlɩ n yah palle. 21 Té à yah, népí tikininí dòhnò-á me pé vi sah, me Polele n plo pèkè yóle. Páh kè yah tokɔ, à pé wo ne, pé náh tɔnì yò yò kwâh yó ñtě yò n pi, ànê pé náh wɔ wɔ kwâh yó ñtě wɔ n pi, ñ kònmɔ-ńkě sɔkɔ. Páh kè sah te gbáhkì núkú yò, té me ñmɔ ó fěnsyinɔ syɩkɩ tɔ. Nte à káh n ye pè à pilki. 22 Képah sɔkɔ, sràsyíbì yòtě ñgbě me dípir fin mɔ, té kè gbah yo ñ tyí ne, à káh kè yáh ñnì yó ñtě tyí ne, páh tyi nópi gbél kye péwɔ tyí dé!

Pole tékínmɔnɔle Sesarɩ kwil

23 Képah sɔkɔ, sràsyíbì yòtě ñgbě me sràsyíbì yòtã népí ními ye pɔ yo pé tyí ne, pè sràsyíbì népí lègbã (200) wilki n sah, ànê sèsèn nátã népí tikitóní pò gbãmne, ànê màràl nátã népí lègbãmne (200). Pè mó pé vi sah Sesarɩ kwil sɔkɔ sɔkɔ tɔne yěpnì sò. 24 Pè mó tɔ sèsèn yísyó wilki n sah, sépi pɔ Pole twah yuku gběnyah yah tɔ-ò dí Felikisi ñne, dlo yó ñtě káh à we nɔ. 25 Képah tɔne, té sébéy wãrkɩ pè kɔ ne, pè kyɩ Felikisi kɔ, nê sɔkɔ-á à yo ne ńkě: 26 «Ñmɔ Klode Lisyasɩ ye n tɔ sébéy mène á tyí, gběnyah yah tɔ-ò dí pèpèy Felikisi. N wey me á tyí. 27 Dí nê-á mé n tekɩ mɔ á tyí yò, Nsyifunɔ sò me à tɔ, me n yah n kɔ ñ kònmɔ-ńsahle. Nte máh noh ne Wrome tã gbò mɔ yò-á ñne, ñmɔ ànê n sràsyíbì me kyɩ à tɔ syi pé tyí. 28 Nte mé sò me ké tyí ne, mé pɩ tir nê yín-á pè tokɔ à kɔ. Képah ye, mé à tɔ kyɩ pé tukey tükèpu ñnkì tyí. 29 Képah sɔkɔ ye mé pɩ ne, páh me yékãble n pɩ Polele pé tyi kònsàhnó tyí yò, té képah tyí yò-á pè tokɔ à kɔ. Té sépi pól sɔkɔ, à náh tir yó ñtě pɩ nê-á yĩne ñ kònmɔnɔle, képah náh pɩ, ñ dáhnmɔnɔle wòkònpèkè sɔkɔ. 30 Képah náh, mé pɔ noh ne, páh me yínvĩ yóle n dahbɩ ñ gbáhkì sò. Képah ye, mé núkú ñne n tekɩ n mɔ á tyí yò. Té nónó-á sò me tokɔ à kɔ, mé me yo pé tyí ne, pè kyɩ ké yah yo áwɔ tyí.»

³¹ Képah sɔkɔ, kǎh yo sǒ sràsyíbí tyí, pè me kè pɪ sě. Pè kyɪ Pole tě à sɔkɔ ònne lékǎhne, fós à kyɪ de Antipatrisi kwil. ³² Dīndalle, pè sèsèn nātām kō pè yō sɔkɔ ònne, té pé téló me pé syɪ sɔkɔ pé sràsyíbí wòkò òngbě sɔkɔ. ³³ Sèsèn nātām nópi-á fyò kyɪ de Polele Sesarɪ kwil, pè sébéy mènne gběnyah yah tě-ò dí kō, té Polele ò gbò dahbi. ³⁴ Gběnyah yah tě-ò dí me sébéy mènne kar, té Pole piki yah ne, gběnyah nê ney se ònne ni? Wǎh noh ne Silisi gběnyah ney-á ònne, ³⁵ à yo ò tyí ne, nónó-á tɔkɔ à kō, pǎh kɪ pɔ gbí nènne, pǎh kɪ pyě nóhnó pɪ ò tyí. Té me yo pé tyí ne, pè à tě ò yah vike n sah Yerodɪ tǒrí kéte sɔkɔ.

24

Nsyifunɔ me n yah n kō Pole tükè-nsahle

¹ Té sèpìn kwál sókónteno nǎh, sárká syínwìlkìpu yòtě òngbě Ananiyasi tiki pɔ Sesarɪ kwil, ànê yèwǎhni yísyóle, à tahlɪ wey pǐ-ò òngbě yó tyí, nê-á pè n ye Tertulusile. Pè sò me pɔ Pole ye, gběnyah yah tě-ò dí Felikisi tyí. ² Képah sɔkɔ, pè me Pole ye yah, té Tertulusi me de wey sɔkɔ, à n tɔkɔ Polele n kō ne nkě, gběnyah yah tě-ò pèpey, yèvɪni òngbě nê sɔkɔ-á péle kweyne yò, òmɔ gbò yō sɔkɔ-á kè we. Wǎh ò gběnyah yah tě palle sǒ, képah-á vǐnmɔnɔ nǎhnǎh dahbi ké sɔkɔ. ³ Wǎh n tǒ n sah n pɪ pépi tyí sǒ gbímegbí tǎntǎn pól sɔkɔ, pǎh n gbah n wekɪ ò tyí képah yinne. ⁴ Té à ò kékwe, à mó ò níki kwɔ noh pé tyí kwéy. Pé nǎh pé wey yō ko n pi, kè kō kè n pɪ n pi ò tyí gblóvyáhrile. ⁵ Nkě, dí nê-á yò, pǎh kè kyɔmɪ we ne, wǎh me pɪ tě soh soh nyan tyí kōle. Wǎh me Nsyifunɔ yòle n ykɪ kèkōyó pól sɔkɔ. Nmɔ-á n tě névye yahle, nónó-á n kɔ Nasaretɪ kwil Yesu wěkɪ yō, nê-á gbɪ nǎh kéle. ⁶ Wǎh sò me n yah n kō Liyel ní-nsah gbò dèl rítě pí-nsahle, képah-á pé kō pé à tě. [Pǎh sò ne pé à tuke à yīne pépi Nsyifunɔ tyi kònsàhnó tyi yónóle. ⁷ Nte sràsyíbí yòtě òngbě Lisyasi-á pɔ à tě syi pé tyí gbùgbù, ⁸ té ne: «Nónó-á ne Pole tyípínó nǎh me ple, pè kyɪ tɔkɔ à kō Felikisi tyí.»] Képah nǎh, Tertulusi tǒ ne, núkúnúkú òmɔ rítě Pole piki yah ò gblóy, képah sɔkɔ, wǎh kɪ pǐ ne, tyi nóhnó yīn-á pépi pɔ tɔkɔ à kō, gblɔ-á séle. ⁹ Képah tēne, Nsyifunɔ me dí wey sò so mɔ ne, sě-á kè we.

Pole-á ò vyǎh kǒlì sǒ tukey sɔkɔ

¹⁰ Képah nǎh, gběnyah yah tě-ò dí me ò gbò pɪ mɔ Pole tyí, à weyne à kō. Képah sɔkɔ, Pole me ne: «Mé pǐ ne áwɔ-á ápi no tukey tükè-òle ké ye nǎhnǎh-á yò. Képah ye, ní ni me yinnóle kɪ ní vyǎh kǒlì á yah sɔkɔ. ¹¹ Nmɔ dókónpɔnɔle Yerusalemɪ sɔkɔ, ne mé pɔ Liyel gbilki, kè nǎh tǒnì kah sèpìn gbǒninóle. Áwɔ rítě kɪ fě ké níy tě, kɪ ké gbɪ pǐ. ¹² Pè nǎh ní we mé me yékǎble n pɪ ònì yó rítěne Liyel ní-nsah gbò sɔkɔ, képah nǎh pɪ Liyel ní-ntǎn vè sɔkɔ, képah nǎh pɪ kwil fí yó rítě sɔkɔ. Mé nǎh se mó tǒ tówù kurki mɔ tir yó rítě sɔkɔ. ¹³ Té pǎh pɔ tɔkɔ ònne n kō yò, tir nê me pè kɪ fě yo nê-á n wěkɪ ne gblɔ-á pé tyíyónó nópile? ¹⁴ Nte nê tě-á mé kɪ n yo n pi, képah ye yò, mé me tǒle n pɪ ní nǎh tǎn Liyel tyí wěkɪ mè yō, wěkɪ nê-á pépi ne gbɪ nǎh kéle. Nte tyi nóhnó pól-á wǎrkɪ tyi kònsàhnó ànê Liyel tǎntǎn syínyopu sébéynó sɔkɔ, rímɔ sěhnó me sé pól yō. ¹⁵ Nmɔ sǒnɔ-á me Liyel yō nê tyí sɔkɔ, pépi tɔ sǒnɔ me képah ó yō ne, népéplɔ ànê nétúkúnì pól lékyî-á kɪ yilki mɔ. ¹⁶ Képah ye, mé me gbah tě ní fɔkɔ dal mɔ n kɔ Liyel yah ànê névye yah sɔkɔ gbímegbí, wényo-nsah kēne. ¹⁷ N pónó nê tyí-á mé yo yò, ye nǎhnǎh sókónteno nǎh ye mé pɔ Yerusalemɪ sɔkɔ, à pɔ ní kwil névye yohnɪ mɔ póle, té sárkánó wilki Liyel tyí. ¹⁸ Képah sɔkɔ ye sò pè pɔ we ríne Liyel ní-nsah gbò

sòkò, máh n gblǒy tǒ sah gbí nêne. Tówû náh sò me nne, ànê gbrǒgbrǒ yó ntě náh sò me n pi. ¹⁹ Té Asi gběnyah Nsyifunò yísyó wò sò me. Máh sò me tir yó pu pi pè we, pépi ye náhki pò ásò, à pò tókò n kǒ áwò tyí dò. ²⁰ Képah náh pi, Nsyifunò nónó-á ásò yò, pǎh lésò n tǐ kyí pé tukey tükèpu tǐnkì tyí, lékàh-à kɪ me we n tyí, pè kè yo kè! ²¹ Tyínúkú yó ó ye lésò mé yo gbǎp pé tyí tukey tükèpu yah sòkò ne nkě, máh sè ké yò ne lékyî-á kɪ n yilki n mɔ n pi, képah yīn-á nne tukey sòkò kweyne yò dé!»

²² Té kwil yah tǐ-ò dí Felikisi sò me Tǐ ngbě Yesu wěkì dükù pǐ yí. Kǎh pi sǐ, à tukey mè kur mɔ sah náh tǐn yò, té ne sràsyíbí yòtǐ ngbě Lisyası-à kɪ pò gbí nêne, páh kɪ pé tir mè yah wah. ²³ Té me ne, sràsyíbí yòtǐ dí n syi n kyí Pole dah mɔ wòkònpèkè sòkò. A mó ye à kǒ à ne n me n gblǒy yò kwéy. A káh n tyí névyè yīni mɔ n pónyòhnìnmonòle.

Pole Liyel wey yónóle Felikisi ànê Drusili tyí

²⁴ Sèpìn yísyó sókònteno náh, Felikisi pò de ànê n kyí Drusilile. Té Drusilile, Nsyifu ney ye sò nne. Képah sòkò, Felikisi pè kǒ pè Pole ye yah, à pò Yesu Krista yò sǐ dükù tyíle n yǎh n tyí. ²⁵ Nte Pole-á pò tyah n yǎh gbɪ wěkì kò dükù pèpey tyí yò gbí nêne, ànê gblǒy tǐnó tyí yò, ànê Liyel névyè pò n tuke dükù tyí yò, képah sòkò, tiki Felikisi tǐ, à me yo Pole tyí ne, nukúnúkú tǐne, wǎh kɪ fǐ n yuku, té páh pò wró we, páh kɪ tǒ yo mɔ n tyí. ²⁶ Té n sònò sò me ké yò tole ne, Pole-á kɪ pé kǒ n pi póle; képah ye, à sò me nne n tǒ n ye fáfár pè yáhkìle n yǎh n pò nne.

²⁷ Pè ye nínò pi képah tǐ sòkò sǐ. Képah náh, yòtǐ késán yó pò Felikisi swò tókò pè n ye Porsiyusi Fesitusile. Té Felikisi-á sò me ké tyí ne pé Nsyifunò dyò yí pi sǐ, képah ye à Pole sah wòkònpèkè sòkò.

25

Pole n gblǒy tyí dahbí Wrome kwiltám yòtǐ Sesar gbò

¹ Képah náh, gběnyah yah tǐ-ò Fesitisi* pónó sèpìn tǐ-ò sòle Sesarı kwil sòkò, à dókò yuku Yerusalemı kwil. ² Képah sòkò, sárká syínwilkìpu yòtám ànê Nsyifunò néngbno kyí n tyí ne nkě, Pole-á tyítúkúnì pi. ³ Té tyah nne n gbah n ni ne, à n gblǒy ye pé tyí, à mó Pole kǒ à pò Yerusalemı kwil, pé n tyi sohl n yah palle. Nte kègbɪ tǐ yò, yínvì ye sò pè n pi ne, pé à we kò mɔ wěkì yah. ⁴ Nte Fesitisi me pè syah ne, Pole-á me dáhnmonòle wòkònpèkè sòkò Sesarı kwil. Té péwò ntě tò náh tǐ n mo n pi pé syínsòkò-nsah nénpó. ⁵ Nkě, pé yah tǐm nónó-à kɪ fǐ n tǐ n pi, pè péwò sò tǐ pé tiki yuku Sesarı kwil. Pole-à kɪ se me tyítúkú yó pi pè we, páh kɪ kyí nénpó, pè kɪ n tokò à kǒ.

⁶ Képah sòkò, Fesitisi náh tǐ tǐ mo nénpó à kah sèpìn kwärtǒnò, képah náh pi, gbám yò sòkò, té n syi sòkò Sesarı kwil. Ké dǐndalle, à me kǒ tǐ tukey tükè-nsah sòkò, té tǐntò mɔ ne pè pò Polele. ⁷ Pole-á pò gbí nêne, Nsyifunò nónó-á sò wil Yerusalemı kwil, pè pò à mɔ gbí, té tyah lékàhle nne n kǒ kèpékèyò tyi náhnáh sòkò. Té tir yó ntě náh me pé tyiyónó nòpi sòkò, nê-á wěkɪ ne gblo-á séle. ⁸ Képah sòkò, Pole me tyah n gblǒy vyáhle n kǒlɪ ne, pé náh tyítúkú yó ntě pi à de Nsyifunò tyi kònsàhnó tyí, képah náh pi Liyel ní-nsah gbò tyí, képah náh pi Wrome kwiltám yòtǐ Sesar tyí. ⁹ Nte Fesitisi wò sò me ké tyí ne, Nsyifunò pé yǐngbíle n yo. Kǎh pi sǐ, à Pole syah ne, à se kɪ fǐ syi kyí Yerusalemı sòkò, n tukey kyí n tuke péwò yí yah n? ¹⁰ Wǎh yo sǐ,

* **25:1** 25.1 - Fesitusile, Wrome ney ye nne. Nmo ye sò Wrome kwiltám yòtǐ Sesar sah Nsyude gběnyah yah tǐ-òle.

Pole me yo ò tyí ne, Sesar tukey tükè-nsah yó soko-á péle yò, òmò tyí-á pé tukey yíne kè tuke. Nsyifunò-á yò, pé náh tyítúkù yó ntě pi pé tyí. Yòtě dí, òmò ntě to pínyĩnò-á me ké soko ó. ¹¹ Nkě, pé tyí-à kɪ me kah, ànê pé me tir yó pi nê-á yíne kũne, pé náh me yahle pé kúnó yò dò. Nte päh tɔkɔ péwɔle n kɔ tyi nónó soko, gblo-à nkẽne séle, ònì yó ntě náh fě pé gbàh de mɔ pè kɔ n pi. Páh me ké tyí ne, pé tyí tukey kyɪ n tuke Sesar tyí. ¹² Képah soko, Fesitusi ànê ò tukey tükèpu tĩnkĩ me wě we. Päh tye, à me yo Pole tyí ne, wáh fyò Sesar yĩn yo te, wáh kɪ kyɪ òmò tyí Wrome kwil soko.

Akripa me Polele n piki n yah

¹³ Sèpìn yísyó sókóntenò náh, yòtě dí Akripa ànê ò dósê Berenisi pɔ yah gběnyah yah tẽ-ò dí Fesitusi tyí, Sesarɪ kwil. ¹⁴ Pè kɪ sò sèpìn yísyó pi n pi nénpó. Káh pi sě, Fesitusi mó núkú Pole tyí we kò mɔ yáh Akripa tyí ne nkě, Felikisi-á dí yó dah mɔ sah wòkònpèkè soko ásò. ¹⁵ Té páh pɔ yuku Yerusalemɪ kwil, sárká syínwìlkìpu yòtām ànê Nsyifunò yèwàhnì-á me pɔ n tɔkɔ òne n kɔ pé tyí, té me kéle n yah n kɔ pé tyí ne, pé à mɔ kũ kò. ¹⁶ Nte páh kè yo pé tyí ne, kè náh n pi sě pépi Wrome tãn wěkì soko. Pé náh wòkònpèkè soko neyne n mɔ kũne n kɔ, né pé náh wěkìle à kò, à ò yo yo tẽ yo nénye yíi yah, nónó-á tɔkɔ à kò. ¹⁷ Képah soko, kéne no me pɔ ànê péwɔle ásò soko. Péwɔ náh sò me ké tyí ne pé tir mè sah mo. Képah-á, ké dīndal ntěne pé núkú yuku tukey tükè-nsah soko, té ne pè pɔ kéne dīne. ¹⁸ Péwɔ tẽ-á sò me n sò ne, nénye nónó-á tɔkɔ à kò, päh kɪ pɔ tyítúkúnì ògbnɔ duke duke kwáh n pi ne, sépi-á à pi. Nte päh pɔ, kè náh pi sě. ¹⁹ Päh me pɔ yékáb yísyó óle n pi òne pé yěngbě Liyel wěkì tyí soko ànê Yesu yó tyí soko nê-á lésò ku, té Pole tɔ me n yo ne, wáh me min soko. ²⁰ Káh pi sě, péwɔ náh sò pĩ, páh ne yĩ mè dùkù wah n pi sò. Képah soko, pé me Pole piki yah ne, à se kɪ kyɪ Yerusalemɪ kwil, ò tukey kyɪ tuke nénpó nɪ? ²¹ Nte Pole me ne, páh me ké tyí ne pé tẽ ásò, pé tyi yah mó pɔ kyɪ wah Wrome kwiltām yòtě Sesar tyí. Káh pi sě, pé me ne pè à dah mɔ sah wòkònpèkè soko, fóó kè pɔ ò ò tékínmɔnɔ tyí Sesar tyí. ²² Képah soko, Akripa me yo Fesitusi tyí ne, péwɔ tɔ-á me ké tyí ne dí mè pɔ ò tyi yáh pé noh. Képah tēne, Fesitusi me ne nkě, nsò ntě ó soko, wáh kɪ pɔ ò tyi yáh à kɪ noh.

²³ Dīndalle, Akripa ànê Berenisi pé mɔ wil yòtōrí flo soko, té sràsyíbì yòtām ògbnɔ ànê kwil né-ògbnɔ me pé sò tẽ, pè yuku tukey tükè-nsah wòkò soko. Képah soko, Fesitusi pè kɔ pè pɔ Polele. ²⁴ Wáh pɔ, Fesitusi me de wey soko té ne, yòtě dí Akripa, òmò ànê nónó pól-á me péle ásò soko yò, pé pól-á me dí mène n yah kè. Nsyifunò tówù pól-á pɔ wil pé tyí ò tyí soko Yerusalemɪ, ànê fóó ásò to soko. Päh me gbo mɔ tũ ne, à náh yíne sàhnóle min soko pólle. ²⁵ Nte péwɔ tẽ wɔ náh tir yó we ò tyípínì soko, nê-á yíne ò kònmɔnɔle. Té wáh fyò ò gblɔy tyí dahbɪ Wrome kwiltām yòtě Sesar gbò, képah-á pé ne, páh kɪ à tekɪ mɔ à kò. ²⁶ Té tir nê tẽ tótó-á pé kɪ wārki, kɪ à tekɪ mɔ n pi Wrome kwiltām yòtě Sesar tyí, pé náh me képah pĩ. Képah-á pé pɔ òne pé tyí ànê òmò ntě to tyí ò wahle yòtě dí Akripa. Páh ne, päh kɪ à piki yah te, pé tẽ we tir yó we n wārki ò tyí soko, pé à tekɪ n mɔ Sesar tyí. ²⁷ Péwɔ tẽ tyí ké yah náh, à wòkònpèkè soko ney tekɪ mɔ Wrome kwiltām yòtě tyí, té à náh mó tɔ tẽ tyi yah we yo tekɪ mɔ ò tyí, nónó yĩn-á pè tɔkɔ à kò.

26

Pole-á ò tyípínì yáh sò yòtě dí Akripa tyí

1 Képah sòkò, yòtě dí Akripa yo Pole tyí ne, wey-á me ò tyí, wăh kɪ fě ò vyăh kôli. Wăh yo sě, Pole me ò gbô yô, té tyah ò vyăh kôlínóle pé tyí ne níkě, ²⁻³ yòtě dí Akripa, òmò-á pépi Nsyifunò tyídí pólle n pne ànê tyi nónó yô-á pě yékâble n pɪ. Képah-á, òvìvì òngbê-á kéle péwò tyí kweyne, kɪ pé vyăh kôli tyi nópi pól sòkò, Nsyifunò-á n tókò péle n kô tyi nónó sòkò. Páh òne n ni, à ò gblôy ye, à mó noh pé tyí.

4 A tókò pé kètēnpìkì gbí òkù tyí, páh sò me pé minne n pɪ òkù òne pé kwil tăn wró ànê Yerusalemù sòkò, Nsyifunò pól-á képahle n pne. ⁵ Páh péle n pne di mónóle. Páh kɪ me ké tyí, páh kɪ fě pé kèòkù yo òtēne ne, Farisiyě névye tìnkì sòkò ney-á péle, tìnkì ò Liyel wěkì tyí-á kah tah. ⁶ Nte Liyel-á ò vyăh tókò pé năh tăn tyí ò tyí sòkò, péwò gbô sàhnó-á me ké yô, képah yīn-á péle tukey sòkò nùkúnúkú yò. ⁷ Té pépi yìkì ò gbônínó gbô sàhnó-á me ké yô ne, kăh kɪ n pɪ n dal n mò n pi, té me gbah tē à Liyelle n gbilki ké lékâh, ké gbìntô. Képah yô gbô sàhnó yīn-á Nsyifunò tókò péwò kô yò, yòtě dí Akripa. ⁸ Nte kwâh ò se pɪ, té ké fěnsyinò tō kah tah pé no Nsyifunò tyí ne, Liyel-á lékyíle n yilki n mò nɪ?

9 Péwò òtē tò-á sò me n sò ne, páh yīne pé tyi pól pɪ, pé Nasaretù kwil Yesu yīn yô sěno yah kô. ¹⁰ Sárká syínwìkìpu yòtām-á ké wěkìle pé kô te gbí òne, páh Yesu yô sěpú năhnăh tē dah mò wòkònpèkè sòkò. Té páh sò sò péle n ko n mò fyéle, péwò kè fě n syi. Képah-á pé pɪ Yerusalemù kwil. ¹¹ Páh sò me n de n kô pépi Nsyifunò Liyel ní-òtān vî sòkò, à Yesu yô sěpúle n tē n fôh, té me ké tyí ne pé pè kyí mò, pè Yesu yô sěno yal mò. Té pé fòkò vyăhnhkàhnmonò tē tyí péle, páh níkēne pé nyăh sò ò kyi péle n fôh kwìlókâhkínò tò sòkò.

¹² Sě-á sò yóle, sárká syínwìkìpu yòtām me tēnweno ànê wěkìle pé kô, pé yuku à n yuku Damasù kwil. ¹³ Nkě, yòtě dí Akripa, páh sò me wěkì yô gbìntô pólle, té me kyòò yó we kè wil yīnyô, ò-á piki kal gbīne, à pò kwe péwò ànê pé wěkì kómú yô pèrr, à pé mò gbí. ¹⁴ Képah tēne, pé pól syíkùlì sètáh té péwò me yīnpò yó noh kè me n yo pé tyí Yebre wey sòkò ne níkě: «Sole, Sole, kwâh ò pɪ té á òne n fôh sě? Ngbô gbô ò-à yahle năh vînole, képah ye n kwò dé!» ¹⁵ Kăh pɪ sě, pé me piki yah ne, ò se òmòle nɪ, Tě òngbê? A me yo pé tyí ne: «Yesu ye òmòle, ò-á á n fôh. ¹⁶ Nte yuku n yīn á gbyêh yô. Măh ní gblôyne ò wěkì tir ò yīnne, képah we yò: Mé ne á pɪ ní tōnpule. Sò-á á we òne yô, á kɪ kéle n yah n yo n kô, à tahlù tyi nónó tò-á mé kɪ pò ò wěkì n pi năhle. ¹⁷ Mé kɪ ò pwah mò wilki Nsyifunò ànê kwìlókâhkínò névye gbô, pépi nónó tyí-á mé n tekì n mò ále. ¹⁸ Mé ále n tekì n mò pé tyí ne, á kyi pé yí yikì, pè kô pè wil fěntù sòkò pè pò kyòò yah. Pè mó wil sètān yòtē yòrù sòkò pè pò Liyel tyí, pé tyípèl kô sè yô mò pè kô, pè mó kyi tē-òsah we Liyel wēnpì wró, nónó-á me Liyel tyí yô òmò yô sěno yīnne.»

¹⁹ Pole-á Tě òngbê Yesu welò nópi yo te, à ò syi yo Akripa tyí ne níkě, yòtě dí, páh tyi nónó noh, té tyi nónó we wěkínó mè sòkò ò-á n wil Liyel tyí, pé năh yahle sé pínóle. ²⁰ Té Damasù tăn ògbò tyí-á pé yo séle. Képah năh, pé me sè yo Yerusalemù tăn tyí, ànê Nsyude gběnyah tăn pólle, à tahlù kwlo kwlo téló tyí. Páh kè yo pé pól tyí ne, pè pé nno vi mò, pè mó Liyel wěkì tē. Nkě, pè tyípèplòle n pɪ, nónó-á n wěkì ne gbì yô, pé nno-á vi mò. ²¹ Té képah yô sòkò-á Nsyifunò tē péle, gbí ò-á sò pé me Liyel ní-òsah gbô sòkò. Páh sò me n yah n kô pé kònmò-òsahle. ²² Nte Liyel yòhnìnmòno gbô yô, páh me min sòkò à pò syi kwey tyí. Té páh tō ásô sòkò yò, gblo yo yīnne tahlù ànê yām tăn tyí. Liyel tēntô syínyopu ànê Moyisi-á tyi nónó tyí yo ne, săh kɪ

po n pi n pi, pé náh tir yó rítě yo kah mo sépi yõ, sépi nónó-á yo ne ríkě: ²³ Liyel ney yáhtokono-á kɪ yèvyährɪ pi kɪ ku. Té ñmo-á kɪ n pi n pi négbenne, kɪ yilki mo lékyí soko. Wäh kɪ po pwáhnmonɔ tyí yo wah kyòo pépi Nsyifunɔ tyí ànê névye téló tyí.

²⁴ Té Pole-á me ñ tyi yah yónó soko sě me ñ vyähle n kōli, Fesitusi wekɪ páhpáh ñ yõ ne ríkě, ñ yògbèkè náh me, ñ kárn pínó kèpékè-á ñ yògbèkè yuku. ²⁵ Nte Pole me yo ñ tyí ne ríkě, yòtě pèpey, pé yògbèkè náh yuku dé! Gblɔ ànê yèsrey welo ó kókó-á pé n wekɪ. ²⁶ Nkě, tyi nópi soko yó rítě náh pi sètɪn sò soko, pé sěno-á me ké yõ ne, yòtě dí Akripa rítě pínó-á me sé soko dò. Kèpah-á, pé kō pé kéle n yo n dal n mo ñ yah soko nìsähle. ²⁷ Nte yòtě dí Akripa, à kó sě Liyel tɛntò syínyopu welo yõ nɪ? Péwo tɛ-á pɪ ne wäh sě sé yõ. ²⁸ Kèpah soko, Akripa me yo Pole tyí ne, käh náh kɪ ne pé mo kwéy, wäh náhki núkú péwo vi mo pi Yesu yõ sě-òle.* ²⁹ Pole me yo ñ tyí ne, käh kɪ se pi núkúnúkú ò, käh kɪ se mo ò, péwo tɛ-á me Liyelle n ni ne, kè käh yīn ñmo rítě ó tyí, ríkě nónó pól to-á me pé welole n nohnɪ kweyne yò, pé pól pi péwo tyí kōle, Yesu yõ sěpúle, té kárn wo käh mo pépi tyí.

³⁰ Kèpah náh, yòtě dí Akripa yuku, ànê gběnyah yah tɛ-ò dí Fesitusile, ànê Berenisile, à tahlɪ nónó pól-á sò me kōntɛnóle péle. ³¹ Nte päh wil, pè tyah n yo wě tyí ne, dí mè náh tir yó rítě pi, nê-á yīne ñ kōnmɔle, kèpah náh pi, ñ dahnmonɔle wòkònpèkè soko. ³² Kèpah soko, Akripa me yo Fesitusi tyí ne, dí mè à sò me ñ tukey tyí dáhbí-ńkěne Wrome kwiltām yòtě Sesar gbò soko, wäh yīne fɪnmɔle.

27

Fesitusi ne pè soko Polele Wrome kwil

¹ Kèpah soko, käh po sah núkú yõ ne, áyáh kɪ yuku n pi Wrome kwiltām yòtě ñgbě Sesar tyí Yitalɪ gběnyah soko, pè me Pole ànê wòkònpèkè soko névye yísyó dahbɪ sràsyíbí yòtě yó gbò, ne à soko ále. Dí mè yīn ye sò Nsyulyusile. Nmo ye sò Wrome tån sràsyíbí fɪnkɪ yó yòtɛne nê-á pè n ye Wokustile. ² Kèpah tɛne, á de Adramiti kwil krótókè ñgbě yó soko, à soko. Krótókè mè kɪ sò n syõ n pi Asi gběnyah krótónè yīn-ńtån soko. Arisitarkɪ sò me ále, nê-á n wil Masedonɪ gběnyah kwil yó soko pè n ye Tesalonikile. ³ Ké dɪndalle, á kyɪ de Sidõ kwil. Nte Nsyulyusi sò me Pole tɛnó plɛ. Käh pi sě, à wèkɪle Pole kō ne, à kyɪ yah ñ kódíbí tyí, pè kō pè à we n yohnɪ n mo. ⁴ Kèpah náh, áyáh yal nénpó, yáhkí sò me ále n fwo. Käh pi sě, á syõ gběnyah yó gbòpo pè n ye Syiprile, pne yo nyó. Kèpah sò me yáhkí yah kō sah á tyí kwéy. ⁵ Té yõ soko pne yo soko, à syõ Silisi gběnyah ànê Pänfili gběnyah gbòpo, à kyɪ tiki Mira kwil, Lisi gběnyah soko. ⁶ Áyáh me nénpó, Wrome tån sràsyíbí yòtě me Alekisādri kwil krótókè ñgbě yó we, nê-á kɪ sò n yuku n pi Yitalɪ* gběnyah soko. A me á dah mo kèpah soko. ⁷ Á sèpɪn nahnáh pi, té á náh sò me fě n to súú. Á yèvyährɪ kah pi, té pyé yīni tɛ Knidi kwil dé-ńsahle yúkey. Nte yáhkí-á sò me ále n fwo nénpó fɪn yúkúnóle sě, gběnyah nê-á pè n ye Kretle pne yo nyó, á syõ kèpah dónmo-ńsah yó gbòpo pè n ye Salmonene. Nénpó sò me yáhkí yah kō sah á tyí kwéy. ⁸ Á yèvyährɪ pi nénpó sókó-ńsah soko, à kyɪ yīni tɛ Kretɪ fɪ yó soko pè n ye Krótónè yīn-ńsah pèpeyne. Lasɪ kwil me nénpó tnô.

* **26:28** 26.28 - Wró mè soko, névye sòno me sé tyí tyíle. Túkù sòno soko, kó ye Akripa Polele n ko. Túkù sòno soko mó, Pole wey ñ nɪ tɛ. * **27:6** 27.6 - Yitalɪ gběnyah soko ye Wrome kwille.

⁹ Légbíne, wró náhnáh sò me sòko te. Té Nsyifuno filsàhkì sò níkì tẽ gbí-á sò me sòko te sě, yáhkí sò me kō. Kǎh pì sě, krótókè tónó sò me pì dlolè. Képah ye, Pole me ké gbáhdyáh di pé tyí ne, ¹⁰ pé kódíbí, péwɔ-á kè we te ne, krótókè tónó náh tǔ fě n yǔ n sòko n pì, né dlo náh we ké sòko. Té kè náh n yǐn n pì krótókè ànê ké sòko vyó yíkínó kèpékè ó tyí dé, pépì tɔ min-á kɪ n syah n wũ ké sòko. ¹¹ Nte sràsyíbí yòtẽ dí sò me sě krótókè tó-ò dí ànê ké yòtẽ wey yǔ sòko, à kal Pole tyíle. ¹² Té Kretì gběnyah krótónè yǐn-ńsah mè náh sò me ple kwòvurì gbíne. Képah ye, névye kan sò me ké tyí ne, kǎh kɪ fě n pì n pì, pé yǐni tẽ ké krótónè yǐn-ńsah yó sòko pè n ye Fenikisile, pé kyì kwòvurì gbí pì nénpó. Nénpó sò me Kretì gbìyiki ònnè.

Yáhpékè yó kòńólè pne yo sòko

¹³ Képah sòko, yáhkí yó tyah n kō n wil fálfál yo nuyó ònnè. Képah tẽne, pè sò me n sò ne páh nê yah tɔkɔ, kǎh kɪ fě pì, té me krótókè yǐn mɔ mɔ vyóngbílki dɔkɔ mɔ, krótókè kō kè tyah n sòko, à kyì tɔrì sòko Kretì gběnyah gbòpòle. ¹⁴ Dǔ kwéy, yáhpékè yó kō wil ymɔ yǔ à tiki pɔ mɪ á sòko. Yáhkí mè yǐn ye sò Yerakilõne. ¹⁵ Kè pɔ á krótókè tɔkɔ n yuku gběntěnáhle, á náh tẽ we ké yah kō. Á me á gblǒy fin mɔ kè kō. ¹⁶ Kè kyì sòko ále gběnyahpír yó tñò pè n ye Kodale, pne yo nuyó. Kéne gběnyah sò me yáhkí yah kō sah á tyí kwéy. Kǎh pì sě, krótópír nê-á sò me tóhnmònsàhnólè krótókè ñgbě tyí, á gbah tẽ, à képah we yɔrì dah mɔ ké sòko yèvyàhrìle. ¹⁷ Ké dáhnmòntenɔ náh, á mɔle krótókè ñgbě pukubi kore vi ne kè káh kwòkɪ. Té tíkí-á sò me á tẽ ne á káh kyì n nir Libi gběnyah sèmiyáhrì sòko sě, képah ye á krótókè yòtah flo kũ, sépi nónó gbò yǔ-á ñkěne yáhkí kéle n tu n mɔ súú, té me á gblǒy fin mɔ yáhkí kō kè n yuku ále. ¹⁸ Dìndalle, yáhkí sò me yǔ sòko ále n kah fwo sě, kǎh pì sě, pè krótókè tókóbí wilki min dah mɔ pne yo sòko. ¹⁹ Sèpìn tǔ-ò sòle, krótókè tópú tɔ me ké tǔnpìvyó túkù wilki ké sòko, à min dah mɔ pne yo sòko pé gblǒy. ²⁰ Kè sò me pì sèpìn náhnáhle, té á náh gbí we yah yǐne, képah náh pì, ñwǔ kèpyele. Yáhkí sò me peke tẽ sě, fóó á náh tǔ me pɔ n sò ne, áyáh kɪ pwah.

²¹ Kǎh pì sě, á sò me sèpìn náhnáh pì yòke yó-ńkěne. Képah sòko, Pole me yuku yǐn no pól nuyó, té ne ñkě, pé kódíbí, páh sò yǐne pè sah péwɔ yóré yǔ, pé mó wũ Kretì gběnyah. Képah-à sò me pì, páh dlo nónó gbal, ànê yíkínó nónó-á pì pé tyí yò, sè náh náhkɪ pé yǐni n tẽ n pì dò! ²² Nte núkúnúkú, páh kéle n yah n kō pé tyí ne, pé pé nɪ syáh, ñkě ñnì yó ñtẽ yǔ náh yǐ n pì à wil krótókè tyí sòko. ²³ Nkě, Liyel nê tyí yǔ-á péwɔle pé tǔle n pì ñ tyí, ñmɔ yǐnyǔ tǔnpì yó-á wil pé yah lékâh mè sòko, ²⁴ té yo pé tyí ne: «Káh tíkí pì, Pole! Á kɪ n yǐn n pì Wrome kwiltãm yòtẽ Sesar yah sòko, kɪ á yótyí yo ñ tyí. Té névye nónó pól-á me n yuku ále krótókè sòko, áwɔ gbò yǔ, pé sòko yó ñtẽ yǔ náh n yǐ n pì.» ²⁵ Képah-á, péwɔ Pole sènó-á me Liyel yǔ ne, kǎh kɪ n pì n pì sǔ-á ñ yǐnyǔ tǔnpì yo kéle pé tyí. Képah-á, pè pé nɪ syáh pé kódíbí. ²⁶ Nte krótókè tẽ wɔ-á kɪ kyì n ykɪ n pì pé tyí yo nuyó kwil yó sòko dé!

²⁷ Légbíne, yáhkí sò me yǔ sòko ále n fwo n yuku sě pne yo yǔ, nê-á pè n ye Mediteranìne, fóó à pɔ syì ké sèpìn gbònyáh-ò sǔ lékâh tyí. Té lénì mónó wró sòko, krótókè tópú sò kè sò ne, áyáh me de n te kènkwâh yǔle, ²⁸ té yóntì sáh sáh kwâh min dah mɔ yo sòko, té kè we ké súkúlínó me métérnó yǔgbãm pó kwárnìne. Áyáh yuku yahle kwéy, pè tǔ kè min dah mɔ, té kè we ké súkúlínó me métérnó túkúrí pó kwártònle. ²⁹ Pè sò me tíkìle n pì ne, krótókè káh pɔ kyì syì dyèh yísyó tyí, kè ykɪ.

Képah ye, pè krótókè yīn mɔ mɔ vyóngbìl òyèh dah mɔ krótókè nàh tīnne, té me tyah dálnó óle n deki. ³⁰ Nte krótókè tópu sò me n yah n kɔ tó-ńsahle. Kàh pɪ sɛ, pè krótópír tiki mɔ yɔ yò, té ne páh ne pé krótókè yīn mɔ mɔ vyóngbìl dah mɔ krótókè yah tīnne. ³¹ Képah sɔkɔ, Pole me yɔ sràsyíbí ànê pé yòtɛ dí tyí ne ńkɛ, díbí nópi-à kɪ wú-ńkɛne krótókè sɔkɔ, pépi nàh tɛ we n pwah n pi dé! ³² Képah sɔkɔ, mɔnɔ nónó-á sò tɛ sah krótópírlɛ, sràsyíbí núkú sépi kòlɪ mɔ kè kɔ kè sɔkɔ.

³³ Képah nàh, tyah-á pópó n dal, Pole kè yah kɔ no pól tyí ne ńkɛ, pè yòke yò. A ne ńkɛ, ké sèpìn gbõnyáh-ò-á kweyne yò, pé yáh-ńsah me tye tɛ pópó, pè nàh me fɛ yòkele n yò. ³⁴ Nte yòke vyáh-á mó tɔ me pé min pwáhnó tyí sɔkɔ. Képah-á, páh kéle n yah n kɔ pé tyí ne, pè yòke yò. Nkɛ, pé sɔkɔ ney yó ńtɛ yòyén pó núkú fyé nàh n mɔ n pu n pi. ³⁵ Képah yóntenɔ nàh, Pole búrn tɔkɔ, té weki Liyel tyí no pól yí yah, té kè kwɔ à tyah n tah. ³⁶ Képah sɔkɔ, no pól nɪ sũ, pé tɔ me yòke yò. ³⁷ Névyɛ nónó-á sò me krótókè mè sɔkɔ, á pól sò me népí lègbām tikitóní pó gbām pó kénúkòle (276). ³⁸ Á pól-á yò tɔ te gbí nêne, á sèmukɔ wilki min dah mɔ yɔ sɔkɔ krótókè kɔ kè pɪ fáhfháh.

Krótókè tyí yíkínóle pne yɔ sɔkɔ

³⁹ Képah tɛne, tyah-á pɔ dal krótókè tópu nàh sò me kènkwháh yò yah pɪ. Páh pɔ yɔ kéngbárkì yó kyɔmɪ we, nénpó me wényín-ńsahle, pè ne páh kɪ yuku yah nénpó krótókèle, kàh kɪ fɛ n pɪ n pi. ⁴⁰ Képah sɔkɔ, pè krótókè yīn mɔ mɔ vyóngbìl de mɔ sè kɔ sè wú pne yɔ sɔkɔ. Té núkú yò sɔkɔ krótókè yah tɛ tɛ yí tɔ wah mɔ, ké yah tɛ yīnne. Té me fwo toh yinyò, krótókè yah tīnne, yáhkí kɔ kè kéle n tu n mɔ, té pé yah mɔ à yɔ kéngbárkì mènɛ n yíki. ⁴¹ Nte pè kyɪ yīni tɛ yóntáh sèmiyáhrí fii yó tyí, à nir ké sɔkɔ. Krótókè yah tīn sò me kyɪ di sèmiyáhrí sɔkɔ, fók kè nàh me fɛ n yike, té níkwil me ké nàh tīnne n mɪ n kwɔkɪ n pɔ. ⁴² Képah sɔkɔ, sràsyíbí sò me n yah n kɔ wòkònpèkè sɔkɔ névyɛ kònmɔ-ńsahle. Tíkí sò me pè tɛ ne, pè káh pɔ n yò n wil n to n pwah. ⁴³ Nte sràsyíbí yòtɛ dí-á sò me ké tyí ne, pé Pole pwah mɔ sɛ, à pè yīni mɔ képah pínóle. Té ne, yɔ yònpnèpu ñgbò yɔkɔ de yɔ sɔkɔ, pè kènkwháh yòle n yíki. ⁴⁴ Té me ne, no téló sésárno tɔkɔ, képah nàh pɪ, krótókè kwókínóle, pè dɔkɔ sépi yò, pè ne n yò n yuku. Sɛ ye kè pɪ, té no pól yīni tɛ kènkwháh yò sɔkɔ krómkróm pé vyele.

28

Pole-á nê pɪ gběnyah yó sɔkɔ pè n ye Maltɪle, pne yɔ nuyó

¹ Képah sɔkɔ, áyáh pwah sɛ, á kè noh ne pne yɔ nuyó gběnyah mè yīn-á Maltɪle. ² Kéne kwil tãn me á tɔ sah tɛ yíi palle. Té pù-á sò me n pɪ, té vurɪ me n pɪ sɛ, pè me nyàh mɔ tii á pól kɔ á me tuke mɔ tɛ n wne. ³ Képah sɔkɔ, Pole-á kyɪ lésópí kwel ne pé pɔ mɔ nyàh sɔkɔ, nyàh swòò-á kyɪ sé tyí, wáhnpo yó wil sé sɔkɔ à Pole kɔ, fók à toh mɔ ñ gbò tyí. ⁴ Kwil mè tãn-á wahy we tóhnmòncɔle ñ gbò tyí sɛ, pè tyah n yo wɛ tyí ne, tòtò nàh me ké sɔkɔ pólle, dí mè-á nékókè mɔ yah. Wáh sènsò pwah pne yɔ gbò sɔkɔ ó, ñte pépi sétò nê-á gbule n wah, képah tɛ wɔ nàh à sah n pi min sɔkɔ dé! ⁵ Képah sɔkɔ, Pole wahy mè mir dah mɔ nyàh sɔkɔ. Té syéhéh kwéy ńtɛ nàh kyɪ Pole wil tyí. ⁶ Té kwil tãn sò me syíkíntɛnóle n pɪ ne, dǒ páh kɪ à we à kɪ me tyah n sɛ, képah nàh pɪ, kɪ syíkɪ n ku n pi nénpó swɔ. Nte páh képah syíkɪ tɛ wrétété, pè pɔ pɪ ne, pèkè yó ńtɛ nàh à nɔ n pi. Kàh pɪ sɛ, pè pé vyéy vi à tyah n yo ne, tò yó-á ñne.

⁷ Té nýāh soko-á sò ále, fí yó sò me nénpó tnô, nê-á pne yo ntyó gběnyah mē yòtē dí tyíle. Kéne dí yin ye sò Publiyusile. Nmō me á tō sah tē palle n kódíbí sō, té á kō á twah n tyí à sèpìn tōnì pì. ⁸ Té kéne dí sú sò me yam pèkì yō. N wil sò me vyāh, té n foko to me kye. Képah tēne, Pole me kyí yah n tyí, té n gbān sah n yō à Liyel ni n tyí, à à de mō. ⁹ Képah nāh, kéne kwil yámpú téló to me pō Pole tyí, té pō dénmonō wē. ¹⁰ Kāh pì sē, á yō yō nénpó soko kègbile. Té áyāh pō n tyah sókónóle, yí nónó yétô-á sò me á tē, pè sé pólle á kō.

Pole yínintēnole Wrome kwil

¹¹ Képah nāh, nówlō tōnó sókónteno soko, á me de soko Alekisādri kwil krótókè ngbē yó soko, nê yīn-á kēnīnne. Képah sò me kwōviri gbí tyénó sykì tē Maltì gběnyah soko. ¹² Ayāh kyí yīni tē Sirakusi kwil, á tē nénpó à sèpìn tōnì pì. ¹³ Ayāh yal nénpó, à tyah n tōri n yuku krótókèle yo vyāh tyí, pópó à kyí de Wregbyo kwil. Ké dīndalle, yāhkí kō wil á nāh fīnne à pō. Kāh pì sē, sèpìn nīnì wró, á yīni tē Pusolì kwil, té wil krótókè soko. ¹⁴ Ayāh kyí nénpó, á kyí Yesu yō sēpú yísyó wē. Pépi me á ni, á kō á wū à sèpìn kwārnino pì pé tyí. Képah nāh, á soko Wrome kwil. ¹⁵ Té Wrome kwil Yesu yō sēpú-á fyò á pīnó noh, pé tókù pō á yohni, fósó Apyusi yòhntāhkì soko; pé tókù mó pō á yohni fí yó soko pè n ye Népan twáh-ńtān tōnīne. Pole-á fyò pè wē sē, à wēkì Liyel tyí, ànē n nī sū.

¹⁶ Képah tēne, áyāh yīni tē Wrome kwil, pè ké wēkìle Pole kō à kyí tē n tyí wòkò soko, té srāsýí yó kō à nne n kyomì.

Pole Liyel wey yónóle Wrome kwil

¹⁷ Képah soko, sèpìn tōnì-á soko, Pole Nsyifunō yah tām ye n fīnne. Pāh pō tuke mō, à yo pé tyí ne, pé no, pé nāh sēnsō tir yó nītē pì de pé no Nsyifunō tyí, pé nāh pé nāh tān wāl dēl pì, nte pè pé tē Yerusalemi soko, té pé dahbì Wrome tān gbò soko. ¹⁸ Nte Wrome tān-á pé piki yah te gbí nēne, pè nāh pé tyípíní yó nītē wē, nê yīn-á pé yīne pé ko mō. Kāh pì sē, pè me ne pāh péle n fin n mō. ¹⁹ Té Nsyifunō me képah yahle. Képah-á, pé gbò yīí nāh, pé me pé gblōy tyí dahbì Wrome kwiltām yòtē Sesar gbò. Nkē, tókónkōnō tē wō nāh pé ne pé tokō pé no Nsyifunō kō dé! ²⁰ Képah yīn-á pé kō pé kè yah kō ne, pé pè wē, pé mó yāhkì yāh péle. Yisrayel tān gbò sàhnó-á me pwáhnmo-ò nê yō, nmo yīn-á kārñ nópīle mónóle péwō gbān soko yò. ²¹ Képah soko, pè me yo Pole tyí ne, sébéy yó nītē nāh wil Nsyude gběnyah, à pō pépi tyí nmo Pole tyí soko. Pé no Nsyifunō soko yó nītē nāh mó tō wil nénpó, à pō tir yó yo pé tyí n tyí soko, képah nāh pì, à n yípo yo pépi tyí. ²² Nte pépi-á pī ne, wēkì nê soko-á nne, pāh me kéle n fwo ywō ywō pól soko. Képah-á, nmo sōnō-á nēne, pāh me ké tyí ne pé kè noh n vyāh soko. ²³ Képah tēne, pè me wē wénó yòh mō wē tyí Polele.

Lésō-á pō no, wān tō mō pé wīlnó yō, à pō Pole tyí n twáhntē-nsah soko. A me tyah à Liyel tōrí tyíle n yo n wah pé tyí, à tokō séngbō tyí, pópó à pō no níví tyí. A sò me de Moyisi tyi kōnsàhnó ànē Liyel tēntò syínyopu welo soko, à Yesu tyíle n yo pé tyí ne, pè kè fē syi. ²⁴ Képah soko, tókù n tyi yónó fē syi, nte tókù mó sè yahle. ²⁵ Nte pāh tē wēkì sah kwlo núkú yō, té n karkì gbí nēne, Pole tō tyínúkú yó yo pé tyí ne, gbì-á Liyel Mirki wey mēne, nê-á lésō Liyel tēntò syínyo-ò Yesayi yo pé nāh tān tyí ne nkē:

²⁶⁻²⁷ «Kùkùtāhkì me de no nōpi nno soko.

Pè me pé níkíló tah tū,

té pé yí vike sah;

ne ñkě pé yí káh kwâh yó ñtě we,
 pé níkíló káh tir yó ñtě noh,
 pé nno kǒ sè pɔ n ye kùkùtáhkì pínóle,
 pé mó vi mo ñmo Liyel wěkì tě,
 ní kǒ mé pè we pwah mo.

Képah ye, kyi n yo pé tyí ne,
 pǎh ki n nohni tě wɔle, té pè náh ké tyí yah we n pi.

Pǎh ki n yah dyěh sě yò, té pè náh kwâh yó ñtě we n pi.»*

²⁸ Képah yóntenɔ náh, Pole tǒ yǒ sɔkɔ yo pé tyí ne: «Yé pĩ ne, Liyel-á pwáhnmonɔ wey tekɪ mo névye tɔ tyí, nóno náh pi Nsyifunɔle. Pépi tě wɔ ki kè noh n pi.» [²⁹ Wǎh képah yo sě, Nsyifunɔ yuku sɔkɔ, té me yékâble n pi n yuku kékékèyô pé wě wró.]

³⁰ Képah náh, Pole ye nínó tũ ñ wòkò sɔkɔ, wǎh sò ñê tɔkɔ de tě. Nóno pól-á sò n wil n pɔ ñ tyí, à sò me pé pólle n tě palle. ³¹ A sò me Liyel tǒrí tyíle n yo névye tyí, té me Tě ñgbě Yesu Krista tyíle nole n kwɔ ñsǎh sɔkɔ. Nnî yó ñtě náh sò me ñ yahle n kǒ ké pínóle.

* 28:26-27 28.26-27 - Yah n te Yesayi 6.9-10.

Pole sɛ́bɛ́y tɛ́kínmɔ̀nɔ̀lɛ Wrome tãn tyí

Tyàh-̀nsah weyne

Liyel ye Pole yah wilki ne à pɪ Yesu tɛ̀ntò névile nê-á kɪ Nìvìnì tirlɛ n yo névye tyí nónó náh pɪ Nsyifunɔ̀lɛ. Yah n tɛ Wrome tãn 1.5; Kalatɪ tãn 2.9. Nmɔ̀ Pole ye wãrku tekɪ mɔ̀ sɛ́bɛ́y mènɛ Yesu yõ sɛ́pú tyí, nónó-á mɛ Wrome kwil sɔ̀kɔ. Nósyó ye we yo pé tyí Nìvìnì tirlɛ Yesu tyí sɔ̀kɔ, té pɛ mɛ kè fɛ́ syi. Képah sɔ̀kɔ, Pole mɛ sɛ́bɛ́y wãrku tekɪ mɔ̀ pé tyí nɛ, páh mɛ ké tyí nɛ pé pɔ̀ pé tìnne, pé pɔ̀ sóré mɔ̀ pé sɔ̀kɔ pé mó yõ sɔ̀kɔ pé kólóle.

Kwónó nê-á à mɛ n pɪ, képah yah ye à yo pé tyí n sɛ́bɛ́y mɛ sɔ̀kɔ.

A ne nkɛ́ Nsyifunɔ̀ ò, ànê nónó náh pɪ Nsyifunɔ̀lɛ ò, pé pól-á tyípɛ̀l pɪ, pè kɔ̀ pè náh we de Liyel tɔ̀rí sɔ̀kɔ. Ntɛ pé pól tyí-á nɔ̀ Liyel tyí. Wãh mɛ ké tyí nɛ pè pé nno vi mɔ̀. Pè yal n mɔ̀ tyípɛ̀l pínóle, pè mó sɛ́ Yesu Krista yõ. Nmɔ̀-á ku pé tyípɛ̀l yinne. Pàh kɪ sɛ́ òmɔ̀ yõ, òmɔ̀ gbò yõ páh kɪ pɪ néglóle Liyel yah sɔ̀kɔ. Yòbènɔ̀rɪ-á Liyel pɪ pé tyí kéle. Névi nê-à sɛ́ Yesu yõ, tɛ́ wɔ̀ náh tɔ̀ mɛ n pɪ tyípékè ànê kũ mɔ̀ sɔ̀kɔ. Tɛ́-á kɪ n kɔ̀ Tɛ́ ngbɛ́ Yesule kúmm, té Liyel Mirki kɪ ònɛ n yohnɪ n mɔ̀. Yah n tɛ Wrome tãn 1-8.

Pole tɔ̀ Nsyifunɔ̀ Yesu yáhlenɔ̀ tyí yo n sɛ́bɛ́y sɔ̀kɔ. Liyel-á yòbènɔ̀rɪ nɛnɛ n pɪ, kè n tɛ́ n pɛnɛ tyi pól tyí. Képah ye, à nɛ pé Liyel yáhlenɔ̀ náh n yõ n sɔ̀kɔ n pɪ. Yah n tɛ Wrome tãn 9-11.

A tɔ̀ kè yo nɛ, núkúnúkú Liyel-á mɛ sãmne n mɔ̀ névye pól sɔ̀kɔ nónó náh pɪ Nsyifunɔ̀lɛ. Pãh yĩnɛ pè pé minne n pɪ yályál Liyel yah, nê tyí-á nɔ̀ Liyel tyí. Yah n tɛ Wrome tãn 12-15.

Sɛ́bɛ́y tyé-̀nsah sɔ̀kɔ, Pole nɛ páh mɛ ké tyí nɛ pé yuku Wrome kwil sɔ̀kɔ, nénpó tãn kɔ̀ pè pé we yohnɪ mɔ̀ pé kɔ̀ pé yõ sɔ̀kɔ Yesɪpayĩ yamana sɔ̀kɔ. A nɛ páh n wɛkɪ Yesu yõ sɛ́pú pól tyí Wrome kwil sɔ̀kɔ, nónó-á pé nɛpínóle.

¹ Nmɔ̀ Pole nê-á Yesu Krista tònpule, òmɔ̀ ye n wãrku n tekɪ n mɔ̀ sɛ́bɛ́y mènɛ yé tyí. Liyel ye òmɔ̀ ye pɪ Yesu tɛ̀ntò névile. A ní wilki sah nɛ mé pé Nìvìnì tirlɛ n yo.

² Liyel-á n vyãh kɔ̀ sah kéne Nìvìnì tir nê tyí sɔ̀kɔ, à lésò syõ n tɛ̀ntò syínyopu tyí à ké tyí yo sah n wɛy sɛ́bɛ́y sɔ̀kɔ ngbò dùkùle. ³ N Pídí tyí ye kè n yo, nê-á ápi Tɛ́ ngbɛ́ Yesu Kristalɛ, òmɔ̀ nê-á pɪ yòtɛ́ dí Davidi pétó náhkùle n pónɔ̀dubino sɔ̀kɔ névile. ⁴ Té wãh pɔ̀ ku, té n lékó-á yilki mɔ̀, képah sɔ̀kɔ Liyel Mirki mɛ kè wɛkɪ nɛ Liyel Pídí-á ònɛ, tɛ́nwɛnɔ̀-á mɛ n tyí. ⁵ Nmɔ̀ gbò yõ ye òmɔ̀ yòbènɔ̀rɪ we à pɪ n tɛ̀ntò névile, kɪ yìkìnì pól yohnɪ mɔ̀ pè kɪ pɪ òmɔ̀ yõ sɛ́púle kɪ n sah n tyí yõ, n yĩn kɔ̀ kè kɪ n gbilki.

⁶ Kéne yìkìnì sɔ̀kɔ névye ye yépi tɔ̀lɛ, Yesu Krista-á yépi nónó ye pɪ n tyíle. ⁷ Yépi nónó pól tyí-á nɔ̀ Liyel tyí Wrome kwil sɔ̀kɔ, té à mɛ yé ye nɛ yé yé minne n pɪ péwɔ tyí yõ, yépi tyí ye mé n tekɪ n mɔ̀ sɛ́bɛ́y mènɛ. Mé kéle n yah n kɔ̀ ápi Sú Liyel ànê Tɛ́ ngbɛ́ Yesu Krista tyí nɛ, pè yòbènɔ̀rɪ ànê yèvinunɛ yé kɔ̀.

⁸ Yesu Krista gbò yõ, mé n wɛkɪ ní Sú Liyel ngbò tyí yépi pól tyí sɔ̀kɔ, yé Liyel yõ sɛ́nó tyí-á sɔ̀npúle mɛ n yo kèkòyó pól sɔ̀kɔ. ⁹ Mé mɛ tòle n pɪ Liyel tyí ní nɪ pólle n Pídí Nìvìnì tir yónó sɔ̀kɔ. Nmɔ̀ òtɛ́ ye ní tàrfyòle nɛ gbímegbí, mäh níríle n pɪ, mäh níkɛ́ne nɛ n mɛ yé tyíle n yo pé tyí. ¹⁰ Mäh níkɛ́ne nɛ mɛ kéle n yah n kɔ̀ pé tyí gbímegbí nɛ,

Kyɪ n yah dékè mɛ Pole tɛ́ Wrome kwil Yesu yõ sɛ́pú tyí

⁸ Yesu Krista gbò yõ, mé n wɛkɪ ní Sú Liyel ngbò tyí yépi pól tyí sɔ̀kɔ, yé Liyel yõ sɛ́nó tyí-á sɔ̀npúle mɛ n yo kèkòyó pól sɔ̀kɔ. ⁹ Mé mɛ tòle n pɪ Liyel tyí ní nɪ pólle n Pídí Nìvìnì tir yónó sɔ̀kɔ. Nmɔ̀ òtɛ́ ye ní tàrfyòle nɛ gbímegbí, mäh níríle n pɪ, mäh níkɛ́ne nɛ n mɛ yé tyíle n yo pé tyí. ¹⁰ Mäh níkɛ́ne nɛ mɛ kéle n yah n kɔ̀ pé tyí gbímegbí nɛ,

péwɔ dyɔ yíi tẽ-à kɪ nê, pé wěkì yɪkɪ mɔ ní kɔ sě mé n kyɪ n yah yé tyí. ¹¹ Yé náh we di, pɔ n yah dékè me ní kah tẽ yé tyí. Képah sɔkɔ, Liyel Mirki-á nêne ní kɔ, mé kɪ pɔ kéle yé kɔ, nê-á kɪ tǎhkìle yé kɔ. ¹² Képah ye kɪ á kɔ á kɪ sórè we mɔ wě sɔkɔ à yuku ápi Liyel yô sěno tyí ònne. ¹³ N yúnpyé, mé me ké tyí ne yé kè pĩ ne máh kè yah kɔ gbáhyí náhnáhle ne mé pɔ yé ònne, mé pɔ tò we n pɪ yôre-á me nê tyí, sɔ-á mé pɪ kéle yìkìni téló ònne. Nte ké wěkì náh me tẽ we we, fókó à pɔ syɪ núkúnúkú tyí yò. ¹⁴ Mé yĩne mè Nìvìnì tirlè n yo yĩ pípú ànê yĩ pĩ-ńkěpú tyí, ànê kǎrn pípú ànê kǎrn pĩ-ńkěpú tyí. ¹⁵ Képah ye, ké dékè me yíi ní sɔkɔ ne mé pɔ Nìvìnì tir yo yépi tɔ tyí, yépi nóno-á me Wrome kwil sɔkɔ.

Tǎhkì nê-á me Nìvìnì tir sɔkɔ

¹⁶ Nìvìnì tir yónó sen náh me nmo tẽ. Liyel tǎhkì ye kéle nê-á névyè pólle n pwah n mɔ nóno-á sě ké yò. Kè tyah Nsyifunɔ ngbò tyí, té pyé yĩni tẽ névyè tyí nóno náh pɪ Nsyifunɔle. ¹⁷ Yé náh we di, képah ye n wěkì kéle ne Liyel-á me névyèle n pɪ négbólè n yah sɔkɔ n yô sěno gbò yò. N yô sěno ó gbò yò ye kè n pɪ, sɔ-á kéle wǎrkínsàhnóle Liyel wey sébéy sɔkɔ ne: «Névi nê-à pɪ négbíle Liyel yô sěno gbò yò, tẽ kɪ min yèsyìkì we képah gbò yò.»*

Névyè pól me tyípékè mno sɔkɔ

¹⁸ Yé yah, névyè Liyel yah tiki pí-ńkě ànê pé tyítúkùnì pínó pól yĩne, Liyel tẽ yĩnyò té n fókòvyǎhnì pè wěkì, pǎh sǎnpíle pé tyítúkùnì tokɔ à gbɪ yah vike. ¹⁹ Yé náh we di, névi-á fě nê pĩ n pɪ Liyel tyí sɔkɔ, ké sèndì náh pépile dò. Liyel ye kéle pè wěkì. ²⁰ Liyel tyi nóno-á sè náh n we yĩne, sépi nóno-á pɪ n tēnpnènóle nê-á me tyé-ńkěne, ànê wǎh me dukù nêne tótó; sépi me fě n pne n tyípínó gbò yò à tokɔ kèkòyó mɔ gbí dukù tyí. Kǎh pɪ sě, lénò náh fě n we n pɪ névyè tyí pólle. ²¹ Pè ye Liyel pĩ, té pè náh fě syi gbílkínó sah n yô nê-á yĩne ònne. Pèpɔrɪ pínó wey nê-á yĩne n kónóle, pè náh kéle à kɔ. Nte pè pyé sɔno wǎnne pé gblǔy pilki, à pɪ lékám kě névyèle à de fěntú sɔkɔ. ²² Pé gblǔy tẽ pínó sɔkɔ lékám névyèle, pè pyé pɪ nêwǎnne yò sɔ. ²³ Gbílkínó nê-á yĩne sàhnóle kú-ńkě Liyel yô, pè képah vi mɔ n sah névyè, ànê kèpye, ànê gbyèhnyèh yĩ, ànê til til yĩ kètò pínsàhnóno yò. Té névyè ànê kéne gběnkycɔ nópi pól kɪ mó tɔ pɔ n ku n pi.

²⁴ Képah ye Liyel ye pè kɔ pè pé pǒpǒle n pɪ, képah nê dékè-á me pé sɔkɔ, fókó à pɔ sennè n pɪ pé gblǔy tyí. ²⁵ Gbɪ nê-á yo Liyel tyí sɔkɔ, pè képah vi mɔ pɪ mìnìne. Pè mɔ mɔ Liyel sah té n yĩ mónó wɔle n gbilki, té tòle n pɪ sépi tyí. Nte nmo ye mó tɔ yĩne gbílkínóle tyé-ńkěne. Amiina! ²⁶ Képah ye, Liyel me ye pè kɔ pè sen tyi óle n pɪ nóno dékè-á me pé sɔkɔ. Pé syó me pèkì yah tyi vi mɔ ké gběntěnáh yò, me n sě wěne. ²⁷ Sě ó ye, díbí tɔ me pèkì yah tyi vi mɔ ké gběntěnáh yò. Pè náh tɔ me n sě syóle. Sěnole wěne, képah lédórí ó ye me n ko péle. Sen pí-ńkě tir ye pè me n pɪ wě tyí, té mó pé mónpuno lédyáhnì we nê-á yĩne péle. ²⁸ Pǎh yahle Liyel pínóle sě, à me ye pè kɔ pè pé sɔno túkùnì sò tẽ à pí-ńkě tyile n pɪ. ²⁹ Tyíkněni duke pól ye pè me n pɪ, ànê tyítúkùnìne, ànê yísesúkúle, ànê népékèle. Dyóyókè ó ye pé tòle, à tahlɪ nékókè mónó tyí, ànê méwéyne, ànê yĩnvì pínóle, ànê nétúkùnì tyi pínóle, ànê mìnì sàhnóle névyè yò, ³⁰ ànê névyè tyí yónkónóle. Pè pɪ Liyel sépébíle, ànê vyǎhsenóhkípúle, ànê gblǔy gbílkípúle, ànê wèngbìl wékípúle, ànê pèkè yah wénpɪpule, ànê dúbípú tyí yáhlepule. ³¹ Pè pɪ lékám kě névyèle. Pàh nê yo, pè náh kéle n pɪ. Kùkùtǎhkì névyè

* **1:17** 1.17 Yah n te Yabakuki 2.4.

ànê nêpíkòbì ye péle. ³² Té pè mó tã pĩ ne Liyel-á me kè yo sah ne, sɛnkno tyi pípú-á yĩne kònmònòle. Nte képah fyé yõ, pè me yõ sòkò tyi nópi pólle n pi. Té pè náh me yĩn sépi ó tyí dé, pè me mó sɛnkno tyi pípú tóle.

2

Liyel-á kí tukey nê tuke n pi

¹ Áwò nê-á lékàhle no télólè n kò, wáh kí sò me nédúkú nêne, lénò wé-ńsah náh me á tyí. Á náh we di, wáh lékàhle no télólè n kò, lékàh ye á á gblòyne n kò, áwò tó-á sònpìle me n pi pé tyí kòle, áwò nê-á lékàhle péle n kò. ² Ápi pĩ ne ńkê nónó-á kéne tyi òkùle n pi, Liyel-á kí pè tuke n pi à yĩne gbì wèkìle. ³ Áwò nê-á lékàhle kéne tyi pípúle n kò, té mó tã me sɛnknole n pi, á se me n sò ne wáh kí n pwah n pi Liyel tukey sòkò? ⁴ Képah náh pi, Liyel pèpòrì ñgbê, ànê ñ fòkòpèncòrì, ànê ñ sómnó se á yahle mónkòhnóle? Á náh pĩ ne Liyel pèpòrì mè-á kí ñ kò á kí á nì vi mò kí tyípèl pínó yal mò di? ⁵ Nte á níkésekókó ànê á nì táhntũno yĩnne, á me Liyel plòle n gbah n yòrì n mò á gblòy yõ, nê-á kí n pò n pi ñ fòkònyàhnì sòle, sò nê-á à kí névyè tuke n pi à yĩne gbì wèkìle. ⁶ Á kí nénúkù núkù pól dyah à yĩne pé tyípínìne. ⁷ Nónó-á me gbah tẽ tyípeplòle n pi, ne pé kyí yõ yõnó we, gbílkínó mó ne n sah pé yõ, ànê pé mó tyé-ńkê min we, à kí tyé-ńkê minne pépi kò. ⁸ Té névyè nónó-á yahle sàhnóle ñ tyí yõ, té gbì wèkì kóló yahle té pèkè pínó sò tẽ, à kí ñ fòkònyàhnì pépi wèkì, té kí fóhnó sah pé yõ. ⁹ Yèvyàhrì ànê tíkì kèpèkè kí pi tyítúkùni pípú pól tyíle. Kè kí tyah Nsyifunò ñgbò tyí, té kí pò yĩni tẽ névyè tyí nónó náh pi Nsyifunòle. ¹⁰ Nte gbílkínó, ànê yõ yõnó, ànê yèvinì kí pi tyípeplò pípú nénúkù núkù pól tyíle. Kè kí tyah Nsyifunò ñgbò tyí, té kí pò yĩni tẽ névyè tyí nónó náh pi Nsyifunòle. ¹¹ Yé náh we di, Liyel náh névyèle n wah.

¹² Névyè nónó pól-á pè náh Moyisi tyi kònsàhnóle n pne té tyípèl pi, kéne tyi kònsàhnó vyàh náh n we n pi pépi tyí yíkínó sòkò. Nte nónó pól-á tyípèl pi té me Moyisi tyi kònsàhnóle n pne, pépi kí n tuke n pi à yĩne képahle. ¹³ Moyisi tyi kònsàhnó tyíyónó nóhpú náh Liyel n yah néglólè dé. Ké tyíyónó pípú ye. ¹⁴ Névyè nónó-á pè náh pi Nsyifunòle, pépi náh Moyisi tyi kònsàhnóle n pne, té pé kò òkù mó tã pò yĩne Moyisi tyi kònsàhnó yóréle. Káh pi sɛ, képah n wèkì ne páh pèpeyne n pne pé gblòy, Moyisi tyi kònsàhnó kéne pé tyí. ¹⁵ Pè me kéle n wèkì képah sòkò ne, Moyisi tyi kònsàhnó-á nê yo ne kè ne n pi, káh me pé nno sòkò. Pé sòno sòkò, kèyàhle pè n ne n me lékàhle pé gblòyne n kò, kèyàhle ñ te n ne n me gbìle pé gblòyne n kò. ¹⁶ Nìvìnì tir nê-á ńmò n yo, à yĩne képahle, Liyel kí syò Yesu Krista tyí kí névyè tuke n pi pé sètìn sò tyi pól tyí sòkò. Lésòle, tyi nópi kí wilki mò kwèy.

Nsyifunò náh me Moyisi tyi kònsàhnó wàlle n kò

¹⁷ Yépi nónó-á ne Nsyifunò-á yéle, yé me yé gbò sah Moyisi tyi kònsàhnó yõ, té yé gblòyne n yõ n sah ne Liyel-á me yépile. ¹⁸ Té Liyel dyò yíí-á nêne, yé kéle n pne kyó! Yáh kwónó nê we Moyisi tyi kònsàhnó sòkò, képah gbò yõ, yé pèpeyne n pne dò. ¹⁹⁻²⁰ Kéne kwónó gbò yõ, yé ne yé pnèno-á syí ké yĩn tyí, ànê yáh gbì pĩ dal mò, té núkù yuku yítùbì yahle n tẽ, té me kyòole n mò fèntù sòkò névyè tyí yé yo kè? Yé me vìnmonòle lékám kè névyèle n kò, té me wènpì yròle n kwò yé yo kè? ²¹ Yé me no télólè n kwò, té yé náh yé gblòy wòle n kwò kè? Yé me névyèle n kwò ne pè káh yíbele n yí, té yépi wò n yí kè? ²² Yé ne fòfíkì káh ne n pi, té yépi wò kéle n pi kè? Yé ne fal fal tãn tyí náh nò yé tyí pólle, té mó tã tãn vè yíle n yí n tokòlì kè? ²³ Yé me

yé gblöyne n yõ n sah ne yâh Moyisi tyi kònsàhnóle n pne, té mó tã me sé dèlle n pi. Liyel nâh yé n yilo yò di? ²⁴ Yé nâh we di, kè me wárkínsàhnóle Liyel wey sébéy soko ne: «Yépi Nsyifunõ ye yìkìñì téló kò pè Liyel yinne n yiki.»*

²⁵ Gbì tẽ wõ ye, yõre me kòkè tyí yâh me fẽ n kò Moyisi tyi kònsàhnó wâl yõ. Nte yâh me sé dèlle n pi, yé kòñó pi nònóle. ²⁶ Kò-ñkẽ névi nê tẽ-à fyò n kò Moyisi tyi kònsàhnó wâl yõ, Liyel kù tẽ mò kò kènkòbe soko. ²⁷ Yépi Nsyifunõle, Moyisi tyi kònsàhnó wárkínsàhnó me yé tyí, ànê yé se mó tã kòkè tò kò. Té képah fyé yõ, yé me Moyisi tyi kònsàhnó dèlle n pi. Kâh pi sã, kò-ñkẽ névyè nónó-á me Moyisi tyi kònsàhnó wâl le n kò, pépi ye kù pò lékâhle yé kò n pi. ²⁸ Yé nâh we di, névi kòñó nâh n pi tẽne Nsyifule. Kòkè kòñó nótólí tò nâh n pi névile Nsyifule. ²⁹ Liyel-à névi nê nù vi mò, tẽ wõ ye n pi Nsyifu yèsyìkìle. Kòkè yèsyìkì tòle, Liyel Mirki ye n pi kéle nù soko, Moyisi tyi kònsàhnó nâh. Nsyifu yèsyìkìle, Liyel ye n sò ñne, névi nâh.

3

Névyè pól me pìlkinó soko

¹ Wâh pi Nsyifule té kòkè kò, yõre se me ké tyí? ² Ké yõre me gblò yey yey pólle. Pépi ñgbò gbò soko ye Liyel dahbì ñ weyne. ³ Nte à, pépi soko tókù-á yahle kólóle ké wèkì yõ, képah se kù pò Liyel tò kò à kù yahle kólóle ñ tyi yónó sò? ⁴ Jõ dé! Névyè pól sènsõ me m̀nyobe, ñte kè yĩne kè ne me pìkínóle ne Liyel wõ-á n kò ñ tyíyónó sò, sõ-á kéle wárkínsàhnóle ñ wey sébéy soko ne: «Á tyíyónó yĩne kè kè wèkì ne gbì yó-ò-á ále.

Pâh ále n tuke, gbì yĩne kè we á tyí.»*

⁵ Nte ápi kèkìno-à kù pò kè kò kè we pĩ ne Liyel-á me tómm à, á kù tã yo sã wé? Képah se n wèkì ne Liyel nâh me n kò gbì wèkì yõ, wâh ñ fòkònyâhni soko fòhnóle n sah á yõ? — Névi yõtâhsyi sò dukù ye mé yah té kéle n yo. — ⁶ Jõ dé! Kâh me sã, té Liyel kù tuke sã kèkòyó névyèle wé? ⁷ Nte ñmò m̀ni yónó-à kù me kè wilki mò ne Liyelle, gbì Liyel-á ñne ñ yĩn kò kè kù n gbilki à, sã pi té lékâh kù tã ñmòle n kò á kù ne tyípékè pí-ò sò ñne? ⁸ Té névyè yĩn yíkípú yísyó ne, ápi-á me n yo ne pèkè-á yĩne kè ne n pi, nê-á kù n pò n pi pèpòrile. Lékhâh ye yĩne kéne névyè dukù kòñóle.

⁹ Á yĩne à yo sã yò wé? Ápi Nsyifunõ se fónfó névyè téló yõ? Pólle! Yé nâh we di, mé ye kè yo wah te ne Nsyifunõ ànê nónó nâh pi Nsyifunõle, pé pól-á me tyípékè m̀no soko, ¹⁰ sã-á kéle wárkínsàhnóle Liyel wey sébéy soko ne:

«Négbí nâh me pólle.

Nénúkù ñtẽ fyé nâh me.

¹¹ Lékhâm névi nâh me pólle.

Nnì yó ñtẽ nâh me Liyelle n yah n kò.

¹² Pé pól ye wèkì pèpèy fin m̀o, té me m̀o pu wè tyí.

Ney nâh me nê-á me tyípépèyne n pi.

Nénúkù ñtẽ fyé nâh me.†

¹³ Pé yĩngbâhlo me léyâl yey yíkínmònsàhnó sã.

Pè névyèle n vi n tẽ pé nénpórile.‡

Pé vyèy welo me wahy sohri sã.§

* **2:24** 2.24 Yah n te Nsyeremi 52.5. * **3:4** 3.4 - Yah n te Gbálnó 51.6. † **3:12** 3.10-12 - Yah n te Gbálnó 14.1-3 ; 53.2-4. ‡ **3:13** 3.13 - Yah n te Gbálnó 5.10. § **3:13** 3.13 - Yah n te Gbálnó 140.4.

14 Plo yénmɔɔ welo ànê wènpèl ó n ne n wil pé vyëy sɔkɔ.*

15 Kàh pɪ nékókè mó-ńsah yúkúnó wɔle, pé gbáhkì n ne n sal képah sɔ.

16 Pépi syõ-ntàn pól sɔkɔ, pé yíkínó ànê pèkè ó kókóle n pɪ.

17 Yèvɪnɪ wěkì tēne, pé náh képahle n pne.†

18 Pè náh Liyel yah tíkíle n pɪ pólle.»‡

19 Nte á mó tɔ pĩ ne, Moyisi tyi kònsàhnó-á tyi nónó pólle n yo, sãh me sé yey mo sé wãl kópú òinne pé vyëy tũ yinne, ànê lékàh we yinne kèkòyó névyè pól tyí Liyel yah sɔkɔ. 20 Képah ye, ònî yó òtē náh n pɪ n pi négbíle Liyel yah sɔkɔ Moyisi tyi kònsàhnó gbò yõ.§ Yé náh we di, Moyisi tyi kònsàhnó yõre-á nēne, tyípékè ye kè névyèle n wěkì.

Névyè-á n pɪ négbíle òkù nēne Liyel yah sɔkɔ

21 Nte núkúnúkú, Liyel ye kè wěkì ne páh me névyèle n pɪ négbíle pé yah sɔkɔ. Moyisi tyi kònsàhnó vyãh náh me ké sɔkɔ. Kéne tyi kònsàhnó ànê Liyel tēntò syínyopu sébéynó òtē kè yo ó. 22 Yesu Krista yõ sēnó gbò yõ ye Liyel névyèle n pɪ négbíle ò yah sɔkɔ. Nê tē-à fyò sē Yesu Krista yõ, Liyel tē pɪ négbíle ò yah sɔkɔ. Yé náh we di, wãhkì náh me ké sɔkɔ ò. 23 No pól ye tyípèl pɪ, pé kò pé tekì Liyel tōrí sɔkɔ. 24 Nte Liyel yòbènrɪ pɪ pé tyí, à pé pɪ négbíle ò yah sɔkɔ nònóle Yesu Krista gbò yõ, òmɔ nê-á pwah mo péle tyípékè sɔkɔ. 25 Yesu Krista ye Liyel tɔkɔ kò sárkále, ne ò tó kwénó gbò yõ, nónó-á sē ò yõ, pé tyípèl yõ n mo pé kò. Képah ále n wěkì ne Liyel-á me tómm. Ngbòle, à náh lésò me névyè tyípèlle n mo n kò, 26 à lésò me sòmnole n pɪ. Nte núkúnúkú, à me séle n mo n kò, té mó tɔ me névyèle n pɪ négbíle ò yah sɔkɔ, nónó-á sē Yesu Krista yõ. Képah n wěkì ne wãh me tómm té me névyèle n pɪ négbíle ò yah sɔkɔ. 27 Gblöy gbílkí-ńsah se tɔ me névi tyí? Óó dé. Nte kwãh nê pɪ wé? Kè náh tɔ me á kɪ ne pé tyípínì sɔ me n mo n kò, Yesu Krista yõ sēnó ye me n mo n kò képah ye. 28 Yé náh we di, ápi kɪ fē kè yo ne névi Liyel yõ sēnó ó gbò yõ-á tē n pɪ négbíle Liyel yah. Kè náh me á kɪ ne Moyisi tyi kònsàhnó wãl kóló gbò yõ sɔ. 29 Tòdì Liyelle, Nsyifunɔ ó Liyel se òne? No téló tɔ Liyel náh òne di? Awe, no téló tɔ Liyel ye òne, 30 òmɔ ó-á sònpíle pɪ Liyelle. Nmo ye kɪ Nsyifunɔ pɪ négbíle ò yah sɔkɔ ò yõ sēnó gbò yõ, té kɪ tɔ no téló tɔ pɪ négbíle ò yah sɔkɔ ò yõ sēnó gbò yõ. 31 Nte kãh pɪ sē, Liyel yõ sēnó se me pɔ á kò á me Moyisi tyi kònsàhnóle n pɪ yõre kē kwãhle? Óó dé, yõre ye pyè á kéle n kò yò òkē.

4

Liyel yõ sēnó gbò yõ ye Abrahamɪ pɪ négbíle

1 Sɔ me ápi kɪ yo Abrahamɪ tyí sɔkɔ, òmɔ nê-á á náh neyne? Kwãh nê me à fē we ò yēngbē tãhkìle? 2 Abrahamɪ tyípínì yĩn-à sò ne Liyel à pɪ négbíle ò yah sɔkɔ, à nãhkì sò fē ò gblöyne n yõ n sah kè. Nte à náh fē képah pɪ Liyel yah sɔkɔ dé. 3 Kè me wárkínsàhnóle Liyel wey sébéy sɔkɔ ne òkē: «Abrahamɪ sē Liyel yõ, Liyel mó à pɪ négbíle.»* 4 Nte kãh me tò pínó wěkì yõ, tònpi ye n we ò tò pínó lédyáhnine. Nònó náh à we kéle dé. A yĩne ké wénóle. 5 Nte sē náh kéle Liyel tē wɔ tyí dé. Névi nê-à sɔ tòle n pí-òkēne té fyò me sē ò yõ, òmɔ nê-á tyípèl pípúle n pɪ négbíle, képah gbò yõ à tē pɪ négbíle.

* 3:14 3.14 - Yah n te Gbálnó 10.7. † 3:17 3.15-17 - Yah n te Yesayi 59.7-8. ‡ 3:18 3.18 - Yah n te Gbálnó 36.2.

§ 3:20 3.20 - Yah n te Gbálnó 143.2. * 4:3 4.3 - Yah n te Yenesɪ 15.6.

⁶ Liyel-á névyé nónóne n pi négbíle ò yah soko pé tyípínì mónkò-ònkène, yòtè dí Davidi pé nìvìnì wénó tyí yo ne òkè:

⁷ «Névyé nónó pílkí-ítàn-á yò mo pé kò, té pé tyípèl me niri pé tyí, pépi tyí no.

⁸ Tè ògbè-à névyé nónó tyípèl mónkò-ònkène, pépi tyí no.»†

⁹ Kéne nìvìnì mène, Nsyifunò ó tyí náh kéle dé, nónó náh pi Nsyifunòle pépi to tyí ye. Á kè yo sè yò ne, Abrahami Liyel yò sèno-á à pi négbíle Liyel yah. ¹⁰ Nte gbí nê me Liyel pi òne négbíle? N kò-ònkè gbí soko se, tí ò kòntenò náh soko se? Ó, ò kòntenò náh soko náh dé, ò kò-ònkè soko ye. ¹¹ Képah náh soko ye Liyel à kò à kòkè kò. Kéne kòkè kéle n wèki ne wáh à pi négbíle ò yah soko ò yò sèno gbò yò ò kò-ònkè gbí soko. Káh pi sè, kò-ònkè névyé nónó-á sè Liyel yò, té pi négbíle Liyel yah, Abrahami pi pépi súle Liyel yah. ¹² Té pi kènkòbe to súle, nónó-á pé náh me n yah pé kòno ó tyí, pé me sè Liyel yò Abrahami tyí kòle gbí nê-á à náh tònì sò me kò.

Abrahami Liyel yò sèno gbò yò ye Liyel ò vyähle òmo ànê ò náh tãn kò

¹³ Yé yah, Liyel-á ò vyähle Abrahami ànê ò náh tãn kò ne páh ki kèkòyòle pé kò, kè náh pi á ki ne Abrahami-á n kò tyi kònsàhnò wàl yò képah yìn sò dé, ò pínó yìn ye négbíle Liyel yò sèno gbò yò. ¹⁴ Liyel-á ò vyäh kò nê tyí soko, káh sò me pi ne tyi kònsàhnò wàl kónó gbò yò sò képah n we, yò se nàhki tó me ò yò sèno ànê ò vyäh kónó mè tyí? ¹⁵ Yé náh we di, tyi kònsàhnò ye n yilki n mo Liyel fòkòvyàhnìne. Tyi kònsàhnò-à n kne òyäh soko, ké dél náh fè n pi nénpo. ¹⁶ Liyel-á ò vyäh kò nê tyí soko, ò yò sèno gbò yò ye képah n we. Képah ki pi yòbèno-òle Abrahami náh tãn pól tyí. Té kè náh pi ne tyi kònsàhnò wàl kópú ó tyí sò à pi kéle dé. Nónó pól to-á sè ò yò Abrahami tyí kòle, pépi pól tyí ye à pi kéle. Yé náh we di, Abrahami ye á pól súle, ¹⁷ sò-á kéle wàrkínsàhnòle Liyel wey sèbéy soko ne: «Áwo ye mé pi kwlo kwlo náhnáh.»‡ Nmo ye ápi súle Liyel yah soko, wáh sè nê yò. Nmo Liyel ye n yilki n mo lékyùle, té yìle n mo ò vyäh weyne nónó náh sò me. ¹⁸ Tir nê-á kè náh sò me gbò sah sah tène ké yò, Abrahami ò gbò sah képah yò. Á sè Liyel yò, képah yìnne Liyel me à pi kwlo kwlo náhnáh névyé súle, sò-á lésò à yo kéle ò tyí ne, ò náh tãn-á ki pi dò. § ¹⁹ Té légbíne, Abrahami sò kè we ne páh wah mo náhnáh. Á sò me ye lèkwè vyäh yah soko. N kyi Sara to pìkì sò soko te. Nte képah fyé yò, wìlkínó náh pi ò Liyel yò sèno soko. ²⁰ Á náh tòtò pi sènole Liyel vyäh kónó mè yò. Nte à tãhkì we Liyel yò sèno gbò yò, à Liyelle n gbilki. ²¹ N sènyìno sò me ké yò ne, Liyel-á ò vyäh kò tir nê tyí soko, tènwenò-á me ò tyí ki fè kè pi. ²² Képah ye, Liyel me à mo kò négbíle ò yah soko.

²³ Té káh wàrkì sah Liyel wey sèbéy soko ne: «Liyel à mo kò négbíle.» Kè náh pi ne Abrahami ó yìn sò dé; ²⁴ ápi to yìn ye, ápi nónó Liyel yò sèno-á ki n mo n kò n pi, áyáh sònpìle sè Liyel yò nê-á Tè ògbè Yesu lékó yilki mo. ²⁵ Á lésò ko mo ápi tyípèl yìnne, té Liyel me ò lékó yilki mo ápi pi yìnne négbíle Liyel yah soko.

5

Névyé wrò kwrónmònole Liyelle ò yò sèno gbò yò

† 4:8 4.7-8 - Yah n te Gbálnò 32.1-2. ‡ 4:17 4.17 - Yah n te Yenesì 17.5. § 4:18 4.18 - Yah n te Yenesì 15.5.

¹ Api-á pɪ négbɔ́lɔ́le Liyel yah ò yò sɛ́nɔ́ sɔkɔ sɛ́, yè̀vɪ̀nɪ wɛ á wrɔ́ ò̀nɛ á Tɛ́ ò̀gbɛ́ Yesu Krista gbò yò. ² Yò̀bɛ̀nɔ̀rɪ nê wɛ̀kɪ-á yɪkɪ mɔ á tyí té ále ké sɔkɔ yò, ò̀mɔ ye dah mɔ ále ké sɔkɔ Liyel yò sɛ́nɔ́ gbò yò. Té á gbò sàhnó-á me ké yò ne áyáh kɪ Liyel tɔ́rɪ wɛ n pɪ, kè me yò̀nɔ́le á tyí. ³ Té á wil képah sɔkɔ, yè̀vyà̀hrɪ ò̀tɛ́ tɔ pínó me yò yò̀nɔ́le ápi tyí. Yé náh wɛ di, á pɪ ne ò̀kɛ́ yè̀vyà̀hrɪ pínó-á névile n pɪ gbáhntɛ́-ò̀le, ⁴ gbáhntɛ́no mó névile n pɪ tɛ́nwe-ò̀le mónyahno gbíne. Névi-á pɪ tɛ́nwe-ò̀le mónyahno sɔkɔ, ò̀mɔ gbò sàhnó n ne n me Liyel yò. ⁵ Nte ápi ò̀gbɛ̀kɪ-á me Liyel sɔkɔ ò̀kù nêne, à kéle á wɛ̀kɪ ò̀ Mirki gbò yò wáh képah nêne á kò. Képah ye névi nê-à ò̀ gbò sah ò̀ yò, sen náh tɛ́ tɛ́ n pɪ.

⁶ Yé náh wɛ di, Liyel-á gbí nê yah tɔkɔ sah, káh pɔ no, Krista ku tyípɛ́l pípú pwah n mɔ yínnɛ. Té légbíne, ápi lésò me tãhkɪ kɛ́ne á sɔkɔ. ⁷ Névi nê-á kɪ fɛ́ syi n ku n pɪ négbí yínnɛ, tɛ́ wénó kɪ tah. Gbòkénpɪ ò̀nɪ kɪ fɛ́ fɛ́ syi ku pèpɔ̀rɪ pí-ò̀ wɔ yínnɛ. ⁸ Nte Liyel-á kéle á wɛ̀kɪ ò̀kù nêne ne á tyí-á no pé tyí, kè wɛ yò: Ápi lésò me á tyípɛ́l sɔkɔ sɛ́ té Krista ku á pwah n mɔ yínnɛ. ⁹ Té núkúnúkú, áyáh fyò pɪ té négbɔ́lɔ́le Liyel yah sɔkɔ Krista kúnó gbò yò, Liyel fòkònyà̀hnɪ wɔ yah se pyè à kɪ n ye n pɪ kò̀nɔ́le á tyí? ¹⁰ Ayáh lésò me Liyel sépé́bɪle, à á wrɔ́ tɔ́ sah ò̀nɛ ò̀ Pídí kúnó gbò yò. Té ò̀ Pídí tɛ́-á fyò me min sɔkɔ, à se kɪ pyè n ye n pɪ á pwáhnmonɔ̀le? ¹¹ Té kè náh yín képah ó tyí dé, kè tɔ́ me yò yò̀nɔ́le á tyí Liyel yah sɔkɔ Tɛ́ ò̀gbɛ́ Yesu Krista yínnɛ, ò̀mɔ nê-á á wrɔ́ tɔ́ sah Liyelle.

Tyi nóno-á wɛ Adama tyí sòwãh ànê nóno-á wɛ Yesu tyí sòwãh

¹² Yé yah, nénúkù yó yín ye tyípéke de kèkòyó. Kéne tyípéke ye yɔ̀rɪ mɔ kúne. Té névye pól me kú mno sɔkɔ, pé pól-á sònpíle tyípéke pɪ... ¹³ Moyisi tyi kò̀nsàhnó pɔ tyípéke wɛ kèkòyó. Ké pò-ò̀kɛ́ gbíne, tyípéke mè náh sò me n mɔ n kò. ¹⁴ Té sépinó pól sɔkɔ, à tɔkɔ Adama gbí tyí, pópó à pɔ no Moyisi gbí tyí, névye pól sò me kú mno sɔkɔ. Pé náh sènsò tyípéke pɪ Adama tyí kò̀le ò̀mɔ nê-á Liyel dèl pɪ, ò̀te kú sò me péle n tɛ́. Névi nê-á sò yíne à pɔ, Adama pɪ ò̀mɔ kètò̀le.

¹⁵ Nte tyípéke nê-á pɪ, kè náh me sãh yah yah tɛ́ne yò̀bɛ̀nɔ̀rɪle Liyel-á nêne n pɪ. Gbɪ ye, nénúkù tɛ́ wɔ tyípéke yín ye névye náhnáh ku ó; ò̀te Liyel-á yò̀bɛ̀nɔ̀rɪ nê pɪ á tyí, ànê wáh syò Yesu Krista tɔ gblòy núkúní tyí à pèpɔ̀rɪ nê pɪ nékwínkí tyí, sépi ye kal. ¹⁶ Liyel-á pèpɔ̀rɪ nê pɪ, ké swò náh me núkúle nénúkù tyípéke mè tyíle. Yé náh wɛ di, nénúkù tyípéke yín ye lékàh wɛ. Nte névye tyípɛ́l náhnáh píntɛ̀no náh ye Liyel yò̀bɛ̀nɔ̀rɪ pɪ pé tyí à pè pɪ négbɔ́lɔ́le ò̀ yah sɔkɔ. ¹⁷ Gbɪ tɛ́ wɔ ye nénúkù tyípéke ye mɔ névyele kú mno sɔkɔ ó, ò̀te Liyel-á yò̀bɛ̀nɔ̀rɪ ò̀gbɛ́ pɪ nóno tyí à pè pɪ négbɔ́lɔ́le ò̀ yah sɔkɔ, pépi kɪ me min sɔkɔ Yesu Krista gblòy núkúní gbò yò, kɪ tɔ́rɪle n pɪ. ¹⁸ Sò-á nénúkù tyípéke pínó lékàhle no pól yíni tɛ́, sɛ́ ó ye, nénúkù tyípépey pínó yín ye no pól kɪ fɛ́ pɪ négbɔ́lɔ́le, nê-á kɪ pè kò pè kɪ tyé-ò̀kɛ́ min wɛ. ¹⁹ Sò-á nénúkù Liyel yóré yáhleno pɔ kéne névye náhnáh kò pè pɪ tyípɛ́l pípúle, sɛ́ ó ye, nénúkù Liyel yóré fɛ́nsyino yín ye névye náhnáh kɪ pɪ négbɔ́lɔ́le Liyel yah sɔkɔ. ²⁰ Tyi kò̀nsàhnó tɛ́ wɔle, képah ye pɔ tyípɛ́l kò sè kwel. Té tyípɛ́l-à kwel nýãh sɔkɔ, Liyel n mó yò̀bɛ̀nɔ̀rɪ pɪ nénpó sɔkɔ nê-á kal sépile. ²¹ Káh pɪ sɛ́, sò-á tyípéke névye pól dahbɪ kú mno sɔkɔ, sɛ́ ó ye, yò̀bɛ̀nɔ̀rɪ nê-á Liyel n pɪ névye tyí à péle n pɪ négbɔ́lɔ́le, képah tɔ kɪ tyé-ò̀kɛ́ minne pé pól kò ápi Tɛ́ ò̀gbɛ́ Yesu Krista gbò yò.

6

Nê-à kwrɔ mɔ Yesu Kristale, tẽ kɪ min pɪ òkù kɪ vi mɔ pɪ sãnnɛ

¹ Sõ me ápi kɪ yo yò wé? A se yĩne à yõ n sɔkɔ tyípêl pínó sɔkɔ, Liyel kɔ à yòbènrɩle n gbah n pɪ á tyí? ² ǾǾ dé! Ápi á náh vi tyípêl pínó kɔ á kɪ ne á sɔ ku. Té á kɪ pɪ sɔ té kɪ tɔ pɔ á minne n pɪ tyípêl pínó sɔkɔ? ³ Yé náh pĩ ne, ápi nóno pól-á wel wilki ni sɔkɔ à kwrɔ mɔ Yesu Kristale, á wèlnwìlkìnó mè-á me á kɪ ne kúnó sɔ ápi tɔ ku òne wẽ tyí di? ⁴ Wèlnwìlkìnó mè sɔkɔ, ápi tɔ ye ku òne wẽ tyí, té yĩ òne wẽ tyí. Té ò lékó-á yilki mɔ Sú Liyel tẽnwenɔ ògbẽ gbò yò sɔ, sɛ ye ápi tɔ min pɪ òkù vi mɔ pɪ sãnnɛ. ⁵ Yé náh we di, áyáh fyò kwrɔ mɔ òne à kũ òkù núkú ku, ápi tɔ lékyí kɪ pɔ n yilki n mɔ n pɪ òmɔ tyí kòle. ⁶ Á yĩne à pĩ ne áyáh sò me n pɪ òkù nêne ògbòle, áyáh képah kwrɔ mɔ syɪ Kristale dahni yò à ké tyí yɪkɪ, té we wil tyípékè yõri sɔkɔ. ⁷ Yé náh we di, névi nê-à ku, tẽ vyãh n de tyípékè pínó sɔkɔ. ⁸ Té áyáh fyò ku ànê Kristale wẽ tyí, á sɛnó me ké yò ne áyáh kɪ á min pɪ òne wẽ tyí. ⁹ Ápi pĩ ne Krista lékó-á yilki mɔ, à náh tɔ n ku n yah n pi, kũ náh tɔ tẽ we n pi ò tyí. ¹⁰ Wãh kũ nê ku yò, tyípêl tyí yɪkɪ yĩn ye kúmm à ku. Nte núkúnúkú wãh me min sɔkɔ, à me ò minne n pɪ Liyel tyí yò. ¹¹ Sɛ ó ye, yépi tɔ yĩne yè pĩ ne yáh yé náh vi tyípêl pínó kɔ á kɪ ne yé sɔ ku, té me min sɔkɔ Liyel tyí yò yé wró kwrónmɔnɔ gbò yò Yesu Kristale.

¹² Gbí nê-á ye me min sɔkɔ kèkòyó mè sɔkɔ yò, yé káh tɔ ye tyípékè pɔ fyãh yé yò, kè pɔ yéle n mɔ yé dyɔ dyɔ tyi pínó sɔkɔ dé. ¹³ Yé káh tɔ yé wil gběnsê tãntãnnɛ tyípèlle n pɪ á kɪ ne tyípékè sɔ n tẽ yé yahle dé. Nte yé yé gblòyne Liyel kɔ. Yé me á kɪ ne yé sɔ ku té yé lékyí me yilki mɔ. Yé yé wil gběnsê tãntãn pól fin mɔ Liyel kɔ sè pɪ tyígbló pɪ pɪ tònpiyile. ¹⁴ Tyípékè náh tɔ n òkɔ n tẽ n pi yé yò pólle. Yé náh tɔ me Moyisi tyi kònsàhnó gbò sò sɔkɔ dò. Liyel-á yòbènrɩ nêne n pɪ yé tyí, képah gbò sò sɔkɔ ye yéle.

Gbi wèkì kólóle Liyel yah sɔkɔ

¹⁵ Á yĩne à yo sɔ yò wé? Áyáh fyò me yòbènrɩ gbò sò sɔkɔ, té á náh tɔ me Moyisi tyi kònsàhnó gbò sò sɔkɔ, képah se yó n wèkɪ ne tyípêl pínó wèkì-á yɪkɪ mɔ á tyí? ǾǾ dé! ¹⁶ Yé náh pĩ ne nkẽ yãh tòle n pɪ ònî yó tyí yòbɪ sɔ yéle, té n sah ò tyí yò, yè n pɪ tẽ yòle kègbɪ yò di? Sɛ ó ye, yãh n sah tyípékè tyí yò, yè n pɪ ké yòbɪle, ànê kè n pɔ kũne. Té yãh n sah Liyel tyí yò, yè n pɪ ò yòbɪle, ànê kè n pɔ gbi wèkì kólóle. ¹⁷ Yé lésò me tyípékè yõri sɔkɔ. Nte yáh kwónó nê we, képah gbò yò, núkúnúkú yé me n sah Liyel yóré yò yé nno pólle. Kãh pɪ sɛ, á ye wèkɪ Liyel tyí. ¹⁸ Yé wil tyípékè pínó sɔkɔ, té de gbi wèkì kóló sɔkɔ. ¹⁹ Yépi tyi yah yáhnkwlonɔ ye ò kɔ mé tyi nópile n yo à yĩne névyɛ pɪ òkùle yò. Ngbòle lésò, yáh yé wil gběnsê tãntãn pólle pòpò ànê tyítúkúnine n pɪ, à Liyel òlle n pɪ sɔ; núkúnúkú, yé séle gbi wèkìle n kɔ, yè n ne n me wìlkìnsàhnóle Liyel tyí yò.

²⁰ Yáh lésò me tyípékè yõri sɔkɔ gbí nêne, ney náh me yéle n kyí n mɔ ne yé gbi wèkìle n kɔ. ²¹ Kéne tyi nóno-á lésò yé n pɪ, kwãh nê me yé we sɔkɔ sé sɔkɔ, à wil sen tyí sɔkɔ, nê-á me yé yò kwey mè sɔkɔ? Sépi tyé-nsahle kũ ye dò. ²² Nte núkúnúkú, Liyel-á yé wilki tyípékè yõri sɔkɔ, yé me tòle n pɪ òmɔ tyí, nê-á kɪ yé kɔ yé kɪ me wìlkìnsàhnóle ò tyí yò, té kɪ tyé-nkẽ min we n pi ké tyé-nsah. ²³ Yé náh we di, tyípékè lédyáhnine, kũ ye. Nte Liyel-á kwãh nêne n yĩ névyɛle n kɔ, tyé-nkẽ min ye. A képahle névyɛle n kɔ pé wró kwrónmɔnɔ gbò yò Yesu Kristale, òmɔ nê-á ápi Tẽ ògbẽne.

7

Yesu yõ sêpú wîlnóle Moyisi tyi kònsàhnó yõri sòko

¹ N yûnpyé, yé tyi kònsàhnóle n pne. Képah ye, máh kɪ nê yo n pi yé tyí, ké sendĩ náh yéle. Névi tẽ-à fyò me min sòko, à me tyi kònsàhnó gbò sò sòko. ² Sě ó ye, sê nê-à de pe tyí, n pe tẽ-à fyò me min sòko, à me ñmɔ tyí yõ fúr wěkì sòko. Nte tẽ pe-à fyò pɔ yah kwɔ, à kɪ me n gblõy yõ fúr wěkì sòko. ³ Té wàh de dí káhkí tyí té n pe sah min sòko, à kɪ n ye fòfínplɛ. Té n pe-à fyò pɔ yah kwɔ, à kɪ me n gblõy yõ fúr wěkì sòko. Wàh de dí káhkí tyí, fòfíkì náh képahle. ⁴ Képah núkú ó ye n yûnpyé, yépi wró-á kwɔ mɔ Kristale, kè me á kɪ ne yé tɔ sɔ ku ñne. Káh pi sě, yé náh tɔ me Moyisi tyi kònsàhnó gbò sò sòko. Nte n lékó-á yilki mɔ, yé me ñmɔ tyí yõ núkúnúkú, nê-á kɪ á kɔ á kɪ Liyel dyɔ dyɔ tyile n pi. ⁵ Yé náh we di, áyáh lésɔ me á dyɔ dyɔ tyile n pi gbí nêne, Moyisi tyi kònsàhnó lésɔ me tyípekè dékè kɔ kè á tẽ, á kɔ á me tyile n pi nónó-á kɪ kũne á yîni n tẽ n pi. ⁶ Nte núkúnúkú kwáh nê yõri sòko-á lésɔ ále, áyáh á náh vi kè kɔ á kɪ ne á sɔ ku, á ye wil Moyisi tyi kònsàhnó gbò. Té núkúnúkú á kɪ tòle n pi Liyel tyí pi òkù késáñne n Mirki gbò yõ. Kè náh tɔ n pi n pi ñgbò tyí kòle gbí nê-á sò á me Moyisi tyi kònsàhnó wárkínsàhnó gbò sò sòko.

Moyisi tyi kònsàhnó-á tir nêne n pi

⁷ Sɔ me ápi kɪ yo yò wé? Tyípekè se Moyisi tyi kònsàhnóle? Óó dé! Sépi gbò yõ ye ñmɔ pĩ tyípekèle. Sépi-à sò me yó-ńkêne ne ńkě: «Káh yíwílkìle n pi!» Mé se náhkɪ pĩ ne tyípekè-á yíwílkì pínóle? ⁸ Káh pi sě, tir kònsàhnó mè ye wěkì yɪkɪ mɔ tyípekè kɔ kè we syɔ à ñmɔ mɔ yíwílkì duke pól pínó sòko. Yé náh we di, Moyisi tyi kònsàhnó-à sò me n kne, táhkì náh n we n pi tyípekè sòko. ⁹ Moyisi tyi kònsàhnó pó-ńkě gbíne, ñmɔ sò me min sòko. Nte tir kònsàhnó-á fyò pɔ, tyípekè táhkì we ¹⁰ à pɔ ñmɔ min syi. Kéne tir kònsàhnó nê-á sò yîne kè pɔ ñmɔ kɔ mè min we, képah ye pyè pɔ kũne ñmɔ yîni tẽ yò sɔ. ¹¹ Tyípekè ye syɔ tir kònsàhnó tyí à ñmɔ pilki, té kũne n yîni tẽ.

¹² Káh pi sě, Liyel tyi kònsàhnó pól me yályál. Sè me gbɪ wěkì yõ, té mó tɔ me ple. ¹³ Sépi nónó-á me ple, sépi se n mɔ ñmɔle kũ sòko? Óó dé! Tyípekè ye. Sě ye kè wěkɪ dal mɔ ké gblõy òkùle kwèy. Kè pil pèpey náh, té n fike ko. Sě ye tyípekè pil pèpey náh té gbah peke tir kònsàhnó gbò yõ.

Névyé me tyípekè mɔ sòko

¹⁴ Á pól pĩ yíi ne Moyisi tyi kònsàhnó-á wil Liyel tyí. Nte ñmɔ gblõy dyɔ dyɔ tyi pínó sòko, mé me yõ sɔ ñne pè tẽ yám tyípekè tyí. ¹⁵ Kègbɪ yõ, máh nêne n pi, mé náh ké òkùle n pne. Máh me ké tyí ne mé pèpey nê pi, mé náh képahle n pi. Té n dèl-á nê wòle, mè n pyè képahle n pi. ¹⁶ Nte máh n dèl tirlɛ n pi, mé sah ké yõ ne Moyisi tyi kònsàhnó-á me ple. ¹⁷ Káh pi sě, ñmɔ náh n pi kéle yò dé, tyípekè nê-á n sòko, képah ye n pi kéle. ¹⁸ Yé náh we di, tyípépěy yó n tẽ náh me n gblõy dyɔ dyɔ tyi sòko. Tyípépěy pínó sòno me n sòko, té ké fènpɪno táhkì náh n we n sòko. ¹⁹ Máh me ké tyí ne mé tyípépěy nê pi, mé náh kéle n pi. N té n pyè pèkè wòle n pi nê tyí náh nɔ n tyí. ²⁰ Nte máh n dèl tirlɛ n pi, ñmɔ náh n pi kéle yò dé, tyípekè nê-á n sòko, képah ye n pi kéle. ²¹ Máh nê kyomɪ we n gblõy sòko, kè we yò: Máh me ké tyí ne mé tyípépěy pi, pèkè ó n ne n yîni n yah. ²² Liyel tyi kònsàhnó tyí nɔ yíi n tyí n nɪ pólle. ²³ Nte mé kè kyomɪ we ne, sépi nónó tyí-á nɔ yíi n tyí, máh ne mé sé wàlle n kɔ, kwáh yó n we n sòko nê-á me séle n fwo. Kéne kwáh ye mɔ sah ñne tyípekè yõri

sokɔ. ²⁴ N yãm pínó dùkù tẽne n yah yò lé! Nê tẽ ó kɪ pɔ wɛ syi fin mɔ nne kéne kwâh tyí, képah nê-á n mɔ ní yò kũne? ²⁵ Liyel ye, ápi Tẽ ñgbẽ Yesu Krista gbò yò. Gbílkinó ne n sah ñ yò képah yinne.

Mâh ne mé kè yo yòtukule, Liyel tyi kònsàhnó wâl kóló tyí me ní tyí ní ni sokɔ. Nte ní gblõy dyo dyo tyi pínó sokɔ, mé me tyípekè yõri sokɔ.

8

Névi nê-á ye Liyel Mirki kò kè ñ yahle n tẽ

¹ Núkúnúkú tẽne, nónó wró-á me kwrónmɔnɔle Yesu Kristale, Liyel tukey nâh tɔ n syɪkɪ n pi pé yò. ² Yé nâh wɛ di, Liyel Mirki nê-á minne névile n kò tẽ wró kwrónmɔnɔ gbò yò Yesu Kristale, képah ye wɛ wilki nímɔle tyípekè ànê kũ mɔ sokɔ. ³ Moyisi tyi kònsàhnó nâh sò fẽ képah pi n pi dò. Névyé gblõy dyo dyo tyi pínó sò me kân pi kéle képah ye. Kâh pi sɛ, Liyel me ñ Pídí tekɪ mɔ à pɔ dubi névi wil dùkùle ñ tyí ápi tyípêl pípú tyí kòlɔ, té ku ápi tyípêl yinne, sé tyí wɛ n yɪkɪ yinnne névyé sokɔ. ⁴ Ápi nónó-á á dyo yíi tyi wɛ ye, té Liyel Mirki sò tẽ. Liyel kè pi ne á fẽ tyi kònsàhnó tyíyónóle n pi. Képah ye à kò à képah pi. ⁵ Yé nâh wɛ di, névi nê-á ye ñ dyo yíi tyi yah syi ñ tyí, tẽ sòno n ne n me ñ dyo yíi tyi ó yò. Nê-á mó ye Liyel Mirki yah syi ñ tyí, tẽ sòno n ne n me Liyel Mirki dyo yíi tyi ó yò. ⁶ Wâh á dyo yíi tyi sò tẽ, ké syi-ñsah n pi kũne. Té wâh Liyel Mirki dyo yíi sò tẽ, ké syi-ñsah n pi yèvɪni ànê tyé-ńkê min wénóle. ⁷ Kègbɪ yò, névyé nónó dyo yíi tyi-á yah syi pé tyí, Liyel sépébi ye péle pâh sònpíle yahle sàhnóle Liyel tyi kònsàhnó yóré yò. Pè nâh fẽ sé wâl kɔ nítẽne dò. ⁸ Té névyé-à pé gblõy dyo yíi tyile n pi, Liyel yí nâh n yuku péle. ⁹ Yépi tẽ wɔle, yé nâh me yé gblõy dyo yíi tyile n pi. Liyel Mirki dyo yíi tyi ye yé me n pi, képah nê-á me yé sokɔ. Krista Mirki-à n kne névi nê sokɔ, tẽ nâh me ñ tyí yò. ¹⁰ Krista-à me yé yahle n tẽ, yé kɪ sɛnsɔ pɔ kũ n pi ó, ñte Liyel Mirki gbò yò, yé pi négbólóle Liyel yah sokɔ à tyé-ńkê min wɛ. ¹¹ Liyel nê-á yilki mɔ Yesu lékóle, ñ Mirki-à kɪ me yépi tɔ sokɔ, yâh sɔ pɔ ku, yé lékyi kɪ yilki mɔ kɪ tyé-ńkê min wɛ.

¹² Képah ye ní yũnpyé, á yĩne à Liyel Mirki dyo yíi tyile n pi, á nâh tɔ yĩne à á gblõy dyo yíi tyile n pi. ¹³ Yâh yé dyo yíi tyile n pi, yé kɪ ku. Nte Liyel Mirki gbò yò yâh yé dyo yíi tyi wɛ ye, yé kɪ tyé-ńkê min wɛ. ¹⁴ Yé nâh wɛ di, Liyel Mirki-à nónó yahle n tẽ, Liyel wẽnpì ye péle. ¹⁵ Liyel-á ñ Mirki nêne yé kò, kè nâh yéle n mɔ yõri pínó sokɔ ànê tiki pínó sokɔ dé. Képah ye pi yéle Liyel wẽnpìle, té yé fẽ n yo yĩnpɔ ñgbẽne ne: «Bò, ápi Sú!» ¹⁶ Liyel Mirki mè nítẽ ye á kò á sɛ yíi ké yò ne Liyel wẽnpì-á ále. ¹⁷ Té áyâh fyò pi ñ wẽnpìle, á vyâh kɪ wɛ pèpɔri sokɔ, wâh ñ vyâhle ñ wẽnpì kò nê tyí sokɔ. Liyel-á pèpɔri nê pi Krista tyí, ápi tɔ vyâh kɪ wɛ ké sokɔ. Áyâh fyò me yèvyâhrile n pi wẽ tyí Kristale, gbílkinó kɪ n sah n pi á yò ñne wẽ tyí.

Gbílkinó nê-á kɪ pɔ n wɛ n pi

¹⁸ Mé pĩ ne áyâh me yèvyâhrɪ nê sokɔ kwey mène, képah nâh me sâh n yah yah tẽne gbílkinó ñgbẽ nê-á kɪ pɔ n sah n pi á yò ñsòne. ¹⁹ Liyel wẽnpì-á kɪ gbílkinó wɛ n pi sɔ, képah ye ñ yí mónónɔ pól me n dekɪ. ²⁰ Yé nâh wɛ di, Liyel yí mónónɔ pól me yõre ké tãhkɪ yó gbò sò sokɔ. Pépi dyo dyo tẽ nâh ne kè pi sɛ dé. Nê-á sah péle ké gbò sò, ñmɔ ye pi kéle. Nte gbò sàh-ñsah tɔ me pé tyí. ²¹ Sò yó me n pi, Liyel yí mónónɔ pól kɪ pɔ n wilki n pi yõri sokɔ yíkinó pí-ò gbò. Té kɪ gbílkinó wɛ wẽ tyí Liyel wẽnpìle. ²² Nte à pɔ syɪ kwey mè tyí, á pĩ ne Liyel yí mónónɔ pól-á me n gbĩ kúrntɛsè

tyí kôle yèvyãhrı tẽ tyí. ²³ Té kè nãh yĩn pépi ó tyí dé, Liyel-á n Mirkile ñgbòle ápi nónó kô, ápi tó me n gbĩ á foko táhló soko, me gbìyìkile n syıki sô nê-á Liyel kı kè wẽki n pi ne áyáh pı pé wẽnpile, té kı pwáhnmono we dal mo. ²⁴ Yé nãh we di, á ye pwáhnmono we. Té kè me á kı ne sô-á ñkẽne névi n gbò sah kwãh yó pónweno yô. Nte wãh kè we syi te, à nãh tã n gbò sah n pi ké pónweno yô dò. Wãh kè we syi te, à kı tã n gbò sah sô ké pónweno yô? ²⁵ Nte áyáh tõnı me kwãh nê wénsyi-ñkẽne, á sómnó pı n té á gbò sah ké pónweno yô.

²⁶ Sẽ ó ye, Liyel Mirki tó me ápile n yohnı n mo á tẽnkwılóno yĩnne. Yé nãh we di, ápi nãh pĩ nê-á yĩne nínóle. Nte Liyel Mirki me nírile n pı ápi tyí nê-á ápi nãh fẽ ké òkù yah yo. ²⁷ Té Liyel nê-á névye foko táhlóle n pne, n Mirkı-á me nêne n yah n kô, ñmo kéle n pne. Yé nãh we di, n Mirkı nírile n pı Yesu yô sêpú tyí à yĩne ñmo dyo yĩ tẽne.

²⁸ Á mó tã pĩ tole ne Liyel tyí-á no nónó tyí, á tyi pólle n pı pépi tyí pekı yĩnne, pépi nónó-á à ye à yĩne wãh kè yah toko sah sô. ²⁹ Liyel-á nónó yah wilki ñgbò òkùle, à ye kwãh tẽ kè yah toko tole ne pãh yĩne pè pı pé Pídı tyí kôle, ñmo kô à pı pé pól nénkyıle. ³⁰ Wãh kwãh tẽ nónó yah toko, à ye pè ye tole. Wãh nónó ye, à ye pè pı négló tole n yah soko. Wãh nónó pı néglóle n yah soko, à ye yô yõnóle pè kô.

³¹ Sô me ápi kı yo yò wé? Liyel-á me ápile, nê kı fẽ á fwo? ³² Nmo nê-á à nãh ye n yẽngbẽ Pídı kõnóle, à à mo kũ kô ápi pól yĩnne. A kı pı sô té à nãh yı téló pólle á kô à n tahlı n pi ñmo gbò yô. ³³ Liyel-á névye nónó yah wilki, nê tẽ kı pı n toko péle n kô? Liyel ye pı névyele néglóle n yah soko. ³⁴ Nê kı tã fẽ Liyel tukey kô kè kı syıki pé yô? Yesu Krista ye ku, té kè nãh yĩn képah ó tyí dé, n lékó yilki mo. Yé nãh we di, à me tẽnóle Liyel gbòyò sòle, té me nírile n pı ápi tyí. ³⁵ Ápi tyínono nê-á me Krista soko, kwãh yó ñtẽ nãh fẽ ké yah kô n pi. Yèvyãhrı ò, tíkí kèpékè ò, fóhnó ò, kwekı ò, kwãh kẽ ò, dlo ò, kũ ò, sé soko yó ñtẽ nãh fẽ ké yah kô n pi. ³⁶ Kè me wárkınsàhnóle Liyel wey sébéy soko ne ñkẽ: «Áwo yĩnne, ápi me kũ dlo soko sòmésó. Pè me ále n pı á kı ne yípèy sô pè tẽ n yuku kò-ñsah soko.»* ³⁷ Nte sépi pól soko, á tyí-á no Liyel nê tyí, ñmo gbò yô á pı tẽnnpèpu ñgbnole. ³⁸⁻³⁹ Gbı yô, ápi tyínono nê-á me Liyel soko, té à syô á Tẽ ñgbẽ Yesu Krista tyí à kéle á wẽki, n sènyıno me ké yô ne, kwáhmónı yó ñtẽ nãh fẽ ké yah kô n pi. Kàh kı sô kũne ò, kàh kı sô minne ò, kàh kı sô yınyô tònptıle ò, kàh kı sô yòtörınole ò, kàh kı sô kwey gbı tyile ò, kàh kı sô nsô tyile ò, kàh kı sô tẽnnpèñónole ò, kàh kı sô yınyô tãhkınóle ò, kàh kı sô sétáh sówãh tãhkınóle ò, sé soko yó ñtẽ nãh fẽ ápi tyínono yah kô n pi n tyí.

9

Yikı nê névye-á Liyel yah toko

¹ Krista tyí yô ye ñne. Kèpah ye, máh kı nê yo n pi, gbı ye kéle, mìnı nãh me ké soko. Liyel Mirki ye ké sõno dahbı te n soko ne nê-á mé kı n yo n pi, gbı-á kéle. ² Yèkwõrı ñgbẽ me n soko. Nı me n suke gbımegbí. ³ Yé nãh we di, máh me nê tyí, ñmo tyí sô náhkı yıki ànê n wró mó gbe Kristale n yũnpyé swo soko, pé pwah n mo yĩnne, pépi nónó-á n yikı névyele. ⁴ Pépi ye Yisrayel nole, Liyel-á nónó pı n wẽnpile. A yô yõnóle pè kô, té yégbékè kwro mo péle gbáyı nãhnãhle, té tyi kô sah pè kô, té n ni òkùle pè wẽki, té n vyãhle pè kô. ⁵ Abrahmı, ànê Yısakı, ànê Nsyakobıpi ye pé

* 8:36 8.36 Yah n te Gbálnó 44.23.

náh tãnnε. Yìkì núkú ye péle Yesule wãh pɔ sɛtáh yõ. Nmo ye Liyelle, nê-á me yíyìn pól yõ. N yìn ne n gbilki gbímegbí. Amiina!

⁶ Mâh nê yo sɔkɔ yõtãh, képah náh n wêkɪ ne Liyel náh n kɔ n tyíyónó sò. Nte Yisrayel no pól náh pɪ Yisrayel no yèsyìkìnìne Liyel yah sɔkɔ. ⁷ Sě ó ye, Abrahamɪ wěnpì pól tɔ náh pɪ n wěnpì yèsyìkìnìne. N pídí Yisakɪ wɔ wěnpì ye kɪ n mɔ n kō n pétóbéle sɔ-á Liyel yo kéle n tyí. ⁸ Mâh ne mé kè yo palle, wěnpì nónó-á dubi gbɔyne, pépi náh Liyel wěnpìle. Nónó-á dubi à yĩne Liyel vyãh kɔnóle, pépi ye n wěnpìle. ⁹ Yé yah, Liyel lésò n vyãhle Abrahamɪ kō ne nkě: «Gbí yó yĩnkō gbíne, mé kɪ n syɪ pɔ á ònnε, té Sara kɪ me dínpir we dubi.*» ¹⁰ Tòɔ náh dé, yé yah Wrebeka tɔ tyíle kè: Ápi sùtó Yisakɪ mè ye dubi à kō dínpi nɛpì níminε nónó-á kènìnne. ¹¹⁻¹³ Gbí nê-á wěnpì nɔpi náh tɔnì dubi, pè náh tyítúkúnì pɪ, pè náh tyípɛlɔ tɔ pɪ. Nte Liyel me yo Wrebeka tyí ne: «Wěnpì nɔpi sɔkɔ, nɛnkyí tẽ kɪ pɔ pɪ gbě tẽ yõle.»† Kè tɔ me wárkínóle Liyel wey sébéy ítẽ sɔkɔ ne nkě: «Nsyakɔbɪ wɔ tyí ye nɔ n tyí, Yesayu náh»‡ Yé náh we di, képah n wêkɪ ne névi tyípínó náh Liyel n yah n té tẽ yah n wilki. Névi nê-à n dyɔ, tẽ wɔ ye à n yah n wilki.

¹⁴ Sò me ápi kɪ yo yò wé? Liyel náh me n kɔ gbɪ wêkì yõ di? A me n kɔ gbɪ wêkì yõ kè. ¹⁵ Yé náh we di, à yo Moyisi tyí ne: «Mâh me ké tyí ne mé pɛpɔrɪ pɪ névi nê tyí, mě kè pɪ tẽ tyí. Té mâh me ké tyí ne mé névi nê yãm yah, mě tẽ yãm yah.»§ ¹⁶ Kãh pɪ sě, képah náh n wil névi dyɔ yí tẽ sɔkɔ, képah náh pɪ n gbáhntɛnɔ sɔkɔ dé. Nte kè n wil Liyel ó tyí, nê-á névi yãmne n yah. ¹⁷ Kè me wárkínsàhnóle Liyel wey sébéy sɔkɔ ne, Liyel-á yo Yesyipti yòtẽ dí tyí ne: «N tɛnwɛnɔ wêkɪ yìn ànê n yìn wil yìn ye kèkòyó pól sɔkɔ, n kō mé n pɪ yòtɛne.»* ¹⁸ Kãh pɪ sě, kãh Liyel dyɔ, à ònî yãm yah, té kãh n dyɔ à ònî pɪ kùkùtãhkì névile.

¹⁹ Gbòkɛnpɪ tókù kɪ fɛ ne, kwãh nê se pɪ té Liyel kɪ tɔ n tɔkɔ névyεe n kō nɪ? Nê se kɪ fɛ n dyɔ dyɔ tyi yah kō nɪ? ²⁰ Nte nê tẽ ó me áwɔle, té á kɪ pɔ Liyelle n kòlɪ? Pín se kɪ fɛ ké mó-ò piki yah ne, kwãh nê se pɪ té à pé mɔ sě nɪ? ²¹ Pnì mó-ò tyí náh n fãhrɪle di? A kɪ fɛ tyígbi pɪ pɪ pín mɔ kéle, té kɪ tɔ fɛ nýãh tyi pɪ pɪ pín mɔ kɛne fãhrɪ óle. ²² Liyel me ké tyí ne pé pé fòkònyãhnì wilki mɔ, pé mó pé tãhkì wêkɪ. Té wãh mó tɔ sò yĩne à n fòkɔ vyãh névyεe nónóne, à sòmno pɪ té n gblɔy ye náhnáh pé tyí. ²³ Nte n tɔrì-á me gblò dùkù nɛne, à sò me ké tyí ne pé kéle no téló wêkɪ, wãh pépi nónó yãm yah té pé yah wilki sah n tɔrì sɔkɔ de yinne. ²⁴ Té kɛne névyεe, ápi ye. A náh á yah wilki Nsyifunɔ ó sɔkɔ dé, nte à tókù yah wilki yìkìnì téló sɔkɔ, ²⁵ sɔ-á Liyel kè yo sah Wose sébéy sɔkɔ ne: «Névyεe nónó náh sò me nmo nolε, mé kɪ péle n ye n nolε. Yìkì ne tyí náh sò nɔ n tyí, mé kɪ kéle n ye n dyɔ yí yìkìle.»† ²⁶ Té nýãh sɔkɔ-á lésò kè yo pé tyí ne nmo no náh péle, nɛnpó mè ó sɔkɔ ye tɔ pè kɪ ye péle Min nétẽ Liyel wěnpìle.»‡ ²⁷ Yesayi tɔ mó yo Yisrayel no tyí sɔkɔ ne nkě: «Yisrayel névyεe-à sò me dò pne yo gbòpɔ sɛmìyãhrì sò, kwéy ó ye kɪ n pwah n pi pé sɔkɔ. ²⁸ Yé náh we di, TÈ NGBÈ Liyel-á tyi nónó yo, à kɪ sè pɪ dal mɔ súú sɛtáh yõ.»§ ²⁹ Té Yesayi tɔ lésò kè yo sah ne nkě: «Tyi pól tyí tɛnwε-ò TÈ NGBÈ Liyel-à sò me á tókù sãh-nkɛne min sɔkɔ, á duku náhki tɔ Sodòmɪ ànê Gbomɔrɪ névyεe tyí kòle.»

³⁰ Sò me ápi kɪ yo yò wé? Névyεe nónó náh pɪ Nsyifunɔle, pè pɪ néglólε Liyel yah n yõ sɛnó gbò yõ, pépi nónó-á pè náh sò me kéle n yah n kō. ³¹ Té Yisrayel no nónó

* 9:9 9.9 Yah n te Yenesɪ 18.10. † 9:11-13 9.11-13 Yah n te Yesesɪ 21.23. ‡ 9:11-13 9.11-13 Yah n te Malaki 1.3. § 9:15 9.15 - Yah n te Yálnó 33.19. * 9:17 9.17 - yah n te Yálnó 9.16. † 9:25 9.25 - Yah n te Wose 2.25. ‡ 9:26 9.26 - Yah n te Wose 2.1. § 9:28 9.27-28 - Yah n te Yesayi 10.22-23.

wɔ-á pyě sò me n yah n kɔ̄ ne pé pi négbíle Liyel yah Moyisi tyi kònsàhnó wàl kóló gbò yò, pé nàh we pi négbíle képah gbò yò. ³² Sò pi té pé nàh we pi négbíle wé? Pé nàh sò me kéle n yah n kɔ̄ Liyel yò sɛ́nó gbò yò, pé sò we ne nkě pé tyípinì-á kɔ̄ fě pé pi négbíle Liyel yah képah ye. Pé gbáhkì ye pyě pé mi pé wilki n mɔ mɔ dáhkì tyí yò sò. ³³ Kéne dáhkìle, Yesu Krista ye. Képah tyí ye wárkínsàhnóle Liyel wey sébéy sɔkɔ ne nkě: «Yé yah, mé kɔ̄ gbáhkì mi mi dáhkì yó sah Siyò kwil sɔkɔ. Névyé wilki n mɔ mɔ tédáhkì yó ye kéle. Nte névi nê-à ò gbò sah ké yò, sen nàh tẽ tẽ n pi.»*

10

¹ N yúnpyé, máh me nê tyí ní nɔ pólle, képah ye ne Nsyifunɔ pwáhnmonɔ we. Mé me Liyelle n ni pé tyí képah tyí sɔkɔ. ² Yé nàh we di, mé kɔ̄ fě kè yo ne pàh me gbah tẽ yí Liyel wèkì kóló sɔkɔ, òte pàh me kéle n pi yítùri sɔkɔ. ³ Liyel-á névile n pi négbíle ò yah sɔkɔ dùkù nêne, pé nàh kè pì. Té pé yěngbẽ tyíle n pi, té Liyel tyí wɔ yahle. ⁴ Krista ye pɔ Moyisi tyi kònsàhnó tyi pi syi sé yín tyí. Névi nê-à sɛ́ Krista yò, tẽ kɔ̄ pi négbíle Liyel yah sɔkɔ.

⁵ Névi-á fě n pi n pi négbíle tyi kònsàhnó gbò yò dùkù nêne, Moyisi-á nê wárkì ké tyí sɔkɔ kè we yò: «Névi nê-à tyi kònsàhnó sɔkɔ tyíyónóle n pi, tẽ kɔ̄ ò minne n pi sépi gbò yò.»* ⁶ Nte névi-á n pi négbíle Krista yò sɛ́nó gbò yò dùkù nêne, kè me yónóle képah tyí sɔkɔ ne: «Káh ne n sò á fɔkɔ sɔkɔ ne: «Nê kɔ̄ dɔkɔ kyɔ̄ yínyò?»» Nê kór-á, kɔ̄ kyɔ̄ Krista kɔ̄ à kɔ̄ tiki pɔ. ⁷ Képah nàh pi: «Nê kɔ̄ tiki yuku sétáh sòwàh?» Nê kór-á, kɔ̄ kyɔ̄ Krista kɔ̄ à kɔ̄ wil lékókwl kɔ̄ dɔkɔ pɔ. ⁸ Nte tir nê me tɔ yónóle wé? Kè me yónóle ne: «Liyel wey me á tnô. Kè me á vyàh sɔkɔ ànê á nɔ sɔkɔ.» Kéne weyne, Yesu Krista yò sɛ́nó wey ye kéle, áyáh me nêne n yo n kɔ̄.† ⁹ Wáh kè yo á vyàhle ne Tẽ òngbe-á Yesu Kristale, té sɛ́ ké yò á nɔ sɔkɔ ne Liyel-á ò lékó yilki mɔ, á kɔ̄ pwáhnmonɔ we. ¹⁰ Wáh sɛ́ Liyel yò á nɔ sɔkɔ, képah ále n pi négbíle; ànê wáh kè yo á vyàhle, képah ále n pwah n mɔ. ¹¹ Á nàh we di, kè me wárkínsàhnóle Liyel wey sébéy sɔkɔ ne névi nê-à sɛ́ Krista yò, sen nàh tẽ tẽ n pi. ¹² Káh pi sɛ́, wáhkì nàh me Nsyifunɔ wró ànê nónó nàh pi Nsyifunɔle. Tẽ òngbẽ núkú ó ye me pé pól tyí, nê-á pèpɔrɔle n pi no pól tyí nónó-á òne n ye n gbo. ¹³ Yé nàh we di, kè me wárkínsàhnóle Liyel wey sébéy sɔkɔ ne nkě: «Névi nê-à Tẽ òngbẽ ye gbo, tẽ kɔ̄ pwáhnmonɔ we.»

¹⁴ Nte sò me pé kɔ̄ ye gbo òne, né pé nàh sɛ́ ò yò? N tyí wénnoh-ònkène, pé kɔ̄ sɛ́ sò ò yò? Pé kɔ̄ we noh sò ò tyíle né ney nàh ò tyí we yo pé tyí? ¹⁵ Té sò me Liyel wey kɔ̄ yo, né névi nàh tekɔ̄ mɔ ké yo yinne? Képah ye kè me wárkínsàhnóle Liyel wey sébéy sɔkɔ ne nkě: «Kè me òvìnìnè wáh Nìvìnì tir yópú we pé pé gbáhkì tɔkɔ n pi.»‡ ¹⁶ Nte no pól se yó Nìvìnì tir fě syi? Yé yah, Liyel tẽntò syíno-ò Yesayi lésò me píkinyahnɔle n pi ne nkě: «Tẽ òngbẽ, ápi-á tir nêne n yo, nê sɛ́ ké yò?»§ ¹⁷ Sɛ́ ye Krista yò sɛ́nó n we Nìvìnì tir nóhnó sɔkɔ. Té Nìvìnì tir mène mó, Yesu Krista tyí yónó ye. ¹⁸ Nte à; pé nàh ò tyí yónó noh yah di? Pé kè noh kyó! Kè me yónó òtẽne Liyel wey sébéy sɔkɔ ne nkě: «Pé yínpɔ̄ me n dɔkɔ sétáh yò pól sɔkɔ, pé wey me n yini n tẽ kèkòyó tántàn pól tyí.»* ¹⁹ Nte à; Yisrayel no nàh lésò Liyel wey mè syíkí-òsah pì di? Moyisi mó tɔ kwàh tẽ kè yo ne Liyel-á ne nkě: «Mé kɔ̄ kè pi yé kɔ̄ yé kɔ̄ yìkì fóró yó yèwanne n yah. Yìkì nê névyé-á lékám kɛ́ névyele, mé kɔ̄ kè pi yé kɔ̄ yé kɔ̄ pé dyɔle n yo.»† ²⁰ Yesayi ò nɔ syàh kè yo òtẽne ne Liyel-á ne nkě: «Névyé nónó nàh sò me

* **9:33** 9.33 - Yah n te Yesayi 28.16 ; 8.14. * **10:5** 10.5 Yah n te Levitiki 18.5. † **10:8** 10.8 Yah n te Tònyono 30.12-14. ‡ **10:15** 10.15 Yah n te Yesayi 52.7. § **10:16** 10.16 Yah n te Yesayi 53.1. * **10:18** 10.18 Yah n te Gbálnó 19.5. † **10:19** 10.19 Yah n te Tònyono 32.21.

ńmɔle n yah n kɔ̄, pépi ye we ńne. Névyé nónó náh sò me kwâh yó ńtēne n yah n kɔ̄ n tyí, mé n gblɔ̄yne pépi wēki.» ²¹ Nte Yisrayel no tē wɔ tyí sɔkɔ, Yesayi ne Liyel-á ne ńkē: «Gbĩmegbí mè n ne n me n gbàn yiki mɔ pè syki n tē, pépi nónó-á nòhnì-ńkē ànê kèlékē névyé.»‡

11

Liyel náh n náh vi Yisrayel no kɔ̄

¹ Nte-à, Liyel se n náh vi n no Yisrayel tãn kɔ̄? ǉ̄ dé! Yé náh we di, ńmɔ tɔle Yisrayel ney ye dò. Abrahami náh ney yó ye ńne, nê-á wil Běnsyame yĩkì sɔkɔ. ² Liyel náh n náh vi n no kɔ̄ wãh kwâh tē nónó yah wilki sah dé. Yé se ki ne yé pínó náh me ké sɔkɔ ne, kãh me wárkínsàhnóle Liyel wey sébéy sɔkɔ ne Yeli-á sò me n tɔkɔ Yisrayel nole n kɔ̄ Liyel tyí ³ ne ńkē: «Tē ñgbē, pè ye á tēntò syinyopu ko mɔ, té sárká súkénkɔ-ńtãn yiki nónó-á me áwɔ tyí yò. Nmɔ ó wũ n gblɔ̄y, té pè tɔ me n yah n kɔ̄ n kònmɔ-ńsahle.» ⁴ Nte sò me Liyel yo n tyí? A ne: «Mé ye díbí nêpĩ kèyò tónó kyegbãm (7 000) wilki sah n gblɔ̄y tyí, nónó-á pè náh gbètukunɔ di fal fal tò Baal yah sɔkɔ à kè gbilki.» ⁵ Képah núkú ó ye kwey mè to sɔkɔ, névyé kwéy yísyó me wũ tē Liyel-á yòbènrɔ pi nónó tyí à pè yah wilki. ⁶ Nte yòbènrɔ-à ki nê Liyel pi pé tyí à pè yah wilki, pé tyípinó gbò yò náh mó tɔ kè. Kàh me sépi gbò yòle, yòbènrɔ náh mó tɔ dò. ⁷ Sò me ápi ki yo yò wé? Yisrayel no-á nêne n yah n kɔ̄, pé pól náh kè we. Nte Liyel-á nónó yah wilki pé sɔkɔ, pépi ó we kélé té téló wɔ ní me tah tũ ⁸ sò-á kélé wárkínsàhnóle Liyel wey sébéy sɔkɔ ne: «Liyel ye pè pi tǔròò. A pé yí pi sè náh me n yah, té pé ní pi sè náh me n nohnì, fók à pɔ syi kwey mè tyí.» ⁹ Yòtē dí Davidi to tɔ kè yo ne ńkē: «Pé yòke yĩne kè pi pé tyí pé tē tē vyónne, ànê pé tē tē kēyne, ànê pé wilki n mɔ mɔ kwáhle, ki pé tyítúkúnìne pè dyah. ¹⁰ Pé yí mó ne me syĩ, pè káh fē ne n yah, pè mó ne me kwlónó sɔkɔ gbĩmegbí tókóbí sò me pé yò. ¹¹ Nte-à, Yisrayel no-á pé gbáhkì mɔ syki sē-à, pè se ki wũ tē sē kúmm? Sē tē wɔ náh dé. Nte pépi-á pilki, yĩkìni téló mó pwáhnmonɔ we, pépi Nsyifunɔ kɔ̄ pè pé yèwanne n yah. ¹² Nte pépi-à pílkínó-à ki me pi pèpɔrɔ wénóle kèkòyó névyé tyí, té pé tēnkwlɔnɔ me pi pèpɔrɔ wénóle yĩkìni téló tyí à, pépi-à pwáhnmonɔ we te, képah náh n pi n pi pèpɔrɔ ñgbēne kal di?

Névyé pwáhnmonɔle nónó náh pi Nsyifunɔle

¹³ Yépi nónó náh pi Nsyifunɔle, yépi tyí ye mé n yo wey mène núkúnúkú. Yesu tēntò névi ye ńmɔle nê-á me tòle n pi yépi yĩne. Tò mè me yò yónóle ńmɔ tyí, ¹⁴ nê-á ki á no Nsyifunɔ kɔ̄ kè ki yĩkìni téló yèwanne n yah, n kɔ̄ mé ki pé túkú we pwah mɔ. ¹⁵ Yé náh we di, Liyel-á pè gbe milki képah-à me kèkòyó névyé wró tɔ sah Liyelle à, wàh tɔ pɔ pé ye kwró ñne, kè ki pi sò wé? Kè náh n pi n pi á ki ne lékyi sò yilki mɔ di?

¹⁶ Sèmukɔ pye nónó-á ko gbrole, sépi-à ki me wilki sah Liyel tyí yò, sé téló pól to me n tyí yò. Séswô sémin-à me sàhnóle ñmɔ tyí yò, ké yìngbàn to ki me n tyí yò.

¹⁷ Nsyifunɔ me wólívì séswô sónó sò, té Liyel me ké yìngbàn kòli. Té nónó náh pi Nsyifunɔle, pépi mó me á ki ne kyēh sɔkɔ wólívì séswô sò, nê-á Liyel ké yìngbàn kòli kyi pukubi wólívì yòhkì sónó tyí. Yáh Liyel yòbènrɔ nê we, képah n wil Nsyifunɔ tyí sò-á wólívì séswô sónó ñkì n yohni n mɔ yìngbàn púkúbínóle. ¹⁸ Képah ye, yìngbàn nónó-á Liyel kòli kwe, yé káh séle n yilo. Yé káh yé gblɔ̄yne n yò n sah, yépi tyí náh

‡ 10:21 10.21 Yah n te Yesayi 65.1-2.

sémînnε, pépi tyí ye séle. ¹⁹ Yé kú fě ní syah ne, Liyel-á yǐngbàn nópi kǒli to té yépi we pukubi. ²⁰ Gbɪ tẽ wɔ ye, pépi Liyel yǒ sě-ńkě ye Liyel kǒ à pè kǒli to té yépi we pukubi pé swɔ sɔkɔ yé Liyel yǒ sěńó gbò yǒ. Yé náh yǐne yè yé gblǒyne n gbilki. Kè pyě yǐne kè ne n me tíkíle yé tyí ńtēne ńkě. ²¹ Yé náh we di, Liyel-à me yè-ńkěne séswô sónó yǐngbàn kǒlínóle, yépi wɔ se pyě à kú we ye yáh sě-ńkěne n yǒ? ²² Yé yah, Liyel ple, té mó tǒ peke. A peke pílkípú yǒ, té n pí ple yépi tyí. Nte yé yǐne yè ne n me n pèpɔri mène n pne gbíme gbí. Képah-à pí-ńkěne, yé to kú kǒli milki. ²³ Nte Nsyifunɔ tɔ-à kú pé kèlékè pínó yal mɔ té sě Liyel yǒ, Liyel kú pè tǒ pukubi séswô sónó tyí. Těnweno me ñmɔ tyí kú n syi pè tǒ pukubi. ²⁴ Yé náh we di, yépi nónó náh pí Nsyifunóle, yé me á kú ne kyěh sɔkɔ wólíví séswô sǒ, nê-á Liyel ké yǐngbàn kǒli kyi pukubi wólíví yòhkì sónó tyí. Nsyifunɔ mó me wólíví séswô sónó yǐngbàn tyí kǒle nónó-á Liyel kú pè tɔkɔ pukubi sé séswô tyí.

Nsyifunɔ pwáhnɔnɔle

²⁵ N yǐnpyé, mé kú Liyel tir wǒbɪnsàhnó yó tyí yah yo wah yé syah, sǒnko yè káh n pɔ yé gblǒyne n tɔkɔ n pí yǐ pípúle. Yé yah, Yisrayel no tókú kú wǔ tẽ níkisekókó pínó sɔkɔ, pópó kú pɔ nɔ gbí nê-á nónó náh pí Nsyifunóle, pè kú pwáhnɔnɔ we, té kú de Liyel no sɔkɔ. ²⁶ Képah sɔkɔ, Yisrayel no pól kú pyě pwah sǒ-á kéle wárkínsàhnóle Liyel wey sébéy sɔkɔ ne ńkě: «Pwáhnɔ-ò kú wil Siyǒ kwil sɔkɔ. A kú pɔ Nsyakɔbɪ no tyípèl tókóbí tẽ yǒ pé yǒ. ²⁷ Nmɔ Liyel-á kú pɔ pé tyípèl yǒ mɔ pè kǒ, té kú yégbékè nê kwɔ n mɔ n pí péle, képah ye yò.» * ²⁸ Yah yóle, Liyel sépébi ye Yisrayel nɔle páh sǒnpíle Nivini tir yahle, té képah wɔ mó nekú yépile. Nte yah yóle, pépi ye sǒ à yah tɔkɔ pí n nɔle. Pé tyí nɔ n tyí pé náh tǎn yǐnne. ²⁹ Yé náh we di, Liyel-à kwáhle névi kǒ, à náh n yahle n vi kéle n syi pólle. Wáh névi nê ye, à náh n nahle n vi tēne n kǒ pólle. ³⁰ Ngbòle, yé lésó me Liyel yóré yahle. Nte núkúnúkú, Nsyifunɔ tɔ-á n yóré yahle, à me yépi yám yah. ³¹ Sě ó ye, Liyel yóré nê-á pè yahle núkúnúkú yò, té Liyel me yépi yám yah, pépi tɔ yám yah yǐn ye à pí képahle. ³² Yé náh we di, Liyel ye no pól kǒ pè n yóré yahle pé pól yám we n yah yǐnne.

³³ Liyel pèpɔri me gblò dé! Lékám me yǐ n sɔkɔ, n fɔkɔ se mó tǒ me dényǐnɔle. N tyi tẽ dukú náh fě n pí, n syǒ-ńtǎn to náh fě n pí ló.

³⁴ Kè me wárkínsàhnóle Liyel wey sébéy sɔkɔ ne ńkě:

«Nê tẽ wɔ me Tẽ ñgbě sǒnɔle n pne wé?

Nê tẽ wɔ kú fě vɪnmɔnɔle à kǒ?†

³⁵ Nê kwáh yóle à kǒ,

té à pɔ ké lédyáhníne tẽ kǒ nahle?»‡

³⁶ Yé náh we di, yǐyǐn pól wil ñmɔ tyí. Nmɔ mónó ye sé pólle. Sé pól me ñmɔ tyí yǒ.

Gbilkinó ne n sah n yǒ gbíme gbí. Amiina!

12

Min pínó késánnε Liyel wěkì kóló sɔkɔ

¹ N yǐnpyé, Liyel pèpɔri pínó yǐnne ápi tyí, mé kéle n yah n kǒ yé tyí ne, yé yé gblǒyne Liyel kǒ yé sǒ pí sárkále n tyí. Yè mó yé minne n pí yályál n yah sɔkɔ, nê-á kú n yǐ yuku. Képah ye Liyel gbilki dukú pèpeyne, yáh yǐne yè nēne n pí. ² Yé káh kèkǒyó névyele n yah n pí. Nte yé ye Liyel kǒ à lékám késánnε yé kǒ sǒnko yé vi mɔ.

* **11:27** 11.27 Yah n te Yesayi 59.20-21. † **11:34** 11.34 - Yah n te Yesayi 40.13. ‡ **11:35** 11.35 - Yah n te Nsyobɪ 41.3.

Képah soko, tyi nónó tyí-á me Liyel tyí, yé ki tẽ we séle n wah n pne. Sépi ye pi tyi tyípeplole, ànê nónó tyí-á no òn tyí, ànê nónó-á sòhkì kěne.

³ Liyel-á yòbènrì nê pi ñmò tyí, képah yinne mé kéle n yo yé nénúkù núkú pól tyí ne, yé káh yé gblöyne n gbilki n kah n mo. Yé ye gblöy tíkínmòno sòno ne n me yé soko, à yĩne Liyel-á òn yò sěnole yé nénúkù núkú pól kò sò. ⁴ Yé náh we di, wil gběnsé núkú núkú ye á pól tyí, té tãntãne sé tyí dò, nónó-á sé pól pi pi tyi me sé tyí tyíle. ⁵ Sě ó ye, ápi to me dò, ñte á pól pi wil gběnsé núkúle tyí kòle á wró kwrónmòno gbò yò Kristale. Á pól kwrò mo pi núkúle wil gběnsé tãntãn tyí kòle nónó yétò-á me wěne n tẽ. ⁶ Liyel-á pèpòri pi á tyí à nónóne á kò, sè me sé tyí tyíle. Nê tyí-à ki me Liyel tẽntõnè syinyonole, tẽ kéle ne n pi à yĩne Liyel yò sěno wěkile. ⁷ Nê tyí-à ki me sònmònole névye tyí, tẽ ne n so n mo pé tyí. Nê tyí-à ki me névye kwónóle, tẽ névyele n kwò. ⁸ Nê tyí-à ki me névye vinnònole, tẽ névyele n vi n mo. Nê tyí-à ki me pèpòri pínóle névye tyí, tẽ kéle ne n pi fòkòpènrì soko. Nê tyí-à ki me névye yah tẽnóle, tẽ gbah tẽ ké soko. Nê tyí-à ki me névye yãm yáhnóle, tẽ kéle n pi nìvìnì soko.

⁹ Yé yĩne yé tyí no wě tyí fòkòkwìnkì kěne ké soko. Yé pèkè pínó yal n mo pnépné, yé mó pèpòrile n pi. ¹⁰ Yé ye yé tyí no wě tyí yúnpíkì núkú tyí kòle. Yé gbah tẽ ye yòyènnè n sah wě yò. ¹¹ Yé kléykléyne n pi, yé káh pi gbãndal névyele. Yé tòle n pi Tě ñgbě tyí yé nno pólle. ¹² Yé gbò sàhnó-á me nê yò, yé ne n me nìvìnì soko képah yinne. Yé sòmnole n pi yèkwòri gbíne. Yé gbah n tẽ níri pínó soko. ¹³ Yé yé yúnpyéle n yohni n mo pé fyãh-ntãn soko, yé mó népãne n tẽ ple.

¹⁴ Nónó-á yéle n fòh, yé sãmne n mo pé soko. Yé sãmmne n mo pé soko, yé káh léplole n ye n mo pé yò. ¹⁵ Nónó-à me nìvìnì soko, yé ne n me nìvìnì soko péle wě tyí. Nónó-à mó me gbní soko, yé ne n me gbní soko péle wě tyí. ¹⁶ Yé yé fókósòno pi núkúle. Yé káh pi gblöy gbílkipúle, yé ye gblöy tíkínmòno tyí no yé tyí. Yé káh yé gblöyne n pi yí pípúle.

¹⁷ Yé káh ñnì yò ñtẽ pèkè pínó wó de òn soko. Yé pèpòrile n pi no pól tyí. ¹⁸ Káh ki me yépi tẽ ó sò, yé gbah n tẽ yé minne n pi yèvini soko ànê no pólle káh ki fẽ n pi n pi. ¹⁹ N nénónó, yé káh ne yáh yé gblöy vyãhle n syi, yé kè toh Liyel syĩ. Yé náh we di, kè me wárkínsàhnóle Liyel wey sébéy soko ne, Tě ñgbě-á ne ñkě: «Ñmò tyí ye vyãh syínóle, ñmò ye n de wóle.»* ²⁰ Té tã yo ké fí yó soko ne: «Á sépe-à me kweki soko, yĩ à kò à yò; wáh me níkì soko, yĩ à kò à wò. Wáh képah pi, kè me á ki ne nìségbno sò á kwe mo òn yòni yò.»† ²¹ Káh n ye pèkè kò kè fyãh á yò soko, ñte áwò fyãh ké yò soko á pèpey pínó gbò yò.

13

No pól yĩne pè ne n sah kwil yòtãm yóré yò

¹ Těnweno yó se me né kè náh wil Liyel tyí? Névye nónó-á me tóri yò, Liyel sahki soko ye péle dò. Képah ye, no pól yĩne pè ne n sah kwil yòtãm yóré yò. ² Káh pi sě, névi nê-à yòtãmne n fwo, Liyel yóré ye tẽ n yahle. Té nê-à se mó tã Liyel yóréle n yahle, pèkè ye tẽ n yòri n mo òn gblöy yò. ³ Tyípeplo pí-ò náh yĩne tukey tükèpu yah tíkì pínóle. Tyítúkùnì pí-ò wò ye yĩne pé yah tíkì pínóle. Wáh ki me ké tyí ne á káh yòtãm tíkile n pi, tyípeplole ne n pi, képah soko pè ki ále n sò. ⁴ Á náh we di, Liyel tò soko ye yòtãmne á tyí pikì yinne. Nte wáh tyítúkùnìne n pi, pé tíkì yĩne kè òn tẽ. Dípíyì náh pè kò nònóle dé, tẽnweno me pé tyí Liyel tò mè soko ki fẽ fòhnó sah

* 12:19 12.19 - Yah n te Tõnyono 32.35. † 12:20 12.20 - Yah n te Sèmìrn 25.21-22.

pèkè pí-ò yõ, kɪ Liyel yɔ wilki tẽ sɔkɔ. ⁵ Képah ye á yĩne ñ ne n sah pé tyí yõ. Liyel fòkònyàhni yah tĩ to yĩn ó nàh dé, á nɪ tɔ me kéle ále n wẽkɪ ne képah-á ple. ⁶ Képah tɔ yĩn ye yẽ móríle n mɔ. Té nónó-á mó n syi séle, Liyel tò sɔkɔ ye péle ké tɔ n sah n pɪ yĩnne. ⁷ Kwáh nê-à yĩne névi nê kɔnóle, kéle tẽ kɔ. Móríle mórí syí-òle n kɔ, ñ té làpole làpo syí-òle n kɔ. Wáh yĩne ñ névi nê yah tíkɪ pɪ, tẽ yah tíkɪ pɪ. Wáh yĩne ñ yòyén sah névi nê yõ, kè sah tẽ yõ.

Yé tyí-á yĩne kè nɔ wẽ tyí sɔ

⁸ Nnĩ yó ntẽ kɔlɪ káh we yé yõ sɔkɔ. Yé ye wẽ tyínɔnɔ ó kɔlɪ ne n me yé yõ. Á ní-ò tyí-à me nɔ á tyí, Moyisi tyi kònsàhnó wàl pól ye á kɔ dal mɔ. ⁹ Káh yo Moyisi tyi kònsàhnó sɔkɔ ne, ney káh fòfíkɪ pɪ, ney káh nékókè mɔ, ney káh yĩbe yĩ, ney káh ñ yí wil ñ ní-ò kwáh tyí, à tahlɪ tyi nónó téló tɔ tyí-á yónóle ké sɔkɔ, sépi pól ye tir kònsàhnó núkú mè tuke mɔ yo ke núkúle ne nkẽ: «Á ní-ò tyí yĩne kè nɔ á tyí á gblɔy tyí kɔle.»* ¹⁰ Tyínɔnɔ névi nàh n pɪ n dah n mɔ névi tyí. Tyínɔnɔ-à me névi nê sɔkɔ, tẽ me Moyisi tyi kònsàhnó wàl pólle n kɔ n dal n mɔ.

¹¹ Gbĩ nê sɔkɔ-á ále, yé kè pĩ ó. Pwáhnɔnɔ me yúkey ále núkúnúkú à kal gbí nê-á lésó á sɛ Krista yõ. Képah ye, dɔ n yuku gbí nɔ. ¹² Tyah kah te, tyah dal gbí me yúkey. Á ye fěntú tyi we n ye. Liyel-á nêne á kɔ kyòo yah tò pɪ yĩnne, ¹³ à mó képahle kyòo yah tyípínó óle n pɪ. Á ye káh n pɪ yèwònpɪbɪle, á ye káh mó tɔ sètɛnɪne n pɪ. Á ye káh n pɪ fòfɪnpɪbɪle, á ye káh n pɪ prònpɪbɪle. Á ye káh málle n kɔlɪ, á ye káh yíwilkɪle n pɪ. ¹⁴ Yé ye yé tyípínó pól ne me Tẽ ñgbẽ Yesu Krista tyí kɔle. Yé káh n ye yé dyɔ dyɔ tyi pínó fyáh yé yõ, kè pɔ yé mɔ tyítúkúni pínó sɔkɔ.

14

Káh á yúnpile n tuke

¹ Névi nê Liyel yõ sɛnó-à me yúkú-ńkẽne yahle, yé tẽ tɛnó ple. Yé káh tẽ sɔnɔle n kɔlɪ. ² Sɔ kénkɔ-á ñnĩ Liyel yõ sɛnó-à yuku yahle tẽ kɔ à me fẽ yíyìn pólle n yõ, té nê Liyel yõ sɛnó nàh mó yuku yahle, kè me tẽ kɔ à me kò yahle; ³ yíyìn pól yó-ò káh kò kò-ńkẽ névile n yilo, kò kò-ńkẽ névi tɔ káh mó yíyìn pól yó-òle n tuke. Yé nàh we di, Liyel me tẽ tẽ ple dò. ⁴ Nte nê me áwɔle, té á kɪ pɔ ñnĩ yó tɔnpɪle n tuke? Wáh kɪ sɔ me n pɪ ple ò, à nàh me n pɪ ple ò, képah me ñ yòtẽ díne n yah kè. Nte à kɪ pɪ ple n pɪ. Yé nàh we di, tãhkɪ me Tẽ ñgbẽ tyí kɪ fẽ à kɔ à kɪ n pɪ ple. ⁵ Túkú tyí sèpìn me sé tyí tyíle, túkú tyí sè me núkúle. Nte nê-à sɔ me nêne n sɔ, tẽ sɛnyĩnɔ ne n me ké yõ. ⁶ Névi nê-á me sèpɪnne n mɔ n kɔ, Tẽ ñgbẽ tyí ye tẽ n pɪ kéle. Nê-à me yíyìn pólle n yõ, Tẽ ñgbẽ tyí ye tẽ n pɪ kéle. Yé nàh we di, Liyel yĩn ye tẽ n gbilki. Nê-à se yíyìn pólle n yó-ńkẽne, Tẽ ñgbẽ tyí ye tẽ n pɪ kéle. Liyel yĩn ye tẽ tɔ n gbilki. ⁷ Yé nàh we di, ápi sɔkɔ yó ntẽ nàh me min sɔkɔ ñ gblɔy yĩnne, ànê ñnĩ yó ntẽ nàh n ku n pɪ ñ gblɔy yĩnne. ⁸ Áyáh me min sɔkɔ, Tẽ ñgbẽ tyí yõ ye ále min sɔkɔ. Áyáh se ku, ñmɔ tyí yõ ye á ku. Képah ye, á me min sɔkɔ ò, á ku ò, Tẽ ñgbẽ tyí yõ ye ále. ⁹ Krista ye ku té ñ lékó me yilki mɔ, nê-á à kɔ à pɪ lékyí ànê vye Tẽ ñgbẽne. ¹⁰ Nte áwɔ-á dò, kwáh nê pɪ té á á yúnpile n tuke? Té áwɔ tɔ-á dò, kwáh nê pɪ té á á yúnpile n yilo? Liyel kɪ pɔ á pól tuke n pɪ dò. ¹¹ Yé nàh we di, kè me wárkínsàhnóle Liyel wey sébéy sɔkɔ ne nkẽ: «Ñmɔ nê-á Tẽ NGBÈNE mé me min sɔkɔ. No pól kɪ gbètukunɔ di ñmɔ yah sɔkɔ, ànê no pól kɪ ñmɔle n gbilki.»* ¹² Káh pɪ sɛ, á nénúkú núkú pól kɪ á tyípínó yah yo

* 13:9 13.9 Yah n te Levitiki 19.18. * 14:11 14.11 - Yah n te Yesayi 45.23.

n pi Liyel tyí á gblöy.

¹³ Képah ye, á ye yal mo wě tükèńóle, yè mó kè yah toko ne òńńi yó òtē káh tir yó pu nê-á kú yé yúnpi yó yó yíkú, képah náh pi tē syíkú mo Liyel yó sěńó sokó. ¹⁴ Á wró kwrónmóno gbò yó Tē ñgbě Yesule, ñmo kè pĩ, àńē ní sěnyĩno me ké yó sokó ne ñkě, kwáh yó òtē náh me sĭlkĩńóle Liyel yah sokó ké gblöy sě. Nte névi nê-à n sō ne kwáh nê-á me sĭlkĩńóle, kè n pi sĭlkĩńóle tē tyí Liyel yah sokó. ¹⁵ Káh n pò á yòke yĩnne á yúnpi mo yèkwòri sokó, á náh tō me n kò tyínóno wěkì yó dò. Káh n pò á yòke yĩnne névi min kō kè mo pu, Krista-á ku ñmo nê yĩnne. ¹⁶ Kwáh nê-á kwáh pèpeyne áwo tyí, képah káh pò pi yínyíkìle dé. ¹⁷ Yé náh we di, Liyel tǒríle, yòke àńē wo wo yí náh. Gbú wěkì, àńē yèvinu, àńē nìvìnì ye kéle Liyel Mirki gbò yó. ¹⁸ Névi nê-à tǒle n pi Krista tyí sěntēne, Liyel yí n yuku tēne, àńē névye ñ yíngbúle n yo. ¹⁹ Képah ye, áyáh ne yèvinu àńē wě yah yúkúnó we n pi sǒ, á ye képahle n yíkú. ²⁰ Á náh yĩne ñ pò Liyel tǒle ne n yíkú yòke yĩnne. Gbú ye, yíyìn pól tē wo me yályál Liyel yah ó; ñte wáh kwáh yóle n yó nê yónó-á kú fě pò á yúnpi yó syíkú mo Liyel yó sěńó sokó, képah náh ple. ²¹ Nê-á ké pèpeyne, tir nê-á kú fě á yúnpi syíkú mo Liyel yó sěńó sokó, kè se kò kónóle ò, kè se tō wónóle ò, kè se tyi dükù nēne, káh kéle n pi. ²² Áwo sěńó-á me nê yó à yuku nénpó tĩnne, ye képah tē áwo àńē Liyel wró. Nê-à tyile n pi wáh me nónóne n yah ne sáh me ple, té à náh me lékàhle ñ gblöyne n kō, tē tyí no. ²³ Nte névi nê-à kwáh yóle n yó té me ké tyile n sō tǒtò, lékàh me tē tyí Liyel yah sokó, wáh sǒnpíle kéle n pi té kè náh me pò yĩne Liyel yó sěńó wěkìle. Tyi nónó pól-á n pi nónó náh me Liyel yó sěńó wěkì yó, tyípèl ye séle.

15

Wě tēpleno

¹ Ápi nónó Liyel yó sěńó-á yuku yahle, á ye á no tǐló yótyíle n twah pé tyí. Á ye káh á dyo yíi tyi ó yah wū. ² Nê mè nê mè, à ñ ní-ò tyí pekú pekú tyile ne n pi à kō à ne n yuku yahle Yesu yó sěńó sokó. ³ Krista òtē fyé náh ñ dyo yíi tyi pí-ńsah yah kō. Kè me wárkĩnsàhnóle Liyel wey sébéy sokó ñ tyí sokó ne ñkě: «Liyel, á gbyòpu-á ñ gbyo gbyo nónóne, sè vi kwĩnki ñmo yó.»* ⁴ Tyi nónó pól-á wárkĩnsàhnóle Liyel wey sébéy sokó ñgbò dükùle, sè wárkú ne sè pi kwónóle ápi tyí. Sépi gbò yó, á kú gbah tē àńē sǒré kú we á sokó, á yáh-ńsah kō kè náh n tye n pi. ⁵ Liyel nê-á névile n pi gbáhntē-òle àńē sǒré névile, mé kéle n yah n kō ñ tyí ne à yé sōno pi núkúle, yé mó Krista pi dükùle n yah n pi. ⁶ Képah sokó, yé pól kú yé vyáh pi núkúle kú Liyelle n gbilki, ñmo nê-á á Tē ñgbě Yesu Krista Súle. ⁷ Képah ye, yé wě tē ple sǒ-á Krista yé tē ple à gbilkínóle n sah Liyel yó.

⁸ Máh nēne n yo yé tyí, kè we yò: Liyel n kò ñ tyíyónó sǒ. Wáh ñ vyáhle Nsyifuno náh tãn kō tir nê tyí sokó, Krista pò pi pé tǒnpíle à képah pi pé tyí. ⁹ A wil képah tyí sokó, yíkĩnì tǐló to yĩn ye à pò, pé kō pé kú Liyelle n gbilki ñ fòkòpèndòri yĩnne, sǒ-á kéle wárkĩnsàhnóle Liyel wey sokó ne ñkě: «Képah ye mé kú ále n gbilki yíkĩnì tǐló névye nıyó, té kú ále n gbı.»† ¹⁰ Kè tō me yónóle ké fí yó sokó ne ñkě: «Yíkĩnì tǐló névye, yé nìvìnìne n pi wě tyí Liyel nolé.»‡ ¹¹ Té tō me yónóle ne ñkě: «Yíkĩnì tǐló névye, yé pól Tē ñgbēne n gbilki. No pól mó ñ gbilki gbilki yìle n gbı.»§ ¹² Yesayi to kè yo ne ñkě: «Nsyese pétó náhkì kú pò yuku kú yíkĩnì pól névye yah tē, té pé kú pé

* **15:3** 15.3 - Yah n te Gbálnó 69.10. † **15:9** 15.9 - Yah n te Gbálnó 18.50 ; 2 Samuyel 22.50. ‡ **15:10** 15.10 Yah n te Tǒnyono 32.43. § **15:11** 15.11 Yah n te Gbálnó 117.1.

gbò sah n yõ.»* 13 Liyel nê-á névi gbò sah-nsahle, mé kéle n yah n kō n tyí ne à nìvìnì ñgbě mo yé soko, à mó yèvinune yé kō yáh sōnpíle sē n yõ. Képah soko, yé kɪ yé gbò sah yí n yõ n Mirki tãhkì gbò yõ.

Pole sébéy wárkínó yòle

14 N yúnpyé, nmo sē yí kē yõ ne pèpɔɪ pípu-á yéle, yáh tyi pólle n pne, ànê yáh kɪ fē vɪnmɔnɔle wēne n kō. 15 Nte yé dyo to n kō yin ye n kō mé tyi túkù wárkɪ nìsãhle tãntãn yísyó soko. Liyel gbò yõ ye mé pɪ képahle, nmo nê-á pèpɔɪ pɪ nmo tyí, 16 à n pɪ Yesu Krista tɔnpɪle névyé wró, nónó náh pɪ Nsyifunɔle. Liyel tò kètãr ye mé n pɪ n Nìvìnì tir yónóle. Képah soko, nónó náh pɪ Nsyifunɔle, pè kɪ pé gblɔyne Liyel kō kɪ pɪ yályál n yah n Mirki gbò yõ, pè kō pè kɪ pɪ Liyel dyo yíne. 17 N wró kwrónmɔnɔ gbò yõ Kristale, máh tò nēne n pɪ Liyel tyí, kè me yõ yónóle n tyí. 18 Kéne tò ye Krista nmo toko à pɪ névyé wró nónó náh pɪ Nsyifunɔle. Mé se kɪ tō kèyãh yo kah mo képah yõ? Nmo ye pè kō pè n sah Liyel tyí yõ, nmo vyãh wey ànê n tyípínì gbò yõ, 19 ànê gbìl tyi ñgbno náhnáh soko Liyel Mirki tãhkì gbò yõ. A toko Yerusalemɪ kwil tyí ànê kē gbòplo kwolɔle, fók à kyɪ soko Yiliri mara pól soko, mé Nìvìnì tir yo yí Krista tyí soko. 20 Té mé kè yah toko à Nìvìnì tirlɔ n yo tãntãn nónó soko-á Krista yin náh yo yah. Nìvìnì tir-á yo soko te tãntãn nónó soko, mé náh sò me kē tyí ne mé kè yo nɛnpó nítō, á kɪ ne ñnì wòkò sètyah yõ sō mé n mo n dohnɪ. 21 Té máh tò nê pɪ yò, kè me yínénóle Liyel weyne nê-á wárkínsàhnóle ne nkē: «N tyí náh yo sah nónó tyí, pépi ye kɪ we ñne. Nónó-á pè náh n tyí noh yah, pépi ye kɪ kē dùkù pī.»†

Pole me Wrome kwil yúkúnó tyíle n sō

22 Kéne tò ye kō n yahle gbáhyí náhnáhle n kō mé náh me tē we kyɪ yé ñinne. 23 Nte núkúnúkú, n tò ye tyɛ mara mē soko. Té kē ye náhnáh ye yò, yé ñn kyɪ dékè me n kah tē. 24 Máh kɪ pɔ n yuku Yesɪpayí yamana soko, mé kɪ yin yah yé tyí kɪ yé dékè ku yah kwéy, yé mó yòhnɪnmɔnɔ pɪ n tyí n kō mē fē n yõ n soko n kólóle kéne yamana soko. 25 Nte núkúnúkú, sókónó ye ñne Yerusalemɪ kwil soko kɪ kyɪ Yesu yõ sēpú yohnɪ mo nɛnpó. 26 Yesu yõ sēpú nónó-á me Masedoni ànê Akayi soko, pépi ye kè yah toko à pé gbãn yí yísyó tuke mo wē yõ, Yesu yõ sēpú yãm tãn yohnɪ n mo yinne Yerusalemɪ soko. 27 Pè kè yah toko pé gblɔy. Nte gbɪ yõ, kē kōlɪ nítē sò me pé yõ. Yah kè; Nsyifunɔ gbò yõ ye névyé nónó náh pɪ Nsyifunɔle pé to vyãh we Liyel tyi soko. Pépi to mó yíne pè Nsyifunɔle n yohnɪ n mo pé gbãn yíle kè. 28 Máh pɔ kéne tyi nópi yah wah te à gbãn yí tükènmɔnɔ nópíle pè kō te, té n soko Yesɪpayí yamana soko, mé kɪ syõ yé tyí. 29 N sēnyĩnɔ me kē yõ ne máh pɔ yé ñinne, Krista-á kɪ sãm mo yí á soko.

30 N yúnpyé, ápi Tē ñgbě Yesu Krista yin yõ, ànê Liyel Mirki-á tyínɔnɔ nê dahbɪ yé soko, sépi yinne, mé kéle n yah n kō yé tyí ne, yé so mo n tyí náhnáh Liyel nínó soko. 31 Yé Liyelle n ni nmo tyí n kō mē we n pwah Nsyude mara Yesu yõ sē-ñkēpú tyí, ànê yòhnɪnmɔnɔ nê-á mé syi n yuku kō-nsah Yerusalɪmɪ kwil soko, Yesu yõ sēpú kè fē n syi nìvìnì soko. 32 Képah náh, Liyel-á kɪ fē syi, mé kɪ yini tē yé ñinne nìvìnì soko kɪ pɔ mɪ yah kwéy. 33 Liyel nê-á yèvinɪ nètēne, mé kéle n yah n kō n tyí ne à ne n me yé pólle. Amiina.

* 15:12 15.12 Yah n te Yesayi 11.10. † 15:21 15.21 Yah n te Yesayi 52.15.

16

Wékínóle névye tyí

¹ Mé á dósê Febele n dahbi yé gbõ, ñmɔ nê-á yòhnìnɔ-òle Sãnkri kwil Yesu yõ sěpú ònkì sɔkɔ. ² Yé ñ ténó ple Tě ñgbě yĩn yõ, ñ yõ sěpú-á wěne n tẽ sõ. Yè mó ñne n yohni n mɔ tyi tyi pól sɔkɔ yé yétò-à syi ñ tyí. Yé náh we di, à ye névye náhnáh yohni mɔ sɔkɔ, té ñmɔ tɔ yohni mɔ.

³ Yé weki Prisili ànê Akilası tyí, pépi nónó-á ñmɔ tò pı mûne Yesu Krista tyí. ⁴ Pè ye ku farkı ñmɔ min pwáhnɔ-ńsah. Ñmɔ ó náh n kõ péle pèpɔrı pínó weyne dé, Yesu yõ sěpú ònkìnó pól nónó-á pè náh pı Nsyifunole, pépi tɔ me pé pèpɔrıle n pne. ⁵ Yé weki Yesu yõ sěpú ònkì tɔ tyí, nónó-á wěne n tuke n mɔ pé gbô sɔkɔ. Yé weki ñ nénónı Yepayinetı tyí, ñmɔ nê-á pı négbenne à sě Krista yõ Asi mara sɔkɔ. ⁶ Yé weki Mari tyí, ñmɔ nê-á tò kah pı yé tyí. ⁷ Yé weki Andronikusi ànê Nsyunyasi tyí, pépi nónó-á ñmɔ tyí névyele té á wòkònpèkè pı wě tyí péle. Yòyén me n sah n yĩ pé yõ pé no Yesu tẽntò névye sɔkɔ. Pépi nítè pı Yesu yõ sěpúle ñmɔ yah sɔkɔ. ⁸ Yé weki Anpiliyatusı tyí ñmɔ nê tyí-á tah yĩ ñ tyí Tě ñgbě wěkì kóló sɔkɔ. ⁹ Yé weki Yuribě tyí, ñmɔ nê-á á tò pı mûne Krista tyí. Yè mó weki ñ nénónı Syitakisi tɔ tyí. ¹⁰ Yé weki Apeləsi tyí, ñmɔ nê-á ñ yĩn-ńsah filkì viki Krista yõ sěnó sɔkɔ. Yé weki Arisitobuli gbô tãn tyí. ¹¹ Yé weki Yorodyô tyí, ñmɔ nê-á ñ tyí névile. Yé weki Narsisi gbô tãn tyí, nónó-á sě Tě ñgbě yõ. ¹² Yé weki Tirifeni ànê Tirifosi tyí, pépi nónó-á tò pı Tě ñgbě tyí. Yè mó weki ñ kósê Persidi tyí, ñmɔ nê yi-á tò kah pı Tě ñgbě tyí. ¹³ Yé weki Wrufusi tyí, ñmɔ nê yĩn-á me wĩlnóle Tě ñgbě tò pínó sɔkɔ. Yè mó weki ñ yũ tyí, ñmɔ nê tɔ-á pı ñmɔ yũne. ¹⁴ Yé weki Asěkriti tyí, ànê Flekòle, ànê Yeremasıle, ànê Patrobaselè, ànê Yeremasıle, à tahlı á yũnpyé nónó-á me péle wě tyí. ¹⁵ Yé weki Filolokı ànê Nsyuli tyí, ànê Nere, ànê ñ dósêle, à tahlı Wolěpası ànê Yesu yõ sěpú pól tyí, nónó-á me péle wě tyí. ¹⁶ Yé weki wě tyí tyínɔɔ sɔkɔ. Yesu yõ sěpú ònkìnó pól n weki yé tyí.

Pole me vìnɔɔ tévye n kõ

¹⁷ Ñ yũnpyé, mé kéle n yah n kõ yé tyí ne kwónó nónó-á yé we sɔkɔ, névye nónó-á me yuku sėpile n fwo, té gbékínóle n dah n mɔ yé wró, yé yé gblòvne n tẽ péle. Yé káh péle n ònkì. ¹⁸ Kéne névye nópi ònkùle kè; yé káh we ne ápi Tě ñgbě Krista tyí-á pè n pı tòle dé, pé kèkùrn ye pè n yĩkì. Vyáhsesyíri sɔkɔ, pé ñpì-ńkè névye yõ yĩkì pé yĩnvı welole. ¹⁹ Yáh me n sah Tě ñgbě tyí yõ ònkù nêne, no pól me kéle n pne. Kėpah ye ñ ni me vínóle yéle náhnáh. Nte mé me ké tyí ne yé lékám we yé tyípéplole n pı. Yé ne n me yályál, yé káh tyítúkúnine n pı. ²⁰ Liyel nê-á yèvını nétène, dõ kwéy, à kı sétàn yòtè tyí yĩkì pı yé gbáhkì súnsàh-ńsahle. Mé kéle n yah n kõ ápi Tě ñgbě Yesu tyí ne à yòbènrı pı yé tyí.

²¹ Timote nê-á ñ tò pı mûne, à n weki yé tyí, à tahlı Lusiyusi, ànê Nsyasõ, ànê Sosipaterı tyí, pépi nónó-á ñ tyí névyele. ²² Ñmɔ Terityusi nê-á pè ñ kõ mé sėbéy mè wárkì, ñ tɔ n weki yé tyí Tě ñgbě yĩn yõ. ²³ Kayusi nê tyí-á ñmɔle twáhnnténóle, té Yesu yõ sěpú ònkì wěne n tuke n mɔ n pɔ ñ ònkì, à n weki yé tyí. Kwil pó màr-ò dí Yerasıtı ànê á yũnpi Kwaritusı n weki yé tyí. ²⁴ [Mé kéle n yah n kõ ápi Tě ñgbě Yesu tyí ne à yòbènrı pı yé pól tyí. Amiina!]

Gbìlkinó sàhnóle Liyel yõ

²⁵ Gbílkinó nε n sah Liyel yõ. Těnwεno mε ñ tyí kɪ fě tǎhk̀lε yé kõ à yĩnε Nìv̀nì tir nêne mé n yo yé tyí Krista tyí sokɔ. Sèt̃n sò tir ye lésõ kéle ñgbò dùk̀lε, ²⁶ té pɔ wilki mɔ núkúnúkú kwèyy kyòo yah, Liyel tẽntò syínyopu tyi wǎrk̀ínsàhnó gbò yõ. Tyé-ńk̃ē Liyel ye lésõ pè kõ pè kè wǎrk̀i sah sǎnko yĩk̀inì pól névyε kè wε n pĩ. Képah sokɔ, pè kɪ s̃ē Liyel yõ té kɪ n sah ñ tyí yõ. ²⁷ Liyel núkúní nê-á lékám ó ñ t̃ó, gbílkinó nε n sah ñmɔ yõ gb́imegb́i Yesu Krista gbò yõ. Amiina!

Pole sébéy tékínmōnōle Korēnti tãn tyí

Tyàh-ñsah weyne

Korēnti kwille, kè me pne yreyno nínó yísyó wró, pè n ye Yesye ànê Yadratikile. Gbò yí yí wàl ñgbno nónó pól-á sò syõ kéné kwil, kéné kwil tãn ye sò n yah sé yõ. Kreki névye mómte-ñsah kedyàh yó ye sò nénpóle. Nte Wrome tãn pò kè sò, té tã pé syi kè tã mō. Korēnti kwil tãn tyí, lékóló wàl kó-ñtãn sò tno kah mō. Kãh pi sě, tyídi duke pól sò n we nénpó, ànê lékám dukeno pólle, à tahlı tãn gbilki gbilki wàl duke náhnáh tyí. Té gbò yí-ñsah kwil ye tã sò kéle.

Pole-á lésõ n yuku ñ kóló ke ní-ò soko, à kyı ñwóló gbõnkwardtõno pi nénpó. Té Nivini tir we yo, névye kō pè we sě Yesu yõ nénpó. Nónó-á sě Yesu yõ, Nsyifuno ye sò pé tükùle. Té pé kanne, Nsyifuno nãh péle. Tahbi ànê yõtãm nãh sò me fwóo pé soko. Pé kan sò me yãm tãnne. Pè sò pé gblõyne n pi lékám ñgbno névyele. Kãh pi sě, pè sò me nivini soko, té me n sò ne pãh me pé gblõy yõ, ànê lékám-á me pé tyí.

Ye yísyó sókóntenõ nãh, Pole-á pópó n soko ñ kóló ke tã-ò soko, sébéy nê-á yò, à kè wãrki Yefesi kwil soko, à tekı mō Korēnti tãn tyí.

Nte dí yó lésõ me pè n ye Apolostle. A n wil Alekisãdri kwil. Wãh pò kyı Yefesi kwil, Prisili ànê ñ pe Akilası nê-á Pole kódiñe, pépi me à kwõ, té sóré mō ñ soko à kō à kyı sèpın yísyó pi Korēnti kwil.

Kè me á ki ne Pole sõ sébéynó yísyó wãrki tekı mō Korēnti tãn tyí, nónó-á sé tyí yah nãh me we kwey mē soko, à wil 1 Korēnti ànê 2 Korēnti tyí soko.

Tyino nínó yin ye sò Pole wãrki tekı mō 1 Korēntile:

- Pole lésõ tyi yísyó we noh Korēnti kwil Yesu yõ sěpú tyí soko, nónó-á me yèkworle n mō ñ soko.

- Korēnti tãn lésõ nósyó tekı mō ne, pè pò sébéy yóle Pole kō, nê soko-á pè me kè yah kō ñ tyí ne, à pé vi mō tyi náhnáh soko.

A wil képah soko, Pole-á kwónó nónó pi, Yesu yõ sěpú tükù sò me sè yahle, ànê pè nãh me kè fě syi ne Yesu tēntõ névi-á ñne. Kãh pi sě, Pole me de yo kéné tyi soko náhnáh ñ sébéy mē pól soko.

1 Korēnti sébéy mēne, kè vñmōno náhnãhle n kō, nónó-á ki fě Yesu yõ sěpú tñkínó yohnı mō kwey gbı mē soko.

Liyel yé yah tē ké karnó soko.

¹ Nmo Pole nê-á Liyel ye pi Yesu Krista tēntõ névile à yñe Liyel dyo yñ tēne, nmo ànê á yñpi Sositenı ye n tekı n mō sébéy mēne ² yépi Yesu yõ sěpú tñkí tyí, yépi nónó-á me Korēnti kwil. Yépi nónó-á me wñkĩnsãhnóle Liyel tyí yõ té me kwrónmōnōle Yesu Kristale, yépi ye Liyel ye à tahlı Yesu yõ sěpú pól tyí tãntã pól soko. Yépi pól me Tē ñgbē Yesu Krista yñne n ye n gbo. Nmo ye yépi Tē NGBĒNE ànê ápi to Tē ñgbēne. ³ Á kéle n yah n kō Sú Liyel ànê Tē ñgbē Yesu Krista tyí ne, pè yòbènrı ànê yèvinune yé kō.

⁴ Liyel ye yòbènrı pi yé tyí, yáh sñnpıle me kwrónmōnōle Yesu Kristale. Képah ye, mé n weki Liyel tyí gbımegbı yépi yñne. ⁵⁻⁶ Yesu Krista tyí nê-á yo wah yé tyí, kè ye tē-ñsah we yé nno soko. Képah gbõ yõ soko ye yé we kwrõ mō Kristale, té Liyel me pèpõrı dukeno pól pi yé tyí, yé kō yé wey dukù pólle n pne, ànê pnèno duke pólle

yé tyí. ⁷ Kãh pɪ sě, Liyel pèpɔɪ yó n̄tě nãh yah kwɔ yé tyí, yépi nónó-á me á Tě n̄gbě Yesu Krista syínɔɔ sykɪ tě. ⁸ Liyel ye kɪ tō yé pɪ gbáhntěpule, fók kɪ pɔ syɪ Tě n̄gbě Yesu Krista syɪ n pɔ sō tyí. Képah sɔkɔ, yé kɪ pɪ wényo-ńsah kēne yé tyí lésòle. ⁹ Liyel n kɔ n̄ tyíyónó sò, ñmɔ nê-á yé ye pɔ kwɔ mɔ n̄ Pídí Yesu Kristale, nê-á á pól Tě n̄gběne.

Gbékínó nê-á de Yesu yō sěpú wró Korēnti kwil sɔkɔ

¹⁰⁻¹¹ N̄ yúnpyé, mé noh Klowe no yísyó tyí ne yékâb-á me de yé wró. Képah ye, ápi Tě n̄gbě Yesu Krista yīn yō, mé kéle n yah n kō yé tyí ne, yé yé vyāh pɪ núkúle. Yé káh n ye gbékínó ne me yé wró. Yé yé sōnɔ ànê yé tyi yáhntɔkɔnɔnɔ pól pɪ núkúle. ¹² Nê-á mé n yo yé tyí gbékínó mē tyí sɔkɔ, kè we yò: - Túkù ne n̄kě, ñmɔ Pole nãh névyé-á pépile. - Túkù me ne Apɔlɔsɪ nãh névyé-á pépile. - Túkù mó ne Pyerɪ nãh névyé-á pépile. - Túkù wɔ mó ne Krista nãh névyé-á pépile.

¹³ Yépi tě se me n sō ne Krista-á me tókínóle? Pole se pè syɪ dahnɪ yō yé yīnne? Pole yīn yō se pè wel wilki yéle ni sɔkɔ? ¹⁴ Mé n wekɪ Liyel tyí, máh sōnpíle mé nãh ñn̄i yó n̄tě wel wilki ni sɔkɔ yépi sɔkɔ, à wil Krisipusi ànê Kayusi tyí sɔkɔ. ¹⁵ Kãh pɪ sě, ñn̄i yó n̄tě nãh fě n yo n pɪ ne, ñmɔ yīn yō-á pè pé wel wilki ni sɔkɔ. ¹⁶ ǾǾǾ, n̄ dyo to kō ne máh Sitefanasi ànê n̄ no to wel wilki ni sɔkɔ. Té à wil pépi tě tyí sɔkɔ, n̄ dyo nãh tō me n kwne ne máh ñn̄i yó wel wilki ni sɔkɔ. ¹⁷ Krista nãh ñmɔ tekɪ mɔ ne mé wèlnwìlkínóle n pɪ ni sɔkɔ dò, à n̄ tekɪ mɔ Nìvìnì tir yo yīnne, nê-á kè nãh yīne kè ne n yo à yīne névi yòtàhsyi yípî dukùle, Krista syínó kō kè pɔ pɪ yō kēne dahnɪ yō.

Krista syínó Liyel tēnweno ànê n̄ yípîle n wěki

¹⁸ Yah, wãh ne Krista-á ku dahnɪ yō, kè n pɪ n tě n̄wōré welɔle névyé yah, nónó-á me mónpuno wěkɪ yō Liyel tyí ñinne. Nte ápi nónó-á me pwáhn̄mɔnɔ wěkɪ yō, ápi tě wɔ tyí, Liyel tēnweno ye kèle. ¹⁹ Yé nãh we di, kè me wárkínsàhn̄óle Liyel wey sébéy sɔkɔ ne n̄kě:

«Mé kɪ yī pípú yípî ykɪ,
té kɪ lékám névyé lékám niri.»*

²⁰ Nte yī pípú tō n̄yãh, ànê kãrn n̄gbnɔ pípúle, à tahlɪ kwey gbī vyáhsensyírípu tyí wé? Liyel kè wěkɪ pnéyy ne yípî nê-á me kèkōyó mē névyé sɔkɔ, n̄wōré-á kèle dò.

²¹ Kèkōyó névyé ànê pé yípî fyé yō, pè nãh tě we Liyel dukù pī n̄ yípî sɔkɔ. Kãh pɪ sě, n̄ wey nê-á n yo té kéle n̄wãn weyne pé yah, nónó-á sě ké yō, Liyel kè yah tɔkɔ à pépi pwah mɔ képah gbò yō. ²² Nsyifuno tě n ne n me ké tyí ne gbíl tyi pɪ pé we, té Krekɪ névyé wɔ n mó n ne n me yípîle n yah n kō. ²³ Nte ápi tě wɔ me Krista tyíle névyéle n kwɔ, nê-á Liyel ney yáhntɔkɔnɔle pè syɪ dahnɪ yō. Kè me yō yíkínó weyne Nsyifuno tě sōnɔ sɔkɔ. N̄wōré welɔ mó kéle névyé tyí nónó nãh pɪ Nsyifunɔle. ²⁴ Nte Liyel-á nónó ye pwah mɔ Nsyifuno sɔkɔ, ànê no téló sɔkɔ, pépi tě wɔ tyí, Liyel tēnweno ànê n̄ yípî ye Kristale. ²⁵ Yé nãh we di, Liyel tyípínì nónó-á n̄wōré tyile névyé sōnɔ sɔkɔ, sè yípî tyile kal névi yípîle, té n̄ tyípínì nónó-á n̄ tēnkwɔnɔle n wěkɪ névyé sōnɔ sɔkɔ, sé to tēnweno le kal névi tēnweno le.

²⁶ N̄ yúnpyé, Liyel-á yépi nónó ye, yé yé gblōy kèdukù yah kè. Kèkōyó névyé-á nónóne n yah yípî névyéle, ànê tēnpnèpule, ànê né-ñgbnɔle, sēnkno névyé nãh me fwóo yé sɔkɔ. ²⁷ Nte tyi nónó-á kèkōyó névyé me n yah n̄wãn tyile, sépi ye pyě Liyel yah tɔkɔ à senne yī pípú tě. Té tyi nónó-á pè me n yah tēnkwɔnɔ tyile, sépi ye à yah

* 1:19 1.19 - Yah n te Yesayi 29.14.

toko à sennε tēnwεpu tē. ²⁸ Tyi nónó-á kèkōyó névyε με n yilo, sè náh με kwâh yóle pé yah, pè náh με séle n mo n kō, sépi ye Liyel yah tōko à sé téló tyí ykɪ, pãh με nónónε n mo n kō. ²⁹ Képah soko, Liyel némóní yó ntē náh tē we ñ gblōy yō n sah n pi Liyel yah soko. ³⁰ Nte Liyel gbò yō soko ye yéle kwrónmōnole Yesu Kristale. Té Yesu Krista wō gbò yō soko ye ápi με yípi mè we, nê-á wil Liyel tyí. Nmo gbò yō ye tō á pi néglólε Liyel tyí, té με wílkínsàhnóle ñmo tyí yō. Té à με á pwah mo á tyípêl soko. ³¹ Képah ye, «Névi nê-à με ké tyí ne pé pé gblōy gbilki, Tē ñgbē-á tyi nónó pi ápi tyí, tē ñ gblōy gbilki sépi yinne.»† Sē ye kéle wárkínsàhnóle Liyel wey sébéy soko.

2

¹ N yúnpyé, Liyel tir nê-á sō με wōbìnsàhnóle, máh kyɪ yé ñinne à kyɪ ké tyí yo wilki mo yé tyí gbí nēne, mé náh sō με kéle n yo yé tyí wèngbìl soko, ànê névi yòtàhsyi yípi soko. ² Mé náh sō με tir yó ntē we yo yo tēne yé tyí yō-á με nê tyí, à wil Liyel ney yáhntókōnō Yesu tyí soko, ànê ñ syínó tyíle dahni yō soko. ³ Nmo sō με yé wró soko tãhkì kēne ní soko, té tíki με ní tē, ànê ní wil με n syah. ⁴ Máh sō με kwónó nēne n pi, té Liyel wey nēne n yo, névi yòtàhsyi yípi náh sō mé n pi séle à yé sōnole n vi n mo. Liyel Mirki ye sō n wēki ñ tēnwεnole. ⁵ Kãh pi sē, kè náh pi ne névyε yípi gbò yō sō yé sē Yesu yō dé, Liyel tēnwεnō gbò yō ye.

Yípi nê-á n wil Liyel tyí

⁶ Nónó Yesu yō sēnó-á de yīn, á με pépile n kwō yípile nê-á ké gblōy kèkōyó névyε ànê pé yòtãm tyíle, pépi nónó min-á kɪ n tyε n pi. ⁷ Ápi με yípile névyεle n kwō nê-á wil Liyel tyí, képah nê-á sō με wōbìnsàhnóle. Kèkōyó mó-ńkē gbí dùkù soko ye lésō Liyel yah tōko sah kéle, ápi yō yō yinne. ⁸ Kèkōyó yòtãm soko yó ntē náh kè pī. Pãh sō με kè pī, pè náh náhkɪ Tē ñgbē syɪ n pi dahni yō, ñmo nê-á tōrí nétēne. ⁹ Tyi nópi pi à yīne sō-á lésō kéle wárkínsàhnóle Liyel wey sébéy soko ne ńkē:

«Névi yí náh tē yah nê yō,
ñ níki náh nê noh yah,
nê sōnō náh de yah ñ soko,

sépi ye Liyel yah sah névyε kō, ñ tyí-á no nónó tyí.»*

¹⁰ Yé náh we di, Liyel tyi nópile á wēki ñ Mirki gbò yō. Liyel Mirki kɪ fē tyi pól sohlɪ, kãh sō Liyel fókósōnō ntē tole. ¹¹ Né áwō ó náh, ñnî yó ntē náh fē á sōnō pī n pi. Né Liyel Mirki tō ó náh, ñnî yó ntē náh fē Liyel sōnō pī n pi. ¹² Nte Mirki nê tē wō-á ápi soko, Liyel Mirki ye; kèkōyó tyí náh. Liyel-á yòbènōri pi ápi tyí à yī nónónε á kō, ñ Mirki gbò yō soko ye á fē pī yí séle. ¹³ Té á náh με sé tyíle n yo à yīne névi yòtàhsyi yípi kwō dùkùle dé, Liyel wey ye ápi n yo à yīne Liyel Mirki-á kéle á wēki sō. Té Liyel Mirki-á με nónó soko, pépi tyí ye à n ne n yo n wah Liyel Mirki tyile. ¹⁴ Névi yòtàhsyi sōnō dùkù kókó tē ó-à με névi nê soko, tē náh Liyel Mirki tyile n fē n syi. Tē n tē sé dùkù pī n kwlo. Kãh pi sē, sè n ne n με nēwōré tyile tē yah. Nte Liyel Mirki gbò yō ó ye, névi sé dùkùle n pne. ¹⁵ Nte Liyel Mirki-à με névi nê soko, tē wō ye kɪ fē tyi pól dùkù kyomɪ pī, té ney náh fē tē wō dùkù kyomɪ n pī n pi. ¹⁶ Kè με wárkínsàhnóle Liyel wey sébéy soko ne ńkē:

«Nê tē wō με Tē ñgbē sōnole n pne wé?

† 1:31 1.31 - Yah n te Nsyeremi 9.23. * 2:9 2.9 - Yah n te Yesayi 64.3.

Nê tẽ wɔ kɪ fẽ vɪnmɔnɔle à kɔ?»† Nte yé yah, Krista sɔno ye ápi sɔko.‡

3

Liyel wey yópú tò-á nêne

¹ N̄ yúnpyé, mé náh lésò tẽ we Liyel wey yo yé tyí, sɔ-á mẽ kéle n yo névye tyí, nónó-á Liyel Mirki me pé yahle n tẽ. Nte mé kè yo yé tyí, sɔ-á mẽ kéle n yo névye tyí nónó-á nê ó-à tẽ dyɔ à n pi. Kãh pi sɛ, yé lésò me píyírínɔle Yesu Krista yõ sɛnó sɔko. ²⁻³ Yáh lésò me píyírínɔle sɛ, yòke tíntí kɪ lésò kãh pi yéle, képah ye mé lésò yɛníkile yé kɔ. Nte à pɔ syɪ kwey mẽ n̄tẽ tyí, nê ó-à yé dyɔ yè n pi. Képah ye, kè kɪ tɔ kãh pi yéle. Yé yah kè, sɔ-á yúnwɔrí ànê mál tẽne fyò yé wró sɔko yò, nê ó-á yé dyɔ képah ye yé me n pi, ànê névi yòtàhsyi pi dùkù ye yé sɔko. ⁴ Sɔ-á yé túkù tyah n yo ne, Pole náh névye-á pépile, túkù me ne, Apɔlɔsɪ náh névye-á pépile, névi yòtàhsyi pi dùkù ye yé n pi.

⁵ Nê me Apɔlɔsɪle? Anê nê me n̄mɔ Polele? Tõnpɪbɪ ye ápile, nónó gbò yõ-á yé sɛ Tẽ ñgbẽ yõ. Á nénúkù núkù pól tãn ye á n pi, à yĩne Tẽ ñgbẽ-á nónó sah á kɔ. ⁶ N̄mɔ ye sò mɔ, Apɔlɔsɪ me kè pu. Nte Liyel ye pi kéle kè kyãh. ⁷ N̄mɔ nê wɔ-á pi kéle kè kyãh, ñmɔ ó kɪ n mɔ n kɔ. Névi nê-á sò kéle, ànê nê-á pu kéle, pépi náh n mɔ n kɔ n pi. ⁸⁻⁹ Ápi pól pi tò pípúle Liyel tyí. Képah ye névi nê-á sò mɔ, ànê nê-á pu kéle, pépi pól me núkúle. Té pé nénúkù núkù pól kɪ pɔ pé tãn pínó lédyáhní we n pi à yĩne pé tãn pínóle. Yépi ye pi Liyel swãhle.

Yépi ye tɔ pi ñ wòkòle nê-á à me n mɔ. ¹⁰ Liyel-á yòbènɔrɪ nê pi ní tyí, képah gbò yõ sɔko, mé tẽ we wòkò sètyah wilki wòkò mónpnè-ò pèpɛy tyí kɔle. Té képah yõ sɔko ye ñn̄i me n mɔ n dohnɪ. Nte nê-à n mɔ n dohnɪ ké yõ, tẽ kyòmìnóle n pi ñ mɔ dùkù sɔko. ¹¹ Sètyah nê-á wilki te yò, ñn̄i yó náh tɔ fẽ kèyãh wilki n pi à wil képah tyí sɔko, képah nê-á Yesu Kristale. ¹² Wòkò sètyah nê-á wìlkìntenɔle yò, sɔ-á túkù-à me kéle n mɔ n dɔko mo mo yíle sɔ-á sánnɛ, ànê wárrnɛ, ànê dyèh pèplɔle, té túkù me kéle n mɔ n dɔko mó-ńkẽ yíle sɔ-á léslólɛ, ànê ñdrɔle, képah náh pi filkókórɪle, ¹³ kèkòyó tukey tuke sò ye, nénúkù núkù pól-á tãn nónó pi sɔko, sàh kɪ me plɛ, sé gbɪ kɪ pĩ. Lésò kɪ me nyàh sɔ, nê-á kɪ no pól tãn gbɪ yah, kɪ sé dùkù wèkɪ. ¹⁴ Nê tò pínó-à súké-ńkẽne, tẽ kɪ ké lédyáhní we. ¹⁵ Nte nê tyí-à suke, tẽ tẽ wɔ kɪ pwah ó, té à náh ké lédyáhní we n pi. A kɪ núkù me á kɪ ne nyàh sɔko sɔ à yĩkɪ to wil ñ gbò kókóle.

¹⁶ Yé se yó pĩ ne yépi Yesu yõ sɛpú tĩnkĩ-á Liyel ní-ńsah gbòle, ànê ñ Mirki-á me déntɛnóle yé sɔko té. ¹⁷ Liyel ní-ńsah gbò me sàhnóle Liyel tyí yõ, képah nê-á yépile. Képah ye, névi nê-à Liyel ní-ńsah gbò yɪkɪ, Liyel kɪ tẽ tyí yɪkɪ.

¹⁸ Nn̄i yó n̄tẽ káh ñ gblɔy tɔ mɔ. Yé sɔko nê-à me ñ gblɔyne n pi yípĩ névile à yĩne kèkòyó névye yíyáhnóle, tẽ ñ gblɔy vi n mɔ n pi n̄ewòle à yĩne névye yíyáhnóle, à mó Liyel yípĩ we. ¹⁹ Yé náh we di, kèkòyó névye yípĩle, n̄ewòré ye kéle Liyel yah sɔko dò. Kè me wárkínsàhnóle Liyel wey sébéy sɔko ne ńkẽ: «À yĩ pípúle n mɔ n tẽ pé lékámkãm sɔko.»* ²⁰ Té tɔ me wárkínsàhnóle ké fí yó sɔko ne ńkẽ: «Tẽ ñgbẽ yĩ pípú sɔnɔle n pne. A pĩ ne sè náh fẽ tir yó n̄tẽ pekɪ n pi.»† ²¹⁻²² Kãh pi sɛ, ñn̄i yó n̄tẽ káh ñ gblɔyne n yõ n sah ne páh me yàhnkò náh, képah náh pi yàhnkò wɔ náh. N̄mɔ Pole

† 2:16 2.16 - Yah n te Yesayi 40.13. ‡ 2:16 2.16 - Tẽ ñgbẽ ànê Krista sɔno me núkúle. * 3:19 3.19 - Yah n te Nsyɔbɪ 5.13. † 3:20 3.20 - Yah n te Gbálnó 94.11.

ò, Apolosi ò, Pyeri ò, kèkõyó ò, min képah náh pi kũ ò, kwey gbĩ tyi ò, nsô tyi ò, sépi ànê ápi pólle, yépi tyí ye. ²³ Nte yépi me Krista tyí yõ, Krista wõ mó me Liyel tyí yõ.

4

Pole ànê Korēnti tãn wró tyile

¹ Yé yĩne yè pĩ ne Krista tònpi-bi-á ápile, ànê tyi nónó-á lésõ wõbìnsàhnóle, Liyel-á séle ápi gbõ dahbi, á kõ á syi n yo. ² Nte tyi-à dahbi nê gbõ, kè n ne n me yáhnkõnole tẽ tyí ne à ne n me tómm sé pínó soko. ³ Nmo tẽ wõ tyí, yépi képah náh pi tukey tükèpu-à kũ sõ lékàh, képah náh pi lénòle nne n kõ sõ, képah náh me tir yóle nmo yah. Nmo tẽ wõ náh me lékàh, képah náh pi lénòle ní gblõyne n kõ. ⁴ Tòtò náh me nmo ni soko pólle ne máh tyípékè pi. Nte képah náh n wèkũ ne lékàh kè névi-á nne tẽ wole. Tẽ ngbẽ ó ye kũ fẽ lékàh, képah náh pi lénòle nmo kõ. ⁵ Képah ye, yé káh nmo dyàh tẽ lékàhle névyele n kõ ké gbí nó-ńkè soko. Yé n pónó syiki. Nmo kũ pò sèfin sò tyi wilki mó kwèyy, té kũ névyele foko sònó wilki mó kégbó. Képah soko, yõ yõnó nê-à yĩne nêne, tẽ kũ kè we Liyel tyí.

⁶ N yũnpyé, yépi yĩn ye mé Apolosi ànê ní gblõy pi dukù toko à yé wèkũ, nê-á kũ yé kõ yé kũ pĩ ne tyi nónó-á wãrkũ, ònî yó nte náh yĩne à ne n pi n kah n mó sépi yõ. Képah soko, ònî yó nte náh n gblõy gbilkínó soko, ònî yó toko fónfó pi n kal n pi n ní-òle. ⁷ Kwáh nê kũ n kõ á kũ kal no télóle? Kwáh nê tẽ me á tyí, né Liyel náh n kõ kéle? Nte kónó à kéle à, sõ pi té á á gblõyne n gbilki á kũ ne Liyel kósyi n kõ kéle? ⁸ Yĩ nónó pól-á yé n yah n kõ, yé ye nukú sè we te yé yo kè? Yé pi te tahbile yé yo kè? Yõtõrí ye nukú yé me n pi ápi kène yé yo kè? Yáh nàhkũ sò me we pi yõtãmne ápi to náh kũ me yõtõrí soko yéle. ⁹ Nkè kè me nmo tẽ tyí, á kũ ne Liyel sõ ápi Yesu tẽntò névyele pi no pól náh névyele. Á pi névyele sõ nónó-á kũ pò n ko n mó n pi. Káh pi sè, á pi syáh syah yile kèkõyó pól tyí, yĩnyõ tònpi-bi toko dohni névyele yõ. ¹⁰ Ápi pi nêwãnne Krista yĩnne, té yépi me pi yĩ pípúle Krista soko yé yo kè? Ápi pi tẽnkwlópule, té yépi me pi tẽnwepule yé yo kè? Ápi me yílónóle n we, té yòyén me n sah yépi yõ yé yo kè? ¹¹ Yé náh we di, fókò à pò syi nukúnúkú mè nte tyí, kwèkũ ànê níki me ále n kwlo. Mó mó flo náh me á tyí. Á me kole n syi, té tẽ-nsah náh me á tyí. ¹² Á me tòle n pi kétàhkìyò á gbãnne, à á yõ yõ tẽne n we. Pàh ále n gbyo, à sãmne n mó pé soko. Pàh ále n fõh, à kè fẽ n syi. ¹³ Pàh á tyile n yo n ko, à wènpèplòle n wèkũ pé tyí. Á me pi tẽ kèkõyó yésyi ànê ké yítúkúnìne névyele tyí, pópó à pò syi nukúnúkú mè tyí yõ.

¹⁴ Nte mé náh me tyi nópile n wãrkũ n tekũ n mó yé tyí ne mé senne yé tẽ dé, gbáhdyaáh ye mé n di n sah kéle yé tyí, yépi nónó tyí-á no yĩ ní tyí á kũ ne ní wènpì sõ. ¹⁵ Yé yah, Nìvìnì tir yónó gbõ yõ soko ye yé pi nmo wènpìle à sè Yesu Krista yõ. Képah ye, nmo me n mó kõ á kũ ne yé sú sõ. Nónó-á me yéle n kwõ Yesu Krista tyile, pàh sõ me no nèpì kèyõ kwlóle ò (10 000), yé pĩ ne sú nukú tẽ ó-á yé tyí. ¹⁶ Képah ye, mé kéle n yah n kõ yé tyí ne, yé nmo pi dukùle n yah n pi. ¹⁷ Képah yĩn ye tõ mé Timotele n tekũ mó yé tyí, nê-á me ní pídí sõ. N tyí no yĩ ní tyí. Tẽ ngbẽ wèkũ kó-ò pèpèy ye nne. Nmo ye kũ pò yé dyole n to n kò máh me Krista wèkile n kò dukù nêne, sõ-á mé kéle Yesu yõ sèpú tĩnkínó pólle n yah n kwõ n kò tãntàn pól soko.

¹⁸ Nte yé tükù me n sò ne mé náh ní syi n pò n pi yé tĩnne, té me yuku pé gblõyne n yõ n sah. ¹⁹⁻²⁰ Nte káh kũ no Tẽ ngbẽ tyí, mé kũ n syi pò yé tĩnne nukúnúkú. Wèngbìl wékínó náh n wèkũ ne Liyel tõrí névi-á ále, Liyel tãhkì nê-á á soko, képah ye n wèkũ kéle. Képah ye, máh pò pò, kè náh n yĩn n pi gblõy gbilkípú wèngbìl nóhnó-ó tyí dé,

tēnwenɔ-à kɪ me pé tyí, mé kɪ kè pĩ. ²¹ Máh kɪ kēnpyāhní tokɔ pɔ yé tyí, képah náh pɪ máh kɪ pɔ yárr yé tyí tyínɔnɔ sokɔ, nê tē me yé n yah n kō?

5

Pí-ńkē tyi nónó-á sò Yesu yō sēpú tókù me n pɪ

¹ Kè me n nohnɪ ywō ywō pól sokɔ ne ńkē, pròprò pínó-á me yé wró sokɔ. Pròprò pínó yó ńtē-á me yé wró sokɔ, nê-á Yesu yō sē-ńkēpú ńtē náh fē syi sēnkō pɪ n pi. Pè ne yé sokɔ yó ńtē-á me n sù kyɪ tokɔ. ² Té sépinó pól sokɔ, yé tō me yé gblōyne n yō n sah n kō kè? Kè pyē sò yīne kè pɪ yī yèkwɔrɪle yé tyí, yé kō yé kéné tē yīni n wilki yé wró. ³ Nmo tē wɔ náh me yéle fī núkú sokɔ. Nte mé me yéle sōnɔ sokɔ. Képah ye, ńmɔ tē wɔ lékàhle yī mè pí-ò kō te, á kɪ ne mé sō me yé wró sokɔ. ⁴⁻⁵ Yáh pɔ wē tuke mɔ, ńmɔ tɔ kɪ me yéle sōnɔ sokɔ. Sēnkō névi tēne, yé Yesu Krista yīn ànê n tēnwenɔle à wilki yé wró, yè n gbàh de n mɔ sètàn yòtē kō. Kàh tēne n kwɔ, à kɪ pí-ńkē tyi pínó yal mɔ n min kō kè kɪ we pwah, Tē ngbē Yesu syi n pɔ sōle.

⁶ Yé gblōy gbílkinó mè yah náh. Yé se yó pĩ ne, kókónó kwéy ó-á n dɔkɔ mífáhkì pólle té.* ⁷ Yé kéné tyípékè wilki n to yé wró, képah nê-á me n tō n mɔ kókónó tyí kōle. Képah sokɔ, yé kɪ me wásáá kókónó kân búrn tyí kōle. Krista lésò fē syi pè kō pè à ko mɔ Nsyifunɔ yōrɪ tyénó syáh kópó tyí kōle ápi tyípèl wu n to yīnne á tyí. Káh pɪ sē, yé me wásáá kókónó kân búrn tyí kōle. ⁸ Yé ye à tyípèl duke pól wilki n to á min sokɔ, à mó ne n me yályál négbólle kókónó kân búrn tyí kōle, nê-á pè n ne n tah Nsyifunɔ yōrɪ tyénó syáh sokɔ.†

⁹ Máh lésò sébéy nê wárkɪ tekɪ mɔ yé tyí, mé lésò yo ké sokɔ ne yé káh ne n pɪ n soh prònpɪbɪle. ¹⁰ Nte kèkōyó névyé tyí sokɔ náh lésò ńne dé. Kèkōyó mè prònpɪbɪ, képah náh pɪ ké yísesúkú névyé, ànê ké yípú, képah náh pɪ, ké sáh fálpú tyí sokɔ-à sò ńne, yé náh náhkɪ sò fē n wū n pi kèkōyó mè sokɔ dò. ¹¹ Nte sē náh dé. Mé ne névi nê-à n gblōyne n ye Yesu yō sē-òle, té me pròpròle n pɪ, képah náh pɪ, yísesúkúle n pɪ, képah náh pɪ, sàhle n fal, képah náh pɪ, névyé tyíle n yo n ko, képah náh pɪ, sètēnɪne n pɪ, képah náh pɪ, me yībele n yī, yé káh ne n pɪ n soh sēnkō neyne pólle. Yé káh yōke ńtēne n yō wē tyí tēne. ¹²⁻¹³ Té Yesu yō sē-ńkēpú tükénó tē wɔle, ńmɔ tō náh képahle. Liyel ye kɪ tuke péle. Nte kè me wárkínsàhnóle Liyel wey sébéy sokɔ ne ńkē: «Yé népékè yīni n wilki yé wró.»‡ Káh yo sē à, yé náh yé tīnkì névyé tuke n pi di?

6

Yesu yō sēpú píndenɔle wē tyí

¹ Kwáh nê pɪ té tir-à de yépi Yesu yō sēpú sokɔ yó ànê n ní-ò wró, yé yé tīnkì névyé sah, n té kè tokɔ n kyɪ ne n tuke Yesu yō sē-ńkēpú tyí? ² Yé náh pĩ ne ńkē, Yesu yō sēpú-á kɪ pɔ kèkōyó névyé tuke n pi di? Nte yépi-à me pɔ n tuke n pi kèkōyó névyéle, tyípí wɔ se yé kɪ tē tuke kwɔ? ³ Yé náh pĩ ne ńkē, áyáh kɪ yīnyō tōnpɪbɪ ńtē tuke n pi di? Té kèkōyó mè tyi wɔle pyē á kɪ pɔ tuke kwɔ nɪ? ⁴ Nte sēnkō tir-à we yé wró sokɔ, névi nê-á Yesu yō sēpú náh me ńne n mɔ n kō, yè n pyē n kyɪ ńmɔ tokɔ n pɔ

* **5:6** 5.6 - Kókónó kwéy mífáhkì pól dókónó nê tyí-á n yo ásò sokɔ yò, képah dükú ye Wín n ne n yo pé sēmĩrkì yó sokɔ ne, yúkúnkáh núkú-á n pò yo pólle. † **5:8** 5.8 - Nsyifunɔ yōrɪ tyénó syáh-à sò de n te, Nsyifunɔ pé gbèn kókónó dyí pól kwe, n té n tyah kókónó kânne n yō. Pè képah tēne n pɪ sē, n kè wēkɪ ne, tyípèl nónó pól-á sò pé pɪ, páh sè milki. ‡ **5:12-13** 5.12-13 - Yah n te Tōnyonɔ 17.7.

ne, à pɔ kè tuke ni? ⁵ Sen ye kéle yé tyí dé. Yépi tẽ wró sɔkɔ, lékám névi yó ntẽ náh núkú me, nê-á kɪ fẽ yé wró tyi yah wah lé? ⁶ Tir se yĩne kè we yé sɔkɔ yó ànê ñ ní-ò wró, kè syi n pɔ n yĩni n tẽ tukey tükè-nsah sɔkɔ, fóó Yesu yó sê-ńkēpú ntẽ tɔ pɔ pi ké tükèpule?

⁷ Nte yáh fyò me wẽ tẽne n ye n tuke n pɔ, képah yé tẽnkwlonɔ wẽkɪ te dò. Kwáh nê pi té pàh tyíkēkɪ pi yé tyí, ànê pàh yé gbàn yĩ yĩ tɔkɔ, yè n tẽ yé nno tẽ n kwlo? ⁸ Té yépi ye mó tɔ n pi kéné tyíknèni ànê yĩbe tyile yé yúnpyé Yesu yó sēpú tyí. ⁹ Yé náh pĩ ne tyíknèni pípú náh n de n pi Liyel tǒrí sɔkɔ di? Yé káh yé gblǒy tɔ mo ló. Prònpɪbi, ànê sãh fálpú, ànê fɔfɪnpɪbi, ànê díbí wẽ tókópú, ¹⁰ ànê yēnwóbé, ànê yísesúkú névyé, ànê sètēni pípú, ànê névyé tyí yónkòpu, ànê névyé yó syíkípúle, pépi sɔkɔ yó ntẽ náh n de n pi Liyel tǒrí sɔkɔ. ¹¹ Té yé yah, sēnkno névyé ye sò yé tükùle ñgbòle. Nte Tẽ ñgbē Yesu Krista ànê Liyel Mirki gbò yó sɔkɔ, yé pi yályál. Yé me wìlkìnsàhnóle Liyel tyí yó. Yé pi négblóle Liyel yah sɔkɔ.

Yesu yó sê-ò gbēnsê-á pi Liyel tyíle òkù nēne

¹² Kè me yónóle ne ńkē: «Tyi pól pínó gbàh me dénmonole ñmo tyí.» Nte yóre náh n we sé tükù sɔkɔ. «Tyi pól pínó gbàh me dénmonole ñmo tyí.» Nte ñmo náh n pi n pi sé sɔkɔ yó ntẽ yǒle ló. ¹³ Kè tɔ me yónóle ne ńkē: «Yòke me kèkùrkɪ yĩnne, kèkùrkɪ tɔ mó me yòke yĩnne.» Nte Liyel kɪ pɔ sé nínó pól tyí yɪkɪ n pi. Nte névi wil gbēnsê tẽ wɔ náh mo pròprò pi yĩnne dé, Tẽ ñgbē tyí yó ye kè mo. Tẽ ñgbē tɔ ye mó n yah ké yó. ¹⁴ Liyel ye yilki mo Tẽ ñgbē Yesu lékóle. A kɪ ápi tɔ lékyí yilki n mo n pi ñ tēnweno gbò yó. ¹⁵ Yé se yó pĩ ne, yé wil gbēnsēnóle, Krista wil tãntãnnó-á té. Mé pi sò mè n pɔ Krista wil fí yó tɔkɔ n pɔ n kwro n mo prònpɪ wille? Pólle, mé náh képah pi n yah n pi. ¹⁶ Yé se yó pĩ ne, névi nê-à sē prònpule, pé nímí-á kwro mo pi wil gbēnsê núkúle té. Kè me yónó ntēne Liyel wey sébéy sɔkɔ ne ńkē, pé nímí-á kwro mo pi wil gbēnsê núkúle.* ¹⁷ Nte névi nê tẽ wɔ-à ñ gblǒyne Tẽ ñgbē Yesu kɔ, tẽ sɔno vi n mo n pi núkúle Tẽ ñgbē Yesu tyíle. ¹⁸ Yé yé náh vi pròprò pínó kɔ. Tyípél téló nónó-á névi n ne n pi, tẽ wil gbēnsê vyãh náh n we sé sɔkɔ. Nte pròprò pínó tẽ wɔle, ñ tẽ me n pi n de ñ wil gbēnsê tyí. ¹⁹⁻²⁰ Yé se yó pĩ ne, yé wil gbēnsê-á Liyel Mirki mé-ńsahle té. Liyel ye yé kɔ ñ Mirkile, nê-á déntēnóle yé sɔkɔ. Tẽ ñgbē ye yé dwe dántãhle. Káh pi sē, yé tyí náh yé gblǒyne dò. Képah ye, yé yé wil gbēnsê pi ñ gbilki gbilki kwáhle.

7

Fúr tyi òkù yónóle

¹ Yáh tyi nónó piki yah ní tyí yé sébéy sɔkɔ, sépi yah ye mé kɪ yo yé syah núkúnúkú yò. Yé ne ńkē* káh sò fónfó dí tẽ sê tókó-ńkēne. ² Nte pròprò pínó yah kɔ yĩnne, kè ye fónfó dí mè dí mè, à sê tɔkɔ, ànê sê mè sê mè, ñ tɔ mó de pe tyí. ³ Dí-á yĩne nê pínóle ñ kyɪ tyí tno sɔkɔ, à kéle n pi ñ tyí. Sê tɔ-á yĩne nê pínóle ñ pe tyí tno sɔkɔ, ñ tɔ kéle n pi ñ tyí. ⁴ Sê tyí yó náh ñ wil gbēnséle dé. N pe tyí yó ye kéle. Dí tɔ tyí yó náh ñ wil gbēnséle dé. N kyɪ tyí yó ye kéle. ⁵ Yé káh pèkɪ kãm wēne, né kè náh pi yé nímí yáhntokɔnole níri yó we n pi yĩnne wró kwéy yó ó sɔkɔ. Nte képah-à sɔkɔ te, yé yé syi pèkɪ kwro mo. Képah-à pí-ńkēne, yé kɪ pɔ n syah n tẽ n kwlo, sétàn yòtē kɔ à kɪ syò-nsah we kɪ yé wilki mo. ⁶ Nte ñmo-á nê yo yé tyí yò, kyĩnmɔno náh dé, syò-nsah yó wèkɪ ye mé yé kɔ. ⁷ Káh ñmo tẽ ó sɔ, mé sò me ké tyí ne no pól ne me lédyónine

* **6:16** 6.16 - Yah n te Yenesɪ 2.24. * **7:1** 7.1 - Tükù sɔno sɔkɔ, Pole ye yo wey mène ne ńkē, káh sò fónfó dí tẽ sê tókó-ńkēne.

ńmɔ tyí kǒle. Nte Liyel ye no pól mɔ ànê pé tẽnwe-ńtãne. Á tir yó pínó tẽnwenɔle ñnî kǒ, ñte kèyãh pínó tẽnwenɔle ñ ní-ò kǒ.

⁸ Nte nê-á mé kɪ yo lédyónì ànê pékúsyɔ tyí, képah ye yò. Pàh tẽ lédyónìne ńmɔ tyí kǒle, képah kɪ plɛ. ⁹ Nte pàh kɪ pĩ ne pé nãh fẽ pé gblǒy tẽ n pɪ, pè fúr pɪ. Fúr pínó ye fónfó kal, ñ tẽ lédórí kǒ kè ne n ko.

¹⁰ Té nónó-á fúr pɪ tɛ, máh kɪ nê kǒ n sah pè kǒ n pɪ, ńmɔ nãh n kǒ n sah kéle pé tyí dé. Tẽ ñgbẽ ye n kǒ n sah kéle pé tyí ne ńkẽ, sê nãh yĩne à yal ñ pɛ tyí. ¹¹ Wàh se mó yal ñ pɛ tyí, à nãh tǒ yĩne à de pɛ káhkí yó tyí, à yĩne à ñ syɪ yuku ñ pɛ tyí, pè kyɪ pé wró tǒ n sah. Nte dí tɔ káh mó ñ kyɪ wilki.

¹² Nte nê-á mé n yo no téló tẽ wɔ tyí yò, Tẽ ñgbẽ nãh n yo képahle dé. Nmɔ ye n yo kéle ne ńkẽ, Yesu yò sê-ò dí yó tyí sê-à me nê nãh pɪ Yesu yò sê-òle, té kéne pi me ké tyí ne pé tẽ ñ tyí, à káh à wilki. ¹³ Yesu yò sê-ò sê yó tɔ tyí pɛ-à me nê nãh pɪ Yesu yò sê-òle, té kéne dí me ké tyí ne pé tẽ ñne wẽ tyí, à káh yal ñ tyí. ¹⁴ Yé nãh we di, Yesu yò sê-ò pi mè gbò yò sɔkɔ ye ñ pɛ kɪ me yúkey Liyelle, ànê Yesu yò sê-ò dí mè tɔ gbò yò sɔkɔ ye ñ kyɪ kɪ me yúkey Liyelle. Nkẽ káh pí-ńkẽne sê, pé wẽnpì kɪ me á kɪ ne pé wró sǒ dɔ Liyelle. Nte kègbɪ tẽ yò sɔkɔ, pè ye me yúkey Liyelle. ¹⁵ Nte káh me pɪ Yesu yò sê-ńkẽ ney tẽ wɔ ne páh pé ní-ò Yesu yò sê-òle n yahle, yé ye à kǒ à kè pɪ. Káh pɪ sê, ñ ní-ò Yesu yò sê-ò nê-á pɛ képah nãh pɪ kyɪle, ñmɔ kɪ we wũ ñ gblǒy yò sɔkɔ. Yèvinɪ sɔkɔ tẽ yĩn ye Liyel ye ále dò. ¹⁶ Nkẽ à, áwɔ nê-á kyɪle, á se sê ké yò ne wáh kɪ tẽ we á pɛ min pwah mɔ? Tĩ, áwɔ nê-á pɛle, á se sê ké yò ne, wáh kɪ tẽ we á kyɪ min pwah mɔ?

Swɔ nê sɔkɔ-á lésò ále té Liyel ñ ye pɔ ñ gblǒy tyí, tẽ képah ó sɔkɔ

¹⁷ Nte sépi pól sɔkɔ, Tẽ ñgbẽ Liyel-à nê sah swɔ nê sɔkɔ, kè yĩne kè yĩne tẽ tyí. Nê-à sò me swɔ nê sɔkɔ té Liyel à ye pɔ ñ gblǒy tyí, à yĩne à ne n pɪ à yĩne képahle. Kéne pɪ dùkù ye mé me n yo Yesu yò sêpú tĩnkínó pól tyí. ¹⁸ Névi nê-à sò me kǒnóle té Liyel à ye, tẽ tẽ kǒnóle. Nê tɔ-à sò me kǒ-ńkẽne té Liyel à ye, tẽ tɔ káh ne páh kǒkèle n kǒ. ¹⁹ Á kǒ ò, á nãh kǒ ò, yò nãh me képah tyí. Yò-á me nê tyí, képah ye Liyel tyí kǒnsàhnó wàl kólóle. ²⁰ Nê-à sò me swɔ nê sɔkɔ té Liyel à ye pɔ ñ gblǒy tyí, tẽ yĩne à tẽ képah sɔkɔ. ²¹ Wàh sò me yǒle té à ñ ye, káh n ye kè ále n yo. Nte gblǒy yò wéntěno yòbèncɔrɪ-à mó wil mɔ á yò, káh n ye kè n kal. ²² Yé nãh we di, névi nê-à sò me yǒle té Tẽ ñgbẽ à ye, ñ tyípèl yǒrɪ n tyɛ. Yé nãh we tɔle à, névi nê-à sò me ñ gblǒy yò té Tẽ ñgbẽ à ye, à n pɪ Krɪsta yǒle. ²³ Tẽ ñgbẽ yé dwe wilki yǒrɪ sɔkɔ dántãhle. Képah ye, yé káh ńtǒ n pɪ ñnî yó ńtẽ yǒle gbógbó. ²⁴ Nte ní yúnpyé, yáh lésò me swɔ nê sɔkɔ té Liyel yé ye pɔ ñ gblǒy tyí, yé yĩne yè tẽ képah ó sɔkɔ.

Fúr-á n pɔ n pɔ tyí nónónɛ

²⁵ Névyɛ nónó-á pè nãh tǒnì fúr pɪ, Tẽ ñgbẽ nãh tir yó yo ní tyí pé tyí sɔkɔ. Nte Tẽ ñgbẽ pèpɔrɪ gbò yò, mé pɪ névi yóle nê-á yé kɪ fẽ sê ní yò. Képah ye, mé kɪ ní yẽngbẽ sǒnɔ yo yé tyí fúr tyí sɔkɔ. ²⁶ Tyi-á me tẽ tah sǒ kwey gbĩ mè sɔkɔ, ńmɔ sǒnɔ sɔkɔ, yé nénúkù núkú pól-à tẽ sǒ-á yéle, képah kɪ nekɪ kal yéle. ²⁷ Wáh kɪ me sê tɔkɔ tɛ, káh à fin n mɔ. Wáh kɪ se mó tǒnì me sê tókó-ńkẽne, sê tókó-ńkẽ fónfó. ²⁸ Dí-à sê tɔkɔ, képah nãh pɪ sènpir-à de pɛ tyí, tyípékè tẽ wɔ nãh pè pɪ dé. Nte nê tẽ wɔ-á me ké sɔkɔ, ké pípú kɪ kwlónóle n we. Képah yah ye mé me ké tyí ne mé n kǒ yé tyí.

²⁹ Ní yúnpyé, mé kéle n yo yé tyí, tyah me n tyah sókóntenɔle. Képah ye, à tɔkɔ núkúnúkú tyí, sê-à me nê tyí, tẽ ne n me á kɪ ne, sê kósyɪ me ñ tyí. ³⁰ Nê-à me gbní sɔkɔ, tẽ ne n me á kɪ ne à kósyɪ me gbní sɔkɔ. Nê-à me ñivìnì sɔkɔ, tẽ ne n me á kɪ

ne à kósyĩ me nìvìnì sòkò. Nê-à me yídwénène n dwe, tẽ ne n me á kɪ ne n tyí kósyĩ yídwénè nópilè. ³¹ Nê-à me kèkõyó mè nɔlɪle n yõ, tẽ ne n me á kɪ ne à kósyĩ me ké nɔlɪle n yõ. Wáh n yah yò, kèkõyó mè náh tõ n mo n pi ló.

³² Mé me ké tyí ne yé fókósõnɔ káh kwel. Névi nê-à sê tókó-ńkēne, tẽ n fɔkɔle n sō Tẽ ñgbẽ tãn tyí sòkò. Á n ne n me Tẽ ñgbẽ nìvìnì pí-ńsahle n yah n kō. ³³ Nte sê-à me névi nê tyí, tẽ n fɔkɔle n sō kèkõyó tyi yõ. Á n ne n me n kyɪ nìvìnì pí-ńsahle n yah n kō. ³⁴ Káh pɪ sě, n nɪ n ne n me n yil n kō yey nínine. Té sēnpir, képah náh pɪ sê nê-à dé-ńkēne pe tyí, Tẽ ñgbẽ tãn yah syi tẽ tyí. Tẽ n gblɔy kō n dal n mo Tẽ ñgbẽ tãn pínó sòkò. Nte sê pètẽ tẽ wɔle, kèkõyó tyi yah syi ñmo tyí. Á n ne n me n pe nìvìnì pí-ńsahle n yah n kō. ³⁵ Mé náh tyi nópɪ yo yé tyí yé fikéntēnɔ yinne dé, yé yohnɪ n mo yīn ye mé n yo séle yé tyí. Képah ye, nê-á pèpeyne, mé me ké tyí ne yé képahle n pɪ, képah nê-á Tẽ ñgbẽ ó tãn yah wúnóle. ³⁶ Kètēnpikɪ nê-à pɪ ne pé ségbíní dékè-á me péle n kɔ,† té páh kɪ n to n kō, páh kɪ n syah n pɪ n de n tyí, té tyi-á yīne sè kɔ sé wàl yõ, tẽ à fur n dyo ó. Tyípékè náh kéle. ³⁷ Nte kètēnpikɪ nê-à kè yah tɔkɔ n nɪ sòkɔ ney fyàh-ńkēne n yõ, té ne páh kɪ fẽ tẽ pé gblɔy tyí lédórí náh fẽ pé fwo pèkɪ kō kè n we n pi pé wró pé ségbínine, tẽ pɪ ple. ³⁸ Képah ye, nê-à n ségbíní fur, tẽ pɪ ple. Té nê-à n ségbíní fúr-ńkēne, tẽ wɔ pɪ ple kal.

³⁹ Sê pe-à fyò me min sòkò, à yīne à ne n me ñmo ó tyí. Nte n pe-à pɔ yah kwɔ, à kɪ fẽ de pe yó tyí nê tyí-á nɔ n tyí, tẽ-à fyò me Yesu yõ sě-òle. ⁴⁰ Nte ñmo tẽ ó sōnɔ sòkò, wáh wũ dé-ńkēne pe tyí, képah nìvìnì kɪ kal n tyí. Nmo fókósõnɔ ye mé yo yé tyí yò. Nte ñmo sōnɔ sòkò, Liyel Mirki me í sòkò.

8

Sãh fálnó kò tyí yónóle

¹ Á ye á fɔkɔ mo n yah núkúnúkú à yuku sãh fálnó kyɔ tyí tĩnne. Gbɪ tẽ wɔ ye yé yo ne á pól-á me tyile n pne ó. Té kéne tyi pnèno wɔ ye mó tõ n mo névile gblɔy gbílkínó sòkò. Nte tyínɔnɔ wɔ yah yúkúnóle névile n kō. ² Névi nê-à me n sō ne páh tyile n pne, tẽ náh tõnì me kwáh yóle n pne wáh sò yīne à sè pɪ sō. ³ Nte Liyel tyí-à nɔ névi nê tyí, Liyel tēne n pne.

⁴ Nte à yuku sãh fálnó kò kònó tẽ tyí tĩnne, á se yīne à séle n kɔ? Á pɪ ne fal fal tòle, kwáh yó náh kéle kèkõyó sòkò, Liyel núkú ó-á me. ⁵ Gbɪ tẽ wɔ ye, yíyìn náhnáh me yīnyõ ànê sétáh yõ, nónó-á tókù me séle n tɔkɔ n pɪ pé líyelnóle. Nte líyelnó ànê tãm náhnáh-à sō me pé tyí, ⁶ ápi tẽ wɔ tyí, Liyel núkú ó ye me, ñmo nê-á á Súle. Nmo ye mo yíyìn pólle, ápi me ñmo tyí yõ. Sě ó ye, Tẽ ñgbẽ núkú ó to ye me, nê-á Yesu Kristale. Nmo gbõ yõ sòkò ye yíyìn pól me, ànê ápi tɔle min sòkò.

⁷ Nte fal fal tãnne, Yesu yõ sěpú tókù náh pɪ ne kwáh yó náh séle. Pé tókù lésò dar kah mo sãh fálnó tyile. Té pépi sòkò nónó tẽ Yesu yõ sēnó-à fyò yúkú-ńkēne yahle, páh sãh fálnó kòle n kɔ, pè n ne n sō n kyɪ n pɔ sãh fálnó tyí sòkò. Káh pɪ sě, pè n ne n sō ne tyípékè-á pé n pɪ kò mè kònóle. ⁸ Yòke náh ápi nɔ n de n pi Liyelle dò. Ké yó-ńkē náh kwáh yó wilki n pi á sòkò, ké yónó to náh se mó tõ kwáh yó dohnɪ n pi á yõ. ⁹ Sé kònó gbàh sēnsō me dénmonɔle yé tyí ó, ñte yé kyòmìnóle n pɪ, képah káh

† 7:36 7.36-38 - Wró mè sòkò, névye sōnɔ me sé tyí tyile. Tókù ne Pole-á ne ńkē, nê-à pɪ ne ńkē pé písè pe tyí dé-ńkē yah náh, té à syi pɔ n dye, té wáh yīne à de pe tyí, tẽ ñne pe kō à yīne n dyo dyo tēne. Tyípékè náh kéle. Nte nê-à kè yah tɔkɔ n nɪ sòkɔ ney fyàh-ńkēne n yõ, ne ńkē páh kɪ fẽ pé písè tẽ sah à náh n de n pi pe tyí, tyi vi sòkò-á tēne. Képah-á, nê-à n písèle pe kō, tẽ-á pɪ ple, té nê-à se n písèle pe kō-ńkēne, tẽ-á pɪ ple yíí.

po tükùle n syki n mo, nónó Yesu yõ sě́nó náh me yuku yahle. ¹⁰ Sǎ-á áwɔ nê-á tyile n pne, ñnî yó-à ntyĩnɔ kyi ñ we tǔ wòkò sòkò á me yòkele n yõ, té tẽ Yesu yõ sě́nó náh me yuku yahle, sǎ me kè kɪ pɪ? Kè náh sǔré mo n pi tẽ sòkò, à kǔ à sãh fálnó kòle n kò n pi di? ¹¹ Kàh pɪ sě́ à, ñmo nê-á ñ Yesu yõ sě́nó náh me yuku yahle, ñ min náh n mo n pu n pi áwɔ tyi pnè́nó gbò yõ sòkò di? Té á yúnpi ye mó tǔ ñne, ñmo nê to yĩn-á Yesu Krista ku. ¹² Yáh n pɪ n de yé yúnpyé tyí sě́ntěne à pé sǔnɔle n yuki pé tyi yah wé-ńkě yinne, Yesu Krista tyí ye yé n pɪ n de dé. ¹³ Mâh ne yòke yó yõ, té képah ní yúnpi yó yõ yuki n mo n pi tyípékè pínó sòkò, mé kɪ kè we ye gbógbó. Képah sòkò, mé náh tẽ yõ yuki n mo n pi tyípékè pínó sòkò.

9

Pole pɪ dükùle

¹ Ní yúnpyé, gblǔy yõ névi náh ríne di? Yesu tě́ntò névi náh ríne di? Mé náh Yesu we yĩne, ñmo nê-á á Tě ñgběne di? Nmo tǔ pínó gbò yõ sòkò náh yé we sě́ Tě ñgbě yõ di? ² Yáh fyò me Tě ñgbě Yesu yõ sě́nó sòkò, képah kéle n wěki ne ñ tě́ntò névi-á ríne. Képah ye, tükù-à sǎ ké pí-ńkěne ní tyí ne ñmo tě́ntò névi-á ríne, yépi tẽ wɔ yĩne yè kè pĩ. ³ Nónó-á me n tokò ñmɔle n kǔ, máh ne nê yo n pi pé tyí, kè we yò: ⁴ Ápi náh yĩne à á tãn pínó yòke yõ à mó ké ni wɔ di? ⁵ Ké wěkì náh me ápi tyí kɪ fě syó tokò Yesu yõ sě́pú sòkò, té áyáh n sòkò kóló sòkò, á fě n sòkò n pi péle, sǎ-á Yesu tě́ntò névye téló kéle n pɪ, pépi nónó sòkò yó-á Pyerile, ànê sǎ-á Tě ñgbě Yesu yúnpyé kéle n pɪ di? ⁶ Tĩ, ñmo ànê Barnabası ó kókó se yĩne à tãn káhkínɔle n pɪ nítò à á gblǔy vyáhle n yah? ⁷ Yé se kè we noh yah ne, ñnî yó-á me sràsıyáale n pɪ, té me yĩn ñ gblǔy yínnóle? Tĩ, séswò só-ò náh yĩne ké pye yónóle di? Tĩ, nê tẽ wɔ kɪ yípěyne n fě, té à náh sé yěńíkì wɔ n pi?

⁸ Yé káh n we ne kégbó mè tyi pɪ dükù ó-á mé yah té séle n yo dé. Kè tǔ me sě́ntě nítěne tótó Liyel tyi kǔnsàhnó sòkò. ⁹ Kéne tyi kǔnsàhnó nê-á Liyel Moyisi kǔ, kè me wárkínsàhnóle ké sòkò ne ńkě, nyeh-à me swãh tónó sòkò á tyí gbí nêne, á káh sé vyěy pukubi á sèmu kò yónóle.* Yé se we ne nyeh yãm-á tẽ Liyelle à kǔ à képah yo? ¹⁰ Ápi yĩn náh à yo kéle di? Awe, ápi yĩn ye à yo kéle. Yé náh we à, ápi yĩn ye tyi nópile wárkínsàhnóle nítò ne ńkě, sètò-à swãhle n wɔ, ñ sǔnɔ n ne n me ñ we we tẽ yõ. Táh mí-ò to-à mó táhle n mɪ, ñ sǔnɔ n ne me ñ we we tẽ yõ. ¹¹ Ápi-á po Liyel wey yo yé tyí, ñ tyí kǔ kè we de yé nno sòkò à; áyáh sǔ me yé gbàn yĩle á gblǔyne n pu, kè se yĩne kè yé gbàn du? ¹² Ké yah-à kɪ nê fyò névye tükù me sě́nknɔle n pɪ yé tyí à, ápi wɔ se pyě? Té képah fyé yõ, ápi náh kwâh yó nítě syi yé tyí. Nte ápi náh sǔ me ké tyí ne kè fě́kínó dahbı Nìvìnì tir yónó sòkò Yesu Krista tyí yõ. Képah ye, á me tyi pól sro. ¹³ Té yé pĩ tole ne ńkě, Liyel ní-ńsah gbò tǔ pípúle, Liyel ní-ńsah gbò-á n yah pé vyáhle. Sárká syínwìkìpu to-á pé we we tě́ne n we sárká yĩ sòkò. ¹⁴ Sě́ ó ye, Tě ñgbě kè yo ne ńkě, Nìvìnì tir yónó sòkò-á Nìvìnì tir yópú kɪ n yõ.

¹⁵ Nte ñmo yòke yó nítě náh wil képah sòkò. Mé náh mó tǔ me tyi nópile n wárkı n tekı n mo yé tyí ne mé yé kǔ séle dé. Máh kéle n pɪ nònóle, té me nìvìnì nêne n we ké sòkò, kàh nê n tẽ n syi n pi ní tyí, mè n ku nítěne. ¹⁶ Kè nɔ ní tyí ò, kè náh nɔ ní tyí ò, mé yĩne mè yo óle Nìvìnì tir yo. Képah ye, ké yónó náh me yínyáhkì tirlé ñmo tyí. Té pèkè me ní yõ, máh yahle ké yónóle. ¹⁷ Nmo-à sǔ me yah tokò tǔ mène, à ní gblǔy

* 9:9 9.9 - Yah n te Tǔnyonɔ 25.4.

mɔ ké pínó sɔkɔ, mé náhkɪ ké yõre we. Nte kònsàhnó ye Liyel kò sah ní kò kéle mé n pɪ. Képah ye, ní pɪ pɪ tò ó ye mé n pɪ. ¹⁸ Nte ní mɔ we we tẽ wɔ nêne wé? Nìvìnì nê-á me ní sɔkɔ ní kò mé Nìvìnì tirlɛ n yo névyɛ tyí nònóle kwâh yó yáhnkò-ńkêne ké sɔkɔ, képah ye ní we we tẽne.

¹⁹ Nnì yó ntẽ yõ náh ñne dé, mé me ní gblõy yõ. Nte mé ní gblõy pɪ no pól yõle ne mé pé yõ vi n mɔ pè kò pè pɪ Yesu yõ sɛpúle. ²⁰ Mâh me Nsyifunɔ sɔkɔ, mẽ ní minne n pɪ pé tyí kòle ne mé pé yõ vi n mɔ pè kò pè pɪ Yesu yõ sɛpúle. Pépi nónó-á Moyisi tyi kònsàhnó wâl kópúle, mẽ ní minne n pɪ pé tyí kòle n pé yõ we n vi n mɔ, té sé wâl kó-ò náh mó tõ ñne dé. ²¹ Mâh sɔ me tyi kònsàhnó wâl kó-ńkêpú sɔkɔ ò, mèn ne n pɪ pé tyí kòle, n pé náhnáh yõ we n vi n mɔ. Té képah náh n wêkɪ ne, Liyel tyi kònsàhnó wâl kó-ńkê névi-á ñne dé. Mâh fyò me Krista tyi kònsàhnó wâl tẽne n kɔ, képah n wêkɪ ne, Liyel tyi kònsàhnó wâl-á mé n kɔ. ²² Névyɛ nónó Yesu yõ sɛnó náh yuku yahle, mâh me pé sɔkɔ, mẽ ní minne n pɪ pé tyí kòle ne mé pé yõ vi n mɔ pè kò pè pɪ Yesu yõ sɛpúle. Mâh sɔ me nédúké nónó sɔkɔ ò, mẽ ní gblõy pɪ pɪ dùkùnó pólle pé yinne, ne mé pé tókù yõ we n vi n mɔ pè kò pè pɪ Yesu yõ sɛpúle. ²³ Mé me tyi nòpi pólle n pɪ Nìvìnì tir yónó yah yuku yinne, ne pèpɔri nê-á me ké sɔkɔ, ní vyâh we ké sɔkɔ.

²⁴ Yé se pɪ ne ńkê wẽ kàhnó tóló tópú pól-á ńkêne ne n me n to kéntáhkì sɔkɔ, té pé nénúkù ó-á n we ké yõrele té? Yépi tɔ ne n to tẽ tyí kòle ké yõre we yinne. ²⁵ Wẽ kàhnó tóló tópú kwlónónɔ pól fẽ n syi yõ yõnó pɔ n we yinne, nê-á kè náh n mo n pɪ. Nte ápi kéle n pɪ yõ yõnó pɔ n we yinne, nê-á kɪ me kúmm. ²⁶ Képah ye ní mɔ tɔ me n to, té mé náh me n to n dah n mɔ dé. Mé me gbònkukuri syí-ò yó sɔ, nê-á à náh n syi n dah n mɔ. ²⁷ Nmɔ nê-á Liyel weyne n yo no téló tyí, mé me ní wil gběnsèle n fõh ní gblõy tẽnó sɔkɔ, ne mé káh n pɔ n tekɪ yõ yõnó sɔkɔ.

10

Yisrayel no pɪ dùkùle gběnni sɔkɔ

¹ N yúnpyé, nê-á á sútóbé yini tẽ Moyisi gbí sɔkɔ, mé me ké tyí ne yé yé dyɔ sah ne n kwne kéle. Pé pól sò me n kɔ nýírkì fob sò, té de kah pne yónsyâh sɔkɔ pé tò. ² Pé pól de sɔkɔ nýírkì fob sɔkɔ ànê pne yónsyâh sɔkɔ wèlnwìlkìnó tyí kòle, à pɪ Moyisi sò tẽpúle. ³ Pé pól yõke núkú yõ wẽ tyí, nê-á wil Liyel tyí, ⁴ té me wɔ wɔ ni núkú we wɔ, nê-á wil Liyel tyí. Tédáhkì yó sɔkɔ ni ye sò kéle. Kéne tédáhkìle sò, Krista ye nê-á me n yuku péle. ⁵ Nte pé kan náh sò pɪ négblólɛ Liyel yah.* Káh pɪ sɛ, pè ku kwe gběnni sɔkɔ. ⁶ Kéne tyi ye pɪ, à ápi yí ykɪ, nê-á kɪ á kò á yí náh tõ n wil n pɪ tyítúkùnì pínó tyí pépi tyí kòle. ⁷ Yé káh pɪ sãh fálpúle pépi tókù tyí kòle, pépi nónó tyí-á yónóle Liyel wey sébéy sɔkɔ ne ńkê: «Tówû ye kò tẽ à n yõ, té n wɔ, képah náh té yuku à syáhle n syah.»† ⁸ Á ye káh á gblõy pɪ prònpɪbɪle, sɔ-á lésò pé tókù kéle n pɪ, té népì kèyò gbònúkú kyegbãm (23 000) me ku pé sɔkɔ gbìyìkì núkúle.‡ ⁹ Á ye káh Tẽ ñgběne n mɔ n yah, sɔ-á lésò pé tókù pɪ kéle, té vye me pè kwákɪ ko.§ ¹⁰ Yé káh Liyel sèyòkèle n yo sɔ-á lésò pé tókù kéle n pɪ, té yinyõ tònpi nê-á nékókèle n mɔ, ñmɔ me pɔ pé duku to.*

¹¹ Tyi nòpi ye pè yini tẽ, à névyɛ yí ykɪ. Ápi nónó-á me kèkõyó tyéntɛnɔ gbí me sɔkɔ yò, ápi yin ye pè tyi nòpi wãrkɪ, à gbáhdýâh di sah á tyí. ¹² Képah ye, nê-à me

* **10:5** 10.5 - Yah n te Yáhnó 14.22-24 ; 28-38. † **10:7** 10.7 - Syáh nê tyí-á n yo ásò sɔkɔ yò, pé tò yah sɔkɔ ye sò pé syah syáh mène. Yah n te Yáhnó 32.1-6. ‡ **10:8** 10.8 - Yah n te Yáhnó 25.1-9. § **10:9** 10.9 - Yah n te Yáhnó 21.4-7. * **10:10** 10.10 - Yah n te Yáhnó 16 ; 17.

n sô ne páh me we su yĩn palle, tẽ kyòmìnóle n pi, à káh pɔ yõ syɔki. ¹³ Tõnmɔno nónó-á yé yĩni tẽ yah, sɛnkno ye n no névi yòtàhsyile. Nte Liyel n ko òn tyíyónó sò. A náh n ye tõnmɔno yó òtẽ kò kè kãn pi n pi yéle. Té tõnmɔno-à yé we, à ki tẽnwenole yé kò yé ki kè fwo, té ki yé wẽki syõ-nsahle, yáh ne we n wil n pi ké soko sò.

A ye káh ne n pi n soh tãnne

¹⁴ N yũnpyé pèplo, yé yé náh vi tãn tyi kò pnépné. ¹⁵ Nmɔ me yéle n mɔ n kò yĩ pípú soko. Képah ye, tyi nónó-á mé n yo yé tyí, yé sò n yah sé tyí yõ yé gblõy. ¹⁶ Liyel yõke yõ gbĩne, áyáh òkẽne wɔ wɔ kwâh nê wɔ á wékinteno náh Liyel tyí, képah kéle n wẽki ne áyáh pi núkúle Yesu Kristale ò tó kwénó gbò yõ. Búrn nê to-á òkẽne à n kwɔki n dibi n tah wẽ tyí, ké to ále n pi núkúle Yesu Krista wil gbẽnsèle. ¹⁷ Búrn núkú ó ye me. Té ápi pípi nópi pól me kéne búrn núkú mè óle n tah. Képah ye, kè me á ki ne á pól sò pi wil gbẽnsé núkúle.

¹⁸ Tir nê-á me n pi Yisrayel no nyõ, yé yé foko mɔ n yah képah tyí yõ kè. Pé sárká súkénkò-nsah me Liyel tyí yõ. Képah ye, yípèy nónó-á pè n ko ké yõ soko, pé nónó-á sé kyole n ko, pè me núkúle Liyelle. ¹⁹ Képah se n wẽki ne máh ne yõre-á me tãn ànê sãh fálnó kyɔ tyí? ²⁰ Óó dé, mé ne sãh fálpú-á sãhlo nónóne n fal, sétãn tyí-á pè n fal séle, Liyel tyí náh. Mé náh me ké tyí ne yé pi núkúle sétãnne gbógbó. ²¹ Yé náh fẽ Tẽ ògbẽ wóh soko wɔ wɔ kwâh wɔ n pi, té tõ yé yah vi n wɔ n pi sétãn tyí soko. Yé náh fẽ ne n yõ n pi Tẽ ògbẽ tyí, té tõ yé yah vi kyɔ n yõ n pi sétãn tyí. ²² Tĩ, Tẽ ògbẽ nê-á ne á ne n me péwɔ ó tyí yõ, òmɔ vyãh sò se á n yah n kò nóh-nsahle? Ápi tãhkì se kal ò tyíle?

Gbìlkínóle n sah Liyel yõ, á tyípínì pól soko

²³ Kè me yónóle ne òkẽ: «Tyi pól pínó gbàh me dènmɔnole.» Nte yõre náh n we sé túkú soko. «Tyi pól pínó gbàh me dènmɔnole.» Nte sé túkú pínó náh yah yúkúnóle névile n kò. ²⁴ Nnì yó òtẽ káh ò gblõy pékí-nsah óle n yah n kò dé, yé no téló pékí-òtãnne n yah n kò n kal. ²⁵⁻²⁶ Kè me wárkínsàhnóle Liyel wey sébéy soko ne òkẽ: «Tẽ ògbẽ tyí ye sétáh ànê ké soko yíyĩn pólle.»† Képah ye, yĩ nónó pól-á fyò me yãbrɔ soko yòh soko, yé ki fẽ sé pólle n yõ. Kè náh yĩne kè ne n me yótókóbíle yé tyí, yé kò yé píkinyahno yó òtẽ pi sé wìl-òtãn tyí soko. ²⁷ Yesu yõ sã-òkẽ névi yó-à ò ye yõke yónóle, té á fẽ syi kyɔ, wáh yé nónó tɔko pɔ, séle n yõ fwòó. Kè náh yĩne kè pi yótókóbíle á tyí ò kò ò pɔ píkinyahno yóle n pi sé wìl-òtãn tyí soko. ²⁸ Nte nnì yó-à yo á tyí ne òkẽ, kò mène, sãh fálnó kò-á kéle, tẽ wɔ yĩnne ànê ké tyí sòno yótókóbí yĩnne, káh kè ko. ²⁹ Sòno yótókóbí nê tyí-á mé yo ásò soko yò, áwɔ tyí soko náh òne dé, nê-á yo ò syah kéle, tẽ wɔ tyí soko ye òne. Nte nnì ki fẽ ne kwâh nê se pi té nnì foko sòno yótókóbí yĩnne, péwɔ náh fẽ pé dyɔ dyɔ tyi pi n pi ni? ³⁰ Pãh wèki Liyel tyí yõke nê yĩnne, té fyò kéle n yõ, ney se yĩne à pé tyíle n yo kéne yõke yónó yĩnne, képah nê yĩn-á pé wèki Liyel tyí ni?

³¹ Nte sã náh dé, wáh kwâh nène n yõ ò, wáh kwâh nène n wɔ ò, wáh se tir dùkú nène n pi ò, ye Liyel yĩn ne n gbilki ké soko. ³² Kè se Nsyifunó ò, kè se nónó náh pi Nsyifunole ò, kè se Yesu yõ sèpú tĩnkìle ò, yépi tyípínó káh pé soko yó òtẽ yõ yɔki n mɔ tyípékè pínó soko. ³³ Yé òmole n yah n pi. Nmɔ òkẽne n gbah n tẽ ò no pól ònòne n pi tyi pól soko. Nmɔ náh me ò gblõy pékí-nsahle n yah n kò dé, òte mé me nékwínkìle n yohnɔ n mɔ pé we n pwah n mɔ yĩnne.

† 10:25-26 10.25-26 - Yah n te Gbálnó 24.1.

11

¹ Yé ñmɔ pɪ ðùkùlɛ n yah n pɪ, sɔ́-á mé Krista pɪ ðùkùlɛ n yah n pɪ.

Dí ànê sê gblɔ́y tẽ ðùkùlɛ Liyel ni gbíne

² Mé yéle n sɔ́ náhnáh, yáh sɔ́npɪlɛ yé dyɔ sah n kwne ñmɔ tyíle gbímegbí, té se tɔ me n kɔ tyi yónó wàl yô, máh kwónó we sépi nónó yô à pɔ yé kwɔ. ³ Nte mé me ké tyí ne yé kè pɪ tɔlɛ ne ñkě, sê yòtẽ-á díne, díbí pól yòtẽ mó Yesu Kristale, Yesu Krista wɔ yòtẽ mó Liyelle. ⁴ Képah ye, dí nê-à yókúrí kwĩnki sah té nírile n pɪ, képah náh pɪ té me Liyel tẽntòlɛ n syi n yo, ñ yòtẽ ye à n yilo. ⁵ Nte sê nê-à ñ yô de mɔ sah té nírile n pɪ, képah náh pɪ à Liyel tẽntòlɛ n syi n yo, ñ yòtẽ ye à n yilo. Kè núkú me á kɪ ne ñ yô sɔ́ à kye mɔ. ⁶ Sê nê-à ne m̀onsɔr tẽ n pɪ ñkẽne, à ñ yô kye. Nte sen-à ne sê tyí ñ yô kyénòlɛ, képah náh pɪ ké kónòlɛ, à káh kè de n mɔ n sah kè.

⁷ Díne, Liyel kètò ye ñne, ànê à Liyel yô yɔ́nòlɛ n wẽkɪ. Képah ye, à náh yĩne yókúrí kwínkínsàhnòlɛ. Nte sê wɔ dí yô yɔ́nòlɛ n wẽkɪ. ⁸ Kèkòyó mɔ gbíne, dí náh wil sê sɔkɔ, sê wɔ ye wil dí sɔkɔ. ⁹ Dí náh mɔ sê yĩnne dé, ñte sê mɔ dí yĩnne.* ¹⁰ Képah ye, yĩnyô tɔ́npɪbɪ yĩnne, kwâh yó yĩne kè ne n me sê yô sɔkɔ, nê-á kɪ ñ yĩn-ísahle n wẽkɪ.

¹¹ Nte sépino pól sɔkɔ, ápi nónó tẽ-á me Tẽ ñgbẽ wẽkɪlɛ n kɔ, á ye pɪ ne ñkě, dí yétò-á me sê tyí, sê tɔ yétò mó me dí tyí. ¹² Yé náh we di, sê wil dí sɔkɔ, té sê ye mó n dubi díne. Nte Liyel ye pɪ sépi pólle sɛ.

¹³ Yépi ñtẽ kè sɔ́ n yah kè; ké yah se sê Liyelle ne n ni ñ yòlɛ dénm̀onsàhnòlɛ? ¹⁴ A yĩne kégbó ðùkùlɛ, yé náh pɪ ne ñkě dí-à yòyùkù mɔ, sen-á kéle ñ tyí di? ¹⁵ Nte yòyùkù m̀ónòlɛ, yô yɔ́nó ye kéle sê tẽ wɔ tyí. Liyel kéle à kɔ́, ñ yô yah vike yĩnne. ¹⁶ Névi nê tẽ wɔ-à kɪ tɔ́ me n yah n kɔ́ yékâb pí-ísahle yĩ mè tyí yô, tẽ pɪ ne ñkě, sɛ-á ápi n pɪ kéle à tahlɪ Yesu yô sɛpú tĩnkínó pól tɔ tyí.

Tẽ ñgbẽ yòke-á yĩne kè ne n yô ðùkù nêne

¹⁷ Té yah, máh tyi nónó tɔ yo n pɪ yé tyí núkúnúkú, sè we yò: Yé wẽ t̀k̀enm̀ononɔ me yényèhle n pɪ n kal yé tyí p̀epɛyne. Képah ye, mé náh fẽ yé sɔ́ n pɪ képah sɔkɔ ló. ¹⁸ Ké gbenne, pè ne yâh wẽ tuke mɔ, gbékínó n ne n me yé wró. Té ñmɔ sɛnó me ké yô ne gbɪ-á me pé wey sɔkɔ. ¹⁹ Nte gbékínó ðùkù yó tẽ wɔ yĩne kè we yé wró sɔkɔ, á kɔ́ à Yesu yô sɛpú kègblo pɪ n wah yé sɔkɔ. ²⁰⁻²¹ Nte gbékínó nê tyí-á mé n yo yé wró sɔkɔ, yâh wẽ tuke mɔ Tẽ ñgbẽ yòke yô gbíne, yé nénúkù núkú pól n núkú n yĩkɪ n kyɪ yé yẽngbẽ yòkenɔ tɔkɔ n yô. Képah sɔkɔ, t̀k̀ù n wũ kwekɪlɛ, té t̀k̀ù n ne n me sètɛ̀nì sɔkɔ. Káh pɪ sɛ, Tẽ ñgbẽ yòke tẽ wɔ náh tɔ́ kéle yé n yô légbíne dé. ²² Gbèn náh me yé tyí nónó sɔkɔ-á yé kɪ fẽ yòkele n yô, té kɪ n wɔ di? Tĩ, Yesu yô sɛpú tĩnkɪ se yé n yilo, té me ké tyí ne yé sennɛ kwâh kɛpú tẽ? Sɔ́ me mé kɪ yo yé tyí yò wé? Mé se yĩne mè yé sɔ́? Pólle, mé náh yé sɔ́ n pɪ képah sɔkɔ ló.

²³ Yé yah, Tẽ ñgbẽ-á nêne ñmɔ kwɔ té mé me kéle yé kwɔ, kè we yò: Tẽ ñgbẽ Yesu-á kɪ sò n dahbɪ n pɪ gbò sɔkɔ sò nê lékâhne, lésòlɛ à búrn tɔkɔ, ²⁴ té wɛkɪ Liyel tyí, té me kè kwɔkɪ dibi pé tyí, té me n yo pé tyí ne: «Nyɔlɛ, ñmɔ wil ye, nê-á kɪ kɔ́ yépi yĩnne. Yé kéle n pɪ, yè yé lékám sah ñmɔ tyíle.» ²⁵ Yòke yòntɛnɔ náh, à tɔ́ wóh tɔkɔ sɛntẽ ólɛ ðivɛne ké sɔkɔ, té yo pé tyí ne: «Nyɔlɛ, ñmɔ tó ye, nê-á kɪ kwe yépi yĩnne, kɪ pɪ yégbékè kwronm̀onɔ késánnɛ Liyel ànê névyɛ wró. Yé kéle n pɪ, yè yé lékám sah ñmɔ tyíle, gbímegbí yâh kéle n wɔ.» ²⁶ Yé yah, gbímegbí yâh búrn m̀ene n tah té

* **11:9** 11.9 - Yah n tɛ Yenesɪ 2.18-23.

divĕ mĕne n wɔ gbí nĕne, Tĕ ñgbĕ kúnó tyí ye yé me n yo, fóó kɪ pɔ syi ñ syínpono tyí.

²⁷ Képah ye, névi nê-à búrn mĕne n tah té divĕ mĕne n wɔ, té tĕ pi òkù náh me ple, tĕ me pèkèle n pi Tĕ ñgbĕ wil ànê ñ tó tyí píndenɔ sɔkɔ. ²⁸ Nénúkù núkú pól yĭne pé pé gblǒy òkù kyomɪ yah palle, pé mó pyé búrn mĕ tah, pé mó divĕ mĕ wɔ. ²⁹ Yé náh wɛ à, névi nê-à búrn mĕ tah té divĕ mĕ wɔ, té tĕ náh sè mɔ kô Tĕ ñgbĕ wille, tĕ me pèkèle n yori n mɔ ñ gblǒy yô. ³⁰ Képah yĭn ye yámpú ànê néfukulóle pípi yé wró, té yé náhnáh ntĕ me ku. ³¹ Ayáh me n sô n yah palle á gblǒy tyí sɔkɔ, Liyel tukey náh n syiki n pi á yô. ³² Nte Tĕ ñgbĕ náh me ké tyí ne ápi tɔ tyí kyɪ yiki wĕ tyí ànê kèkôyó névyele, képah ye à kô à ápile n fôh á kwɔ yĭnne. ³³ Képah ye ní yúnpyé, yâh tuke mɔ Tĕ ñgbĕ yôke yô yĭnne, yé pól wĕ syiki. ³⁴ Kwɛkɪ-à me nê tĕ, tĕ yô ñ tĭnne. Kàh pi sĕ, yé náh Tĕ ñgbĕ pèkè yori n mɔ n pi yé gblǒy yô yé wĕ tükènmɔnɔnɔ sɔkɔ. Tyi téló nónó-á wũ, mäh pɔ pɔ yé tĭnne gbí nĕne, mé kɪ sépi tyí yah wah.

12

Liyel Mirki-á tyi nónó pínó yòbènrile névile n kô

¹ N yúnpyé, Liyel Mirki-á tyi nónó pínó yòbènrɪ tĕ wɔle névile n kô, mé náh me ké tyí ne yé ne n me sé yíturi sɔkɔ. ² Yépi ntĕ pi ne gbí nê-á lésô yé náh tǔnì Liyel pi, vĭ-nsah yó ntĕ náh sò me yé tyí né tãn yah ó tónkɔnɔ náh tǔò, sépi nónó-á sè náh fĕ n wɛkɪ. ³ Képah ye, mé kéle n yo n yĭi yé tyí ne Liyel Mirki-à me névi nê yahle n tĕ, tĕ náh fĕ n yo n pi ne níkĕ Yesu tyí yiki; ànê ney tɔ náh fĕ n yo n pi ne níkĕ Yesu-á Tĕ NGBĒNE né Liyel Mirki náh tĕ tĕ yahle.

⁴ Tyi duke náhnáh pínó yòbènrɪ kɪ fĕ wɛ, ñte kéne Liyel Mirki núkúni ó ye séle névyele n kô. ⁵ Liyel tãn duke me dò, ñte Tĕ ñgbĕ núkúni tyí ye sé pólle á n pi. ⁶ Tãn pi òkúnó me dò, ñte Liyel núkúni ó ye sé pól pínó tãhkile nénúkù núkú pólle n kô. ⁷ Liyel Mirki ye tir fĕnrɪnɔ yòbènrile nénúkù núkú pólle n kô, no pól tyí pekɪ yĭnne. ⁸ Liyel Mirki níkĕne yòbènrile ñnî kô, à n ne n wɛkɪ yípî sɔkɔ, té kéne Mirki ó ntô yòbènrile ñnî kô, á tyile n pne n yo. ⁹ Kéne Liyel Mirki ó ye tó níkĕne yòbènrile ñnî kô, à n sĕ yĭi Tĕ ñgbĕ yô, kéne Liyel Mirki núkúni n tó yòbènrile ñnî kô, á yámpúle n de n mɔ. ¹⁰ Kĕ yòbènrile ñnî kô, á gbĭl tyile n pi, ñ té yòbènrile ñnî kô, á Liyel tĕntòle n syi n yo. Kĕ yòbènrile ñnî kô, á Liyel Mirki tyípínne n wah n pne sétãn tyí sɔkɔ. Kĕ yòbènrile ñnî kô, á wénkáhkile n wɛkɪ nê-á à náh kè sãh, ñ té yòbènrile ñnî kô, à n fĕ sé yahle n yo. ¹¹ Kéne Liyel Mirki núkúni ó tó vyãh ye sépi pólle. Kĕ tyi fĕnrɪnɔ yòbènrɪ dibi nénúkù núkù pól kô, à yĭne nê-á ké dyɔ.

Yesu yô sĕpú-á tɔkɔ sãh névi wil gbĕnsĕle òkù nĕne

¹² Névi wil gbĕnsĕle, núkú ye kéle. Nte tãntãn me dò ké tyí. Ké tãntãn dò fyé yô, wil gbĕnsĕ núkú ye kéle. Névyé nónó tɔ-á me kwronmɔnɔle Yesu Krista sɔkɔ, sĕ ó ye pépi tɔle. ¹³ Yé náh wɛ di, kè se Nsyifunɔ ò, kè se nónó náh pi Nsyifunɔle ò, kè se yôbɪ ò, kè se gblǒy yô névyé ò, Liyel Mirki núkú mĕ ó gbò yô sɔkɔ ye á pól wĕlnwĭlkínó wɛ, à pi wil gbĕnsĕ núkúle. Kéne Liyel Mirki mĕ ye me á pól sɔkɔ.

¹⁴ Wil gbĕnsĕle, tãntãn me dò ké tyí, fĭ núkú ó náh ké tyí. ¹⁵ Gbáhkì-à sò me ne péwɔ náh fyò pi gbòle, wil gbĕnsĕ tyah yó náh mó péle, képah se náhkɪ kè kô kè náhkɪ gbe wilki wil gbĕnsĕ sɔkɔ? ¹⁶ Níkì-à sò me ne péwɔ náh fyò pi yĭne, wil gbĕnsĕ tyah yó náh mó péle, képah se náhkɪ kè kô kè náhkɪ gbe wilki wil gbĕnsĕ sɔkɔ? ¹⁷ Wil

gběnsê pól-à sò me yíne, kè náhki n nohnı sǒ? Ké pól-à sò me níki, kè náhki pãnne n tɔkɔ sǒ? ¹⁸ Nte Liyel ye wil gběnsê tãntãn pól mɔ ké sɔkɔ, à yíne n̄ dɔɔ dɔɔ tēne. ¹⁹ Wil gběnsê pól-à sò me fí núkú óle, wil gběnsê náh náhki n me n pi. ²⁰ Nte sě náh dé, wil gběnsê, núkú ye kéle, té tãntãnne dò ké tyí. ²¹ Kãh pi sě, yí náh fě n yo n pi gbò tyí ne, ké yétô náh me pé tyí. Yò tɔ náh fě n yo n pi gbyéh tyí ne, sé yétô náh me pé tyí. ²² Nte wil gběnsê tãntãn nónó rítě wɔ-á pyě á kɪ ne sohki kósyi me sé sɔkɔ, yétô me sé tyí. ²³ Wil gběnsê tãntãn nónó-á sè náh me n mɔ n kō n yí, sépi ye pyě à n ne n tǒ n sah n tē. Sé nónó-á sé tyí yónó me senne, à n ne n yah n dah n mɔ yí sépi tyí sɔkɔ, ²⁴ té nónó wɔ-á me palle, à n pyě sépi sah. Wil tãntãn nónó-á á náh me séle n mɔ n kō kwáh yóle, Liyel-á wil gběnsê mɔ, à gbílkínó sah kal sépi yò. ²⁵ Kãh pi sě, wil gběnsê tãntãn náh wēne n we n mɔ. Sé pól me wě tēnó ple dükù núkúle. ²⁶ Ké tyah yó-à me kwónó sɔkɔ, sé téló tɔ n ne n me n kwlo kéle wě tyí. Té gbílkínó-à mó n sah ké tyah yó yò, sé téló tɔ n mó ké nìvìnì pi kéle wě tyí.

²⁷ Nte yé yah kè, yépi ye Krista wil gběnsêle dò. Yé nénúkù núkú pólle, Krista wil gběnsê fí yó ye yéle. ²⁸ Yé náh we di, Liyel me nósýó wilki sah Yesu yò sěpú tĩnkì sɔkɔ pé tyí tyile: Gbenne, à Yesu tēntò névyeh yah wilki. Ní-òle, à Liyel tēntò syínyopu yah wilki. Tǒ-òle, té kwópú yah wilki. Képah náh, gbílnpɪbɪ me syɪ. Té me yámpú fěndenmɔnɔ yòbènrɪle túkù kō, té névyeh yòhnìnɔnɔ yòbènrɪle túkù kō, té névyeh yah tēnó yòbènrɪle túkù kō, té yòbènrɪle túkù kō pè fě wénkáhkinole n weki nónó-á pè náh sè sãh. ²⁹ No pól se yó pi Yesu tēntò névyeh, képah náh pi Liyel tēntò syínyopule, képah náh pi kwópule, képah náh pi gbílnpɪbɪle? ³⁰ Tí, no pól se yó pi yámpú dénɔpule, képah náh pi wénkáhkinó wékípule nónó-á pè náh sè sãh, képah náh pi wénkáhkí nópí yah yópule? ³¹ Kãh pi sě, tir nê fěnpɪnɔ-á kɪ névi yohnı mɔ kal, yé képah yòbènrɪ yah n kō.

Nte mé kɪ tǒ yé wěki wěki yóle nê-á ple kal sé télóle.

13

Wě wró tyínɔnɔle

¹ Nmɔ-à kɪ sǒ névyeh welole n weki, à tahlı yínyò tǔnpɪbɪ welo rítě tyí, té tyínɔnɔ náh me ní sɔkɔ, mé me á kɪ ne ntey yó sǒ mɔ tũ, képah náh pi kěnkěkì yóle. ² Nmɔ-à kɪ sǒ me Liyel tēntò welole n syi n yo, Liyel-à kɪ sǒ me tyi pólle n wěki nónó-á sò me wòbìnsàhnóle, ànê n̄mɔ-à kɪ sǒ me tyi pólle n pne, Liyel yò sēnó-à kɪ sǒ me ní sɔkɔ nê-á ymole n tɔkɔ n yal sé mé-ńtãn sɔkɔ té tyínɔnɔ náh me ní sɔkɔ, kwáh yó náh rine. ³ Nmɔ-à kɪ sǒ ní gbàn yí pól dibi kwéndébé kō ò, n̄mɔ-à kɪ sǒ ní wil gběnsê rítě kō pè suke nyàh sɔkɔ ò, té tyínɔnɔ náh me ní sɔkɔ, kè náh tir yó pekɪ n pi ní tyí.

⁴ Tyínɔnɔ-à me névi nê sɔkɔ, tē tyile n sro, à yòhnìnɔnɔle n pi, à náh yíwilkile n pi, à náh n̄ gblóyne n wěki, à náh n̄ gblóyne n gbilki. ⁵ Tyínɔnɔ-à me névi nê sɔkɔ, tē náh sen tir yó rítēne n pi, à náh n̄ wíl-ńsah óle n yah n kō, à náh n̄ fɔkɔle n vyãh, ànê à náh ney tyile n tē n sah n̄ fɔkɔ. ⁶ Tyínɔnɔ-à me névi nê sɔkɔ, tyíkěkì pínó náh n pi nìvìnì tɪrle n tyí, gbɪ wěkì kóló nìvìnine nne n kō. ⁷ Tyínɔnɔ-à me névi nê sɔkɔ, tē tyi pólle n yò n mɔ. Tyi tyi pól sɔkɔ, à n ne n me sēnóle Liyel yò, n̄ yáh-ńsah náh n tyeh, ànê à n ne n me gbah n tē.

⁸ Yín náh me tyínɔnɔ tyí. Liyel tēntòne syínyonɔ kɪ pɔ tyeh, wénkáhkínó wékínó kɪ pɔ yal mɔ, pnèné tɔ kɪ pɔ tyeh. ⁹ Api pnèné náh dal mɔ, ànê á Liyel tēntòne syínyonɔ tɔ náh dal mɔ. ¹⁰ Nte sé píndalnɔnɔ gbí-à kɪ se Liyel tyí gbí nēne, légbíne sépi nónó-á

sè nãh dal mɔ, sè kɪ tyɛ. ¹¹ Mãh lésõ mɛ wěnpirlɛ gbí nêne, ní wɛkɪ òkù, ànê ní sõno òkù, ànê ní tyi yah òkù pól sò mɛ wěnpir tyí kòlɛ. Ntɛ mãh pɔ wah mɔ, mé wěnpì tyi yal mɔ. ¹² Núkúnúkú, ápi mɛ tyilɛ n yah yirkòò, á kɪ nɛ dwòldyãh ðìròò yó sòko sò á n yah séle. Ntɛ á kɪ pɔ sè wɛ n pi kyòò. Núkúnúkú, ñmɔ pnèno nãh dal mɔ. Ntɛ mé kɪ pɔ sè pĩ sò-á Liyel ñne n pne.

¹³ Núkúnúkú, tyino tónó nópi wɔ ye sépi nãh n tyɛ n pi: Liyel yò sɛnòlɛ, yãh-ńsah tyé-ńkɛne, ànê tyínɔnɔlɛ. Ntɛ nê-á kal sé pólɛ, képah ye tyínɔnɔlɛ.

14

Liyel Mirki-á tyi nóno pínó yòbènrilɛ n kò Yesu yò sɛpú ònkì yohnu n mɔ yinne

¹ Yé gbah n tɛ, yé tyí nɔ wě tyí. Liyel Mirki-á tyi nóno pínó yòbènrilɛ n kò, yé sé to yah n kò, té ké nê wɔ-á Liyel tɛntò syínyonɔlɛ, yé képah wɔ gbah n yah n kò n kal. ² Yé nãh wɛ à, névi nê-à wénkáhkíle n wɛkɪ nê-á à nãh kè sãh, Liyel tyi wòbìnsàhnó ye ñkɛne à n nɛ n yo Liyel Mirki gbò yò, nóno-á névyɛ nãh séle n nohnɪ. Kãh pɪ sɛ, névyɛ tyí nãh tɛ n nɛ n yãh dé, Liyel tyí ye. ³ Ntɛ névi nê wɔ-à Liyel tɛntòlɛ n syi n yo, névyɛ tyí ye tɛ n nɛ n yo n mɔ, ñ yah yúkúnóle péle n kò, ñ té sòréle n mɔ pé sòko, ñ té pé nnɔlɛ n sũ. ⁴ Té nê-à wénkáhkíle n wɛkɪ nê-á à nãh kè sãh, tɛ mɛ ñ gblòy ó yah yúkúnóle n yah n kò. Ntɛ nê-à Liyel tɛntòlɛ n syi n yo, tɛ wɔ mɛ Yesu yò sɛpú ònkì pól yah yúkúnóle n yah n kò.

⁵ Yé pól-à sò mɛ wénkáhkínɔlɛ n wɛkɪ nóno-á yé nãh sè sãh, kè nãhkɪ plɛ ó; ñtɛ yãh kɪ Liyel tɛntòlɛ n syi n yo, képah kɪ nɔ kal ní tyí. Névi nê-à wénkáhkíle n wɛkɪ nê-á à nãh kè sãh, té ké yah nãh tɛ wɛ yo Yesu yò sɛpú ònkì wɛkɪ kè kò kè yah yúkúnóle pé kò, yòre nãh mɛ tɛ sòko à nɔ Liyel tɛntò syínyò-òlɛ.

⁶ N yúnpyé, sò-á mãh ñtyínɔ pɔ yah yé tyí, té wénkáhkíle n wɛkɪ yé tyí, tir nê mɛ kè kɪ pekɪ yé tyí, né kè nãh pɪ tir yóle Liyel ní wɛkɪ mé yo yé syah, képah nãh pɪ pnèno yóle, képah nãh pɪ Liyel tɛntòlɛ mé syi yo yé tyí, képah nãh pɪ kwónó yóle mé yé kò. ⁷ Yé yah yímónìne kè, sò-á yíkile, képah nãh pɪ gbrɛyne; sãh n mónwãhnmɔ-ńkɛne, ney se kɪ fɛ sé yì òkù pĩ? ⁸ Té kèpò nê-á ñkɛne pè n fíbɪ ñ yo névyɛ tyí nɛ pè yuku n sòko mékì fwó-ńsah, képah-à ñtyínɔ fíbínwãhnmɔ-ńkɛne, nê tɛ wɔ kɪ ñ vi mékì fwo yinne? ⁹ Sɛ ó ye, yé nɛnpórí-à wénkáhkínɔ yísyóle n wɛkɪ nóno-á névyɛ nãh mɛ séle n nohnɪ, tyi nóno-á yé n yo, pè kɪ pĩ sò séle? Wékínmíndahnmɔnɔ ye yé kɪ n wɛkɪ n min n dah n mɔ ni sòko. ¹⁰ Welɔ duke mɛ dò kèkòyó, mé nãh sé dan ñtɛne n pne. Ntɛ kór mɛ sé núkú núkú pól tyí. ¹¹ Ntɛ mãh wɛy nêne n òhnì-ńkɛne, ké wékí-ò n pɪ nékãhne ní tyí, ñmɔ to n mó n pɪ nékãhne tɛ tyí. ¹² Képah ye, Liyel Mirki-á tyi nóno pínó yòbènrilɛ n kò, yãh mɛ sépi yãhnkòno sòko yò, sé nóno-á Yesu yò sɛpú ònkìle n yuku yahle, yé sépi nãhnãh yah n kò.

¹³ Kãh pɪ sɛ, nê-à wénkáhkíle n wɛkɪ nê-á à nãh kè sãh, tɛ kè yah n kò Liyel tyí à ké yah yónòlɛ à wɛkɪ. ¹⁴ Yé nãh wɛ di, nírí pínó sòko wãh wénkáhkíle n wɛkɪ nê-á á nãh kè sãh, ñ n pĩ á nɪ sòko nɛ wãh mɛ nírilɛ n pɪ, ñtɛ wɛy nê-á á n wɛkɪ, áwɔ ñtɛ nãh kéle n nohnɪ. ¹⁵ Ntɛ sò mɛ mé yíne mè n pɪ wé? Mé kɪ nírilɛ n pɪ wénkáhkí sòko Liyel Mirki gbò yò, té kɪ kéle n pɪ ní noh noh wɛy to sòko. Mé kɪ yìlɛ n gbɪ wénkáhkí sòko Liyel Mirki gbò yò, té kɪ n gbɪ ní noh noh wɛy to sòko. ¹⁶ Kãh pí-ńkɛne sɛ, té á wɛyne Liyelle n kò wénkáhkí ó sòko, nóno-á mɛ ké sèndìlɛ, pépi kɪ pɪ sò té kɪ yohnu syi yo nɛ Liyel á wɛy mè tɛ, wãh kɪ sò mɛ n tɔ n sah n wɛkɪ Liyel tyí sò ñ pèpɔri pínó

yinne? ¹⁷ A Liyel tyí tǒnsàhnwékunɔ mè-à kɪ sǒ me ple sǒ, kè náh yah yúkúnóle téló kǒ n pi.

¹⁸ Nmɔ n wekɪ Liyel tyí, máh sǒnpíle n wekɪ wénkáhkí sɔkɔ à kal yépi pólle. ¹⁹ Nte máh me Yesu yǒ sǐpú tǐnkɪ wró, máh welo kwló wekɪ nónó-á névyele n kwɔ, képah tyí nɔ n tyí kal welo kèyǒ kwló (10 000) wékínó yǒ wénkáhkí sɔkɔ.

²⁰ N yǔnpyé, yé káh ye yé tyi yah dùkù ne me wǎnpì tyí kǒle. Káh me pèkè pínóle, yé ne me wǎnpì yrǒ tyí kǒle. Nte tyi yah dùkù tǔ wɔ sɔkɔ, yé ne me yèwàhni tyí kǒle.

²¹ Kè me wárkínsàhnóle Liyel wey sǐbéy sɔkɔ ne Tǔ ngbǔ Liyel-á ne níkǔ: «Yìkɪ yó névye ye mé kɪ kǒ pè kɪ yo mɔ no nǒpi tyí wey yó sɔkɔ, nê-á pè náh kéle n nohni. Nte képah fyé yǒ, pè náh fǔ syi n noh n pi n tyí.»* ²² Képah ye, wénkáhkí wékínóle nê-á á náh kè sáh, kè Liyel tǎhkile Yesu yǒ sǔ-ńkǐpúle n wǔkɪ. Nte Yesu yǒ sǐpú yohnɪ n mɔ yǐn náh kéle. Liyel tǔntǔnè welo syínyonɔ wɔle, képah Liyel tǎhkile Yesu yǒ sǐpúle n wǔkɪ. Nte Yesu yǒ sǔ-ńkǐpú yohnɪ n mɔ yǐn náh kéle.

²³ Sǒ-á Yesu yǒ sǐpú tǐnkɪ pól-à nítyínɔ me tuke mɔ, té yé pól núkú tyah wénkáhkínóle n wekɪ à, nónó-á me ké sèndìle, képah náh pi Yesu yǒ sǔ-ńkǐpú yísyó-à pɔ de nǎnpó, pè náh yé pi n pi vǐnpɪbule dí? ²⁴ Nte káh me Liyel tǔntǔnè welole yé pól n syi n yo, névi nê-á me ké sèndyàhle, képah náh pi Yesu yǒ sǔ-ńkǔ névi nê-à de pɔ nǎnpó, yé welo nǒpi pól nónó kɪ à kǒ à kɪ pǐ ne páh pèkè pi, pé tyí-á kah. ²⁵ N fókósɔnɔ wǔbǐntǔnó pól kɪ wilki mɔ kènkwǎh yǒ kwèyy. Képah sɔkɔ, à kɪ kɔ kwǐnki n yah di sètáh kɪ Liyel gbilki, té kɪ n yo ne, kègbɪ tǔ yǒ Liyel-á me yé wró sɔkɔ.

Yesu yǒ sǐpú tǐnkɪ-á yǐne pè ne n pi sǒ pàh wǔ tuke mɔ

²⁶ Sǒ me á yǐne à ne n pi wé, ní yǔnpyé? Yáh tuke mɔ ne yé Liyel ni gbí nêne, ñnɪ kɪ fǔ yìkɪ gbɪ, ñnɪ mó kwónó kǒ, ñnɪ mó Liyel tyi wékínóle n we n yo, ñnɪ mó wénkáhkile n wekɪ, ñnɪ mó wénkáhkí mè yahle n yo. Sépi pól yǐne sè yah yúkúnóle Yesu yǒ sǐpú tǐnkile n kǒ. ²⁷ Nósyó-à me ké tyí ne pé wénkáhkínóle n wekɪ, kè káh kah nǐpǐ ními, képah náh pi tǔmí yǒ. Pè mó wǎne n sykɪ n wekɪ. Té ñnɪ mó ne me, nê-á kɪ fǔ sé yahle n yo. ²⁸ Nte sé yah yó-ò-à mé-ńkǔne, wénkáhkí wékí-ò mè yǐne à n vyǎh vike Yesu yǒ sǐpú tǐnkɪ wró. Tǔ Liyelle n ni n fɔkɔ táh, n gblǔy tyí. ²⁹ Nónó-á Liyel tǔntǔ syínyopule, pépi nǐpǐ ními, képah náh pi tǔmí wɔ yǐne pè wekɪ, téló mó ne n me pé welole n sohlɪ n yah. ³⁰ Nte Liyel-à tir yóle ñnɪ yó wǔkɪ, nê-á sǒ me n wekɪ, ñmɔ yǐne à n vyǎh vike, tǔ mó n tyí yo. ³¹ Yé pól kɪ fǔ Liyel tǔntǔnè welole n syi n yo nénúkù núkúle, nê-á kɪ no pól kǒ pè kɪ kwónó we, ànê sǒré kɪ de pé sɔkɔ. ³²⁻³³ Liyelle, tyífǔ tyí náh nɔ n tyí. Tir tǒnsàhnɔnɔ tyí nɔ n tyí, yèvɪnɪ Liyel ye ñne. Képah ye Liyel tǔntǔnè syínyopu yǐne pè ne me n fyǎh n pne pé gblǔy yǒ.

Sǒ-á kéle Yesu yǒ sǐpú tǐnkínó pól sɔkɔ, ³⁴ wǔ tǔkènmɔnɔnɔ pól sɔkɔ, syó yǐne pè tǔ syísyí. Pè náh yǐne yóndahnɔnɔle wey sɔkɔ. Pè yǐne pè tǔ gblǔy tǐkɪnmɔnɔ sɔkɔ, sǒ-á tyi kǒnsàhnó yo kéle. ³⁵ Pàh me ké tyí ne pé tir yó dùkù pǐ, pé pé pɛbɪ piki yah gbèn sɔkɔ. Ké yah náh sê ne n yo n dah n mɔ wey sɔkɔ Yesu yǒ sǐpú tǐnkɪ sɔkɔ. ³⁶ Liyel wey sǒ se tyah yépi tyí? Yépi ó se noh kéle? ³⁷ Névi nê-à me n sǒ ne Liyel tǔntǔ syínyo-ò-á péle, képah náh pi, Liyel Mirki-á me pé yahle n tǔ, wey nê-á mé n wárkɪ n tekɪ n mɔ yé tyí yò, tǔ yǐne à kè fǔ syi ne Tǔ ngbǔ tir kǒnsàhnó-á kéle. ³⁸ Nte névi nê-à képah mónkǔ-ńkǔne, Liyel náh mó me tǔne n mɔ n kǒ ló.

* **14:21** 14.21 - Yah n te Yesayi 28.11-12.

³⁹ Kàh pɪ sɛ́ ní yúnpyé, yé Liyel tɛ́ntõnè wɛlɔ syínyonɔlɛ n yah n kɔ́, té yé káh wénkáhkí wékínó to yah kɔ́. ⁴⁰ Nte tyi pól yĩne sè ne n pɪ sé yah yõ, ànê sè mó ne n tɔ́ n sah n pɪ.

15

Nìvìnì tir-á nê yo Krista lékó yílkínmɔɔ tyí sɔkɔ

¹ N yúnpyé, mé me ké tyí ne mé yé dyɔ to kɔ́ Nìvìnì tir mè tyíle, nê-á mé yo sɔkɔ yé tyí, kápah nê-á yé kè fɛ́ syi té me ké wɛ̀kìlɛ n kɔ́ n yíí. ² Kápah gbò yõ sɔkɔ, yé kɪ pwáhnmɔɔ wɛ, yáh kɪ n kɔ́ ké wɛ̀kì yõ máh kè yo sɔ́ yé tyí. Kàh kɪ pí-ńkɛ́ne sɛ́, ké yõ sɛ́nó kɪ pɪ yõ kɛ́ne yé tyí.

³ Nmɔ-á kwónó wɛ nê yõ, kápah ñgbò ye mé yé kwɔ ne Liyel ney yáhntɔkɔɔ-á ku ápi tyípɛl yĩnne. Sɛ́ ye kéle wárkínsàhnóle Liyel wey sébéy sɔkɔ. ⁴ Mé tɔ́ kwónóle yé kɔ́ ne wáh yí, té ké sèpìn tɔ́-ò sòle ñ lékó me yilki mɔ. Sɛ́ ye kéle wárkínsàhnóle Liyel wey sébéy sɔkɔ. ⁵ Á ñ gblɔ́yne Pyerɪ wɛ̀kɪ, kápah náh té gblɔ́yne pé népí gbõnimí* wɛ̀kɪ, pépi nónó-á ñ tɛ́ntò névyele. ⁶ Kápah náh, à pɔ́ ñ gblɔ́yne ñ tɔ́ sáhpú népí kyekwé (500) kahnɪ wɛ̀kɪ fí núkú sɔkɔ. Pépi kan me min sɔkɔ kwey nɔ́ yò, té pé túkù wɔ́ ku. ⁷ Kápah náh, té ñ gblɔ́yne Nsyakɪ wɛ̀kɪ, té me ñ gblɔ́yne ñ tɛ́ntò névyele pól wɛ̀kɪ. ⁸ Pépi pól tyí sókóntɛnɔ́ náh, à me ñ gblɔ́yne ñmɔ́ to wɛ̀kɪ, ñmɔ́ nê-á piri kòndal-ńkɛ́ tyí kòle. ⁹ Nmɔ́ ye Yesu tɛ́ntò névyele sɔkɔ tyíí tɛ́ne. Mé náh yĩne yénóle Yesu tɛ́ntò névile, máh sɔ́npíle fòhnó sah ñ yò sɛ́pú fínkì yõ. ¹⁰ Nte máh swɔ́ nê sɔkɔ kweyne yò, Liyel pèpɔ́ri gbò yõ sɔkɔ ye ñne ké sɔkɔ. Pèpɔ́ri nê-á à pɪ ñmɔ́ tyí, kè náh sɔkɔ de ni sɔkɔ. Yé náh wɛ́ di, ñmɔ́ ye tɔ́ pɪ kal á no téló pólle. Nte ñmɔ́ tɛ́ wɔ́ tákì náh n pɪ kéle dé, Liyel-á pèpɔ́ri nê pɪ ní tyí, kápah gbò yõ sɔkɔ ye mé n pɪ kéle. ¹¹ Kápah ye, kè sɔ́ ñmɔ́ ò, kè sɔ́ pépi ò, kɛ́ne Nìvìnì tir mè ó ye á pól me n yo. Kápah yõ ye mó tɔ́ yépi to me sɛ́.

Lékyî pónyilkinmɔɔle

¹² Ápi-á kéle n yo n wah ne ńkɛ́ Krista lékó-á yilki mɔ, sɔ́ me té yé tókù ne lékyî náh n yilki n mɔ́ n pi? ¹³ Lékyî-á kɪ me pɔ́ n yilki n mɔ́ n pi ńkɛ́ne, Krista lékó to náh mó yilki mɔ́ dò. ¹⁴ Té wáh me yílkínmɔ-ńkɛ́ne, ápi Nìvìnì tir yónóle, nònó ye kéle, yépi to Krista yõ sɛ́nóle mó, nònó ye ké tɔle. ¹⁵ Á wil kápah sɔkɔ, kàh sò me gbɪle ne lékyî náh n yilki n mɔ́ n pi, mìnì yónsàhpɪ ye ápi ñtɛ́ne Liyel yõ sɔkɔ, áyáh sɔ́npíle ne wáh Krista lékó yilki mɔ, té à náh se mó tɔ́ kè pɪ. ¹⁶ Lékyî-á kɪ me n yilki n mɔ́ n pi ńkɛ́ne, Krista lékó to náh mó yilki mɔ́ dò. ¹⁷ Té Krista lékó-á kɪ me yílkínmɔ-ńkɛ́ne, yé sɛ́nóle ñ yõ, nònó ye kéle. Yé me sɛ́ yé tyípɛl sɔkɔ. ¹⁸ Té névyele nónó-á sɛ́ Krista yõ té ku, pépi to tyí ye mó ykɪ. ¹⁹ Kàh kɪ me ápi á gbò sah Krista yõ, á min pɪ yĩnne kèkòyó mè tɛ́ ó sɔkɔ, yám pípú ye ále à kal no pólle.

²⁰ Nte gbɪ yõ sɔkɔ, Krista lékó ye yilki mɔ́ gbenne lékyî sɔkɔ, nê-á kéle ále n wɛ̀kɪ n dal n mɔ́ ne névyele nónó tó-á ku sɔkɔ, pé to lékyî-á kɪ pɔ́ yilki mɔ. ²¹ Yé náh wɛ́ di, nénúkù yó yĩn ye névyele pólle kú mɔ́ sɔkɔ yò. Té nénúkù yó to gbò yõ ye névyele pól lékyî kɪ pɔ́ yilki mɔ. ²² Sɔ́-á Adama náh tân pól n ku, sɛ́ ó ye Krista yõ sɛ́pú pól to kɪ tyé-ńkɛ́ min wɛ. ²³ Nte no pól lékyî kɪ yilki mɔ́ syɪ yuku wɛ́ náh, káh yĩne sɔ́. Krista ñgbò lékó ye yilki mɔ. Kápah náh, ñ syɪ n pɔ́ gbíne, nónó-á me ñmɔ́ tyí yõ, pépi to lékyî kɪ yilki mɔ. ²⁴ Kápah náh, tyi tyi pól tye gbí kɪ nɔ. Kápah tɛ́ne, Krista kɪ

* **15:5** 15.5 - Népi gbõnimí nónó tyí-á n yo ásò sɔkɔ yò, yíndyíni ye sò kéle Yesu tɛ́ntò névyele tyí. Páh sɔ́ me tú-ńkɛ́ne, pè péle n ye sɛ́.

με νέvyε fnèpu ànê tǒrínɔ, ànê tǎhkínɔ duke duke pól tyí yíkɪ, té kɪ yǒtǒrí dahbɪ Sú Liyel gbò. ²⁵ Yé náh wε di, Krista yǐne à ne n me tǒrí yǒ, fók kè pɔ n nɔ gbí nê-á Liyel kɪ sépébí pól pɪ Krista gbáhkì súnsàh-̀nsahle.† ²⁶ Kũ ye kɪ pɪ sépe téyne, nê tyí-á kɪ yíkɪ. ²⁷ Liyel yíyìn pól pɪ Krista gbáhkì súnsàh-̀nsahle.‡

Nte kǎh yo sɛ, pè náh ne Liyel tɔ-á dé, òmɔ Liyel nê-á yíyìn pól pɪ Krista gbáhkì súnsàh-̀nsahle. ²⁸ Yíyìn pól-à kɪ pɪ Krista gbáhkì súnsàh-̀nsahle gbí nêne, òmɔ Krista nê-á Pídíne, à kɪ ò gblǒy tiki mɔ Liyel yah, òmɔ nê-á yíyìn pól pɪ Krista gbáhkì súnsàh-̀nsahle. Képah sɔkɔ, Liyel kɪ tǒrí tɔkɔ dal mɔ yíyìn pól yǒ.

²⁹ Nte à, lékyî-à pɔ n yilki n mɔ n pi òkène, névyε nónó-á pé gblǒyne n wel n wilki ni sɔkɔ lékyî yinne, pè se náhki kéle n pɪ? Lékyî tɛ-à me pɔ n yilki n mɔ n pi òkène, sǒ pɪ té pè pé gblǒyne n wel n wilki ni sɔkɔ pépi yinne wé? ³⁰ Té lékyî-à kɪ me n yilki n mɔ n pi òkène, sǒ pɪ té ápile dlo sɔkɔ gbímegbí wé? ³¹ N yúnpyé, sǒ-á kéle gbile ne ní nɪ-á me vínóle yéle Yesu Krista yǒ sɛnó yinne, sɛ to ye kéle gbile ne swǒswǒ pólle máh me kũne n dɔ n yah. ³² Gbɛnképèl nónó-á sǒ me Yefesɪ kwil sɔkɔ, máh mékì fwo séle dùkù nêne nénpó, kǎh sǒ me ne kèkǒyó mè sɔkɔ min pɪ yìn tɛ ó sǒ, yǒre nê me mé náhki wε ké sɔkɔ? Nte kǎh me pɪ ne lékyî tɛ náh pɔ n yilki n mɔ n pi, á ye ne n yǒ à mó ne n wɔ kè, òsòne á kɪ se pɔ n ku n pi té.

³³ Yé kǎh yé gblǒyne n tǒ n mɔ dé, ògbǒ wáh nétúkù pɪ á kó-òle, ǎ á yǒ yíkɪ dé! ³⁴ Mé kéle n yo yé tyí, túkù me yé sɔkɔ, pè náh Liyelle n pne. Nte yé pól sen ye kéle dò. Yé tǒ n tɛ kègbɪ yǒ, yè yèsrey tyile n pɪ kǎh yǐne sǒ, yè mó pèl pínó yal n mɔ.

Lékyî yilkinmɔnɔ wil gbɛnsê dùkùle

³⁵ Nnì kɪ fɛ n piki n yah ne, lékyî se kɪ yilki mɔ sǒ nɪ? Wil gbɛnsê dùkù nê se kɪ me pé tyí nɪ? ³⁶ Lékám kɛ névi! Wáh sèmuɔ pi duku mɔ, kǎh fi, dúkúnmɔnɔ mè ye òkène n ku dò. ³⁷ Wáh òkène nê duku n mɔ, sèmuɔ pi yó ó ye. Kè kɪ fɛ pɪ kwlɔle, képah náh pɪ sèmuɔ kǎhkíle, òkɛ yòhkì tɛ wɔ náh ò n duku mɔ kè n fi dé. ³⁸ Képah náh, Liyel kè kǒ kè n fi n wil yòhkíle à yǐne ò dyo dyo tɛne. Sèmuɔ pye duke pól yèh me sé tyí tyíle.

³⁹ Wil gbɛnsê dùkù núkú náh min sɔkɔ yí pól tyí. Névyε wil gbɛnsê me ké tyíle, gbɛnkɔ tyí me ké tyíle, kèpye tyí me ké tyíle, yɛnkɔ tyí me ké tyíle. ⁴⁰ Yínyǒ yí to me, sétáh yǒ yí me. Nte yínyǒ yí plénó me sé tyíle ànê sétáh yǒ yí tyíle. ⁴¹ Gbí plénó me ké tyíle, òwǒ plénó me ké tyíle, òwǒ kèpye plénó me sé tyíle. Té òwǒ kèpye túkù òtɛ plénó tǒ sé gblǒy sé túkù tyíle. ⁴² Sɛ ye lékyî yilkinmɔnɔ tɔ kɪ pɔ n pɪ n pi. Wil gbɛnsê nê-á kɪ n pyǎh n pi, képah kɪ yí, té kɪ pɔ yilki mɔ pɪ wil gbɛnsêle nê náh tǒ n pyǎh n yah n pi. ⁴³ Kǎh n yí gbí nêne, kè n ne n me kètúkùyò sohki kɛne. Nte kǎh pɔ yilki mɔ, kè n ne n me kètǎr ó, tǎhkíle ké sɔkɔ. ⁴⁴ Kè n yí wil gbɛnsê gbɔyne, òte n pɔ n yilki n mɔ wil gbɛnsê késǎne Liyel Mirki gbò yǒ. Wil gbɛnsê gbɔy me, wil gbɛnsê késǎn tɔ me Liyel Mirki gbò yǒ. ⁴⁵ Yé náh wε di, kè me wǎrkínsàhnóle Liyel wey sébéy sɔkɔ ne òkɛ: «Négben nê-á Adamale, négbɔy ye òmɔle, nê-á min dah mɔ ò sɔkɔ.»§ Nte Adama téy wɔle,* Liyel Mirki me òmɔ sɔkɔ, nê-á minne n kǒ. ⁴⁶ Wil gbɛnsê késǎn nê-á wε Liyel Mirki gbò yǒ, képah náh pɔ gbenne dé, wil gbɛnsê gbɔy ye pɔ gbenne. Képah náh, nê-á wε Liyel Mirki gbò yǒ, képah pyè pɔ. ⁴⁷ Puri ye mɔ Adama gbenne, sétáh névi ye òmɔle. Adama ní-ò wɔle, òmɔ wil yínyǒ. ⁴⁸ Nê-á wil sétáh sɔkɔ, sétáh yǒ névyε me òmɔ tyí kǒle. Nê-á wil yínyǒ, yínyǒ tyínɔ mó me òmɔ

† 15:25 15.25 - Yah n te Gbálnó 110.1. ‡ 15:27 15.27 - Yah n te Gbálnó 8.7. § 15:45 15.45 - Yah n te Yenesɪ 2.7. * 15:45 15.45 - Adama téy nê tyí-á n yo ásò sɔkɔ yò, òmɔ ye Kristale.

tyí kǎle. ⁴⁹ Ayáh pɪ sɛtáh yǒ névi mè kètòle dùkù nêne, sě ó ye á kɪ tǒ pɔ n pɪ n pi yĩnyǒ névi mè tɔ kètòle.

⁵⁰ Yé yah, nê-á mé n yo yé tyí n yũnpyé, kè we yò: Wil gběnsê gbɔy náh fě n de n pi Liyel tǒrí sɔkɔ. Pyãh pyãh kwâh tɔ náh fě tyé-ńkě min we.

⁵¹⁻⁵² Yé yah, mé kɪ tir wǒbìnsàhnó yó yo yé syah: Á pól tě wɔ náh n ku n pi dé. Nte kèpǒ téy-à pɔ fɪbɪ, á pól kɪ viri nénpó swɔ, yí víkényɪkɪnmɔnɔ wró. Kàh fɪbɪ gbí nêne, lékyí kɪ yilki mɔ, té pè náh tǒ n ku n yah n pi. Nte ápi nónó-à me min sɔkɔ, ápi kɪ viri.

⁵³ Pyãh pyãh kwâh yĩne kè vi mɔ pɪ pyáh-ńkě kwâhle. Té ku ku kwâh mó vi mɔ pɪ kú-ńkě kwâhle. ⁵⁴ Nte pyãh pyãh kwâh mè-à pɔ vi mɔ pɪ pyáh-ńkě kwâhle, té ku ku kwâh mè me vi mɔ pɪ kú-ńkě kwâhle, légbíne Liyel wey sébéy sɔkɔ tir wárkínsàhnó mè kɪ wil, nê-á yo ne ńkě: «Kũ tyí ye yɪkɪ. Gbò ye syi ké tyí pnépné.»† ⁵⁵ «Kũ, nýãh me á tẽnwenɔle? Kũ, á kókè mɔ mɔ sòhkɪ nýãh?»‡ ⁵⁶ Névyé tyípékè pínó ye kũ sòhkɪle, tyi kònsàhnó mó tãhkɪle tyípékèle n kǒ. ⁵⁷ Nte á ye wekɪ Liyel tyí, ñmɔ nê-á tẽnwenɔle á kǒ tyi nópi yǒ á Tě ñgbě Yesu Krista gbò yǒ.

⁵⁸ Képah ye n yũnpyé pèplo, yé yé tah n sah yé ne me yínnóle gbáhkɪ núkú yǒ. Yé wãnne n mɔ yé gbáhntěno yǒ Tě ñgbě tǒ pínó sɔkɔ. Yè mó pĩ ne yáh kwlónó nêne n pɪ Tě ñgbě tǒ sɔkɔ, kè náh n pɪ n pi nònóle.

16

Pó mórí nê-á yah kǒ Yesu yǒ sěpú ònkɪ yohnɪ n mɔ yĩnne, nónó-á me Yerusalemɪ kwil

¹ A yuku pó mórí wɔ tyí ònkɪ, nê-á kɪ Yerusalemɪ kwil Yesu yǒ sěpú yohnɪ n mɔ, máh vɪnmɔnɔle Kalasi mara Yesu yǒ sěpú ònkɪnó kǒ ne pè kè pɪ sǒ, yépi tɔ kè pɪ sěntěne. ² Dimansyi sǒnó pólle, nê gbò-à nɔ nêne, à kè wilki n kěkɪ n sah gbòpɔle. Yé káh ñmɔ pónó óle n syɪkɪ pó mórí mónóle. ³ Képah sɔkɔ, máh pɔ pɔ, mé kɪ sébéynó wárkɪ té kɪ sépi ànê pó nópile yé névyé yáhnwɪlkínsàhnó gbò dahbɪ, pè kǒ pè kɪ kyɪ sè kǒ Yerusalemɪ sɔkɔ. ⁴ Kàh kɪ se me nɔ ñmɔ tɔ kyínó tyí, á kɪ wěkɪ pɪ núkúle.

Kóló nónó-á me Pole gbáhkɪ sǒ

⁵ Mé kɪ n pɔ n pi yé ònkɪ. Máh kɪ n pi, mé kɪ sɔkɔ Masedonɪ marale. Képah ye mé kɪ kah té kɪ de yé ònkɪ. ⁶ Máh kɪ pɔ, kè kɪ fě pɪ mé kɪ sèpɪn yísyó pɪ yé tyí. Gbòkénpɪ mé kɪ kwòvɪrɪ gbí pól n̄tě pɪ n pi yé tyí. Képah sɔkɔ, yé kɪ fě yòhnɪnmɔnɔ pɪ n̄ tyí n̄ kǒ mé kɪ yǒ sɔkɔ n̄ kólóle nénpó. ⁷ Kèpàhpíkɪ sɔkɔ, mé náh me ké tyí ne mé n pɔ n yah n sɔkɔ yé tyí yĩnyǒ. Tě ñgbě-à kɪ fě syi, mé kɪ wũ kɪ wô yó pɪ yéle.

⁸⁻⁹ N̄ fwópú sɛnsǒ me dò Yefesɪ kwil sɔkɔ ó, ñte wěkɪ ñgbě yó me we yɪkɪ mɔ n̄ tyí n̄ tǒ we n pɪ yĩnne nénpó. Képah ye, mé kɪ tě nénpó kɪ syi pɔ nɔ Pãntekotɪ syáh syah sǒ tyí.

¹⁰ Timotele, Liyel tǒ ye à n pɪ ñmɔ tyí kǎle. Képah ye wàh kɪ pɔ pɔ yé ònkɪ, yé ñ tẽnó ple tíkɪ kǒ kè káh à tě yé wró sɔkɔ. ¹¹ Nn̄i yó n̄tě káh ñne n yilɔ dé. Ñmɔ me ñne n syɪkɪ ànê n̄ yũnpyé Yesu yǒ sěpúle. Képah ye, wàh kɪ pɔ n yal yé ònkɪ, yé yòhnɪnmɔnɔ pɪ n̄ tyí n̄ kóló yĩnne à kǒ à pɔ n̄ tñò yèvɪnɪ sɔkɔ.

† 15:54 15.54 - Yah n te Yesayi 25.8. ‡ 15:55 15.55 - Yah n te Wose 13.14.

¹² Tě á yǔnpi Apolosi wɔle, mé sò kè yah kɔ̀ n tyí gbáhyí náhnáhle ne à kyí yé tĩnne ànê Yesu yǔ sěpú télólé. Tě à náh sò me ké tyí pólle ne pé kyí yé tĩnne núkúnúkú. Nte wró-à pɔ we n tyí, à kɪ pɔ yé tĩnne sǔ yóle.

Wey syi-nsahle

¹³ Yé káh yé dyo mo n fwo n tẽ. Yé su yĩn gbáhkì núkú yǔ Liyel yǔ sěno soko. Yé yé ni syãh, yé mó yé tah n sah. ¹⁴ Yé tyi pólle n pi tyínɔɔ soko.

¹⁵ N yǔnpyé, Sitefanasi ànê n no ye pi négbrole à pi Yesu yǔ sěpúle Akayi mara soko. Pè tǔ me pé gblǔy kɔ̀ yí me Yesu yǔ sěpúle n yohni n mo. Yé pínó se yó me ké soko té. Képah ye, mé kɪ tǔ kè yah kɔ̀ yé tyí ne, ¹⁶ yé ne n sah sěnkno névye tyí yǔ, à tahlí nóno tɔ-á me tãn nópile n pi péle me n kwlo.

¹⁷ Sitefanasi ànê Fortunatusi, ànê Asyayikusi ménóle nne ásô, kè ní ni vi yí. Pè ye me pɔ yé swo tɔko. ¹⁸ Pè nmo ni de à tahlí yépi tɔ tyí tyí. Yé yĩne yé fě sěnkno névye yígbíle n yo.

¹⁹ Asi mara Yesu yǔ sěpú tĩnkínó n wekɪ yé tyí. Akilasɪ ànê Prisili à tahlí Yesu yǔ sěpú nóno-á Liyelle n ni n pɔ Akilasɪpi gbô, pé pól n wekɪ yé tyí Tě ngebě yĩnne. ²⁰ Yé yǔnpyé Yesu yǔ sěpú nóno pól-á me nne ásô, pé pól n wekɪ yé tyí.

Yé pól wekɪ wě tyí tyínɔɔ wey pèpeyne.

²¹ Yé yah, nê-á mé n wãrkɪ n tekɪ n mo yé tyí ní gbôle, kè we yò: Nmo Pole n wekɪ yé tyí.

²² Tě ngebě Yesu tyí-à nó-nkēne névi nê tyí, mé me ké tyí ne tẽ tyí ykɪ.

Maranata. [Pàh ne Maranata-á, ké kór ye: Tě ngebě, pɔ!]

²³ Mé me ké tyí ne Tě ngebě Yesu yòbènoɪ pi yé tyí!

²⁴ Yé pól tyí no ní tyí Tě ngebě Yesu Krista yĩnne.

Pole sɛ́bɛ́y ní-ò tɛ́kínmɔ̀nɔ̀lɛ Korēnti tãn tyí Tyàh-̀nsah wɛ̀ynɛ

Wey kɔ̀nóle

¹ Nmo Pole nê-á Yesu Krista tɛ̀ntò névile à yĩne Liyel dyo yíí tɛ̀ne, nmo ànê á yĩnpi Timote ye n tekɩ n mo sɛ́bɛ́yne Yesu yò sɛ́pú tĩnkì tyí Korēnti kwil sɔ̀kɔ, ànê Yesu yò sɛ́pú pól tyí nónó-á me Akayi mara pól sɔ̀kɔ. ² A kéle n yah n kɔ̀ Sú Liyel ànê Tɛ̀ ñgbɛ́ Yesu Krista tyí ne, pè yòbè̀nɔ̀ri ànê yè̀vinɩne yé kɔ̀.

Pè̀pɔ̀ri pínó wey kɔ̀nóle

³ Mé n wɛ̀kɩ Liyel tyí, ñmo nê-á ápi Tɛ̀ ñgbɛ́ Yesu Krista Súle. Nmo ye Súle nê-á névye yã̀mne n yah. Névyɛ nno dé-ò Liyel ye ñne. ⁴ Nmo ye ápi nno dé-òle á yè̀kwɔ̀ri tyino pól sɔ̀kɔ, sɔ̀nko nónó pól-á me yè̀kwɔ̀ri sɔ̀kɔ, ápi to fɛ́ pé nno de sɔ̀-á à ápi nno de. ⁵ Áyáh me yè̀vyã̀hrɩle n gbah n we n yuku sɔ̀ Krista tyí kɔ̀le, sɛ́ ye Krista to mó me á nnole n gbah n de n yuku sɛ́. ⁶ Áyáh yè̀vyã̀hrɩle n pi, yépi nno de yĩn ye ànê yé pwáhnmɔ̀nɔ̀ yĩnne. Á nno-à de, sɔ̀ré mo yĩn ye yé sɔ̀kɔ sɔ̀nko yépi to fɛ́ yè̀vyã̀hrɩle n sro ápi-á nónó ò̀kù sro sɔ̀kɔ. ⁷ Ápi yáh-̀nsah náh me tyénóle à yuku yépi tyí tĩnne. Á pĩ ne sɔ̀-á yé yè̀vyã̀hrɩle n pi ále wɛ́ tyí, sɛ́-á yé nno to kɩ n de n pi ále wɛ́ tyí.

⁸ Á yĩnpyé, áyáh yè̀vyã̀hrɩ nê we Asi mara sɔ̀kɔ, á náh me ké tyí ne yépi tɛ́ ké yí̀tũri sɔ̀kɔ. Kéne yè̀vyã̀hrɩ mè kã̀n pi ápile à pɔ̀ kah mo á yáh-̀nsah kɔ̀ kè tyɛ, fóó á sò me n sò ne kã̀n kɩ á yò yí.

⁹ Á sɛ́nyĩnɔ̀ sò me ké yò ne tir yó náh á kúnó ò̀kù ku n pi. Képah ye á me á sòno toko to á gblóy yò, té kè sah Liyel yò ñmo nê-á lékyíle n yilki n mo. ¹⁰ Nmo ye ápi pwah mo kũ mè ò̀kù gbò. À kɩ tɔ̀ á pwah n mo n pi. Á gbò sàhnó me ñ yò ne, wãh kɩ á pwah n mo n pi nítɔ̀. ¹¹ Sónmɔ̀nɔ̀ ye yépi to me n so mo á tyí yáh níríle n pi á tyí. Kãh pi sɛ́, á kɩ pè̀pɔ̀ri we Liyel tyí nékwĩnkí nírí pínó gbò yò. Té névye náhnáh to kɩ we wɛ̀kɩ ñ tyí ápi yĩnne.

Pole vɩ̀nmɔ̀nɔ̀ dah mo ñ kóló tyí sɔ̀kɔ

¹² Ápi ñv̀nì yò-á nêne, kè we yò: Á kè pĩ á sòno sɔ̀kɔ ne áyáh me á fɔ̀kɔ dal no pólle yã̀ryã̀r pí-̀nkɛ̀ne, ñte áyáh me sɛ̀ntɛ̀ne n pi n kal yépi wo tyí. Liyel yòhnɩnmɔ̀nɔ̀ gbò yò ye á kɔ̀ á tɛ́ we képah pi, névi lékãm gbò yò náh. ¹³ Ápi to náh kwãh yó wã̀rkɩ tekɩ mo yé tyí nê-á yé kar té ké kór pĩ kwɩ. N sɛ́nyĩnɔ̀ me ké yò ne, yáh kɩ fɛ́ ñyɔ̀ to kar kɩ ké kór pĩ yíí. ¹⁴ Yé me tyi nópi ò̀kùle n pne kwéy. Tɛ̀ ñgbɛ́ Yesu syɩ n pɔ̀ sòle, yé yò kɩ yò ápi yĩnne, ápi to yò kɩ mó yò yépi yĩnne. ¹⁵ N sɛ́nyĩnɔ̀ sò me képah yò, képah ye mé ne mé pɔ̀ yépi ñgbò tĩnne kè kɔ̀ kè pi yòbè̀nɔ̀ri ke ní-òle yé tyí. ¹⁶ Nmo sò me ké tyí ne máh kɩ n sɔ̀kɔ Masedonɩ mara sɔ̀kɔ, mé n pɔ̀ n wil n sɔ̀kɔ yé tyí. Té máh kɩ ní syɩ, mé n pɔ̀ n wil yé tyí nítɔ̀ yé kɔ̀ yé ní yohnɩ n mo mé we n yò n sɔ̀kɔ ní kólóle Nsyude mara sɔ̀kɔ. ¹⁷ Nte kãh pɔ̀ pi mé náh tɛ́ we pɔ̀ yé tĩnne, képah se n wɛ̀kɩ ne máh me tyile n yah n toko n dah n mo sɛ́? Képah náh pi, máh me tyile n yah n toko ní yah yĩne; máh ne àwe-á, dò mè n tɔ̀ ne ɔ̀-á? ¹⁸ Liyel ye ní tàrfyòle ne áyáh wey nê yo yé tyí, kɔ̀nvɩ̀nwɛ̀kɩnɔ̀ náh kéle. ¹⁹ Nmo, ànê Silasɩ, ànê Timote-á Liyel Pídí Yesu Krista wey nêne n yo yé tyí, kɔ̀nvɩ̀nwɛ̀kɩnɔ̀ wey náh kéle dé, gbɩ kókó ye kéle. ²⁰ Yé náh we di, ñmo gbò yò ye Liyel vyãh kɔ̀nó tyi pól yĩne n tɛ́. Nmo gbò yò ye tɔ̀ ápi amiinale n yo à gbílkinóle n sah Liyel yò. ²¹ Liyel ye kɔ̀ ápi ànê yépile tàhkìle á

wró kwrónmɔnɔ gbõ yõ Kristale. Nmo ye wilki sah ále ñ tyí yõ. ²² Á á pɔkɔ mɔ à á pɪ ñ tyíle. Té ñ Mirki dah mɔ á sɔkɔ nê gbõ yõ-á á pĩ ne, wãh ñ vyãhle á kã yĩ nónó tyí sɔkɔ, áyáh kɪ sè we n pi. ²³ Liyel ye ñ tãrfyðle, máh kɪ me mìnì yo mè n ku. Yé yõ wilki yĩn ye tir sɔkɔ ñ kã mé náh ñ syɪ pɔ Korēnti kwil sɔkɔ. ²⁴ Á náh me n yah n kã ne á tir yó kãhlɪ n sah yé yõ à yuku yé Liyel yõ sě́nó tyí tĩnne dé. Yòhnìnɔnɔ ye á n yohnɪ n mɔ yéle sɔnko ñìvìnì we yé sɔkɔ, yáh sɔnpíle me yé tah sah Liyel yõ sě́nó sɔkɔ.

2

¹ Nmo kè yah ñ gblõy ne yõ náh me ké tyí mé n syɪ n pɔ yé tĩnne mé pɔ yèkwɔrɪ yɔrɪ mɔ yé yõ ñtõ. ² Nmo-à kɪ yèkwɔrɪ mɔ yépi sɔkɔ, nê kɪ pɪ ñmɔ ñìvìnì yõle, né yépi náh máh yèkwɔrɪ mɔ yépi nónó sɔkɔ? ³ Mé sébéy mè wãrkɪ tɛkɪ mɔ yé tyí, sɔnko mé káh pɔ yé tĩnne yé túkù kã pè yèkwɔrɪ mɔ ñ sɔkɔ, pépi nónó-á sò yĩne ñìvìnì mónóle ñ sɔkɔ. Mé kè pĩ yĩ ne, mäh me ñìvìnì sɔkɔ, kè n pɪ ñìvìnìne yépi tɔ tyí. ⁴ Nmo-á sébéy mène n wãrkɪ gbí nêne, ñ nɪ sò me yíkinóle, ñ lékãm sò me vye fěki té yéti me n kah n kwe. Yèkwɔrɪ náh sò mé n yah n kã mó-ńsahle yé sɔkɔ dé, mé sò me ké tyí ne yé pĩ, yé tyí-á me nɔ ñ tyí à kyɪ syɪ ñyãh tyí.

⁵ Yèkwɔrɪ-à we ñnì yó gbõ yõ, ñmɔ tyí náh tẽ pɪ dé, yé pól yõ ye tẽ yɔrɪ mɔ kéle. Nte áyáh ne á káh kè yo n kah mɔ, á kɪ ne yé pól yõ-á tẽ yɔrɪ mɔ kéle. ⁶ Kéne tẽ tẽne, tówû-á kɪ lékãh nêne à kã, képah kɪ yĩne ñne. ⁷ Képah ye, yé yĩne yé yõ mɔ tẽ kã yè mó ñ nɪ de, sɔnko yèkwɔrɪ káh pɔ ñ yáh-ńsah tye n kah mɔ.

⁸ Mé kéle n yah n kã yé tyí tɔle ne, yé kéle tẽ wěkɪ ne ñ tyí-á me nɔ yé tyí. ⁹ Máh sébéy mène n wãrkɪ n tɛkɪ n mɔ yé tyí yõ nê yõ tɔle, mé sò me ké tyí ne mé yé gbɪ yah, yáh kɪ me n sah ñ yóré yõ tyi tyi pól sɔkɔ. ¹⁰ Yáh yõ mɔ névi nê kã, ñmɔ tɔ kɪ yõ mɔ tẽ kã. Té yáh we mé yõ mɔ ñnì kã, yépi yĩn ye mè n pɪ kéle Krista yah sɔkɔ. ¹¹ Képah sɔkɔ, sétãn yõtẽ náh syõ-ńsah we à tẽ we n pi á tyí. Á pól ñ yah mó-ńsahle n pne dò.

Pole sɔnɔ fěkinóle Tite tyí sɔkɔ

¹² Máh yĩni tẽ Turasɪ mara sɔkɔ Yesu Krista ñìvìnì tir yó-ńsah, mé kè we Liyel ké wěkɪ ykɪ mɔ ñ kã palle. ¹³ Nte mé náh ñ yũnpi Tite we nénpó sɔkɔ. Káh pɪ sě, ñ sɔnɔ náh sò me tẽnóle fí núkú sɔkɔ. Képah ye, mé me wěkɪ ni nénpó tãn tyí, té sɔkɔ Masedonɪ mara sɔkɔ.

Těnwɛnɔ nê-á n we Yesu Krista gbõ yõ

¹⁴ Gbílkinó ne n sah Liyel yõ, ñmɔ nê-á á pɪ tẽnwɛpule á wró kwrónmɔnɔ gbõ yõ Kristale. Á á kã á Krista ñìvìnì n yo n tõ n mɔ n kã tãntãn pól sɔkɔ, sã-á làsèkwěl pãn n tõ n mɔ tyah pól sɔkɔ. ¹⁵ Ápi pɪ làsèkwěl pãn pènèkɪ tyí kòle Liyel tyí, á wró kwrónmɔnɔ gbõ Kristale. Névyé nónó-á pwáhnɔnɔ wěkɪ yõ, ànê nónó-á me tyí yíkinó wěkɪ yõ, pãn mè me n yĩni n tẽ pé pól tyí. ¹⁶ Túkù tyí, á me n pō kětukùyô nê-á n pɔ n pɔ kũne. Túkù tyí mó, á me n pō palle nê-á n pɔ n pɔ minne. Nte nê tẽ wɔ kɪ fě képah pɪ wé? ¹⁷ Névyé náhnáh me Liyel wey tɔkɔ gbòle n yĩ. Ápi tẽ wɔ náh me pépi tyí kòle. Liyel ye tō ápile, képah ye á me á fɔkɔ dal mɔ ñ weyne n yo ñ yah sɔkɔ, á wró kwrónmɔnɔ gbõ yõ Kristale.

3

¹ Ápi se tõ yĩne á gblõy ñìvìnì yónóle yé tyí? Képah náh pɪ, á se yĩne à sébéy yó wãrkɪ yé kã à á gblõy ñìvìnì yo yé syah, sã-á túkù kéle n pɪ? Tĩ, yépi se kɪ wãrkɪ á kã sébéyne, nê sɔkɔ-á yé kɪ me ápi ñìvìnì yo? ² Yépi ye ápi sébéy mène. Kè me wãrkínóle

á nno soko. No pól kéle n pne, té kéle n kar n pne. ³ Kè me píkinóle ne yépi-á sébéy mēne, nê soko welo-á Krista á kō á wārku. Wārkinó mēne, min nētē Liyel Mirki gbō ný ye, wārku wārku kwâh ný náh. Dyêh fábkó fábkó yō soko náh kéle wārkinóle dé, névye nno soko ye.

⁴ Krista gbō yō ye á sēnyīno me kéne welo yō Liyel yah soko. ⁵ Ápi-á tyi nónóne n pi yō, á yēngbē tēnweno náh á fē n pi séle dé, Liyel kōnó ye. ⁶ Nmo ye á kō tēnweno á fē yégbékè kwrónmōno kēsān tyile névyele n kwō. Kéne yégbékè kwrónmōno náh n wil tyi kōnsàhnó wārkinsàhnó soko dé, Liyel Mirki tō vyāh ye kéle. Yé náh we di, tyi kōnsàhnó nê-á wārkinsàhnóle, képah n pō n pō tyí yíkinóle. Nte Liyel Mirki wō minne n kō. ⁷ Tyi kōnsàhnó wō nê-á n pō n pō tyí yíkinóle, ké wārkinmōno gbīne dyêh fábkó fábkónó yō, Liyel tōrí sō me tiki pō Moyisi yèpō kō kè n tē, fóó Yisrayel no náh sō me fē n yah n dah n mō n yah soko. Té kéne tōrí náh mo pólle. ⁸ Nte Liyel Mirki tē wō-á tō nēne n pi, képah náh Liyel tōrí wēku n kal n pi di? ⁹ Tyi kōnsàhnó wāl kónó nê-á n pō n pō tyí yíkinóle, gbílkinó-à we képah tyí soko, gbí wēkì kónó wō se pyē. ¹⁰ Á kú fē yo ntēne ne tōrí nê-á sō me gben tēne, núkúnúkú tyí-á képah toko yō. ¹¹ Gbílkinó-à me sah mó-ńkē kwâh yō, mo mo tyí wō se pyē.

¹² Á gbō sàhnyīno me képah yō, képah ye á nɪ me yīnnóle. ¹³ Ápi náh me pi Moyisi tyí kōle, nê-á sō fwo vike tū n yah soko sōnko Yisrayel no káh n yèpō tēnó yal n mo gbí pī, képah nê-á sō mo mo tyí náh kéle. ¹⁴ Nte pè me sē fēntū soko. À pō nō kwey tyí, pàh tyi kōnsàhnó kedyâhle n kar, kéne fwo mè n ne n me fókóntütēnóle pé yah soko. Kè náh toko to pé yah. Né nê náh n wró kwō mō Kristale, kè náh n toko n to tē yah. ¹⁵ Gbí yō à pō syi kwey tyí, pàh Moyisi tyi kōnsàhnóle n kar, fwo mè n ne n me pé lékām yah foko n tū n sah. ¹⁶ Nte nê wō-à sē Tē ñgbē yō, fwo mè n toko n to tē yah soko. ¹⁷ Tē ñgbē nê tyí-á n yo ásō, Liyel Mirki ye. Nte Liyel Mirki-à me nýāh soko, névye n ne me pé gblōy yō nénpó. ¹⁸ Fwo náh me víkéntūnole ápi tē wō yah. Á dùkù me Tē ñgbē tōríle n wēku. Á vi mō pi Tē ñgbē tyí kōle. Wān me n mō n yuku á tōrí yō. Tē ñgbē tō vyāh ye képahle, nmo nê-á Mirkile.

4

Pole ànê pé no-á fōhnó nónó we

¹ Liyel ye ápi yām yah té tō mè dahbi á gbō, képah ye á kéle n pi wílúnì kēne. ² Sen tyi nónó-á névye n ne n wōbi n pi, ápi sépi we ye. Á me á tyile n pi yīnvì kēne, á náh me Liyel wey kórlé n vi n mō pólle. Gbí ye ápi me n yo tótó, sōnko névye pól sē á yō Liyel yah soko. ³ Nte ápi-á Nìvìnì tir nēne n yo, képah-à kú tō mé-ńkēne kyòo, tyí yíkípú tyí ye kè náh me kyòo. ⁴ Sétān yōtē nê-á kèkōyō mè tōle, nmo ye fēntū mō pé yah. Á kàh-nsah tū pé tyí, sōnko Nìvìnì tir-á Krista tōrí kyòo nēne n wēku, pè káh fē képah we. Té Liyel kètò ye mó tō Kristale. ⁵ Ápi gblōy tyí náh á n yo n kō dé, Yesu Krista tyí ye á n yo n kō ne nmo-á Tē ñgbēne. Ápi tē wō pi tōnpibile yé tyí Yesu Krista yīnne. ⁶ Yé náh we di, Liyel nê-á yo ne ńkē kyòo mō fēntū soko, nmo ye kō mō kyòole ápi nno soko, sōnko névye n tōrí we nê-á me n tē Krista yèpō soko. ⁷ Kéne tahrì mè ye ápi kō, ápi nónó-á sohki kēne á soko puri pín tyí kōle, sōnko névye pī ne ńkē tēnweno ñgbē mè náh wil ápi tyí, káh wil Liyel tyí. ⁸ Fōhnó me n sah ápi yō yey yey pólle, nte á náh me tē kwlo. Á lékām me vye fēku, nte á yáh-nsah náh tye. ⁹ Pè me kō á náh à ále n fōh, nte Liyel náh n náh vi á kō. Pè á mī min, nte á náh ku. ¹⁰ Yesu-á fōhnó we à ku dùkù nēne, képah ye me ápile n we sōmesō. Képah ye kú névye kō pè kú pī ne áyáh me á min soko nmo gbō yō. ¹¹ Né ápi náh ku, gbíme gbí á kú me kūne n do n yah Yesu yīnne. Á wil gbēsē nê-á mó sohki kēne, kè kú min we nmo

gbõ yõ. ¹² Kãh pɪ sɛ̃, ápi me wẽ sɔkɔ kũne, yépi mó me tyé-ńkẽ minne n we. ¹³ Kè me wãrkínsàhnóle Liyel wey sébéy sɔkɔ ne ńkẽ: «Mé sɛ̃ Liyel yõ, képah ye ní kõ mé ñ weyne n yo.» Sɛ̃ ye ápi tɔ sɛ̃ ñ yõ, képah ye á kõ á ñ weyne n yo. ¹⁴ Yé náh we di, á pĩ ne Liyel nê-á yilki mɔ Tɛ̃ ñgbẽ Yesu lékóle, wãh kɪ ápi tɔ lékyî yilki mɔ, té kɪ kyɪ ápi ànê yépi sah ñ tnô. ¹⁵ Yépi yĩn ye tyi nópi pól ápile n we. Té képah sɔkɔ ye mó Liyel kɪ yõbènrɪ náhnáh pɪ névye tyí, sɔnko pè ne n wekɪ ñ tyí, pè mó ñne n gbilki.

Káh n ye á wil ku, nɔlɪ dò me ñ syikɪ tɛ̃

¹⁶ Képah ye kè náh me wíl kúnine ápi tyí pólle. Á wil gběnsê tyí-à kɪ sɔ me n yɪkɪ n yuku, á min tɛ̃ wɔ me n gbah n pɪ n yuku sãnne sɔmesɔ. ¹⁷ Yé náh we di, mó-ńkẽ yèvyãhrɪ kwéy nê-á ápi yõ núkúnúkú yò, képah náh me sãh yah yah tɛ̃ne tyé-ńkẽ yõ yõnó nê-á á kɪ pɔ n we n pi képah tyí sɔwãh. ¹⁸ Yĩ-á yĩ nónóne n we n pne, sépi náh ápi me n yah n kɔ. Kè náh yĩ nónóne n we n pne, sépi ye á me n yah n kɔ. Yĩ-á n tɛ̃ n pne yĩ nónó yõ, sépi náh n mo. Nte kè náh n tɛ̃ n pne nónó yõ, sépi n ne n me tyétyéní kɛ̃ne.

5

¹ Wil gběnsê nê-á ápi min tɛ̃-nsahle sétáh mè yõ sɔkɔ yò, ké tyí-à pɔ yɪkɪ, Liyel kɪ min tɛ̃-nsah yó yah á kɔ yĩnyò, nê-á kɪ me kũmm yõ sɔkɔ. Kéne tɛ̃-nsah mène, névi gběnpɪnɪ náh kéle. ² Nte núkúnúkú, ké sɔkɔ de dékè me á kah tɛ̃, képah ye á me n gbĩ ké yĩnne. ³ Ayáh kɪ we de ké sɔkɔ, á wil títí náh tɔ n we n pi. ⁴ Wô nê pól-á á min kɪ n pɪ n pi sétáh mè yõ sɔkɔ, á kɪ me gbĩnó sɔkɔ tókópékè sɔ á yõ. Min tɛ̃-nsah nê-á á tyí sétáh mè yõ, kè náh me á kɪ ne á sɔ me ké tyí yíkí-nsahle n yah n kɔ dé. Yíkí-ńkẽ min tɛ̃-nsah nê-á Liyel kɪ á kɔ n pi yĩnyò, á me ké tyí ne képah pɔ yɪkɪ yɪkɪ tyí mè swɔ tɔkɔ. ⁵ Liyel ye sépi pól yah sah ápi yĩnne. Pèpɔrɪ nónó-á à kɪ n pɪ n pi á tyí, ñ Mirki ñgbò ye à tekɪ mɔ á kɔ sé sɔkɔ. ⁶ Képah ye, á sɛ̃nyĩnɔ me ké yõ gbĩmegbĩ ne á min tɛ̃-à kɪ fyò tɛ̃ á wil gběnsê mè tɛ̃ sɔkɔ, á wró-á me dónóle Tɛ̃ ñgbẽne. ⁷ N yõ sɛ̃nó gbõ yõ ye á me n yuku yahle, ñ wénó gbõ yõ náh. ⁸ Á sɛ̃nyĩnɔ me ké yõ, képah ye á me ké tyí ne á min yal wil gběnsê mè sɔkɔ, kè kyɪ n tɛ̃ Tɛ̃ ñgbẽ tnô. ⁹ Nte kãh kɪ se we wil ò; kãh kɪ se we wil-ńkẽne ò; áyáh pɪ sɔ té á tyí n nɔ n pi Tɛ̃ ñgbẽ tyí, képah ye á me n yah n kɔ. ¹⁰ Yé náh we di, á pól yĩne Krista á tuke. Képah sɔkɔ, nê-à kɪ me pèpey pɪ kèkõyò mè sɔkɔ, à kɪ à dyah kéle. Nê-à kɪ mó me pèkè pɪ, à kɪ à dyah kéle.

Ápi wró kwrɔ mɔ Liyelle Krista gbõ yõ

¹¹ Kwãh nê-á Tɛ̃ ñgbẽ yah tíkí pínóle, ápi kéle n pne. Képah ye, á me n yah n kɔ ne á névye sɔnɔ vi mɔ pè ñ yah tíkile n pɪ. Ápi fí yó ntɛ̃ náh me Liyel pu. Té nímɔ sɔnɔ sɔkɔ, yépi tɔ api pĩ yĩ. ¹² Á gblõy òkù náh tɔ á n yo yéle n syah, ñte syõ-nsah ye á yéle n kɔ yè fɛ̃ yé gblõyne n gbilki ápi yĩnne. Képah sɔkɔ, wényo-nsah kɪ we yé tyí yĩ yah pípú tyí. ¹³ Ápi yõgbèl-à kɪ sɔ me yuku, Liyel yĩn ye. Nte á yah-à kɪ se mó me gbréy, yépi yĩn ye. ¹⁴ Krista tyínɔnɔ ye yah syi ápi tyí, ápi nónó-á pĩ ne nénúkú-á ku no pól swɔ sɔkɔ. Kãh pɪ sɛ̃, kè me á kɪ ne no pól tɔ sɔ ku. ¹⁵ À ku no pól yĩnne sɔnko nónó-á me min sɔkɔ, pè káh pé minne n pɪ pé gblõy yĩnne, nê-á ku té ñ lékó yilki mɔ, pè kéle n pɪ ñmɔ yĩnne. ¹⁶ Kãh pɪ sɛ̃, núkúnúkú tɛ̃ne á náh tɔ ñnî yó ntɛ̃ yah n pi à yĩne névi yòtàhsyi yáhnóle. Áyãh sɔ sò me Kristale n yah sɛ̃, núkúnúkú á náh tɔ me ñne n yah sɛ̃. ¹⁷ Névi nê wró-à me kwrónmɔnɔle Kristale, tɛ̃ nɪ n vi n mɔ. Á ñ pɪ òkù kedyãh fɪn n mɔ, ñ té pɪ òkù kèsãn tɔkɔ. ¹⁸ Liyel tɔ vyãh ye sépi pólle, ñmɔ nê-á ápi wró kwrɔ mɔ ñne Krista gbõ yõ, té me wró kwrónmɔnɔ tɔ dahbɪ ápi gbõ. ¹⁹ Yé náh we di, Liyel náh kèkõyò névye tyípél mɔ kɔ, à syõ Krista tyí à pé wró kwrɔ mɔ ñne, té me wró kwrónmɔnɔ tyí yónó dahbɪ ápi gbõ ne, á névye wróle

n kwɔɔ n mɔ pɛwɔɔɛ. ²⁰ Krista yĩn yõ ye ápi me n wɛkɪ. Kè me á kɪ ne Liyel sɔɔ n yo n mɔ névye tyí ápi gbõ yõ. Képah ye á kéle n yah n kɔ́ yé tyí Krista yĩn yõ ne, yé yé wró kwɔɔ n mɔ Liyelle. ²¹ Krista nê-á à náh tyípékè pɪ yah, Liyel ñmɔ twah mɔ ápi tyípèlle, sɔ́nko ñmɔ gbõ yõ, ápi to pɪ yályál Liyel yah sɔ́ko.

6

¹ Ápi-á pɪ Liyel tõ pɪ mùne sɛ́, képah ye á kéle n yah n kɔ́ yé tyí ne wãh yõbènrɔ́ nê pɪ yé tyí, yé káh ye kè pɪ yõ kɛ́ne. ² Yé náh wɛ di, Liyel ne ñkɛ́:

«Tyah-á sɔ́ me palle gbí nêne, mé á nírí tɛ́.

Pwáhnmɔɔ sɔ́le, mé ñ yohnɪ mɔ.

Tyah pɛpɛy gbí mè ye núkúnúkú yò.

Yah, pwáhnmɔɔ yòh ye kwɛyne.»*

³ Á náh me ké tyí ne á ñnî yó ñtɛ́ yõ yɪkɪ, ñnî kɔ́ à pɔ́ wényo-ńsah wɛ á tõ tyí sɔ́ko. ⁴ Nte tyi tyi pól sɔ́ko, ápi me á gblɔ́yne n wɛkɪ Liyel tɔ́nrɪbɪ kègblɔ́le. Á me gbah tɛ́ yèvyãhrɪ, ànê yèkwɔ́rɪ, ànê tíkí kèpékèle n sro náhnáh. ⁵ Á ko syi, té wòkònrèkè pɪ. Pè névye mɔ á yõ, té á mɔ tãn pèl pínó sɔ́ko. Á náh me n wɛ n dɔ́, yòke to náh me n wɛ n yõ. ⁶ Á me tɔ́le n pɪ Liyel tyí fòkòle píkínòle ànê á lékãm pólle. Á me tyile n sro me pèpɔ́rɔ́le n pɪ Liyel Mirki gbõ yõ. Tyínɔ́nɔ́ yèsyìkì me á sɔ́ko, ⁷ ànê gbɪ welɔ́ ye á me n yo Liyel tãhkì gbõ yõ. Gbɪ wɛkì kóló ye ápi pɪ á méfwó yíle à á sépébíle n fwo, té á gblɔ́y yòle n syɪkɪ. ⁸ Névyè á dɔ́ko n mɔ, képah náh pɪ pé á kò fɛ́. Pé á yígbíle n yo, képah náh pɪ pé á yípolle n yo. Pé ále n pɪ mìnɔyobelɛ, té gbɔ́ yópú ye mó tɔ́ ále. ⁹ Pé ále n pɪ pé kósyì á pɪ, té pè mó tɔ́ ále n pne kyó. Pé ále n pɪ lékyí sɔ́ ále té vye ye mó tɔ́ ále. Pé fòhnóle n sah á yõ, té pè náh ále n ko n mɔ. ¹⁰ Pé yèkwɔ́rɪ tyile n pɪ á tyí, té gbímegbí à n ne me ñìvìnì sɔ́ko. Pé ále n tɔ́ko n pɪ yãm tãne, té á mó tɔ́ me névye náhnáhle n pɪ tahbɪle. Pé ále n pɪ kwáh kèpúle, té yíyìn pól mó tɔ́ me á tyí.

¹¹ Korēnti tãn, gbɪ ye ápi n yo yé tyí. Á á fòkò dal mɔ yéle. ¹² Ápi náh á fòkò kwĩnki yéle. Yépi ye yé fòkò kwĩnki ápile. ¹³ Sú-á ñkɛ́ne tyile n yo ñ wɛnpɪ tyí sɔ́, sɛ́ ye mé me n yo tyile yé tyí. Yé yĩne yè kè pɪ á tyí, yépi to mó yé fòkò dal n mɔ yĩ ále.

Kyòò ànê fɛ́ntũ náh fɛ́ n kwɔɔ n mɔ

¹⁴ Yé káh ne n pɪ n soh Yesu yõ sɛ́-ńkèpúle tir yó ñtɛ́ sɔ́ko. Gbɪ wɛkì kóló ànê tyítúkúnì pínó náh me wɛkì núkú yõ. Kyòò ànê fɛ́ntũ náh fɛ́ n kwɔɔ n mɔ. ¹⁵ Krista ànê sétãn yòtɛ́ wró náh fɛ́ n kwɔɔ n mɔ. Yesu yõ sɛ́-ò ànê Yesu yõ sɛ́-ńkɛ́ névi wró náh fɛ́ n kwɔɔ n mɔ. ¹⁶ Fal fal tãn náh fɛ́ n kwɔɔ n mɔ Liyel ní-ńsah gbò sɔ́ko. Yé náh wɛ di, ápile, Liyel ní-ńsah gbò ye ále à yĩne Liyel-á kè yo sɔ́ ne ñkɛ́:

«Mé kɪ tɛ́ péle té kɪ me péle pé kó-ńtãn sɔ́ko.

Mé kɪ pɪ pé Liyelle, té pè kɪ mó pɪ ní nolɛ.»

¹⁷ Képah ye Tɛ́ ñgbɛ́ Liyel ne: «Yé wil kéne névye wró, yè gbɛ n tɛ́ yé tyíle.

Yé káh n tũ kwáh yó ñtɛ́ tyí nê náh me yályál ñmɔ yah, képah sɔ́ko ñmɔ kɪ mó yé tɛ́ ple.

¹⁸ Mé kɪ pɪ yé Súle, té yé kɪ mó pɪ ní dɪnpɪ ànê ní syónpile.» Sɛ́ ye Tɛ́ ñgbɛ́ yo, ñmɔ nê-á tãhkì nétɛ́ne.»

7

¹ N nénónó, Liyel vyãh kɔ́nó nópɪle, ápi to vyãh me sé sɔ́ko. Képah ye, tyi nónó pól-á silki sah á wil ànê á minne, á ye sè wu n to á gblɔ́y sɔ́ko, à mó ne n me yályál Liyel yah ñ yah tíkí pínó sɔ́ko.

Ñìvìnì nê-á wɛ Pole sɔ́ko Korēnti tãn-á pé gblɔ́y tiki mɔ

* 6:2 6.2 Yah n tɛ Yesayi 49.8.

² Yé ye á tyí nɔ yé tyí. Ápi náh pɪ de òn̄n̄ yó n̄tē tyí. Á náh òn̄n̄ yó n̄tē gbò tye. Á náh syɪkɪ òn̄n̄ yó n̄tē yō. ³ Yé káh we ne máh me sɛpile n yo à lékàhle yéle n kō dé. Mé kè yo sah te yé tyí ne á min pól sɔkɔ, yé tyí-á me nónóle á tyí kù n̄tē fyé náh fē á wró yɪkɪ. ⁴ N sɛnyĩnɔ me yé yō, n̄ nɪ me vínóle yéle. Yé tyí pɪ yĩ nɪ dénóle n̄ tyí. Yèkwɔɪ duke pól sɛnsõ me ále n we, n̄te képah fyé yō, n̄vìn̄n̄ me kah mɔ n̄ sɔkɔ. ⁵ Áyáh fyò pɔ de Masedonɪ mara sɔkɔ, yèvyãhrɪ duke pól núkú syɪkɪ á yō, á náh we mɪ yah kwéy n̄tēne. Mâl ye yey yey pólle, tíkí we á sɔkɔ. ⁶ Nte Liyel nê-á tɛnkwlɔpu nɪ dé-òle, à Tite tekɪ mɔ ápi kō á nɪ kō kè de. ⁷ Kè náh me ne Tite pónó ó s̄s̄ ápi nɪ kō kè de, yáh s̄oré nê mɔ ò sɔkɔ képah tɔ ye. Tite pɔ yo á syah n̄ we dékè-á me yé kah tē s̄s̄, àn̄ê yèkwɔɪ nê-á me yé sɔkɔ, àn̄ê yáh me yuku yĩn s̄s̄ à n̄ vyãhle n syi. Képah wãn gbah mɔ n̄ n̄vìn̄n̄ yō.

⁸ Máh sɛbéy nê tekɪ mɔ yé tyí, mé pĩ ne káh yèkwɔɪ mɔ yé sɔkɔ. Nte ké tɛkínmɔnɔ náh pɪ nãhnpĩne n̄mɔ tyí. Té máh pɔ kè kyɔmɪ we ne káh yèkwɔɪ mɔ yé sɔkɔ wró kwéy ó sɔkɔ, kè pɪ nãhnpĩne n̄ tyí. ⁹ Nte núkúnúkú, kè me n̄vìn̄n̄ne n̄ tyí. Káh yèkwɔɪ mɔ yé sɔkɔ képah yĩn náh dé, yèkwɔɪ mɛ-á v̄inmɔnɔ nê dahbɪ yé pɪ dùkú sɔkɔ, képah yĩn ye. Yé yèkwɔɪ mɛ s̄s̄ me ȳínénóle Liyel tyí. Káh mó pɪ s̄s̄, á náh pèkè yó n̄tē pɪ yé tyí. ¹⁰ Yé náh we di, yèkwɔɪ nê-á me ȳínénóle Liyel tyí, képah névi pɪ dùkùle n vi n mɔ à òne n mɔ pwáhn̄mɔnɔ wɛk̄k̄i yō, kè náh n pɪ nãhnpĩne tē tyí. Nte kèk̄oȳɔ tyi s̄on̄-á yèkwɔɪ n̄ene n mɔ névi sɔkɔ, képah ye n pɔ n pɔ k̄une. ¹¹ Yèkwɔɪ nê-á me ȳínénóle Liyel tyí, káh v̄inmɔnɔ nê dahbɪ yé sɔkɔ yé kè we yò:

Yé me yé gbl̄y kō yĩ.

Yé me gbl̄y yele n yah n kō.

Yé fɔkɔ me vyãh yĩ yé gbl̄yɛn̄e yĩ mɛ sɔkɔ.

Tíkí me yé tē pèkè pínóle.

N we dékè me yé tē.

Yé me gbah tē yĩ Liyel wɛk̄k̄i kóló sɔkɔ.

Yé me ké tyí ne f̄ohnó sah lékàh névi yō.

Yé kè wɛk̄k̄i dal mɔ ne yé vyãh náh me yĩ mɛ sɔkɔ pólle. ¹² N̄mɔ náh sɛbéy mɛ wãrkɪ tekɪ mɔ tyítúkú pí-ò ȳinne, képah náh pɪ tyítúkú-á pɪ névi nê sɔkɔ tē wɔ ȳinne dé, mé kè tekɪ mɔ ne yé kè pĩ Liyel yah sɔkɔ ne ápi tyí-á me tah yĩ yé tyí.

¹³ Yáh nê pɪ, képah ápi n̄nɔ de kègbɪle, té kè náh yĩn képah ó tyí dé, yáh Tite nɪ s̄s̄ ò nɪ kō kè vɪ s̄s̄, kè wãn mɔ ápi n̄vìn̄n̄ yō. ¹⁴ Mé lésò n̄ gbl̄y yō sah kwéy Tite tyí yé tyí s̄owãh. Nte yé náh mó senn̄e n̄ tē. Áyáh dar té gbɪle n yo s̄s̄ yé tyí, s̄s̄ ye á yo yé ȳingb̄ile Tite tyí, té à mó n̄tȳín̄o kyɪ kè we s̄s̄. ¹⁵ Yáh à t̄o sah tē té ȳoyen sah ò yō s̄s̄, ò dyɔ me n kwne kéle, képah ye yé tyí gbah nɔ ȳĩ ò tyí. ¹⁶ Kè me n̄vìn̄n̄ne n̄ tyí, à tē we n̄ gbò sah yé yō tyi tyi pól sɔkɔ.

8

Masedonɪ Yesu yō s̄ɛpú t̄ink̄i-á pó mórí nê mɔ

¹ N̄ ȳun̄pyé, Liyel-á yòbèn̄ɔɪ nê pɪ Masedonɪ Yesu yō s̄ɛpú t̄ink̄inó tyí, á me ké tyí ne á kè yo yé syah. ² Yèkwɔɪ duke náhnáh s̄ò pè ȳini tē, n̄te képah fyé yō, n̄vìn̄n̄ s̄ò me kah mɔ pé sɔkɔ. Yãm s̄ò me kah peke pé yō, n̄te képah fyé yō, pè pɪ ȳínk̄ɔpu kègb̄lɔle. ³ N̄mɔ ye pé t̄arf̄yòle ne pãh kè pɪ à syɪ pé gbò ȳin tyí, f̄óó à kah mɔ pé gbò ȳin n̄tē yō à ȳine pé dyɔ dyɔ t̄ene. ⁴ Té me kè gbah yah kō ápi tyí ne á ye pé gbò dahbɪ á tyí yòhn̄inmɔnɔ mɛ tɛkínmɔnɔ sɔkɔ Nsyude mara Yesu yō s̄ɛpú tyí. ⁵ Ápi-á s̄ò me n̄ene n yah n kō, pè kè pɪ kah mɔ képah yō n̄tēne. Pè pé gbl̄yɛn̄e Liyel ògbò kō, képah

náh, té pé gblöy dahbi ápi to gbõ soko à yĩne Liye dyo yíi tēne. ⁶ Képah ye, á me Titi ni ne wáh pó mórí syínó tò nê tyah yé òinne, à kè pi n dal n mo. ⁷ Sõ-á yéle yahle tyi pól soko yò: Liyel yõ sēnóle yé soko, yé n wēki n pne, yípúle yé soko, sórèle yé soko yĩn kēne, à tahlí névye tyínono nê-á á dahmo yé soko, képah yĩnne á me ké tyí ne yé ne n me yahle pó mórí mónó mè to soko. ⁸ Kyínmono náh mé n kyí n mo yéle máh képahle n yo dé. Nte máh no téló gbáhntēno tyile n yo yé tyí, mé me ké tyí ne yépi to kè wēki ne tyínono kēgbi-á me yé soko. ⁹ Tē ñgbē Yesu Krista-á pèpõri nê pi, yé kéle n pne. Yé náh we di, ñmo nê-á kwáh nétēne, à fē syi ñ gblöy pi yãm neyne sōnko yépi pi kwáh nátāmne. ¹⁰ Nmo sōno-á nēne, yĩ mè tyí òinne, képah ye mé n yo yé tyí. Képah me yínénóle yépi tyí yépi nónó-á pi gbrole yán dukùle à pó mórí mè mo, té kè náh yĩn képah ó tyí dé, ké pínó yáhntokono wil yépi tyí. ¹¹ Káh pi sē, núkúnúkú yé tò mè pi n dal n mo. Yáh kè yah toko sōno pèpeyne sō, yé kè pi n dal n mo sē à yĩne yé gbõ yĩnne. ¹² Yé náh we di, wáh yĩ kō á gbõ yĩnne à yĩne wáh kè yah toko sō, képah tyí no Liyel tyí. Kwáh nê náh me á tyí, à náh képah níyne n tē. ¹³ Mé náh yo ne yé yé gblöy mo yãm soko no téló tyí pekú yĩnne dé. Nte mé me ké tyí ne yé kè pi yé pól ne n me núkúle. ¹⁴ Kwey mè soko, kwáh me yépi gbõ. Képah ye, kwáh náh me nónó tyí, yé péle n yohni n mo. Kwáh-à mó sō nēne me pépi tyí té ki n kne yépi tyí, pè ki yé yohni mo. Káh pi sē, yé pól ki me núkúle, ¹⁵ sō-á kéle wárkínsàhnóle Liyel wey sébéy soko ne: «Nê-á sō kwel dò, wãn náh wũ ñ tyí. Nê-á sō kwel kwéy, ñ tyí náh tekú.»*

Titi ànê ñ kómúne

¹⁶ Liyel yĩn ne n gbilki, ñmo nê-á yé yòhnìnmono dékè dahbi Titi ni soko, sō-á sō à kè dahbi ápi nno soko. ¹⁷ Ayáh nê yah kō ñ tyí, à kè fē syi. Té yé yòhnìnmono dékè-á sō me ñ ni soko sē, à núkú kè yah toko ñ gblöy ñtēne ne, páh ki yuku yé òinne. ¹⁸ Á me á yúnpi yó tole n tekú n mo ñne wē tyí, nê-á Yesu yõ sēpú òinkínó pól me ñ yíngbúle n yo Ñìv̀ǹǹ tir yónó tyí soko. ¹⁹ Té à wil képah soko, ñmo ye tō Yesu yõ sēpú òinkínó yah wilki ne à ápi tekú mo á kyi pèpõri tò mè pi. Tē ñgbē yĩn gbilki yĩn ye ápi n pi tò mēne à kéle n wēki tole ne tò mè pínó tyí-á me no á tyí. ²⁰ Á me tyi pólle n pi tole ne, pó ñgbē nê tyí-á dahbi á gbõ, á ké tyi tō sah pi po tye á káh yínyíkì we ké tyí soko. ²¹ Á me ké tyí ne á ne n tō n sah n pi Tē ñgbē yah soko, té kè náh yĩn képah ó tyí dé, á me ké tyí ne á ne n tō n sah n pi névye to yah soko. ²² Á ye á yúnpi yó tole n tekú mo péle wē tyí. Á à we mo yah gbáhyí náhnáhle, té sé pól soko á kè we ne gbáhntē-ò-á ñne. Nte à tō me gbah tē kal núkúnúkú, wáh sōnpúle me sē yíi yépi yõ soko. ²³ Titi tē wole, ñmo kó-ò ye ñne, à me tòle n pi ànê ñmole wē tyí yépi yĩnne. Nte á yúnpyé téló wole, Yesu yõ sēpú òinkínó ye tekú mo péle, Krista yĩn gbilki yĩnne. ²⁴ Képah ye, yé kéle pè wēki ne pé tyí-á me no yíi yé tyí, sōnko Yesu yõ sēpú òinkínó kè we, pè mó pĩ ne gbi-á me á tyí á yéle n sō.

9

Yesu yõ sēpú òinkì yòhnìnmonole Yude mara soko

¹ Yòhnìnmono nê-á ki n tekú n mo n pi Yude mara Yesu yõ sēpú tyí, yõ náh me ké tyí mè sébéy tō yé tyí képah tyí soko. ² Mé pĩ ne yáh me ké tyí ne yé kè pi. Mé me yéle n sō ñtēne Masedoni mara Yesu yõ sēpú tyí, me n yo pé tyí ne, Akayi mara Yesu yõ

* 8:15 8:15 Yah n te Yálnó 16:18.

sěpú-á me pé gblöy vi te yòhnìnmonɔ pɪ yĩnne fóó yán dùkùle. Kàh pɪ sě, yépi nónó-á me kéne mara sɔkɔ, yépi gbáhntěno mè sóré mo névye kan sɔkɔ. ³ Mé á yúnpyéle n tekɪ n mo yé tyí, sɔnko máh me yéle n sɔ sɔnó nêne yĩ mè tyí sɔkɔ, kè káh pɔ pɪ yó kěne. Nte yè ne n me yé gblöy vi sah kègbɪ yó sɔ-á mé yo kéle. ⁴ Kàh kɪ pɪ dùkù yóle, té Masedonɪ mara tãn-à kɪ pónó yí nímole, té pɔ ne yah yé náh me yé gblöy vi sah, kè kɪ pɪ sen n̄gběne ápi tyí áyáh sɔnpíle kàh sě yé yó. Té yépi ntě wɔ tyí ye kè kɪ pɪ senné. Nte mé náh me ké tyí ne mé képah yo. ⁵ Képah ye, mé kè sɔ ne máh yĩne mé á yúnpyé nópi ni pè mo nímɔ yahle, pè pɔ pó mórí mè tyí yahle n wah yáh yé vyãh kɔ nê tyí sɔkɔ; sɔnko máh kɪ pópó n pi, ké tyí yah ne n me wàhtenole, nê-á kɪ kè wěkɪ ne yáh kè pɪ yé dyɔ dyɔ tẽne, kyínmonɔ náh pè kyĩ mo yéle. ⁶ Yé se kè pĩ ne, névi nê-à duku mo kwéy, tẽ n pɔ sèmuکو kwéy tɔkɔ; té nê-à duku mo dò, tẽ n pɔ sèmuکو dò tɔkɔ té.

⁷ Yé nénúkù núkú pól yĩne yè kɔ à yĩne yáh kè yah tɔkɔ sɔ yé nno sɔkɔ. Ney káh kɔ à mó tɔ ké nàhn̄pĩne n gbo, képah náh pɪ, pè sɔ tẽ kyĩ mo. Yé náh we di, nê-á n yĩ n kɔ n̄vìnì sɔkɔ, n̄mo tyí nɔ Liyel tyí. ⁸ Těnweno me Liyel tyí kɪ fě pèpɔrɪ duke pól pɪ yíi yé tyí, sɔnko yĩ nónó pól yétó-á me yé tyí, sè ne n me yé tyí gbímegbí ànê dòhnò tɔle, yé kɔ yè fě pèpɔrɪ duke pólle n pɪ, ⁹ sɔ-á kéle wárkínsàhnóle Liyel wey sébéy sɔkɔ ne:

«À n̄ n̄le n dal n mo n yĩ n kɔ,

à n yĩ yãm tãnne n kɔ n yíi.

n̄ fòkòpènrɪ tyí yĩn náh me.»

¹⁰ Liyel nê-á kwáhdúkúle sètòle n kɔ, té n̄ yó yó yòkele n̄ne n kɔ, n̄mo ye kɪ kwáhdúkúle yépi kɔ n pi, té kɪ kè kɔ kè kɪ kwel, kɪ wãn mo yé fòkòpènrɪ pínó yó. ¹¹ A kɪ yé pɪ kwáh nátãmne gbímegbí, sɔnko yè fě fòkòpènrɪle n pɪ tyé-ńkěne. Képah sɔkɔ, yáh yĩ nónóne ále n kɔ á névyele n kɔ n pɔ, pé nahnáh kɪ wekɪ Liyel tyí sépi yĩnne.

¹² Yé náh we di, yé pó mórí mè kɪ Yesu yó sěpú yohnɪ mo. Té kè náh n yĩn n pi képah ó tyí dé, kè kɪ névye nahnáh kɔ pè kɪ pèpɔrɪ pínó weyne Liyelle n kɔ. ¹³ Yóre tò nê-á yé pɪ, pàh kɪ kè we pè kɪ Liyel yĩn gbilki yáh sɔnpíle pɪ néglóle à fě syi tò pɪ Krista N̄vìnì tir yónó sɔkɔ. Pè kɪ tɔ Liyel yĩn gbilki yáh sɔnpíle yé gbàn yíle pépi ànê no téló pól tɔ yohnɪ mo. ¹⁴ Pè kɪ nírí pɪ yé tyí, kɪ pé tyínɔnole yé wěkɪ yòbènrɪ n̄gbě mè yĩnne, Liyel-á nê pɪ yé tyí. ¹⁵ Gbílkinó ne n sah Liyel yó n̄ pèpɔrɪ n̄gbě pínó yĩnne, nê-á ké kénkò náh me.

10

Pole me lékàhle n̄ tyí yónyíkípule n kɔ

¹ N̄mo Polele, pè ne m̄h me yé tnô mè n ne n wekɪ dáb dáb, té m̄h gbe mo yéle mè n ne n wekɪ fyòrì fyòrì. Yesu Krista n̄pír pínó ànê n̄ n̄gbèkì yĩn yó, ² n̄mo Pole kéle n yah n kɔ yé tyí ne, yé yé gblöy ye, máh kɪ pɔ pɔ yé tnô, yé káh n̄ kɔ mè pɔ ne n wekɪ fyòrì fyòrì yépi tɔ tyí, sɔ mé me kè sɔ sah pɪ pɪ tẽne névye tyí nónó-á me n sɔ ne névi yòtàhsyi pɪ dùkù-á ápi sɔkɔ. ³ Gbɪ ye névye tẽ wɔ ye ále ó, n̄te áyáh mékì nê sɔkɔ yò, névi yòtàhsyi tãhkì náh á n fwo kéle. ⁴ Ápi-á mékìle n pɪ méfwóyì nónóne, névi gbènrɪnɔ náh séle, sè n wil Liyel tyí. Tãhkì me sé sɔkɔ kɪ fě Liyel sépébi tyí ykɪ ànê sɔno túkúnine. ⁵ Kéne méfwóyì gbò yó, ápi me gblöy gbílkipú tãhkìle n ykɪ pépi nónó-á sɔ me kàh-nsah tũ névye tyí ne pè káh Liyel pĩ. A me névye yóle n vi n mo pè kɔ pè n sah Krista tyí yó. ⁶ Yáh kɪ pɔ n sah palle Krista tyí yó gbí nêne, ápi náh

tõ nõhnì-nkê tir sah kè n soko n pi fóhnó kēne ké tyí sówãh. ⁷ Yé yí-á me tyi nóno yõ, yé tyile n yah n toko à yĩne sépi óle. Nte nê-à me sê ké yõ ne páh me Krista tyí yõ, tẽ yĩne à kè pĩ yíi tole ne sã-á péle Krista tyí yõ, sê ó-á ápi tole n tyí yõ. ⁸ Tẽ ngbẽ tẽnwenole á kã ne á yé yohni mo yé yuku yahle. A náh kéle á kã yé tyí yiki yĩnne. Té nmo-à kɪ sã me ní gblõy yõ sah kah mo kwéy képah tyí sówãh, kè náh me senne nmo tyí. ⁹ Kè náh me á kɪ ne sébéy nópi sã mé n wãrki n tekɪ n mo yé tyí à tikile n mo yé soko dé. ¹⁰ Yé náh we di, túkù ne mäh me fíi yéle té sébéyne n tekɪ n mo yé tyí mè n ne n no n weki fyõrì fyõrì ké soko, té mäh po yé tnô mè n pi tẽnkwlo-òle, wènfì ó-á mè n ne n weki. ¹¹ Névi nê-á n yo képahle, tẽ yĩne à kè pĩ ne sã-á ápi weki tekɪ mo á sébéynó soko, áyãh po yé tĩnne sã-á á kɪ n weki.

¹² Névyé nóno-á me pé gblõy yígbiile n yo, ápi náh á nle n syãh à á gblõyne n sãh pépile. Lékám kẽ névyé ye péle, nóno-á pé gblõy toko pi sãh sãh dúle à wẽne n sãh kéle. ¹³ Yín-ńsah nê-á me ápi tyí, ápi tẽ wo náh á gblõy gbilki n kah n mo n pi képah yõ. Tõ nê-á Liyel dahbi á gbõ, nê gbõ yõ-á á yĩni tẽ yé tĩnne, ápi kɪ á gblõyne n gbilki à yĩne képahle. ¹⁴ A náh n kah n mo n pi képah yõ, á kɪ ne á kósyi po yé tĩnne. Ápi ngbò ye po yé tĩnne à po Yesu Krista Nìvìnì tir yo yé tyí. ¹⁵ A náh n kah n mo n pi képah yõ, kɪ po á gblõyne gbilki no téló tò pínó yĩnne. Nte á me ké tyí ne yé yuku yahle Yesu yõ sẽnó soko, sõnko wãn mo á tò yõ yé tĩnne à yĩne yín-ńsãh nê-á á kã. ¹⁶ Képah náh, á kɪ fẽ Nìvìnì tirlé n yo n kã tãntãn téló soko nóno-á sé gblõy yépi tĩnne. A náh nni yó ntẽ tò pínó toko á gblõy gbilki n pi. ¹⁷ Kè me wãrkínsahnóle Liyel wey sébéy soko ne: «Névi nê-à me ké tyí ne pé pé gblõy gbilki, Tẽ ngbẽ-á tyi nóno pi ápi tyí, tẽ n gblõy gbilki sépi yĩnne.»* ¹⁸ Névi nê-à n gblõyne n sã, kè náh pi á kɪ ne nmo sã négbíle dé, Tẽ ngbẽ-à névi nẽne n sã, nmo ye négbíle.

11

Pole ànê névyé nóno-á pé gblõyne n pi Yesu tẽntò névyéle

¹ Yé náh we di, mé me ké tyí ne yé ní vɪ tyi sómnó pi yah sê kwéy. Úú, yé ní sómnó pi. ² Mé me yé gbɪ mo sah pe núkú ó tyí, nê-á pi Kristale, kɪ po yéle à kã n pi dí tyí pí-ńkê sénpir sã nê-á me yályál Liyel yah. Képah ye, yé tyí me ní nle n yori sã-á kè Liyel nle n yori. ³ Nte tíkí me ní tẽ ne yé sõno káh po vi mo, kè po yé wró kwronmono pèpey mè gbekɪ ànê Kristale, sã-á wahy Awa vi tẽ lékámkãm soko. ⁴ Yé náh we di, névi yó-à po Yesu káhkí yó tyíle n yo yé tyí, nê-á me n gblõy áyãh nê tyí yo yé tyí, yé kè fẽ n syi. Névi yó-à po mírkí káhkí yó tyíle n yo yé tyí, nê-á ké gblõy Liyel Mirkile yáh nê tyí noh ápi tyí, yé kè fẽ n syi. Névi yó-à po nìvìnì tir káhkí yó tyíle n yo yé tyí, nê-á ké gblõy Nìvìnì tirlé yáh nê tyí noh ápi tyí, yé kè fẽ n syi. ⁵ Nte nóno-á Yesu tẽntò névyé ngbnole yé tyí yé yo, nmo náh mó tã me fí yó we, níyãh-á pè fónfó nmo yõ. ⁶ Mäh kɪ sã me wey yah wé-ńkēne, pnèno tẽ wo me ní tyí à yuku Liyel tyí tĩnne. A ye képah dùkùle yé wẽki dal mo tyi tyi pól soko. ⁷ Mäh Liyel Nìvìnì tir yo yé tyí nònóle, té ní gblõy tiki mo yé yõ yõ yĩnne, tyípékè se pyẽ mé pi képahle? ⁸ Yesu yõ sèpú tĩnkínó yísyó ye yín nmo yínnóle ní kã mé tẽ we po tò pi yépi wró à yé yohni mo. ⁹ Mäh lésõ me yé tĩnne gbí nẽne, yí túkù yétõ lésõ me ní tẽ, nte mé náh sè syi nni yó ntẽ tyí. A yúnpyé nóno-á wil Masedoni mara soko, pépi sò me ní yétõ yí pólle nne n kã képah ye. Tyi pól soko, mé náh sò me ké tyí ne mé pi yótókóbíle nni yó ntẽ tyí,

* **10:17** 10.17 Yah n te Nsyeremi 9.23 ; 1 Korēnti tãn 1.31.

té mé kɪ tɔ̄ gbah n tẽ n pi sã. ¹⁰ Gbɪ yó-ò ye ñne Krista gbò yò: ñnî yó ñtẽ nãh fẽ yò yõnó mè wénó yah kò n pi ñ tyí Akayi mara pól sòkò. ¹¹ Kwãh nê pi té mé képahle n yo? Yé tyí nãh me nò ñ tyí képah se? Liyel ñtẽ pĩ ne yé tyí-á nò ñ tyí dò. ¹² Máh me nêne n pi yò, mé kɪ yò n sòkò n pi ké pínóle, kɪ névyé kùrn kah nónó-á me syõ-ñsahle n yah n kò kɪ pé gblõy gbilki, ne páh pi núkúle ápile. ¹³ Kéne névyé nópíle, nósýó ye nónó-á me pé gblõyne n pi Yesu tẽntò névyele. Pè n ne n vi n syɪkɪ névyé yò, ñ té pé gblõyne n pi Yesu Krista tẽntò névyele. ¹⁴ Nte képah nãh me gbẽndùnĩne dò. Yé nãh we di, sétãn yõtẽ ñtẽ tɔ ñ gblõyne n viri n pi yĩnyõ tònpiɪle, nê-á me kyòò dò. ¹⁵ Képah ye ñ tònpiɪ tɔ-à pé gblõyne n pi gbɪ Liyel tònpiɪle, kè nãh me gbẽndùnĩne. Pè kɪ pé tò pínó lédyáhní we n pi ké tyé-ñsah sòkò à yĩne pé tyípínĩne.

Pole-á yèvyãhrɪ nónó pi Liyel tò sòkò

¹⁶ Mé kɪ n syɪ kè tɔ̄ yo yé tyí ne, ñnî yó ñtẽ káh ñmòle n yah vɪnpɪle. Nte yáh kɪ se me n sò sã, yé ñ tẽ vɪnpɪ tyí kòle, ñ tɔ mó ñ gblõy we n gbilki kwéy kè. ¹⁷ Nte máh kɪ nê yo n pi, mé nãh me kéle n yo Tẽ ñgbẽ-á me ké tyí sò dé, mé me kéle n yo vɪnpɪ tyí kòle sònkò mè ñ gblõy we n gbilki. ¹⁸ Névyé nãhnãh-á fyò me pé gblõyne n gbilki kèkõyó dékè tyi yĩnne, ñmò tɔ kɪ ñ gblõy gbilki. ¹⁹ Yépi nónó-á lékãm névyele, kè yé dyɔ yé fẽ syi à vɪnpɪ tɔ sòmnole n pi. ²⁰ Yè n fẽ n syi pé kò pé yéle n pi yòbɪ tyí kòle, ñ té ne n syɪkɪ yé yò, ñ té yéle n yĩ, ñ té yéle n yilò, ñ té yé létáhlóle n kòlɪ. ²¹ Máh nêne n yo yò, kè me senne yé tyí. Kè ye á tẽnkwlɔnɔ wẽkɪ.

Nte képah fyé yò, ñnî-à kɪ fẽ syi ñ gblõy gbilki n pi tir yó tyí sòkò, ñmò tɔ kɪ fẽ sɛntẽ pi, máh kɪ sò me n wekɪ vɪnpɪ tyí kòle. ²² Pépi-à kɪ se me Yebrenine, Yebreke ye ñmò tɔle. Pàh kɪ se me Yisrayel nolɛ, Yisrayel ney ye ñmò tɔle. Pàh kɪ se me Abrahamɪ nãh tãnne, ñ nãh ney ye ñmò tɔle. ²³ Pàh kɪ se me Krista tònpiɪle ò, mé kɪ tɔ̄ kè yo á kɪ ne vɪnpɪ sò ñne. Nmò tò pi kal pé pólle, té yèvyãhrɪ pi kal pé pólle, té de wòkònpèkè sòkò à kal pé pólle, té ko syi kal pé pólle, té kũ dlo gbal gbáhyí nãhnãhle à kal pé pólle. ²⁴ Nsyifunɔ ñ ko yèfòh yí yògbãm pó kwãryãhle, fòó gbáhyí kwlɔ. ²⁵ Wrome tãn n ko yèfòhle gbáhyí tònó.

Névyé ñ minkɪ dyéhle ke núkúle.

Krótókè tiki de yah ñne yò sòkò ke tònó,

ànê yò ñ yò farkɪ yah gbìyìkɪ núkú ànê lékãh núkú wró sòkò.

²⁶ N kóló nãhnãh sòkò,

mé dlo gbal yrey yúkúnó kãh-ñtãn sòkò,

té de wil névyé yò vɪnsyɪkɪpu dlonɔ sòkò.

Mé sò me dlo sòkò ñ yìkɪ névyé Nsyifunɔ wró sòkò,

té me dlo sòkò nékãhbí wró,

Mé sò me dlo sòkò kwil nyóó,

té me dlo sòkò gbẽnnɪ sòkò.

Mé sò me dlo sòkò pne yò sòkò,

té me dlo sòkò ñ yúnpyé mìnnyobe wró.

²⁷ Mé tãnkyèh nãhnãh pi à yèvyãhrɪ pi sòkò. Mé yah sò lékãhlo nãhnãhle, té kwekɪ ànê níkɪ sòmno pi. Yòke yah kwlɔ yah ñ tyí gbáhyí nãhnãhle, mé tẽ kwekɪ sòkò. Mé tẽ yah vuri sòkò, té tẽ yah flo kène ñ tyí. ²⁸ Nte nê ñtẽ tyí-á me tah yíí ñ tyí, ñ vyãh nãh syɪ képah tyí dé: Képah nê-á pi fókósõnɔ nê-á me ñ sòkò à yuku Yesu yò sèpú ùnkínó tyí ùnne. ²⁹ Nnî-à me tẽnkwlɔnɔ sòkò, ñmò tɔ n pi tẽ tyí kòle tẽnkwlɔ-òle. Nnî-à tyípèkè pi, kè ñmòle n yo. ³⁰ Máh kɪ sò me yĩne mè ñ gblõy gbilki, mé kɪ ñ

gblöyne n gbilki n tēnkwlɔnɔ tyí sɔkɔ. ³¹ Liyel nê-á Tě ñgbě Yesu Súle, ñmɔ pĩ ne mìnì náh mé n yo. Sãm ne me mónóle ñ sɔkɔ gbímegbí. ³² Máh sò me Damasi kwil sɔkɔ gbí nêne, yòtē dí Aretasi-á kwiltē nê wilki sah nénpó, ñmɔ sò me pè kɔ pè kwil dé-ntãne n syki ñmɔ tē yinne. ³³ Nte pè me n dah mɔ gbétó yó sɔkɔ à wilki mɔ sétir pwàhle à tiki mɔ kwil kēnkahnune n kɔ mé we pwah ñ gbò.

12

¹ Nmɔ se yĩne mè n gblöyne n gbilki? Yò kě ye képahle. Nte képah fyé yò, máh wěkínó nê we, té pnénó nê we wil Tě ñgbě tyí, mé kɔ sépi tyí yo. ² Mé Krista yò sě-ò yóle n pne, ké ye gbönyáh ye yò, — à yò dɔkɔ sɔkɔ yinyò léyy tē-nsah sɔkɔ. Ténkàh à yò dɔkɔ sɔkɔ ñ wil gběnsê tɔle ni? Ténkàh wěkínó ye à we ni? Nmɔ tē wɔ náh pĩ. Liyel ó ye n pne kéle. — ³⁻⁴ Gbɔ ye, mé pĩ ne dí mè-á yò dɔkɔ yuku fóó yinyò pal tē-nsah. Ténkàh à yò dɔkɔ sɔkɔ ñ wil gběnsê tɔle ni? Ténkàh wěkínó ye à we ni? Nmɔ tē wɔ náh pĩ. Liyel ó ye n pne kéle. Té à me welo yísyó noh nónó-á sè náh fě n yo, ké wěkì náh me névi tyí kɔ fě ñ syi sé yò. ⁵ Nmɔ kɔ fě n gblöy gbilki sěnkɔ névi tyí sɔkɔ. Nte mé náh n gblöy gbilki n pi n tir yó ntē yinne né n tēnkwlɔ-ntãn ó yin náh. ⁶ Máh sò sò me ne mé n gblöy gbilki, mé náh n mɔ n kɔ n pi vɔnpule. Yé náh we di, gbɔ ye mé náhki n yo. Nte mé me n gblöyne n tē képah pínóle, sɔnko yáh nê we té nê noh n tyí, ñnî yó ntē káh pɔ n sò kah mɔ sépi yò, ⁷ ànê mé káh n pɔ n gblöyne n gbilki wěkínó mè wénó yinne nê-á pɔ gbille. Fóhnó yó me sah ñmɔ wil gběnsê yò, á kɔ ne sétàn yòtē sò tekɔ mɔ ñ yinyò tɔnpi yóle ne à pɔ n yah kɔ mé káh n pɔ n gblöyne n gbilki. ⁸ Mé Tě ñgbě ni ke tónó ne, à fóhnó mè wró gbe mɔ ñne. ⁹ Nte à me yo n tyí ne: «Ñmɔ-á pèpɔri nê pɔ á tyí, képah kɔ yĩne ále. Á tēnkwlɔnɔ sɔkɔ ye ñmɔ n wěki n yí n tãhkìle.» Képah ye, ñmɔ me ké tyí ne mé n gblöyne n gbilki n tēnkwlɔnɔ wɔ sɔkɔ, sɔnko Krista tãhkì ne n me n sɔkɔ. ¹⁰ Képah ye, Krista yinne mäh me tēnkwlɔnɔ sɔkɔ, képah náh pɔ pàh ñne n gbyɔ, képah náh pɔ mäh me kwlónó sɔkɔ, képah náh pɔ pàh ñne n fòh, képah náh pɔ tíki képéke-à me n sɔkɔ, mè n ne n me nìvìnì sɔkɔ. N tēnkwlɔnɔ gbí ye tãhkì n we n sɔkɔ.

Pole yáh-nsah me tye Korēnti tãn Yesu yò sěpú tyíle

¹¹ Mé we pɔ lékãm kě névi sò ñne. Té képah wil yépi tyí. Yépi ye sò yĩne ñmɔ yíngbí yónóle. Yé náh we di, máh kɔ sò me tir yóle n péki-ńkěne, nónó-á yé n ye Yesu tēntò névye ñgbnɔle, pè náh fónfó ñmɔ yò. ¹² Gbɔ yò, mé sómnó pɔ yé ñne à gběndùnì tyi pɔ, ànê gbil tyi duke náhnáhle, ànê tyítãhnìne, nónó-á n wěki ne Yesu tēntò névi-á ñne. ¹³ Mé se Yesu yò sěpú tĩnkínó téló tɔkɔ fónfó pɔ yéle tir yó sɔkɔ? Máh yahle ne yé káh yin n yinnóle képah ó náh di? Yé képah yò mɔ n kɔ, mé náh pɔ ple yé tyí. Yesu yò sěpú tĩnkínó téló fónfó yé yò tir nê sɔkɔ? ¹⁴ Yé yah, ñmɔ me n gblöy vi te gbáhyí tɔ-ò pónó yinne yé ñne, té yé náh n yin n pi n yinnóle. Yé náh we di, yépi ye mé n yah n kɔ, yé gbàn yí náh. Wěnpì náh yĩne pè gbàn yíle n yah n sah pé dúbípu tyí. Dúbípú ye yĩne pè ne n yah n sah pé wěnpì tyí. ¹⁵ Nmɔ kɔ fě syi kɔ n gbàn yí ànê n min tɔ kɔ yépi yinne. Yé tyí-á sɔnple kah nɔ n tyí, képah se kɔ kwáh wilki ñmɔ tyínɔnɔ sɔkɔ yé tyí? ¹⁶ Gbɔ ye ñnî yó ntē náh yin n yinnóle. Nte yé tókù me n yo ne lékãm kãm névi-á ñne, máh yéle n yò yínvì sɔkɔ. ¹⁷ Máh nónó tɔ tekɔ mɔ yé tyí, mé se syò pépi tyí à yé yò? ¹⁸ Mé Tite gbah tē ne à kyɔ yé ñne. Mé á yũnpi yó tɔ tekɔ mɔ ñne nê tyí-á lésò mé yo yé tyí. Tite se me pɔ yéle n yò? Nmɔ sɔnɔ ànê ñmɔ tyí náh

pi nùkùle di? A kò dükù tò náh pi nùkùle di? ¹⁹ Yé me n sò di mónóle ne ápi-á me gbule á gblöyne n kò yépi yah sòkò. Nte sě náh dé, tyi nónó-á á n yo, Liyel yah sòkò ye á n yo séle á wró kwrónmòno gbò yò Kristale. N nénónó, ápi me sé pólle n yo yépi Liyel yò sěno yah yuku yinne. ²⁰ Tíki me ní tē ne máh ki pò yé òinne mé káh n pò yé we máh me n sò sò, yépi tò káh nímò we yáh me n sò sò. Tíki tō me ní tē ne mé káh n pò mál we yé wró, ànê yúnwòrí pínóle, ànê fòkònvàhni pínóle, ànê wě fwónóle, ànê wě tyí yónkònóle, ànê yín yìkì pínóle, ànê gblöy gbílkinóle ànê tyífě pínóle. ²¹ Tíki tō me ní tē ne máh ki pò yé òinne, ní Liyel káh n pò ní yilo yé wró sòkò, ànê mé káh n pò n gbo névye yinne, nónó-á lésò tyípekè pi ògbòle, té pè náh me yal mò pòpò pínóle, ànê pròprò pínóle, ànê sèn pí-ńkě tyi pínóle.

13

Pole-á vinnòno téy ànê wey nēne Korēnti tãn kō

¹ N gbáhyí tō-ò ye n pi yé òinne. Tyi pól ki n wah à yīne tàrfyò népí ními, képah náh pi tòmí vyāh weyne. ² N pónyahno ke ní-ò sòkò, mé lésò gbáhdyāh di névye tyí nónó-á sò tyípèl pi sòkò ògbòle ànê no téló tò tyí. Té kweyne mé náh me yé wró, ònte mé tō ké gbáhdyāhle n tō n di yé tyí ne, mäh ní syi pò, mé náh tō ònñi yó òtē yām yah n pi. ³ Yé me ké tyí ne yé kè pí Krista-à ki me n syò nímò tyí à n yo n mò yé tyí. Těnkwlò-ò náh òne yé tyí. A ki ò tēnweno wěki yé wró sòkò. ⁴ Gbì tē wò ye, ò tēnkwlòno sòkò ye à syi dahni yò. Nte à me min sòkò Liyel tēnweno gbò yò. Ápi wró kwrónmòno gbò yò òne, á tò me tēnkwlòno sòkò. Nte Liyel tēnweno gbò yò, á me min sòkò òne. ⁵ Yé yé gblöy sohlì n yah yé pí yáh ki me yé minne n pi Liyel yò sěno sòkò. Yé ki kè we pí ne Krista-á me yéle. Gbì náh di? Káh mó pí-ńkěne sě, gblöy sóhlínyahnò mè náh sòkò ké wěki yò yé tyí. ⁶ Nte nímò sěno me ké yò ne, yáh ki kè we pí ne Liyel yò sěno-á me á sòkò. ⁷ Á me Liyelle n ni yé tyí sònkò yè káh tyípekèle n pi. Á náh me ké tyí ne á kéle n wěki ne tēnweno-á me á tyí, ònte á me ké tyí ne yé tyípeplo óle n pi, ápi-á sò me tē klwò. ⁸ Yé náh we di, gbì fwo fwo tǎhkì náh me á sòkò. Gbì tyí ye á me n so n mò. ⁹ Ápi-à me tē kwlo gbí nēne, té yépi me tē we, ké ne me nìvìnìne ápi tyí. Áyáh me nēne n ni Liyel tyí képah ye ne, yé Liyel yò sěno ne n yuku yahle. ¹⁰ Képah ye n kò mé sébey mēne n tekì n mò yé tyí té ní sah fíi yéle, sònkò máh ki pò pò yé òinne, Tě ògbě tēnweno nēne ní kò, mé káh n pò képah tòkò n peke yé yò. Yé náh we di, à kéle ní kò ne mé yé yohni mò yé Liyel yò sěno kò kè ne n yuku yahle. Á náh kéle ní kò yé tyí yìki yinne. ¹¹ Ké tyé-ńsah sòkò ní yúnpyé, yé tē nìvìnì sòkò, yé mó gbah n tē n pi wényo-ńsah kēne ye tyí. Yé sòréle n mò wě sòkò, yé mó ne n sah wě tyí yò. Yé yé minne n pi yèvinì sòkò, képah sòkò tyínòno ànê yèvinì Liyel ki me yéle. ¹² Yé wèki wě tyí tyínòno wey pèpeyne. Yesu yò sěpú pól n wèki yé tyí. ¹³ Mé kéle n yah n kò Tě ògbě Yesu Krista tyí ne, à yòbèno pi yé tyí, Liyel mó tyínòno dahbi yé sòkò, ò Mirki mó yé wró kwro n mò.

Pole sébéy tékínmòṅṅṅ Kalati tãn tyí

Kalati tãn wìl-̀nsah kwil yĩn ye sò Kolele ògbòle. Kéne kwil ye pè n ye Frãnsile kwey mè sòko. Pãh yal nénpó, pè kyí tẽ Asi minerí sòko, képah nê-á pè ye Tirki yamanale kwey mè sòko. Pole-á kyí kéne kwilo kò kò gbí nêne à Nìvìnì tir yo pé tyí, névyé náhnáh fẽ syi sã Yesu yò. Képah náh, nòsyó kyí pè vi tẽ. Pè sò me kyí n yo pé tyí ne pãh yĩne pè Nsyifunò tyi kònsàhnó wãlle n kò, ànê pãh yĩne pè pé dínpìle n kò à yĩne sò-á Moyisi tyi kònsàhnó yo kéle.

Pole-á kéne welo noh sã, à sébéy wãrkí tekí mò pé tyí à yo pé tyí ne, pè náh tã yĩne pè ye névyé pè kyí mò pè kò pè Nsyifunò tyi kònsàhnó wãlle n kò káhkáh. Nkẽ kéne tyi kònsàhnó gbò yò náh pè pì néglólé Liyel yah sòko dé, Yesu yò sèno gbò yò-á pè pì néglólé Liyel yah.

Pole sébéy tyàh-̀nsah sòko, à kè yo wẽkí dùkù nê-á Yesu à ye pì ò tẽntò névile, ànê wãh ò Nìvìnì tirlé à wẽkí dùkù nêne. A tã kè yo tòle ne péwò ànê Yesu tẽntò névyé téló tó-á pò wẽ we. Pé wẽ wénó sòko, pãh kè yo pé tyíne kwónó nê-á pé me n pì Nìvìnì tir yò, káh me n pì ké yah yò. Yah n te Kalati 1-2.

Pole syò Vyãh kónó kedyãh wey tyí, à kè wẽkí ne névi nê-à sã Yesu yò, tẽ-á kú pwáhnmòṅṅṅ we. Yesu Krista kúnóle dahni yò, képah gbò yò-á pépi me pé gblóy yò, pé náh tã me tyi kònsàhnó yòri sòko. Yah n te Kalati 3-4.

Pole sébéy tyé-̀nsah sòko, à ne pépi min pì dùkù-á yĩne kè kè wẽkí ne, páh me pé gblóy yò, yòri sòko náh péle. Pé ye ye Liyel Mirki pé yahle n tẽ, pé káh tã tyípèlle n pì. Pé pé minne n pì Yesu tyí kòle, pé tyí mó nò wẽ tyí.

Pole me kéle n wẽkí ne Yesu tẽntò névi-á péle

¹ Nmo Pole nê-á Yesu tẽntò névile, mé náh pì Yesu tẽntò névile névyé gbò yò, képah náh pì ònì yó yòhnìnmòṅṅṅ gbò yò dé. Nte Yesu Krista ànê Sú Liyel gbò yò ye mé pì kéle, òmò nê-á Yesu lékó yilki mò wilki lékyí sòko. ² Nmo ànê ò yúnpyé nónó pól-á me ásò, ápi ye n tekí n mò sébéy mène Kalati mara Yesu yò sèpú tũnkínó tyí. ³ A kéle n yah n kò Sú Liyel ànê Tẽ ògbẽ Yesu Krista tyí ne pè yòbèṅṅṅ pì yé tyí, pè mó yèvinine yé kò. ⁴ Krista ye ò gblóy kò pè à kò mò ápi tyípèl yĩne, ne pé á wilki kèkòyó mè pèkè sòko à yĩne Liyel-á me ké tyí sò, òmò nê-á á Súle. ⁵ Gbílkinó ne n sah òmò yò gbímegbí. Amiina!

Kalati tãn náh vìnóle Nìvìnì tir kò

⁶ Liyel nê-á ye yéle Yesu Krista pèpòri gbò yò, yáh yé náh vi òmò kò súú té tir káhkí yó sò tẽ, nê-á mìnnyobe ne képah-á Nìvìnì tirlé, képah pì gbèndùnìne òmò tyí. ⁷ Té kè náh me á kú ne Nìvìnì tir káhkí yó sò me dé, sò, òte nòsyó ó ye me, nónó-á me fèkínóle n dahbi yé wró sòko, me n yah n kò ne pé Krista Nìvìnì tir vi mò. ⁸ Nte ònì yó, képah náh pì ápi òtẽ, képah náh pì yínyò tònpi yó fyé-à pò Nìvìnì tir káhkí yó yo yé tyí, nê-á kè náh me núkúle ápi-á nê yo yé tyí, tẽ tyí kú yíkí. ⁹ A kè yo sòko te, té mé kú tã ò syí kè tã yo núkúnúkú ne, ònì yó-à Nìvìnì tir káhkí yó yo yé tyí, nê-á kè náh me núkúle yáh nê fẽ syi sòko te, tẽ tyí kú yíkí. ¹⁰ Nte núkúnúkú, òmò náh me n yah n kò ne névyé òne n sò dé, mé me ké tyí ne Liyel òne n sò. Névyé dyò yí tẽ náh òmò

n yah n kô pí-ńsahle. Képah-à nê sò mé n yah n kô, mé nãh nãhki n me n pi Krista tãnpule.

Pole-á pi Yesu tãntò névile òkù nêne

¹¹ N yũnpyé, mé kéle n yo n dal n mo yé tyí ne, Nìvìnì tir nê-á mé yo yé tyí, kè nãh wil névye tyí dé. ¹² Névi nãh yo ní syah kéle, ònî yó òtê nãh mó tã kwò òne kéle. Nte Yesu Krista ye ní wẽki kéle.

¹³ Nmo-á sò me Nsyifunò Liyel nínó wẽkile n kò gbí nêne, máh sò me n pi òkù nêne, yé ké tyí yónó noh. Mé sò me Yesu yò sãpú ònkile n kah n fõh, fók me n yah n kô pé duku tó-ńsahle. ¹⁴ Mé sò me á kô Nsyifunò nãhnãh yah ònne ápi Nsyifunò Liyel nínó wẽki kóló sòkò. Mé sò me gbah tẽ kal péle kéne wẽki kóló sòkò, képah nê-á á súbí wẽdyãhle. ¹⁵ Nte Liyel ye òmo yah tãkò ní dúbí-òkẽ gbí òkùle, té ní ye ò tò pi yinne ò pèpòri gbò yò. ¹⁶ Té wãh pò kè yah tãkò à ò Pídine ní wẽki, té ne mé ò tyíle n yo n kô névye tyí nónó nãh pi Nsyifunòle, kãh pi sã, mé nãh kyí vinnmòno yah kô ònî yó òtê tyí. ¹⁷ Mé nãh mó tã òkò yuku Yerusalemù sòkò à kyí wil Yesu tãntò névye tyí nónó-á tò tyah òmo yah dé. Mé yò sòkò Arabi yamana ògbò sòkò. Képah nãh, mé ní syí pò Damasi kwil sòkò. ¹⁸ Té ye tónó sókònteno nãh, mé kyí Yerusalemù sòkò, á kyí wẽ we pí ànê Pyerile, té tẽ òne wẽ tyí à sèpìn gbõnkwló pi. ¹⁹ Nte à wil òmo ànê Tẽ ògbẽ gbẽndí Nsyaki tyí sòkò, mé nãh tã Yesu tãntò névi yó òtê we. ²⁰ Tyí nónó pól-á mé n wãrki n tekí n mo yé tyí yò, Liyel ye òmo tàrfyòle ne mìnì nãh mé n yo. ²¹ Képah nãh, mé me sòkò Siri yamana ànê Silisi mara sòkò. ²² Nte Nsyude mara Yesu yò sãpú ònkínó nãh sò me òne n pne yí yah. ²³ Pè sò noh óle ne, névi nê-á sò n fõh péle ògbòle, wãh me ò syí Krista yò sãno tyíle n yo, képah nê tyí-á lésò à n yah n kô yíkí-ńsahle. ²⁴ Képah sòkò, pè sò me Liyelle n gbilki òmo tyí sòkò.

2

Yesu tãntò névye wẽ wénòle Yerusalemù kwil sòkò

¹ Képah nãh, ye gbõnyãh sókònteno sòkò, mé tã yuku Yerusalemù kwil sòkò ànê Barnabasile. Mé Tite tã tẽ dohnù ní gblõy yò à sòkò. ² Liyel ye wẽki òne tir yóle ní kò mé òkò yuku Yerusalemù sòkò. Té máh tò nê pi sòkò te, ànê máh me nê pínó sòkò, mé nãh sò me ké tyí ne sè pi yòkãne. Képah yinne, máh yini tẽ, mé kyí wil Yesu yò sãpú yah tãm tyí pé yahle, té máh Nìvìnì tir yo òkù nêne névye tyí nónó nãh pi Nsyifunòle, mé ké yah yo pépi tyí. ³ Nte òmo kó-ò Tite nê òtê-á Nsyifu nãh òne, pè nãh à kyí mo à kò à kòkè kò. ⁴ Á yũnpyé nètúkùnì yísyó sò me ké tyí ne Tite kòkè kò. Pépi ye sò pò de fẽki á wró sòkò, Yesu Krista-á pò á we wilki tyí kònsàhnó yòri nê sòkò, képah ségló ye pè pò yãh-ńsah té me ké tyí ne pé á tã dahbi kéne yòri sòkò. ⁵ Nte ápi sò me ké tyí ne Nìvìnì tir nê-á gbule, kè tẽ ké òkùle yépi yinne. Képah ye, á nãh kè fẽ syi pé tyí. Á nãh sah pé tyí yò kwéy òtêne. ⁶ Nte nónó-á no me n yah yah tãmne, yín-ńsah nê-á sò me pé tyí, képah nãh me tir yóle òmo tyí. Liyel nãh ònî yó òtêne n tãkò fõnfõne n pi ò ní-òle ò. Kéne névye òpi òtê tã nãh mó tir yó we yo dohnù ní Nìvìnì tir yónó yò. ⁷ Nte pè pyé kè we pí òtêne ne, Liyel-á kè dahbi òmo gbò ne mé Nìvìnì tirlè n yo névye tyí nónó nãh pi Nsyifunòle, sã-á à kè dahbi Pyerì gbò ne à kéle n yo Nsyifunò tyí. ⁸ Yé nãh we di, Liyel nê-á pi Pyerile tãntò névile Nsyifunò tyí, òmo ó ye pi òmo tole tãntò névile névye tyí nónó nãh pi Nsyifunòle. ⁹ Képah

sokɔ, Nsyaku ànê Pyerɩ ànê Nsyõpi nónó-á yah tãmne Yesu yõ sěpú tĩnkĩ sokɔ, pépi me kè pĩ ne Liyel-á pi ní tyí yòbènɔrɩle à ní dah mɔ tò mè pínó sokɔ. Kãh pi sě, pè me yuku pɔ gbãñ dahbi wɛkɩ n̄mɔ ànê Barnabasɩ tyí, à kè wěkɩ ne á pól-á pi tò núkú pípúle péle. Képah tẽne, á me yo sah núkú yõ péle ne, ápi-á kɩ á yah mɔ névyɛ tĩnne nónó nãh pi Nsyifunɔle, té pépi kɩ mó pé yah mɔ Nsyifunɔ tĩnne. ¹⁰ Té pè kè yah kɔ á tyí wɔle ne, á á dyɔ sah ne n kwne pépi Yesu yõ sěpú tĩnkĩ yãm tãn tyíle Yerusalemɩ sokɔ. Pãh kè yo sɔ, képah ye mé me n pi ní ni pólle.

Pole me lékãhle Pyerɩle n kɔ Antyɔsyɩ kwil sokɔ

¹¹ Képah nãh, Pyerɩ-á pɔ pɔ Antyɔsyɩ kwil sokɔ gbí nêne, à pí-nkê tyi pi. Kãh pi sě, mé lékãhle à kɔ no pól yí yah. ¹² Yé nãh we di, gbí nê-á lésɔ Nsyaku tẽntò névyɛ nãh tñnì me pɔ Antyɔsyɩ sokɔ, Pyerɩ sò me n yõ wě tyí ànê á yúnpyé Yesu yõ sěpúle, nónó nãh pi Nsyifunɔle. Té no nópi-á fyò pɔ yĩni tẽ, à núkú ñ gbe á yúnpyé Yesu yõ sěpú nópile, nónó nãh pi Nsyifunɔle. Á nãh tñ me n yõ péle wě tyí Nsyifunɔ yah tiki tẽ tyí.* ¹³ Nsyifunɔ téló tɔ mó kɔ ñ nãh pí-nkê tyi nópi pínó sokɔ, fók pè Barnabasɩ ñtẽ tɔ yõ yɩkɩ mɔ ké sokɔ. ¹⁴ Nte Niv̀nì tir nê-á gbɩle, máh fyò pɔ kè we ne pè nãh me n kɔ képah wěkɩ yõ, mé núkú yo Pyerɩ tyí no pól yí yah sokɔ ne nkê: «Áwɔ nê-á Nsyifule, wãh pɔ ásò sokɔ, á á nãh vi Nsyifunɔ tyi kònsàhnó wãl kɔ, té n kɔ á yúnpyé Yesu yõ sěpú tyí kòle nónó nãh pi Nsyifunɔle. Té yõ nê yõ me, á kɩ pɔ pépi wɔle n kyĩ n mɔ n mɔ Nsyifunɔ tyi kònsàhnó wãl kóló sokɔ núkúnúkú wé?»

¹⁵ Gbi tẽ wɔ ye Nsyifunɔ ye ápile á wĩl-nsah sokɔ, nékáhbí nãh ále pépi nónó-á pè n ne n ye Moyisi tyi kònsàhnó dèl pípúle. ¹⁶ Nte á pól pĩ ne Moyisi tyi kònsàhnó wãl kóló nãh fẽ névi yó ñtẽ pi négbɩle Liyel yah sokɔ, fók névi nê ó-à sě Yesu Krista yõ. Ápi tɔ me ké tyí ne á pi néglóle Liyel yah sokɔ Yesu Krista yõ sěno gbò yõ, té kè kãh pi ne Moyisi tyi kònsàhnó wãl kóló pèpey gbò yõ sɔ. Nnì yó ñtẽ nãh se fẽ n pi n pi négbɩle Liyel yah sokɔ, képah gbò yõ té. Nte á pól pĩ ne Moyisi tyi kònsàhnó wãl kóló nãh fẽ névi yó ñtẽ pi tómm Liyel yah sokɔ, fók névi nê ó-à sě Yesu Krista yõ. Ápi tɔ me ké tyí ne á pi tómm Liyel yah sokɔ Yesu Krista yõ sěno gbò yõ, té kè kãh pi ne Moyisi tyi kònsàhnó wãl kóló pèpey gbò yõ sɔ. Nnì yó ñtẽ nãh se fẽ n pi n pi tómm Liyel yah sokɔ, képah gbò yõ té. ¹⁷ Nte áyáh n yah n kɔ pí-nsahle tómm Liyel yah sokɔ á wró kwrónmɔnɔ gbò yõ Kristale, té kè kè wěkɩ ne Moyisi tyi kònsàhnó dèl pípú-á ápi tɔle, képah se yó n wěkɩ ne Krista-á á mɔ tyípekè pínó sokɔ? Pólle! ¹⁸ N̄mɔ-à ntyĩno ní nãh vi Moyisi tyi kònsàhnó wãl kɔ, té tñ pɔ ní syɩ pɔ séle n kɔ à, mé nãh ní gblõy wěkɩ sé dèl pí-òle di? ¹⁹ Moyisi tyi kònsàhnó wãl kóló tyí tĩnne, n̄mɔ me ne kókè sɔ ñne. Moyisi tyi kònsàhnó ñtẽ ye pi képahle ní kɔ mé ní minne n we n pi Liyel tyí yõ. N̄mɔ ànê Kristale, á tñ ye syɩ dahni yõ wě tyí. ²⁰ Mé sɛnsɔ me min sokɔ ó, ñte n̄mɔ nãh n tẽ ní gblõy yahle dé, Krista ye n tẽ ní yahle. Máh min sokɔ wil gběnsèle ní tyí núkúnúkú yò, mé me ní min pólle n pi Liyel Pídí Krista yõ sěno sokɔ, ní tyí-á no ñmɔ nê tyí, fók à fẽ syi pè à ko mɔ n̄mɔ yĩnne. ²¹ Yé nãh we di, kãh sò me pi ne névi-á kɩ fẽ pi négbɩle Liyel yah Moyisi tyi kònsàhnó wãl kóló gbò yõ, yõ se nãhki sò me Krista kúnó tyí? N̄mɔ nãh Liyel pèpɔri yahle n pi dé!

* **2:12** 2.12 - Nsyifunɔ yah tiki pínó nê tyí-á n yo ásò yò, Nsyifunɔ pól nãh pè n ye dé. Pé nónó-á sě Yesu yõ, té mó tñ me ké tyí ne Nsyifunɔ tyi kònsàhnó wãl ne n kɔ kãhkãh, pépi ye pè n ye.

3

Pole-á Kalati mara tãn yah yo òkù nêne

¹ Kalati mara tãn, yé lékám tekí kah mɔ; nê yíkí yé yòle? Té Yesu Krista dahni yò kúnó tyí mó tã yo wah yé wěki palle. ² Nê ó-á mé me ké tyí ne mé piki yah yé tyí képah ye yò. Tyi kònsàhnó wàl kóló gbò yò se yé we Liyel Mirkile? Óó dé, Nìvìnì tir yò sě́nó gbò yò ye yé we kéle. ³ Yé lékám tékínó se yìni tē nēnpó tyí? Yáh nê tyah Liyel Mirki táhkìle, yé se me n sò ne yáh kí fě kè syi yé yěngbě táhkìle? ⁴ Nte à, tyi nónó pól sòkò-á yé de wil sòkò, sè se pì yò kěne? Sè náh fě n pì n pi yò kěne dé. ⁵ Liyel nê-á yé kò n Mirkile, té me gbìl tyile n pì yé wró sòkò, yé tyi kònsàhnó wàl kóló yìn se à n pì kéle? Óó dé, Nìvìnì tir yò sě́nó yìn ye.

⁶ Kè me yónóle Liyel wey sébéy sòkò ne níkē: «Abrahmí tē wò sē Liyel yò, képah yìnne à pì négbìle Liyel yah sòkò.»* ⁷ Yé yìne yè kè pì ne níkē, Yesu yò sě́pú-á Abrahmí náh tãnne. ⁸ Liyel kè yo Abrahmí tyí ne: «Mé kí syò áwò tyí kí sãm mɔ yìkìni pól sòkò.»† Képah ye, kè lésò me wárkínsàhnóle Liyel wey sébéy sòkò ne, névyé nónó náh pì Nsyifunóle, Liyel-á kí pè pì tómm Liyel yò sě́nó gbò yò. ⁹ Sò-á Abrahmí sē Liyel yò té à me sãm mɔ n sòkò, sē ye névi nê tɔ-à sē Yesu yò, Liyel kí sãm mɔ tē sòkò òmò tyí kòle.

¹⁰ Kè me wárkínsàhnóle Liyel wey sébéy sòkò ne, névi nê-á tyi kònsàhnó tyíyónó pól wàlle n kó-níkēne, pèkè-á me tē yò.‡ Képah ye, nónó pól gbò sàhnó-á me tyi kònsàhnó wàl kóló ó yò, pèkè me pé yò. ¹¹ Kè me wárkínsàhnóle Liyel wey sébéy sòkò ne níkē: «Liyel yò sě́nó gbò yò ye tómm kí min yèsyìkì we.»§ Képah ye, kè me pìkínóle ne ònì yó òtē náh fě n pì n pi tómm Liyel yah sòkò tyi kònsàhnó gbò yò. ¹² Nte tyi kònsàhnó wàl kóló náh me núkúle Yesu yò sě́nóle dò. Kè me wárkínsàhnóle Liyel wey sébéy sòkò ne, névi nê-à tyi kònsàhnó wàlle n kò, sépi gbò yò-á tē kí me min sòkò.* ¹³ Krista ye ápi yò dwe wilki tyi kònsàhnó pèkè gbò, wáh sònpí fě syi pèkè twah n yò ápi yìnne. Kè me wárkínsàhnóle Liyel wey sébéy sòkò ne, pàh névi nê gbel séswo tyí, pèkè-á me tē yò.† ¹⁴ Sē ye kè pì té sãm nê-á mɔ Abrahmí sòkò, Yesu Krista gbò yò, kè yìni tē névyé tyí nónó náh pì Nsyifunóle. Té Krista yò sě́nó sòkò ye ápi Liyel Mirki we, Liyel-á n vyāh kò nê tyí sòkò.

Moyisi tyi kònsàhnó náh fě n pò Liyel vyāh kónó vi n mɔ n pi

¹⁵ N yúnpyé, mé kí wey mè yo kí yìne névyé pì òkùle. Sò-á névi-à n fòkò wèkí n kú-níkē sòkò, tyi nónó-á níkēne tē n yo, ònì yó òtē náh sé òkùle n ko n pne, képah náh pì kí fě kwāh dohní sé yò. ¹⁶ Óhò, sē ye Liyel vyāh kónó tɔle Abrahmí ànê n náh ney tyí. Kè náh yo ne Liyel-á n vyāhle Abrahmí ànê n náh tãn kò, á kí ne n náh tãn sò me dò dé. Kè yo ne, n náh ney-á. Képah n wěki ne nēnúkù tyí-á n yo, nê-á pì Kristale. ¹⁷ Yé yah, nê-á sò mé me ké tyí ne mé yo kè we yò. Liyel-á sò n vyāh kò sah tir nê tyí sòkò, ye kyeyéh yògbām sókóntenò náh, Moyisi tyi kònsàhnó náh fě n pò képah kò kè kò kè n pì n pi yò kěne dò. ¹⁸ Yé náh we di, Liyel-á n vyāh kò pèpɔrɪ nê tyí sòkò, képah-à me n we n pne Moyisi tyi kònsàhnó wàl kóló gbò yò, vyāh kónó gbò yò náh mó tã kè n we dò. Nte Liyel vyāh kónó gbò yò ye à pèpɔrɪ pì Abrahmí tyí.

* **3:6** 3.6 - Yah n te Yenesɪ 15.6. † **3:8** 3.8 - Yah n te Yenesɪ 12.3. ‡ **3:10** 3.10 - Yah n te Tõnyonɔ 27.26. § **3:11** 3.11 - Yah n te Yabakuki 2.4. * **3:12** 3.12 - Yah n te Levitiki 18.5. † **3:13** 3.13 - Yah n te Tõnyonɔ 21.23.

19 Nte tir nê yĩn me Liyel tyi kònsàhnóle á kǒ? A sǒ képahle á kǒ dohnı, nê-á kı sǒ ñ dël tyile ále n wěki, pópó kı pɔ nɔ Abrahmı náh ney dúbínó tyí, Liyel-á lésǒ ñ vyãh kǒ nê tyí sɔkɔ. Yĩnyǒ tǒnpıbı ye sǒ syǒ wey syınyo-ò‡ tyí, à tyi kònsàhnó mène névye kǒ. 20 Té kàh nénúkù óle, á se kı fě ne ney pɔ de yo ñ wró sɔkɔ? Nte Liyelle, núkú ó ye ñne dò.

21 Képah se n wěki ne Moyisi tyi kònsàhnó-á me Liyel vyãh kǒnóle n fwo? Pólle! Kàh sǒ me pı ne tir kònsàhnó yó sǒ névye kǒ, nê-á kı sǒ fě pé min pwah mɔ, névye náhkı sǒ fě pı tómm Liyel yah sɔkɔ kéné tir kònsàhnó gbǒ yǒ sɔkɔ dò. 22 Nte Liyel wey ne nkě, kèkǒyó névye pól-á me tyípékè mɔ sɔkɔ. Kàh pı sě, Liyel-á ñ vyãh kǒ tir nê tyí sɔkɔ, à kı kéle Yesu yǒ sěpú kǒ pé sěno gbǒ yǒ Yesu Krista yǒ.

23 Krista yǒ sěno gbı-á pópó n se, á lésǒ me Moyisi tyi kònsàhnó ñgbò gbǒ sǒ sɔkɔ à légbıne n syıki. 24 Kàh pı sě, Moyisi tyi kònsàhnó ye lésǒ n wěki ále wěkì pèpeyne, pópó à pɔ yĩni tě Krista pónó tyí, á kǒ á we pı tómm Liyel yah Krista yǒ sěno gbǒ yǒ. 25 Nte Krista yǒ sěno gbı-á fyò se te, tyi kònsàhnó vyãh de á yah těno tyí sɔkɔ. 26 Núkúnúkú, Yesu Krista yǒ sěno gbǒ yǒ, yépi pól pı Liyel wěnpıle. 27 Yépi nónó pól-á wel wilki ni sɔkɔ, yé pı núkúle Kristale. Krista pı dükù ye yé sɔkɔ tótó. 28 Képah ye, kè se Nsyifu ò, kè se névi nê náh pı Nsyifule ò, kè se yǒ ò, kè se névi nê náh pı yǒle ò, kè se dí ò, kè se sê ò, núkú ye yé pólle yé wró kwrónmɔnɔ gbǒ yǒ Kristale. 29 Té yáh fyò pı Krista tyíle, Abrahmı náh tãn ye yéle nónó-á kı pèpɔrı we n pi, à yĩne Liyel-á ñ vyãhle Abrahmı kǒ sǒ.

4

1 Máh me nêne n sǒ, kè we yò: Gběnyò-à me wěnpırlle gbı nêne, à n ne me núkúle yǒle ñ tahrı nété fyé yah yǒ. 2 Kàh pı sě, ñ těnsàhpu ànê ñ tyi yah wàhpu n ne n yah n dah n mɔ ñ tyí sɔkɔ, pópó ñ pɔ n nɔ ñ yah syıkínó gbı tyí, ñ sú-á nê yah tɔkɔ sah. 3 Sě ye, gbı nê-á ápi tɔ lésǒ me wěnpı sǒ, á lésǒ me kǒ kèkǒyó tyi náh, té me pı tě yǒbıle sé tyí. 4 Nte gbı nê-á sǒ Liyel syıki tě, légbı-á pɔ nɔ, à ñ Pídı tekı mɔ kèkǒyó. Pídı mè pɔ dubi sê yó tyí, té sǒ me Nsyifunɔ tyi kònsàhnó wàlle n kɔ, 5 névye yǒ we n dwe n wilki yinne Nsyifunɔ tyi kònsàhnó wàl kóló yǒrı sɔkɔ, ànê á pól we n pı yinne Liyel wěnpıle. 6 Nte ñ wěnpı ye ntyıno yéle kè. Yé náh we à ñ Pídı Mirki dah mɔ á pól nno sɔkɔ, nê-á nkěne á kǒ à n ne n yo yınpǒ ñgběne ne: <Bǒ, nımo Sú!>* 7 Kàh pı sě, yǒbı náh tǒ ále; Liyel pye ye ále. Té áyáh pı ñ pyele sě, képah ye ápi tɔ kı pèpɔrı we ñmo tyí.

Pole yáh-nsah tyénóle Kalati tãn tyíle

8 Ngbòle, gbı nê-á yé náh lésǒ me Liyelle n pne, yé lésǒ me yǒrıle n pı yı yısyó tyí sé gbılkinó sɔkɔ, té Liyel náh se mó tǒ séle sé wıl-nsah. 9 Nte núkúnúkú, yé Liyel pı. Té mé kı tǒ fě yo ne Liyel-á n pne yépile nkě. Yé se tǒ yĩne ye yé syı n tǒ n de kéné yǒrı sɔkɔ, yé kéné yǒ ké yıle n gbılki sépi nónó-á sohki kěne? 10 Yé me sèpın, ànê nıwǒlǒ, ànê tyi túkù pı gbı, ànê ye wɔ túkúle n mɔ n kǒ. 11 E! Yé tyí me nımo yáh-nsah tye dé. Máh yèvyãhrı tǒ nê pı yépi yinne, kè náh n pı n pi nónóle lé?

12 Nımo nı gblǒy pı yépi tyí kǒle. Képah ye nı yúnpyé, mé yéle n ni ne, yépi tɔ yé gblǒy pı nımo tyí kǒle. Yé náh pı de yah nı tyí dò. 13 Yépi nte pı ne, Nıvını tir yónó

‡ 3:19 3.19 - Wey syınyo-ò nê tyí-á n yo ásò sɔkɔ yò, Moyisi ye. * 4:6 4.6 - Bǒ, nımo Sú nê-á Liyel Mirki á kǒ á n yo ásò sɔkɔ yò, á dyo ye kè n to n kǒ ne Liyel-á á Súle.

gbenne yé tyí, yam gbò yô-á mé we yo kéle yé tyí. ¹⁴ Té ní wil gběnsê yam mè yáhnó náh sò me no. Té képah fyé yô, yé náh fě syi ní yilo, yé náh ní sohlí. Nte yé pyě ní tō sah tē Liyel yinyō tōnpi yó sō nne; á kɪ ne Yesu Krista ntē sō nne. ¹⁵ Nìvìnì lésō me yíi yé soko légbíne. Té nyāh me yé mō kéne nìvìnìne nùkúnúkú wé? Mé kéle n yo kègbɪ yô ne, kàh sò me fě n pi n pi, yáh nàhkɪ sò me yé yí gbahlí wilki ní kō. ¹⁶ Nte nùkúnúkú, ní gbɪ yónó yinne yé tyí, mé kɪ pi yé sèpɛle lé?

¹⁷ Nósyó me gbah tē ne páh me yé sò tē, nte yé tyí sōno pèplo náh me pé soko dé. Pè me ké tyí ne pé nmo ànê yépi wró gbekɪ, yépi mó gbah tē pépi sò tē. ¹⁸ Yáh gbah tē tyípèplo sò tē gbímegbí, tyípépèy ye kéle. Té kè náh yīne kè ne n pi yáh nmo we gbí nê óle dé. ¹⁹ N wēnpì, mé tō me n kwlo yé tyí soko kúrntēsè sō, pópó kɪ pɔ no gbí nê-á yé pi dùkù kɪ vi mɔ pi Krista tyí kōle. ²⁰ Nte ní yáh-nsah me tye yé tyíle. Képah ye, mé sō nàhkɪ n gblōy we yé wró soko nùkúnúkú ntēne, mè tyi nòpi we n yo yé tyí dùkù yóle.

Gblōy yô ménó se fónfó, tí, yōri se fónfó?

²¹ Yépi nónó-á me n yah n kō tōnkò-nsahle Moyisi tyi kònsàhnó náh, yé se kɪ fě yo nmo tyí ne kàh tyi nónó yo, yé náh sè we noh? ²² Kè me wárkínsàhnóle Liyel wey sèbéy soko ne, wēnpì nēpì ní-mí-á lésō me Abraham tyí. Núkúle, yō pi Akar pídí-á, ní-ò me Sara pídíne, nê-á yō náh nne.† ²³ Piri nê-á pɔ dubi yō pi Akar tyí, nmo dubi à yīne névi yòtàhsyi yáhtokɔnɔle. Nte piri nê-á pɔ dubi Sara wɔ tyí, nmo dubi à yīne Liyel-á sò n vyāh kō sō. ²⁴ Tyi nòpile yò kè; tir yó ye sè ále n wēkɪ. Syó nòpi tyi me yégbékè kwrónmɔnɔ duke nínóle ále n wēkɪ. Akar ye yégbékè kwrónmɔnɔ gbenne, nê-á we Syinayi yōh yō. Yōbɪ ye nmo me n dubi n mɔ. ²⁵ Nmo ye Syinayi yōlɪle, nê-á me Arabi yamana soko. Á kɪ fě à tɔkɔ sāh Yerusalem kwillè kwey mè soko. Yé náh we di, Yerusalem kwil tɔ me yōri soko ànê ké névyele. ²⁶ Nte Yerusalem nê-á me yinyō, képah náh me yōri soko. Képah ye ápi yūne. ²⁷ Yé yah, kè me wárkínsàhnóle Liyel wey sèbéy soko ne nkē:

<Ne n me nìvìnì soko píkànsè, áwɔ nê-á á náh sò me pile n we.
Ne n syo n wilki n mɔ nìvìnì tē tyí, áwɔ nê-á á náh pi dúbínó yónó pī.
Yé náh we di, sê yáhlensàhnó pye kɪ dò kal
pètē tyíle.>‡

²⁸ Nte yépi wɔle, ní yūnpyé, yé dubi à yīne Liyel vyāh kōnóle, sō-á Yisakɪle. ²⁹ Piri nê-á lésō dubi à yīne névi yòtàhsyi yáhtokɔnɔle, nmo lésō me n ní-òle n fōh, nê-á dubi Liyel Mirki gbò yō. Té sē ó ye kéle kwey mè tɔ soko. ³⁰ Nte sō me Liyel wey sèbéy yo wé? Kè ne nkē: <Yō pi pídí náh yīne gbekɪ yónóle wē tyí pídí yóle, nê yú náh me yōle. Képah ye, yō pi yīni ànê n pídí tɔle.>§ ³¹ Kàh pi sē, ní yūnpyé, yō pi pye náh ápile dé. Sê nê pye-á ápile, yō náh nne.

5

Yé se kɪ yé syi de yōri soko ntō?

¹ Krista me ké tyí ne á ne n me á gblōy yō soko, képah ye à kō à á wilki yōri soko. Té yé yé tah n sah, yé káh n tō yé syi n de yōri soko.

† 4:22 4.22 - Yah n te Yenesi 16 ; 17 ; 21. ‡ 4:27 4.27 - Yah n te Yesayi 54.1. § 4:30 4.30 - Yah n te Yenesi 21.10.

² Nmo Polele, yé noh ní tyí yò: Yáh kɪ kòkè kō, Krista náh tir yó peki n pi yé tyí.*
³ Mé kéle n yo yé tyí ntō ne, névi nê tē-à kɪ fyò kòkè kō, wáh kɪ Moyisi tyi kònsàhnó pól wàlle n ko káhkáh. ⁴ Yépi nónó-á me n yah n kō ne yé pi néglóle Liyel yah Moyisi tyi kònsàhnó wál kóló gbò yō, yé gblōy ye yé gbe Krista náh. Yé vyāh náh tō me Liyel pèpɔri tyí soko. ⁵ Api tē wole, á me ké tyí ne á pi néglóle Liyel yah soko n yō sēnó gbò yō. Képah sōno ye Liyel Mirki dahbi ápi soko, té á me kéle n deki náhnáh. ⁶ Yé náh we di, névi nê wró tē-à fyò me kwronmonole Kristale, tē kòkè kō ò, tē náh kòkè kō ò, tir yó náh képahle. Nê-á ké yōle, Liyel yō sēnó yīne kè ne n wēki tyi pi dukù soko, tyínono soko.

⁷ Yé lesō me n yuku yahle palle. Nte nê tē ó po kō yé yahle yé kō yé gbi wēkì fin mo wé? ⁸ Liyel nê-á yé ye pi n tyíle, nmo tē wo náh se yiki yé yōle té. ⁹ Pè náh ne kókónó kwéy ó-á n doko mífáhkì pólle di? ¹⁰ Té sépino pól soko, nmo gbò sàhnó me yé yō Tē ngbē gbò yō ne, yé náh n fē n syi káhkí vi n pi. Nte névi nê-á n yiki yé yōle, tē-à ké se me nédúkú nēne, fóhnó kɪ n sah n pi tē yō. ¹¹ Nmo tē wole ní yūnpyé, káh sò me pi ne kòkè kónó tyí sō tō mé me gbah tē n yo ne kè ne n pi, yō se náhkɪ me ké tyí pè nne ne n fōh ntō? Kègbɪ yō, képah tyí-à tō sò ne mé me gbah tē sē, Krista dahnɪ yō syínó se náhkɪ me yō yíkinóle nni yó ntē tyí ntō? ¹² Nónó-á n dahbi fēkinóle yé wró, pè káh yīn kòkè kónó ó tyí dé, pè pé tyínó kōli n to pnépné ntēne kè.

¹³ N yūnpyé, gblōy yō we n tē yīn ye Liyel ye yéle. Nte yé káh núkú sah képah yō, yé mó yé dyo dyo tyile n pi dé. Yé wēne ne n yohnɪ n mo tyínono soko. ¹⁴ Yé náh we di, Moyisi tyi kònsàhnó tyi pól ye tir kònsàhnó núkú mè tuke mo yo ke núkúle ne níké: «Á ní-ò tyí yīne kè no á tyí á gblōy tyí kōle.»† ¹⁵ Nte yáh wēne n nwāhki, té wēne n ko sē à; yáh kɪ yé gblōy tē-níkēne, yé kɪ po wē tyí yiki.

¹⁶ Yé noh ní tyí yò: Yé ye Liyel Mirki yé yahle n tē. Képah soko, yé náh tō yé gblōy dyo yī tyi pi n pi. ¹⁷ Yé náh we di, névi gblōy dyo yī tyile, Liyel Mirki dēl tyi ye sépile. Liyel Mirki to dyo yī tyi-á mó tyi nónóne, névi dyo yī tyi náh sépile. Té sépi tē-á pi wē sépébíle sē, képah ye yé kō yé náh yé gblōy dyo yī tyile n pi n pne. ¹⁸ Nte Liyel Mirki-à kɪ fyò yé yahle n tē, tyi kònsàhnó vyāh kɪ de yé tyí soko.

¹⁹ Nte á gblōy dyo yī tyi-á tyi nónóne, á pól séle n pne. Sè we yò: fōfíkì pínóle, pōpō pínóle, ànê pròprò pínóle, ²⁰ ànê sāh fálnóle, ànê kló pínóle, ànê népékè pínóle, ànê mékì pínóle, ànê yūnwōrí pínóle, ànê foko vyáhnóle, ànê wē fwónóle, ànê gbékínóle, ànê gbékínóle tūntūne, ²¹ ànê yíwilkìle, ànê sètēnì pínóle, ànê yèwò pínóle, ànê sé sēnkno dukelē. Mé ké gbáhdyahle n di yé tyí, máh sò kè di sah soko yé tyí ngbò dukùle sō ne, névyē nónó pól-á n pi sētēne, pé soko yó ntē náh n de n pi Liyel tōrí soko. ²² Nte tyi nónó-á n pi Liyel Mirki yah tēnó soko, sè we yò: Tyínonole, ànê nìvìnìne, ànê yèvinìne, ànê sómnole, ànê pèpɔri pínóle, ànê yām yáhnóle, ànê gbi wēkì kólóle, ²³ ànê gblōy yele, ànê gblōy tēnóle. Sépi pólle, tyi kònsàhnó náh me séle n fwo. ²⁴ Névyē nónó-á me Krista tyí yō, pépi ye pé gblōy dyo yī tyi, ànê pé dékè tyi, ànê pé yíwilkì tyi pól syi dahnɪ yō, à sè ko. ²⁵ Liyel Mirki nê-á minne á kō, á ye ye képah kō kè á yahle n tē kè. ²⁶ Á ye káh pi gblōy gbílkípúle, à ne n pi n de wē tyí, képah náh pi, à wē dyole n yo.

* 5:2 5.2 - Kòkè kónó nê tyí-á Pole n yo ásô soko yò, kè náh me á kɪ ne à sō ne kòkè káh ne n kō dé. A ne névi nê-à n sōno sah kòkè kónó yō ne képah-á kɪ pé pi négbule Liyel yah, Krista náh tir yó peku n pi tē tyí. † 5:14 5.14 - Yah n te Levitiki 19.18, ànê Marki 12.31, ànê Likyi 10.27.

6

¹ N yũnpyé, yâh sɔ ñnî yó we tẽ à me tyítúkù yóle n pi, Liyel Mirki-á me yépi nónó yahle n tẽ, yépi tẽ tẽ mámmám yè pɔ ñne wěkì pèpey yõ. Yé nénúkù núkù pól mó yé gblõyne n kyomì, yé to káh pɔ de tyítúkùni pínó sokɔ. ² Yé wẽ yótókóbíle n twah. Yâh képahle n pi, yé me Krista tyi kònsàhnó wãlle n kɔ. ³ Névi yó-à ñ gblõyne n dokɔ n sah, té kwâh yó nâh mó tã ñne, tẽ me ñ gblõyne n tã n mɔ. ⁴ Nénúkù núkù pól yĩne pè pé tyípinì kyomì n yah palle. Nê ni-à me fẽ n vi n pi ñ gblõyne, ñ ni vi ñ gblõyne, à káh ñ gblõyne n tokɔ n sâh ñ ní-òle. ⁵ Yé nâh we di, nénúkù núkù pól-á tyi nónó pi, pè kɪ yĩn sé yótyíle.

⁶ Névi nê-à ále n kwɔ Liyel weyne, á yĩne ñ tẽne n yohni n mɔ tyi tyi pól sokɔ. ⁷ Yé káh yé gblõyne n tã n mɔ ló, pè nâh kóle Liyelle n ko. Névi-à sèmuɔ nê duku mɔ, képah ye à kɪ tokɔ. ⁸ Névi nê-à ñ gblõy dyɔ yíi tyile n pi, gblõy dyɔ yíi tyi yõre ye tẽ kɪ we, képah nê-á tyí yíkínóle. Nte nê-à Liyel Mirki dyɔ yíi tyile n pi, Liyel Mirki dyɔ yíi tyi yõre ye tẽ kɪ we, képah nê-á tyé-ńkê minne. ⁹ Á ye káh yal mɔ tyi pèplo pínóle. Yé nâh we di, áyâh tyi pèplo pínó yálnmɔ-ńkêne, á kɪ pɔ ké yõre we ké gbí pèpey sokɔ. ¹⁰ Képah ye, áyâh tyípépɛy pí-ńsah we, á ye kéle n pi no pól tyí. Té á ye kéle n pi n kal á yũnpyé Yesu yõ sɛpú wɔ tyí.

Pole wey tyé-ńsahle

¹¹ Yâh wãrkínó mè we kéle yěhyěh yò, ñmɔ ye n wãrkɪ kéle ní gbõle. ¹² Gblõy wěkínó tyí-á nɔ nónó tyí, pépi nâh me ké tyí ne pé fóhnó we Krista dahni yõ kúnó tyí yónó yĩnne. Képah ye pè yépile n kyĩ n mɔ n mɔ kòkè kònsó sokɔ. ¹³ Kéne névye nónó ñtẽ-á me kònsóle, pè nâh me Moyisi tyi kònsàhnó wãlle n kɔ ò. Pè me ké tyí óle ne yé kòkè kò, pé kò pé pé gblõyne n we n gbilki képah yĩnne. ¹⁴ Nte ñmɔ tẽ wɔle, mé nâh ní gblõy gbilki n pi tir yó ñtẽ yĩnne à wil Tẽ ñgbě Yesu Krista dahni yõ kúnó tyí sokɔ. Nmɔ dahni yõ kúnó yĩn ye ñmɔ kò mé kèkõyó tyile n yah yõ kẽ tyile, té kèkõyó névye to mó me ñmɔle n yah sɛntẽne. ¹⁵ Névi kònsó ànê ñ kò-ńkêne, yõ nâh me sépi tyí. Yõ-á me nê tyí, képah ye pi vɪnmɔnɔ nê-á Liyel dahni tẽ ni sokɔ. ¹⁶ Nónó pól-á me n kɔ képah wěkì yõ, pépi ànê Liyel no pólle, pépi nónó-á Yisrayel nolé, mé kéle n yah n kò Liyel tyí ne à yèvinune pè kò à mó pé yãm yah.

¹⁷ A tokɔ núkúnúkú tyí, ñnî yó ñtẽ káh tã ñmɔle n kwɔ. Nítbó nónó-á ñmɔ wil sokɔ, sépi n wěkɪ ne máh pi Krista tyíle. ¹⁸ N yũnpyé, mé kéle n yah n kò Tẽ ñgbě Yesu Krista tyí ne à yòbènɔri pi yé tyí. Amiina!

Pole sêbéy tékínmônole Yefesı tãn tyí

Pole wékínóle Yefesı tãn tyí

¹ Nmo Pole nê-á pi Yesu Krista tẽntò névile à yĩne Liyel nìvìnne, nmo ye n tekı n mo sêbéy mène névye tyí nónó-á pi Liyel nole Yefesı kwil sokò, té me n ko palle pé wró kwrónmônò gbò yò Yesu Kristale. ² Mé kéle n yah n kò á Sú Liyel ànê Tẽ ñgbẽ Yesu Krista tyí ne, pè yòbènòri pi yé tyí pè mó yèvinne yé kò.

Liyel-á pèpòri nónónne n pi ápi tyí Krista yò sěńó gbò yò

³ Gbílkinó ne n sah Liyel yò, nmo nê-á á Tẽ ñgbẽ Yesu Krista Súle. A ye sãm mo á sokò Krista yò sěńó gbò yò, à pèpòri duke duke pól pi á tyí nónó-á wil yĩnyò sokò. ⁴ Kèkòyó mó-ńkẽ gbí òkùle, Liyel sò ápi yah tokò pi n tyíle Krista gbò yò sokò, ne á pi yályál wényo-ńsah kěne á tyí péwo yah sokò. Tyínòno sokò, ⁵ Liyel sò kwãh tẽ kè yah tokò ne páh kı ápi pi pé wěnpìle Yesu Krista gbò yò. Yé náh we di, képah ye sò à pi à yĩne n dyo yíi tẽne. ⁶ A ye ñne n gbilki n pèpòri yĩnne, wãh nê pi á tyí n nìdè Pídí gbò yò. ⁷ Nmo tó kwénó gbò yò ye á we wil pèkè sokò, té á tyípèl me yò mo á tyí. Sě ye Liyel pi yòbènòri ñgbẽne á tyí, ⁸ képah nê-á à pi á tyí náhnáh à yípì ànê lékámne á kò yíi. ⁹ Sètin sò tir nê tyí-á no n tyí, à sò képah yah tokò sah ñgbò òkùle. Núkúnúkú, à kéle á wěki. Krista gbò yò ye sò à yah tokò tyípépěy mène. ¹⁰ Ké pi gbí-à pò no, à kı yíyin pól tuke mo nónó-á me yĩnyò ànê sétáh yò, nénúkù kò à kı pi sé yòtẽne, nmo nê-á Kristale. ¹¹ A wró kwrónmônò gbò yò Kristale, nê-á sò á we we tẽne, Liyel ye kéle á kò. A sò kwãh tẽ á yah tokò sah n tyíle. Nmo nê-á Liyelle, n dyo yíi tir ye à n ne n pi à yĩne wãh kè yah tokò sò. ¹² Képah ye, ápi nónó ñgbò-á á gbò sah Krista yò, á ye gbílkinóle n sah Liyel yò. ¹³ Yépi tole, yé wró kwrónmônò gbò yò Kristale, yé gbi wey we noh, képah nê-á Nìvìnì tirlé, nê-á yéle n pwah n mo. Nmo yò sěńó gbò yò ye tó, Liyel-á n vyãhle yé kò n Mirki nê tyí sokò, à kéle yé kò à yé pòko mo. ¹⁴ Liyel Mirki nê-á à á kò, képah ále n wěki ne wãh n vyãhle n no kò yí nónó tyí sokò, áyáh kı sè we n pi. Képah á nule n sũ ne áyáh kı sè we n pi, áyáh sò nene pwáhnmônò we pnépné. Képah sokò, gbílkinó-á kı n sah Liyel yò.

Pole nìrí pínóle Yefesı tãn tyí

¹⁵ Képah ye, nmo to-á fyò noh ne yáh me sě Tẽ ñgbẽ Yesu yò, ànê n yò sěpú tyí-á me no yé tyí, ¹⁶ gbímegbí, mè n ne n wéki Liyel tyí yé tyí sokò, n té ñne n ye n gbo yé tyí. ¹⁷ Mé kéle n yah n kò á Tẽ ñgbẽ Yesu Krista Liyel tyí, nmo nê-á tórí nètẽne, ne à lékám Mirkile yé kò nê-á kı Liyel òkùle yé wěki té kı yé kò yé kı à pĩ yíi. ¹⁸ A mó yé lékám yıki mo, sònkò wãh yé ye ne yé yé gbò sah kwãh nê yò sokò yé fẽ ké òkù pĩ; ànê wãh me yípéplò nónó yah sah n no kò, yé sé to pĩ. ¹⁹ Yè mó pĩ gbıl tẽnwenò nê-á à me yah sah á kò ápi nónó-á Yesu yò sěpúle. Kéne tẽnwenò mè ye Liyel tò pi tãhkile, ²⁰ wãh Krista lékó yilki mo gbí nene té à kò à kò tẽ n gbòyò sòle yĩnyò sokò. ²¹ A me tẽnóle tórí, ànê tãhkì, ànê tẽnwenò, ànê yòtórino pól yò sokò. Nónó yni-á me wil kweyne, ànê nónó yni-á kı n wil n pi nsòne, nmo me pépi pól yah sokò. ²² Liyel yíyin pól pi Krista gbáhkì súnsáh-ńsahle, té à pi n yò sěpú tĩnkì pól yòtè ñgbẽne, ²³ pépi

nónó-á n wil gběnsêle. Krista me tẽnóle pépi soko n tóó, ñmo nê-á Liyel to me tẽnóle n soko n tóó.

2

Tyé-ńkê min nê-á n we nònóle Krista yó sěńó soko

¹ Ngbòle, yé lésò me lékyî tyí kòle yé tyítúkúńì ànê yé tyípèl pínó yĩnne. ² Kéne tyípèl soko ye sò yé me n pi yé minne ngbòle, gbí nê-á yé me kèkòyó mè tãhkì yòtè sò tē. Kéne yòtè me tòle n pi tyah kènkãh soko. Nmo ye me Liyel tyí yáhlepu yahle n tē kwey mè soko yò. ³ Api to pól sò me pépi tyí kòle, me á dyo yí tyi óle n pi. Tir nê-à sò no á wil gběnsê tyí ànê áyáh nê sò we ne kãh me ple, képah ye à n ne n pi. Ayáh sò pi sē, képah ye Liyel pèkè kú sò á no n pi no tóló tyí kòle. ⁴ Nte Liyel nìgbèkì tno. A tyí kah no n tyí, ⁵ képah ye, áyáh lésò me lékyî tyí kòle á tyítúkúńì pínó soko gbí nêne, à minne á kò wē tyí ànê Kristale. — Yòbènrì ye Liyel pi yé tyí à yé pwah mo. — ⁶ A wró kwrónmōno gbò yó Kristale, Liyel ye á wilki kù soko ñmole wē tyí, té á sah yĩnyò tǒrí soko ñne wē tyí. ⁷ Pèpōrì nê-á Liyel pi ápi tyí á wró kwrónmōno gbò yó Yesu Kristale, à kè pi n yòbènrì ngbē wēkì yĩnne gbímegbí no pól tyí. ⁸ Yé nãh we di, yáh sē Liyel yó, à me yòbènrì pi yé tyí à yé pwah mo. Pwãhnmōno mè nãh wil yépi tyí dé, Liyel yĩnkōno ye kéle ⁹ Yépi tãhkì pínweno nãh kéle dé. Kãh pi sē, ñnì yó ñtē nãh fē n gblóy gbilki n pi. ¹⁰ Yé nãh we di, Liyel mónó ye ále. A ye á mo á wró kwrónmōno gbò yó Yesu Kristale tyípèlo pi yĩnne Liyel-á nónó yah sah ñgbò dùkùle ne á pò séle n pi.

No pól pi núkùle Yesu Krista yó sěńó gbò yó

¹¹ Yépi nónó-á lésò Nsyifunò n ye kò-ńkê névyele, té me pé gblóyne n ye kènkòbele ké nítbó yĩnne nónó-á me pé wil soko, yáh lésò me dùkù nêne légbíne, yé yé dyo sah ne n kwne képahle. ¹² Légbíne yé lésò me fíí Kristale. Yé lésò me népãnne, yé nãh me kwrónmōnole Liyel no soko. Liyel-á n vyãhle n no kò ne páh yí nónóne pè kò pé Yégbékè kwrónmōno gbò yó péle, yé vyãh lésò de sé tyí soko. Yé lésò me kèkòyó soko gbò sãh-ñsah kēne yé tyí. Liyel nãh lésò me yé tyí. ¹³ Nte núkúnúkú, yé wró kwrónmōno gbò yó Yesu Kristale, yépi nónó-á sò me fíí, yé no de Liyelle Krista tó kwénó gbò yó. ¹⁴ Nmo ye ápi yèvinne. Nmo ye Nsyifunò ànê nónó nãh pi Nsyifunòle pè kwrò mo pi yìkì núkú névyele. Dyóyókì nê-á sò me kēkì tyí kòle, me Nsyifunò ànê nónó nãh pi Nsyifunòle pé wró gbekì sah, à ye pò kéne kēkì so to n kúnó gbò yó. ¹⁵ A ye Moyisi tyi kònsàhnó ànê sé wãl kò dúkúnó pól yĩn mo. Nmo gbò yó, à Nsyifunò ànê nónó nãh pi Nsyifunòle, pé kwrò mo pi yìkì núkú névyele, yèvinì kò kè we pé wró. ¹⁶ A Nsyifunò ànê nónó nãh pi Nsyifunòle pé pól kwrò mo pi wil gběnsê núkùle n kúnó gbò yó dahni yó, té pé wró kwrò mo pi núkùle Liyelle. A dyóyókì to tyí tyí yìkì n syínó gbò yó dahni yó. ¹⁷ A pò yèvinì welo yo yé tyí yépi nónó-á sò me fíí, ànê nónó-á sò me yúkey. ¹⁸ Yé nãh we di, Krista gbò yó ye Nsyifunò ànê nónó nãh pi Nsyifunòle, á pól kú tē we yĩni tē Sú Liyel tñò n Mirki núkúnì mè gbò yó soko. ¹⁹ Kãh pi sē, yépi nónó nãh pi Nsyifunòle, népãn nãh tō yéle, wô yah tãn nãh yéle. Yé pi kwil núkú tãnne ànê Liyel yó sēpùle. Té pi Liyel nolè. ²⁰ Yé me á kú ne wòkò yó sò pè mo nê sètyah-á pi Yesu tēntò névyè ànê Liyel tēntò syínyopule, té Yesu me pi ké dáhgbiè n wahle. ²¹ Nmo Yesu gbò yó soko ye wòkò kú yĩn gbãhngbãh, té kú kyãh kú pi Liyel ní-ńsah gbòle, nê-á me Tē ñgbē tyí yó. ²² Yé wró-á kwrò mo ñmole, yépi to ye

pi gbô mè fí yóle, kú we kwro mo no téló soko kú pi tǎ-nsah yóle, nýāh soko-á Liyel kú me tǎnóle Mirki soko.

3

Pole-á kú tò nê pi n pi névyé yǐnne nónó nǎh pi Nsyifunole

¹ Képah ye, nmo Pole nê-á me wòkònpèkè soko Yesu Krista tò yǐnne, ànê yépi yǐnne, yépi nónó nǎh pi Nsyifunole... ² Liyel-á n pèpòri pínó soko tò nê dahbi ní gbò yépi tyí peki yǐnne, mé sǎ ké yò ne yáh képah tǎ wò noh ó. ³ Liyel ye syǒ wǎkínó yó tyí à n sètìn sò tirlé ní wǎki, sǎ-á mé yo soko kéle yé tyí kwéy sébéy mè yòtah soko yò. ⁴ Yáh kú kéle n kar, yé kú pǐ ne sètìn sò tir nê-á me Krista tyí soko, ké sèndyàh nǎh nne. ⁵ Liyel nǎh sò kéne sètìn sò tirlé nǎgbò tǎn wǎki, sǎ-á à kéle Yesu tǎntò névyé ànê Liyel tǎntò syínyopu négblo wǎki núkúnúkú n Mirki gbò yò. ⁶ Sètìn sò tir mè we yò, ne Nìvìnì tir gbò yò, nónó nǎh pi Nsyifunole, pé pól-á kwro mo Nsyifunole soko kú gbǎki núkú yò n pi péle, té kú n pi n pi gbǎnsê núkúle péle. Té Liyel-á n vyāh kǒ tir nê tyí soko Yesu Krista gbò yò, pé to vyāh-á kú n we n pi ké tyí soko. ⁷ Liyel-á n tǎnnpèné gbò yò yòbènrì nê pi nmo tyí, képah gbò yò soko ye nne Nìvìnì tir yónó tò soko. ⁸ Nmo nê-á Yesu yò sǎpú pól nétéyne, nmo ye we yòbènrì mène kú Yesu pèpòri tyíle n yo névyé tyí nónó nǎh pi Nsyifunole. Kéne pèpòri mène, yǐn nǎh me ké tyí. ⁹ Liyel-á kú sètìn sò tir mè pi n pi dùkù nne, mé yǐne mè kéle névyé wǎki n yǐ palle. Nmo nê-á yǐyìn pól mó-òle, à ye képah wǒbi sah nǎgbò dùkúle tyé-ńkǎne, ¹⁰ sǎnko à toko núkúnúkú tyí, yǐpí nê-á n wil Liyel tyí, yòtām pól ànê kèkòyó tǒrí nónó-á me tòle n pi yǐnyò soko, pé pól tǎ we kè pǐ Yesu yò sǎpú tǐnkì gbò yò soko. ¹¹ Sépi pól pi à yǐne Liyel-á sò nê yah toko sah tyé-ńkǎ, té pò kè pi á Tǎ nǎgbǎ Yesu Krista gbò yò. ¹² Ayáh á wró kwro mo Kristale té sǎ n yò, képah gbò yò, wǎkì me yíkínmònde á tyí kú fǎ no de Liyel tǎnò nǎsǎh soko. ¹³ Kǎh pi sǎ, nmo-á me yèvyāhrì nne n pi yé yǐnne, yé káh ye képah yé wil ku. Képah ye kú yò yòndóle yé kǒ.

Tyínòno nê-á me Krista soko

¹⁴ Képah ye, mé kú gbètukunò di Sú Liyel yah soko, ¹⁵ nmo nê gbò yò-á kǎtlo pól me sétáh yò ànê yǐnyò. ¹⁶ N tǒrí me gblò. Képah ye, mé kéle n yah kǒ n tyí ne à tǎhkìle yé kǒ n Mirki gbò yò, sǎnko tǎhkì ne n me yǐ yé soko. ¹⁷ Krista ne n me tǎnóle yé nno soko n yò sǎnó gbò yò, tyínòno mó ne me yǎhnì mo yǐ yé soko. ¹⁸ Képah soko, tyínòno nê-á me Krista soko, yépi ànê n yò sǎpú téló pól kú ké yòtukuri, ànê ké yòsǎkì, ànê ké kyāhlo, ànê ké súkúlínó dùkù pǐ. ¹⁹ Yé kú tyínòno mè dùkù pǐ, képah nê-á kal pnèné duke pólle. Képah soko, Liyel kú me n tǎó yé soko. ²⁰ Ayáh yǐ nónóne n yah n kǒ ànê ayáh me nónó tyíle n sò, Liyel ye kú fǎ séle ále n kǒ gbǐmegbǐ, fǒó kú kah mo ntǎne, n tǎnnpèné gbò yò nê-á me tòle n pi ápi soko. ²¹ Yesu Krista gbò yò, gbǐlínó ne n sah Liyel yò à wil Yesu yò sǎpú tǐnkì tyí, knò knò pól soko tyé tyénì kéne. Amiina.

4

Yesu yò sǎpú yégbékè pínóle núkúle

¹ Nmo nê-á me wòkònpèkè soko Tǎ nǎgbǎ tò yǐnne, mé yéle n ni yépi nónó-á Liyel ye, ne yé yé minne n pi à yǐne n yénó mène. ² Yé pi gblóy tǐkínmòpule, ànê nǎpír névyéle, ànê sǒmnó pípúle. Yé wǎne n n tǎ tyínòno soko. ³ Yáh me yèvìnì nê soko wǎ tyí, képah gbò yò, yé gbah n tǎ yé wró kwronmòno tǎ n sah Liyel Mirki-á nne yé

kõ. ⁴ Yé pól pɪ wil gběnsê núkú Krista gbò yõ, ànê Liyel Mirki núkú ye me. Liyel yé ye tɔle kwâh núkú yinne ne yé yé gbò sah ké yõ. ⁵ Tě ñgbě núkú ye me, ànê Liyel yõ sěńó núkúle, ànê ni sɔkɔ wɛlnwĩkĩńó núkúle. ⁶ Liyel núkú ye me. No pól Sú ye ñne. N tǒrí me no pól yõ. A me tǔle n pɪ no pól sɔkɔ. A me tǔńóle no pól sɔkɔ. ⁷ Nte á nénúkù núkú pól ye Liyel yòbèńɔɾɪ we à yĩne Krista-á me ké tyí ne pé kéle á kǔ sǔ. ⁸ Kè me wǎrkĩnsàhnóle Liyel wey sébéy sɔkɔ ne:

«Wǎh dɔkɔ yuku yĩnyõ sě,
à sɔkɔ wòkònpèkè sɔkɔ névyele.
A tǔpnènó yĩ névyele kǔ.»

⁹ Nte kwâh nê me pé n ye yĩnyõ dókónyukunɔle wé? Képah ye n wěkɪ ne wǎh sǔ tiki yuku sétáh sǔwǎh tɔ sɔkɔ. ¹⁰ Nê-á tiki pɔ, ñmɔ ó ye tǔ dɔkɔ yuku yĩnyõ léyy tǔ-ńsah sɔkɔ, kɪ kèkòyǔ pól yuku. ¹¹ Nmɔ Krista ye kǔ névyele tǔpnènó duke dukelɛ. A túkù pɪ ñ tǔntò névyele, té túkù pɪ Liyel tǔntò syínyopule, té túkù pɪ Nìvìnì tir yónkǔpule, té túkù pɪ kwópúle. ¹² Sě ye à vi mɔ Liyel nolɛ pé kǔ pé kɪ ñ tǔ pɪ dal mɔ, wǎn kǔ kè kɪ n mɔ Krista yõ sǔpú yõ. ¹³ Kǎh pɪ sě, Liyel yõ sěńó kɪ á pól wró kwɔ mɔ pɪ núkúle, té á kɪ Liyel Pídí pĩ té kɪ yuku yahle Liyel wěkì kóló sɔkɔ fók kɪ pɔ pɪ Krista tyí kǔle. ¹⁴ Képah sɔkɔ, á nǎh tǔ n pɪ n tǔ n pɪ wěnpile nónó-á kwónó kètúkúńì pípú ànê pé névyele vǔntǔnɔ kɪ ále n tɔkɔ n fi n kǔ yǎhkí tyí kǔle, kɪ á mɔ pílkinó wěkì yõ. ¹⁵ Nte áyáh kɪ gbule n yo tyínɔnɔ sɔkɔ, á kɪ yah yúkúnó we tyi pól sɔkɔ kɪ n nɔ n de Kristale ñmɔ nê-á yǔle. ¹⁶ Nmɔ gbò yõ ye wil gběnsê tǎntǎn pólle núkúle. Gbèl tél-ńtǎn gbò yõ ye wil gběnsê tǎntǎn pól wě tǔ yĩn sah. Kǎh pɪ sě, wil tǎntǎn pól-à tǔle n pɪ kǎh yĩne sǔ, wǎn kɪ n mɔ wil gběnsê yõ, kè kɪ n yuku yahle tyínɔnɔ sɔkɔ.

Min pɪ òkù késǎnne Krista yõ sěńó sɔkɔ

¹⁷ Nê-á mé n gbah n yo yé tyí Tě ñgbě wěkì sɔkɔ, kè we yò: Yé káh tǔ yé minne n pɪ Liyel pĩ-ńkě névyele tyí kǔle, pépi nónó-á pé lékám pé yahle n tǔ n mɔ yǔre kě tyi sɔkɔ. ¹⁸ Pé lékám me fókóntǔnɔle. Liyel-á min nêne n kǔ, kè nǎh me pé tyí. Képah ye pé pɪ yah wé-ńkǔpú ànê kùkùtǎhkì névyele. ¹⁹ Pé pɪ sen pĩ-ńkǔpúle, pé nǎh n fyǎh. Té pé pɪ prònpɪble à tyítúkúńì duke pólle n pɪ yĩn kǔne. ²⁰ Nte yépi tǔ wɔle, sěntě nǎh yé pĩ Kristale dé. ²¹ Mé sě ké yõ ne ñ tyí òkù pól-á yo yé tyí. Té gbɪ nê-á me ñ tyí sɔkɔ, yé kwónó we ké tɔ yõ. ²² Yáh sǔ me òkù nêne ñgbòle, yé yĩne yé képah milki. Yé yé nǎh vi yé pɪ òkù kedyáh kǔ, képah nê-á sǔnɔ túkúnine n mɔ yé sɔkɔ, nónó-á yé tyíle n yɪkɪ. ²³ Liyel Mirki-á lékám nêne yé kǔ, yé ye kè yé vi mɔ. ²⁴ Yé vi mɔ ne n pɪ pɪ òkù késǎnne à yĩne Liyel-á me ké tyí sǔ, yé mó ne n me tómm ànê yályál liyel yah gbɪ wěkì kóló gbò yõ. ²⁵ Képah yinne, yé mìnì yónó yal n mɔ, yé mó gbule n yo wě tyí. Yé nǎh we di, wil gběnsê núkú tǎntǎn ye á pólle. ²⁶ Yé fɔkɔ-à vyǎh yé káh tyípékè pɪ. Gbǐyí nǎh yĩne kè pɔ de yé mó ne n me fòkòvyǎhñì sɔkɔ sě. ²⁷ Yé káh yé mɔ n tǔ tǔ wěkì yó ńtǔ yɪkɪ mɔ sétǎn yòtǔ kǔ. ²⁸ Névi nê-à sǔ me yĩbele n yĩ, tǔ kè yal mɔ, à mó ñ gblǔy kǔ tǔle n pɪ ñ gbǎnne yĩnvì kǔne, à fě kwâh we à névi yó tɔ yohnɪ n mɔ nê-á me yǎm neyne. ²⁹ Wèntúkù yó ńtǔ nǎh yĩne kè ne n wil yé vyǎh sɔkɔ. Yé wènpèplo óle n wɛkɪ nónó-á kɪ fě névyele yohnɪ mɔ, ànê nónó-á kɪ fě pèpɔɾɪ pɪ sé nóhpú tyí. ³⁰ Liyel Mirki me yé sɔkɔ kètònpókó sǔ yé wil tyí, yé káh yèkwɔɾɪle n mɔ ké sɔkɔ. Yé nǎh we di, képah gbò yõ sɔkɔ ye yé sě yĩ ké yõ ne sǔ yó-á me n pɪ, Liyel-á kɪ yé pwah mɔ n pɪ pnépné. ³¹ Yé káh yɔle n tǔ n sah yé fòkɔnɪ sɔkɔ. Yé

fòkònyàhni, ànê mál, ànê wey sòhsòh, ànê gbyɔ yal n mɔ, à tahlɩ nɛpékè pínó duke pól tyí. ³² Yé pɩ néglólé, yé tyí mó ne n me nónóle wě tyí. Yé ne n yõ n mɔ wěne n kɔ, sɔ-á Liyel yõ mɔ yé kɔ Krista gbò yõ.

5

Kyòo sɔko kólóle

¹ Yáh pɩ Liyel wěnpìle nónó tyí-á nɔ n tyí sě, képah ye yé ñmɔle n yah n pɩ. ² Yé ye yé tyí nɔ wě tyí, sɔ-á á pól tyí nɔ Krista tyí, té à me n gblòyne Liyel kɔ ápi yinne à pɩ sárkále, nê-á me n pò sírr té ké tyí me nɔ Liyel tyí. ³ Yé pɩ Liyel nolé, képah ye fòfikì, ànê pròprò pínó duke pól, à tahlɩ yísesúkú tyí, sépi sɔko yó ñtě pínó tyí náh yĩne kè ne n nohnɩ yé wró sɔko. ⁴ Sen pí-ńkě welo, ànê wèntùkùnì, ànê nɛwãn welo to náh yĩne sè ne n wil yé vyěy sɔko. Nte pèpɔrɩ pínó wey ye yé yĩne yè Liyelle n kɔ. ⁵ Yé yĩne yè kè pɩ yĩ ne prònpɩbɩ, ànê nónó-á me sɩlkínóle Liyel yah, ànê yísesúkú névyele, pé sɔko yó ñtě náh n de n pi Krista tɔrí ànê Liyel tɔrí sɔko. Yísesúkú pínóle, sãh fálnó dùkù yó ye kéle. ⁶ Yé káh ye ñnî yó ñtě kɔ à pɔ yé pilki n sɔnɔ prènɩne. Sépi dùkù pínó ye ńkěne n pɔ Liyel kɔ à fòhnó sah n tyí yáhlepu yõ. ⁷ Képah ye, yé káh ne pɩ n soh péle pólle. ⁸ Yé lésò me fěntù sɔko ñgbòle. Nte núkúnúkú yé me kyòo sɔko yé wró kwrónmɔnɔ gbò yõ Tě ñgběne. Kyòo sɔko névye-á n pɩ sɔ, yé to ne n pɩ sě. ⁹ Yé náh we di, kyòo sɔko kóló ye n pɔ n pɔ pèpɔrɩ pínóle, ànê gbɩ wěkì kólóle, ànê gbɩ yónóle. ¹⁰ Nê tyí-á nɔ Tě ñgbě tyí, yé gbah tě kéle n pne. ¹¹ Yé káh fěntù sɔko tyile n pɩ. Yõre náh me sé tyí. Nte yé sé gbĩne n wɔ. ¹² Tyi nónó-á kéne névye me n wõbɩ n pɩ, sé tyí yáhnó ñtě me senne. ¹³ Nte tyi nónó gbĩ-à wɔ, sépi n ne n me kyòo. ¹⁴ Yé náh we di, tyi nónó gbĩ-à wɔ, sé dùkù n ne n pne. Képah ye, kè me yónóle ne: «Áwɔ nê-á me n dɔ, dɔ n yuku. Yuku n wil lékyî wró, Krista kɩ kyòo mɔ á tyí.»

¹⁵ Yé yé pɩ dùkùle n kyɔmɩ palle. Yé káh ne n pɩ yĩ pí-ńkě névye tyí kòle, yé ne n pɩ yĩ pípú tyí kòle, ¹⁶ nónó-á tir nê pínó yòbènrɩ-à fyò we pé tyí, pè kè pɩ. Yé náh we di, gbĩ nê sɔko-á ále, kè náh me palle. ¹⁷ Képah ye, yé káh pɩ lékám ké névyele, ñte Tě ñgbě dyɔ yĩ tẽ-á nêne, yé gbah n tẽ képahle n pne. ¹⁸ Yé káh tɔ wɔ kè yé tẽ, képah névi tyíle n yuku. Yé ye Liyel Mirki yé toko. ¹⁹ Yé sórèle n mɔ wě sɔko yìgbìnì sɔko yè Tě ñgbě n gbilki, yé mó yìle n gbɩ n tyí n Mirki-á nónó dahbɩ yé sɔko. Yé yìle n gbɩ yè Tě ñgběne n gbilki yé nno pólle. ²⁰ Gbĩmegbí ànê tyi tyi pól sɔko, yé ne n wekɩ Sú Liyel tyí á Tě ñgbě Yesu Krista yĩn yõ.

Pebɩ ànê pé syó-á yĩne pè tẽ sɔ wě tyí

²¹ Yépi nónó-á pɩ Krista yah tíkí pípúle, yé ne n sah wě tyí yõ sɔko. ²² Syó, yé ne n sah yé pebɩ tyí yõ, sɔ-á yé n sah Tě ñgbě tyí yõ. ²³ Yé náh we di, dí ye sè yòtěne sɔ-á Kristale n yõ sěpú tĩnkì yòtěne, pépi nónó-á n wil gběnsèle té à me pɩ pé pwáhnmɔ-òle. ²⁴ Syó yĩne pè ne n sah pé pebɩ tyí yõ tyi tyi pól sɔko, sɔ-á Krista yõ sěpú tĩnkì n sah n tyí yõ. ²⁵ Pebɩ, yé ye yé syó tyí nɔ yé tyí, Krista yõ sěpú tĩnkì tyí-á nɔ sɔ n tyí, fókú à n min kɔ pé yinne. ²⁶ Sě ye sò à me ké tyí ne pé pé yõ sěpú tĩnkì pɩ yályál Liyel yah, ni sɔko wèlnwìlkínó sɔko ànê Liyel wey gbò yõ. ²⁷ A sò me ké tyí ne pé pɔ pé yah sɔko yályál syii kěne, ànê tìkìlì-ńsah kěne, ànê yíkí-ńsah kěne, ànê wényo-ńsah kěne pé tyí. ²⁸ Sě ye pebɩ to yĩne pé syó tyí nɔ pé tyí pé gblòy wil gběnsè tyí-á nɔ sɔ

pé tyí. Névi nê kyí tyí-à nɔ̀ n̄ tyí, n̄ gblɔ̀y tyí ye nɔ̀ n̄ tyí. ²⁹ Yé náh we di, òn̄n̄ yó òtẽ wil gbẽnsê kó náh òn̄n̄ n̄ tẽ dò, tẽ n̄ pyẽ kéle n̄ pu ònkẽ; n̄ té kè tɔ̀ n̄ sah n̄ tẽ sɔ̀-á Krista tɔ̀ sah tẽ n̄ yò sɛ́pú t̄nk̄il̄e, ³⁰ képah nê-á ápile. ³¹ Képah ye, dí kɪ yal n̄ sú ànê n̄ yú t̄n̄ô, té kɪ kwɔ̀ mɔ̀ n̄ kyil̄e, pé ními kɪ pɪ wil gbẽnsê núkúle.* ³² Sèt̄in sò tir òngbẽ ye kéle. Té òmɔ̀ kéle n̄ yo ne kãh me ké yah mɔ̀ Krista ànê n̄ yò sɛ́pú t̄nk̄i tyí. ³³ Nte kè me ké yah mɔ̀ yépi tɔ̀ tyí. Yé n̄énúkù núkú pól syó tyí ȳn̄e kè nɔ̀ yé tyí yé gblɔ̀y sɔ̀, syó n̄énúkù núkú pól mó yòyénne n̄ sah pé pebi yò.

6

Wẽnp̄i ànê pé dúbípú wẽ tẽ dùkùle

¹ Wẽnp̄i, yé ne n̄ sah yé dúbípú tyí yò Tẽ òngbẽ wẽk̄i kóló sɔ̀kɔ̀. Képah ye ple. ² Yòyénne n̄ sah á sú ànê á yú yò. Képah ye tir kònsàhnó gbenne, vyãh kónóle tãhl̄inóle ké tyí ne: ³ Wãh képah pɪ, wãh kɪ me òv̄in̄i sɔ̀kɔ̀ té kɪ min sɛ́k̄i we sétáh yò sɔ̀kɔ̀.* ⁴ Dúbípú, yépi tɔ̀ káh yèkwɔ̀rile n̄ mɔ̀ yé wẽnp̄i sɔ̀kɔ̀. A ȳn̄e Tẽ òngbẽ wẽk̄il̄e, yé péle n̄ pu, yè mó kwónó pèpeyne péle n̄ kɔ̀, yè mó péle n̄ vi n̄ mɔ̀ palle.

Yõbi ànê pé nátãm wẽ tẽ dùkùle

⁵ Yõbi, yé nátãm nónó-á sétáh mè yò sɔ̀kɔ̀, yé ne n̄ sah pé tyí yò tík̄i ànê wilsyahrl̄e ké sɔ̀kɔ̀. Yé kéle n̄ pɪ yáryár dáhbí-ònkẽne ké sɔ̀kɔ̀ Krista tyí sɔ̀ yé n̄ pɪ kéle. ⁶ Kè káh pɪ á kɪ ne pãh yéle n̄ kyom̄i képah ȳin sɔ̀ yé n̄ pɪ kéle, á kɪ ne névi dyo ȳi tẽ sɔ̀ yé n̄ yah kɔ̀ pí-ònsahle dé. Yé kéle n̄ pɪ Krista yõbi sɔ̀ yéle, yè Liyel dyo ȳi tẽne n̄ pɪ yé nno pólle. ⁷ Yé tòle n̄ pɪ pé tyí yé nno pólle, á kɪ ne Tẽ òngbẽ tyí sɔ̀ yé n̄ pɪ kéle, kè káh ne n̄ me névi tyí sɔ̀ yé n̄ pɪ kéle. ⁸ Yé yé dyo sah ne n̄ kwne ne yé n̄énúkù núkú pólle, nê-à kɪ sɔ̀ me yòle ò, nê náh me yòle ò, tẽ-á kɪ n̄ tò pínó lédyáhn̄i we n̄ pɪ Tẽ òngbẽ tyí. ⁹ Yépi nónó-á yõbi nátãmne, yépi tɔ̀ s̄ent̄ene n̄ pɪ pé tyí. Yé káh dírl̄e n̄ kɔ̀ pé yò sɔ̀kɔ̀. Yé p̄i ne yépi ò, pépi ò, yé pól tyí yòt̄e yó-á me ȳinyò sɔ̀kɔ̀, nê-á à náh òn̄n̄ yó òt̄ene n̄ tɔ̀kɔ̀ n̄ pɪ fónfó n̄ ní-òle.

Liyel yò s̄e-ò méfwóȳil̄e

¹⁰ Ké tyé-ònsah, yé ye yé tãhk̄i ne n̄ wil Tẽ òngbẽ t̄enpn̄enó òngbẽ tyí. ¹¹ Yé Liyel méfwó ȳi tɔ̀kɔ̀, s̄onko yè tẽ we sétò ȳinv̄i tyi yah kò. ¹² Yé náh we di, ápi mék̄i náh me ké yah mɔ̀ névyé tyí dé. Nte kãh me ké yah mɔ̀ nónó tyí pépi ye pɪ, yòtãmne, ànê tãhk̄inóle, ànê névyé fn̄epu nónó-á me tòle n̄ pɪ kèk̄oyó f̄ent̄ú mè sɔ̀kɔ̀, ànê pèkè pɪ pɪ mréy nónó-á me tòle n̄ pɪ ȳinyò. ¹³ Képah ye, yé Liyel méfwóȳi tɔ̀kɔ̀, s̄onko yòhn̄pèkè sò-à pɔ̀, yè tẽ n̄ we sépe fwo. Képah-à pɪ yé kɪ ȳin gbáhk̄i núkú yò. ¹⁴ Yé ne n̄ me yé gblɔ̀y vi n̄ sah. Yé ye gb̄i yónó pɪ sȳi k̄õle yé tyí, gb̄i wẽk̄i kóló mó pɪ vyɔ̀rɪ fwòm̄on̄ne yé tyí. ¹⁵ Òv̄in̄i tir nê-á yèvin̄ne n̄ kɔ̀, ké yónó dékè ne me yé sɔ̀kɔ̀ yé gbyèh sɔ̀kɔ̀ lékyèh tyí k̄õle. ¹⁶ Yé Liyel yò s̄enó tẽ n̄ ȳin mèmèk̄i swàhk̄i sɔ̀ yé gb̄an sɔ̀kɔ̀ gb̄imegb̄i, yè f̄e pèkè pí-ò pn̄ép̄el pól swah kéle. ¹⁷ Yé pwáhn̄m̄on̄o f̄e n̄ syi á kɪ ne vyɔ̀rɪ gbétú sɔ̀ yé kw̄inki, yè mó Liyel wey f̄e n̄ syi kèk̄irk̄i sɔ̀ Liyel Mirki-á nê kò. ¹⁸ Yé ye yé Liyel nínó ànê yé Liyel fàlnó duke pól ne n̄ pɪ Liyel Mirki yah t̄enó sɔ̀kɔ̀ gb̄imegb̄i. Yé gbah tẽ ne n̄ yuku yahle képah sɔ̀kɔ̀. Yé Liyelle n̄ ni Yesu yò sɛ́pú t̄nk̄i pól tyí. ¹⁹ Yé nírl̄e n̄ pɪ òmɔ̀ tɔ̀ tyí, s̄onko Liyel welo pèplo dahbi ní vyãh sɔ̀kɔ̀ máh n̄ wek̄i gb̄i n̄ene, mè n̄ tẽ n̄ we ònsãh we mè tyíp̄ille n̄ yo n̄ wah nónó-á me Òv̄in̄i tir sɔ̀kɔ̀. ²⁰ Kéne Òv̄in̄i tir

* **5:31** 5.31 Yah n̄ te Yenesú 2.24. * **6:3** 6.3 Yah n̄ te Yálnó 20.12.

yah yuku yīn ye kârnne mónóle ní gbǎn tyí wòkònpèkè soko yò. Yé níríle n pi ní tyí ní kǒ mè tǎ n we kéle n yo nìsǎhle kǎh yīne sǒ.

Wey téyne

²¹ Mé me ké tyí ne yépi to pǐ ní tyí-á me dùkù nêne, ànê tir nê-á mé me n pi. Á yǔnpi Tisyiki nê-á ní nénóníne, té me tòle n pi palle Tě ògbě tyí, òmò kí pò ní tyí kèdùkù pól yo yé tyí. ²² Nmò ye we te n tekí n mò òne yé tyí ne à kyí á tyí kèdùkù yo yé syah à mó yé ni sǔ.

²³ Mé kéle n yah n kǒ á Sú Liyel ànê Tě ògbě Yesu Krista tyí ne pè yèviní, ànê tyínòò, ànê Liyel yǒ sǎnóle á yǔnpyé pól kǒ. ²⁴ Á Tě ògbě Yesu Krista tyí-á me nónóle nónó pól tyí tyétyéní kǎne, mé kéle n yah n kǒ Liyel tyí ne à yòbèòrì pi pé tyí.

Pole sɛbéy tɛkínmɔnɔle Filipi tãn tyí

Tyàh-nsah wey

¹ Nmo Pole ànê Timotele, ápi nónó-á Yesu Krista tɔnpɔbule, ápi ye n tekɪ n mo sɛbéyne Yesu Krista yɔ sɛpú pól tyí Filipi kwil sɔko, pépi nónó sɔko yísyó-á yah tɛpú ànê yòhnìnmpule, nónó-á yáhntɔkɔnsàhnóle. ² Á kéle n yah n kɔ Sú Liyel ànê Tɛ̀ ngbɛ Yesu Krista tyí ne, pè yòbènrɔ̀ ànê yèvinune yé kɔ.

Pole-á nírí nêne n pi Filipi kwil Yesu yɔ sɛpú tyí

³ Gbímegbí máh sɔ yé tyí sɔko, mɛ n wekɪ Liyel tyí. ⁴ Gbímegbí mɛ níríle n pi yé pól tyí nìvìnì sɔko, ⁵ yáh sɔnpíle pi nmo yòhnìnmpule Nìvìnì tir yónó sɔko, à tɔko ké tyah sɔ duku tyí, pópó à pɔ syi núkúnúkú tyí. ⁶ N sɛnyĩno me ké yɔ sɔko ne, Liyel nê-á tyah tɔ̀ pèpey mène yé nno sɔko, wãh kɪ yɔ sɔko kɪ kéle n tɔ̀ n sah n pi, pópó kɪ pɔ syi ké pɪnteno tyí Yesu Krista syi n pɔ sɔle. ⁷ Yé tyí nɔ̀ yíí ní tyí. Képah ye, ké yah ye yé pól tyí sɔnɔle ní sɔko sɛntɛne. Yépi tɔ̀ vyãh me yòbènrɔ̀ mɛ tyí sɔko, Liyel-á nêne n pi ní tyí wòkɔnpèkè sɔko, ànê máh sɔ̀ me Nìvìnì tɪrle n yo n wah gbí nêne, à kéle n wɛkɪ ne gbɪ-á kéle. ⁸ Liyel ye nmo tàrfyòle ne, Yesu Krista tyínɔno nê-á me nmo sɔko, képah-á ní nɪ kɔ̀ kè n yɔrɪ yé tyíle.

⁹ Máh me Liyelle n ni yé tyí tir nê tyí sɔko, képah ye yò ne: Tyínɔno nê-á me yé sɔko, kè ne n yuku yahle, yé kɔ̀ yé pi lékám névyele, ànê yí pípúle. ¹⁰ Képah sɔko, tyi nónó-á yĩne kal, yé kɪ sɛpile n yah n tɔko n pne. Képah-à pi, yé kɪ me yályál wényo-nsah kɛne yé tyí Krista syi n pɔ sɔle. ¹¹ Képah sɔko, yé kɪ tyi pólle n pi gbɪ wɛkɪ yɔ̀ Yesu Krista gbò yɔ̀, Liyel yĩn kɔ̀ kè kɪ pi gblò, té kɪ n gbilki.

Nìvìnì tir yónó yah yúkúnóle

¹² N yúnpyé, mé me ké tyí ne yé pĩ ne, tir nê-á nmo yĩni tɛ̀, kãh yòhnìnmpo pi Nìvìnì tir yónó yah yúkúnó sɔko. ¹³ Yé nãh we di, yòtɛ̀ dí tɔ̀rí kéte nê sɔko-á ñne wòkɔnpèkè sɔko, nɛnpó tãn pól ànê no téló pól pĩ ne, Krista tɔ̀ yĩn-á ñne wòkɔnpèkè sɔko. ¹⁴ N yúnpyé-á nmo we wòkɔnpèkè sɔko sɛ̀, wãh mo pé kan Tɛ̀ ngbɛ yɔ̀ sɛnó yɔ̀. Kãh pi sɛ̀, pé nɪ tɔ̀ gbah syãh, pè Liyel weyne n yo tíkí kɛne. ¹⁵ Gbɪ tɛ̀ wɔ̀ ye, túkú me nmo dyo yo yĩnne Krista tyíle n yo à pé gblɔyne n tɔko n pi fónfó nmo. Nte túkú tɛ̀ wɔ̀ me kéle n yo sɔno pèplɔle pé sɔko. ¹⁶ Tyínɔno sɔko ye pépi n pi képahle. Pè pĩ ne Nìvìnì tir gbɪ yo n wah yĩn-á ñne ásò. ¹⁷ Nte nónó tɛ̀ wɔ̀-á Krista tyíle n yo à nmo n fwo, pépi sɔno nãh me ple. Pè me n sɔ̀ ne páh kɪ wãh mo n pi nmo wòkɔnpèkè sɔko déno yèvyãhrɪ yɔ̀. ¹⁸⁻¹⁹ Nte képah nãh me tir yóle nmo tyí. Kè sɔ̀ pi sɔno túkú sɔko ò, kè sɔ̀ pi sɔno pèpey sɔko ò, Krista tyí tɛ̀ wɔ̀ me n yo. Képah ye, kè me nìvìnìne nmo tyí.

Té nmo pĩ ne yépi nírí ànê Yesu Krista Mirki yòhnìnmpo gbò yɔ̀, yí mɛ-á me n pi nmo pwáhnmpo wɛkɪ yɔ̀. Képah ye, ní nɪ kɪ tɔ̀ n vɪ n yuku n pi yahle. ²⁰ Máh me nê syikɪ tɛ̀ kɛgbule, té ní gbò sàhnó me ké yɔ̀, képah ye ne, sen káh ní tɛ̀ ní tyípíní yó ñtɛ̀ sɔko pólle. Nmo sɛnyĩno me ké yɔ̀ sɔko núkúnúkú ànê gbímegbí ne, máh se wũ min sɔko ò, máh se ku ò, képah-á kɪ Kristale n gbilki. ²¹ Yé nãh we di, nmo ménó yòle min sɔko, Krista gbilki yĩn ye. Té kúnóle, yòre wénó ye kéle nmo tyí. ²² Nte min sɔko tɛ̀nó-à kɪ nmo kɔ̀ mé fɛ̀ tɔ̀ we n pi n pi yòre-á me nê tyí, mé yĩne mɛ̀ nê tɛ̀ yah n tɔko

wé? ²³ Nmɔ me tɔ̀tɔ̀ sɔ̀nɔ sɔ̀kɔ. Mé me ké tyí ne mé yal kèkɔyó mè sɔ̀kɔ mé n kyɪ n tɛ̀ Kristale, képah tyí me kal ní tyí. ²⁴ Nte ní tɛ̀nóle min sɔ̀kɔ, yɔ̀ me képah tyí kal yépi yinne. ²⁵ N sɛ̀nó me ké yɔ̀, ànê mé pĩ ne máh kɪ wũ, kɪ n tɛ̀ n pi yé pólle, yé yah yuku yĩn ànê yé nìvìnì we yinne Liyel yɔ̀ sɛ̀nó sɔ̀kɔ. ²⁶ Képah sɔ̀kɔ, ñmɔ syĩnpɔ̀nɔle yé tɔ̀, kè kɪ yé kɔ̀ yé kɪ Yesu Kristale n gbah n gbilki.

²⁷ Nê tɛ̀-á tah kal, yé yé minne n pi à yĩne Krista Nìvìnì tir yónóle. Képah sɔ̀kɔ, máh kɪ sɔ̀ pɔ̀ wil yé tyí ò, máh kɪ sɔ̀ pɔ̀ n wíl-ñkɛ̀ne yé tyí ò, mé kɪ me yé tyíle n nohnɪ ne yáh me su yĩn gbáhkì núkú yɔ̀ sɔ̀nɔ núkúle yé sɔ̀kɔ, té me so wɛ̀ tyí à gbah tɛ̀ Nìvìnì tir yɔ̀ sɛ̀nó yah yúkúnó tyí sɔ̀kɔ. ²⁸ Yé káh ye yé sɛ̀pébi kɔ̀ pè yé wore tir yó n̄tɛ̀ sɔ̀kɔ. Képah sɔ̀kɔ ye pè kɪ pĩ ne pé tyí yɪkɪ yɪkɪ wɛ̀kì yɔ̀-á péle, té yépi-á me pwáhnmɔnɔ wɛ̀kì yɔ̀. Liyel ye n pi sépi pólle. ²⁹ Yé náh we di, Liyel ye yò̀bènrɪ pi yé tyí yé kɔ̀ yé pi Krista yɔ̀ sɛ̀púle. Té kè náh yĩn ñ yɔ̀ sɛ̀nó ó tyí dé, yé kɪ tɔ̀ yèvyáhrɪ tɔ̀ we n pi n pi ñmɔ yinne. ³⁰ Yépi ye me mékìle n fwo Nìvìnì tir yah yúkúnó tyí sɔ̀kɔ ñmɔ tyí kɔ̀le, sɔ̀-á lésò yé ní we mé me ké mékìle n fwo. Té ñmɔ me yɔ̀ sɔ̀kɔ sɛ̀ kéle. Yépi n̄tɛ̀ p̄ínó me ké sɔ̀kɔ ó.

2

Krista gblɔ̀y tìkĩnmɔnɔle ànê ñ né-ñgbɛ̀ dùkùle

¹ Yé wró kwrónmɔnɔle Kristale, kè me sórèle n mɔ̀ yé sɔ̀kɔ. N tyínɔnɔ nê-á yé sɔ̀kɔ, kè me yé nnɔle n sũ. Yé wró me kwrónmɔnɔle Liyel Mirkile. Yé me wɛ̀ yámne n yah, té me pèpɔ̀rɪle n pi wɛ̀ tyí. ² Káh pi sɛ̀, núkúnúkú tɛ̀ne, yé ne n sah núkú yɔ̀. Tyínɔnɔ dùkù núkú yĩne kè ne n me yé sɔ̀kɔ, yè mó yé fɔ̀kɔ táh ànê yé sɔ̀nɔ pi núkúle. Yáh képah pi, nìvìnì ye yé kɪ mɔ̀ yĩ ñmɔ sɔ̀kɔ. ³ Yé káh tir yó n̄tɛ̀ne n pi wɛ̀ fwónó sɔ̀kɔ. Yé káh yé gblɔ̀yne n wɛ̀kɪ. Yé yé gblɔ̀yne n tiki n mɔ̀, yè mó no télóle n tɔ̀kɔ n pi fónfó yé gblɔ̀yne. ⁴ Yé sɔ̀kɔ yó n̄tɛ̀ káh ne n yah ñ yɛ̀ngbɛ̀ tyi ó tyí dé, yé ne n sɔ̀ n kal no téló tyí sɔ̀kɔ.

⁵ Sɔ̀nɔ nê dùkù-á sɔ̀ me Yesu Krista sɔ̀kɔ, yé ye kéne sɔ̀nɔ dùkù nê me yépi tɔ̀ sɔ̀kɔ.

⁶ Nmɔ me núkúle Liyelle,

té nê-á yĩne ñne, à náh sɔ̀ me kéle n yah n kɔ̀ káhkáh.

⁷ Nte à sépi pól we ye

té ñ gblɔ̀y pi yɔ̀le,

à ñ gblɔ̀y pi névile.

No pól sɔ̀ ñne n pne névile.

⁸ A ñ gblɔ̀y tiki mɔ̀

à n sah Liyel tyí yɔ̀,

à syi pɔ̀ dahɪ yɔ̀ kũ ku.

⁹ Képah ye, Liyel me ñmɔ dɔ̀kɔ sah kal no pólle,

té yĩn-ńsah ñgbɛ̀ne à kɔ̀ kal no téló pólle.

¹⁰ Képah sɔ̀kɔ, yĩ nónó pól-á me yĩnyɔ̀ sɔ̀kɔ,

ànê sétáh yɔ̀, ànê lékókwíl,

sé pól kɪ sé gbètukunɔ di Yesu yah sɔ̀kɔ,*

¹¹ té kɪ n yo ne Yesu Krista-á Tɛ̀ NGBɛ̀NE,

Sú Liyel yĩn kɔ̀ kè kɪ n gbilki.

Yesu yɔ̀ sɛ̀pú-á yĩne pè ne n pi sɔ̀

* 2:10 2:10 - Yah n tɛ̀ Yesayi 45:23.

¹² N nénónó, máh sò me yé wró sòkò té yé me n nohnú sò ní tyí gbímegbí, núkúnúkú mé náh me yé wró, òtè mé kéle n yah n kò yé tyí ne yé wǎn mǎ sè yé nòhnìnó yò. Yáh fyò pwah mǎ, yé tǒle ne n pɪ tíkí ànê wílsyahri sòkò képah yinne. ¹³ Yé náh we di, Liyel ye n dahbɪ yé sòkò tǒ pínó dékèle à yĩne òmǎ-á me ké tyí sò, ò té ké pínó tǔnwenǒle yé kò yé kéle n pɪ à yĩne òmǎ-á me ké tyí sò. ¹⁴ Yé tyi pólle ne n pɪ wɛnkyò wékí-ríkène, ànê yékâb kène. ¹⁵ Képah sòkò, yé kɪ pɪ pèkè kè névyele, pè náh wényo-ńsah we n pi yé tyí. Yé kɪ pɪ Liyel wɛnpìle, lékàh kè névyele kèkòyó névyé wró, pépi nónó-á yĩnví ànê népèl ó pé tǒ. Yépi yĩne yè pɪ kyòole pé tyí, sò-á òwò kèpyele kyòò yĩnyò sòkò. ¹⁶ Té wey nê-á minne névyele n kò, yé képah yo pé tyí. Képah-à pɪ, kè kɪ pɪ yò yǔnóle òmǎ tyí Krista syi n pǎ sòle. Té kè kɪ tǒ kè wèkɪ ne máh yèvyǎhri ànê tǎn nónó pɪ sòkò, sè náh pɪ yò kène. ¹⁷ Yépi-á yèvyǎhri nê pɪ Liyel yò sǔnó yinne, òmǎ-à kɪ sò me yĩne mè n ko n pɪ sárkále à tahlí képah tyí ò, nìvìnì ye kéle òmǎ tyí. Té mé me ké nìvìnì sòkò yé tǒle. ¹⁸ Yépi tǒle, yé ne n me nìvìnì sòkò, yè ké nìvìnìne n pɪ òmǎle wè tyí.

Timote ànê Yepafroditi tyípínìne

¹⁹ Òmǎ gbò sàhnó me Tè ògbè Yesu yò ne máh kɪ Timote tǒ yé tyí kè náh tǒ n mo n pi. Képah sòkò, wáh kɪ kyɪ yah yé tyí té ò syi, à kɪ pǎ yé tyí kèdúkú we yo ní syah ní nɪ kò kè kɪ de. ²⁰ Yé náh we di, òmǎ ó me òmǎ tyí nê nɪ-á me n yǔri yé tyíle òmǎ tyí kòle. ²¹ No tǔlò pól tǔ wǎ me n yah pé yèngbè tyi ó tyí, pé dyò náh me n kwne Yesu Krista tǒ tyíle. ²² Nte Timotele, yépi nǔtè pɪ ne tyípínì sòkò-á à kè wèkɪ ne, tǔnpɪ pèpɛy-á péle. A ò gblǔy kò Nìvìnì tir yónó tǒ sòkò òmǎle wè tyí, sò-á wɛnpir tǒle n pɪ ò sú tyí. ²³ Képah ye, ní tyí-à kɪ fyò pǎ sah gbáhkì núkú yò, òmǎ ye mé me n yah ne máh kɪ núkú tǒ yé tyí. ²⁴ N sǔnyĩnǎ me ké yò ne Tè ògbè gbò yò, òmǎ nǔtè tǎ-á kɪ pǎ yé tǔnne kè náh n mo n pi.

²⁵ Nte mé kè we, mé yĩne mè ní yúnpɪ Yepafroditi kò à ò syi n yuku yé tǔnne. N kó-ò ye òne, tǒ núkú pípú ànê mékì núkú fwópú tǒ ále. Yépi ye ní fyǎhnó we, té à wilki tǒ ní tyí à pǎ ní yohnú mǎ. ²⁶ Yé pól we dékè me à tǔ yíí, té yáh noh ò yónó tyí sòkò, kè me yótókóbíle ò tyí. ²⁷ Kègbɪ yò, à sò me n yo. Fárko fárko à náhki ku. Nte Liyel me ò yám yah. Té kè náh pɪ ne òmǎ ó yám sò à yah dé, òmǎ tǎ yám ye à yah wǎn kò kè náh n mo n pi ní yèkwɔri yò. ²⁸ Képah ye, mé kɪ à kò à kɪ ò syi yuku súú yé tǔnne, yé kò yáh kɪ à we, kè pɪ nìvìnìne yé tyí nǔtè, kwáh mó wilki òmǎ tǎ yèkwɔri sòkò. ²⁹ Képah ye, yé à tǔ ple nìvìnì sòkò Tè ògbè yinne, yè mó sǔnkǎ névyele ne n sò. ³⁰ Yé náh we di, Krista tǒ yĩn ye à ku farkɪ. Yépi-á ne yé òmǎ yohnú n mo yí nónóne, té yé náh fè n pǎ séle ní kò n pi yé gblǔy, òmǎ fè syi kú dlo gbal à sè syi pǎ ní kò.

3

Kóló pèpɛyne Liyel yah sòkò

¹ N yúnpɛyè, yé ne me nìvìnì sòkò yé wró kwónmǎnǎ yinne Tè ògbène. Máh tyi nónó yo sòkò te yé tyí, kè náh me kwónóle ní tyí kɪ tǒ ní syi sè wǎrkɪ tɛkɪ mǎ yé tyí. Képah nǔtè ye kɪ yépi yohnú mǎ yéki tǔ wèkì pèpɛy yò. ² Yé yé gblǔyne n kyɔmɪ tǔntúkú pípúle, kéne pǎhlǒle, pépi nónó kòkè kǔnó-á wil fí yó ó kǎmnóle. ³ Ké gbɪ tǔ yò, ápi wǎ ye kò kòkè pèpɛyne, képah nê-á Liyel yĩn gbílkinóle ò Mirki gbò yò. Kè me yò yǔnóle á tyí áyáh we kwɔ mǎ Yesu Kristale té á náh me á gbò sah á gblǔy yò. ⁴ Nnì yó tǔ-à fyò fè ò gbò sah n pi ò gblǔy yò, gbɪ kɪ sò fè we òmǎ tyí kal tǔne kɪ ní gbò sah

ń gblɔy yõ, ⁵ ńmɔ nê-á kɔ ń dúbínó sèp̃in kwártɔ-ò sɔlɛ, té mó tɔ pɪ Yisrayel nɛyne à wil Běnsyame yĩkɪ sɔkɔ. Yebreke ye ńne, ń dúbípúle Yebreni ye péle. Nsyifunɔ tyi kònsàhnó wǎl kópú nónó-á pè n ye Farisi wěkɪ kópúle, pépi sɔkɔ nɛy yó ye sò ńne.*

⁶ Té à yuku gbáhntɛnɔ tyí t̃inne kéne wǎl kóló sɔkɔ, mé sò me Yesu yõ sɛpú t̃inkile n fõh. A tɔ yuku kéne wǎl kóló tyí t̃inne, nɛy náh sò fɛ lékàhle n kɔ n pi. ⁷ Nte kéne tyi nónó-á sò me yõre tyile ńmɔ tyí, núkúnúkú mé me pɔ sè we syíkínó tyile Krista yinne. ⁸⁻⁹ Gbɪ yõ, Tɛ ñgbě Yesu Krista wénp̃ino-á pɪ pèpɔri ñgbě nêne ńmɔ tyí, képah yinne mé me tyi nópi pólle n yah syíkínó tyile. Mé me ké tyí ne mé pɪ Krista tyíle, ànê ń wró mó kwɔ mɔ ńne. Képah ye ń kɔ mé fɛ syi ń náh vi tyi pól kɔ, té sé pólle n yah tũ yõ yĩ tyí kɔle. Mé náh tɔ me n sò ne tyi kònsàhnó wǎl kóló-á pɪ ńne tómm dé. Krista yõ sɛnó gbò yõ ye mé pɪ tómm. Liyel ye n pɪ névile tómm Krista yõ sɛnó gbò yõ. ¹⁰ ńmɔ-á me nê tyí képah ye yò ne, mé Krista p̃i ànê tǎhkɪ nê-á yilki mɔ ñ lékóle, ànê ń vyǎh mó we ñ yévyǎhri pínó sɔkɔ, mé mó n pɪ ñ tyí kɔle ñ ku dùkù sɔkɔ. ¹¹ Képah sɔkɔ, ń sònɔ kɪ me ké yõ ne ń tɔ lékó-á kɪ pɔ n yilki n mɔ n pi.

¹² Kè náh me á kɪ ne nê-á mé n yah n kɔ mé sɔ kè we te, ànê ń tyí sɔ pekɪ syi ké yin tyí dé. Nte mé me yõ sɔkɔ ń tólólɛ ne mé gbah n tɛ mé kè we, képah nê yin-á Krista ń ye pɪ ñmɔ ó tyíle. ¹³ Ǔ dé ń yúnpyé, kè náh me á kɪ ne ńmɔ sɔ kè we te. Nte nê-á mé me n pɪ, kè we yò: Tyi nónó-á sɔkɔ te, mɛ ń dyɔ mɔ n fwo sépi tyíle, ñ té yah t̃in tyíle n yĩkɪ. ¹⁴ Mé me n to ké yinne n yĩkɪ yõre we yinne Liyel-á ále n ye ne á pɔ nê syi yinyõ, Yesu Krista gbò yõ. ¹⁵ Api nónó pól Yesu yõ sɛnó-á de yin, sɛ ye á yĩne à ne n sò. Nte sònɔ káhkí-á kɪ se me yé sɔkɔ tir yó tyí sɔkɔ, Liyel kɪ tɔ képah dùkùle yé wěkɪ. ¹⁶ Kàh kɪ sɔ n pɪ sɔ, áyáh me n kɔ wěkɪ nê yõ à pɔ syi núkúnúkú tyí, á ye yõ sɔkɔ ne n yuku yahle képah ó yõ.

¹⁷ ń yúnpyé, yé ńmɔle n yah n pɪ. Áyáh pɪ dùkù nê wěkɪ, nónó-á me képah wěkile n kɔ, yé pépile n yah n pɪ. ¹⁸ Mé ye kè yo sɔkɔ te yé tyí gbáhyí náhnáhle, té tɔ me ń syi kéle n yo yé tyí gbní sɔkɔ núkúnúkú ne, Yesu Krista dahnɪ yõ kúnó-á nêne n pekɪ, névye náhnáh pɪ dùkù-á me kéle n wěkɪ ne pǎh me kéle n fwo. ¹⁹ Pépi tyí-á kɪ pɔ n yikɪ n pi ké tyé-ńsah sɔkɔ. Pé kèkurn-á pɪ pé líyelle. Tir nê-á sennɛ pè tɛ n pi, pè n ne me pé gblɔyne n gbilki képah sɔkɔ. Kèkõyó yĩ ó tyí-á pépi n ne n sò. ²⁰ Api tɛ wo sú fò me yinyõ sɔkɔ, ńyǎh sɔkɔ-á á pwáhnɔ-ò nê-á Tɛ ñgbě Yesu Kristale, à kɪ n wil n pɔ n pi, áyáh me ñmɔ nêne n dekɪ. ²¹ Api wil gběnsê nê-á sohki kɛne, à kɪ pɔ kè vi mɔ pɪ ñmɔ wil gběnsê tyí kɔle, nê-á gbilkínó me n sah ké yõ. N tɛnpnènó gbò yõ ye à kɪ pɪ képahle, nê-á yiyin pól kɔ sè n sah ñ tyí yõ.

4

¹ Képah ye ń yúnpyé pèplo, yé gbah n tɛ sɛntɛne yé yé sònɔ sah yĩ Tɛ ñgbě yõ. N nénónó, yé we dékè me ń kah tɛ. Yépi ye ńmɔ ñivìni yõle, ànê yépi ye yõ ńmɔ yõle.

Pole-á ṽinmɔnɔ nê kɔ

² Mé kéle n yah n kɔ Yevodi ànê Sētisi tyí ne, pè pé wró kwɔ n mɔ Tɛ ñgbě wěkɪ kóló sɔkɔ. ³ Té áwɔ nê-á tò núkú pí-ò pèpeyne ńmɔle, mé kéle n yah n kɔ á tyí ne á Yevodi ànê Sētisi yohnɪ n mɔ pé wró kɔ kè kwɔ n mɔ. Yah, syó yisyó ye péle, nónó-á so mɔ ńmɔ tyí á gbah tɛ Ñivìni tir yah yúkúnó tyí sɔkɔ. Klema tɔ sò me péle, ànê ń tò núkú pípú télólɛ, pépi nónó yni-á me wǎrkínsàhnóle tyé-ńkɛ min névye yni sébéy sɔkɔ.

* 3:5 3.5 - Nsyifunɔ pólle, Yisrayel no ye péle. Yisrayel no pólle mó, Yebreni ye péle.

⁴ Yé ne n me nìvìni sòkò yé wró kwrónmòno yinne Tě ñgběne gbímegbí. Mé kéle n tō n yo yé tyí, yé ne n me nìvìni sòkò. ⁵ Yé yah, Tě ñgbě pónó me yúkèy. Yé ye no pól yéle n pne népéplò tyí sòkò. ⁶ Yé káh n ye yé yáh-ńsah tye tir yó ñtēne. Té tyi tyi pól sòkò, kwâh nê yétô-à yé tē, yé kè ni Liyel tyí nírí pínó sòkò, yé mó wèkì n tyí n pèpòri pínó yinne. ⁷ Képah sòkò, n yèvinu nê-á kán pi névi sònole, képah kì yáh-ńsah tyénó yah kō dénole yé nno ànê yé sònò sòkò, yé wró kwrónmòno gbò yō Yesu Kristale.

⁸ Nê-á mé kì yo yé tyí ké tyé-ńsah sòkò ní yúnpyé, tyi nónó-á me gblòle, té yīne gbílkínòle, ànê tyi nónó-á me tómtóm té me yályál, ànê tyi nónó tyí-á kì fē nò névi tyí té à kì sè fē syi, ànê tyi nónó-á me tyípenàlle té me n mō n kō, yé ye sépi ó ne me yé sònò sòkò. ⁹ Yáh tyi nónó sãh nímò tyí, té nónó we tòkò nímò tyí, ànê yáh tyi nónó noh nímò tyí, té ní we mé me tyi nónóne n pi, yé ne n kò sépi wǎl yō. Képah sòkò, Liyel kì me yéle nímò nê-á yèvinune n kō.

Pole wékínòle Filipi kwil tãn tyí, pé pèpòri pínó tyí sòkò

¹⁰ Mé nìvìni ñgbě we Tě ñgbě wèkì kóló sòkò, yáh sǎnpíle tē we kè we wèkì ñtō ne ní tyí-á me tah yé tyí. N tyí sò me tah yé tyí, ñte yé náh sò me syǎ-ńsah we à fē kéle ní wèkì. ¹¹ Kè náh pi ne ní fyàhnó sǎ ní kō mé képahle n yo dé. Máh nê sãh képah ye yò ne, kè sǎ òkù nê óle, kè n ne n me yínénòle nímò tyí. ¹² Mé ní minne n pi n pne yãm sòkò, té mó tō kéle n pi n pne tahrì sòkò. Tyi pól sòkò ànê duke duke pól sòkò, nímò n fē ní minne ne n pi. Káh se tēkì sòkò ò, káh se kwèkì sòkò ò, mé ní gblǎy dar mó sépi pólle. Mé ní minne n pi n pne tahrì sòkò, té mó tō kéle n pi n pne fyàhnó sòkò. ¹³ Mé kì fē tyi pól pi Yesu Krista gbò yō, nímò nê-á tãhkìle ñne n kō. ¹⁴ Nte képah fyé yō, yé pi ple gbò dáhbínòle ní tyí ní yèvyãhrì gbí sòkò. ¹⁵ Filipi tãn, yépi ñtē pínó me ké sòkò ne, Nìvìni tir yónó tyah gbíne yé ñinne, gbí nê-á sò mé yal Masedonì sòkò, à wíl yépi tyí sòkò yépi nónó-á pi soh nímòle à kwáhle ní kō, té kwâh we syi ní tyí, Yesu yō sǎpú ñnkì yó ñtē náh tō kwáhle ní kō. ¹⁶ Gbí nê ñtē fyé-á sò mé me Tesaloniki kwil sòkò, gbáhyí núkú ó náh yé tekì mō ní tyí yòhnìnmònole. ¹⁷ Kè náh me á kì ne mé sǎ me ké tyí ne, yé yīle ne n yī ñne n kō dé, ñte mé me ké tyí ne wãn mō yé pèpòri pínó yōre wénó yō. ¹⁸ Yáh yī nónó pól tekì mō ní tyí, mé sè we syi, kwâh yó ñtē náh tō me ní tekì. Yepafroditi-á fyò pò yòhnìnmònole ní kō, nê-á yé à kō ne à pò ní kō, mé núkú pi kwâh nètēne. Kéne yòhnìnmònò mène, tyípépèy ye kéle Liyel yah sòkò, wãh nê fē syi, té ké tyí nò n tyí. ¹⁹ Nímò Liyel nê-á tahrìle n tyí tyétyéní kē, à kì syǎ Yesu Krista tyí, kì yé yétô yī pólle yé kō. ²⁰ Gbílkínó ne n sah ápi Sú Liyel yō gbímegbí. Amiina!

²¹ Yesu Krista yīn yō, yé weyne Yesu yō sǎpú nénúkù núkú pól kō ní tyí . N yúnpyé Yesu yō sǎpú nónó-á me ñne ásò, pé tō n wèkì yé tyí. ²² Yesu yō sǎpú pól n wèkì yé tyí, ké dú òkò nónó-á me tǎle n pi yòtē dí Sesar tyí ásò sòkò.

²³ Tě ñgbě Yesu Krista yòbènòrile ne n pi yé pól tyí.

Pole sébéy tékínm̀onole Kolosi t̃an tyí

Pole wékínóle Kolosi t̃an tyí

¹ Nmo Pole nê-á pi Yesu Krista t̃entò névile à ỹne Liyel ñv̀ñne, ñmo ànê á ỹnpi Timote ye ² n teki n mo sébéy m̀ene yépi tyí, yépi nónó-á pi Liyel nole Kolosi kwil soko, té pi á ỹnpyé Krista yò s̃epú kègb̀ole yé wró kwrónm̀onogb̀o yò Yesu Kristale. Á kéle n yah n k̃o á Sú Liyel tyí ne, à yòb̀enori pi yé tyí à mó yè̀ṽñne yé k̃o.

Pole me weyne Liyelle n k̃o

³ Liyel nê-á á T̃e ngb̃e Yesu Krista Súle, gb̃imegb̃í áyâh ñne n ni, à n ne n weki ñ tyí yé tyí soko. ⁴ Yesu Krista yò s̃enó nê-á me yé soko, ànê ñ yò s̃epú tyínogb̀o nê-á me yé soko, á sé tyí yónó noh. ⁵ Gbi wey nê-á Ñv̀ñi weyne, ké ỹñint̃enogb̃enne yé tyí, képah soko ye yé noh kéle ne gb̀o sah-nsah yó-á me yé tyí ỹnyò soko, té me yé gb̀o sah ké yò. ⁶ Kéne Ñv̀ñi tir m̀e-á ỹni t̃e yépi tyí gb̃í ñene, k̃ah sò me t̃ole n pi n t̃o mo kèk̃oyó t̃ant̃an pól soko s̃o, s̃e kéle yépi to t̃inne, à toko s̃o nê-á yé kè p̃i kègb̀i yò soko ne Liyel-á yòb̀enori pi yé tyí. ⁷ Api ñenóní Yepafratu nê-á me t̃o núkúle n pi ápile, nmo ye k̃o yéle kwónó m̀ene. Krista t̃onpi négb̃í ye ñne nê-á me t̃ole n pi yépi tyí. ⁸ Liyel Mirki-á tyínogb̀o nê dahbi yé soko, á ké tyí yo á tyí.

⁹ Képah ye, ápi to-á yé tyí noh s̃o ñene, à toko lésò tyí, á ñah me yal mo níri p̃inóle yé tyí. Á me kéle n yah n k̃o Liyel tyí ne à ñ dyo ỹine yé w̃eki palle, ỹip̃i ànê lékám gb̀o yò nónó-á n wil ñ Mirki tyí. ¹⁰ Képah soko, yé ki t̃e we n ko à ỹne T̃e ngb̃e w̃ekile, ki ñ dyo ỹi tyile n pi gb̃imegb̃í. Yé ki tyípeplo duke pólle n pi, té ki Liyelle n gbah n p̃i n yuku yahle. ¹¹ Á me kéle n yah n k̃o ñ tyí ne à t̃ahk̃ile yé k̃o tyi tyi pól soko, ñ t̃orí t̃ahk̃i gb̀o yò, s̃onko yé f̃e tyi pólle n sro. ¹² Yé weki Sú Liyel tyí ñv̀ñne, nmo nê-á t̃enwenole yé k̃o yé vyâh k̃o kè we ñ p̃epori wénó soko, w̃ah képah nê yah sah ñ t̃orí kyòo soko ki névye k̃o, nónó-á me ñ tyí yò. ¹³ A ye á yori t̃e syi f̃ent̃ú t̃ahk̃i gb̀o, té á dah mo ñ ñidè Pidí t̃orí soko. ¹⁴ Kéne Pidí gb̀o yò ye á pwáhnmogb̀o we, té á tyíp̃el me yò mo á tyí.

Krista ye yiyin pól T̃e ngb̃ene

¹⁵ Liyel nê-á à ñah n we ỹine, Krista me nmo tyí k̃ole. Nmo ye Liyel Pi gb̃enne. Á me Liyel gb̃enpinogb̀o pól yò.

¹⁶ Yé ñah we di, nmo gb̀o yò ye yiyin pól mo.

Kè se ỹnyò soko ò, kè se sétáh yò soko ò,

kè se ỹi nónó-á n we ỹine ò, kè se nónó ñah n we ỹine ò,

kè se mréy t̃ahk̃inóle ò, kè se névye fñepule ò, kè se yòt̃amnóle ò, kè se t̃orí yò névyele ò,

nmo gb̀o yò ye pé pól mo, ànê pé pól me nmo tyí yò.

¹⁷ Nmo yiyin pól dyah t̃e,

yiyin pól me nmo gb̀o yò soko.

¹⁸ Yesu yò s̃epú t̃ink̃i yòt̃e ye ñmole, pépi nónó-á ñ wil gb̃ensèle.

Nmo ye tyâh-nsahle,

nmo lékó ngb̀o ye yilki mo,

s̃onko nmo pi gb̃enne tyi tyi pól soko.

19 Yé náh we di, kè ye no Liyel tyí à tẽ ñmɔ sɔkɔ ñ tɔ́.

20 Té me ké tyí ne pé névye ànê yíyìn pól wró tɔ́ sah péwɔ Liyelle, Krista gbò yõ. Liyel Pídí mè kúnóle dahnɪ yõ, képah gbò yõ ye yèvɪnɪ we Liyel ànê no pól wró sétáh yõ ànê yínyõ sɔkɔ.

21 Ngbòle, yépi tɔ wró lésõ me gbékínóle Liyelle. Sépérí lésõ me yé wró ñne yé sɔno túkúni ànê yé tyítúkúni pínó yinne. 22 Nte núkúnúkú, ñ Pídí-á wil gběnsê sɔkɔ kũ nê ku, képah gbò yõ ye Liyel yé wró kwrɔ mɔ ñ gblɔyne, ne yé pɔ yin péwɔ yah sɔkɔ yályál pèkè kěne, ànê wényo-ńsah kěne yé tyí. 23 Nte yé yine yè Liyel yõ sɛnó tẽ yin gbáhngbáh, yé yin dükù mó ne n me palle. Yé gbò sàhnó-á me nê yõ à tɔkɔ yé Nìvìnì tir noh sò dükù tyí, yè káh pɔ gbɛ mɔ kéle. Kéne Nìvìnì tir ye yo kèkõyó névye pól tyí, képah nê tò sɔkɔ-á ñmɔ Polle.

Pole-á Liyel tò pí yèvyährɪle dükù nêne

24 Máh me yèvyährɪ nêne n pí yépi yinne, núkúnúkú mé me képah nìvìnì sɔkɔ. Yé náh we di, ñmɔ me í gblɔy kɔ à Krista yèvyährɪ téy tɔkɔ n pí ñ yõ sɛpú tĩkĩ yinne, pépi nónó-á ñ wil gběnsêle. 25 Ñmɔ pí tɔnpɪle yépi Yesu yõ sɛpú tĩkĩ tyí à yine Liyel-á tò mè dahnɪ sɔ́ í gbò yé yinne. A kè dahnɪ í gbò ne mé pé wey pól yo, 26 képah nê-á pí Liyel sètìn sò tɪrle, nê-á à me no pól wɔbɪ sah kéle ñgbò dükùle, té me kéle Yesu yõ sɛpú tĩkĩ wɔ wɛkɪ núkúnúkú. 27 Yõre ñgbê ànê tɔ́rí nê-á me sètìn sò tir mè sɔkɔ, névye tyí nónó náh pí Nsyifunole, képah ye sò Liyel me ké tyí ne pé wɛkɪ. Sètìn sò tir mè we yò: «Kristale yé wró sɔkɔ, yé gbò sàhnó kɪ me Liyel tɔ́rí wénó yõ ñmɔ gbò yõ.» 28 Ñmɔ tyí ye á me n yo no pól tyí, té me ké gbáhdýáhle n di n sah nénúkù núkú pól tyí, té me nénúkù núkú pólle n kwɔ yípí duke pól sɔkɔ, sɔnko no pól Yesu yõ sɛnó de yin pé wró kwrónmɔnɔ gbò yõ Kristale. 29 Képah yin ye mé me tòle n pí, me í tah sah syikey sɔkɔ Krista tãhkì gbò yõ, nê-á me tòle n pí yíí ñmɔ sɔkɔ.

2

1 Mé me ké tyí ne yé pí ne máh me mɛkì ñgběne n fwo yépi ànê Lawodise tãn yinne, à tahlɪ nónó nítè tɔ pól-á pè náh í we yah yine. 2 Mé me ké tyí ne nìsãh we pé sɔkɔ, pè mó pí núkùle tyínɔnɔ sɔkɔ, lékãm mó ne me yíí pé sɔkɔ. Képah sɔkɔ, pè kɪ Liyel tir wɔbɪnsàhnó pí, nê-á pí Kristale. 3 Yõre nê-á yípí ànê pnènó sɔkɔ, ké pól me wɔbɪnóle ñmɔ sɔkɔ. 4 Mé tir mène n yo yé tyí sɔnko ñnì yó nítè káh n pɔ yé pilki vyáhsesyírí sɔkɔ. 5 Gbɪ ye, ñmɔ tẽ wɔ náh me yéle fí núkú sɔkɔ ó, ñte mé me yéle sɔno sɔkɔ. N nɪ me vínóle yéle, máh kè we yé me yé tah sah té me Krista yõ sɛnó koh tẽ yin gbáhngbáh.

Min pínóle Krista gbò yõ

6 Yáh fyò kè fɛ syi ne yé Tẽ ñgbê-á Yesu Kristale, yé yé minne n pí yé wró kwrónmɔnɔ sɔkɔ ñmɔle. 7 Yesu yõ sɛnó nê-á me yé sɔkɔ, yé ye ké yãhnì ne n me dínyinole ñ sɔkɔ, yè mó yé min pólle n pí ñmɔ tyí yõ. Yé ne me súnýinole Yesu yõ sɛnó sɔkɔ sɔ́-á pé yé kwɔ kéle, yè mó pí Liyel pèpɔrɪ pípú ñgbnole. 8 Yé yé gblɔyne n kyɔmɪ sɔnko ñnì yó nítè káh n pɔ tyídí ànê kèkõyó tyi tɔkɔ à yé pilki tẽ mìnì tyile, ñ névi yõtãhsyi lékãmne. Sè náh me wɛkì núkú yõ Krista tyile. 9 Yé náh we di, Liyel me tɛnóle Krista sɔkɔ ñ tɔ́. 10 Yíyìn pól me yépi tyí ñmɔ gbò yõ. Ñmɔ ye yòtɔ́rí ànê tɛnwɛnɔnɔ pól yòtɛne. 11 Yé wró kwrónmɔnɔ gbò yõ ñmɔle, yé kòkè kò. Kéne kòkèle, névi gbò pínó náh kéle, Krista pínó ye kéle sɔnko kè á wilki á tyípèkè sɔkɔ. 12 Yé náh we di, yáh

wèlnwìlkinó we ni sòkò, kè me á kɪ ne yé lékyî sɔ̃ yĩ ònne wě tyí, té me yilki mɔ ònne wě tyí, yáh sɔ̃npíle sě Liyel táhkì yò, nê-á yilki mɔ Krista lékóle. ¹³ Ngbòle, yé lésò me lékyî sɔ̃ yé tyípél ànê kò-̀̀nkê yĩnne. Nte núkúnúkú, Liyel ye minne yé kò ànê Kristale wě tyí. Á á tyípél pól yò mɔ á kò. ¹⁴ Ayáh Moyisi tyi kònsàhnó dèl pɪ té lékàh nê kɪ sò pɔ á kò n pi, Liyel ye képah niri to á tyí, té ké tyí yɪkɪ Krista syínó gbò yò dahni yò. ¹⁵ Yòtám ànê tẽnwepu nónó-á me yĩnyò, Liyel ye pé táhkì tyí yɪkɪ kwèyy. Á pé pɪ yèdìmòle no pól tyí à n yɔrɪ n kò wòkònpèkè sòkò névye tyí kòle Krista kúnó gbò yò dahni yò. ¹⁶ Káh pɪ sě, yé káh n ye òn̄n̄ yó n̄t̄é yé tuke yòke képah náh pɪ wɔ wɔ kwáh yĩnne. Yé káh n ye t̄é yé tuke syáh yó, képah náh pɪ íwɔ sán yó wìlnó, képah náh pɪ mɪ mɪ yòh tyí sòkò. ¹⁷ Sépi pólle, yípéplɔ nónó-á me n pi, sépi kètò ye. Nte ké kègbɪ t̄enne, Krista ye. ¹⁸ Névyè nónó-á n pɪ á kɪ ne pé sɔ̃ me pé gblɔ̃yɛ n tiki n mɔ yĩnyò tònpiɓɪ yah, té me gbìlkinóle n sah pé yò, té me pé tah sah pé dléy tyile n mɔ n kò, yé káh ye pé sòkò yó n̄t̄é yé yah kò yah yúkúnóle. Pé gblɔ̃y ye pé n gbilki pé fokò táh tyi sònole. ¹⁹ Krista nê-á yòle, pé yahle òmɔ sò t̄énóle. Té òmɔ gbò yò ye gbèl tél-n̄t̄án ànê yáhlɔ wil gb̄ensê t̄ánt̄án pól tel sah wě tyí, wil gb̄ensê kò kè f̄e n kyáh à yĩne Liyel-á me ké tyí sɔ̃.

²⁰ Yé ku Kristale wě tyí, té pwah mɔ wilki kèkòyó sèt̄án tyi táhkì gbò. Nte kwáh nê pɪ té yé t̄ó yé minne n pɪ á kɪ ne yé sɔ̃ me kène tyi gbò sò sòkò, à f̄e syi pé kò pé yéle n kyí n mɔ n mɔ s̄enkno tyi sòkò n̄t̄ó wé? Pé n ne: ²¹ «Káh kwáh mè tokò, káh kwáh mè yò, káh n t̄ú kwáh mè tyí.» ²² Kène yĩ pólle, á kɪ f̄e á gblɔ̃y tyí pekɪ séle ke núkú óle, té sè kɪ pɪ yò k̄e ȳile. Névyè yah ȳí tyi kònsàhnó ye séle à tahlɪ p̄áh kwónó nónóne n kò. ²³ Gbɪ ye gbìlkinó sàhnóle yĩnyò tònpiɓɪ yò ànê gblɔ̃y t̄ikínmònole sé yah sòkò, ànê wil gb̄ensê fòhnóle. Sè me á kɪ ne ȳíp̄i tyi sɔ̃ séle. Nte yòre náh me sé sòkò yó n̄t̄é tyí. Névi dyo ȳí tyi ó ye séle.

3

Min pínó késáñne Liyel wěkì kóló sòkò

¹ Yépi to lékyî-á fyò yilki mɔ ànê Kristale wě tyí, yé Liyel f̄ó ȳile n yah n kò, n̄yáh sòkò-á Kristale t̄énóle Liyel gbòyò sòle. ² Yé ne n sò Liyel f̄ó ȳi tyí sòkò, yé káh ne n sò sèt̄áh yò ȳi tyí sòkò. ³ Yé náh we di, yé ku té yé min me wòb̄ìnsàhnóle Krista sòkò Liyel tyí. ⁴ Nte Krista nê-á yépi minne, òmɔ-à sò n̄ene wil mɔ, yépi to kɪ wil mɔ ònne wě tyí ò t̄órí sòkò.

Pɪ dùkù kedyâh ànê pɪ dùkù késáñne

⁵ Tyi nónó-á pɪ kèkòyó mè tyile, yé sépi yal n mɔ, sépi nónó-á pɪ: Pròprò pínóle, p̄p̄ò pínóle, dékè tyi pínóle, dékè t̄úkún̄ne, à tahlɪ ȳisesúkú pínó tyí, képah nê-á s̄áh fálnó dùkù yóle. ⁶ Kène tyi dùkù ye n yɔrɪ n mɔ Liyel f̄òkòvyàhn̄ne ò yóre yáhnlepu yò. ⁷ Ngbòle sò, yé min-á lésò me tyípékè yòrɪ sòkò, s̄ent̄é ye yé me n pɪ. ⁸ Nte núkúnúkú, tyi nónó-á yé ȳine yè milki, sè we yò: Fòkòvyàhn̄ne, ànê mál pínóle, ànê n̄épékè pínóle. Gbyo ànê w̄enpèkè yó n̄t̄é káh ne n wil yé vȳey sòkò. ⁹ Yé káh m̄in̄ne n yo wě tyí. Yé náh we di, yé yé náh vi yé min pɪ dùkù kedyâh kò te, à ké tyíp̄in̄i pól milki, ¹⁰ té me pɪ dùkù késáñne n pɪ, képah nê-á Liyel me n vi n mɔ gb̄imegb̄í, s̄onko yè pɪ òmɔ tyí kòle, yè mó ònne n p̄i yuku yahle òmɔ nê-á mɔ yéle. ¹¹ Képah sòkò, wáhkì náh t̄ó n we n pi ȳik̄in̄i téló ànê Nsyifunɔ wró sòkò, kènkòbe ànê kò-̀̀nkêp̄ú wró. Kè náh t̄ó me á kɪ ne yáhnkò wɔ-á ȳi p̄i, té n̄yɔ me náh ȳi p̄i. Kè náh t̄ó me á kɪ ne n̄yɔle

yõ-á té ñyɔ me gblɔy yõ névile. Nê-á me n mo n kɔ, Krista ye. Nmo ye yiyini pólle té me no pól min soko.

¹² Liyel-á fyò yépi yah wilki pi ñ nole, à yé pi yályál ñ yah soko, té yé tyí me no ñ tyí. Képah ye, yé pi névye yãm yáhpú, ànê pèpɔri pípúle, ànê gblɔy tikínmɔpule, ànê népir névyele, ànê nónó-á tyile n sro. ¹³ Yé wẽ sómnóle n pi. Nnî yó-à sɔ pi de ñ ní-ò tyí, yé yõ mo wẽ kɔ. Tẽ ñgbě-á yõ mo yé kɔ sɔ, yépi to ne n yõ n mo wẽne n kɔ sɛ. ¹⁴ Nte nê-á kal sépi pólle, yé tyí no wẽ tyí. Tyínɔnɔ gbò yõ ye yé wró ki me kwrónmɔnɔle palle. ¹⁵ Krista yèvinu nê me yé soko. Liyel ye yé ye kéne yèvinu we yinne, sɔnko ye pi wil gběnsê nukúle. Yé pi pèpɔri pípúle. ¹⁶ Yé ye Krista wey tò pi yíi yé soko. Yé wẽne n kwɔ, yè mó wẽne n vi n mo yípi soko. Yé pi pèpɔri pípúle Liyel tyí yé nno pólle, yè mó ñne n gbal, yè ñ yin gbilki gbilki yile n gbi, à tahlí Liyel Mirki-á yè nónó dahbi yé soko. ¹⁷ Yâh tyi nónóne n yo té tyi nónóne n pi, yé séle n pi Tẽ ñgbě Yesu yin yõ, yè weyne Sú Liyelle n kɔ ñmo gbò yõ.

Yesu yõ sɛpú wẽ tẽ òkùle kòhkí soko

¹⁸ Syó, yé ne n sah yé pɛbi tyí yõ kãh yĩne sɔ Tẽ ñgbě wèkì kóló soko. ¹⁹ Pɛbi, yé ye yé syó tyí no yé tyí, yé káh peke tẽ pé yõ. ²⁰ Wènpì, yé ne n sah yé dúbípú tyí yõ tyi tyi pól soko. Képah ye Tẽ ñgbě n yah n kɔ yé tyí. ²¹ Dúbípú, yé káh fòkònyàhnine n mo yé wènpì soko kè kɔ kè pɔ pi wílkúnine pé tyí.

²² Yòbi, tyi tyi pól soko, yé ne n sah yé yòtãm tyí yõ nónó-á me sétáh mè yõ. Yé káh tòle n pi pé tyí pàh yéle n kyomí gbí nê óle, á ki ne névye dyɔ yíi tẽ sɔ yé n yah n kɔ pí-nsahle dé. Nte yé yé gblɔy tiki mo kéle n pi foko pépérle yáh sɔnpule me Tẽ ñgbě yah tikile n pi. ²³ Yâh sɔ tò nê òkùle n pi, yé kéle n pi yé nno pólle Tẽ ñgbě tyí sɔ yé n pi kéle, kè káh ne n me ne névi tyí sɔ yé n pi. ²⁴ Yé pĩ ne ríkè Tẽ ñgbě-á ki pɔ yépi to dyah n pi yípeplɔle, wãh sépi nónó yah sah ñ no yinne. Yé nãh we di, ñmo Krista ye yòtè kègbile nê tyí-á yé n pi tòle. ²⁵ Nte névi nê-à ñ gblɔy pi nétúkùle, ñ nétúkúni tyi lédyáhní ye à ki we. Yé nãh we di, Liyel nãh wãhkile n pi.

4

¹ Yòtãm, yé yé yòbile n tẽ n ple gbi wèkì yõ soko, yé mó yé dyɔ sah ne n kwne ne yòtè yó-á me yépi to tyí yinyõ soko.

Pole-á vɛnmɔnɔ nónó kɔ

² Yé gbah n tẽ níri pínó soko. Yé níri le n pi yè pèpɔri píno weyne Liyelle n kɔ. ³ Yé Liyelle n ni ápi to tyí sɔnko à wèkì yiki mo á kɔ à fè ñ weyne n yo, ànê mè fè sètìn sò tir tyile n yo nê-á Liyel wòbi sah Krista soko. Képah nê yin-á ñne wòkònpèkè soko. ⁴ Yé Liyelle n ni ní tyí sɔnko à ní yah tẽ ní kɔ mè fè sètìn sò tir mène n yo n wah, máh yĩne mè kè yo sɔ.

⁵ Yé yé minne n pi lékámne Yesu yõ sɛ-ńkèpú wró. Syò-nsah-à fyò we yé tyí pèpɔri pi pi tẽne pé tyí, yé kè pi pé tyí. ⁶ Yé ye yé welo nóhnó no névye tyí, ànê yòre mó ne n me sé tyí. Névi nê-á píkinyahno pi, yé ké yah tɔ n sah n yo tẽ tyí.

Wey kɔnóle

⁷ Á yúnpì Tisyiki nê-á ní nénónine ànê ní kó-òle té me tòle n pi palle Tẽ ñgbě tyí, ñmo ki pɔ ní tyí kèdúkù pól yo yé tyí. ⁸ Nmo ye we te n tekí n mo ñne yé tyí ne à kyí á tyí kèdúkù yo yé syah à mó yé ni sũ. ⁹ Wonesimi to me ñne, ñmo nê-á á yúnpile nê-á me tómm, té pi á nénónine. Yépi soko yó ye ñne. Tyi nónó pól-á me n pi ásò, pé ki pɔ sè yãh yé syah.

¹⁰ Arisitarkɩ nê-á me wòkònpèkè sòkò ànê ñmòle, à n wekɩ yé tyí. Markɩ to n wekɩ yé tyí ñmò nê-á Barnabasɩ tyí névile. Markɩ tyí kèdùkù yo sòkò yé tyí ne wàh kɩ pò yé ònnè, yé à tẽ ple. ¹¹ Yesu nê-á pè n ye Nsyusitusile, à n wekɩ yé tyí tole. Nsyufunò Yesu yò sɛpú sòkò, pépi ó ye me tòle n pɩ ànê ñmòle à Liyel tǒrí tyíle n yo. Pè ní nɩ de yí kègbile. ¹² Yepafraɩ nê-á yépi sòkò yóle, à n wekɩ yé tyí. Yesu tònpi ye ñne, nê-á me nírilè n pɩ yé tyí gbímegbí sònko yè ne n me súnýinòle Liyel yò sɛnó sòkò, Liyel dyò yí tyi pól pɩ pɩ tɛne. ¹³ A yèvyãhrɩ kah pɩ yépi ànê Lawodise tãn, ànê Yerapolisi tãn yinne. Nmò ñtẽ kɩ fẽ pɩ kèpah tàrfyòle. ¹⁴ Dòktòr dí Likyi nê-á ápi kódíne, à n wekɩ yé tyí ànê Damasile.

¹⁵ Á yúnpyé nónó-á me Lawodise, yé wekɩ pé tyí à tahlɩ Nefa tyí ànê Yesu yò sɛpú ònkɩ nê-á n tuke n mò n pò n gbò. ¹⁶ Yáh kɩ sébéy mè we kar, yé gbah n tẽ Lawodise Yesu yò sɛpú ònkɩ to kò pè kè we n kar. Nê to-à kɩ se mó me tekɩ mò pépi tyí, pàh kɩ kéle yé kò, yé kè kar.

¹⁷ Yè mó n yo Arsyipi tyí ne, Tẽ ñgbẽ-á tò nê dahbɩ n gbò, à gbah n tẽ kè pɩ palle.

¹⁸ Nmò Pole ye n wekɩ yé tyí, té kéle n wãrkɩ ní gbòle. Yé káh n ye yé dyò fwo ne máh me wòkònpèkè sòkò. Mé kéle n yah n kò Liyel tyí ne, à yòbènrɩ pɩ yé pól tyí.

Pole sébéy tékínmonole Tesaloniki tân tyí Tyàh-nsah weyne

Pole wékínole Tesaloniki tân tyí

¹ Nmo Pole, ànê Silas, ànê Timote ye n wārki n tekı n mo sébéy mène yépi Tesaloniki kwil Yesu yō sēpú ùnkı tyí, yépi nóno-á me Sú Liyel ànê Tē ñgbē Yesu Krista tyí yō. Mé kéle n yah n kō ne Liyel yòbènoı pi yé tyí, à mó yèvinıne yé kō.

Pole wékínole Liyel tyí Tesaloniki tân Liyel wey fēnsyinole tyí soko

² Á me n wekı Liyel tyí yé pól tyí soko gbímegbí, té me ñne n ye n gbo yé tyí. ³ Yáh me gbah tē Liyel yō sēno tyípinı soko, té me tōle n pi tyınono soko, à yé gbō sah yí Tē ñgbē Yesu Krista yō sō, Sú Liyel ye ápi tārfyòle ne, gbímegbí á dyo-á me n kwne séle. ⁴ Á yúnpyé, yépi nóno tyí-á no Liyel tyí, á pı ne wāh yé yah wilki pi ñ tyíle. ⁵ Yé náh we di, áyáh Nivını tir nê yo yé ùnne, kè náh sō pi vyāh wey gboy óle dé. Á sō me kéle n yo tēnweno soko Liyel Mirki tākı gbō yō, té á sēnyıno me ké yō ne gbı-á kéle. Áyáh á gblōy tē ùkù nēne yé wró soko yé tyí pekı yınne, ké sendı náh yéle dò. ⁶ Ápi ànê Tē ñgbē pi ùkù ye yé me n yah n pi. Yèvyāhrı náhnáh fyé soko, yé Liyel wey fē syi nivını soko, ñ Mirki-á nivını nê mo yé soko. ⁷ Kāh pi sē, yépi ye Masedonı mara ànê Akayi mara Yesu yō sēpú pól ki n yah n pi. ⁸ Yé náh we di, à toko yépi ùnne, Tē ñgbē wey me tō mo Masedonı mara ànê Akayi mara pól soko. Té kè náh yın képah ó tyí dé, yé Liyel yō sēno tyí to me n yāh ywō ywō pól soko, fós kè náh tō me ápi tō képah tyíle n yo rıtēne. ⁹ Áyáh kyı yé ùnne té yé á tō sah tē palle ùkù nēne, névyé pól me képahle n yāh; ànê yáh yé náh vi fal fal tån kō té yé yah mo Liyel ùnne à tōle n pi ñ tyí ùkù nēne, ñmo nê-á gbı Liyelle té me min soko, névyé pól me képah tole n yāh. ¹⁰ Yé me ñ Pídı Yesu syıki tē ñmo nê-á ki wil yınyō ki n po n pi. Nmo nê-á Liyel ñ lékó yilki mo, ñmo ye ki ápi yō wilki n pi Liyel tukey soko nê-á me n pi.

2

Pole tō pínole Tesaloniki kwil soko

¹ Á yúnpyé, yépi ntē kè pı yí ne á pónó náh pi nónole yé ùnne. ² Yé kè pı tole ne áyáh yèvyāhrı we soko Filipi kwil soko, nyāh soko-á pè fóhnó sah á yō té Liyel me nısāh mo á soko á kō á me fē po ñ Nivını tırlı n yo yépi to tyí, gbı nê-á névyé sō me ále n fwo. ³ Tyı nóno-á á n yo névyé tyí, á náh me pılkinó soko, yınvı welo náh séle, vıntēno to náh à n vi n tē péle. ⁴ Liyel ye kè we ne ápi-á ki fē Nivını tir yo, té me ké tyí dahbı ápi gbō á kō á kéle n yo ké yah yō. Névyé dyo yí tē náh ápi n yah n kō pí-nsahle dé, Liyel dyo yí tē ye ñmo nê-á ápi sōnole n pne.

⁵ Yépi ntē pınó me ké soko ne welo nóno-á á yo yé tyí, yé vi n tē tē welo náh séle. Liyel ye á tārfyòle ne á náh me n yah n kō yé yó-nsahle. ⁶ Ápi náh me n yah n kō ne ñnı yó ntē ále n gbilki. Kāh sō yépile ò, kāh sō no tēlole ò, á náh me n yah n kō ne ñnı yó ntē ále n gbilki. ⁷ Té ápi ki mó tō sō fē á tōrı sah yé yō áyáh sōnpıle pi Yesu Krista tēntō névyéle. Nte á yé tē mármár pídúbısè-á ñ pyele n tō n sah n tē sō. ⁸ Yé tyí sō no yí ápi tyí, képah ye á me Nivını tir yo yé tyí nê-á n wil Liyel tyí. Té kè náh

yĩn képah ó tyí dé, á á min ntě mo kũ kã yépi yĩnne yé tyí táhnó tẽ yĩnne á tyí. ⁹ Á yúnpyé, áyáh yèvyãhrı ànê kwlónó nónó pı, yé dyo me n kwne séle kyó. Áyáh lésõ me yé ònne à Nìvìnì tirlè n yo n kã yé tyí, á lésõ me tò tölè n pı lékâh ké gbìntõ à yĩn á gblõy yínnóle, sõnko à káh n pı n tẽ yótókóbıle yé soko yó ntě tyí. ¹⁰ Yépi ntě ye ápi tàrfyòle ne, áyáh tyi nónó pól pı yépi Yesu yõ sèpú tyí, sé pól-á me ple, té me gbı wèkì yõ wényo-ńsah kěne; Liyel to ye á tàrfyòle. ¹¹ Yé pı tölè ne áyáh yé tẽ ple, sõ-á súbí pé wènpıle n tẽ ple. ¹² Á vınmõnõle yé kã, té sóre mo yé soko, té kè gbah yo yé tyí ne yé ye yé kò dukù ne n me Liyel dyo yí, ñmo nê-á ye yéle ñ tórí soko de yĩnne kı ké nolı we yõ.

¹³ Yáh Liyel wey nê noh ápi tyí, yé náh kè pı névi vyãh weyne. Yé kè pı Liyel weyne. Té sã ntě ye kéle kyó. Káh pı sã, kè me tölè n pı yé soko, yépi nónó-á Yesu yõ sèpúle. Képah ye, á n wèkı Liyel tyí gbímegbí ntõ. ¹⁴ N yúnpyé, Yesu yõ sèpú ònkınó nónó-á me Liyel tyí yõ Nsyude mara soko, tir nê-á no péle, sènkõ ye no yépi tölè. Yé náh we di, yé sú fõ névyè-á yé kwlo sõ, sã ye Nsyifunõ kwlo pépi tölè. ¹⁵ Nsyifunõ ye ko mo Tẽ ñgbẽ Yesu ànê Liyel tẽntõ syinyopule*. Pè fõhnó sah ápi to yõ. Pé tyí náh no Liyel tyí. No pól sèpébi ye péle. ¹⁶ Pè me ké tyí ne pé ápi yah kã á káh Nìvìnì tir yo yìkını téló névyè tyí pé to kã pé we n pwah. Káh pı sã, dòhnìnó ó ye pé me n pı n yuku pé tyípèl yõ. Nte ké syi-ńsah, Liyel fõhnó sah pé yõ.

Kyı n yah dékè me Pole tẽ Tesaloniki tãn tyí

¹⁷ N yúnpyé, á yal yé tnõ wró kwéy mè soko, á yí tẽ wo náh me tẽnóle yé yõ ó, ñte á me yé tyíle n sõ gbímegbí. Yé we dékè me á kah tẽ, képah ye á me gbah tẽ ne á yé we. ¹⁸ Á lésõ me ké tyí ne á á syı n pò yé ònne, té gbáhyí náhnáh ntě ye ñmo Pole yah kã kéle té sétàn yõtẽ á yah kã. ¹⁹ Ápi Tẽ ñgbẽ Yesu syı n pò sölè, nónó gbò yõ me á yáh-ńsah náh n tye n pi, ànê á nı kı vı, ànê á yõ kı yõ? Yépi ye. ²⁰ Kègbı yõ, yépi yĩn ye gbılkinó kı sah ápi yõ, té nìvìnì kı me á soko.

3

¹ Képah soko, áyáh pópó pò tẽ kwlo yé wé-ńkène, á kè yah tókò ne ápi-á kı wũ á gblõy Atenı kwil soko, ² té me á yúnpı Timote tekı mo yé kã, ñmo nê-á me Liyel tölè n pı ápile wẽ tyí Nìvìnì tir yónkõno soko Krista tyí soko. Á ne à pò yé yohnı mo yé tãhkı we Liyel yõ sèno soko, à mó sóre mo yé soko, ³ sõnko kwey gbı yèvyãhrı káh pò yé kã kwò. Yé pínó se me ké soko ne yèvyãhrı mène n soko té á sah n pi té. ⁴ Yé náh we di, áyáh lésõ me yé ònne gbı nène, á lésõ kè yo sah yé tyí ne áyáh kı pò yèvyãhrı pı n pi. Képah ye pı yò, ké sèndı náh yéle dò. ⁵ Képah ye, mäh pò tẽ sómnó pı kwlo, mé Timote tekı mo ne à kyı yé Liyel yõ sèno dukù yah n pò n yo ní syah. Tíkı sò me ní tẽ ne sétàn yõtẽ tõnmõnõ káh ne me tẽ n we yé tyí, ápi kwlónó kã kè pı yõ kène.

⁶ Nte núkúnúkú, Timote ye wil yé ònne à pò. Á me pò yé yíngbíle n yo ne Liyel yõ sèno-á me yé soko, ànê tyínõnõle. Nkẽ yáh me n sõ ápi tyí soko gbímegbí. Á we dékè-á me yé tẽ, sõ-á yépi to we dékè me ápi tẽ. ⁷ Káh pı sã á yúnpyé, áyáh sò me yèkwõrı ànê yèvyãhrı nónó pól soko, yé Liyel yõ sèno tyí nóhnó pı nı dénó ñgbène á tyí. ⁸ Nte yáh fyò me sènyĩnõle Tẽ ñgbẽ yõ, á mìnì ye pyè tiki de á fòkò soko núkúnúkú yò. ⁹ Wey dukù nê tẽ me ápi kı fẽ Liyel kã n pi yé tyí soko yò, wãh nìvìnì ñgbẽ nène á kã yépi yĩnne? ¹⁰ Ké lékâh ké gbìntõ, á me kéle n gbah n ni Liyel tyí ne à wèkì ykı mo

* 2:15 2.15 Liyel tẽntõ syinyopu kònmõnõ nê tyí-á n yo ásò, pé pól náh pé ko mo. Pé túkú ye pé ko mo.

á kō á fě pɔ yah yé tyí. Té fí nê-à kɪ me yé tekɪ Liyel yō sě́nó sɔkɔ, á mó yé yohnɪ n mɔ ké tyí sɔkɔ.

¹¹ Á kéle n yah n kō á Sú Liyel nítě tyí ànê á Tě ñgbě Yesu Krista tyí ne, pè wě̀kì yɪkɪ mɔ á kō á pɔ yé fɪnne. ¹² Wě́ tyínɔnɔ ànê no pól tyínɔnɔ nê-á me yé sɔkɔ, á kéle n yah n kō Tě ñgbě tyí ne, à wǎ́nne n mɔ ké yō á kɪ ne yé tyí-á nɔ sǔ ápi tyí. ¹³ Á mó nìsǎ́hle yé kō yíí Liyel yō sě́nó sɔkɔ, yé kō yé pɪ wényo-ńsah kě́ne yé tyí. Yè mó ne n me yályál á Sú Liyel yah sɔkɔ á Tě ñgbě Yesu Krista-à sǔ nêne n syɪ pɔ n yō n yínyō tǔnɪɪbɪ pólle.

4

Min pɪ òkù nê tyí-á nɔ Liyel tyí

¹ Á yúnpyé, yáh yíne yè ne n kɔ òkù nêne kè mó nɔ Liyel tyí, á kéle yé wě̀kì tɛ. Sě́ntě nítě ye yé me kɔ ó, nte á tǔ kéle n yah n kō yé tyí Tě ñgbě Yesu yín yō ne, yé gbah n tě wǎ́n mɔ ké yō. ² Áyáh vɪnmɔnɔ nónóne yé kō à wil Tě ñgbě Yesu tyí, yé séle n pne. ³ Liyel-á me nê tyí, kè we yò: Á me ké tyí ne yé ne n me yályál péwɔ yah, yé káh pròpròle n pɪ, ⁴ yé nénúkù núkú pól mó yé gblǒyne n tě fǒfíkì pínóle. ⁵ Yé káh ye lédórí tě n we yé tyí sǔ-á kè Liyel pí-ńkěpúle n fne. ⁶ Nnî yó nítě káh n pɪ n de n ní-ò tyí à yuku képah tě tyí fɪnne. Liyel náh n ye képah tě wɔ dénóle dé. Á lésǔ kè yo yé tyí, té ké gbáhdyáh tɔ di sah tɛ yé tyí dò. ⁷ Liyel náh á ye pǒpǒ pɪ yíne dé, à á ye ne á ne me yályál péwɔ yah. ⁸ Káh pɪ sě́, névi nê-à vɪnmɔnɔ nǒpi yahle, névi náh tě yahle dé, Liyel ye tě yahle, ñmɔ nê-á n Mirki dah mɔ yé sɔkɔ.

⁹ Liyel tyí ye yé we kwónóle à yuku wě́ tyínɔnɔ tyí fɪnne. Képah ye, yō náh me ké tyí mè n tǔ tir yó wǎ́rkɪ n tekɪ n mɔ yé tyí képah tyí sɔkɔ. ¹⁰ Masedonɪ mara Yesu yō sě́pú pól tyí me nɔ yé tyí. Képah kéle n wě̀kì ne yáh me tyínɔnɔ mè wě̀kìle n kɔ. Nte á yúnpyé, á tǔ kéle n yah n kō yé tyí ne, yé tǔ wǎ́n mɔ ké yō. ¹¹ Yé yèvnɪ yáhnkǔnɔ pɪ yé tǔle. Yé káh yé pɪ pɪ tyi sah yè mó ne n yɔkɔ n de névyé tyi sɔkɔ. Yé yé gblǒy kō tǔ sɔkɔ áyáh kè yo sah sǔ yé tyí. ¹² Képah sɔkɔ, yé kɔ òkù kɪ kèkǒyó névyé kō pè kɪ yòyénne n sah yé yō, ànê yé náh n pɪ n tě n pi yótókóbíle ñnî yó nítě tyí.

Lékyî ànê vye tyí-á ne pɔ n pɪ n pi sǔ Tě ñgbě Yesu syínɔnɔ sɔkɔ

¹³ Á yúnpyé, yé no nónó-á pè náh tǔ me min sɔkɔ, pé tyí-á ne pɔ n pɪ n pi sǔ, ápi náh me ké tyí ne yé tě ké yítǔri sɔkɔ kè pɔ n pɪ yèkwɔrɪle yé tyí névyé tyí kǔle, nónó yáh-ńsah-á me tyénóle. ¹⁴ Áyáh fyò sě́ ké yō ne Yesu-á ku té n lékó me yilki mɔ, á sě́nó me ké yō tǔle ne nónó-á sě́ n yō tɛ pɔ yah kwɔ, Liyel-á kɪ pépi tɔ lékyî yilki mɔ pè kō pè kɪ me wě́ tyí Yesule. ¹⁵ Á kɪ tir yó yo yé syah, à yíne Tě ñgbě wey yóle. Á ne ńkě pé syɪ n pɔ sǔle, ápi nónó-à kɪ me min sɔkɔ, névyé nónó lékyî-á yilki mɔ, á náh pépi dyáh tě n pi. ¹⁶ Yé náh we di, Tě ñgbě-à kɪ fyò pɔ wě̀kì kō, yínyō tǔnɪɪbɪ yǔtě kɪ gbo mɔ yínpǔ ñgběne, té Liyel kèpǔ kɪ fɪbɪ. Képah sɔkɔ, Tě ñgbě kɪ wil yínyō kɪ tiki pɔ. Képah těne, nónó-á sǔ sě́ Yesu yō té pɔ yah kwɔ, pépi ñgbò lékyî kɪ yilki mɔ. ¹⁷ Képah náh, ápi nónó-à kɪ me min sɔkɔ légbíne, á tɔ kɪ kwɔ mɔ yō òkɔ péle wě́ tyí nýírn sɔkɔ kɪ kyɪ Tě ñgbě Yesu yohnɪ yínyō, té kɪ tě ñne kúmm yō. ¹⁸ Káh pɪ sě́, yé wě́ nnole n de welo nópíle.

5

Tě ñgbě syínɔnɔle

¹ Á yúnpyé, tyi nópi-á kɪ pɔ n pɪ n pi gbí nêne, yõ náh me ké tyí mè n tǔ tir yó wārki n tekɪ n mɔ yé tyí sépi tyí sɔkɔ. ² Yépi ntě pínó me ké sɔkɔ ne Tě ñgbě syɪ n pɔ sǔ-á kɪ névye kwɔkɪ n tẽ n pi yẽnwó pónó tyí kǔle lékâhne. ³ Gbí nê-á névye kɪ me n yo ne, yèvinɪ-á me, dlo náh tǔ me, légbí ye tyí yíkínó kɪ núkú pè kwɔkɪ tẽ sê kúrki tẽnó tyí kǔle, té pè náh tẽ we n wil n pi ké sɔkɔ pólle. ⁴ Nte yépi wɔle á yúnpyé, yépi to se yó me fěntũ sɔkɔ kéne gbìyìkì kǔ kè kɪ pɔ yé kwɔkɪ n tẽ n pi yẽnwó tyí kǔle? ⁵ Yé náh we di, yépi pólle, yé fɔkɔ me dálnóle. Yé me tyile n pi kyòo sɔkɔ. Ápi tyípínì náh me fěntũ sɔkɔ. ⁶ Képah ye, á yé káh ne n dɔ no tǔlɔ tyí kǔle. Á ye ne me n yah, à mó á gblǔyne n kyomɪ sètɛnì pínóle. ⁷ Yé náh we di, lékâh yé dɔy dópú n ne n dɔ, ànê lékâh ye sèwɔbɪ to sètɛnìne n pi. ⁸ Nte ápi nónó-á pi tyah kyòo sɔkɔ névyele, á ye káh sètɛnìne n pi. Á ye ye Liyel yõ sěno ànê tyínɔɔ ne n me á sɔkɔ á kɪ ne vyɔri fwòmɔnɪ sǔ á mɔ. Á gbò sàhnó mó ne me pwáhnɔɔ yõ á kɪ ne vyɔri gbétú sǔ á kwĩnkì. ⁹ Yé náh we di, Liyel náh ápi mɔ ne pé pɔ á fǔh dé. Nte à me ké tyí ne á pwáhnɔɔ we á Tě ñgbě Yesu Krista gbò yõ. ¹⁰ Nmɔ ku ápi yĩne, sǔnko áyâh sǔ me min sɔkɔ ò, áyâh sǔ ku ò, à ne n me ñmɔle wě tyí. ¹¹ Képah ye, yé sǔréle n mɔ wě sɔkɔ, yè wanne n mɔ wě tǔhkì yõ Liyel yõ sěno sɔkɔ, sǔ-á yé me kéle n pi yõ.

Pole-á v̄nmɔɔ t̄y ànê wey nêne Tesaloniki tân kǔ

¹² Á yúnpyé, á kéle n yah n kǔ yé tyí ne nónó-á me gbah tẽ yé yahle n tẽ, té me yéle n vi mɔ Tě ñgbě wěkì kóló sɔkɔ, yé yòyenne n sah pé yõ. ¹³ Yé yòyenne n sah n yíí pé yõ tyínɔɔ sɔkɔ pé tǔ yĩne. Yé ne n me tɔo sɔkɔ wě tyí yèvinɪ sɔkɔ. ¹⁴ Á yúnpyé, á kéle n yah n kǔ yé tyí ne, yé ne n wekɪ gbãndal pípú yõ, yé nìsǔhle n mɔ tíkì pípú sɔkɔ, yé mó tẽnkwɔpule n yohnɪ n mɔ. Yé no pól sǔmnóle n pi. ¹⁵ Yé yé gblǔyne n kyomɪ, ñnì yó ntě káh pèkè wóle n de pèkèle. Nte yé pèpey ó pí-ńsahle n yah n kǔ wě tyí, ànê no pól tyí gbímegbí.

¹⁶ Yé ne n me nìvìnì sɔkɔ gbímegbí. ¹⁷ Yé Liyelle n ni kúmm. ¹⁸ Tyi tyi pól sɔkɔ yé ne n wekɪ Liyel tyí. Képah ye Liyel n yah n kǔ yé tyí ne yé ne n pi Yesu Krista yõ sěno sɔkɔ.

¹⁹ Yé káh Liyel Mirki yah kǔ tǔ pínóle, ²⁰ yé káh Liyel tǔntò syínyopu wɔle tyíle n yo n ko. ²¹ Yé tyi pólle n sohlɪ n yah, té nónó-à me palle, yè mó sépi fě n syi. ²² Yé yé gblǔyne n tẽ tyípél duke pól pínóle.

²³ Liyel nê-á yèvinɪ nètɛne, mé kéle n yah n kǔ ñ tyí ne à sǔm mɔ yé min pi dükù pól sɔkɔ. A mó yé sǔnɔ, ànê yé min, ànê yé wil gběnsê pi wényo-ńsah kéne sé tyí á Tě ñgbě Yesu Krista syɪ n pɔ sǔle. ²⁴ Nmɔ nê-á n ye yéle, à n kɔ ñ tyíyónó sǔ. Nmɔ ye kɪ pi séle.

²⁵ Á yúnpyé, yé nírí tɔle n pi ápi tyí.

²⁶ Yé wekɪ á yúnpyé pól tyí tyínɔɔ wey pèpeyne. ²⁷ Mé yéle n gbah n ni Tě ñgbě yĩn yõ, ne yé sébéy mè kar á yúnpyé pól noh.

²⁸ Mé kéle n yah n kǔ á Tě ñgbě Yesu Krista tyí ne à yòbènɔri pi yé tyí.

Pole sébéy ní-ò tékínm̄on̄ole Tesaloniki tân

Pole wékínóle Tesaloniki tân tyí

¹ N̄m̄o Pole, ànê Silas, ànê Timote ye n tek̄i n m̄o sébéy m̄ene yépi Tesaloniki kwil Yesu yõ s̄épú t̄ink̄i tyí, yépi nóno-á me ápi Sú Liyel ànê Tě ñgbě Yesu Krista tyí yõ. ² Mé kéle n yah n k̄õ Liyel tyí ne à yòbèn̄ori pi yé tyí, à mó yèvin̄une yé k̄õ.

Liyel wěk̄i kólóle yèvyähr̄i soko

³ A yũnpyé, ké yah ye á yĩne à ne n w̄ek̄i Liyel tyí gb̄imegb̄i yépi tyí soko, yé Liyel yõ s̄énó ànê yé w̄e tyín̄on̄o-á s̄onp̄ile me n yuku yahle. ⁴ Yé me yèvyähr̄i ànê yèkw̄ori tole n w̄e, ñte képah fyé yõ, yé Liyel yõ s̄énó gb̄ò yõ, yé me f̄e yé tah sah. Képah ápi ni vi yĩ á k̄õ á me yé tyíle n yah n yãh n k̄õ Yesu yõ s̄épú t̄ink̄inó tyí, nóno-á me Liyel tyí yõ. ⁵ Kéne yèvyähr̄i nópi ye n w̄ek̄i kéle ne Liyel tukey-á me gb̄i w̄ek̄i yõ, ànê nóno náh yépi ki w̄e de Liyel t̄óri soko, yáh me n kw̄lo képah nê yĩne.

⁶ Liyel me tómm. A ki yé f̄óhp̄ú w̄ó de pé soko. ⁷ Yépi nóno-á me f̄óhn̄ole n w̄e, à ki yèvin̄une yé k̄õ n pi ànê ápile. Képah ki n pi n pi s̄o nê-á Tě ñgbě Yesu ki wil ȳinyõ ki p̄o ànê ñ ȳinyõ t̄onp̄ibi t̄enp̄n̄epule ⁸ nyàh l̄ép̄õ yó soko, ki p̄o f̄óhn̄ó sah Liyel pí-ńk̄ép̄ú ànê Tě ñgbě Yesu N̄iv̄in̄i tir yáhlepu yõ. ⁹ Pé f̄óhn̄ó ki pi tyí yíkinó kúmm̄ne, té pé wr̄ó ki gbe m̄o Tě ñgbě ànê ñ t̄óril̄e. ¹⁰ Lésõ nê-á Tě ñgbě ki n p̄o n pi yò, ñ náh névȳe ànê ñ yõ s̄épú pól ki gb̄ilk̄inó sah ñ yõ lésõle, té ki ñne n yah dékè ó. Yépi to ki me kéne névȳe soko, yáh fyò s̄e N̄iv̄in̄i tir yõ ápi-á képah nê yo yé tyí. ¹¹ Képah ye, á me n̄ir̄ile n pi yé tyí gb̄imegb̄i. A me kéle n yah n k̄õ á Liyel tyí ne, wãh yé ye tir nê yĩne, à kè pi yé f̄e kè pek̄i. A kéle n yah n k̄õ ñ tyí ne, à tãhk̄ile yé k̄õ yé f̄e tyíp̄ep̄lo pólle n pi nóno dékè-á me yé soko, à mó yé yohn̄i n m̄o yé ñ yõ s̄énó tyíp̄in̄ine n pi. ¹² Képah soko, yé ki Tě ñgbě Yesu yĩne n gb̄ilki, té ñ to ki mó yé yõ yõ. Pèp̄ori ye séle ápi Liyel ànê Tě ñgbě Yesu Krista ki pi.

2

Tyi nóno-á ki Tě ñgbě syín̄on̄o dyàh t̄e

¹ A yũnpyé, à yuku ápi Tě ñgbě Yesu Krista syín̄on̄o ànê ápi t̄uk̄en̄m̄on̄o tyí t̄inne ñ t̄n̄o, á kéle n yah n k̄õ yé tyí ne, ² yé káh ye ñn̄i yó ñt̄e p̄o yé s̄on̄o vye f̄ek̄i, képah náh pi tíki m̄o yé soko sér̄osér̄o ne Tě ñgbě syín̄on̄o gb̄iȳik̄i-á yini t̄e. Tě-à ki s̄o ne Liyel t̄ent̄o-à pé syi n yo, képah náh pi, t̄e ȳengb̄e w̄ey-à ki s̄o nê à p̄o n yo yé tyí, képah náh pi, sébéy yó fyé-à ki s̄o nê t̄e p̄o, té ne káh wil ápi tyí, yé káh s̄e t̄e yõ. ³ Yé káh ye ñn̄i yó ñt̄e k̄õ à p̄o yé pilki dùk̄u yó ñt̄ene. Yé náh w̄e di, kéne gb̄iȳik̄i-à p̄opó n pi, Liyel w̄ek̄i ñgbò ye pè ki p̄o tyah n fwo, té Liyel fwó-ò ki ñ yõ wilki m̄o. N̄m̄o nê-á n pilki névȳe, ñ tyí ki p̄o n yiki n pi. ⁴ N̄m̄o ye ki p̄o yuku Liyel ànê gb̄ilki gb̄ilki yĩ pólle n fwo, té ki kyi de k̄õ t̄e ñt̄ene Liyel ní-ńsah gb̄o soko, té ki ne Liyel-á péw̄ole. ⁵ Yé dyo se fwo ne máh lésõ kè yãh soko yé tyí ní me gb̄ine yé t̄inne? ⁶ Nte núkúnúki, kwãh nê-á k̄õ sah ñ yahle à k̄õ à náh f̄e wil n m̄o n pi ké gb̄i nó-ńk̄e soko, yé kéle n pne dò. ⁷ A me ñ tãhk̄ile t̄o tyah té s̄et̄in̄ s̄o soko. Té ñ t̄ens̄ah-ò-à s̄o n̄ene n kne, ⁸ légb̄ine à ki ñ yõ wilki m̄o, té Tě ñgbě Yesu ki ñ tyí yiki ñ vyãh yáhfan̄ne, té Yesu p̄inó tãhk̄i ki à pyähr̄i pn̄épn̄é. ⁹ Népekè mè ki n p̄o n pi sét̄an̄ yòt̄e tãhk̄ile ñ soko. A ki gb̄il ànê gb̄end̄un̄i tyi duke pólle n pi nóno-á névile n pilki. ¹⁰ A ki tyíkn̄en̄i duke pólle n pi

névye we n pilki yinne nónó-á me tyíyíkinó wěkì yõ. Pé tyí kɪ n yɪkɪ n pi pãh sõnpíle gbɪ wěkì kóló yahle, képah nê-á kɪ sõ fě pè pwah n mɔ n pi. ¹¹ Képah ye, Liyel ye sétõ tãhkì kõ kè pɔ pè mɔ pílkinó sɔkɔ, pè kõ pè kɪ n sě mìnì tyi yõ. ¹² Képah sɔkɔ, nónó pól-á yahle sěnlóle gbɪ yõ, té tyíkněni tyí nɔ pé tyí, fõhnó kɪ sah pé yõ.

Tesaloniki tân gbáhntěnlé Yesu yõ sěnló sɔkɔ

¹³ Á yũnpyé, yépi nónó tyí-á nɔ Liyel tyí, ké yah ye á yĩne à ne n wekɪ Liyel tyí gbímegbí yépi tyí sɔkɔ. Yé nãh we di, ñmɔ ye yah wilki yéle tyah gbí ðúkùle ne pé yé pwah mɔ ñ Mirki gbõ yõ, képah gbõ yõ-á yé kɪ yé minne n pɪ yályál Liyel yah, ànê gbɪ yõ sěnló tɔ gbõ yõ. ¹⁴ Képah yĩn ye à ye yéle Nìvìnì tir nóhnó gbõ yõ áyáh nê yo yé tyí, nê-á kɪ yépi tɔ kõ yé kɪ we de á Tě ñgbě Yesu Krista tõrì sɔkɔ. ¹⁵ Kãh pɪ sě á yũnpyé, á kéle n yah n kõ yé tyí ne yé sě yũ Tě ñgbě yõ. Áyáh kwónó nónóne yé kõ vyãh wey sɔkɔ, képah nãh pɪ sébey tóntekɪnmɔnɔ sɔkɔ, yé sè koh n tẽ n yĩn. ¹⁶ Api tyí nɔ á Tě ñgbě Yesu Krista ànê á Sú Liyel tyí. Pépi ye á nnole n de tyé-ñkěne pé pèpɔrɪ gbõ yõ, té á kõ á tẽ we á gbõ sah yũ pé yõ. ¹⁷ Á kéle n yah n kõ pé tyí ne pè yé nno de, pè mó tãhkile yé kõ yé fě ne n tõ n sah n pɪ, tyípini ànê vyãh wey sɔkɔ.

3

Nirí pínó yáhnkõnlé

¹ Á yũnpyé, ké syĩ-ñsah mé kéle n yah n kõ yé tyí ne yé niríle n pɪ ápi tyí, sõnko Tě ñgbě wey tõ mɔ súú, névyé mó kéle n mɔ n kõ yépi tyí kõle. ² Yé Tě ñgbě ni á tyí tɔle à kõ à á pwah n mɔ nétúkùni ànê népèl gbõ. Yé nãh we di, no pól nãh sě Nìvìnì tir yõ. ³ Nte Tě ñgbě me tómm. A kɪ tãhkile yé kõ, té kɪ yé yõle n sykɪ ne sétàn yõ tẽ káh tẽ we yé tyí. ⁴ Tě ñgbě gbõ yõ, ápi sěnyínó me ké yõ ne áyáh nê kõ sah yé kõ, yáh me kéle n pɪ, té kɪ tõ n yõ n sɔkɔ n pi sě. ⁵ Á kéle n yah n kõ Tě ñgbě Krista tyí ne, à yé yohnɪ n mɔ yé fě pĩ yé tyí-á nɔ sõ Liyel tyí, ànê yé fě sómnlóle n pɪ ñmɔ Krista tyí kõle.

Gbáhdyãh ðinsãhnóle gbãndal pínó tyí sɔkɔ

⁶ Á yũnpyé, ápi-á yé kwɔ tyi nónóne, yé yũnpyé nónó-á sépi kěkɪ sah té pé minne n pɪ gbãndal pínó sɔkɔ, mé kéle n yah n kõ yé tyí Tě ñgbě Yesu Krista yĩn yõ ne, yé káh péle n ðinki. ⁷ Yáh yĩne ye ápile n yah n pɪ ðúkù nêne, yé kéle n pne kyó. Ápi nãh á min pɪ yé wró gbãndal pínó sɔkɔ. ⁸ Áyáh lésõ me yé ðinne, á nãh kè yah kõ ñnì yó ñtẽ tyí ne à ápi vyãhle n yah. Á tõ pɪ, á yah vyãh, à kwlɔ lékãh ké gbìntõ à yĩn á gblõy yinnóle, sõnko à káh n pɪ n tẽ yótókóbúle yé sɔkɔ yó ñtẽ tyí. ⁹ Ké yah ye lésõ ye á vyãhle n yah. Nte ápi képah pɪ ne kè pɪ kwónóle yé tyí, yé tɔ kõ yé sěnkõle n pɪ. ¹⁰ Áyáh lésõ me yé ðinne, á ké gbáhdyãh di sah yé tyí ne, névi nê-à yahle tõ pínóle, tẽ nãh yĩne yónó tɔle. ¹¹ Nte á me n nohnɪ ne, yé túkù-á me gbãndal ó yah wũ à yahle tõ pínóle, té me n yɔkɔ n de névyé tyi sɔkɔ. ¹² Kéne névyé nópi tẽne, á kéle n yah n kõ pé tyí té sórèle n mɔ pé sɔkɔ Tě ñgbě Yesu Krista yĩn yõ ne, pè pé yah di tõle n pɪ, pè pé yõ yõ tẽne n we pé yěngbě myèh nínkweno sɔkɔ.

¹³ Yépi tẽ wɔle á yũnpyé, yé káh n yal n mɔ tyípéplɔ pínóle. ¹⁴ Tyi nónó-á ápi yo sébey mè sɔkɔ yò, névi nê tẽ-à kɪ fyò yahle sãhnóle sé yõ, yé tẽne n kyomɪ, yé káh ne n pɪ n soh tẽne. Képah sɔkɔ, kè kɪ pɪ senne tẽ tyí. ¹⁵ Té yé káh tẽ pɪ yé sépe tẽ wɔle dé, yé vinnmɔnlóle tẽne n kõ sã-á yé kéle yé yũnpyéle n kõ.

Wékínóle névyé tyí ànê sãm mónóle pé soko

¹⁶ Mé kéle n yah n kɔ̀ yèvinu Tě ñgbě ñtě tyí ne, à yèvinune yéle n kɔ̀ gbímeḡbí kàh sɔ̀ kɔ̀ dùkù nê óle. Mé kéle n yah n kɔ̀ ñ tyí ne, à ne n me yé pólle.

¹⁷ Wey nê-á mé yé kɔ̀ yò, ñmɔ̀ Pole ye wãrkɩ kéle ní gbòle. Sě ye mè n ne n mɔ̀ ní gbò níyne ní sébéy wãrkíntekumɔ̀nɔ̀nɔ̀ yò. Nmɔ̀ wãrkínó ye kéle tótó. ¹⁸ Mé kéle n yah n kɔ̀ ápi Tě ñgbě Yesu Krista tyí ne, à yòbènrɩ pi yé pól tyí.

Pole sébéy tékínmɔnɔle Timote tyí

Pole wékínóle Timote tyí

¹ Nɔmɔ Pole nê-á pɪ Yesu Krista tɛntò névile à yĩne Sú Liyel-á kè yah tɔkɔ sɔ, ñmɔ nê-á á pwáhnɔ-òle, ànê à yĩne Yesu Krista tɔ-á kè yah tɔkɔ sɔ, á gbò sàhnó-á me ñmɔ nê yò sɔkɔ. ² Timote, áwɔ tyí ye mé n tekɪ n mɔ sébéy mène, áwɔ nê-á ní pídí kègbɪle Liyel yò sɛnó sɔkɔ. Mé kéle n yah n kɔ Sú Liyel ànê á Tɛ ñgbɛ Yesu Krista tyí ne pè yòbènɔrɪ pɪ á tyí, pè á yãm yah pè mó yèvinɪne n kɔ.

Gblɔy tɛnóle kwónó kètúkúnì pípúle

³ Tɛ Yefesɪ kwil sɔkɔ sɔ-á sò mé yo kéle á tyí máh n sɔkɔ Masedonɪ mara sɔkɔ. Névyé tókù me kwónó kètúkúnìne n pɪ nɛnpó, á yĩne n pè yĩni n mɔ ké pínóle. ⁴ Yo pé tyí ne, pè káh tɛ sèmirn yáhnó ànê náh tãn yĩni tyí ný tɛnó ó sɔkɔ tyé-ńkɛne. Yékáb ó ye sépi n pɔ n pɔ. Sè náh névyéle n yohnɪ n mɔ Liyel yò sɛnó sɔkɔ, à yĩne Liyel-á me ké tyí sɔ. ⁵ Gbáhdýáh dínsàhnó mè yò ye ne kè tyínɔnɔ dahbɪ pé sɔkɔ, tyínɔnɔ nê-á n wil nɪ pèpey sɔkɔ, sɔnɔ pèpey sɔkɔ, ànê Liyel yò sɛnó kègbɪ sɔkɔ. ⁶ Nte névyé tókù ye képah yahle, té mɔ pu à yékáb tókúnì pínó ó yah wũ. ⁷ Pè pé gblɔy pɪ Liyel tyi kònsàhnó kwópúle. Té tyi nónó ńtɛ-á pè me n yo, ànê tyi nónó-á pè me névyéle n gbah n kwɔ, pè náh me sé dükùle n pne.

⁸ Apɪ pɪ ne ńkɛ Moyisi tyi kònsàhnó-á ple, wáh me sé tyile n pɪ sãh yĩne sɔ. ⁹ Yé náh we di, Moyisi tyi kònsàhnó náh sah négló yinne dé. Nónó yin-á sè sah, pépi ye pɪ tyítúkúnì pípúle, ànê kèlékɛ pípúle, ànê népékè pípúle, ànê tyípèl pípúle, ànê Liyel mónkò-ńkɛpúle, ànê Liyel tyi mónkò-ńkɛpúle, ànê súbí kònmɔpule, ànê yúbí kònmɔpule, ànê nékókè mópúle, ¹⁰ ànê prɔnɪbɪle, ànê díbí wɛ tókópúle, ànê syó wɛ tókópúle, ànê yòbɪ yãmpule, ànê mɪnyobele, ànê nónó-á péle n wo mɪnɪ tyi sɔkɔ, à tahlɪ nónó pól-á me Liyel tyi kwónóle n fwo. ¹¹ Kéne kwónó mè wil Nìvìnì tir sɔkɔ, tɔrí Liyel-á nê dahbɪ ñmɔ gbò, ñmɔ nê-á pèpɔrɪ Liyelle.

Krista kɔnóle pèpɔrɪ pínó weyne

¹² Nɔmɔ n wekɪ á Tɛ ñgbɛ Yesu Krista tyí, ñmɔ nê-á tãhkùle ní kɔ. Mé n wekɪ n tyí, wáh sɔnpúle kè yah ne máh yĩne pé tò pínóle, té ní tɔkɔ n tò sɔkɔ. ¹³ Té ñmɔ ye mó tɔ lésɔ n yo n ko n tyíle, té ñne n fòh, té pɪ népékèle. Nte mé lésɔ me sépi pólle n pɪ ñpì-ńkɛ ànê Liyel yò sɛ-ńkɛ sɔkɔ, képah ye Liyel me pɔ ní yãm yah. ¹⁴ Apɪ Tɛ ñgbɛ ye pèpɔrɪ pɪ ñmɔ tyí náhnáh, à Liyel yò sɛnó ànê tyínɔnɔle ní kɔ nê-á n we á wró kwrónmɔnɔ gbò yò Yesu Kristale. ¹⁵ Gbɪ ye wey mène nê-á no pól yĩne pè kè fɛ syi, képah nê-á yo ne Yesu Krista-á pɔ kèkòyó sɔkɔ tyípèl pípú pwah n mɔ yinne. Pépi sɔkɔ ney yó ye ñmɔle, té ñmɔ tyí peke kal. ¹⁶ Nte ñmɔ nê tyípèl-á kal, Liyel ñmɔ yãm yah. A me ké tyí ne Yesu Krista n gblɔy pèpɔrɪ pínó wɛkɪ, nê-á kɪ pɪ kwónóle névyé tyí nónó-á kɪ pɔ n sɛ n pi n yò, kɪ tyé-ńkɛ min we. ¹⁷ Tyé-ńkɛ Yòtɛ dí nê-á à náh n we, à náh n ku, ñmɔ nê-á Liyel núkúnìne, mé me ké tyí ne yò yòhnó ànê gbílkinó pɪ ñmɔ tyíle gbímegbí. Amiina.

Pole me nìsãhle n mɔ Timote sɔkɔ

¹⁸ Nmo pídí Timote, Liyel tǝntò welo nónó-á yo sah á tyí soko, mé kéle n yah n kǝ ne sépi ñ yohni n mo á gbah tǝ tǝ pèpeyne n pi. ¹⁹ Kéle n pi Liyel yǝ sǝnó soko ànê sǝno pèpeyne. Túkù ye yahle sǝntǝ pínóle. Kǝh pi sǝ, pé Liyel yǝ sǝnó tǝ syi pé tyí. ²⁰ Pépi túkù ye Yimene ànê Alekisǝdrele. Mé pépi gbah de mo sétǝn yǝtǝ kǝ, nê-á kǝ pi kwónóle pé tyí pè kǝ pè nǝh tǝ n yo n de n pi Liyel tyí.

2

Kwónó nê-á kǝ niri pínó tyí yǝ

¹ Mǝh me nê ñgbòle n yah n kǝ, képah ye ne á yáhnkǝnole n pi Liyel tyí, á ñne n ni, á ñne n fal, á mó weyne ñne n kǝ no pól yǝnne. ² Á ye niri n pi yǝtǝm tyí, ànê névye pól tyí tǝrí-á me nónó gbǝ, sǝnko à á minne n we n pi syísyí yèvinu soko, á kǝ dúkù mó ne n me palle, à mó Liyel yah tiki n pi. ³ Képah ye ple, ànê ké tyí no á pwáhnmo-ò Liyel tyí, ⁴ ñmo nê-á me ké tyí ne no pól pwáhnmono we, pè mó tǝ we gbule n pne. ⁵ Yé nǝh we di, Liyel núkù ó ye me. Liyel ànê névye wró tǝ-ò núkù tǝ ó me. Névi ye ñne. Nmo ye Yesu Kristale, ⁶ ñmo nê-á ñ gblǝy kǝ à névye pól yǝ dwe. Gbí nê-á sǝ yáhtokǝnsǝhnóle, kè pi képah soko. ⁷ Yesu Krista gblǝy kǝnó mè yǝn ye Liyel nmo yah tǝko pi ñ wey yó-òle, ànê Krista tǝntò névile, ne névye nónó nǝh pi Nsyifunole mé péle n kwǝ Liyel yǝ sǝnó ànê gbǝ wǝkile. Gbǝ ye mé n yo, mǝnyo nǝh ñne.

Díbi ànê syó pi dúkùle tǝwú soko

⁸ Mé me ké tyí ne tǝntǝn pól soko, díbi pé gbǝn yǝ dǝko yǝnyǝ pé Liyelle n ni nnole yályál, fǝkǝnyǝhnì ànê mékì kǝne pé wró. ⁹ Mé me ké tyí ne syó tǝ flǝle n tǝ n sah n mo kǝh yǝne sǝ. Pè flǝle n mo nónó-á kǝ fǝ pé sen yǝ óle yáryár dáhbí-ńkǝne ké soko. Pè kǝh yǝ kǝhtǝnsǝhnó kǝpékè, ànê sǝn yèso yǝ, ànê yǝ kǝtǝrnǝ, ànê fwǝtǝhnine n yah n kǝ. ¹⁰ Nte pé gblǝy tǝnsǝhnó yǝne kè pi tyípeplo pínóle, sǝ-á syó kéle n pi nónó-á me Liyel yah tiki n pi. ¹¹ Sê yǝne à ñ gblǝy tiki mo tǝ syísyí pǝh ñne n kwǝ gbǝ nǝne Yesu yǝ sǝpú tǝnkì wró. ¹² Mé nǝh ké wǝkile sê kǝ ne à névyele n kwǝ, képah nǝh pi à pi dí yǝtǝne. Á yǝne à tǝ syísyí. ¹³ Yé nǝh we di, Adama ñgbò ye Liyel mo, té pyé Awǝ mo dò. ¹⁴ Adama nǝh sétó pilki; Awǝ ye à pilki à kǝ à Liyel yóré yahle. ¹⁵ Nte képah fyé yǝ sê kǝ pwáhnmono we ñ pínó yǝnne yǝne, wǝh sǝ Liyel yǝ, té tyínono me ñ soko, té me n kǝ yályál Liyel yah yáryár dáhbí-ńkǝne sépi pól soko.

3

Yesu yǝ sǝpú tǝnkì yah tǝpú-á yǝne pè ne n pi sǝ

¹ Yé yah, kǝgbǝ wey yó ye mé n tyah yónóle yé tyí yò. Névi nê-à me ké tyí ne pé pi Yesu yǝ sǝpú tǝnkì yah tǝ-òle, tǝ pèpey ye tǝ n yah n kǝ pí-ńsahle. ² Yesu yǝ sǝpú tǝnkì yah tǝ-ò yǝne à pi wényo-ńsah kǝne ñ tyí. Á yǝne à pi sê núkù nétǝne, gblǝy tǝnpnè-òle, nê-á me ñ tyile n pi n yǝne palle, me népǝnne n tǝ ple, té kǝ fǝ névye kwǝ n pi. ³ Á nǝh yǝne à pi sèwǝle, képah nǝh pi népékèle. Nte à yǝne à pi névile, nê-á ñ gblǝyne n ye n pne. Á nǝh yǝne à pi mǝl kǝlì-òle, képah nǝh pi pó nǝh púkúbínmo-òle. ⁴ Á yǝne à ne n me ñ kéte yahle n tǝ n pne palle, à mó ñ wǝnpi kwǝ pè ne n sah ñ tyí yǝ kǝh yǝne sǝ. ⁵ Yé nǝh we di, névi-à tǝ we ñ kéte yahle n tǝnpnè-ńkǝne, à kǝ pi sǝ té kǝ fǝ Yesu yǝ sǝpú tǝnkì tǝnó ple, pépi nónó-á Liyel nolè? ⁶ Tǝ nǝh yǝne à ne n me nésǝnne Liyel wǝkì kǝlǝ soko, sǝnko gblǝy gbǝlkinó kǝh po de tǝ soko, ñ tyí kǝ kè po

n yikɪ sɛtɛn yɔtɛ tyí kɔ̄le. ⁷ A wil képah sɔkɔ, Yesu yɔ sɛ-ńkɛpú tɔ yĩne pè ne me tɛ yĩngbúle n yo, sɔnko yílónó káh pɔ à yĩni tɛ, à kɔ̄ à pɔ tɛ sɛtɛn yɔtɛ vyóy sɔkɔ.

Yesu yɔ sɛpú tĩnkĩ yah tɛpú yòhnìnmpule

⁸ Sɛ ó ye, Yesu yɔ sɛpú tĩnkĩ yah tɛpú yòhnìnmpu tɔ yĩne pè pɪ néglóle ànê wékínyipule. Pè náh yĩne pè pɪ sèwɔbule ànê kwáh yáhnkɔpule yĩnvĩ sɔkɔ. ⁹ Gbɪ nê-á pè we pĩ Liyel yɔ sɛnó gbò yɔ, pè yĩne pè kè tɛ n sah pé sɔnɔ sɔkɔ palle. ¹⁰ Ké gbenne, pè yĩne mónyahɔle. Pílkí-ńsah-à wé-ńkɛne pé tyí, pè kɪ pyè fɛ wilki sah Yesu yɔ sɛpú tĩnkĩ yah tɛpú yòhnìnmpule. ¹¹ Syó nónó tɔ-á Yesu yɔ sɛpú tĩnkĩ yah tɛpú yòhnìnmpule, pé yĩne pè pɪ névyele nónó-á yòyén me n sah pé yɔ. Pè náh yĩne pè pɪ névye tyí yónkɔpule. Pè yĩne pè pɪ gblɔy tɛnpnɛpule, pè mó ne n me tómm tyi tyi pól sɔkɔ. ¹² Yesu yɔ sɛpú tĩnkĩ yah tɛpú yòhnìnmpo-ò yĩne à ne n me sè núkú nɛtɛne, à mó ne me tɛ we n wɛnpĩ ànê n kéte yah tɛnó tyí. ¹³ Nónó-à pé tɔle n pɪ palle, pè kɪ yĩn-ńsah ngbɛ we ké sɔkɔ, té gbò sàh-ńsah tɔ kɪ we pé tyí pé wró kwrónmɔnɔ gbò yɔ Yesu Kristale.

Sètìn sò tir ngbɛne

¹⁴ Mé ye sɛbéy mène n tɛkɪ n mɔ á tyí, nte n sɔnɔ sɔkɔ mé kɪ pɔ n yah n pi á tyí dɔ kwéy. ¹⁵ Nte máh kɪ se mo pónyah-ńsah á tyí, tyi nónó-á mé wárkɪ tɛkɪ mɔ á tyí, sépi kɪ n yohnɪ n mɔ á kɪ á gblɔy tɛ òkù pĩ min nɛtɛ Liyel no wró sɔkɔ, pépi nónó-á Yesu yɔ sɛpú tĩnkile, nónó-á gbɪ tɛnsàhpule dàhpɛ sɔ.

¹⁶ Liyel-á nê yo á tyí Yesu Krista tyí sɔkɔ, tyi ngbɛ ye kéle.

Liyel n gblɔy pɪ névile à pɔ sɛtáh yɔ, nê-á Kristale.

Liyel Mirki kè wɛkɪ ne négbí-á ñne,

yĩnyò tɔnpɪbɪ à we,

ñ tyí yo névye tyí nónó náh pɪ Nsyifunɔle,

névye náhnáh sɛ ñ yɔ kèkɔyó,

té yĩnyò sɔkɔ, Liyel me gbílkínó sah ñ yɔ.

4

Kwónó kɛtúkúni pípúle

¹ Liyel Mirki kè yo dal mɔ pnéyy ne kèkɔyó-à pópó n tyɛ, névye tókú-á kɪ Krista yɔ sɛnó yahle, té kɪ sɛ mìnnyobe welo yɔ, ànê kwónó nónó-á n wil sɛtɛn tyí. ² Névyé nónó-á yĩnvĩnpɪbɪle ànê mìnnyobele, pépi nónó-á pè náh sennɛ n pne pólle, pè kɪ pé gblɔy sah pépi kɔ̄ pè kɪ vi tɛ. ³ Pépi ye n kwɔ névyele ne pe dékè náh me sè tókì náh me, ànê yɔ yɔ yĩ yísyó-á me sè náh yĩne yónóle. Té Liyel mó tɔ kɛne yɔ yɔ yĩ mɔ ne péwɔ yɔ sɛpú nónó-á gbɪle n pne, pè séle n yɔ pè mó pèpɔrɪ pínó weyne péle n kɔ̄. ⁴ Liyel-á yĩ nónó pól mɔ, sè ple. Milki milki kwáh náh me sé sɔkɔ, áyâh me sè fɛ syi té me pèpɔrɪ pínó weyne ñne n kɔ̄. ⁵ Yé náh we di, Liyel wey ànê níri ye n pɪ yiyĩnĩ pólle yályál Liyel yah sɔkɔ.

Yesu Krista tɔnpɪ pèpɛyne

⁶ Wáh kɪ tyi nópilɛ á yúnpyéle n kwɔ, á kɪ pɪ Yesu Krista tɔnpɪ pèpɛyne. Á kɪ kè wɛkɪ képah sɔkɔ ne páh Liyel yɔ sɛnó welo ànê kwónó kègbɪ nɛne ñ kwɔ sɔkɔ, sáh de yíí á sɔkɔ. ⁷ Á náh vi sèmirn wàn ànê wɛnwàn kɔ̄, sépi nónó náh tir yóle n pekɪ Krista yɔ sɛnó sɔkɔ. Gbah n tɛ ñ ne n me Liyel yah tíkile n pɪ. ⁸ Wil gbɛnsɛ dàrnɔnɔle

tòle, yõre me ké tyí. Nte Liyel yah tíkí pínó yõre wɔ kal tyi tyi pól sɔkɔ. Yé náh we di, képah gbò yõ sɔkɔ ye á kɪ min we kwey gbĩ mè sɔkɔ, ànê ñsô tɔle. ⁹ Wey mène gbɪ wey ye kéle, nê-á no pól yĩne pè kè fě n syi. ¹⁰ Yé náh we di, ápi-à me tòle n pi yèvyährile, té me gbah tẽ sě, képah n wěkɪ ne á gbò sàhnó-á me min nétě Liyel yõ, nê-á no pól pwáhnmo-òle. Té wáh kɪ nónó pwah n mo n pi kal, pépi yé pi Krista yõ sěpúle. ¹¹ Képah ye á yĩne n gbah n yo névyé tyí nte pè kwɔ kéle.

¹² Nnî yó ntě náh yĩne à ále n yilo wáh sɔnpíle pi wěnpirle. Ye Yesu yõ sěpú tẽ we ále n yah n pi á vyáh wey sɔkɔ, ànê á pi òkù sɔkɔ, ànê tyínɔnɔ nê-á me á sɔkɔ, ànê á Liyel yõ sě́nó sɔkɔ, ànê á pínó sɔkɔ yályál Liyel yah. ¹³ Máh kɪ pópó n pi, gbah n tẽ Liyel weyne n kar tówù sɔkɔ, n̄ té névyele n vi mo, n̄ té kwónóle n pi. ¹⁴ Liyel tǎhkì nê-á me á tyí, káh kè tẽ gbònwòkòle dé; képah nê-á á we Liyel tǎntò syínyopu welo gbò yõ, ànê Yesu yõ sěpú yah tǎpú-á pé gbàn sah á yõ à níri pi á tyí gbí nêne. ¹⁵ Liyel tǎhkì mè tẽ gbě́nínine, gbah n tẽ ké sɔkɔ. Képah sɔkɔ, no pól kɪ kè we ne wáh me n yuku yahle. ¹⁶ Á gblɔy tǎnó ple, wáh kwónó nêne n kɔ n̄ té ké tɔ tǎnó ple. Gbah n tẽ ne n yuku yahle ké sɔkɔ. Wáh n pi sě, képah sɔkɔ ye á kɪ á gblɔy pwah mo, té kɪ á wey nóhpu tɔ pwah mo.

5

Timote-á yĩne à Yesu yõ sěpú tẽ òkù nêne

¹ Wáh yèwáhle n vi mo, káh ne n wěkɪ n̄ tyí díri sɔkɔ, ne n wěkɪ n̄ tyí á sú sɔ ñne. Kětǎpíle n vi mo á yǎnpyé sɔ péle. ² Syóðile n vi mo á yúbí sɔ péle, n̄ té syónpíle n vi mo ké yah pèpey yõ á dósyó sɔ péle. ³ Pékúsyɔ nónó-á yòhnɪnmɔpu náh me pé tyí, pé tǎnó ple. ⁴ Nte pékúsyɔ nónó tyí wěnpì-à me, képah náh pi pétóbéle, kéne wěnpì ye yĩne pè pé Liyel yah tíkí pínó wěkɪ à yuku pé gbò tǎn fɪ́nne. Pǎh yĩne pè nê pi pé dúbípú tyí, pè képahle n pi pé tyí. Yé náh we di, képah tyí ye nɔ Liyel tyí. ⁵ Nte sê nê-à me pékúsèle kègbɪ yõ sɔkɔ, nê-á névi náh me n̄ tyí kɪ à yohnɪ mo, ñmo ye ñkěne n̄ gbò sah n yíí Liyel yõ sɔkɔ. Á Liyelle n ye n gbo níri sɔkɔ lékáh ké gbǐntò. ⁶ Nte pékúsè nê tẽ wɔ-à me wil gbě́nsé dékè tyi óle n sò, ñmo me kúnóle té à sah vile. ⁷ Wáh yĩne n̄ nê tɔ yo pé tyí sɔnko lékáh káh pɔ we pé tyí, kè we yò. ⁸ Névi nê-à n yáhdahnmo-ñkěne n̄ tyí névyé tyí sɔkɔ, ànê n̄ kéte névyé tẽ tyí sɔkɔ, tẽ Krista yõ sě́nó wěkì milki. Krista yõ sě-ñkě névi ntě fónfó ñmo yõ. ⁹ Pékúsè nê yĩn-à pópó n wǎrkɪ, à ñne n mo n kɔ pékúsyɔ wró à yĩne à ne n me ye tikitóní tẽ wɔ we, à mó ne me de yah pe núkú ó tyí. ¹⁰ N̄ tyí yĩne kè ne me pínóle n̄ tyípéplɔ pínó tyí sɔkɔ. A ne n me n̄ wěnpì tǎnó ple, à ne n me ye népán ne n twah n tyí, à ne n me Yesu yõ sěpú gbyě́hne n wu, à ne n me névyé nnɔle n de nónó-á me yèkwɔri sɔkɔ, à mó ne n me tyípéplɔ duke pólle n pi. ¹¹ Nte syópám nónó tẽ wɔ-á pékúsyɔle, káh pépi yni wǎrkɪ pékúsyɔ sɔkɔ. Á náh we di, lédórí-à pɔ pé wró gbe mo Kristale, pè n ne n me ké tyí ne pé pé syi de pɛbɪ tyí. ¹² Káh pi sě, lékáh n we pé tyí, pǎh sɔnpíle pé vyáhle Krista kɔ té pɔ pé syi n̄ náh. ¹³ Pǎh se tɔ pi tò kě névyele sě, pè n wũ n tẽ gbéngbèn kɔnkɔnɔ ó sɔkɔ. Pépi ye tò náh me pé tyí yò, té pè n tɔ n pi wènkwínki wékípúle vyáhle dálnóle, n̄ ne n wěkɪ n min n dah n mo sě. ¹⁴ Képah ye, mé me ké tyí ne pékúsyɔ nónó-á me syópámne, pè de pɛbɪ tyí. Pè fě wěnpì we, pè mó ne n yah n dah mo pé gbèn tyí sɔkɔ. Sɔnko pè káh pɔ wěkì yɪkɪ mo á sɛpé́bí kɔ pè á yǎnpole n yo. ¹⁵ Yé náh we di, pékúsyɔ túkù ye me wěkì milki te, té me sétàn yòtě sò tẽ. ¹⁶ Nte pékúsyɔ-à me Yesu yõ sě-ò sê nê wòkò tǎn sɔkɔ, tẽ yĩne à ne n yah n dah mo pé tyí sɔkɔ, sɔnko képah

káh pɪ Yesu yõ sěpú tĩnkĩ yótókóbíle. Képah sɔkɔ, Yesu yõ sěpú tĩnkĩ tɔ kɪ mó n yah n dah mɔ pékúsyɔ tyí sɔkɔ nónó-á nékán tãñne.

Yesu yõ sěpú tĩnkĩ yah těpúle

¹⁷ Yah těpú nónó-à me Yesu yõ sěpú tĩnkĩ yahle n tě palle, yõyén yĩne kè ne n sah n yĩ pé yõ. Ké dú dɔkɔ pé nónó-á Liyel wey yónó ànê névyé kwónó tò me dahbɪ pé gbò. ¹⁸ Yé náh we di, kè me wárkínsàhnóle Liyel wey sébéy sɔkɔ ne, nyeh-à me swáh tónó sɔkɔ á tyí gbí nêne, á káh sé vyěy pukubi ne sè káh á sèmukɔle n yõ. Té tõ me wárkínóle ne, tònpi-á yĩne n tò pínó sār wénóle. ¹⁹ Káh n fě n syi lékàhle n syi yah tě-òle n kō ne kéné tir náh wil tārɸyò népĩ ními képah náh pɪ tōmí vyěy sɔkɔ. ²⁰ Névi nê-à tyítúkù pɪ, kè yo gbáb tówù pól yí yah sɔkɔ, sōnko kè tiki mɔ téló sɔkɔ. ²¹ Mé kéle n gbah n yo á tyí Liyel yah, ànê Yesu Krista yah, ànê yĩnyõ tònpiɪ wĩlkinsàhnó yah sɔkɔ ne, á tyi nópi pólle n pɪ tómm, á káh wáhkìle n pɪ. ²² Káh ne n sal á gbòle n sah névi yõ n níriile n pɪ tě tyí, ànê káh á vyáhle n dah n mɔ á ní-òle n tyípél pínó sɔkɔ. Ne n me yályál Liyel yah sɔkɔ. ²³ Wáh me n yo gbáhyí náhnáhle sě, káh ni ó kókóle n wɔ, ðivě tɔle n wɔ kwéykwey á fokɔ markɪ yĩñne. ²⁴ Névyé túkù tyípél me sè n wilki n mɔ kwèyy pé tükè-ñkē sɔkɔ. Nte túkù tyí me, náh ó sè n pɔ n pĩ. ²⁵ Sě ye tyípeplo tɔle, sépi tɔ n we kwèyy yĩne, ànê nónó n̄tē fyé-á sè náh me n yah, sè náh n wũ n pi wĩlkinmɔ-ñkēne.

6

Yõbɪ ànê pé yõtãmne

¹ Nónó pól-á me yõrɪle n pɪ, pé yĩne pé pé yõtãmne n mɔ n kō ne pãh yĩne yõyén sàhnóle pé yõ, sōnko áyáh kwónó nêne n kō, n̄n̄i yó n̄tē káh pɔ képah ànê Liyel tyíle n yo n ko. ² Nónó yõtãm-à me Yesu yõ sěpúle, pé náh yĩne pé yo ne pé yúnpyé-á péle, pé mó yahle yõyén sàhnóle pé yõ sɔkɔ dé. Pépi nónó-á pé yúnpyé pèplɔle, pépi-á sōnpíle n we pé tò pínó yõrele, pé ye pyé yĩne pé tòle n pɪ n yĩ pépi tyí n̄kē.

Mìnì kwónó ànê tahrɪ tyínɔnɔle

Yah, kéné tyi ye á yĩne n nole n kwɔ, n té sè kō n sah pé kō. ³ Nn̄i yó-à pɔ nole n kwɔ tyíkáhkíle, té kè náh me núkúle gbɪ weyne nê-á wil ápi Tě n̄gbē Yesu Krista tyí, ànê kwónó nê-á á we Liyel yah tiki pínó tyí yõ, ⁴ képah n wēkɪ ne gblɔy gbílkínó-á tě yí wɔ. Np̄i-ñkē ney ye tēne, nê-á yékâb pínó, ànê wēnkyõ wékínó me n yõgbèkè yɪkɪ sah, sépi nónó-á n pɔ n pɔ mékìle. Sépi ye n pɔ n pɔ yúnwōrí, ànê méwéy, ànê yrówân yónó, ànê gbyɔle. ⁵ Té tõ n pɔ n pɔ yékâb kwĩnkile lékám kē névyé wró, nónó-á pé náh gbɪle n pne pólle. Pépi tãn n ne n sō ne Liyel yah tiki pínóle, kwáh wénó-á me ké sɔkɔ. ⁶ Gbɪ tě wɔ ye, Liyel yah tiki pínóle tahrɪ n̄gbē ye kéle névyé tyí, nónó-á pé wénó pé yĩne n yuku. ⁷ Yé náh we di, ápi náh pɔ kwáh yó n̄tēne kèkōyó mē sɔkɔ, á náh mó á syi n sɔkɔ n pi kwáh yó n̄tēne. ⁸ Nte yòke ànê flo tě-à fyò me á tyí, sè yĩne sè á yí yuku. ⁹ Nte nónó-à me ké tyí ne pé pɪ tahbɪle, pépi ye n de mónyahno sɔkɔ. Tyíwân ànê yõ kē tyi sōnɔ n pɔ pé mɔ n tē, sépi nónó-á névyele n mɔ tyí yíkínó ànê mónpuno wēkì yõ. ¹⁰ Yé náh we di, tyípél duke pól tyàh-ñsah n wil pɔ tyínɔnɔ sɔkɔ. Pó yáhnkōnɔ kèpèkè tě tyí, túkù Liyel yõ sěno yal mɔ, té kwónó náhnáh yɔrɪ mɔ pé gblɔy yõ.

Pole-á v̄inmɔnɔ nêne Timote kō n̄ gblɔy tē ðúkù tyí sɔkɔ

¹¹ Nte áwɔ tẽ wɔ-á Liyel tyí névile, ne n to kéne tyi yah sɔkɔ. Ne n yah n kɔ ne á pi négbile Liyel yah, á ne n me Liyel yah tíkile n pi, á ne n me sɛ́nóle Liyel yõ, tyínɔɔ ne n me á sɔkɔ, á ne n me sónmóle n pi, á mó ne n me á gblɔ́yne n tiki n mɔ. ¹² Mékì pèpɛy fwo à yuku Liyel yõ sɛ́nó tyí tĩnne. A pwáhnmɔɔ tẽ n yĩn pálle, képah nê yĩn-á Liyel ye ále, té á me fẽ syi névye náhnáh yí yah ne wáh pi Yesu yõ sɛ́-òle. ¹³ Liyel nê-á minne yíyĩn pólle n kɔ, ànê Yesu Krista nê-á yĩn Põse Pilatı yah sɔkɔ à Liyel yõ sɛ́nó welɔ tɔ sah wɛkɪ, pépi yí yah sɔkɔ ye mé kéle n yo á tyí ne, ¹⁴ tyi nónó-á kɔ sah n kɔ, á sé wàlle n kɔ. A ne n me pílkí-ńsah kéne ànê wényo-ńsah kéne á tyí fɔ́ kɪ pɔ nɔ ápi Tẽ ñgbẽ Yesu Krista syínɔɔ tyí. ¹⁵ Liyel núkúní nê-á tyi pól tyí tɛ́npnè-òle, pèpɔrɪ-á n wil ñmɔ nê tyí, ñmɔ nê-á yòtãmnó Yòtẽne, ànê tãmnɔ TÈ NGBÈNE ñmɔ ye kɪ Krista kɔ à kɪ n syi pɔ à yĩne ké gbí yáhnɔkɔnsàhnóle. ¹⁶ Nmɔ ó ye à náh ku n yah n pi. A me déntɛ́nóle kyòò yó sɔkɔ nê-á ney náh fẽ n nɔ n de n pi kéle. Ney yí náh tẽ yah ké yõ, ànê ney yí náh n tẽ n yah n pi n yõ sɔkɔ. Gbilínno ànê tãhkì ne n sah n mɔ yõ gbímegbí. Amiina!

Vɪnmɔɔ nê-á yĩne tahbı kɔ́nóle

¹⁷ Kè yo kèkɔ́yó mè tahbı tyí ne pè káh pé gblɔ́yne n gbilki, pè káh pé gbò sah tahrı yõ nê-á kɪ n tye n pi. Nte pè pé gbò sah Liyel yõ, ñmɔ nê-á yíyĩn pólle ápile n kɔ náhnáh nê-á kɪ á kɔ á kɪ me ñv̀v̀ǹǹ sɔkɔ. ¹⁸ Yo pé tyí ne pè tyípéplɔle n pi, pè ye pé tahrı pi tyípéplɔ pínóle. Pè pi fòkòpènrı névyele nónó-á kɪ fẽ syi n yĩ n kɔ. ¹⁹ Képah sɔkɔ, pè kɪ tahrı pèpɛy yah sah pé gblɔ́y tyí ńsò yĩnne nê-á kè náh n ykɪ. Sɔ́nko pè pɔ min kègbı wɛ.

Vɪnmɔɔ téyne

²⁰ N dí Timote, tyi nónó-á áwɔ gbò dahbı, sé tɛ́nó ple. Káh ne n de yékâb wãn pínó sɔkɔ nónó náh me n yuku Liyel yõ sɛ́nó wɛkì yõ, ànê káh névye welɔ níne n tẽ nónó-á pé gblɔ́y pi tyi kàhnɔpɛpule. ²¹ Névyé túkù ye pé gblɔ́y pi kéne yípi mè dùkù névyele, té Liyel yõ sɛ́nó wɛkì milki.

Mé kéle n yah n kɔ ne, Liyel n pèpɔrɪ pi yé tyí.

kyi négló kwɔ kéle, nónó to-á kɪ tɔ̃ fɛ́ túkù kwɔ kéle. ³ Kwónó nê-á yĩne ále, kè fɛ́ n syi Yesu Krista sràsyi yèsyìkì tyí kòle. ⁴ Névi-à fyò de sràsyiyá sòkò té me ké tyí ne pé pé yòtɛ̀ nìvìnìne n pɪ, à ñ vyāh de kékōyō tyi téló sòkò. ⁵ Wɛ́ kálnó tóló tó-ò to nāh tǔrì yókúrìle n we n pne né à nāh to ké wɛ̀kì yō. ⁶ Sètō nê-á tɔ̃ swāhle à kwɔ, ñmò ñgbò ye yĩne ké sèmuکو wénóle ⁷ Sō n yah ní welo yō, Tɛ́ ñgbɛ́ kɪ sé pól syíkí-ńsahle ñ wɛ̀kì.

⁸ Káh á dyo fwɔ Yesu Krista tyíle,
 ñmò nê lékó-á yiki mɔ.
 Davidi nāh ney ye ñne.

Sɛ́ ye kéle yónóle Nìvìnì tir sòkò, kèpah nê-á mé me n yo n kō. ⁹ Kéne Nìvìnì tir yĩn ye kwónóle ní yō sòkò, ànê kārñne mónóle ní tyí á kɪ ne pèkè pí-ò sǔ rñe. Nte kārñ nāh se yó me mɔ Liyel wey tɛ́ wɔ tyí té. ¹⁰ Kèpah ye, mé me tyi pólle n sro névyè yĩnne Liyel-á nónó yah tɔkò, sǔnko pé to pwáhnmonɔ we Yesu Krista gbò yō, pé mó gbílkinó we nê-á kè nāh n tyɛ. ¹¹ Gbɪ wey yó we yò:

Áyáh kɪ me ku Yesu Kristale wɛ́ tyí, á kɪ me min to sòkò ñne wɛ́ tyí. ¹² Áyáh kɪ á tah sah wɛ́ tyí ñne,
 á kɪ tǔrì pɪ ñne wɛ́ tyí.
 Áyáh kɪ à yahle,
 ñ to kɪ á yahle.

¹³ Áyáh kɪ sǔ pí-ńkɛ́ne néglóle,
 ñmò tɛ́ wɔ kɪ tɛ́ négbúle,
 à nāh fɛ́ ñ syi n kur n pi.

Kwónó kètúkù fwónóle

¹⁴ Névyè dyo to n kō n mɔ kéne tyile, ñ té ké gbáhdýāh di pé tyí Liyel yah sòkò ne, pé káh yékāb wāñne n pɪ. Sè nāh tir yóle n pekɪ. Nónó-á me séle n nohnɪ, sè n pyè pépi mɔ n pu. ¹⁵ Á tah n sah Liyel yí kō kè yuku ále. Pɪ tǔnpɪle, nê-á gbɪ welole n yo ké yah yō, té sen nāh n pɪ ñ tyí à yuku ñ tō tyí tĩnne. ¹⁶ káh yáhwāñne n yāh nónó-á sè nāh me yuku Liyel yō sɛ́nó tyí tĩnne. Nónó-à kéle n pɪ, pé wró n ne n gbah n gbe Liyelle. ¹⁷ Pé yáhwāñ yíkínóle n pɪ á kɪ ne nówũ-á ńkɛ́ne wille n yō sǔ. Yimene ànê Filetɪ to me kéne sɛ́nkno névyè sòkò. ¹⁸ Pépi gbɪ wɛ̀kì fɪn mɔ té me n yo n ne lékyî-á yilki mɔ sòkò tɛ. Sɛ́ ye pé pɪ té névyè nāhnāh Liyel yō sɛ́nó yiki.

¹⁹ Nte sépino pól sòkò, Liyel-á sètyah nê wilki, kèpah tɛ́ wɔ me. Welo nónó-á me wārkinóle ké tyí yō, sè we yò:
 «Nónó-á me Tɛ́ ñgbɛ́ tyí yō, à péle n pne.»

Ànê tɔ̃: «Nónó pól-á Tɛ́ ñgbɛ́ne n ye n gbo, pé yĩne pé tyítúkùnì we n ye.»

²⁰ Wòkò ñgbɛ́ sòkò, sǎn vyó ànê wárn vyó ó kókó nāh me dé; sésár tyínɔ me, puri tyínɔ to me. Túkù me yí tǎhnì mɔ yĩnne, túkù mó me ńyǎn yí mɔ yĩnne.

²¹ Tyi nónó tyí-á mé yo, Névi nê-à sè we ye té pɪ yályál Liyel yah, tɛ́ kɪ me wílkinsáhnóle tyítǎhnì pɪ yĩnne. Ñ yétō kɪ me yòtɛ́ dí tyí tyípéplɔ pɪ yĩnne. ²² Kètɛ́npikìnì dékè tyi we n ye. Tyi nónó-á á yĩne n yah n kō, sè we yò: Gbɪ wɛ̀kì kólóle, Liyel yō sɛ́nó, tyínɔnɔle, ànê yèvinne. Yé sépi pólle n pɪ ànê névyèle nónó-á me Tɛ́ ñgbɛ́ne n ye n gbo fòko pépérle. ²³ Yékāb wān pínó we n ye. Á pɪ ne sépi-á n pɔ n pɔ mǎlle dò. ²⁴ Ngbò Tɛ́ ñgbɛ́ tǔnpɪ nāh yĩne mékì pínóle dé. À pyè yĩne à ne n me népír névile no pól tyí, à mó ne n me névyè kwónó yah we, té pāh ñ tyíle n yo, à tɛ́ we kè sómnó. ²⁵ Á yĩne à ñ wey kǔlɪpɪle n tɛ́ mármár à vɪnmɔnɔle péle n kō. Nê pɪ, ténkàh Liyel kɪ ye pé kō pé kɪ pé sǔnɔ we vi mɔ kɪ gbɪ we pɪ té. ²⁶ Kèpah-à pɪ, pé

yah ki pi kyòo pè ki we de sétàn yõtë vyóy sòkò, nê sòkò-á sò à pè mò tẽ sah pè kò pè n dyò yĩne n pi.

3

Kèkõyõ tyénó tyile

¹ Timote, á yĩne n kè pĩ ne kèkõyõ tye gbĩne, tyah táhnónò-á ki n we. ² Névyè ki pi gblõy yõ yíkípule, pò kódíbule, wèngbìl wékípule, gblõy gbìlkípule, Liyel tyí yóndepule, dúbípú tyí yáhlepule, pèpòrì pĩ-ńkê névyè, Liyel tyi mónkò-ńkêpule, ³ kùkùtǎhkì névyè, népíkòbule, névyè yĩn yíkípule, gblõy tẽ-ńkê névyè, nékókè mópule, pèpey fwópule, ⁴ wẽ náh vípule, fòkònyǎhni névyè, gblõy yõnsàhpule. Pé dyò yĩ tyi tyí ki nò kal pé tyí Liyelle. ⁵ Pè ki pi yĩ yah Liyel yah tíkí pípule, nte kègbi yò, pè náh Liyel yah tíkí pínó tǎhkì fẽ n syi n pi. Káh ne n pi n soh sènkno névyè. ⁶ Pé tókù n ne n de n kò gbèn sòkò n syó tókùle n vi n tẽ, nónó lékám-á tuke. Kéne syó me tyípèl ó pé tóó. Tyi duke pól dékè n ne n me pé sòkò. ⁷ Pè me sǎhnó sòkò kúmm, nte pè náh me fẽ gbule n pne pólle. ⁸ Nsyānesi ànê Nsyābresì-á Moyisi kòlì sò, sè ye pépi tò me n kòlì gbule. Pé sòno náh me palle. Liyel yò sèno náh yuku yahle. ⁹ Nte pè náh n yuku n pi yahle. Yé náh we di, no pól ki pé nêwòré we kwèyy sò-á Nsyānesi ànê Nsyābresì tyí pi.

¹⁰ Nte áwò Timote tẽ wò ye ímò sèfiki mò tyi tyi pól sòkò: Máh kwónó nê pi á kè fẽ syi, té me ní pi dùkùle n yah n pi. Á ní sònòle n pne, ànê ní Liyel yò sèno dùkùle, ànê ní tyi srónó dùkùle, ànê tyínòno nê-á me ní sòkò, à tahlì máh me gbah tẽ dùkù nêne. ¹¹ Pǎh ní fòh dùkù nêne á kéle n pne, à tahlì máh yèvyǎhrì nónó pi Antyòsyi, ànê Yikonyumi, ànê Lisitir sòkò. Fòhnó nê dùkù tẽ me mé náh kè we yah? Nte Tẽ ñgbè ní pwah mò sépi pól sòkò. ¹² Gbì yò, nónó pól-á sè Yesu yò, té me ké tyí ne pé pé minne n pi Liyel yah tíkí pínó sòkò, pé ki fòhnó we. ¹³ Nte nèpèl ànê névyè pílkípú tẽ wò ki yò sòkò pèkè pínóle ki névyè tókù pilki, té ki pé gblõy nte tò pilki. ¹⁴ Nte áwò tẽ wò-á kwónó nê we té kè fẽ syi ne gbì-á kéle, kè tẽ yĩn palle. Wáh kwónó mè we nê tyí, á ñne n pne ó. ¹⁵ Á wènpir gbí dùkùle á Liyel weyne n pne. Kè ki fẽ á lékám ykì mò n kò á ki pwáhnòno we Yesu Krista yò sèno gbò yò. ¹⁶ Liyel wey pól wǎrkì Liyel tǎhkì gbò yò. Kè wǎrkì névyè kwò yĩnne, ànê mìnì gbel kye yĩnne, ànê pílkì-ńtǎn tò yĩnne, ànê névi mò yĩnne gbì wèkì kóló sòkò, ¹⁷ sònkò, Liyel tyí névi pi négbìle tǎn pèplo pól fẽ n pi yĩnne.

4

¹ Yesu Krista nê-á ki pò vye ànê kyí tuke n pi, mé kéle n gbah n yah n kò á tyí Liyel ànê ñmò yĩ yah, à tahlì n syínòno ànê n tórí yĩn yò ne, ² á Liyel weyne ne n yo. Káh sò yèvyǎhrì gbí sòkò ò; káh sò yèvini gbí sòkò ò; kéle ne n gbah n yo. Névi nê-á pu pi, weki tẽ yò, vinnònole tẽ kò, tẽ tókò yárr n kwónóle à kò. ³ Gbì yó me n pi, tókù náh tó kwónó yèsyìkì fẽ n syi n pi. Tyi nónó dékè-á n ko péle, pè ki kwópú kwĩnki yísyó yah nónó-á ki pò sépi tyíle n we n yo pé tyí nónó nóhnó-á me nò. ⁴ Pè ki pé ní tah tũ yahle gbì nóhnóle, té ki sèmirn wòle n nohni. ⁵ Nte áwò tẽ wò á gblõy tẽ palle tyi tyi pól sòkò. Kwónó sro, n té á gblõy kò yĩ Nìvìni tir yónó sòkò. Pi Liyel tònpi pèpeyne.

⁶ Nmò tẽ wò pi gbí nò te sárkále. Kèkõyõ fin mò gbí nò ní tyí. ⁷ Mé mékì pèpey fwo à yuku Liyel yò sèno tyí tĩnne. Tóló nê sòkò-á sò ñne, kè tye. Mé náh Liyel yò sèno yal mò. ⁸ Nte nùkúnúkú, tènwenò yòre wénó ye mé me sykì tẽ, nê-á négbìlò yòtòrí yòkùríle. Tẽ ñgbè nê-á tukey tükè-ò pèpeyne, ñmò ye ki ní kò n pi kéle. Té à náh n

yīn n pi rímo ó tyí dé, nónó to-á me n pónó sykɪ tē nìvìnì sòkò, à kɪ pépi to pól kǒ kéle.

Pole me vìnmonò téyne Timotele n kǒ

⁹ Gbah n tē n pò ní tìnne súú. ¹⁰ Yé náh we di, kwey gbí tyi me yah syi Demasi tyí à kǒ à me n náh vi ní kǒ. À me sòkò Tesaloniki kwil sòkò. Kresā mó sòkò Kalasi mara sòkò, té Tite wò me sòkò Dalmati mara sòkò. ¹¹ Likyi ó ye me ní tnô. Marki tē yè pò wē tyí ònne. N yétô me gblò ní tyí tǒ mè sòkò. ¹² Mé Tisyiki tekɪ mò Yefesi kwil sòkò. ¹³ Wáh kɪ n pi, ní fwòmò-̀ngbē tǒkò n pò ní kǒ nê-á mé sah Karpusi tyí Turasi kwil sòkò. N sébéynó tǒ tǒkò n pò n kǒ, n tē n pò sé sèl tyínò tǒle, sépi nónó tyí-á tah kal ní tyí.

¹⁴ Kètǒndí Alekisādre népékè kah pɪ ònne. Tē òngbē kɪ à dyah n pi n tyírínè. ¹⁵ À ápi welò kǒlɪ kah mò. Képah ye, á tǒ á gblǒyne n tē ònne.

¹⁶ Páh ní tuke sò nēne gbenne, no pól pé náh vi ní kǒ. Nnî yó ntē náh yo tē mò ònne. Mé kéle n yah n kǒ Liyel tyí ne à káh kè pɪ tirlé pé tyí. ¹⁷ Nte Tē òngbē wò so mò ní tyí. À tǎhkìle n kǒ mé fē n wey yo yī, té nónó náh pɪ Nsyifunòle, pé pól kè we noh. À ní pwah mò kyěkingbēkɪ tyí. ¹⁸ Tē òngbē kɪ tǒ ní yǒ wilki n pi pèl duke duke pól sòkò. Té kɪ ní pwah mò ní kǒ mé kɪ we de n tǒrí sòkò. Gbílkinó ne n sah òmò yǒ gbímegbí. Amiina!

Wey tyé-̀nsahlé

¹⁹ Wèkɪ Prisili ànê Akilasi tyí ní kǒ, ànê Wonesifòrɪ nolé. ²⁰ Yerasitɪ wū Korēnti kwil sòkò. Mé Torofimi wò sah Miletɪ kwil sòkò. À sǒ me n yo képah ye.

²¹ Gbah n tē n pò kwòvurɪ gbí nó-̀nkē sòkò. Yebulusi, ànê Pudēsɪ, ànê Linusi, ànê Klodya, ànê á yūnpyé tǐlò pól n wèkɪ á tyí.

²² Mé kéle n yah n kǒ Tē òngbē tyí ne à ne n me áwòle, à mó yǒbènòrɪle ne n pɪ yé pól tyí.

Pole sébéy tékínmonole Titi tyí

Wey kǎnóle

¹ Nmo Pole nê-á Liyel tǎnpi ànê Yesu Krista tǎntǎ névile, Liyel ní tǎ ne mé péwo névye yáhntǎkǎno yohni mo pé kǎ pé sǎ Yesu yǎ. A ní yah tǎkǎ ne mé gbi wǎkile pé wǎki pé kǎ pé pé minne n pi Liyel yǎ sǎnó wǎkì yǎ, ² pé gbǒ sǎhnyǎno mó ne me tyé-ńkǎ min wénó tyí yǎ. Liyel nê-á à náh mìnine n yo, nmo ñ vyǎhle pé kǎ kéne tyé-ńkǎ min tyí sǎko kǎkǎyǎ mó-ńkǎ gbí òkùle. ³ Té wǎh ñ vyǎh kǎ nê tyí sǎko, ké wǎki gbí-á po no, à kè wǎki ñ wey gbǒ yǎ, té ní kǎ mé kéle n yo, nmo nê-á á pwáhnmo-òle.

⁴ Titi, áwo nê-á nmo pídí kǎgbile ápi Liyel yǎ sǎnó sǎko, áwo tyí ye mé n tekì n mo sébéy mǎne. Mé kéle n yah n kǎ ápi Sú Liyel ànê ápi pwáhnmo-ò Yesu Krista tyí ne, pé yǎbǎnǎri ànê yǎvǎnne ñ kǎ.

Tǎ nê-á dahbi Titi gbǒ

⁵ Mé ye ñ sah Kreti mara sǎko ne, tyi téló nónó-á wǎ á sè pi n dal n mo, á mó yah tǎpú yǎsyó yah n sah n sah n kǎ kwlo kwlo pól Yesu yǎ sǎpú tǎnkǎnó yǎ sǎko à yǎne máh sǎ kè yo sǎ á tyí.

⁶ Kéne yah tǎpú pól yǎne pé ne n me wényo-ńsah kǎne pé tyí, ànê pé ne n me sé núkú núkú nátámne. Pé wǎnpi mó ne n me Yesu yǎ sǎpúle, pé káh pí-ńkǎ tyile n pi, pé káh pi nǎhni-ńkǎpúle. ⁷ Yé náh we di, Yesu yǎ sǎpú tǎnkǎ kyòmì-ò yǎne à ne me wényo-ńsah kǎne ñ tyí, wǎh sǎnpile pi Yesu yǎ sǎpú tǎnkǎ tǎhri kyòmì-òle. A náh yǎne à pi wǎngbil wǎkì-òle, ànê fǎkǎnvyǎhni névile, ànê sǎwǎle, ànê mǎl kǎlì-òle. Tǎ káh ne yah n kǎ pí-ńsahle kwǎh nǎtǎne yǎnvi sǎko. ⁸ A yǎne à nǎpǎnne n tǎ ple, pépey píno tyí mó no ñ tyí. A yǎne à pi yǎ pí-òle, ànê négbile, à mó ne me yǎlyál Liyel yah, ànê gblǎy tǎnpi-òle. ⁹ Wele nónó-á yǎne sǎnóle sé yǎ, à yǎne à sè koh n tǎ n yǎn à yǎne kwónó nê-á à we. Kǎpah sǎko, à ki tǎ we Liyel weyne névyele n vi n mo, té ki wényo-ńsah tyé ñ kǎlpu tyí.

Liyel yǎn yǎ mǎnyobele

¹⁰ Yé náh we di, névye náhnáh me pi gblǎy tǎkǎnmo-ńkǎpúle, ànê wǎnfi wǎkípúle, ànê névye pílkípúle. Té pé kan nǎtǎ n we Nsyifunǎ Yesu yǎ sǎpú sǎko. ¹¹ Pé me fǎkǎnóle n dahbi kǎtlo náhnáh sǎko pé kwónó tǎkǎnne kwǎh we yǎnne yǎnvi sǎko. Kǎpah ye, pé vyǎy yǎne tǎnóle. ¹² Pé lékám névi yó lésǎ ne ńkǎ, mǎnyobe, ànê gbǎnképèl, ànê gbǎndal névye, ànê yǎwǎnpi-á Kreti tǎnne. ¹³ Gbi ye à yo. Kǎpah ye, wǎki n yǎ pé yǎ, pé kǎ pé Liyel yǎ sǎnó pépey we. ¹⁴ Pé káh pukubi mo Nsyifunǎ sǎmǎrn ànê névye tyi kǎnsǎhnó náh, nónó-á sè náh me gbi wǎkì yǎ. ¹⁵ Tyi pól me yǎlyál névye tyí, nónó-á me yǎlyál Liyel yah. Nte névye nónó-á me sǎlkǎnóle Liyel yah, té yahle sǎnóle ñ yǎ, tyi pól me sǎlkǎnóle pépi tyí. Yé náh we di, pé sǎno ànê pé lékám náh me palle. ¹⁶ Pé pé gblǎyne n pi Liyel pípúle. Nte pé tyípíni kéle n wǎki ne pé náh ñne pne. Pé pi nǎtǎkǎnǎ ànê níksékókó pípúle, pé náh tǎ fǎ tyípépǎy pi.

2

Kwónó nê-á yǎne Yesu yǎ sǎpú tǎnkǎ kǎnóle

¹ Nte áwɔ tẽ wɔɛ, ápi sɛ́nó-á me nê yõ, kɛ́pahɛ névyɛɛ n kwɔ. ² Yo yèwàhnì tyí ne pè pé gblɔ́yɛ n tẽ n pne, pè ye yòyén ne n sah pé yõ, pè pi yèsrey névyɛɛ, pè ne me sũ yíí Liyel yõ sɛ́nó sɔkɔ, tyínɔnɔ mó ne n me pé sɔkɔ, pè mó ne me sómnó névyɛɛ.

³ Yo syódyí tɔ tyí ne pè ye pé kɔ òkù ne me palle Liyel yah, pè káh névyɛ yinne n yiki, pè káh pi sèwɔbɛɛ, pè névyɛɛ n vi n mɔ palle. ⁴ Syó nónó náh wah mɔ, pãh yĩne pè pépile n yohni n mɔ pé pɛbi ànê pé wɛnpì tyí kɔ kè nɔ pé tyí. ⁵ Pãh yĩne pè pi yèsrey névyɛɛ nónó-á me tómm, té me n yah n dah mɔ pé kɛ́tlo tyí sɔkɔ. Pãh yĩne pè ne n me syógbɔ́ɛ nónó-á me n sah pé pɛbi tyí yõ, sɔ́nko Liyel wey tyí káh yo ko.

⁶ Sóré mɔ kèṭɛnpì tɔ sɔkɔ pè pi yèsrey névyɛɛ ⁷ tyi pól sɔkɔ. Áwɔ tẽ wɔ mó pi òkù pèpɛyɛ péle n wɛ́ki á tyípéplɔ pínó sɔkɔ, ò té á fɔkɔ dal mɔ péle n kwɔ yèsyíkɛɛ. ⁸ Ye á wɛɔ ne n me gblɔ ó sé tɔ́, wényo-ńsah kɛ́nɛ. Kɛ́pah sɔkɔ, á sɛ́pébi náh wényo-ńsah we n pi ápi tyí. Kè ki pi sennɛ pé pól tyí.

⁹ Yo yõbi tyí ne pè ne n sah pé yòtã́m tyí yõ tyi tyi pól sɔkɔ, pè pi négbɔ́ɛ pé tyí, pè káh pé yòtã́mɛ n kɔ́lɔ, ¹⁰ pè káh kwáh yó nítɛ yí n tɔkɔ pé tyí. Pè pé Liyel yõ sɛ́nó pèpɛyɛ n wɛ́ki gbímegbí, sɔ́nko á pwáhnɔ-ò Liyel-á kwónó nêne n kɔ, gbílkínó ne n sah ké yõ.

¹¹ Yé náh we di, Liyel ye ò yòbènrɔ́ wɛ́ki kɛ́pah nê gbò yõ-á névyɛ pól pwáhnɔnɔɛ n we. ¹² Kè áɛ n kwɔ ne á Liyel yah tíkɛɛ n pi, ànê á káh á yĩne n wil kèkòyó yí tyí. Káh pi sɛ́, kwey gbí mè sɔkɔ á ki tẽ we á minne n pi gblɔ́y tɛ́nó sɔkɔ, ànê gbí wɛ́kì yõ, ànê Liyel yah tíkí pínó sɔkɔ. ¹³ Sɛ́ ye á yĩne à nìvìnì wénó mè syiki tẽ, á gbò sàhnó-á me nê yõ, à tahlɔ gbíyíkì tyí, sò ye ápi Tɛ́ òngbɛ́ Liyel nê-á pwáhnɔ-ò Yesu Kristale, ò tɔ́rí ki n wilki n mɔ n pi. ¹⁴ A ò gblɔ́y kɔ́ ápi yinne à á yõ we dwe wilki tyípèl pól sɔkɔ. A me ké tyí ne pé á pi yályál pé yah, á mó ne me pé tyí yõ, á mó gbah tẽ tyípéplɔ pínó sɔkɔ.

¹⁵ Sɛ́ ye á yĩne ò ne n wɛ́ki yòtɔ́rí sɔkɔ, ò sóréɛ n mɔ pé sɔkɔ, ò té ne n wɛ́ki pé yõ. Káh n ye ònì yó nítɛ áɛ n yilɔ.

3

Kɔ òkù pépɛyɛ Liyel wɛ́kì yõ

¹ Névyɛ pól dyɔ to n kò ne pãh yĩne pè pé gblɔ́yɛ n tiki n mɔ kwil yah tã́m ànê yòtã́m yah sɔkɔ. Pãh yĩne pè ne n sah pé tyí yõ, pè mó pé gblɔ́y vi sah tyípéplɔ duke pól pi pi tɛ́nɛ. ² Pè káh wɛ́ntúkùnìne n wɛ́ki ònì yó nítɛ tyí, pè káh málle n kɔ́lɔ. Pè pi négbɔ́ɛ, pè mó névyɛ pólle ne n tẽ mármár. ³ Yé náh we di, òngbòɛ, lékám kɛ́ ànê kèlékɛ́ névyɛ ye lésò ápi tɔɛ. Á sò me mónpunɔɛ, me á dyɔ dyɔ tyi ànê á nìvìnì tyi yòrɔ sɔkɔ. Á sò me á minne n pi pèkè pínó ànê dékè tyi pínó sɔkɔ. Á sò me á dékè wilki névyɛ sɔkɔ, té me wɛ́ dyɔɛ n yɔ. ⁴ Nte gbí nê-á á pwáhnɔ-ò Liyel ò pèpɔrɔ ànê ò tyínɔnɔɛ névyɛ wɛ́ki, ⁵ à á pwah mɔ. Té kè náh pi ne á tyípéplɔ pínó yĩn sò dé, á yã́m ye à yah. Á ye á pwah mɔ, té min sã́nne á kɔ́ à á nno wu pi yályál Liyel Mirki gbò yõ. ⁶ Á syò á pwáhnɔ-ò Yesu Krista tyí à Mirki mè tiki mɔ á yõ náhnáh, ⁷ sɔ́nko á pínɛnɔ náh négbɔ́ɛ ò pèpɔrɔ gbò yõ, à tyé-ńkɛ́ min we kɛ́pah nê-á á me n òkù.

⁸ Wey mènɛ, gbí ye kɛ́ɛ. Mé me ké tyí ne á kè gbah yo pé tyí, sɔ́nko nónó-á sɛ́ Liyel yõ, pè gbah tẽ tyípéplɔɛ n pi. Sépi ye ple, té sé yòre mó tɔ́ me no pól tyí. ⁹ Nte káh yõ kɛ́ yékã́ɛ n pi, ànê káh yékã́ɛ n pi névyɛ duku wíl-ńsah tyí sɔkɔ. Káh málle n pi, ànê káh yékã́ɛ n pi névyɛɛ Moyisi tyi kònsàhnó tyí yõ. Yòre kɛ́ ànê yékã́kwè ye séɛ. ¹⁰ Névi nê-à névyɛɛ n gbɛ́ki, ké gbáhdýáh di tẽ tyí kè nɔ ke nínóɛ, wáh ké

nóh-ńkêne, à gbe n milki. ¹¹ Á pĩ ne kéne névi dùkù-á wěkì pèpey fin mo, wăh me tyípèlle n pi à pèkèle n yori n mo ò gblǒy yǒ.

Pole-á v̄inm̄on̄o t̄ey àn̄ê wey n̄êne Titi k̄õ

¹² Máh ki fyò Artemasi, képah náh pi Tisyiki tekɪ mo á tyí, gbah n t̄ẽ n pɔ n wil ń tyí Nikopolisi kwil sɔkɔ. Mé kè yah tɔkɔ ne máh ki kwòviri gbí pi n̄énpó. ¹³ Nsyenasɪ n̄ê-á Liyel ñgbò wěkì kwó-òle, yah n dah n mo ñmo àn̄ê Apolosi kóló tyí sɔkɔ. Káh n ye kwâh yó ńt̄ẽ pè tekɪ. ¹⁴ Ápi no tɔ yĩne pè pé gblǒy k̄õ n ȳĩ tyípeplo pínó sɔkɔ, s̄onko tyi nónó tyí-á me tah, pè t̄ẽ n we sépi yahle n wah. Pè káh pi t̄ẽ yǒre k̄ẽ névyele.

¹⁵ Névyé nónó pól-á me àn̄ê ñm̄ole, pè n weki á tyí. Nónó-á ápi kódibíle Yesu yǒ s̄enó sɔkɔ, weki pé tyí.

Mé kéle n yah n k̄õ Liyel tyí ne à yòbènɔrile n pi yé pól tyí.

Pole Sébéy tékínmòṅṅṅ Filemo tyí

Wey kǎnóṅṅ

¹ Nṁṁ Pole nê-á wòkònpèkè sòkò Yesu Krista tò yǐnne, nṁṁ ànê á yúnpi Timote ye n teki n mṁ sébéy mène áwṁ Filemo tyí, nê-á ápi nénóníne ànê á tò pí múnne. ² Á kéle n teki n mṁ tole ápi dósê Apiya tyí, à tahlí Arsyipi tyí nṁṁ nê-á á mékì fwo múnne, ànê Liyel yǒ sǎpú tǐnkì tyí pépi nónó-á wǎne n tuke n mṁ n pṁ áwṁ Filemo wòkò sòkò. ³ Mé kéle n yah n kǎ ápi Sú Liyel ànê Tǎ ñgbě Yesu Krista tyí ne, pè yòbèṅṅṅ ànê yèṅṅṅṅṅ yé kǎ.

Liyel yǒ sǎnó ànê tyínṁṁ nê-á me Filemo sòkò

⁴ Gbímegbí máh Liyelle n ni, mè n weki Liyel tyí á tyí sòkò, ⁵ máh sǎnpíle me n nohni ne Tǎ ñgbě Yesu yǒ sǎnó-á me á sòkò, ànê ñ yǒ sǎpú tyí-á me nónóṅṅ á tyí. ⁶ Mé kéle n ni Liyel tyí ne nṁṁ yǒ sǎnó nê-á ápi kwrṁ mṁ pí núkúle, kè ne n yuku yahle. Tyípeplo pól nónó-á á kǐ fǐ pí Krista yǐnne, séle névyè wǎki. ⁷ N yúnpi, tyínṁṁ nê-á me á sòkò ñ kǎ á Yesu yǒ sǎpú nṁṁṁ n de, kè me ñìṅṅṅ nṁṁ tyí, té me sǎrélé n mṁ ñ sòkò.

Pole me kéle n yah n kǎ Filemo tyí ne à Wonesimi yǒri tyè

⁸ Gbǐ ye sǎnsǎ, Krista yǒ sǎnó gbǒ yǒ mé kǐ sǒ fǐ á pí pí tir kǎ sah ñ kǎ, ⁹ ñte tyínṁṁ yǐnne mé ále n ni, nṁṁ Pole nê-á pí yèwǎhle, té me ñtǎne wòkònpèkè sòkò Yesu Krista tò yǐnne. ¹⁰ Mé ále n ni Wonesimi tyí sòkò, nṁṁ nê-á pí ñ pídíne Yesu yǒ sǎnó gbǒ yǒ wòkònpèkè sòkò. ¹¹ Ngbòle, à náh sǒ me tǐrle n pekí áwṁ tyí. Nte núkúnúkú, à me tǐrle n pekí áwṁ ànê nṁṁ tyí. ¹² Mé kǐ ñ syǐ à teki mṁ ñ kǎ, nṁṁ nê-á nṁṁ wil fǐ yǒle. ¹³ Nṁṁ-á me wòkònpèkè sòkò sǎ ñìṅṅṅ tir yǐnne, mé sǒ me ké tyí ne à tǎ ñ tǎṁ à tòle n pí ñ tyí áwṁ swṁ. ¹⁴ Nte mé náh me ké tyí ne mé tir yǒ pí né á náh ké wǎkì kǎ. Mé náh me ké tyí ne mé ñ kyǐ mṁ á tyípepǎy pí. Mé me ké tyí ne kè pí áwṁ dyṁ dyṁ tǎne. ¹⁵ Gbòkénpi Wonesimi kǐ me gbe mṁ ále wró kwéy yó ó sòkò, sǎnko ñ pṁ à we kúmm yǒ sòkò. ¹⁶ Yé náh we di, yǒ ó náh ñne núkúnúkú dé, à fǎnfǎ yǒ yǒ. Á pól yúnpi ye ñne, nê tyí-á nṁ yǐí á tyí. N tyí nṁ yǐí nṁṁ tyí, ñte ñ tyí ké nṁ kal áwṁ tyí, wǎh sǎnpíle pí áwṁ yǒle té tǎ pí Yesu yǒ sǎ-òle.

¹⁷ Képah ye, wáh kǐ me pǐ ne á yúnpi-á ñne, à tǎ ple nṁṁ sǎ á tǎ. ¹⁸ Wáh kǐ me tyítúkú yó pí, képah náh pí á kǎl-à kǐ me ñ yǒ, mé kǐ yǐn sé yǐnnóle. ¹⁹ Nṁṁ Pole ye n wǎrkǐ welṁ nópíle ñ gbǒle ne máh kǐ kǎl mè dyah. Té á dyṁ náh mé n to n kǎ ne wáh yǐne á á minne ñ dyah. ²⁰ Képah ye ñ yúnpi, mé kéle n yah n kǎ á tyí ne á tir mè pí ñ tyí Tǎ ñgbě yǐn yǒ. N nṁ de á wró kwrónmṁṁṁ gbǒ yǒ Kristale.

²¹ N sǎnó me ké yǒ ne négbí-á ále. Képah ye, máh tyí nónónne n wǎrkǐ n teki n mṁ á tyí yò, mé pǐ ne wáh kǐ sè pí ñ yóré yǒ, kǐ kah mṁ ñtǎne.

²² Mé kè pí tole ne yé nírí gbǒ yǒ pǎh kǐ ñne yé kǎ. Képah ye, mé kéle n yah n kǎ á tyí ne á sǎ-nsah yah n sah n kǎ ñtǎne.

Wey tyé-nsahle

²³ Yepafrasǐ n weki á tyí, nṁṁ nê-á me ñne wòkònpèkè sòkò Yesu Krista yǐnne. ²⁴ Markǐ ànê Arisitarkǐ, ànê Demasǐ, ànê Likyǐ n weki á tyí, pépi nónó-á nṁṁ tò pí múnne. ²⁵ Mé kéle n yah n kǎ Tǎ ñgbě Yesu Krista tyí ne, à yòbèṅṅṅṅṅ ne n pí yé tyí.

Nsyaki-á sébéy nê wārki tekı mo Liyel nípú tyí

N yúnpyé, yépi nónó-á sébéy mē kàrpule.

Nsyaki lésō sébéy mē wārki tekı mo Liyel nípú tyí nónó-á sō me kwlo náhnáh soko. Pè sō me sē Liyel yō, nte, kwlonó sō me péle n yīni n tē, ànê sétō sō me péle n fwo. Képah ye Nsyaki sébéy mē tekı mo pé tyí, à sóri mo pé soko ne, pé gbah n tē Liyel yō sēnó soko. A sō me péle n vi n mo tyi náhnáh soko, ne pé tyípeplole n pi. Liyel nípú tükù sō me n yo ne páh sē Liyel yō, té pé tyípinì náh mó tō me ple. Képah ye Nsyaki kō à kè gbah yo pé tyí ne nkē, névi nê-à ne páh sē Liyel yō, té n tyípinì náh me ple, yō kē-á tē Liyel yō sēnóle.

Liyel yé yah tē ké karnó soko!

Wey kōnóle

¹ Nmō Nsyaki nê-á Liyel, ànê Tē ngbē Yesu Krista tōnpule, mé sébéy mēne n tekı n mo, à n weki Liyel nípú pól tyí, nónó-á me kárkínkōnole kèkōyó soko.

Mónyahno dòhninóle n pi Liyel yō sēnó yō

² N yúnpyé, mónyahno-à sō pi yèvyāhrı dukù nê dukùle yé tyí, yé ye kè pi nivì ngbēne yé tyí. ³ Yé pī ne, yé Liyel yō sēnó-á tē we mónyahno tyí, képah soko-á yé ki pi tēpnèpule. ⁴ Nte, yé ye yé tēpnènéno mē ké tō pi kyı syı ké yīn tyí, yé kō yè gbèkè yī, pèkè káh tō we yé soko, ànê kwāh yó ntē káh yé tekı. ⁵ Nte, yīpī-à yé soko ney yó tekı, tē kè ni Liyel tyí, à ki kè yī tē kō. Nmō ye n yī no pólle n kō fòkòpèncorı soko, pé yah yó-nkēne. Képah ye, tē kè ni nmō tyí. ⁶ Té tē yīne à kè ni Liyel yō sēnó soko tòtò kēne. Yah, névi nê-à tòtòle n pi, tē me á ki ne yónkwıl sō, yáhkı n toko n mo n kō yey yey pólle. ⁷ Sēnkō névi káh ne n sō ne, páh ki kwāh yó ntē we n pi Tē ngbē Liyel tyí. ⁸ Névi dukù yó ye tēne, nê lékám náh me tēnóle fí núkú, ànê à me tòtò soko n tyípinó pól soko.

Yām ànê tahrıle

⁹ N yúnpyé nónó-á me yām soko, Liyel ki pō pé doko n mo n pi: Képah ye, pé ké nivıle ne n pi. ¹⁰ Té tahbi ki tye n soko n pi filfi tyí kōle. Képah ye, pé to pé tíkínmōno nivıle ne n pi. ¹¹ Sō-á gbı-à gbo, té vyāh filfi tē, sè n soko, n du n kwe. Plé-nsah náh tō n we sé tyí. Sē ó ye, tahbi to ki yah n kwlo n pi pé tyípinó nyó.

Mónyahno ànê tōnmōnole

¹² Yèvinı me névi tyí, nê-á nne n tah n sah mónyahno soko. Mónyahno sókónteno náh, tē ki tēnweno tōrí yókúrí we, nê-á tyé-nkē minne. Kéne tyé-nkē min tyí ye Liyel n vyāhle névyé kō sah, n tyí-á no nónó tyí.

¹³ Yé pī, ney náh fē Liyel tō mo à tyípeké pi n pi, ànê nmō to náh mó tō nnı yó ntēne n tō n mo n dah n mo tyípeké soko. Képah ye, tōnmōno-à nê yīni tē, tē káh ne, Liyel-á n tō n mo péle. ¹⁴ Nte, nê-á nkēne nénúkú núkú pólle n yorı n dah n mo tyípeké soko, pé sōno tükúnı dékè tyi ye. ¹⁵ Wāh ye sōno tükúnı nōpi kō sè tē we á tyí, sè n pō tyípekéle. Tyípeké-à mó gbèkè yī, kè n pō kūne. ¹⁶ N yúnpyé, yé tyí no n tyí. Yé káh yé gblōy pilki dé! ¹⁷ Ngbō, yīnkōno yī tahnı pèplo pól n wil yīnyō. Liyel ye n kō ále séle, nmō nê-á mo yīnyō kyòole. N dukù náh n vi n mo, fēntú tyah náh

με ñ sɔkɔ. ¹⁸ Nte, Liyel sò me ké tyí ne, pé á sah ñ yí mónónɔ pól yah tinnɛ. Képah ye, à min sánnɛ á kɔ ñ wey gbɪ gbò yò.

Liyel wey nóhnó ànê ké wěkì kólóle

¹⁹⁻²⁰ N yúnpyé, yé tyí nɔ ñ tyí. Yé pĩ ne níkě, névi fɔkɔ-à vyāh, ñ tyípínì náh Liyel nɪle n vi. Képah ye, yé nénúkù núkú pól yĩne yè yé níne n kwɔ nohnɪ súú, té yé káh ne n sal n wekɪ sónyah-ńkēne, ànê yé fɔkɔ káh ne n kwāh n vyāh.

²¹ Kàh pɪ sě, yé tyítúkúñì ànê népékè pínó duke duke pól yal n mɔ pnépné. Yé mó Liyel wey fě n syi gblɔy tìkinmɔnɔ sɔkɔ, wāh nê dah mɔ yé nno sɔkɔ. Képah ye kɪ fě yé pwah mɔ. ²² Yé káh yé gblɔy tɔ mɔ n pɪ Liyel wey nóhpú óle, ñte, yé ne n kɔ ké wěkì yò. ²³ Yah, nê-à kéle n nohnɪ óle, té à náh me n kɔ ké wěkì yò, tě me á kɪ ne ñnì yó sɔ, nê-á me ñ yèpɔle n yah dwòlí sɔkɔ sɔ-á kéle. ²⁴ Wāh fyò ñ gblɔy yah te, té yal ké tnô, nénpó swɔ, ñ dyɔ n fwɔ ñ yèpɔ dùkùle. ²⁵ Nte, Liyel tyi kònsàhnó me túnóle, sè kɪ fě névyɛ sah pé gblɔy yò. Névi nê-à sépi tě palle, sé sɔkɔ tyi nóhnmilki-ńkēne, té ñ tyile n pɪ sáh yo sɔ, tě wɔ kɪ yèvinɪ we ñ tyípínó pól sɔkɔ. ²⁶ Nkě, nê-à me n sò ne, Liyel wěkì kó-ò-á péle, té à náh me n kyomɪ n wekɪ, tě me ñ gblɔyne n pilki. N Liyel wěkì kɔ dùkù me nònóle. ²⁷ Nte, Liyel wěkì kóló nê-á syii ñtě kéne ké sɔkɔ sú Liyel n mɔ n kɔ, kè we yò: Á yĩne ñ nígye ànê pékúsyɔle n tě ple pé yèvyāhrɪ sɔkɔ, ànê káh n ye kèkòyó tyi pɔ ñ silki Liyel yah.

2

Wāhkì pínó náh ple

¹ N yúnpyé, yáh sě tǒrí Tě ñgbě Yesu Krista yò, yé náh yĩne yè neyne n wah. ² Sɔ-á dí yó kɪ fě pɔ de yé tówú nɪyó sɔkɔ, té kɪ me sán kèngbɔ táhní dyɪ, té kɪ me fwòtāhnì mɔ; té yām ney yó tɔ kɪ fě pɔ de yé nɪyó fwòyalle ñ wil: ³ Yāh fwòpèplo mó-ò dí wɔ těno ple, té yo ñ tyí ne, à pɔ kɔ tě tě-nsah pèpey mè sɔkɔ, té yo yām ney mè wɔ tyí ne, à yuku yĩn tě, képah náh pɪ, à kɔ tě ásò sétáh sɔkɔ; ⁴ yāh pɪ sě, wāhkì náh yé n pɪ wě wró di? Yé náh ñnì yó tɔkɔ fónfó pɪ ñ ní-òle yé fókósɔnɔ túkúñì gbò yò di? ⁵ N yúnpyé, yé tyí nɔ ñ tyí. Yé yé níki kwɔ noh. Névyɛ nónó-á yām tǎnne kèkòyó névyɛ tě tyí, pépi ye Liyel yah wilki, à pɪ tahbɪle Yesu yò sěno sɔkɔ. Anê pépi ye tɔ à kɪ kɔ pè kɪ n de n pi ñ tǒrí sɔkɔ, képah nê tyí-á à ñ vyāhle névyɛ kɔ, ñ tyí-á nɔ nónó tyí. ⁶ Nte, yépi-à yām tǎnne n yilɔ, té tahbɪ wɔle n gbilki-à; kéne tahbɪ tě wɔ náh n fōh yéle, té yéle n tě n tuke n pɔ tukey tükè-ntǎn sɔkɔ di? ⁷ Té Krista yĩn pèpey-á yé yò sɔkɔ, pépi ye tɔ képah tyí yónkòpule. ⁸ Nte, Liyel tyi kònsàhnò yó me wárkínsàhnóle nê-á gblò kal sé no télóle. Képah n yo ne níkě: «Ye á ní-ò tyí nɔ á tyí á gblɔy tyí kòle»*. Képah wěkì-à kɪ nê yé n kɔ, yé me n pɪ ple. ⁹ Nte, wāhkì tě-à kɪ nê yé n pɪ, tyípékè ye kéle. Yé me pílkinóle Liyel tyi kònsàhnó sɔkɔ, yáh sǔnpí yahle kólóle ké wěkì yò. ¹⁰⁻¹¹ Yah, Liyel nê-á yo ne: «Káh fòfíkì pɪ», ñmɔ ó ye tɔ yo ne: «Káh nékókè mɔ.»† Wāh sɔ fòfíkì pí-ńkēne, té nékókè mɔ, á ye Liyel tyi kònsàhnó yahle. Képah ye, névi-à sɔ Liyel tyi kònsàhnó pól pɪ, té sé sɔkɔ tyiyóné núkú fyé yahle, tě me pílkinóle sé pól sɔkɔ. ¹² Liyel tyi kònsàhnó ye sah yéle yé gblɔy yò, té Liyel kɪ yé tuke n yĩne n pi sépile. Képah ye, yé ye yé wey, ànê yé pídúkù ne me yínénóle Liyel tyi kònsàhnó

* **2:8** 2.8 - «Ye á ní-ò tyí nɔ á tyí á gblɔy tyí kòle»: Yé kɪ fě kè we Likyi sébéy 10.27, ànê Markɪ sébéy 12.31, ànê Levitiki sébéy 19.18. † **2:10-11** 2.11 - Kònmɔnɔ ànê fòfíkìle, sépi tɔ me Liyel tyi kònsàhnó gbām sɔkɔ, Moyisi-á nónó wārki sah Yálnó sébéy 20 sɔkɔ.

nópilɛ. ¹³ Nkě, névi nê-à névye yãmne n yáh-ńkêne, Liyel to náh tẽ yãm yah n pi tukey tuke sóle. Nte, névi nê-à névye yãmne n yah, tẽ yõ kɪ yõ tukey tuke sóle.

Tyípéplɔ pí-ńkê Liyel yõ sěńóle, yõ se me ké tyí?

¹⁴ N yúnpyé, ònî yó-à ńtyíno ne, páh sě Liyel yõ, té ò tyípínì náh me kéle n wěki, yõ se kɪ we ké tyí? Kéne Liyel yõ sěńó dukù mè se kɪ fě à pwah mo? ¹⁵ Sõ-á, á yúnpi yó tyí flo kɪ fě n kne, ànê à náh me n we n yõ swõswõ pól soko: ¹⁶ Yõ se me ké tyí, wáh tẽ syah ne, à de lènole, à mó flole n mo virile n tũ, ànê à ne n yõ n tõ; té á náh se mó tõ à kõ ò yétò yí nópilɛ? ¹⁷ Sě ó ye, névi nê-à ne, páh sě Liyel yõ, tir yó ńtẽ pí-ńkêne nê-á ò Liyel yõ sěńóle n wěki, tẽ Liyel yõ sěńó me kúntěńóle. ¹⁸ Gbòkénpi ònî yó kɪ fě ne, tókù-á me sě Liyel yõ, tókù mó me tyípéplɔle n pi. Káh pi sě, tẽ ní wěki ò Liyel yõ sěńóle, tyípínì kěne wé. Nmɔ wo kɪ à wěki ní Liyel yõ sěńóle ní tyípínì soko. ¹⁹ Wáh me sě ké yõ ne Liyelle, nukú-á òne, kè ple. Té pĩ ne, sétàn to sěńó-á me képah tẽ wo yõ dé. Anê, ò yah tíkí pínó tẽ tyí, sé wil n ne n syah.

²⁰ Lékám se me ò tɛki? Wáh me ké tyí, mé kɪ fě ò wěki ne, tyípéplɔ pí-ńkê Liyel yõ sěńóle, yõ náh me ké tyí: ²¹ Api náh ney Abrahami-á tyípíkì nê pi, képah nê-á pi ò pídí Yisaki dókónmonole sárká súkénkõ-ńsah yõ, ne pé à ko Liyel kõ, sã-á Liyel yo kéle ò tyí.‡ Képah soko náh Liyel à pi négbíle di? ²² Á náh we di, Abrahami Liyel yõ sěńó ànê ò tyípínì sò me n ko wě tyí. Té, ò tyípínì gbò yõ, ò Liyel yõ sěńó pi palle. ²³ Képah soko ye Liyel wey mè pi tũ nê-á yo ne ńkê: «Abrahami sě yí ò Tẽ ògbě Liyel yõ, Liyel mó à pi négbíle», té òne n ye ò kódíne. ²⁴ Yé kè we kè, névi Liyel yõ sěńó ó náh dé! N tyípínì to gbò yõ ye Liyel à pi négbíle.

²⁵ Sě ó ye tõ, fòfínpi pi nê-á lésò pé n ye Wrahbule: A lésò fě syi Yisrayel tẽntò névye kõ pé wõbɪ ò tyí. Té pé yohni mo, à pé mo wěkì yó yõ, pé kõ pé to pwah.§ Kéne tyípépěy gbò yõ ye Liyel ò pi négbíle. ²⁶ Sõ-á névi min-à wil ò soko, à n ne me kúnóle, sě ó ye tyípínì to-à n kne, névi Liyel yõ sěńó n ne me kúnóle.

3

Gblõy kyòmìnóle wékínó soko

¹ N yúnpyé, yé pínó me ké soko ne, ápi nóno-á pi névye kwópúle, áyáh kɪ n tuke n pi képékèyò, kɪ kal no télóle kè. Képah ye, yé nahnáh káh ne n yah n kõ ne, yé pi kwópúle. ² Yé pĩ ne, á nénúkù nukú pól-á n pilki nahnáh. Nte, névi nê-à n pílkí-ńkêne ò vyáh wey soko, òmɔ népépěy syi ké yín tyí. A kɪ fě tẽ ò wil gběnsé pól to tyí. ³ Sõ-á áyáh kàrfyê dyi sèsèn vyěy tyí ne, sè ne n nohnì á tyí, sé wil pól to yah ye ńkêne à n ne n tẽ kéle. ⁴ Képah náh pi, yé krótókè ògbě tole n yah yo soko kè: Káh sõ me gbò sõ, té yáhkí sõ me kéle n tu n mo sõ, sésár pí r yó ó ye ké tó-ò n ne n tẽ ké yahle. Wáh me ké tyí ne, kè syõ nyáh soko, kè n syõ nénpóle. ⁵ Sě ó ye nénpórí tole, wil tyah yó ye tyí ònsò, té kè ké gblõyne n gbilki n kah.

Yé náh nyáh to we di? Káh sõ me tyí sõ, káh soh dukù ògbě soko, kè n fě ké pól yõ. ⁶ Nte, nénpórí to me kéne nyáh tyí kòle. Tyípél nahnáh n wil képah soko. Kè me déntěńóle wil soko, té wil téy pólle n yõ. Tyípél nóno-á n wil ké soko, ní-ńkê nyáhnpèkè soko ye sè n wil. Képah ye, kě yíkínóle n pi á min pól soko, fóó kè po

‡ 2:21 2.21 - Abrahami sě Liyel yõ, képah ye à Liyel yóré fě syi. Káh pi sě, Liyel mó à dyah ké pèpòrile. Képah n we Yenesi sébéy 15 ànê kɪ 22 soko. § 2:25 2.25 - Wrahbule, fòfínpi pi ye sò òne. Té wáh po sě Liyel yõ, képah ye à kõ à Yisrayel névye yísyó yohni mo, pé kõ pé wõbɪ ò tyí. N tyí me yónóle Nsyosye sébéy 2 soko.

no á kúnó tyí.* ⁷ Yah, gběnkwo duke duke pól n kwó n pne. Kèpye, ànê vyeh, à tahl yó sòkó yí tyí, névi tẽ we sépi pól kwó. ⁸ Nte, nénporí tẽ wole, ònî yó ntẽ náh tẽ we kèpah kwó n pi. Kwáhpékè nê-á kè náh n tẽ syísyí, kèpah ye nénporíle. Kè me névi ko ko sohrí óle ké tóó.

⁹ Kéne nénporí núkú me ye ápi Tẽ ñgbě, á sú Liyelle n gbilki, ò tẽ n tó kèpah óle pèkèle n ye n mo névye yó, ònte Liyel ye mó tó mo péle ò kètòle. ¹⁰ Gbílkinó welo ànê pèkè yénmòno welo kí n wil vyāh núkú sòkó ni? N yúnpyé, yé káh ne n pi sě. ¹¹ Nípénèkì ànê ni páhpáh se kí fě n wil kwlèy núkú sòkó? ¹² N yúnpyé, dah se kí fě we gbè sènsóké séswô sòkó? Tí sènsóké séswô pye se kí fě we gbè kèpònpó séswô sòkó? Sě ó ye pne ni, ànê nípénèkì náh fě n wil n pi kwlèy núkú sòkó.

Yípi nê-á n wil Liyel tyí

¹³ Té yépi sòkó, nê tẽ me yípi névile té lékám me ò sòkó? Tẽ yĩne à ne n ko palle gblóy tíkínmònole ò tyípinì sòkó, kèpah nê-á n wěki ne, wāh yí pi. ¹⁴ Nte, dyóyókì kèpèkè, ànê wě fwónó sòno-à kéne yé nno sòkó, yé káh yé gblóyne gbilki ne, yáh me yí pi. Yé káh gbile n kòli. ¹⁵ Kéne yípi mè dùkú náh n wil Liyel tyí dé! Kèkòyó mè tyí ye kéle. Névi yípi ye kéle, kè n wil sétó tyí. ¹⁶ Yah, dyóyókì ànê wě fwónó sòno-à me nýāh sòkó, tyífě ànê tyítúkúni duke duke pól n ne n pi nénpó sòkó. ¹⁷ Nte, yípi nê-á n wil Liyel tyí, kèpah-à me névi nê sòkó, ké gbenne, tẽ ni n ne n me yályál, ànê yèvuni tyí n no ò tyí, té à n pi népépěyne. N tó náh n tah, ànê à névi yāmne n yah, té tyípeplo ó ye à n ne n pi. A náh yèwāhkì ànê fòkòpille n pi. ¹⁸ Yèvuni-á me nónó tyí, té pè me ké tòle n pi, pè ké yõre we, nê-á péle n pi négblóle Liyel yah.

4

Wāh á yí wil kèkòyó tyí, Liyel dèl ye á pi

¹ Kwāh nê n po n po yékáb ànê málle yé wró sòkó? Fókósòno túkúni dékè tyi náh n fwo yéle di? ² Yé yí me n wil yí nahnáh tyí, té yé náh me séle n we. Káh pi sě, nékókè mo dékè yé tẽ. Yáh nēne n yah n kō, yé náh kéle n we. Káh pi sě, yékáb ànê mál n pyé ne n de yé wró sòkó. Nte, yé náh me n ni Liyel tyí, kèpah ye, yé náh me kwāh yóle n we. ³ Yāh se sō n ni Liyel tyí, sòno pèplo náh ñkēne ne me yé sòkó. Yé n ne n ni yé tyítúkúni dékè tyi pi yin óle. Kèpah ye, yé náh kwāhle n we. ⁴ Kwāh nê fòfínpi bi pi dùkú me yé n pi sě? Yé náh pi ne, wāh á yí wil kèkòyó tyi tyí, Liyel sépe-á ále di? Nê-à kèkòyó tyi tẽ kódi ne, tẽ kí pi Liyel sépele. ⁵ Yé se we ne, yó kě-á Liyel wey mène, nê-á yo ne ñkē: «Liyel-á min nê mo ápi sòkó, ké tyí no yí ò tyí. Kèpah ye, à me ké tyí ne á ne n me péwo ó tyí yó.» ⁶ Nte sépi pól sòkó, à tó pèpori ñgbēne n pi ápi tyí, sō-á ò wey kè yo ne ñkē: «Liyel peke gblóy gbílkipú yó, té pèporile n pi gblóy tíkínmòpu tyí.» ⁷ Kèpah ye, yé ne n sah Liyel yóré yó, yé mó sétó tyí yahle, kèpah sòkó, sétó kí to gbè mo yéle.* ⁸ Yé no n de Liyelle, kèpah sòkó, ò to kí no de yéle. Tyípèl pípi, yé yé gbān wilki tyípèl pínó sòkó. Tòtò névye, yé yé nno tó n sah. ⁹ Yé yĩne yé pi ne, yáh me pèkè sòkó, yé ké nāhnpi gbo. Yé ye yé yisyonì pi gbníle, yé nivì mó pi yèkwòrile. ¹⁰ Yé yé gblóy tiki mo Tẽ ñgbě yah, à kí yé yó yó.

¹¹ N yúnpyé, yé káh wě tyíle n yo n yiki. Nê-à ò yúnpi tyí yo yiki, kèpah náh pi, à lékàh syi à kō, Liyel tyi kònsàhnó tyí ye tẽ yo yiki, té lékàhle kè kō. Wāh kèpah pi, á

* **3:6** 3.6 - Ní-ñkē nyāhnpèkèle, fí yó ye, nýāh sòkó-á pè n fōh tyípèl pípiúle pé kúnteno náh. Sétó tẽ-ñsah ye kéle; ñmo nê-á me ké tyí ne, pé Liyel tyípinóle n yiki. Anê ñmo ye n mo névye nénporíle pèkè pínó sòkó. * **4:7** 4.7 - Sétòle, Liyel sépe ye ñne. A me ké tyí ne, pé ále n tó mo n dah n mo pèkè pínó sòkó.

se me n ko Liyel tyi kònsàhnó wěkì yõ? Lékàh nàh á kéle n kǒ di? ¹² Nte, Liyel ó ye sah tyi kònsàhnóle, ànê òmò ó ye kɪ fě lékàhle névi kǒ. Òmò ó ye kɪ tǒ fě névi pwah mɔ, képah nàh pɪ, kɪ ò tyí yɪkɪ. Nê me áwɔ tǔne, té á lékàhle n syi á yúnpile n kǒ?

Yé káh pɪ gblǒy gbílkipúle

¹³ Núkúnúkú, yé noh ní tyí yò, yépi nónó-á me n yo ne kweyne, képah nàh pɪ, ísòne yáh kɪ kyɪ kwíl-ngbě mè sɔkɔ, kɪ kyɪ yí núkú pɪ gbò yínó sɔkɔ nénpó kɪ pɔ we. ¹⁴ Nte, yé se pǐ yé min-á kɪ n me n pi sǒ ísòne? Yé me á kɪ ne kénfáhkí tǒtǒ yó sǒ, nê-á nkǔne n mɔ nénpó swɔ, ò té n karkɪ. ¹⁵ Yé pyě tǒ sǒ yǐne yè yo ne, Tě ògbě-à kɪ fě syi, yáh kɪ tǔ min sɔkɔ, té kɪ tir mè pɪ, képah nàh pɪ tir mè pɪ. ¹⁶ Nte, yè n pyě yé gblǒyne n gbilki yé vyāh wey sɔkɔ. Kéne gblǒy gbilkínó dùkù yó ítǔ nàh plɛ.

¹⁷ Sépi pól sɔkɔ, névi nê-à pèpɔri pínó yah we, té tǔ nàh me kéle n pɪ, tyípekè ye tǔ n pɪ.

5

Tahbi-á yǐne pè nê pǐ

¹ Núkúnúkú, yépi nónó-á me tahbiɛ, yé noh ní tyí yò: Yèvyāhnpèl nónó-á kɪ pɔ yé yǐni n tǔ n pi, yé ne n kah n gbo sépi yǐnne. ² Yé tahrɪ me n pyāh, té sóhrí me yé flɔle n yõ. ³ Yé sán ànê yé pónɔ me n pɪ syímíne. Kéne syímí ye kɪ pɔ wilki mɔ yé gbònkòkòle, té kɪ yé wil gběnsê yõ, nyāh tyí kǔle. Kèkǔyó tyɛ gbí mè fyé nónteno sɔkɔ, yépi me tahrɛ n yah n tuke n mɔ n sah yé gblǒy tyí kè! ⁴ Té, tònpiɔ nónó ítǔ-á tǔle n pɪ yé swěy sɔkɔ, yè n yahle pé póle pé kónóle. Pépi Liyel yéngbonɔ yǐnpǔ ye n de Liyel níki sɔkɔ, òmò nê-á kèkǔyó Tě ògběne. ⁵ Yépi me yòtǔrí yéle n yõ kèkǔyó mè sɔkɔ, à yé dyɔ yǐ tyile n pɪ, me gbilki tǔ, á kɪ ne ko ko nyeh sǒ. ⁶ Yé lékàhle névyɛ kǒ, nónó-á pè nàh tyítúkù pɪ. Pè mó pé gblǒy fin mɔ yé kǒ, yé pè ko mɔ.

Syíkintǔnó pɪ, Tě ògbě Yesu syínponɔ me yúkey

⁷ N yúnpyé, yé syíkintǔnóle n pɪ, fǒ kè pɔ nɔ Tě ògbě syínponɔ tyí. Yé yah sètǔle kè, à nkǔne sémukɔ pèpɛy wéntokɔnɔ syɪkɪ n tǔ, à tɔkɔ púgbro pínó tyí, pópó ò pɔ n syɪ pútéló pínó tyí. ⁸ Tě ògbě syínponɔ me yúkey; képah ye, yépi tɔ sóré mɔ yǐ yé gblǒy sɔkɔ, yè syíkintǔnó pɪ. ⁹ N yúnpyé, yé káh ne n tɔkɔ wěne n kǒ; képah sɔkɔ, Liyel nàh yé tuke n pi. Yé yah, Tě ògbě nê-á kɪ pɔ á tuke n pi, à me yúkey. ¹⁰ N yúnpyé, Liyel tǔntǔ syínyopu-á lésǒ ò weyne n yo n kǒ yèvyāhrɪ ànê syíkintǔnó sɔkɔ sǒ, yé yǐne yè ne n pɪ pépi tyí kǔle. ¹¹ Yé yah, nónó-á gbah tǔ à kyɪ syɪ ké yǐn tyí, à pépile n sǒ. Yé Nsyɔɔi gbáhntǔnɔ tyí noh ò yèvyāhrɪ gbí sɔkɔ kè. Té tǔ kè we, Tě ògbě-á tyí-ògbnɔ nónó pɪ ò tyí ké tyé-ísah sɔkɔ.* Yé nàh we, Tě ògbě tǔ wɔ névi yām yáhnó ànê ò pèpɔri me gbò kègbɪ tǔne.

¹² Nte, ní yúnpyé, sépi pól sɔkɔ, yé káh yéle n wo Liyelle, képah nàh pɪ sétáhlɛ. Anê yé káh yéle n wo kwāh yó ítǔne. Yé ye yé àwe ne me ké gbɪ yõ, yé ǔǔ mó ne me ké gbɪ yõ. Képah sɔkɔ, Liyel nàh lékàhle yé kǒ n pi.

Nírí pínóle yámpú tyí

¹³ Té yèvyāhrɪ-à me yépi sɔkɔ ney nê yõ, tǔ Liyel ni. Nìvìnì-à se mó me nê yõ, tǔ Liyel yǐn gbilki yìgbìnì sɔkɔ. ¹⁴ Yé sɔkɔ ney nê-à me n yo, tǔ Liyel nípú yah tǔpú ye,

* **5:11** 5.11 - Nsyɔɔile, négbí ye sǒ òne: Té sétǔ pɔ à kwɔ náhnáh. Nte, à n tah sah. Ké tyé-ísah sɔkɔ, Liyel pɔ à yohu mɔ ò yõ yõ. N tyí me yónóle Liyel wey sébéy yó sɔkɔ, nê-á pè n ye Nsyɔɔi sébéyne.

pépi kɪ pɔ nɪɾɪ tuke n̄ tyí Tě̀ ògbě̀ Yesu yĩn yõ, té kɪ Liyel ni n̄ tyí. ¹⁵ Té nírí mè-à pɪ Liyel yõ sɛ́nó sɔkɔ, yónwó mè kɪ pwáhnmonɔ wɛ, ànê Tě̀ ògbě̀ Liyel kɪ à de mɔ. Té wàh se me tyípêl pɪ, à kɪ sè yõ mɔ à kɔ̄. ¹⁶ Képah ye, yâh me dénmɔnɔ tyí, yé yé tyípêl wil n syi, yè mó Liyelle n ni wɛne n kɔ̄. Tǎhkì me yíí négbí nírí sɔkɔ dé. ¹⁷ Yé náh Yeli wɛ-à: Névi ye lésõ ònne ápi tyí kɔ̄le. Nte, à me nírí gbah pɪ ne, pũ káh tɔ pɪ. Pũ náh mó òtyíno pɪ sétáh yõ, fɔ́ó à pɔ nɔ ye tɔ́nó ànê tóní tyí. ¹⁸ Képah náh, à tɔ n̄ syi Liyel ni ne, pũ pɪ. Pũ me pɪ, sèmuɔkɔ pekɪ.†

Mónpú-ò tɛ̀npɔnɔle

¹⁹ N̄ yúnpyé, yé sɔkɔ ney yó-à mɔ pu gbɪ wě̀kìle, té nê me à tɛ̀ pɔ ké yõ, tɛ̀ pɪ plɛ. ²⁰ Yé pĩ ne, névi nê-à tyípêl pí-ò vi mɔ pèpɛy pínó sɔkɔ, tɛ̀ n̄ min pwah mɔ n̄ kúntɛnɔ náh yènyáhrɪ yah. Anê n̄ tyípêl náhnáh nópi kɪ se tɔ̄ yõ mɔ à kɔ̄.

† **5:18** 5.17-18 Yeli sò pɪ Liyel tɛ̀ntò syínyo-ò ògbě̀ne. N̄ tyí me yónóle Yòtám sébéy gben 17 ànê 18 sɔkɔ.

Nsyõ-á sébéy gben nê wārki tekı mɔ

Yesu Krista ye min nétêne nê-á Weyne

¹ Min nétê nê-á Weyne, ñmɔ tyí ye á n yo yé tyí. Nmɔ nê-á sò me tyi pól tyah gbí òkùle, ápi ñ wékínó noh, té à we yíne, té à yah díkidíkí, té tũ ñ tyí. ² Nmɔ nê-á min nétêne, à ye ñ gblöyne á wēki. Á à we, té me ñ tyíle n yo n wah. Nmɔ nê-á tyé-ńkē minne n kō, ñmɔ tyí ye á n yo yé tyí. Nmɔ sò me Sú Liyel tnô, té pɔ ñ gblöyne á wēki. ³ Áyáh ñmɔ nê we té ñ wékínó noh, ñmɔ tyí ye á n yo yépi tɔ tyí á wró kwrónmɔno yinne yéle. Képah sɔkɔ, wró kwrónmɔno nê-á me ápi wró ànê Sú Liyel ànê ñ Pídí Yesu Kristale, yépi tɔ ki de ké sɔkɔ. ⁴ Á ye tyi nópile n wārki n tekı n mɔ yé tyí, nê-á ki ápi ànê yépi ñvìnì kō kè ki syi ké yin tyí.

Kyò sɔkɔ kólóle

⁵ Té yah, áyáh wey nê noh Yesu Krista tyí té kéle n yo yé tyí, képah ye yò: Liyelle, kyò ye ñne. Fěntũ náh me ñ sɔkɔ pólle. ⁶ Áyâh n yo ne á wró-á me kwrónmɔnole Liyelle, té mó tō me n kɔ fěntũ sɔkɔ, mìnnyobe ye ále, á náh me gbı wēkile n kɔ. ⁷ Nte áyáh ki n kɔ kyò sɔkɔ sɔ-á ñmɔle kyò sɔkɔ, á nénúkù núkú pól wró ki me kwrónmɔnole wēne. Té Liyel Pídí Yesu Krista tó ki á tyípêl pól wu tɔ á tyí.

⁸ Áyâh ne tyípékè náh me á sɔkɔ, á gblöy ye á n pilki, gbı náh me á sɔkɔ. ⁹ Nte áyâh á tyípêl wil syi, ñmɔ nê-á Liyel tómmne té n kɔ ñ tyíyónó sò, à ki á tyípêl yō mɔ á kō, té ki á wu wilki á tyíkněni pól sɔkɔ. ¹⁰ Áyáh ne á náh tyípékè pı, ñmɔ ye á n pı mìnnyole, ñ wey náh me tēnóle á sɔkɔ.

2

¹ N wēnpı, mé sébéy mēne n tekı n mɔ yé tyí, nê-á ki yé kō yè káh tyípékèle n pı. Nte káh se pɔ pı ñnî yó tyípékè pı, wró tō-ò me á tyí Sú Liyel yah sɔkɔ, nê-á Yesu Kristale, ñmɔ nê-á me tómm. ² Nmɔ ye ñ gblöy kō sárkále nê-á ki Liyel kō à ki ápi tyípêl yō mɔ. Té à náh ñ gblöy kō ápi ó tyípêl yōnmɔno yinne dé, kèkōyó névye pól tɔ tyípêl yōnmɔno yin ye à ñ gblöy kō.

Kólóle à yíne Liyel tyi kònsàhnóle

³ Áyâh Liyel tyi kònsàhnó wälle n kɔ, képah sɔkɔ ye á ki pĩ ne áyáh ñne n pne. ⁴ Névi nê-à ne páh ñne n pne, té tē náh me n kɔ ñ tyi kònsàhnó wäll yō, mìnnyo ye tēne. Gbı náh me tē sɔkɔ. ⁵ Nte nê wɔ-à n kɔ ñ yóré yō, ñ tyí me nɔ tē wɔ tyí kègbı tē yō. Képah sɔkɔ ye á kéle n pne ne áyáh me ñ tyí yō. ⁶ Névi nê-à ne páh me ñ tyí yō, Yesu-á kɔ òkù nēne, tē tɔ yíne à ne n kɔ sěntēne. ⁷ N nénónó, tir kònsàhnó kėsán náh kéle mé n wārki n tekı n mɔ yé tyí dé, tir kònsàhnó kedyâh ye kéle, nê-á yo sɔkɔ yé tyí tyah gbí òkùle. Yáh wey nê noh sɔkɔ te, képah ye tir kònsàhnó kedyâh mēne. ⁸ Nte fí yó ñinne, tir kònsàhnó kėsán ye mó tō kéle mé n wārki n tekı n mɔ yé tyí. Yesu ànê yépi pı òkù me képah gbıle n wēki. Yé náh we di, fěntũ me n sɔkɔ, kyò yèsyìkì mó me pɔ te. ⁹ Névi nê-à ne páh me kyò sɔkɔ, té mó tō me ñ yúnpi yó dyole n yo, tē me sē fěntũ sɔkɔ. ¹⁰ Névi nê yúnpi tyí-à nɔ ñ tyí, tē wɔ me kyò sɔkɔ. Nnî yó ñtē náh n de n pi tyípékè sɔkɔ ñmɔ gbò yō. ¹¹ Nte nê-à ñ yúnpi dyole n yo, tē me

fěntũ soko. Té wãh me n ko fěntũ soko sě, fěntũ tě tyí, ò yí kɪ wɔ, à nãh ò yúkú-ńsah pĩ n pi.

Kèkõyó ànê Krista sépébi swah òkùlè

¹² N wěnpì, Yesu yĩn gbò yò soko ye yé tyípèl yò mɔ yé kò. Képah ye mé sébéy mènè n wãrkɪ n tekɪ n mɔ yé tyí. ¹³ Súbí, nê-á sò me tyi pól tyah gbí òkùlè, yé ònne n pne. Képah ye mé sébéy mènè n wãrkɪ n tekɪ n mɔ yé tyí. Kètěnpì, yé tě we pèkè pí-ò tyí, nê-á sétàn yòtěne. Képah ye mé sébéy mènè n wãrkɪ n tekɪ n mɔ yé tyí.

¹⁴ Yépi nónó-á wěnpìlè, nê-á Sú Liyelle, yé ònne n pne. Képah ye mé sébéy mènè n wãrkɪ n tekɪ n mɔ yé tyí. Yépi nónó-á súbíle, nê-á sò me tyi pól tyah gbí òkùlè, yé ònne n pne. Képah ye mé sébéy mènè n wãrkɪ n tekɪ n mɔ yé tyí. Kètěnpì, tãhkì me yé soko, ànê Liyel wey me n tě yé nno soko, té yé tě we pèkè pí-ò tyí, nê-á sétàn yòtěne. Képah ye mé sébéy mènè n wãrkɪ n tekɪ n mɔ yé tyí.

¹⁵ Yé káh yé yí wil kèkõyó tyí, képah nãh pɪ ké soko kwãh yó òtě tyí. Névi nê-à ò yí wil kèkõyó tyí, Sú Liyel tyí nãh fě n nɔ n pi tě tyí. ¹⁶ Yé yah, tyi nónó-á me kèkõyó soko, sã-á gblõy dyo yíi tyi pínó dékèlè, ànê yíwilkìlè, ànê gblõy wěkínóle à yuku tahrɪ tyí ònne, sépi soko yó òtě nãh n wil Sú Liyel tyí. Kèkõyó soko ye sè n wil. ¹⁷ Té kèkõyó ànê ké yíwilkì kɪ pɔ n tyɛ n pi. Nte névi nê-à Liyel dyo yíi tyile n pɪ, tě wɔ kɪ tě tyé-ńkěne.

¹⁸ N wěnpì, kèkõyó tyɛ gbí ye me nɔ n tɛ. Yé kè noh soko tɛ nɛ Krista sépé-á kɪ n pɔ n pi. Núkúnúkú, Krista sépébi yísyó me wil mɔ pí. Képah n wěkɪ nɛ kèkõyó tyɛ gbí soko-á ále. ¹⁹ Apɪ ònkì soko ye sépébi nòpi wil. Nte kègbɪ yò, pè nãh sò me núkùlè ápile. Pàh sò me núkùlè ále, pè nãh nãhkɪ n gbe n wil n pi ápi soko. Nte kè ye sò yĩne kè pɪ sě, nê-á kɪ kè wěkɪ nɛ pé soko ney yó òtě nãh sò me núkùlè ápile kègbɪ yò.

²⁰ Nte yépi wɔlè, Liyel Mirki me yé soko Krista-á nêne yé kò. Képah ye yé pól kò yé tyile n pne. ²¹ Kè nãh me á kɪ nɛ yé kósyì gbule n pne ò kò mé sébéy mènè n wãrkɪ n tekɪ n mɔ yé tyí dé, yáh kéle n pne, té pĩ nɛ mìnì yó òtě nãh n wil ké soko, képah ye ò kò mé sébéy mènè n wãrkɪ n tekɪ n mɔ yé tyí.

²² Névi nê-à nɛ Yesu nãh Kristalè, nê-á Liyel ney yáhntòkònlè, mìnyo yó òtě nãh kah mɔ tě yò. Krista sépé ye těne. Sú Liyel ànê ò Pídí Krista ye tě yahle. ²³ Yé yah, névi nê-à Liyel Pídí yahle, Sú Liyel nãh me těne. Té nê-à Liyel Pídí fě syi, Sú Liyel me tě wɔlè.

²⁴ Yépi tě wɔlè, yáh wey nê noh tyah gbí òkùlè, yé yĩne yè kè koh n sah yé nno soko. Yáh wey nê noh tyah gbí òkùlè, yãh fě kè koh sah yé nno soko, yépi tɔ wró kɪ me kwrónmònlè Pídíne, ànê Súle. ²⁵ Té Pídí-á ò vyãh kò nê tyí soko, tyé-ńkě min ye.

²⁶ Nónó-á n yah n kò yé yò yíkí-ńsahle, pépi tyí soko ye mé sébéy mènè n wãrkɪ n tekɪ n mɔ yé tyí. ²⁷ Yépi tě wɔlè, Yesu-á Liyel Mirki nêne yé kò, kè me těnlè yé soko. Képah ye, kwó-ò yétò nãh tɔ me yé tyí. Liyel Mirki me yéle n kwɔ tyi pólle. Té ò kwónónò pólle mó tɔ, gblo ye séle, mìnì nãh me sé soko. Képah ye, yé nɛ me kwrónmònlè Kristalè, sã-á Liyel Mirki yé kwɔ kéle.

Liyel wěnpì pɪ òkùlè

²⁸ Núkúnúkú òtěne ò wěnpì, yé ye yé wró nɛ me kwrónmòntěnlè Kristalè. Képah soko, wãh sò nêne pɔ tíkì nãh á tě n pi, ànê sen nãh á kòkò n sah n pi ò yah soko lésòlè. ²⁹ Yé se pĩ tɛ nɛ wãh me tómm té. Té yé yĩne yè kè pĩ tɔlè nɛ, névi nê-à n ko tómm, Liyel pí-á těne.

3

¹ Yé náh we à, á tyí kah nɔ Sú Liyel tyí, f́óó à ále n ye n wěnpìle. Té Liyel wěnpì tē wo ye ntyínɔ ále ó. Té kèkōyó névyé-á pɪ Liyel pí-ńkēpúle sě, képah ye pè náh fě ápi to pĩ. ² N nénónó, Liyel wěnpì ye ále núkúnúkú, nte áyáh kɪ pɔ n pɪ n pi kwáh nēne n̄sōne, képah náh t̄ɔnì me wilki mɔ tē. Nte á pĩ ne Krista-à pɔ wil mɔ gbí nēne, áyáh kɪ à we wáh me òkù nēne. Képah ye, á kɪ me ñmɔ tyí kōle. ³ Névi nê gbò sàhnó-à me képah yō sɔkɔ Krista tyí, tē n̄ gbl̄oy t̄ɔ n sah yályál Liyel yah sɔkɔ, s̄ó-á Kristale yályál. ⁴ Névi nê-à tyípekèle n pɪ, tē me Liyel tyi k̄nsàhnó dèlle n pɪ. Tyípekè pínóle, Liyel tyi k̄nsàhnó dèl pínó ye kéle. ⁵ Nte yé pĩ ne Krista pónó yō-á pɪ tyípèl tēnyòhnóle névyé yō. Tyípekè náh me ñmɔ sɔkɔ pólle. ⁶ Névi nê-à me Krista tyí yō, tē náh tyípekèle n pɪ. Nte nê-à tyípekèle n pɪ, tē náh à we yah, à náh ñne n pne. ⁷ N wěnpì, yé káh ye ñn̄i yó n̄tē yé pilki. Névi nê-à n kɔ tómm, négbí ye tēne Krista tyí kōle. ⁸ Té névi nê-à tyípekèle n pɪ, sétàn yòtē tyí névi ye tēne. Yé náh we di, sétàn yòtēne, tyípekè pí-ò ye ñne tyi pól tyah gbí òkùle. Liyel Pídí-á pɔ tir nê yinne, sétàn yòtē tyípínì ykɪ yin ye. ⁹ Névi nê-à pɪ Liyel pile, Liyel pɪ òkù n ne n me tē sɔkɔ. Képah ye tē náh tyípekèle n pɪ. Wáh pɪ Liyel pile sě, à náh fě tyípekè pɪ n pi. ¹⁰ Liyel wěnpì ànê sétàn yòtē tyí-á n wah n pne wě sɔkɔ òkù nēne, kè we yò: Névi nê-à n kó-ńkēne tómm, Liyel tyí névi náh tēne. Névi nê to yúnpi tyí-à nó-ńkēne n tyí, Liyel tyí névi náh tēne.

Wě wró tyínɔnɔle

¹¹ Yé náh we di, yáh nê noh tyah gbí òkùle képah ye yò ne ńkē, áyáh yīne á ye á tyí nɔ wě tyí. ¹² Á ye káh pɪ Kayin tyí kōle. Sétàn yòtē tyí névi ye sò ñne. A n̄ gbēndí kɔ mɔ. Nte tir nê yin me à kɔ mɔ ñne? Ñmɔ tyípínó-á sò me kètúkùyô Liyel yah sɔkɔ té n̄ gbēndí tyíle palle, képah yō ye. ¹³ N yúnpyé, kèkōyó névyé-à yé dyɔle n yɔ, yé káh n ye kè pɪ gbēndùn̄ne yé tyí. ¹⁴ Ápi tē wɔle, á yúnpyé tyí-á nɔ á tyí sě, á pĩ ne áyáh tē syi te kũ gbò sɔkɔ, té min we. Nte tyínɔnɔ-à n kne névi nê sɔkɔ, ñmɔ me kũ gbò sɔkɔ. ¹⁵ Névi nê tē-à fyò n̄ yúnpi dyɔle n yɔ, nékókè mó-ò ye tēne. Té yé se mó t̄ɔ pĩ ne tyé-ńkē min náh me nékókè mó-ò yó n̄tē tyí té. ¹⁶ Yé yah, Krista-á n̄ min kō ápi yinne, képah sɔkɔ ye ápi me tyínɔnɔ òkù pĩ. Ápi to yīne à á min kō á yúnpyé yinne. ¹⁷ Nte kèkōyó tahrɪ-à me ñn̄i yó tyí, té à n̄ yúnpi yó we yām sɔkɔ té yahle n̄ yām yáhnóle, Liyel tyínɔnɔ náh me tē sɔkɔ. ¹⁸ N wěnpì, ápi tyínɔnɔ káh n pɪ wey ànê vyáhsesyírí ó sɔkɔ dé. Á tyípínó yīne kè kéle n wěkɪ kègbɪ tē yō.

¹⁹ Képah sɔkɔ ye á kɪ pĩ ne áyáh me gbɪ wěkì yō, ànê á nno kɪ me yinnóle Liyel yah sɔkɔ. ²⁰ Ápi nno-à s̄ó me lékàhle ále n kō s̄ó, Liyel nê-á gblò kal, ñmɔ tyi pólle n pne n kal ápi nnole. ²¹ N nénónó, á nno-à kɪ lékàhle ále n kō-ńkēne, tíkí náh á tē n pi Liyel yah sɔkɔ. ²² Té áyáh me n̄ tyi k̄nsàhnó wàlle n kɔ, té n̄ dyɔ yí tyile n pɪ, képah ye áyáh kwáhdúkú nē yah kō n̄ tyí, à kɪ kéle á kō. ²³ Wáh nê kō sah á kō képah ye yò ne ńkē, á sě pé Pídí Yesu Krista yin yō, á mó ye á tyí nɔ wě tyí s̄ó-á à kō sah kéle á kō. ²⁴ Névi nê-à Liyel tyi k̄nsàhnó wàlle n kɔ, tē kɪ me Liyel tyí yō, ànê Liyel kɪ me tēne. S̄ó-á á kɪ pɪ té kɪ pĩ ne Liyel-á me ále, n̄ Mirki gbò yō ye, wáh képah nēne á kō.

4

Liyel tyi wàhnp̄inɔle sépe tyí sɔkɔ

¹ N nénónó, névyé nónó-á ne Liyel Mirki gbò yõ-á pé n yo tyile, yé káh n sê pé pól yõ dé. Yé pé sohl n yah, yè ké gbì pĩ Liyel Mirki gbò yõ-à kɪ nê ntyínɔ pé n yo tyile. Yé náh we di, Liyel yĩn yõ m̀nyobe me t̃ɔ mɔ pí kèkõyó. ² Liyel Mirki-á n t̃ɛ nónó yahle, yáh ne pé pĩ n pi dukù ñene, kè we yò: Yáh névi nê we à me n yo ne Yesu Krista-á pɪ névile, Liyel Mirki ye n t̃ɛ t̃ɛ yahle. ³ Nte nê-à ne s̃ɛ náh, Liyel Mirki náh n t̃ɛ t̃ɛ wɔ yahle. Krista sépe m̀rki ye n t̃ɛ t̃ɛ yahle. Yé kè noh sah te ne, Krista sépe-á kɪ n pɔ n pi. Té nukúnúkú, à me te kèkõyó ñene.

⁴ Yépi wɔle ñ w̃npi, Liyel tyí névyé ye yéle. Ñ Mirki nê-á n t̃ɛ yé yahle, képah t̃ahkì kal sétàn yòt̃ɛ m̀rki tyíle, képah nê-á kèkõyó névyé yahle n t̃ɛ. Képah ye, yé t̃enwɛnɔ we Liyel yĩn yõ m̀nyobe yõ. ⁵ Pépile, kèkõyó tyí ye péle. Képah ye, pé pé tyile n yo à yĩne kèkõyó névyé tyi yo dukùle, té kèkõyó névyé n mó pé ñine n kwɔ pé tyí. ⁶ Nte ápi me Liyel tyí yõ. Névi nê-à Liyelle n pne, t̃ɛ ñ níki le n kwɔ ápi tyí. Té névi nê-à mé-ńk̃ene Liyel tyí yõ, t̃ɛ náh ñ níki le n kwɔ ápi tyí. S̃ent̃ɛ sɔkɔ ye Liyel Mirki nê-á névyéle n mɔ gbì w̃kì yõ, à n t̃ɛ n we ñne n wah sétàn yòt̃ɛ tyí sɔkɔ, ñmɔ nê tyí-á névyéle n pilki.

Tyínɔnɔ nê-á me Liyel sɔkɔ

⁷ Tyínɔnɔ n wil Liyel tyí. Tyínɔnɔ-à me névi nê sɔkɔ, Liyel pi ye t̃ene, ànê t̃ɛ Liyelle n pne. Képah ye ñ nénónó, á ye ye á tyí nɔ w̃ tyí. ⁸ Liyelle, tyínɔnɔ Liyel ye ñne. Képah ye, á náh f̃e n yo n pi ne wáh ñne n pne tyínɔnɔ k̃ene á sɔkɔ. ⁹ Yé yah, Liyel-á kè w̃kì dukù ñene ne á tyí-á nɔ pé tyí, kè we yò: Pi nukúní nê-á me ñ tyí, à à tekɪ mɔ kèkõyó, ápi k̃ɔ á kɪ min we ñmɔ gbò yõ. ¹⁰ Tyínɔnɔ-á ñene, kè we yò: Liyel tyí-á nɔ ápi tyí dukù ñene, képah náh tyínɔnɔ kègbule dé. Ápi tyí-á nɔ Liyel tyí nɔ dukù ñene, képah ye tyínɔnɔ kègbule. Yé náh we à ñ Pídí tekɪ mɔ à pɔ pɪ sárkále ápi tyíp̃el yõ n mɔ yĩne di? ¹¹ N nénónó, ápi tyí-á nɔ Liyel tyí s̃ɛ à, ápi tɔ yĩne á tyí nɔ w̃ tyí mó kè.

¹² Nñi yó ñt̃ɛ yí náh t̃ɛ yah Liyel yõ. Nte ápi tyí-à me nɔ w̃ tyí, á me ñ tyí yõ, ànê ñ tyínɔnɔ me ápi sɔkɔ yèsyìkì t̃ene.

¹³ Liyel-á ñ Mirkile á k̃ɔ, képah ye á k̃ɔ á pĩ ne áyáh me ñ tyí yõ, ànê wáh me ále. ¹⁴ Sú Liyel ye ñ Pídí tekɪ mɔ kèkõyó névyé pwah n mɔ yĩne. Ápi yí ye kè we, képah ye á k̃ɔ á kéle n yo n wah. ¹⁵ Névi nê t̃ɛ-à fyò yo ne ńk̃é Yesu-á Liyel Pídíne, Liyel me t̃ene, ànê t̃ɛ me Liyel tyí yõ. ¹⁶ Ápi tyí-á nɔ Liyel tyí dukù ñene, ápi t̃ɛ wɔ ye kéle n pne, ànê á s̃ɛ ké yõ. Liyelle, tyínɔnɔ Liyel ye ñne. Tyínɔnɔ-à me névi nê sɔkɔ, t̃ɛ wɔ me Liyel tyí yõ, ànê Liyel me t̃ene.

¹⁷ Tyínɔnɔ-à me yíí ápi sɔkɔ, á me á minne n pɪ kèkõyó Yesu Krista tyí k̃òle. Képah sɔkɔ, tíki náh á t̃ɛ n pi Liyel tukey tuke s̃òle. ¹⁸ Yé náh we di, Liyel tyínɔnɔ-à me névi nê sɔkɔ, tíki náh t̃ene n t̃ɛ. Té wáh me n s̃ò ne á tyíp̃el wɔ-á kɪ pɔ n de n pi á sɔkɔ, képah ye n pɔ n pɔ tíki le. Nte tyínɔnɔ kègbì wɔ tíki yahle n k̃ɔ. Tíki t̃ɛ-à fyò me névi ñene n t̃ɛ, tyínɔnɔ náh me yíí t̃ɛ sɔkɔ.

¹⁹ Liyel ñgbò ye ápi tyí nɔ ñ gbl̃y tyí, képah ye tyínɔnɔle ápi tɔ sɔkɔ. ²⁰ Névi nê-à ne Liyel tyí-á nɔ pé tyí, té mó t̃ɔ me ñ yúnpi yó dyɔle n yo, m̀nyo ye t̃ene. T̃ɛ yí-á me ñ yúnpi nê yõ, ñmɔ tyí-à ñ-ńk̃ene ñ tyí, s̃ɔ me Liyel tyí kɪ pɔ n nɔ ñ tyí, ñmɔ nê-á à náh à we yah? ²¹ Té Krista-á nê k̃ɔ sah á k̃ɔ, kè we yò ne ńk̃é, Liyel tyí-à me nɔ névi nê tyí, t̃ɛ yúnpi tɔ tyí-á yĩne kè nɔ ñ tyí.

5

Yõre nê-á n we Liyel Pídí yõ sě́nó gbò yõ

¹ Névi nê-à sě́ ké yõ ne Yesu-á Kristale, nê-á Liyel ney yáhntòkònlé, Liyel pi ye tēne. Té Sú Liyel tyí-à nò névi nê tyí, Liyel wěnpì tò tyí n nò tē tyí. ² Liyel tyí-à nò ápi tyí, té á me n tyi kònsàhnó wàlle n kò, kèpah sòkò ye á kú pĩ ne Liyel wěnpì tò tyí-á me nò á tyí. ³ Á náh we di, Liyel tyi kònsàhnó wàl kóló ye n wěkú kéle ne n tyí-á nò á tyí. Té n tyi kònsàhnó náh me táhnóle, ⁴ á pól-á sònpíle pĩ Liyel wěnpíle té n tē n pne kèkòyó tyí. Té tir nê-á á kò á n tē n pne kèkòyó tyí, á Yesu yõ sě́nó ye. ⁵ Nte nê n tē n pne kèkòyó tyí wé? Névi nê-á sě́ ké yõ ne Liyel Pídí-á Yesule, òmò ye.

Yesu Krista tyí yónwàhnóle ne Liyel Pídí-á òne

⁶ Yesu Krista ye pò wel wilki ni sòkò. Kèpah náh, à ko mò n tó kwe. Té à náh pò wel wilki ni ó sòkò dé, à ye pò wel wilki ni sòkò, té ko mò n tó kwe. Kéne tyino nínó ànê Liyel Mirki ye n yo n wah kéle. Yé náh we di, Liyel Mirki ye n wěkú gbíle gbímegbí. ⁷⁻⁸ Liyel Mirki-á nê yo, ànê ni-á nê wěkú, ànê tó-á nê wěkú, sépi tónó ye n yo n wah kéle. Té sé tónó pól me sah núkú ó yõ. ⁹ Névyé-á tyi nónó we té séle n yo n wah, áyàh me sépile n fě n syi à, nte Liyel tyi yónwàhnó náh fónfó névyé tyí yõ di? Té Liyel ye mó tó yo wah n Pídí tyíle. ¹⁰ Névi nê-à sě́ Liyel Pídí yõ, n tyí yónó mè ye tē tē sah n n sòkò. Nte nê-à sě́-ńkēne Liyel yõ, tē me Liyelle n pĩ m̀nyole, wàh sònpíle yahle sě́nóle Liyel tyíyóné mè yõ, wàh nê yo n Pídí tyí sòkò. ¹¹ Tyíyóné mè we yò ne, Liyel-á tyé-ńkē minne á kò, nê-á n we n Pídí gbò yõ sòkò. ¹² Névi nê-à me Pídí tyí yõ, kéne min me tē wò tyí. Nte nê-à mé-ńkēne n tyí yõ, min mè náh me tē tyí.

Tyé-ńkē min tyíle

¹³ Yépi nónó-á sě́ Liyel Pídí yõ, mé ye tyi nópíle n wārki n tekú n mò yé tyí, nê-á kú yé kò yé kú pĩ ne yáh tyé-ńkē min we. ¹⁴ Ápi sě́nyĩnó-á me Liyel yõ nê tyí sòkò kèpah ye yò ne ńkē, áyàh kwàh nēne n ni n tyí té kè me n dyò yĩne, ă nóhnó pĩ á tyí. ¹⁵ Té áyàh fyò kè pĩ ne wàh me nóhnóle n pĩ á tyí, á pĩ yĩ tòle ne, áyàh kwàh nê ni n tyí, ă kè we. ¹⁶ Nn̄i yó-à n yũnpi yó we à me tyípékèle n pĩ, nê-á kè náh névi min tyíle n yíkú Liyel yah sòkò, tē níri pĩ n tyí, Liyel kú tyé-ńkē minne tyípékè pí-ò mè kò, kàh me ne tyípékè nê-á à pĩ, kè náh névi min tyíle n yíkú Liyel yah sòkò. Té tyípékè yó me nê-á névi min tyíle n yíkú Liyel yah sòkò, kèpah dùkú tyí náh mé n yo ne yé níri n pĩ ké tyí sòkò dé. ¹⁷ Tyi nónó pól tē-à fyò me tyíknēn̄ne, tyípèl ye séle. Nte tyípèl pól náh névi min tyíle n yíkú Liyel yah sòkò.

¹⁸ Ápi pĩ ne névi nê-à pĩ Liyel píle, tē náh tó tyípékèle n pĩ. Liyel Pídí ńkēne ne me tē yòle n syíkú, kèpah ye pèkè pí-ò nê-á sètàn yòtēne, à náh fě tir yó pĩ n pi tē sòkò.

¹⁹ Ápi pĩ ne ápi-á me Liyel tyí yõ, té kèkòyó pól tē wòle, pèkè pí-ò mè me kèpahle n fne.

²⁰ Ápi tó pĩ ne Liyel Pídí-á pò, ànê wàh lékámne á kò á tē we Liyel yèsyìkùle n pne. Nmò Liyel nê-á yèsyìkùle, ápi wró me kwrónm̀onole òmòle n Pídí Yesu Krista gbò yõ. Nmò ye Liyel yèsyìkùle, ànê tyé-ńkē minne.

²¹ N wěnpì, yé yé gblòyne n tē sàh fálnó tyíle.

Nsyõ-á sébéy ní-ò nê wārki tekí mɔ

Sébéy-á tekí mɔ nê tyí à weyne à kɔ

¹ Nmɔ nê-á nédyâhle, nímɔ ye n tɔ sébéy mène pi tyí, nê-á Liyel yah tɔkɔ ànê n wěnpìle;* pépi nónó tyí-á nɔ yíí n tyí. Nte pé tyí náh nɔ nímɔ ó tyí dé. Nónó pól-á gbule n pne, pé tyí nɔ pépi tɔ tyí ² kéné gbí gbò yò, képah nê-á me ténóle ápi sɔkɔ, té kɔ n tẽ n pi á sɔkɔ tyé-ńkêne. ³ Sú Liyel ànê n Pídí Yesu Krista kɔ yòbènrɔ pi á tyí, té kɔ á yãm yah, té kɔ yèvinine á kɔ, nê-á kɔ á kɔ á kɔ tẽ gbí wěkì yò ànê tyínɔnɔ sɔkɔ.

Kólóle gbí ànê tyínɔnɔ wěkì yò

⁴ Kè pi nìvìnì ñgběne nímɔ tyí, máh kè kyɔmɔ we ne áwɔ wěnpì túkù-á me n kɔ gbí wěkì yò, à yĩne Sú Liyel-á kè kɔ sah ápi tyí sɔ. ⁵ Pi, máh me nêne n kɔ n sah á tyí núkúnúkú, képah ye yò: Yé ye á tyí nɔ wě tyí. Tir kònsàhnó késán náh kéle mé n wārki n tekí n mɔ á tyí dé. Nê-á me ápi tyí tyah gbí òkùle képah ye. ⁶ Tyínɔnɔle, Liyel tyi kònsàhnó wàl kóló ye kéle. Tir kònsàhnó mè tyí ye yo yé tyí tyah gbí òkùle ne, yé yé minne n pi tyínɔnɔ sɔkɔ.

⁷ Névyé náhnáh me wil kwe kèkōyó pól sɔkɔ, nónó-á me névyéle n mɔ pílkinó wàl yò sɔkɔ. Pépi náh me kè fě syi ne Yesu Krista-á pi névile kègbí yò sɔkɔ. Té yah, sěntě névile, névyé pílki-ò ànê Krista sépe ye tēne. ⁸ Káh pi sě, yé yé gblǒyne n kyɔmɔ, yé káh pɔ tekí yé tò pínó† yòre sɔkɔ. Yé yĩne yé ké yòre we n yíí. ⁹ Krista-á kwónó nê kɔ, névi nê-à n kó-ńkêne képah wěkì yò, té kè fin mɔ, tẽ wró me gbékínóle Liyelle. Nte névi nê-à n kɔ Krista kwónó mè wěkì yò, tẽ wró me télnóle Sú Liyel ànê n Pídíne. ¹⁰ Nnî yó-à pɔ yé tĩnne, té n kwónó me ké tyíle, yé káh fě syi tẽ twah yé tyí. Yé káh wèkì n tyí pólle. ¹¹ Névi nê-à wèkì tẽ tyí, tẽ tɔ vyáh me n tyítúkúnì nòpi pínó sɔkɔ. ¹² Tyi náhnáh me n tyí yo yo tēne yé tyí, ñte mé náh me ké tyí ne mé sè wārki n tekí n mɔ yé tyí sébéy sɔkɔ. Mé me n yah n kɔ ne mé pɔ n wil yé tyí, mé mó sè yo yé tyí vyáhle. Képah sɔkɔ, ápi nìvìnì kɔ syi ké yĩn tyí. ¹³ Pi nê-á Liyel yah tɔkɔ ásô, n wěnpì n wèkì á tyí.

* **1:1** 1.1 - Nédyáh nê tyí-á n yo ásô sɔkɔ yò, Nsyõ ye. Té pi nê wɔ tyí-á n yo ásô, Yesu yò sěpú tĩnkì ye. † **1:8** 1.8 - «Yé tò pínó» nê tyí-á n yo yò, tókù ne: «Á tò pínó-á».

Nsyõ-á sébéy tǒ-ò nê wārki tekɪ mɔ

Sébéy-á tekɪ mɔ nê tyí à weyne à kǒ

¹ Nmɔ nê-á nédyâhle, nmɔ ye n tekɪ n mɔ sébéyne ní nénóní Kayusi tyí, nmɔ nê tyí-á nɔ ní tyí kègbɪ yǒ. ² N nénóní, mé me ké tyí ne á tyí pól ne n pekɪ, á mó ne n me lenɔ sɔkɔ palle, sǒ-á á min pɪ dùkùle palle Liyel yah sɔkɔ.

³ N yúnpyé yísyó pɔ yo ní tyí ne, áwɔ-á me gbɪ koh tǔ yǐn, té me n kɔ képah wǔkì yǒ. Képah ní nɪ vɪ kègbɪle. ⁴ Mâh n nohnɪ ne ní wǔnpì-á me n kɔ gbɪ wǔkì yǒ, tir yó nǔtǔ nâh ní nɪle n vɪ n nɔ képahle.

Kayusi ànê Nìvìnì tir yónkǒpu tyí yónóle

⁵ N nénóní, á me ápi yúnpyé Yesu yǒ sǔpúle n tǔ ple, wâh nónónɛ n pne ànê á nâh nónó nǔtǔne n pne. Á me n pɪ ple. ⁶ Tyínɔnɔ nê-á me á sɔkɔ, pè ye ké dùkù yo Yesu yǒ sǔpú tǔnkì yǐ yah. Mé kéle n yah n kǒ á tyí ne, á yòhnɪnmɔnɔ pɪ pé tyí pé kóló yǐnne à yǐne kâh yǐne kè ne n pɪ sǒ Liyel wǔkì sɔkɔ. ⁷ Á nâh we di, Yesu Krista yǐn ye pè n kɔ kóló mènɛ, té pè nâh fǔ syi Yesu yǒ sǔ-ńkǔpú yòhnɪnmɔnɔ yó nǔtǔ syi. ⁸ Kâh pɪ sǔ, ápi ye yǐne à so mɔ sǔnkɔ névye tyí tǔ mè sɔkɔ, á tǔɔ pɪ tǔ núkú pípúle péle, à gbɪ wǔkìle névyele n wǔkì.

Dyotrefi ànê Demetriyusi tyípínine

⁹ Mé vyâh wey kwéy yó tɔ wārki tekɪ mɔ Yesu yǒ sǔpú tǔnkì tyí. Nte Dyotrefi nâh me n sah ní tyí yǒ, nmɔ nê-á me n yah n kǒ pí-ńsahle tyi yah tǔ-òle kǔrkǔr. ¹⁰ Képah ye, mâh pɔ pɔ yé tǔnne, wâh me nêne n pɪ ápi tyí á tyí yónyɪkɪnɔ sɔkɔ, mé kɪ sé pól yo wah yé syah. Té à nâh me yǐn képah ó tyí dé, à nâh me n fǔ n syi á yúnpyé Yesu yǒ sǔpú wǔkòbɪ me n twah n tyí. Té nónó-à se tǔ ne pé péle n swah n syi, á pé yah kǒ ké pínóle, n té pè yǐni n wilki Yesu yǒ sǔpú tǔnkì sɔkɔ. ¹¹ N nénóní Kayusi, kâh pèkè pínóle n yah n pɪ, nte pèpɛy wɔ pínóle n yah n pɪ. Nê-à pèpɛyne n pɪ, Liyel tyí névi ye tǔne. Té nê-à pèkèle n pɪ, tǔ nâh Liyelle n pne. ¹² Demetriyusi tǔ wɔle, no pól me nmɔ yǐgbúle n yo. Gbɪ wǔkì nê tɔ-á à n kɔ, yǐn pèpɛy ye ké tole n tyí. Ápi tɔ me n yǐgbúle n yo, té áwɔ pǐ ne nê-á ápi n yo, gbɪ-á kéle.

Wey tyé-ńsahle

¹³ Tyi nâhnâh me ní tyí yo yo tǔne á tyí, té mé nâh me ké tyí ne mé sè wārki n tekɪ n mɔ á tyí sébéy sɔkɔ. ¹⁴ Mé me n yah n kǒ ne mé n we kè kâh tǔ n mo. Áyâh pɔ wǔ we, á kɪ yâh sé tyí yǒ vyâhle. ¹⁵ Mé kéle n yah n kǒ Liyel tyí ne à yèvinɪne n kǒ.

Á kódíbí n wekɪ á tyí. Wekɪ ápi tɔ kódíbí tyí á kǒ pé nénúkù núkú pólle.